

হাকিকাত কিতাবেভি প্রকাশনা নং: ৫

# মুসলিমদের প্রতি হিতোপদেশ

হুসাইন হিলমি ইশিক



## মুখবন্ধ

মহান আল্লাহ তায়ালা নামে আমি ‘মুসলিমদের প্রতি হিতোপদেশ’ (Advice for the Muslim) গ্রন্থটি লেখা শুরু করছি। আল্লাহ পাক তাঁর সৃষ্টির প্রতি দয়াপরবশ হয়ে প্রয়োজনীয় বস্তুগুলো সৃষ্টি করেন। আখেরাতে ফাসিক [পাপী] মুসলমানদের মধ্যে যাদের পছন্দ করবেন তাদেরকেই তিনি ক্ষমা করে বেহেশতে প্রবিষ্ট করাবেন। তিনিই সকল বস্তু সৃষ্টি করেন এবং সকল সৃষ্টিকে বিপদ-আপদে রক্ষা করেন। তাঁর শ্রেষ্ঠতম নবী ও প্রিয় হাবীব হযরত মোহাম্মদ মুস্তফা সাল্লাল্লাহু আলাইহি ওয়া সাল্লাম-এর প্রতি জানাই শত-সহস্র সালাত-সালাম। হুজুর ﷺ -এর প্রকৃত সাহাবায়ে কেলাম এবং আহলুল বায়তের প্রতিও রইল সালাত-সালাম।

আল্লাহ তায়ালা সমগ্র জাহানের প্রতিপালক। তিনি জীবিত ও জড় সকল বস্তুকে সুপরিকল্পিতভাবে নিয়ম-শৃঙ্খলাবদ্ধ এবং উপকারী করে সৃষ্টি করেছেন। তাঁর সিফাত (গুণ) – খালেক, বারী, বাদি, মুসাব্বির ও হাকিম-এর কারণে তিনি সকল সৃষ্টিকে সুশৃঙ্খল এবং সুন্দরভাবে সৃজন করেছেন। এদের মধ্যে তিনি একটি পারস্পরিক সম্পর্ক স্থাপন করে দিয়েছেন যাতে সৃষ্টিসমূহ সুশৃঙ্খল ও সুন্দরভাবে বিরাজ করতে পারে। তিনি এদের পরস্পরকে পরস্পরের জন্যে ওসীলা, মাধ্যম, কারণ হিসেবে সৃষ্টি করেছেন যাতে এরা বিরাজ করতে পারে। এদের এই সম্পর্ককে আমরা প্রাকৃতিক ঘটনাবলী, পদার্থ ও রাসায়নিক নিয়ম, সৌরবিদ্যার সূত্র, শারীরিক প্রক্রিয়া ইত্যাদি নামকরণ করে থাকি। আল্লাহ তা’আলার সৃজিত বস্তুসমূহের আকার-আকৃতি, পরিসংখ্যান এবং পারস্পরিক সম্পর্ক ও ক্রিয়া-প্রক্রিয়া সম্পর্কে অনুসন্ধান চালিয়ে তার থেকে উপকার আদায় করে থাকে বিজ্ঞান।

আল্লাহ পাক সকল বস্তুকে সুপরিকল্পিত ও সুশৃঙ্খল হবার ইচ্ছা (ইচ্ছা ) করেছিলেন এবং তিনি তাঁর ইচ্ছা অনুযায়ী সৃষ্টি করেছিলেন। তিনি বস্তু এবং শক্তিকে তাঁর সৃষ্টি প্রক্রিয়ায় মাধ্যম ও কারণ হিসেবে সৃজন করেছেন। তিনি ইচ্ছা করেছিলেন মানুষকে সুশৃঙ্খল ও উপকারী হবার জন্যে এবং মানব জাতির ইচ্ছা শক্তিকে এর কারণ ও মাধ্যম হিসেবে সৃষ্টি করেছিলেন। যখন মানুষ কোনো কিছু করতে চায়, তখন আল্লাহ তা’আলা ইচ্ছা করলে তা সৃষ্টি করে দেন। মানুষকে ভালো, সঠিক ও উপকারী হবার ইচ্ছা পোষণ করতে হয়, যাতে তাদের ব্যক্তিগত এবং সামাজিক জীবন সুশৃঙ্খল থাকে। আল্লাহ পাক মানুষের মধ্যে বুদ্ধি (আকল) দিয়েছেন যাতে তাদের ইচ্ছা ভালো হয়। আকল এমন একটা ক্ষমতা যা ভালো-মন্দের পার্থক্য নির্ণয় করতে পারে। যেহেতু মানুষের বহু প্রয়োজন রয়েছে এবং এ প্রয়োজন মেটানো তাদের জন্যে অপরিহার্য, সেহেতু মানুষের অন্তর্গত নফস (কুপ্রবৃত্তি) এগুলো মেটাবার ছল করে আকলকে ধোকা দেয়। এটা ক্ষতিকর বস্তুকেও আকলের সামনে সুন্দর ও ভালো জিনিস হিসেবে উপস্থাপন করে থাকে।

আল্লাহ তা’আলা তাঁর বান্দাদের প্রতি দয়াবান হয়ে তাঁরই মনোনীত নবীগণের কাছে ফেরেশতা মারফত শরীয়ত নামক জ্ঞান প্রেরণ করেছেন। পয়গম্বরবৃন্দ এ সকল শরীয়ত বান্দাদেরকে শিক্ষা দিয়েছেন। সর্বশ্রেষ্ঠ নবী হযরত মুহাম্মদ মোস্তফা সাল্লাল্লাহু আলাইহি ওয়া সাল্লাম-এর শরীয়ত ভালো-মন্দের পার্থক্য নির্ণয় করে আমাদেরকে ভালো ও উপকারী কর্ম সম্পাদনের সদিচ্ছাপোষণ করার আদেশ করে।

তবুও নফস্ মানুষকে প্রবঞ্চিত করে এবং শরীয়ত অমান্য করার প্ররোচনা দিতে থাকে। এমন কি তা শরীয়তের পরিবর্তন, বিশেষ করে ঈমানের ক্ষেত্রে পরিবর্তন সাধন করতে চায়! আল্লাহর নবী হুজুর পূর নূর ﷺ ভবিষ্যদ্বাণী করেছিলেন যে মুসলমান জাতির মধ্যে কেউ কেউ নফসকে অনুসরণ করে শরীয়তকে পরিবর্তন করতে চেষ্টা করবে। হুজুর ﷺ বলেন, “আমার উম্মত তেহাত্তরটি দলে বিভক্ত হবে; শুধু একটি দল বেহেশতে প্রবেশাধিকার পাবে”। ভ্রান্ত বিশ্বাস বা আকিদার জন্যে দোযখগামী বাহাত্তরটি দলের আবির্ভাব ঘটেছে। আমার Endless Bliss গ্রন্থে তাদের সম্পর্কে বিস্তারিত বিবরণ দিয়েছি। ভ্রান্ত দলগুলোর অন্যতম হচ্ছে ওহাবী সম্প্রদায়।

ওহাবী মতবাদের প্রতিষ্ঠাতা মোহাম্মদ ইবনে আবদুল ওয়াহহাব নজদী। সে ‘কিতাবুত্ তওহীদ’ নামক একটি বই লিখে। তার পৌত্র সুলাইমান ইবনে আবদিব্লাহ্ বইটির ওপর আরেকটি ব্যাখ্যামূলক পুস্তক প্রণয়ন করার পূর্বেই সুন্নী গর্ভণর ইব্রাহীম পাশার সৈন্যদের হাতে প্রাণ হারায়। কিন্তু তার দ্বিতীয় পৌত্র আবদুর রহমান ইবনে হাসান বইটি সমাপ্ত করে নাম রাখে ‘ফাতহ আল মজিদ’। মোহাম্মদ হামিদ নামের মিশরীয় এক ওয়াহাবী বইটির সপ্তম প্রকাশনায় আত্মনিয়োগ করে এবং ১৯৫৭ ইং সালে তা প্রকাশ করে। বইটিতে মক্কার প্রাক-ইসলামী যুগের কাফেরদের প্রতি অবতীর্ণকৃত আয়াতসমূহ মুসলমানদের ওপর চাপিয়ে দিয়ে তাঁদেরকে মুশরিক আখ্যায়িত করা হয়েছে।

‘ওহাবীদের প্রতি হিতবানী ’ বইটি বিন্যস্ত করার সময় আমি আরেকটি ওহাবী পুস্তক পাই। বইটির নাম ‘জওয়াব-এ-নোমান’। এই দুইটি ওহাবী পুস্তকের খণ্ডনে আমি ‘ওহাবীদের প্রতি নসিহত’ কিতাবটি প্রণয়ন করেছি। এর দুইটি অংশ রয়েছে। প্রথম খণ্ড ‘ফাতহ আল মাজিদ’ ও ‘জওয়াব-এ-নোমান’ থেকে ভ্রান্ত উদ্ধৃতিসমূহ পেশ করে আহলে সুন্নাতের পক্ষ থেকে জবাব দেয়া হয়েছে। দ্বিতীয় খণ্ড ওয়াহাবীদের ইতিহাস নিয়ে ব্যাপ্ত।

আল্লাহ পাক মুসলমানদেরকে ওয়াহাবীদের অনিষ্টতা থেকে রক্ষা করুন। আর যারা ক্ষতিগ্রস্ত হয়েছে তাদেরকে আবার সত্য, সঠিক পথে পরিচালিত করুন, আমিন।

### হুসাইন হিলমী ইসিক

এম,এস,সি, রসায়ন-কৌশল

ফার্মাসিস্ট এবং অবসরপ্রাপ্ত শিক্ষক-কর্নেল (তুর্কী সেনাবাহিনী)

১লা জমাদিউল আউয়াল, ১৪০৩ হিজরী/

১৪ই ফেব্রুয়ারি, ১৯৮৩ ঈসাক

## সূচিপত্র

### প্রথমখণ্ড

- ১) তাসাউফ ও মুতাসাওয়ীফ- মাকতুবাত-এ-ইমাম-এ-রব্বানী
- ২) ইবাদত মূল ঈমানের অন্তর্ভুক্ত নয়: কাসিদা-এ-আমালী ও হাদিকা
- ৩) নবী ও বুয়ূর্গ মুসলমানদের কাছে সাহায্য প্রার্থনা
- ৪) মুসলমানগণ কি ওলীদের অর্চনা করেন? : আল উসুল আল আরবায়ী
- ৫) মুসলমানগণ কি মাযার পূজো করেন ? : আস-সাওয়াইক আল-ইলাহিয়া
- ৬) নবী ﷺ ভিন্ন অন্য কারও কাছ থেকে অনুগ্রহ লাভ করা....
- ৭) তাসাউফের উৎস : মাকতুবাত-এ-ইমাম মাসুম ফারুকী
- ৮) বেসালপ্রাপ্ত (পরলোকগত) ওলীগণের রুহ মোবারক
- ৯) নবী পাক ﷺ-এর প্রশংসা এবং সাহায্য প্রার্থনা : মিরাত আল্ মদীনা
- ১০) বেসালপ্রাপ্তদের শাফায়াত
- ১১) আহমদ বাদাওয়ীকে কি দেবতা বানানো হয়েছে ?
- ১২) হুজুর ﷺ এবং তাঁর সাহাবায়ে কেরাম
- ১৩) কাসিদা-এ-বুরদা সম্পর্কে — মাসুম ফারুকী কৃত মাকতুবাত
- ১৪) কবর কি ধ্বংস করা উচিত ? ইবনে হাজার হায়তামী কৃত যওয়াজীর।
- ১৫) মসজিদ-এ-নববীতে প্রবেশ করে রওয়া শরীফ যিয়ারত না করা : মিরাত আল্ মদীনা
- ১৬) নবী কারীম ﷺ-এর প্রতি প্রেরিত দরুদ
- ১৭) ওলীগণ সাহায্য প্রদানে সক্ষম — আল্ হাদিস আল্ আরবায়ীন: প্রণেতা- আল্লামা আহমদ ইবনে কামাল আফেন্দী
- ১৮) ওলীগণের কারামত (অলৌকিক ক্ষমতা) — ইমামে রব্বানী রচিত মাকতুবাত এবং ইমাম কসতলানী রচিত আল্ মাওয়াহীব
- ১৯) ওলীগণ কারামতের প্রদর্শনী দেন না - ইমাম মাসুম ফারুকী প্রণীত মাকতুবাত
- ২০) পাক আয়াত - "আল্লাহ এবং বিশ্বাসীরা আপনার জন্যে যথেষ্ট" : আল্ বারিকা
- ২১) মাযহাবের ইমামগণের অনুসরণ: তরুদ
- ২২) কারও কাছ থেকে কোনো কিছু প্রত্যাশা করা - আল হাদিকা
- ২৩) আহলে সুন্নাত এবং কাসিদায়ে বুরদা
- ২৪) বেসালপ্রাপ্ত এবং অনুপস্থিত জন - মিনহাতুল ওয়াহবীয়া
- ২৫) ওহাবীদের ইজতেহাদ
- ২৬) যিয়ারতে কুবুর : রাবিতা-এ-শরীফা
- ২৭) হুজুর পূর নূর ﷺ দরুদ (উম্মতের পঠিত দরুদ) শুনতে পান

- ২৮) সাহাবা-এ-কেরাম ও তাবেরীয়ীগণের শ্রেষ্ঠত্ব  
 ২৯) জীবিত ও বেসালপ্রাপ্তদের থেকে সাহায্য প্রার্থনা করা : মারাক্ক আল ফালাহ্ এবং যওয়াজীর  
 ৩০) বেসালপ্রাপ্তদের জন্যে মানত করা ও জন্তু-জানোয়ার জবাই: আশাদ্দুল জিহাদ  
 ৩১) ওহাবী মতবাদের প্রতি ফতোয়া : আশাদ্দুল যুদ্ধ  
 ৩২) জওয়াব-এ-নোমান পুস্তকের খণ্ডন-মাকতুবাৎ : মা'সুম ফারুকী  
 ৩৩) তাসাউফ ও তরীকত নব-আবিষ্কৃত নয়; বরঞ্চ তা শরীয়তেই আদিষ্ট হয়েছে — ইরশাদুত তালেবীন  
 ৩৪) তাসাউফ ও কারামতে অবিশ্বাসীদের প্রতি - হাদিকা  
 ৩৫) যে যাকে ভালোবাসে আখেরাতে সে তার সঙ্গে থাকবে- হাদিকা

## দ্বিতীয়খণ্ড

- ৩৬) ওহাবী মতবাদের উৎস  
 ৩৭) ওহাবীদের প্রথম প্রচার মিশন  
 ৩৮) তায়েফবাসী মুসলমানদের জান-মাল হরণ  
 ৩৯) মক্কা মোয়াযযমাতে ওহাবীদের অত্যাচার  
 ৪০) মদীনা মনোয়ারায় ওহাবীরা  
 ৪১) পবিত্র নগরীসমূহ থেকে দস্যুদের বিতাড়ন  
 ৪২) বিতাড়নের পর আহলে সুন্নতের উলামাবন্দ কর্তৃক মহামূল্যবান পুস্তক প্রণয়ন

## ওহাবীদের প্রতি উপদেশবাণী

### প্রথম খণ্ড (ওহাবীদের গোমরাহী ও আহলে সুন্নতের বিদ্বানগণ কর্তৃক তার খণ্ডন)

আলহামদু লিল্লাহ! যদি কোনো ব্যক্তির যে কোনো পদ্ধতিতে, যে কোনো স্থানে এবং যে কোনো সময়ে কাউকে ধন্যবাদ দিতে হয়, তবে তা একমাত্র আল্লাহ তা'আলাকেই দিতে হবে; কারণ তিনিই একমাত্র সৃষ্টিকর্তা যিনি সকল বস্তুকে আমাদের জন্যে সৃষ্টি করেছেন। একমাত্র তিনিই সকল শক্তি ও ক্ষমতার আধার। তিনি স্মরণ করিয়ে না দিলে কেউই ভালো অথবা খারাপ কাজ করতে পারে না। তাঁর ইচ্ছা ও ক্ষমতা প্রদান ছাড়া কেউই কারও ক্ষতি অথবা উপকার সাধন করতে পারে না। তাঁর ইচ্ছা হলেই মানুষ তার কাজক্ষিত বস্তু লাভ করে। আল্লাহ পাক যা আদেশ দেন তাই ঘটে। তাঁর দয়াপ্রাপ্ত বান্দাগণ যখন খারাপ কাজ করতে চান তখন তিনি তা সৃষ্টি করে দেন না। কিন্তু তাঁদের ভালো কাজ করার ইচ্ছাকে বাস্তবায়িত করে দেন। ওই ধরণের ব্যক্তিত্বদের কাছে থেকে সদা-সর্বদা ভালো কাজই সৃষ্টি হতে থাকে। উপরন্তু, যাদের ওপর তিনি রাগান্বিত, সেই সব শত্রুরা খারাপ ইচ্ছা পোষণ করলে আল্লাহ পাক তাদেরকে আরও খারাপের দিকে ঠেলে দেন। যেহেতু এ সকল লোকেরা ভালো কাজ করতে চায় না, সেহেতু তাদের থেকে শুধু খারাপ কাজই নিঃসৃত হতে থাকে। তার মানে মানুষ হচ্ছে মাধ্যম বা কারণস্বরূপ। তারা লেখকের হাতে কলমের মতো। শুধুমাত্র তাদের কাছে প্রদত্ত 'ইরাদাতে জুযিয়ৎ' তথা আংশিক স্বাধীন ইচ্ছার সাহায্যে তারা ভালো কাজ সংঘটনের অভিপ্রায় প্রকাশ করার দরুনই তাদেরকে সওয়াব দেয়া হবে, আর যারা খারাপ চাইবে তারা পাপিষ্ঠ/ফাসিক হবে! অতএব, আমাদের উচিত

আল্লাহ পাকের কাছ থেকে ভালো কাজ সৃষ্টির আশা করা। কোন্ জিনিস উপকারী তাও আমাদের শিক্ষা করা উচিত। ভালো এবং খারাপ সম্পর্কে জানতে হলে একমাত্র আহলে সুন্নাহের উলামাগণের বইপত্র পাঠ করেই তা আমরা জানতে পারি। ইসলামী উলামাগণ হচ্ছেন ভালো কাজের উৎস। তাঁরা ঘোষণা করেছেন যে ওহাবী মতবাদ ত্রুটিপূর্ণ। দলিল সহকারে উলামাগণ তা প্রমাণ করেছেন। এই সকল দলিলের পঁয়ত্রিশটি আমরা আমাদের গ্রন্থের এই পর্বে ব্যাখ্যা করবো।

১/ — ওহাবী পুস্তক 'ফাতহ আল মজিদে'র ৭৫ পৃষ্ঠায় লেখা আছে, “আবদুল ওয়াহাব আশ্ শারানী ও আহমদ তিজানীর বইপত্র এবং আবদুল আযিয আদ দাব্বাগ-এর কিতাব 'ইব্রিয়' মহা-শির্কে পরিপূর্ণ। এই শিরক আবু জেহেলের মত লোকেরাও ধারণা করতে পারেনি।” (ফাতহ আল মজিদ)

হযরত আহমদ তিজানী (রহ.), যিনি ১১৫০ হিঃ সালে আলজেীরিয়াতে জন্মগ্রহণ করেন এবং ১২৩০ হিজরী সালে মরোক্কোতে বেসালপ্রাপ্ত হন, তিনি ছিলেন তিজানীয়া তরীকার মুরশিদ। তিজানীয়া তরীকা খাল্ওয়াতিয়া তরীকারই একটি শাখা-বিশেষ। এই তরীকা সম্পর্কে লিখিত 'জওয়াহির-উল-মাআনি ফী ফয়যে শায়খে তিজানী' গ্রন্থটি সমধিক প্রসিদ্ধ। এ লোকটি লিখেছে যে, মানুষের মধ্যে উচ্চ মর্যাদাসম্পন্ন সুলাহাগণ (পূণ্যবান বান্দাগণ) ফেরেস্তাদের মধ্যে গণ্যমান্যদের চেয়েও শ্রেষ্ঠ এবং সে বিশ্বাস করে যে ফেরেস্তাগণ ক্ষমতাবান, অথচ এ কথা সে বিশ্বাস করে না যে আল্লাহ পাক তাঁর আউলিয়াকে কারামতস্বরূপ পরিচালনা (তাসাররুফ) ও প্রভাব বিস্তার (প্রভাব সৃষ্টি) করার ক্ষমতা প্রদান করেছেন। যাঁরা তাতে বিশ্বাসী তাঁদেরকে এই ওহাবী মতাবলম্বী ব্যক্তি মুশরিক (মূর্তি-পুজারী) আখ্যায়িত করেছে। উলামা-এ-ইসলাম মনে হয় আগেই জানতেন যে ওহাবীরা আগমন করবে, তাই তাঁরা ওহাবীদেরকে ভ্রান্ত প্রমাণার্থে বহু কিতাব প্রণয়ন করেন। মুহিউদ্দীন ইবনুল আরাবী (রহ.), সাদরুদ্দীন আল্ কনাবী (রহ.), জালালুদ্দীন রুমী (রহ.) ও সাইয়েদ আহমদ বাদাওরী (রহ.) এবং পূর্বোক্ত আউলিয়া-এ-কেরাম কারামতস্বরূপ বলেছিলেন যে ওহাবীরা আসবে এবং সঠিক পথ হতে বিচ্যুত হবে; তারা ধর্মের মধ্যে সংস্কার পেশ করবে। এই কারণেই ওহাবীরা আউলিয়া-এ-কেরামের বদনাম করে থাকে।

হযরত ইমাম-এ-রব্বানী আহমদ আল্-ফারুকী আস্-সিরহিন্দী (রহ.) তাঁর রচিত 'মাকতুবাতে শরীফের' দ্বিতীয় খণ্ডের ৫০নং মকতুবে (চিঠিতে) লিখেছেন: “ইসলামের একটি বাহ্যিক (বস্তনিষ্ঠ) এবং একটি গুপ্ত, (আধ্যাত্মিক) প্রকৃত অর্থ রয়েছে। ইসলামের যাহের (বাহ্যিকতা) হচ্ছে প্রথমত বিশ্বাস করা এবং পরবর্তী পর্যায়ে এর আদেশ-নিষেধ মান্য করা। শরীয়তের বস্তনিষ্ঠ (বাহ্যিক) অংশ অর্জনকারী ব্যক্তির 'নফস আল্-আস্মারা' (একগুঁয়ে সত্তা) এটাকে অস্বীকার ও অমান্য করতে চায়। এই লোকটির ঈমান (বিশ্বাস) হচ্ছে বাহ্যিক (বস্তনিষ্ঠ) ঈমান। তাঁর আদায়কৃত সালাতও সালাতের বাহ্যিক রূপমাত্র। তাঁর রোযা এবং অন্যান্য ইবাদতও একই পর্যায়েভুক্ত। এর কারণ হচ্ছে মানুষের অস্তিত্বের ভিত্তিই তার নফস আল্-আস্মারা। যখন সে বলে 'আমি' তখন সে বোঝায় তার নফসকে। অতএব, তার নফস ঈমান অর্জন করতে পারেনি। এই ধরণের লোকদের ঈমান ও ইবাদত কি প্রকৃত এবং সঠিক হতে পারে? যেহেতু আল্লাহ তায়ালা অত্যন্ত করুণাশীল, সেহেতু তিনি এই বাহ্যিক অর্জনকে কবুল করে নেন। তিনি ঘোষণা করেন যে, তিনি তাঁর সন্তুষ্টি অর্জনে সফল বান্দাদেরকে বেহেশতে প্রবেশাধিকার দেবেন। এটা তাঁর একটি অসীম দয়া যে তিনি অন্তরের ঈমানকে কবুল করে নিয়েছেন এবং শর্তারোপ করেননি যে নফসকেও ঈমান আনতে হবে। তবে বেহেশতের নেয়ামতেরও বাহ্যিক ও প্রকৃত মর্ম

রয়েছে। যারা শরিয়তের বাস্তব দিকটি অর্জন করতে সমর্থ হয়েছেন, তাঁরা বেহেশতের বাস্তব স্বাদ গ্রহণ করবেন। শরিয়তের বহির্ভাগ অর্জনকারী এবং বাস্তব দিক অর্জনকারী উভয়ই বেহেশতে একই ফল ভক্ষণ করবেন, কিন্তু ভিন্ন ভিন্ন স্বাদ পাবেন। রাসূলে কারীম ﷺ-এর বিবি সাহেবাগণ তাঁরই সঙ্গে বেহেশতে অবস্থান করবেন এবং একই ফল খাবেন, কিন্তু তাঁরা অন্য রকম স্বাদ পাবেন। যদি এটা ভিন্ন না হতো, তাহলে হুজুরের ﷺ বিবিগণ অবশ্যই সকল মানবের চেয়ে উচ্চ মর্যাদাসম্পন্ন হতেন এবং যেহেতু প্রত্যেক স্ত্রীলোক তাঁর স্বামীর সঙ্গে অবস্থান করবেন বেহেশতে, সেহেতু প্রত্যেক মহান ব্যক্তির (বিশুদ্ধ বান্দা) স্ত্রীকেও তাঁরই মত মহান হতে হতো।

”যে ব্যক্তি শরীয়তের বাহ্যিক দিক অর্জন করেছেন তিনি যদি তা মান্য করেন তবে পরকালে রক্ষা পাবেন। আরেক কথায়, তিনি সার্বিক (common) বেলায়াতের মর্যাদার অধিকারী; আর তা হলো- আল্লাহ তা’আলার সন্তুষ্টি ও ভালোবাসা। যাঁকে এই সম্মানে ভূষিত করা হয়েছে, তিনি তাসাউফের পথে সংযুক্ত হয়ে ‘বেলায়াত খাসসা’ নামক বিশেষ বেলায়াত পর্যন্ত উন্নীত হতে পারেন। তিনি তাঁর নফস-এ-আম্মারাকে ‘নফস আল মুতমাইন্না’ (প্রশান্ত সত্তা)-তে উন্নীত করতে পারবেন। একথা নিশ্চিতভাবে জ্ঞাত হওয়া উচিত যে, এই বেলায়াতের পথে অর্থাৎ শরিয়তের বাস্তবতা অর্জনের পথে উন্নতি করার উদ্দেশ্যে শরিয়তের বাহ্যিক দিকটি কোনোক্রমেই পরিহার করা চলবেনা।

”আল্লাহ তা’আলার নামের যিকরই কোনো ব্যক্তিকে তাসাউফের পথে উন্নতি করার জন্যে অত্যধিক সাহায্য করে। যিকরও শরীয়তে আদিষ্ট একটি ইবাদত। আয়াতসমূহে ও হাদিসে এটা পালনের আদেশ দেয়া হয়েছে এবং এর প্রশংসাও করা হয়েছে। তাসাউফের পথে উন্নতির জন্যে শরীয়তের নিষেধসমূহ এড়িয়ে চলা অপরিহার্য। ফরয পালন করলে এ পথে উন্নতি করা যায়। তাসাউফে জ্ঞানী মুরশিদ- যিনি সালেক (পথচারী) কে পথপ্রদর্শনে সক্ষম- তাঁর খোঁজ করার জন্যেও মানুষকে শরীয়তে আদেশ দেয়া হয়েছে। সুরাতুল মায়েদার ৩৮নং আয়াতে ঘোষিত হয়েছে, ‘আল্লাহর সন্তুষ্টি অর্জনের উদ্দেশ্যে ওসীলার তালাশ করো’। শরিয়তের বাহ্যিক বা প্রকাশ্য এবং প্রকৃত মর্মার্থ উভয়ই আল্লাহর সন্তুষ্টি অর্জনের জন্যে অত্যাৱশ্যিক। কারণ বেলায়াতের সকল পূর্ণতা ( মাহাত্ম্য/গুণাবলী) শরিয়তের বাহ্যিক অংশকে মান্য করেই অর্জন করা যায়। আর নবুয়তের গুণাবলী হচ্ছে শরীয়তের বাস্তবতা থেকে সৃষ্ট ফলসমূহ।

”বেলায়াতের দিকে অগ্রসরমান পথ হচ্ছে তাসাউফ। তাসাউফের পথে উন্নতি করতে হলে অবশ্যই আল্লাহ ভিন্ন অন্য সব জিনিসের ভালোবাসা হৃদয় থেকে বিদূরীত করতে হবে। যদি আল্লাহর রহমতে অন্তর (কলব) সকল বস্তুর ভালোবাসা থেকে মুক্ত হয়ে যায়, তবে ‘ফানা’-এর (আত্মবিলীন) উদ্ভব হয় এবং ‘সায়ের-এ-ইলাল্লাহ’ (আল্লাহর নৈকট্যের দিকে যাত্রা) পূর্ণ হয়। এর পর আরম্ভ হয় ‘সায়ের-এ-বিলাহ’-এর (আল্লাহর সাথে) যাত্রা, যার শেষ প্রান্তে রয়েছে কাক্বিত ‘বাকা’-এর (আল্লাহর সান্নিধ্যে অস্তিত্বশীল থাকার) মর্যাদা। ফলে শরিয়তের বাস্তব দিকটি অর্জিত হল। যে মহান ব্যক্তি এই মর্যাদা লাভে সমর্থ হলেন, তাঁকে বলা হয় ওলী। এ পর্যায়ে ‘নফস-এ-আম্মারা’ ‘মুতমাইন্না’-তে পরিণত হয়। নফস তখন কুফর (অবিশ্বাস) পরিত্যাগ করে কাযা ও কদরে (তকদীর/নিয়তিতে) আত্মসমর্পণ করে এবং আল্লাহকে সন্তুষ্ট করে চলে। নিজেকে নিজে বুঝতে আরম্ভ করে এটা। অহম ও ঔদ্ধত্যের ব্যাধি থেকে এটা তখন মুক্তি পায়। তাসাউফের অধিকাংশ গুরুজন বলেছেন যে,

প্রশান্ত হওয়ার পরও নফস আল্লাহকে অমান্য করার প্রবণতা থেকে মুক্ত হতে পারেনা। একটি গয্‌ওয়া (যুদ্ধ ) থেকে ফিরে হুজুর পাক ﷺ বলেছিলেন, 'আমরা ছোট যুদ্ধ থেকে ফিরলাম বড় যুদ্ধ -এর দিকে'। এই যুদ্ধ -এ- আকবরকে ব্যাখ্যা করা হয়েছে নফসের সঙ্গে যুদ্ধ হিসেবে। এই ফকির (ইমাম-এ-রব্বানী) কিন্তু ওই অর্থে ব্যাপারটিকে গ্রহণ করি না। আমি বলি নফস প্রশান্ত হওয়ার পর তার মধ্যে আর কোনো অমান্য করার প্রবণতা অথবা খারাপ কোনো কিছু অবশিষ্ট থাকেনা। অন্তরের মতো নফসও সবকিছু ভুলে গিয়ে সম্মুখে আল্লাহ ছাড়া আর কিছুই দেখেনা। উচ্চ পদমর্যাদা ও ধন-সম্পত্তির মিষ্ট এবং তিক্ত উভয় স্বাদের প্রতিই নফসের নির্লিপ্ততা তখন প্রকাশ পায়। এটা তখন দমিত এবং অনেকটা অস্তিত্বহীন হয়ে যায়। আল্লাহর জন্যে এটা নিজেকে কোরবানী করেছে। হাদীসটিতে উল্লিখিত 'যুদ্ধ ' বলতে সম্ভবত দেহের মধ্যে গঠিত উপাদানসমূহের পদার্থগত, রাসায়নিক ও জৈবিক কামনার বিরুদ্ধে সংগ্রামকে বুঝিয়েছে। 'শাহাওয়াৎ' অর্থাৎ কাম এবং 'গযব' অর্থাৎ ভয় ও সন্দেহ, উভয়ই বস্তুগত কামনা। জন্তু-জানোয়ারের নফস নেই, কিন্তু এই সকল ক্ষতিকর ইচ্ছা তাদের মধ্যেও বিরাজমান। দেহের মধ্যে এক ধরনের উপাদান থাকার ফলেই জন্তু-জানোয়ারের কাম, ক্রোধ ও সহজাত প্রবৃত্তিগুলো রয়েছে। মানুষদেরকে এ সকল প্রবৃত্তির বিরুদ্ধে যুদ্ধ করতে হবে। নফসের প্রশান্তি মানব জাতিকে এই সব প্রবৃত্তি থেকে রক্ষা করে না। এগুলোর বিরুদ্ধে যুদ্ধ অত্যন্ত উপকারী। এটা দেহকে পবিত্র হতে সহায়তা করে।

"কোনো ব্যক্তির নফস যখন দমিত হয়ে যায় তখনই তাঁর ভাগ্যে 'আল্-ইসলাম আল্-হাক্কিক্বি' (প্রকৃত ইসলাম) এসে যুক্ত হয়। তখনই প্রকৃত ঈমান অর্জিত হয়। এ সময়ে যে কোনো ধরনের ইবাদত পালনই একাগ্রচিত্তে হবে; সালাত, রোযা এবং হজ্জ সবগুলোই প্রকৃত মূল্যে পাওয়া যাবে।

"অতএব এটা পরিস্ফুট যে, তাসাউফ অথবা হাকিকত হচ্ছে শরীয়তের বাহ্যিক ও অভ্যন্তরীণ অংশের মধ্যে সংযোজক পথ-বিশেষ! যে ব্যক্তি 'বেলায়াত-এ-খাসসা' অর্জন করতে পারেনি, সে একজন 'মাজাহী' (রূপক) মুসলমান হওয়া থেকে নিস্তার পায়নি, অর্থাৎ সে প্রকৃত ইসলাম অর্জন করতে পারেনি।

"যে ব্যক্তি শরীয়তের বাস্তব দিকটি অর্জন করতে পেরেছেন এবং যাকে প্রকৃত ইসলাম অর্জনে সম্মানিত করা হয়েছে, তিনি এরপর নবুয়তের গুণাবলীতে অংশীদারিত্ব লাভ করতে শুরু করেন। হাদীসে ঘোষিত শুভসংবাদ 'ওলামা-এ-কেরাম নবীগণের ওয়ারিস বা উত্তরাধিকারী'-এর বিষয়বস্তুতে পরিণত হন তিনি। শরীয়তের বাহ্যিক অংশের ফল যেমন বেলায়াতের গুণাবলী (পূর্ণতা), ঠিক তেমনি শরীয়তের প্রকৃতাবস্থার ফল হচ্ছে নবুয়তের গুণাবলী। বেলায়াতের গুণাবলী হচ্ছে নবুয়তের গুণাবলীর বাহ্যিক রূপ।

"শরীয়তের যাহের ও বাতেন'র মধ্যে পার্থক্যের উৎস হচ্ছে নফস। আর বেলায়াত ও নবুয়তের গুণাবলীর মধ্যে পার্থক্যের উৎস দেহের উপাদানসমূহ। বেলায়াতের গুণাবলীর স্তরে উপাদানগুলো পদার্থগত, রাসায়নিক ও জৈবিক অংশকে মান্য করে; অতিরিক্ত শক্তি আধিক্যের কারণ হয়ে দাঁড়ায় এবং উপাদানগুলো খাদ্যের জন্যে কামনা করতে থাকে। এ সকল প্রয়োজন মেটানোর উদ্দেশ্যে হায়া-শরমহীন উদ্ভট কাজ-কারবার সংঘটিত হয়। নবুয়তের গুণাবলীর মধ্যে এ সব উদ্ভট কাজের অবসান ঘটে। 'আমার শয়তান মুসলমান হয়েছে' - হাদীসটিতে সম্ভবতঃ এ সচেতনতার অবস্থাটি প্রতিভাত হয়েছে, কারণ মানুষের বাইরে অবস্থিত একজন শয়তানের মতো

ভেতরেও একজন শয়তান অবস্থান করছে। অধিক শক্তি মানুষকে বিচ্যুত করে এবং দাস্তিক বানিয়ে দেয়, আর এটা বদ অভ্যাসগুলোর মধ্যে সবচেয়ে খারাপটা। এসব খারাপ দিক বর্জন করে নফস মুসলমান হয়ে যায়। নবুয়তের স্তরে অন্তর (ক্লব) এবং নফস উভয়ই ঈমানদার হয় এবং দেহের মধ্যস্থিত উপাদানসমূহেরও মার্জিত আচরণ পরিলক্ষিত হয়। দেহের মধ্যস্থিত উপাদান ও শক্তির সামঞ্জস্য বিধানের পরই নফস দমিত হয়ে যায়। প্রশান্ত হওয়ার পর এটা আর ক্ষতিকর হতে পারে না। এ সকল শ্রেষ্ঠ গুণ শরীয়তের ওপর প্রতিষ্ঠিত। একটা গাছ যতো শাখা-প্রশাখাই বিস্তার করুক না কেন এবং যতো সুস্বাদু ফলই দিক না কেন, সেটা মূলবিহীন হতে পারে না। প্রত্যেক গুণের জন্যে শরীয়ত অত্যাৱশ্যক” (মাকতুৱাত, দ্বিতীয় খণ্ড, পঞ্চাশ নং চিঠি)। অতএৱ এ কথা পরিস্ফুট যে ওয়াহাবীরা তাসাউফ সম্পর্কে একেবারে অজ্ঞ হয়েই ওলীগণের কুৎসা রটনা করে বেড়ায় এবং তাঁদেরকে শরীয়তবহির্ভূত আখ্যায়িত করে থাকে।

২। — উক্ত ওহাবী কর্তৃক লিখিত পুস্তকটির ৪৮ এবং ৩৪৮ নং পৃষ্ঠায় লেখা রয়েছে, “ইবাদত তথা আমল (সৎকর্ম) মূল ঈমানের অন্তর্ভুক্ত। ইবাদত করে না এমন ব্যক্তির ঈমান বিদূরীত হয়। ঈমান বৃদ্ধি অথবা হ্রাস পেতে পারে। আশ্ শাফেয়ী, আহমদ ইবনে হাম্বল এবং অন্যান্যরা সর্বসম্মতভাবে তাই বলেছেন” (ফাতহ আল্ মজিদ)।

ইবাদত যে একটি কর্তব্য তা বিশ্বাস করা ঈমানের অন্তর্ভুক্ত। কিন্তু বিশ্বাস ও কর্তব্য পালন দুইটি ভিন্ন বিষয়, যেগুলোকে তালগোল পাকিয়ে ফেলা মোটেই উচিত নয়। কোনো ব্যক্তি বিশ্বাস স্থাপন করে যদি আলস্যবশতঃ তাঁর বিশ্বাস মোতাবেক আমল না করে, তবে সে কাফেরে পরিণত হবে না। ওহাবীরা এ ব্যাপারটি বুঝতে না পেরে লক্ষ-কোটি মুসলমানকে কাফের ফতোয়া দিয়ে ফেলেছে। অথচ কেউ যদি কোনো মুসলমানকে কাফের আখ্যা দেয়, তা হলে সে নিজেই কাফেরে পরিণত হয়!

‘কাসিদা-এ আমলী’ পুস্তকের তেতাৱল্লিহতম পংক্তিটি বলে, “ফরয ইবাদত (মূল) ঈমানের অন্তর্ভুক্ত নয়”। হযরত ইমামে আ’যম আবু হানিফা (রহ.) ঘোষণা করেন যে, আমল (পুণ্যময় কর্ম) ঈমানের অংশ নয়। ঈমান অর্থ বিশ্বাস। বিশ্বাসের মধ্যে আধিক্য অথবা স্বল্পতা নেই। যদি ইবাদত ঈমানের অন্তর্ভুক্ত হতো, তাহলে ঈমান বৃদ্ধি বা হ্রাস পেতো। মৃত্যুকালে পর্দা ওঠে যাবার পর যদি আযাব দেখে ঈমান আনা হয়, তবে তা গ্রহণীয় হবে না। কিন্তু মৃত্যুকালে কেউ ঈমান আনলে সেটা গৃহীত হবে; যদিও ইবাদত তার পক্ষে সম্ভব হয়নি। আর এটাই হলো আযাতে উল্লিখিত ঈমান। বহু আযাতে ঈমানদারদেরকে ইবাদত পালন করতে আদেশ দেয়া হয়েছে। অতএৱ, ঈমান আমল থেকে পৃথক। উপরন্তু, কুরআনের আযাত – ‘যারা বিশ্বাস করো এবং যারা পুণ্যের কাজ করো’- পরিস্ফুট করে যে ঈমান ও ইবাদত একই বিষয় নয়। ‘ঈমানদার যারা পুণ্যের কাজ করে’- আযাতটি স্পষ্টই প্রতীয়মান করে যে আমল ঈমান থেকে ভিন্ন। কারণ কোনো কিছু আরোপের আঞ্জা এবং আরোপিত বিষয় এক হতে পারে না। বলা হয়েছে যে, কোনো ব্যক্তি যদি মৃত্যুর পূর্বে ঈমান আনে এবং আমল করার সময় না পায়, তবে তাকে ঈমানদার হিসেবে বিবেচনা করা হবে। হাদীসে জিবরাইল-এ ঘোষিত হয়েছে যে, ঈমান অর্থ বিশ্বাস।

ইমাম আহমদ বিন হাম্বল (রহ.), ইমাম শাফেয়ী (রহ.) ও বহু হাদীসবিদ ওলামা এবং আশআরী ও মুতাযিলা সম্প্রদায় বলেছেন যে, ইবাদত ঈমানের অঙ্গীভূত এবং এটা হ্রাস বা বৃদ্ধি পেতে পারে; এও বলেছেন যে ঈমান ও ইবাদত যদি ভিন্ন হতো, তবে নবীগণের ও ফাসিকদের (পাপী) ঈমানও একই (পর্যায়ের) হতো। তাঁরা বলেন যে 'আমার আয়াতগুলো শ্রবণের সঙ্গে সঙ্গে তাদের ঈমান বৃদ্ধি পায়'- আয়াতটি এবং 'ঈমান বৃদ্ধি পেলে এর অধিকারীকে বেহেশতে নিয়ে যায়, আর হ্রাস পেলে দোষণে'- হাদিসটি ঈমানের হ্রাস-বৃদ্ধিকে বোঝায়। এর বহুকাল পূর্বেই ইমাম আবু হানিফা (রহ.) ব্যাপারটির প্রত্যুত্তর দিয়েছেন। তিনি বলেছেন যে ঈমানের বৃদ্ধি মানে স্থায়িত্ব, দীর্ঘায়ু। ইমাম মালেক (রহ.)-ও একই কথা বলেছেন। ঈমানের প্রাচুর্যের মানে হচ্ছে- বিশ্বাস স্থাপনের বিষয়গুলোর বৃদ্ধি। উদাহরণস্বরূপ, সাহাবা-এ-কেরাম প্রাথমিক অবস্থায় অল্প কিছু বিষয়ে বিশ্বাস করেছেন, কিন্তু নতুন নতুন ঐশী আদেশের অবতরণের সাথে সাথে তাঁদের ঈমানও বৃদ্ধি পায়। কলবে (অন্তরে) নূরের (জ্যোতির) বৃদ্ধি হওয়াটাই হচ্ছে ঈমানের বৃদ্ধি। এ আলোকচ্ছটা ইবাদত করলে বৃদ্ধি পায় আর গুনাহ করলে হ্রাস পায়। এ ব্যাপারে বিস্তারিত বিবরণ রয়েছে 'শরহে মাওয়াক্কিফ' এবং 'জওহারাতুত্ তওহীদ' কিতাবগুলোতে। উলামা-এ-ইসলাম এই বিষয়ে বিস্তারিত ব্যাখ্যা লিপিবদ্ধ করে ওহাবী গোমরাহদের মুখ বন্ধ করে দিয়েছেন।

উক্ত ওহাবী কর্তৃক লিখিত পুস্তকটির ৯১ নং পৃষ্ঠায় লিপিবদ্ধ আছে, "একজন সাহাবী মদ্যপান বর্জন করেননি। তাঁকে শাস্তিস্বরূপ বেত্রাঘাত করা হয়; যখন কিছু সংখ্যক সাহাবা তাঁকে লা'নত (অভিসম্পাত) দেন। তখন হুজুর পাক ﷺ বলা করেন, 'তাকে লা'নত দেবে না। কারণ সে আল্লাহ তা'আলা ও তাঁর রাসূল ﷺ -কে ভালোবাসে (সহিহ বুখারী শরীফ, কিতাবুল হুদুদ অধ্যায়, হযরত উমর ইবনে খাত্তাব হতে বর্ণিত)।" (ফাতহ আল মজিদ)

এই ওহাবী মতাবলম্বী ব্যক্তিও স্বীকার করেছে যে কোনো ফাসিক-গুনাহগার মুসলমান তার ফিসকের (পাপ) জন্যে কাফের (অবিশ্বাসী) হয় না। এ হাদীস ওহাবীদের দাবিকে সমূলে উৎপাটিত করেছে। এটা আরও প্রমাণ করে, "যে ব্যক্তি যেনা করে না, সে চুরিও করে না"- হাদীসটা ঈমানকে নয়, বরং তার পরিপক্বতাকে ইশারা করে।

আল্লামা বিরগিউয়ীর লেখনী ব্যাখ্যাকালে হযরত আবদুল গনী আন-নাবলুসী (রহ.) তাঁর প্রণীত 'আল হাদিকা' গ্রন্থের ২৮১ নং পৃষ্ঠায় লিখেছেন, "হযরত মোহাম্মদ মোস্তফা সাল্লাল্লাহু আলাইহি ওয়া সাল্লাম কর্তৃক উন্মোচিত আল্লাহ পাকের জ্ঞানের প্রতি অন্তরের বিশ্বাস এবং জিহ্বা দ্বারা তা ঘোষণা করাই হচ্ছে ঈমান। এ জ্ঞানের প্রত্যেক অংশ অধ্যয়ন এবং উপলব্ধি করা আবশ্যিক নয়। মু'তাযিলা গোমরাহ সম্প্রদায় বলেছিল যে, বিশ্বাস করার পর উপলব্ধি করতে হবে। হযরত আইনী সহিহ বুখারী শরীফের ব্যাখ্যাকালে (শরহ) বলেন যে মুহাক্কিকিন তথা উলামা-এ-হক্কানী, যেমন, আবুল হাসান আল আশআরী (রহ.), কাযী আবদুল জব্বার, ওস্তাদ আবুল এসহাক্ক আল ইসফারাইনী, হুসেইন ইবনে ফযল প্রমুখ বলেছেন, 'ঈমান হচ্ছে সুস্পষ্টভাবে ঘোষিত বিষয়গুলোর প্রতি অন্তরের বিশ্বাস। জিহ্বা দ্বারা ঘোষণা করা অথবা ইবাদত করা ঈমান নয়'। হযরত সাদ-উদ্ দ্বীন তাফতযানীও তাঁর 'শরহে আক্বাইদ' গ্রন্থে এটা লিখেছেন এবং রেওয়ায়াত করেছেন যে শামস্ আল আয়েম্মা ও ফখরুল ইসলামের মতো উলামা এটাকে জিহ্বা দ্বারা ঘোষণা করা অপরিহার্য বলেছেন। অন্তরের ঈমানকে জিহ্বা দিয়ে সমর্থন করার কারণ হলো, এতে মুসলমানগণ একে অপরকে চিনতে পারেন সহজেই।

যে মুসলমান বলেন না যে তিনি মুসলমান, তিনিও মুসলমান বটে। অধিকাংশ উলামা, যেমন, ইমাম আবু হানিফা (রহ.) ও ইমাম মালেক (রহ.) বলেছেন যে আমল (মূল) ঈমানের অন্তর্ভুক্ত নয়। যদিও ইমাম আলী (রা.) ও ইমাম শাফেয়ী (রহ.) বলেছেন যে ঈমান হচ্ছে বিশ্বাস স্থাপন এবং তা জিহ্বা দ্বারা ঘোষণা ও ইবাদত পালন; তবুও বস্তুতঃ তাঁরা বুঝিয়েছেন ঈমানের পরিপক্বতা বা পূর্ণতাকে। এ কথা সর্বসম্মতভাবে ঘোষিত হয়েছে যে কোনো ব্যক্তি যদি তার অন্তরে ঈমানের উপস্থিতির কথা ঘোষণা করে, তবে সে মু'মিন (বিশ্বাসী)। কোনো আলেমই তাকে বিশ্বাসী আখ্যায়িত না করে থাকেন নি। সহিহ বুখারী শরীফের ব্যাখ্যায় হযরত আল্-কারমানী লিখেছেন, 'যদি ইবাদতকে (মূল) ঈমানের অন্তর্ভুক্ত বিবেচনা করা হতো, তবে ঈমান বৃদ্ধি বা হ্রাস পেতো। কিন্তু অন্তরের ঈমান হ্রাস বা বৃদ্ধি পায়না। যে বিশ্বাস হ্রাস বা বৃদ্ধি পায়, সেটা কোনো ঈমানই নয়; বরং সন্দেহ ও অনাস্ত্র।' ইমাম মুহিউদ্দীন ইয়াহইয়া আন্-নববী (রহ.) বলেন, 'বিশ্বাস স্থাপনের বিষয়গুলোর মাধ্যমসমূহ অধ্যয়ন এবং উপলব্ধি করাই হচ্ছে ঈমান। হযরত আবু বকর (রা.)-এর ঈমান অন্য লোকদের ঈমানের মতো না।' ইমাম নববীর এই বাক্যটি ঈমানের দৃঢ়তা অথবা দুর্বলতার দিকে ইঙ্গিত করে। এর মানে এই নয় যে, ঈমান বৃদ্ধি বা হ্রাস পায়। এটা অনেকটা একজন অসুস্থ লোকের সঙ্গে স্বাস্থ্যবান লোকের তুলনা দেয়ার মতোই ব্যাপার; তারা একই রকম শক্তিদ্বারা নয়, কিন্তু উভয়ই মানুষ এবং তাদের মানুষ হওয়ার গুণের মধ্যে কোনো হ্রাস বা বৃদ্ধি নেই। হযরত ইমাম আল-আযম আবু হানিফা (রহ.) ঈমানের গুণ বর্ণনাকারী আয়াত ও হাদীসগুলোকে নিম্নরূপ ব্যাখ্যা করেছেন: 'সাহাবা-এ-কেরাম ইসলাম গ্রহণের সময় সকল বিষয় বিশ্বাস করে নিয়েছিলেন। সময়ের বিবর্তনে পরবর্তীকালে আরও বহু বিষয় ফরয হয়ে যায়। তাঁরা এক এক করে সবগুলোকেই বিশ্বাস করে নেন। ফলে তাঁদের ঈমান ধীরে ধীরে বৃদ্ধি পায়। এটা শুধু সাহাবা-এ-কেরামের জন্যেই খাস (নির্দিষ্ট)। পরবর্তীকালে আগত মুসলমানদের জন্যে ঈমানের বৃদ্ধি চিন্তাই করা যায় না।' শরহে আক্বাইদ গ্রন্থে হযরত সাদ-উদ-দ্বীন তাফতযানী লিখেছেন: 'যারা অল্প জানে তাদেরকে সংক্ষিপ্তভাবে ঈমান আনতে হবে, আর যারা বিস্তারিত জানে তাদের জন্যে সেই অনুসারে বিশ্বাস স্থাপন করা অপরিহার্য। পূর্ববর্তীদের চেয়ে পরবর্তীদের ঈমান অবশ্যই বেশি। কিন্তু পূর্ববর্তীদের ঈমানও পরিপূর্ণ। তাদের ঈমান ত্রুটিযুক্ত নয়।' শরহে আক্বাইদ উদ্ধৃতি শেষ হলো। (আল্-হাদিকা, ২৮১ এবং পরবর্তী পৃষ্ঠাসমূহ)

হযরত আবদুল গণী নাবলুসী (রহ.) এরপর সিদ্ধান্ত টানেন: 'সংক্ষেপে, ঈমান নিজে নয়, বরং তার দৃঢ়তাই হ্রাস বা বৃদ্ধি পায়। অথবা যারা বলেছেন যে ইবাদত ও আমল ঈমানের অন্তর্ভুক্ত, তাঁরা আসলে ঈমানের পূর্ণতা বা মূল্যকে এর হ্রাস-বৃদ্ধির মর্মার্থস্বরূপ বুঝিয়েছেন। ঈমানের সিফাত (গুণ) বর্ণনাকারী আয়াত ও হাদীসগুলোর ব্যাখ্যা তা-ই করা হয়েছে। যেহেতু এটা এ রকম একটা বিষয় যেখানে ইজতেহাদ (গবেষণালব্ধ সিদ্ধান্ত) প্রয়োগ করা যায়, সেহেতু বিভিন্ন ধরণের ব্যাখ্যার আবির্ভাব ঘটেছে। কিন্তু কোনো ব্যাখ্যাকারী অপর কাউকে দোষারোপ করেননি।' অথচ ওহাবীরা ঘৃণ্য ঔদ্ধত্য দেখিয়ে এবাদতে বিশ্বাসী কিন্তু আলস্যবশতঃ আমল করতে অক্ষম মুসলমানদের কাফের ও মুশরিক ফাতোয়া দিচ্ছে। নাউযুবিল্লাহ!

হযরত হাদিমী (রহ.) তাঁর রচিত 'বারিকা' গ্রন্থে লিখেন: 'ইবাদত ঈমানের অন্তর্ভুক্ত নয়।' হযরত জালালুদ্দিন আদ-দাওয়ানী বলেছেন, 'মু'তযিলা সম্প্রদায় ইবাদতকে ঈমানের অংশ হিসেবে বিবেচনা করতো এবং বলতো- যে ইবাদত করে না এমন ব্যক্তিবর্গ বেঈমান (কাফের, অবিশ্বাসী)। ইবাদত ঈমানকে পরিপক্বতা ও সৌন্দর্য দান করে; সালাফ আস্-সালাহীন বলেছেন যে, ইবাদত একটি গাছের শাখা-প্রশাখার মতোই।' ইমাম আল্-আযম

আবু হানিফা (রহ.), ইমাম মালেক (রহ.), ইমাম আবু বকর রাযী (রহ.) এবং আরও বহু আলেম বলেছেন যে, এবাদতের মাধ্যমে ঈমান বৃদ্ধি অথবা পাপের (গুনাহ) মাধ্যমে ঈমান হ্রাস পায় না। কারণ ঈমান মানে পূর্ণাঙ্গ বিশ্বাস এবং তাই এটার কোনো হ্রাস-বৃদ্ধি নেই। কলবে (অন্তরে) ঈমানের বৃদ্ধি পাওয়ার মানে হলো -বিশ্বাসের সম্পূর্ণ বিপরীত- কুফরের হ্রাস পাওয়া, যেটা একেবারেই অসম্ভব। ইমাম শাফেয়ী (রহ.) ও ইমাম আশআরী (রহ.) বলেছেন যে ঈমান হ্রাস-বৃদ্ধি পায়। কিন্তু 'মাওয়াক্বিফ' গ্রন্থে ব্যাখ্যা করা হয়েছে যে তাঁরা এই মন্তব্য দ্বারা ঈমানের হ্রাস-বৃদ্ধিকে বোঝাননি, বরং ঈমানের শক্তি (দৃঢ়তা)-কে বুঝিয়েছেন। কারণ নবী (আ.) এর ঈমান ও তাঁর উম্মতের ঈমান এক নয়। যা শোনে তাতেই বিশ্বাস স্থাপনকারী ব্যক্তির ঈমান, জ্ঞান ও যুক্তি সহকারে বিচার-বিশ্লেষণকারী শ্রোতার ঈমান হতে সম্পূর্ণ ভিন্ন। কুরআনে লিপিবদ্ধ আছে যে, হযরত ইব্রাহীম (আ.) তাঁর কলবে 'ইতমিনান' (প্রশান্তি) অথবা 'ইয়াক্বিন' (দৃঢ় বিশ্বাস) অর্জন করতে চেয়েছিলেন। ইমাম আল-আযম আবু হানিফা (রহ.) তাঁর 'ফিকাহ-এ-আকবর' কিতাবে লিখেছেন, 'বিশ্বাস স্থাপনের বিষয়গুলোর ক্ষেত্রে আসমানের বাসিন্দা (ফেরেশতা) এবং পৃথিবীবাসীদের (মানব ও জ্বিন) ঈমান হ্রাস বা বৃদ্ধি পায় না; ইতমিনান কিংবা ইয়াক্বিনের ফলেই ঈমান বাড়ে বা কমে। আরেক কথায়, ঈমানের শক্তি হ্রাস বা বৃদ্ধি পায়; তবে ইয়াক্বিনবিহীন (শক্তিবহীন) ঈমান কোনো ঈমান নয়, বরং ধারণা অথবা সন্দেহ।' "ফিকাহ-এ-আকবরের উদ্ধৃতি শেষ হলো।" (হযরত হাদিমী: বারিক্বা)

'মাকতুবাৎ' গ্রন্থে ইমামে রব্বানী মুজাদ্দিদে আলফে সানী (রহ.) লিখেছেন, 'যেহেতু ঈমান হচ্ছে অন্তরের (কলবের) সম্মতি ও দৃঢ় বিশ্বাস, সেহেতু এর হ্রাস-বৃদ্ধি নেই। যে বিশ্বাস বাড়ে বা কমে সেটাকে ঈমান বলে না, বরং কল্পনা বলে। যখন কোনো ব্যক্তি ইবাদত ও আল্লাহ তা'আলার পছন্দকৃত আদেশসমূহ পালন করে, তখন তার ঈমান আলোকোজ্জ্বল (নূরানী) হয়ে ওঠে। আর যখন কোনো ব্যক্তি গুনাহ সংঘটন করে, তখন তার ঈমান নিস্প্রাণ ও অন্ধকারাচ্ছন্ন হয়ে যায়। অতএব, এবাদতের ফলে (ঈমানের) ওজ্জ্বল্যের পরিবর্তনই হচ্ছে হ্রাস বা বৃদ্ধি। ঈমানের নিজের মধ্যে কোনো হ্রাস-বৃদ্ধি নেই। কেউ কেউ বলেছেন যে, নূরানী (আলোকোজ্জ্বল) ঈমান অন্ধকারাচ্ছন্ন ঈমান থেকে বেশি এবং তারা অন্ধকারাচ্ছন্ন ঈমানকে ঈমান হিসেবে গণ্যই করেননি। তাঁরা কিছু মানুষের কম আলোকোজ্জ্বল ঈমানকে ঈমান হিসেবে বিবেচনা করেছেন, তবে বলেছেন যে এই ধরণের ঈমান অন্যদের ঈমানের চেয়ে কম – যেন এই দুই ধরণের ঈমান দুইটি আয়নার মতো, যেগুলোর ওজ্জ্বল্য দুইটি ভিন্ন পর্যায়ের এবং উজ্জ্বল আয়নাটি কম উজ্জ্বলটির চেয়ে পরিষ্কার প্রতিফলন ঘটাতে সক্ষম। আবার কেউ কেউ বলেন যে উভয় আয়নাই সমকক্ষ, তবে তাদের ওজ্জ্বল্য এবং প্রতিফলন, অর্থাৎ, তাদের উপাদান ভিন্ন। যাঁরা প্রথমোক্ত তুলনাটা দিয়েছেন, তাঁরা বাহ্যিক চাকচিক্যটাই দেখেছেন কিন্তু মূল বিষয়বস্তু উপলব্ধি করতে পারেন নি। 'আবু বকরের ঈমান আমার সকল উম্মতের ঈমানের চেয়ে ভারি'- হাদিসটি ওজ্জ্বল্যের দৃষ্টিকোণেরই তুলনামাত্র।' (ইমাম-এ-রাব্বানী আহমদ আল-ফারুকী আস-সিরহিন্দী : মাকতুবাৎ শরীফ)।

ওহাবী 'ফাতহ আল্ মজিদ' গ্রন্থটি একটি হাদীস উদ্ধৃত করে – 'কোনো মুসলমানের ঈমান সম্পূর্ণ হতে পারে না যদি সে আমাকে তার পিতা-মাতা, সন্তান-সন্ততি ও অন্যান্যদের চেয়ে বেশি ভালো না বাসে।' (হাদীস) – এবং তার পর লিখে, 'কলবের মধ্যে ভালোবাসা আছে। এটা কলবের একটা কাজ; সুতরাং এই হাদীসে প্রতিভাত হয় যে ইবাদত ও আমল ঈমানের অন্তর্ভুক্ত এবং ঈমানের পূর্বশর্ত।' (ফাতহ আল্-মজিদ)

ভালোবাসা কলবের (অন্তরের) কোনো কাজ নয়, বরং এটি সিন্ধাত (গুণ)। যদি তাকে আমরা একটি বারের জন্যে কাজ হিসেবে ধারণা করিও, তবুও এ কথা বলা যাবে না যে শরীরের সম্পাদিত কাজসমূহ অন্তরেরই কাজ। মহা-অপরাধীকে শাস্তি দেয়া হবে। কিন্তু যে ব্যক্তি সেই সব অপরাধ সংঘটনের ইচ্ছা মনে মনে পোষণ করে, তাকে শাস্তি দেয়া হবে না। সংক্ষেপে, অন্তরের ভালো কাজ হচ্ছে- ঈমান স্থাপন করা এবং খারাপ কাজ হচ্ছে- অশ্রদ্ধা (কুফর) করা অথবা বিশ্বাসবিহীন থাকা। অশ্রদ্ধা (কুফর) দেহের কোনো কাজ নয়। উদাহরণস্বরূপ, মিথ্যা কথা বলা হারাম (নিষিদ্ধ) এবং মিথ্যাবাদী একটি খারাপ কাজ সংঘটনকারী। কিন্তু সে কাফিরে রূপান্তরিত হবে না। তবে, মিথ্যাকে যে ব্যক্তি হারাম হিসেবে বিশ্বাস করবে না, সে কাফির হয়ে যাবে।

এই ওহাবী দাবি করে, ‘অন্তরের বিশ্বাস ও আমলের মাধ্যমে এবং জিহ্বা দ্বারা সমর্থন ও এবাদতের মাধ্যমে ঈমান খাঁটি হয়।’ কিন্তু ৩৩৯ পৃষ্ঠায় সে বলে, ‘যদি কেউ আল্লাহকে ভালোবাসে, তাহলে তাঁর অনুগত ও ভালোবাসাপ্রাপ্ত নবী-ওলীদেরও তার ভালোবাসা উচিত।’ (ফাতহ আল-মজিদ)

অতএব, আউলিয়া এবং মুরশিদদেরকে ভালোবাসা আল্লাহকেই ভালোবাসার চিহ্নমাত্র। যারা এভাবে ভালোবাসা প্রকাশ করে তাদের বিরুদ্ধে কিছু বলা তাহলে মোটেও যুক্তিসঙ্গত নয়। আল্লাহ পাক যাদেরকে ভালোবাসেন না; তাদেরকে ভালোবাসা হারাম ও কুফরী; আর তিনি যাঁদেরকে ভালোবাসেন তাঁদেরকে ভালোবাসা ঈমানের লক্ষণ এবং অত্যন্ত জরুরী দায়িত্ব বটে। এটাই হলো ‘আল হুবু ফিল্লাহ ওয়াল বুগদু ফিল্লাহ’ নামক ইবাদত। এই ইবাদতকে সর্বশ্রেষ্ঠ ইবাদত হিসেবে ঘোষণা করা হয়েছে। কাফির ও মুশরিকরা আল্লাহ তা’আলা ভিন্ন অন্য জিনিসকে ভালোবাসে। কিন্তু মুসলমানগণ যেহেতু আল্লাহ পাককে ভালোবাসেন, সেহেতু তাঁর ভালোবাসাপ্রাপ্ত নবী-ওলীদেরকেও তাঁরা ভালোবাসেন। ওহাবীরা এই দুই ধরনের ভালোবাসার মধ্যে তালগোল পাকিয়ে ফেলেছে। কাফিরদের ভালোবাসাকে তিরস্কারকারী আয়াতগুলো তারা মুসলমানদের ভালোবাসার ওপর চাপিয়েছে।

ওহাবী পুস্তকটি ইবাদতকে ঈমানের অন্তর্ভুক্ত করে আহলে সুন্নতের কুৎসা রটনা করেছে। কারণ আহলে সুন্নত এই ওহাবীর কথায় বিশ্বাস করেন না। বাহান্তরটি ভ্রান্ত ফেরকার অন্তর্গত খারেজী সম্প্রদায় এবং তাদের ওহাবী অনুসারীরা আয়াত ও হাদীসসমূহ অস্বীকার করে না, কিন্তু ভুল বুঝে থাকে এবং বলে থাকে যে ফরয পালন করা ও হারাম পরিহার করা ঈমানের অন্তর্ভুক্ত, আর ঈমানের ছয়টি ভিত্তিতেই শুধু বিশ্বাস করা অপরিহার্য নয় বরং মুমিন (বিশ্বাসী) হতে হলে শরীয়ত অনুযায়ী আমলও করতে হবে; এবং তারা আরও বলে যে শুধুমাত্র একটি ফরযকে অমান্য করলেই কাফির হয়ে যেতে হবে এবং যে ব্যক্তি হারাম (নিষিদ্ধ) সংঘটন করে, সে নিঃসন্দেহে কাফির। ভুল বুঝে ওহাবীরা মুসলমানদেরকে কাফির আখ্যায়িত করছে! অথচ, ঈমান হচ্ছে ফরযকে ফরয এবং হারামকে হারাম হিসেবে বিশ্বাস করা। অশ্রদ্ধা (কুফর) ও আমলবিহীন বিশ্বাস দুইটি ভিন্ন ভিন্ন বিষয়। খারেজী এবং ওহাবীরা এই দুটোর মধ্যে তালগোল পাকিয়ে শেষ পর্যন্ত আহলে সুন্নত থেকে বিচ্যুত হয়েছে। তবুও এর জন্যে তারা কাফির হবে না। তারা আহলে বিদআত (ধর্মের মধ্যে নতুন প্রথা প্রবর্তনকারী) হবে। কিন্তু যারা বেআমল, ফাসিক মুসলমানদেরকে কাফির আখ্যা দেয় তারা নিজেরাই কাফিরে পরিণত হয়। একটি হাদীসে বলা হচ্ছে, ‘বিদয়াতীদের প্রতি ঘৃণা পোষণকারীদের হৃদয়কে আল্লাহ তা’আলা ঈমান দ্বারা পূর্ণ করে দেন। যে ব্যক্তি বিদয়াতীকে সমালোচনা করবে তাকে আল্লাহ পাক পুনরুত্থান দিবসের

ভীতি থেকে নিজ খাস রহমতে মুক্ত করে দেবেন।’ পুনরুত্থান দিবসের আযাব থেকে মুক্তি আকাঙ্ক্ষীদের উচিত আহলে সুন্নতের শিক্ষা গ্রহণ করা এবং ঈমান-আক্বিদা খাঁটি করে সেই অনুযায়ী আমল করা।

৩/ — উক্ত ওহাবী কর্তৃক লিখিত পুস্তকটিতে মূর্তিপূজোরী কাফেরদের প্রতি নাযিলকৃত আয়াতসমূহ প্রদর্শন করে মন্তব্য করে হয়েছে, ‘আয়াতগুলো স্পষ্টই প্রতীয়মান করে যে মৃত নবী-ওলীবন্দ এবং দূরে অবস্থিত (জীবিত) পুণ্যস্থানের কাছে মৌখিকভাবে সাহায্য প্রার্থনাকারী একজন মুশরিক (অংশীবাদী)।’ (পৃষ্ঠা ৯৮, ১০৪, ফাতহ আল মজিদ)

তারা বিশ্বাস করে না যে, মধ্যস্থতাকারী বুয়ূর্গানে দ্বীন নিজেদের ক্ষমতায় সাহায্য (মদদ) ও কর্ম সম্পাদন (তাসাররুফ) করে থাকেন। আমরা বিশ্বাস করি, আল্লাহ পাক যেহেতু তাঁদেরকে অত্যন্ত ভালোবাসেন, সেহেতু তিনি তাঁদের দোয়া কবুল করে নেন এবং তাঁদের ইচ্ছা বাস্তবায়িত করে দেন। ওহাবীরা আয়াতগুলোর অর্থ পরিবর্তন করে মুসলমানদের কুৎসা রটনা করে বেড়াচ্ছে। কোনো মানুষকে পূজো করার অর্থ হচ্ছে তার কথানুযায়ী শরীয়ত অমান্য করা এবং তার কথাকে কুরআন ও সুন্নাহের ওপরে সম্মান করা। কিন্তু শরীয়ত মান্য করতে আদেশকারীকে মান্য করার বেলায় তো তা হতে পারে না। ওহাবীরা এই সূক্ষ্ম পার্থক্যটি উপলব্ধি করতে পারে না। এ দুটোর মধ্যে তালগোল পাকিয়ে ফেলেছে তারা।

খাইবারের যুদ্ধে হযরত আলী (ক.)-এর চক্ষু-বেদনা দেখা দেয়। হুযুর ﷺ তাঁর পাক লালা চোখের ওপর রেখে দোয়া করেন। হযরত আলী (ক.) -এর চোখ ভালো হয়ে যায় এবং তাতে আর কোনো ব্যথা অবশিষ্ট ছিল না। আল্লাহ তা’আলা হুজুর ﷺ-এর ওসিলায় সুস্থতা দিয়েছিলেন। ঘটনাটি উক্ত ওহাবী কর্তৃক লিখিত পুস্তকটির ৯১ নং পৃষ্ঠায় লিপিবদ্ধ আছে এবং তাতে বুখারী ও মুসলিম শরিফের উদ্ধৃতিও বিস্তারিতভাবে লেখা আছে।

৪/ — ১০৮ নং পৃষ্ঠায় এই ওহাবী বলে, ‘তাসাউফের আলেমগণ কুফর ও শিরকে লিপ্ত। মুরিদ (শিষ্য) তার শায়েখকে (পীরকে) পূজো করে। আশ্-শারানীর কিতাবত্র এই ধরনের কুফরে পরিপূর্ণ। তারা (তাসাউফপন্থীরা) হুসেইন, তাঁর পিতা ও সন্তান-সন্ততি, আশ্-শাফেয়ী, আবু হানিফা এবং আবদুল কাদির আল-জিলানীকে দেবতা বানিয়ে তাঁদের মাযার-রওয়াকে পূজো করে থাকে।’ (ফাতহুল মাজীদ )

লা-মাযহাবী-ওহাবীদের এই ধরনের আক্রমণাত্মক কথাকে সুন্নী ওলামায়ে কেলাম দলিল সহকারে ভ্রান্ত প্রমাণ করেছেন তাঁদের বইপত্রে। হাকিকাত কিতাবেভী (ইস্তাখ্বুল) কর্তৃক এগুলোর মধ্যে কিছু কিছু প্রকাশও করা হয়েছে। পারসিক পুস্তক ‘আল উসুল আল আরবায়্যা ফী তারদিদিল ওহাবীয়্যা’ -এর নাম এখানে সবিশেষ উল্লেখযোগ্য। বইটির প্রণেতা হযরত খাজা হাসান জান ফারুকী আস্-সিরহিন্দী ইবনে আবদির রহমান ইবনে মোহাম্মদ ইবনে গোলাম মোহাম্মদ মাসুম আস্-সানী ইবনে মোহাম্মদ ইসমাইল ইবনে মোহাম্মদ সিবাগাত-আল্লাহ ইবনে মোহাম্মদ মাসুম উরওয়াত-আল-উসক্বা ফারুকী সিরহিন্দী মুজাদ্দিদ-এ-আলফে সানী (রহ.)। গ্রন্থের তৃতীয় খণ্ডে তিনি লিখেছেন:

‘নজদী বা ওহাবীরা দাবি করে যে অনুপস্থিত (গায়েব) কারও নাম ধরে ডাকা জঘন্যতম শিরক। এই প্রসঙ্গে তারা বোঝায় যে, যদি কেউ রাসূলুল্লাহ ﷺ-কেও হাযের (উপস্থিত) মনে করে আহ্বান করে, তবে সে মুশরিক হয়ে যাবে। লা-মাযহাবীদের অন্যতম নেতা আশ্-শওকানী ইয়েমেনী তার ‘দুরর-উন-নাদিদ’ পুস্তকে লিখেছে, ‘কবরকে তাযিম (সম্মান) করা এবং যিয়ারত করে বেসালপ্রাপ্ত জনের সাহায্য প্রার্থনা (ইস্তিগাসাহ) করা কুফরী।’ আর ‘তাতহিরুল ইতিকাদ’ গ্রন্থে সে বলে, ‘নবী,ওলী হোন আর ফেরেশতাই হোন, তাঁরা যদি মৃত কিংবা অনুপস্থিত কিন্তু জীবিত হয়ে থাকেন, তবে তাঁদেরকে আহ্বানকারী মুশরিক হয়ে যাবে।’ লা-মাযহাবীরা এই বিষয়টিতে দুই ধরনের মতামত পেশ করেছে; যদি কেউ হুজুর ﷺ-কে ভালোবাসার দরুন ‘ইয়া রাসূলুল্লাহ ﷺ’ বলে, কিন্তু বলার সময় মনে করে না যে, তিনি শুনবেন; তবে সে মুশরিক হবে না; যদি সে বিশ্বাস করে যে, তিনি শুনবেন, তবে সে কাফের। সালাফ আস্-সালাহীন এবং মুসলমানদের আমলকে শিরক জ্ঞানকারী এই সব ফিতনাবাজদেরকে আমরা জিজ্ঞাসা করছি: গায়েব বলতে তোমরা কি বোঝাও? যদি তোমরা বোঝাও যা আমরা দেখি না তাই গায়েব, তাহলে তোমাদের পক্ষে ‘এয়া আল্লাহ’ বলাও শিরক হবে। বস্তুতঃ তোমরা ওহাবীরা বিশ্বাসই করো না যে, বেহেশতে আল্লাহকে দেখা যাবে। যদি তোমরা বোঝাও গায়েব অর্থ অনস্তিত্ব, তাহলে কীভাবে তোমরা নবী-ওলীগণের রুহ মোবারককে অস্তিত্ববিহীন বলবে? দ্বিতীয় খণ্ডে আমরা প্রমাণ করেছি যে রুহসমূহের অস্তিত্ব আছে। যদি তোমরা বলো, আমরা রুহসমূহের অস্তিত্ব, শ্রবণ ও দর্শন ক্ষমতা এবং সচেতনতায় বিশ্বাস করি, কিন্তু তাদের তাসাররুফ (কাজ করার ক্ষমতা)-এ বিশ্বাস করি না; তবে আল্লাহ তা‘আলা ‘সুরা নাযিয়া’র ৫নং আয়াতে তা ভুল প্রমাণ করেছেন; বলা হয়েছে, ‘আমি তাদের নামে শপথ করছি যারা কঠিন কাজ (কঠোর পরিশ্রম) করে’ (আয়াত)। তাফসীরকার উলামায়ে কেলাম, উদাহরণস্বরূপ, আল-বায়দাবী (এবং শায়খযাদার ‘শরাহ’ এবং ‘তাফসীরে আযযী’ এবং ‘তাফসীর-এ-রুহুল বয়ান’ এবং ‘তাফসীর-এ-হুসইনী’) লিখেছেন যে, ‘আয়াতটি ফেরেশতা ও ওলীগণের রুহের কর্ম সম্পাদন (তাসাররুফ) সম্পর্কে ঘোষণা দেয়।’ রুহ (আত্মা) কোনো বস্তু নয়; তাই ফেরেশতাদের মতোই আল্লাহর অনুমতি ও আদেশপ্রাপ্ত হয়ে সেটা পৃথিবীতে কাজ করে। কুরআনে কারিমের বহু আয়াতে বর্ণনা করা হয়েছে যে, ফেরেশতাগণ প্রাণ হরণ (জান কবজ) অথবা পুনরুজ্জীবনের মাধ্যমস্বরূপ কাজ করেন। শয়তান ও জ্বীনরাও সহজেই বহু কাজ করে ফেলে। সুলাইমান নবী (আ.)-এর প্রতি জ্বীনদের সাহায্য কুরআন মাজীদ বর্ণনা করে। উদাহরণস্বরূপ, সুরা সাবার ১৩ নং আয়াত ঘোষণা করে, ‘তিনি যা চাইতেন তাই জ্বীনেরা করতো - দুর্গ, ছবি, অনুভোলনযোগ্য বিশাল হাঁড়ি নির্মাণ করতো তারা।’ যদিও জ্বীনেরা রুহ এবং ফেরেশতাদের মতো পূর্ণাঙ্গ ও ক্ষমতাশালী নয়, তবু তারাও শক্ত কাজ করতে পারে। এই পৃথিবীতে বহু অদৃশ্য শক্তি আছে যেগুলো মানুষের ক্ষমতাবিহীন কাজ করে থাকে। উদাহরণস্বরূপ, বাতাস যা একেবারে হালকা ও অদৃশ্য, কিন্তু যখন তা ঝড়ের আকার ধারণ করে তখন গাছকে সমূলে উৎপাটিত করে এবং গৃহ কিংবা ইমারতকে ধ্বংস করে দেয়। আমরা বদ নজর ও যাদু অথবা বান-টোনা এবং অনুরূপ বস্তুর শক্তিকে চোখে দেখিনা, কিন্তু এগুলোর মারাত্মক ফলাফল সবারই জানা আছে। যা ঘটে নিঃসন্দেহে তার একমাত্র সংঘটনকারী হচ্ছেন আল্লাহ পাক। কিন্তু যেহেতু এগুলো আল্লাহ তা‘আলার সৃষ্টি প্রক্রিয়ায় মাধ্যম বা কারণ বিশেষ, সেহেতু আমরা মনে করি এগুলো সংঘটন করে এবং তা আমরা মুখে বলেও থাকি। যেহেতু ‘তারা করে’ বলাটা কুফর অথবা শিরক নয়, সেহেতু ‘আউলিয়ার রুহ মোবারক করেন’ বলাটা কেন শিরক হবে? আল্লাহর অনুমতি ও সৃষ্টির মাধ্যমে এগুলো যে রকম কাজ করে, ঠিক একইভাবে আল্লাহরই অনুমতি ও সৃষ্টির মাধ্যমে আউলিয়ার রুহ মোবারক (অলৌকিক) কর্ম সংঘটন করেন। যদি কেউ বলে যে ‘তাঁরা করেন’ বলাটা শিরক হবে, তবে সে বস্তুতঃপক্ষে কুরআনের সঙ্গেই দ্বিমত পোষণ করছে।

যদি ওহাবীরা দাবি করে যে, ‘কুরআনে জ্বিন, বাতাস, যাদু ও শয়তানের প্রভাব বিস্তার করার কথা বর্ণিত হওয়ার দরুন ওগুলো ‘কাজ করে’ বলাটা বৈধ; কিন্তু যেহেতু আউলিয়ার রুহসমূহ ‘অমুক কাজ করে’ বলে কুরআনে কোনো বর্ণনা নেই, সেহেতু (তাদের) রুহসমূহ থেকে কোনো কিছু প্রার্থনা করা শিরক; তাহলে আমরা উপর্যুক্ত সুরা নাযিয়াতের ৫ম আয়াতটি তাদেরকে স্মরণ করিয়ে দেবো। আমরা ইতোমধ্যে বর্ণনা করেছি হাদীসে উদ্ধৃত একটা দোয়া সম্পর্কে, যেটা অন্ধত্ব থেকে মুক্তিকামী একজন মুসলমানকে (সাহাবীকে) শেখানো হয়েছিল। মরুভূমিতে একা অবস্থায় পাঠ করা উচিত এমন একটি দোয়া এবং হাদীসের আদেশ -‘মাযার যিয়ারতকালে বেসালপ্রাণ্ডদের সম্ভাষণ জানাও’ সম্পর্কেও আমরা আলোকপাত করেছি। তাছাড়া পূর্ববর্তী খণ্ডে ওসমান বিন হুনাইফ (রা.) বর্ণিত ঘটনাটিও আলোচিত হয়েছে। এই সকল এবং অনুরূপ প্রমাণসমূহ পরিস্ফুট করে যে অনুপস্থিত কারও সাহায্য প্রার্থনা শরীয়তসম্মত। কিন্তু ওই সব যিন্দিক, যারা ওহাবী ও লা-মাযহাবীদের কাছে বিক্রি হয়ে গিয়েছে অথবা যারা তাদের দ্বারা প্রতারিত হয়েছে, তারা এই মাশহুর এবং সহিহ হাদীসগুলোর ওপর যয়ীফ (দুর্বল) কিংবা মওয়ু (বানোয়াট)-এর সীল বসাচ্ছে। তারা আহলে সুন্নতের আলেম ও মুতাসাওয়ীফদের কথাও শুনছে না। কেননা, ওহাবীরা বলে যে চার মাযহাবের যে কোনো একটির তরকলিদ মানা শিরক ও কুফর। উদাহরণস্বরূপ, গোলাম আলী কুসুরী তার ‘তাহক্বিক-উল-কালাম’ গ্রন্থে লিখেছে: ‘যারা চার মাযহাবের যে কোনো একটির অনুগামী হয় অথবা ক্বাদেরীয়া, নকশবন্দীয়া, চিশতীয়া কিংবা সোহরাওয়াদীয়া তরীকাভুক্ত হয়, তারা কাফের ও মুশরিক এবং বিদয়াতী।’ “তাহক্বিকুল কালামের উদ্ধৃতি শেষ হলো।” (খাজা হাসান জান ফারুকী আস-সিরহিন্দী: ‘আল উসুল আল আরবায়ী’, ৩য় খণ্ড)

৫/ — এই ওহাবী মতাবলম্বী ব্যক্তি একটি হাদীস উদ্ধৃত করে: “যারা (মুখে) ‘লা-ইলাহা’ বলে এবং আল্লাহ ভিন্ন কারও ইবাদত করে না, তাদের জান ও মাল হারাম”। অতঃপর সে মন্তব্য করে, “কলেমা-এ-তৌহিদ মুখে উচ্চারণ করাটা কারও জান ও মালকে রক্ষা করতে পারে না। যারা মাযার পূজো করে এবং মৃতদের অর্চনা করে তারা এই শ্রেণীভুক্ত। তারা কুরআনে বর্ণিত প্রাক-ইসলামী মুশরিকদের চেয়েও জঘন্য।” (ফাতহুল মাজীদ)

“মুশরিকদের যেখানে পাও, হত্যা কর” – আয়াতটি পেশ করে ওহাবীরা মুসলমানদের জান ও মাল হরণ করে থাকে। তারা বেকতাশী সম্প্রদায় ও অঞ্জদের সন্দেহজনক এবং ভুল কথাকে উদ্ধৃত করে তাসাউফ ও মুতাসাওয়ীফদের আক্রমণ করে। বৃক্ষ, পাথর ইত্যাদির পূজোরীদের ভৎসনাকারী হাদীসসমূহ প্রদর্শন করে তারা বলে যে মাযার -রওয়ার ওপর গম্বুজ নির্মাণ এবং কবর যিয়ারত করা কুফর ও শিরক। ওহাবীরা দাবি করে যে বুয়ূর্গ মুসলমানদের মাযার শরীফকে তবাররুক (আশীর্বাদ) নেবার মাধ্যম মনে করা ‘আল-লাত’ মূর্তি পূজোর মতো-ই ব্যাপার। তারা সত্যকে মিথ্যার সঙ্গে তালগোল পাকিয়ে সত্যকে আক্রমণ করে।

পাথর, বৃক্ষ কিংবা অঞ্জাত কবর থেকে তবাররুক নেয়ার চেষ্টা অবশ্যই পথভ্রষ্টতা। কিন্তু আল্লাহর নেয়ামত লাভের উদ্দেশ্যে নবী-ওলীর মাযার-রওয়া মোবারক যিয়ারত করা এবং তাঁদেরকে আল্লাহর নেয়ামত পাবার মাধ্যম মনে করা কখনও এক জিনিস হতে পারে না। তুলনাটাই মারাত্মক অজ্ঞতা ও আহাম্মকী। উপরন্তু, মুসলমানদেরকে এই বিশ্বাসটির জন্যে কাফের ও মুশরিক আখ্যা দেয়া ইসলামের প্রতি শত্রুতার-ই নামান্তর। আমরা আগেই লিখেছি যে, উলামা-এ-ইসলাম ওহাবীদের আক্রমণকে প্রতিহত করার জন্যে বহু কিতাব প্রণয়ন

করেছেন। এই সকল ওলামাদের একজন হচ্ছেন ইবনে আবদুল ওয়াহহাবের ভাই সুলাইমান বিন আবদুল ওয়াহহাব। তিনি তাঁর প্রণীত 'আস সাওয়াইকুল ইলাহিয়াতু ফির রাদ্দী আ'লাল ওহাবীয়া' গ্রন্থের ৪৪নং পৃষ্ঠায় লিখেন :

“তোমাদের পথ (ইবনে আবদুল ওয়াহহাব ও তার অনুসারীদের পথ) যে গোমরাহীমূলক তা প্রতীয়মানকারী দলিলগুলোর একটি হচ্ছে ইমাম বুখারী ও মুসলিম শরীফের মতো প্রকৃত দুটো হাদীস গ্রন্থ 'সহিহাইন'-এ লিপিবদ্ধ হাদীসটি। হাদীসটির রেওয়াজাতকারী উকবা ইবনে আমির (রা.) বলেছেন, 'রাসূলুল্লাহ ﷺ মিসরে আরোহণ করেন। হযরত উকবা (রা.)-এর ভাষ্যে তাঁর দেখা এটাই মহানবী ﷺ-এর শেষবারের মতো মিসরে আরোহণ। তিনি ঘোষণা করলেন: 'আমার বেসালের (খোদার সাথে পরলোকে মিলিত হবার) পরে তোমাদের মুশরিক, অর্থাৎ, মূর্তি পূজোরী হওয়া নিয়ে আমি শংকিত নই; আমি আশংকা করি যে তোমরা দুনিয়াবী স্বার্থের জন্যে একে অপরকে হত্যা করবে এবং ফলস্বরূপ পূর্ববর্তী গোত্রগুলোর মতো নিশ্চিহ্ন হয়ে যাবে।' হুজুর পাক ﷺ উম্মতের ভাগ্যে পুনরুত্থান দিবস পর্যন্ত কী কী ঘটবে, তার সব কিছুই ভবিষ্যদ্বাণী করে গিয়েছেন। এই হাদীসটি ঘোষণা করে যে তাঁর উম্মত মূর্তি পূজো করবে না এবং এ ব্যাপারে তিনি নিশ্চিত। হাদীসটি ওহাবীদের দাবিকে সমূলে উৎপাটিত করেছে। কারণ ওহাবীরা দাবি করে যে উম্মতে মোহাম্মদী মূর্তি পূজো করে থাকে এবং মুসলিম রাষ্ট্রসমূহ মূর্তির ঘর। তারা আরো বলে যে মাযারের কাছে শাফায়াত প্রার্থনার বিষয়টি যে কুফর, তা অবিশ্বাসীরাও কাফের হয়ে যাবে। কিন্তু শতাব্দীর পর শতাব্দী ধরে মুসলমানগণ আউলিয়ার মাযার শরীফ যিয়ারত করে শাফায়াত প্রার্থনা করেছেন। কোনো ইসলামী আলেমই তাঁদেরকে মুশরিক ফতোয়া দেননি, বরং মুসলমান হিসেবে গণ্য করেছেন। ওহাবীরা নিজেদের রাজ্য ছাড়া সব মুসলিম রাষ্ট্রকে কাফের মনে করে, অথচ তাদের রাষ্ট্রেও দশ বছর আগে তাদেরই আখ্যায়িত 'মুশরিক'-রা বসবাস করতেন।

**প্রশ্ন:** একটি হাদীস ঘোষণা করে, 'তোমাদের শিরকে নিপতিত হওয়াকেই আমি সবচেয়ে বেশি ভয় করি।' এ সম্পর্কে আপনি কী বলবেন?

**উত্তর:** অন্যান্য হাদীস থেকে এই হাদীসের ব্যাখ্যা করা হয়েছে যে এটা শিরকে আসগর (ছোট শিরক)-এর দিকে ইঙ্গিত করে। শাদ্দান ইবনে আওস, আবু হোরায়রা ও মাহমুদ ইবনে লাবিদ থেকে বর্ণিত অনুরূপ হাদীসসমূহ ঘোষণা করে যে হুজুর ﷺ তাঁর উম্মতের দ্বারা সংঘটিত শিরকে আসগরের ব্যাপারে আশংকা করেছিলেন। হাদীসসমূহে ঘোষিত ভবিষ্যদ্বাণী অনুযায়ী তা সত্যে পরিণত হয়েছে এবং অনেক মুসলমান শিরক-এ-আসগরে নিপতিত হয়েছেন। তুমি (ইবনে আবদুল ওয়াহহাব) শিরক-এ-আকবরের সঙ্গে শিরক-এ-আসগরকে তালগোল পাকিয়ে মুসলমানদের প্রতি কুফরের দোষারোপ করছ এবং মুসলমানদেরকে কাফের মনে করছ।” (আস সাওয়াইক আল ইলাহিয়া : সুলাইমান ইবনে আব্দিল ওয়াহহাব)

'আল হাদীকা' কিতাবের ৪৫১ নং পৃষ্ঠায়- “হে মানব জাতি! শিরক-এ-খফি (occult polytheism)-কে এড়িয়ে চল”-হাদীসটি ব্যাখ্যা করার পর মন্তব্য করা হয় : “এই শ্রেণীর শিরক হচ্ছে মাধ্যমসমূহ (সাবাব) দর্শন করা, কিন্তু আল্লাহ যে সৃষ্টি করেন তা চিন্তা না করা।” সাবাবসমূহ কর্ম সংঘটন করে বিশ্বাস করাটা তাদেরকে আল্লাহর সঙ্গে অংশীদার বানানোরই নামান্তর। বস্তুসমূহকে চিন্তায় অথবা দর্শনে আল্লাহর সাথে অংশীদার

বানানো শিরক-এ-জলী (প্রকাশ্য শিরক)। আর শরীয়ত অথবা যুক্তি অথবা প্রথা কর্তৃক বিবেচিত মাধ্যমসমূহ সৃষ্টি করতে সক্ষম বিশ্বাস করাটা শিরক-এ-খফি (গোপন শিরক)। হযরত আবদুল হক দেহেলবী তাঁর 'আশিয়াত-উল-লোমআত' গ্রন্থের ৫০ পৃষ্ঠায় বলেন, 'মূর্তি পূজো করা শিরক-এ-আকবর। এই ধরনের শিরক থেকে কুফরের সৃষ্টি হয়। শিরক-এ-আসগর হচ্ছে নিফাক (কপটতা) সহকারে ধর্মীয় আচার পালন এবং ভালো কাজ করা। এই ক্ষুদ্র শিরক ব্যক্তিকে কাফেরে পরিণত করে না। এই দুই প্রকৃতির শিরক, শিরক-এ-জলীর অন্তর্ভুক্ত।' (আল হাদিকা)

আল হাদিকা গ্রন্থ থেকে আমি যে হাদিসটি উদ্ধৃত করেছি তা নবী-ওলীর রুহ মোবারক থেকে সাহায্য প্রার্থনা করাকে শিরক ঘোষণা দেয় না। এটা বলে যে, আল্লাহর সৃষ্টি প্রক্রিয়ার কারণগুলোকে ব্যবহার করার সময় তাদেরকে সৃষ্টিকারী মনে করা শিরক। অর্থাৎ, মানুষের কাছে কোনো কিছুর জন্যে সাহায্যপ্রার্থী হয়ে অথবা দৃশ্যমান কিংবা অদৃশ্য কোনো জিনিস ব্যবহার করে তাদেরকে সৃষ্টিকারী মনে করাই হচ্ছে শিরক। কিন্তু আল্লাহ সৃষ্টি করবেন এই বিশ্বাস রেখে, কারণ বা মাধ্যমসমূহের কাছে সাহায্য প্রার্থনা করাটা তাদেরকে পূজো করা হতে পারে না। মুসলমানগণ এইভাবেই নবী-ওলীগণের কাছে অভীক্ষা (সাহায্য) চেয়ে থাকেন। তাঁরা বিশ্বাস করেন যে, আল্লাহ পাক নবী-ওলীদের ওসিলায় তাদেরকে তাদের কাঙ্ক্ষিত বস্তু প্রদান করবেন। নবী-ওলীগণ আল্লাহর সৃষ্টি প্রক্রিয়ায় মাধ্যম বা কারণস্বরূপ। মুসলমানগণ এই মাধ্যমকে শক্তভাবে আঁকড়ে ধরেন। এটা শিরক তো দূরে থাক, ফিসক-ও নয়। কেননা, আমরা আল্লাহর কাছ থেকেই সমস্ত জিনিস আশা করি। নবী-ওলীগণ জীবিত বা বেসালপ্রাপ্ত হলেও কিছু আসবে যাবে না। এই ধরনের বৈধ সাহায্য প্রার্থনাকে বলা হয় তাওয়াসসুল বা ইস্তিগাসাহ্।

উপর্যুক্ত শরীয়তসম্মত উপায়ে তাওয়াসসুল পালন করলে তা জায়েয হবে, এমন কি সওয়াবদায়কও হবে। আর যদি শরীয়ত-অসম্মত উপায়ে কেউ কারও তাওয়াসসুল করে, তবে সে হারাম সংঘটনকারী। তাকে সঠিক নিয়ম বাতলে দেয়া জরুরী। কিন্তু তাতে সে মুশরিক হবে না। নফসানীয়াতের (প্রবৃত্তির) পূজোকে ইসলাম শিরক হিসাবে আখ্যা দেয় না, বরং গুনাহ হিসেবে চিহ্নিত করে। এতে মুসলমানগণ ফাসিক হয়ে থাকেন, কিন্তু কাফের হন না।

৬/ — ১৪২ পৃষ্ঠায় এই ওহাবী মতাবলম্বী ব্যক্তি বলে: “সাহাবাগণ ও তাঁদের উত্তরাধিকারীগণ হুজুর ﷺ ছাড়া আর কারও কাছ থেকে তবাররুক নেয়ার প্রয়াস পান নি। হুজুর পাক ﷺ-এর খাস্ সিফাত বা সুনির্দিষ্ট গুণগুলোর অধিকারী আর কেউই হতে পারে না।” (ফাতহুল মাজীদ )

এটাও ওহাবীদের আরেকটা বানোয়াট কাহিনী। বৃষ্টির জন্যে দোয়া প্রার্থনাকালে হযরত উমর ফারুক (রা.) হযরত আব্বাস (রা.)-এর তাওয়াসসুল করেছিলেন। রাসূলে খোদা ﷺ-এর সিফাতসমূহ উলামা-এ-ইসলাম বিস্তারিতভাবে লিখেছেন। ‘আল্ মাওয়হিব আল্-লাদুন্নিয়া’র অনুবাদটি এর উৎকৃষ্ট উদাহরণ। এ সকল বইয়ের কোনোটাই তবাররুক নেয়াকে হুজুর ﷺ-এর জন্যে খাস্ বা নির্দিষ্ট লিখে নি। কারও মাধ্যমেই বরকত অর্জন করা যাবে না – এ কথাও ওইসব কিতাবে লিপিবদ্ধ নেই। বরং তারা বলে যে অন্যদের মাধ্যমেও নেয়ামত লাভ করা যায়। আল্লাহর প্রিয় ও মনোনীত নবী-ওলীদের মাযার-রওয়া যিয়ারতের সঙ্গে লাভ-উযযা মূর্তির পূজোকে

তুলনা করাটা কুরআন-হাদীসের কুৎসা রটনারই নামান্তর। একটা হাদীসে বলা হয়েছে, “যে ব্যক্তি কুরআনের কুৎসা রটনা করবে, সে অমুসলিম হয়ে যাবে”। ওহাবীরা আয়াতসমূহের বিকৃত অর্থ প্রদান করে মুসলমানদেরকে মুশরিক আখ্যা দিয়ে থাকে। ফলে তারাই কাফেরে রূপান্তরিত হয় দ্বিগুণ মাত্রায়।

৭/ — ১২৬ নং পৃষ্ঠায় এই ওহাবী মতাবলম্বী ব্যক্তি বলে : “এটা পরিস্ফুট যে প্রাথমিক অবস্থায় তাসাউফ হিন্দু-ইহুদীদের দ্বারা পরিকল্পিত হয়। প্রাচীন গ্রীকদের কাছ থেকে এটা গ্রহণ করা হয়েছিল। এই কারণে মুতাসাওয়ীফগণ বিভক্ত হয়ে যান এবং মুসলমানদের বিভিন্ন দলে বিভক্ত হতে বাধ্য করেন।” (ফাতহুল মাজীদ )

ওহাবী মতবাদের প্রচারক পাকিস্তানের জনৈক লা-মাযহাবী আবুল আ'লা মওদুদীও তার 'ইসলামী রেনেসা আন্দোলন' নামক পুস্তকটিতে একই কথা বলেছে। এই সব কুৎসার জবাব আমি আমার 'Reformers in Islam' (মওদুদী অধ্যায়) গ্রন্থটিতে বিস্তারিত লিখেছি। এ কথা সত্য যে, আজকাল মুসলিম সমাজে বহু ভণ্ড পীর মানুষদের ধোকা দিয়ে জীবিকা নির্বাহ করছে। কিন্তু তাই বলে মহান সূফী সাধক (মুতাসাওয়ীফ)-দের সাথে এদেরকে মিলিয়ে সবাইকে ভণ্ড ফতোয়া দেয়া যায় না। মুসলমানদের উচ্চ নয় বুয়ুর্গ আলেমদের কুৎসা রটনা করা। হযরত মুহাম্মদ মা'সুম ফারুকী (রহ.) তাঁর 'মাকতুবাতে' কিতাবের ২য় খণ্ডের ৫৯ চিঠিতে লিখেছেন:

“সকল বস্তনিষ্ঠ (প্রকাশ্য) ও আধ্যাত্মিক (আধ্যাত্মিক) পূর্ণতা হযরত রাসূলে কারীম ﷺ-এর কাছ থেকে অর্জিত হয়েছে। আমাদের আয়েম্মা-এ-মাযাহীবের (মাযহাবের ইমামগণ) কিতাবপত্রের মাধ্যমে সমস্ত বস্তনিষ্ঠ আদেশ-নিষেধ আমাদের কাছে প্রকাশিত হয়েছে। আর ক্বলব ও রুহের গুণ্ড জ্ঞান জ্ঞাত হয়েছে তাসাউফের মহান উলামাগণের মাধ্যমে। সহিহ বুখারী শরীফে লেখা আছে যে, হযরত আবু হোরায়রা (রা.) বলা করেছেন, ‘আমি রাসূলুল্লাহ ﷺ-এর কাছ থেকে দুইটি পাত্র পূর্ণ করেছি। একটি সম্পর্কে (সাহাবীদের কাছে) ব্যাখ্যা করেছি। যদি অপরটি প্রকাশ করি, তাহলে তোমরা (সাহাবীবৃন্দ) আমাকে হত্যা করবে’। সহিহ বুখারী শরীফে আরও লেখা আছে যে, যখন হযরত উমর ফারুক (রা.) বেসালপ্রাপ্ত হন, তখন তাঁর পুত্র আবদুল্লাহ বলেন যে, ‘জ্ঞানের নয়-দশমাংশ বিলুপ্ত হয়েছে।’ সাহাবাদেরকে বিচলিত দেখে তিনি আরও বলেন যে, “ফিকাহের জ্ঞান নয় বরং আল্লাহকে জানবার জ্ঞানই বিলুপ্ত হয়েছে।” তাসাউফের সকল পথ হুজুর ﷺ থেকে এসেছে। প্রত্যেক শতাব্দীতেই তাসাউফের মহান আলেমগণ তাঁদের মুরশিদগণের মাধ্যমে হুজুর ﷺ-এর ক্বলব মোবারক থেকে নিঃসৃত মা'আরিফ (ভেদের জ্ঞান) অর্জন করেছেন। তাসাউফ ইয়াহুদ কিংবা মুতাসাউয়ীফগণ (সূফীবৃন্দ) কর্তৃক সৃষ্ট নয়। তাসাউফের পথে অর্জিত 'ফানা', 'বাক্বা', 'জযবা', 'সুলুক' এবং 'সায়ের-এ-ইলাল্লাহ' সংজ্ঞাগুলো অবশ্যই তাসাউফের মহান নেতাগণ সর্বপ্রথম ব্যবহার করেন। 'নাফাখাত' কিতাবে লিপিবদ্ধ আছে যে, 'আবু সাঈদুল হাররায়-ই সর্বপ্রথম 'ফানা' ও 'বাক্বা' সংজ্ঞা দুটো ব্যবহার করেন।' তাসাউফের মা'আরিফ হুজুর পূর নূর ﷺ থেকে নিঃসৃত হয়েছে। এ সকল মা'আরিফের নাম পরবর্তীকালে দেয়া হয়েছে। বহু কিতাবে লেখা আছে যে, নবুওয়াত সম্পর্কে জ্ঞাত হবার পূর্বে নবী পাক ﷺ ক্বলবের যিকির করতেন। হুজুর ﷺ এবং সাহাবা-এ-কেরামের সময়েও আল্লাহ তা'আলার তাফক্কুর (গভীর চিন্তা), নাফী (নেতিবাচক) ও ইসবাত (ইতিবাচক) যিকিরসমূহের এবং মুরাক্বাবা (মধ্যস্থতা)-এর অস্তিত্ব ছিল। যদিও উপর্যুক্ত সংজ্ঞাগুলো হুজুর পাক ﷺ থেকে শ্রুত হয় নি, তবুও তাঁর ঘন ঘন নিরবতা প্রতীয়মান করে যে তাঁর মধ্যে ওই সকল আহওয়াল (হালের বহুবচন)

বিরাজমান ছিল। তিনি বলা করেন, 'সামান্য একটু তাফাক্কুর হাজার বছরের এবাদতের চাইতেও উপকারী।' তাফাক্কুর মানে আজ-বাজে চিন্তা বর্জন করে বাস্তবতার ওপর ধ্যান করা। হযরত খিযির (আ.) হযরত আবদুল খালেক-এ-গুজদাওয়ানীকে জানিয়েছেন যে, “মুতাওয়াসীফদের উচিত ঘন ঘন কলেমা-এ-তৌহীদের যিকর করা।”

**প্রশ্ন:** যদি মা'আরিফ হুজুর পাক ﷺ থেকে নিঃসৃত হয়, তবে তো কোনো পার্থক্য থাকা উচিত নয়। পক্ষান্তরে, তাসাউফের বহু তরীকা (পথ) আছে। তাদের প্রত্যেকের আহওয়াল (মা'আরিফ) ভিন্ন ভিন্ন কেন?

**উত্তর:** পার্থক্যের কারণ হচ্ছে মানুষের কর্মক্ষমতা এবং তাদের পারিপার্শ্বিক অবস্থা। উদাহরণস্বরূপ, একটি ব্যাধির জন্যে একটি বিশেষ ঔষুধ থাকলেও রোগী বিশেষে চিকিৎসার তারতম্য ঘটে। এটা অনেকটা ভিন্ন ভিন্ন চিত্র গ্রাহকের তোলা একই ব্যক্তির ছবির পার্থক্যের মতোই ব্যাপার। প্রত্যেক পূর্ণতাই হুজুর পাক ﷺ থেকে নেয়া হয়েছে। গ্রহণ ক্ষমতা ও পদ্ধতির জন্যে সামান্য কিছু পার্থক্য দেখা দিয়েছে। নবী কারীম ﷺ তাঁর সাহাবাদেরকেও ভিন্ন ভিন্ন মাত্রায় মা'আরিফ বা গোপনতত্ত্ব শিক্ষা দিয়েছেন। বস্তুতঃ তিনি হাদীসে বলা করেন, 'প্রত্যেক ব্যক্তিকে শুধু ততটুকুই জানাবে, যতটুকু সে বুঝতে পারে।' (হাদীস) একদিন তিনি হযরত আবু বকর (রা.)-কে কিছু সূক্ষ্ম জ্ঞান শিক্ষা দিচ্ছিলেন। এমন সময় হযরত উমর ফারুক (রা.) সেখানে তামরীফ আনেন। আর অমনি হুজুর ﷺ তাঁর বাচনভঙ্গি পরিবর্তন করেন। এর পর হযরত উসমান যুন-নুরাইন (রা.) আগমন করলে নবী কারীম (স:) তাঁর বাচন ভঙ্গি পুনরায় পরিবর্তন করেন। কিছুক্ষণ পর হযরত আলী (রা.) সেখানে তামরীফ আনলে হুজুর ﷺ আবারও তাঁর বাচনভঙ্গি পরিবর্তন করেন। তিনি তাঁদের গুণ ও প্রকৃতির সাথে সঙ্গতি রেখে ভিন্ন ভিন্নভাবে কথা বলেছিলেন।

“তাসাউফের সকল পথ নিঃসৃত হয়েছে ইমাম জাফর আস্-সাদিক (রহ.) থেকে; যিনি জন্মগতভাবে দুই দিক থেকে নবী কারীম ﷺ-এর সাথে সংযুক্ত। একটা হচ্ছে পৈতৃক দিক, যেটা হযরত আলী (ক.)-এর মাধ্যমে নবী কারীম ﷺ পর্যন্ত পৌঁছেছে। অপরটা মাতৃকুলের, যেটা হযরত আবু বকর সিদ্দিক (রা.)-এর মাধ্যমে হুজুর ﷺ পর্যন্ত পৌঁছেছে। যেহেতু তিনি মাতৃকুলের দিক থেকে হযরত আবু বকরের উত্তরাসূরী এবং যেহেতু তিনি তাঁর মাধ্যমে হুজুর পূর নূর ﷺ থেকে সান্নিধ্যপ্রাপ্ত হয়েছেন, সেহেতু হযরত জাফর আস্-সাদিক (রহ.) বলেন, 'আবু বকর সিদ্দিক (রা.) আমাকে দুইটি জীবন দান করেছেন।' ইমাম জাফর আস্-সাদিকের প্রাপ্ত সান্নিধ্য ও মারেফতের এই দুইটি পথ কিন্তু সংমিশ্রিত হয়নি। হযরত আবু বকর (রা.) হতে মহান নকশবন্দি মুতাসাওয়ীফদের কাছে এবং হযরত আলী (ক.) হতে অন্যান্য সিলসিলার কাছে হযরত ইমাম জাফর আস্-সাদিকের মাধ্যমে সান্নিধ্য প্রবাহিত হচ্ছে।” (মাসুম ফারুকী: 'মাকতুবাৎ', ২য় খণ্ড, ৫৯ নং চিঠি)

এই ওহাবী মতাবলম্বী ব্যক্তি তার পুস্তকের ১২২ নং পৃষ্ঠায় লিখেছে, “নবী-এ-আকরাম ﷺ হযরত হুযায়ফাহ্ ইবনিল ইয়ামানকে তাবুকের যুদ্ধ থেকে ফিরবার পথে মুনাফেকদের নামগুলো জানিয়েছিলেন। ফিতনার উদ্ভব হবার ভয়ে হুযায়ফাহ্ কাউকে এসব নাম প্রকাশ করেননি। অতএব, একথা নিশ্চিত যে, হুযায়ফার কোনো আধ্যাত্মিক জ্ঞান নেই যা গোমরাহ্ সুফীরা দাবি করে থাকে। কারণ ইসলাম প্রকাশ্য; এর মধ্যে কোন গুপ্ত জ্ঞান নেই।”

এই উদ্ধৃতিতে সে দাবি করে যে তাসাউফ ইয়াহুদীদের দ্বারা আবিষ্কৃত। তবে ৩০ নং পৃষ্ঠায় সে বলে, “হুজুর ﷺ মুয়ায বিন জাবাল (রা.)- কে যে জ্ঞান সম্পর্কে জ্ঞাত করেছেন তা অধিকাংশ সাহাবাই জানতেন না। রাসূলে কারীম ﷺ মুয়াযকে বলেছেন যে, কাউকে এটা না জানাতে। অতএব, শুভফল এবং সুবিধার কারণে জ্ঞান গোপন করার অনুমতি রয়েছে।”

এটা নিশ্চিত যে, উক্ত ওহাবী কর্তৃক লিখিত পুস্তকটির বক্তব্যের মধ্যে কোনো সামঞ্জস্য বা সঙ্গতি নেই। পাঁচ’শ পৃষ্ঠার এই বইটি অনুরূপ অসঙ্গতিপূর্ণ মন্তব্য এবং বক্তব্যে পরিপূর্ণ। শত শত আয়াত ও হাদীসের উদ্ধৃতি দিয়ে এই ওহাবী মতাবলম্বী ব্যক্তি পাঠকদেরকে ধোকা দিতে সচেষ্ট।

‘মাকতুবাতে’ দ্বিতীয় খণ্ডের ৬১ তম চিঠিতে হযরত মা’সুম ফারুকী লিখেন:

“পৃথিবীতে সবচেয়ে মূল্যবান ও উপকারী জিনিস হচ্ছে আল্লাহ পাকের মারেফত অর্জন করা; অর্থাৎ তাঁকে জানা। আল্লাহ তা’আলাকে দুইটি উপায়ে জানা যায়। প্রথম উপায়টিতে কোনো ব্যক্তি আহলে সুন্নতের উলামার বর্ণনার মাধ্যমে তাঁকে জানতে পারে; আর দ্বিতীয়টি তাসাউফপন্থী মহান উলামাকে জানার মাধ্যমে। অধ্যয়ন ও গভীর চিন্তার মাধ্যমে পূর্ববর্তী জ্ঞানটি অর্জন করা যায়। আর দ্বিতীয়টি ক্বলবের কাশফ ও শুভদের (দিব্যদৃষ্টির) মাধ্যমে অর্জিত হয়। প্রথমটি জ্ঞানের (জ্ঞান) অন্তর্ভুক্ত, যে জ্ঞান আকল তথা বুদ্ধি থেকে নিঃসৃত। প্রথমটিতে মধ্যস্থতাকারী একজন আলেমের অস্তিত্ব থাকে। কিন্তু দ্বিতীয়টিতে আ’রিফের (খোদাকে জানেন এমন দরবেশ) জন্যে মধ্যস্থতার অবসান ঘটে। কারণ কোনো কিছুর আরিফ হওয়ার অর্থ হচ্ছে ওই বস্তুর মধ্যে বিলীন হয়ে যাওয়া। নিম্নোক্ত পংক্তির মধ্যে তা প্রতীয়মান হয়:

**‘উর্ধ্বগমন অথবা অধঃগমন তোমাকে নিকটবর্তী করবেনা,  
হকের নিকটবর্তী হওয়ার অর্থ হচ্ছে অস্তিত্বের অবসান ঘটা।’**

“পূর্ববর্তীটি এলমূল হুসুলী (অধ্যয়নের মাধ্যমে অর্জিত জ্ঞান)-এর সঙ্গে সম্পর্কিত এবং পরবর্তীটি এলমূল হুয়ুরী (পরিজ্ঞাত হওয়ার মাধ্যমে অর্জিত জ্ঞান)-এর সঙ্গে সম্পর্কযুক্ত। পূর্ববর্তীটিতে নফস অবাধ্যতা বর্জন করেনি, কিন্তু পরবর্তীটিতে নফসের বিলুপ্তি ঘটেছে এবং হকের (খোদার) সঙ্গে তা অবস্থান করছে। পূর্ববর্তীটিতে ঈমান ও ইবাদত বাহ্যিক আকারে বিরাজ করছিল, কেননা নফস তখনো ঈমানদার হয়নি। একটি হাদীস-এ-কুদসী ঘোষণা করে, ‘তোমার নফসের প্রতি শত্রু ভাবাপন্ন হও। সেটা আমার (আল্লাহর) প্রতি বৈরী ভাবাপন্ন।’ (হাদীস) উপরোল্লিখিত অন্তরের ঈমানকে বলা হয় ঈমানুল মাজাযী (রূপক বিশ্বাস) এবং এটা বিলুপ্ত হবার সম্ভাবনা আছে। পরবর্তীটিতে যেহেতু মানবীয় কোনো গুণাগুণ আর অবশিষ্ট থাকে না এবং যেহেতু নফস নিজেই বিশ্বাসীতে (ঈমানদার) পরিণত হয়, সেহেতু ঈমান বিলুপ্ত হওয়া থেকে রক্ষা পায়। তাই এটাকে বলা হয় ঈমানুল হাকিকী (প্রকৃত বা খাঁটি বিশ্বাস)। এই অবস্থায় ইবাদত একেবারে খাঁটি, নির্মল। রূপকটি হয়তো বিলুপ্ত হতে পারে, কিন্তু হাকিকীটি অস্তিত্ববিহীন হবে না। এই প্রকৃত বিশ্বাসটি নিম্নোক্ত হাদীসে প্রতিভাত হয় - ‘হে আমার আল্লাহ! আমি সেই বিশ্বাস চাই যার শেষপ্রান্তে কুফর নেই।’ এবং আরেকটি আয়াতেও প্রতিভাত হয়- ‘হে বিশ্বাসীরা! আল্লাহ ও তাঁর রাসূল ﷺ-কে বিশ্বাস করো।’ জ্ঞান এবং ইজতেহাদের উচ্চ পর্যায়ে থাকা সত্ত্বেও

এই মা'রেফত অর্জন করার উদ্দেশ্যে ইমাম আহমদ বিন হাম্বল (রহ.), হযরত বিশর আল হাফী (রহ.)-এর খেদমতে নিজেকে পেশ করেন। যখন তাঁকে জিজ্ঞেস করা হয় কেন তিনি বিশর আল হাফী (রহ.)-এর সাহচর্য /সান্নিধ্য লাভ করার ইচ্ছা পোষণ করেছিলেন; তখন তিনি উত্তর দেন, 'তিনি আল্লাহকে আমার চেয়ে ভালো জানেন।' [হযরত ইমাম আহমদ ইবনে হাম্বল (রহ.) জন্মসূত্রে নিয়ার বিন মুয়াযের মাধ্যমে নবী পাক ﷺ-এর সাথে সম্পর্কিত। তিনি উচ্চস্তরের একজন ফকীহ ও মুহাদ্দীস ছিলেন। তাঁর জন্ম বাগদাদে ১৬৪ হিজরী সালে এবং বেসাল ২৪১ হিজরীতে। 'তায়াকিরাতুল আউলিয়া' গ্রন্থে লেখা আছে যে, তিনি হযরত যুন্নুন মিসরী (রহ.) এবং বিশর আল হাফী (রহ.)-এর মতো মহান মাশায়েখগণের সান্নিধ্য লাভ করেছিলেন।]

“হযরত ইমাম আল-আযম আবু হানিফা (রহ.) তাঁর জীবনের শেষ বছরগুলোতে ইজতেহাদের কাজ বন্ধ করে দিয়েছিলেন। দুই বছর তিনি হযরত ইমাম জাফর আস-সাদিকের (রহ.) সাহচর্য (সান্নিধ্য) লাভ করেন। যখন তাঁকে এর হেতু জিজ্ঞেস করা হয়, তখন তিনি উত্তর দেন, 'ওই দুই বছর না হলে নু'মান (হযরত ইমাম) নিশ্চিহ্ন হয়ে যেত।' যদিও উভয় ইমামই (মাযহাবের ইমাম) জ্ঞানের ও এবাদতের সর্বোচ্চ পর্যায়ে অবস্থান করছিলেন, তবুও তাঁরা তাসাউফের মহান আলেমদের কাছে গমন করেন এবং মারেফত ও তার ফল 'ঈমানুল হাক্কিকি' অর্জন করেন। ইজতেহাদের চেয়ে কি আর কোনো মূল্যবান ইবাদত ছিল? ইসলাম শিক্ষা ও প্রচারের চেয়ে উত্তম কি আর কোনো আমল ছিল? এগুলো ছেড়ে তাঁরা মহান মুতাসাওয়ীফদের খেদমতকে আঁকড়ে ধরেন; ফলে মারেফত অর্জন করতে সক্ষম হয়।

“ঈমানের পর্যায়/স্তর (ডিগ্রী) দিয়েই আমল ও এবাদতের মূল্য পরিমাপ করা হয়। এবাদতের ঔজ্জ্বল্য এখলাসের (নিষ্ঠার) পরিমাণের ওপর নির্ভরশীল। ঈমান যতো পূর্ণতা লাভ করবে এবং এখলাস যতো অর্জিত হবে, আমলও ততোই উজ্জ্বল ও মক্বুল (গ্রহণীয়) হয়ে উঠবে। ঈমানের পূর্ণতা ও ইখলাসের সম্পূর্ণতা নির্ভর করে মা'রেফাতের ওপর। যেহেতু মারেফত ও প্রকৃত বিশ্বাস ফানা এবং 'মৃত্যুর পূর্বে মৃত্যু'-এর ওপর নির্ভর করে, সেহেতু কোনো ব্যক্তির ঈমানের পূর্ণতা তাঁর ফানার অনুপাতেই হয়ে থাকে। এ কারণেই হাদীসে ঘোষিত হয়েছে যে, হযরত আবু বকর (রা.)-এর ঈমান অন্যান্য মুসলমানের চাইতে উচ্চতর - 'আবু বকরের ঈমানকে যদি আমার সমস্ত উম্মতের ঈমানের সঙ্গে পাল্লায় মাপা হয়, তাহলেও তাঁরটা ওজনে ভারি হবে।' (হাদীস) কারণ তিনি ফানার ক্ষেত্রে সকল উম্মতের চেয়ে অগ্রগামী। 'জীবিত মূর্দাকে যে ব্যক্তি দেখতে চায় তাকে অবশ্যই আবু কুহাফার পুত্রকে (হযরত আবু বকর) দেখতে হবে'-হাদীসটি আমাদের কথাকে সমর্থন দেয়। বস্তুতঃ নবী কারীম ﷺ-এর সকল সাহাবীই ফানা অর্জন করতে সক্ষম হয়েছিলেন। হাদীসে পছন্দকৃত হযরত আবু বকর সিদ্দিক (রা.)-এর ফানা পরিস্ফুট করে যে তাঁর ফানার পর্যায় অতি উচ্চে ছিল।” (মাসুম ফারুকী : মাকতুবাৎ ২য় খণ্ড, ৬১ চিঠি)

মাকতুবাৎ দ্বিতীয় খণ্ডের ১০৬ নং চিঠিতে হযরত মাসুম ফারুকী ঘোষণা করেন: “সুন্দর কলেমা 'লা ইলাহা ইল্লাল্লাহ্' অধিক সংখ্যকবার পাঠ করবে। এই যিকির ক্লব দ্বারা পালন করবে। যতো বার পারো ততোবার এটা পড়বে। এই নেয়ামতপূর্ণ বাক্যটি অন্তরকে পরিষ্কার করার জন্যে বিশেষ উপকারী। এই সুন্দর কলেমার অর্ধাংশ পাঠ করার সাথে সাথে আল্লাহ ছাড়া বাকি সব কিছু নিশ্চিহ্ন হয়ে যায়। আর অবশিষ্টাংশ পাঠ করা মাত্রই প্রকৃত মা'বুদের অস্তিত্ব স্বীকৃত হয়; এবং সায়ের ও সুলুক, অর্থাৎ তাসাউফের পথে অগ্রসর হওয়ার উদ্দেশ্যই হচ্ছে

উপর্যুক্ত দুটো অবস্থাকে অর্জন করা। একটি হাদীসে ঘোষিত হয়েছে: ‘সবচেয়ে মূল্যবান কলেমা হচ্ছে লা ইলাহা ইল্লাল্লাহ্।’ বেশি মানুষের সোহবতে থাকবে না। নিঃসঙ্গতা পছন্দ করবে। অধিক ইবাদত করবে। রাসূলে পাক ﷺ-এর সুলতকে শক্তভাবে ধরবে। বিদআত ও বিদয়াতীকে এড়িয়ে চলবে। বিশুদ্ধ (পুণ্যবান) বান্দাদের একজন ঘোষণা করেছেন: ‘ভালো এবং বদকার উভয়ই ভালো কাজ করতে সক্ষম, কিন্তু একমাত্র সিদ্দিক (সত্যনিষ্ঠ বুয়ূর্গ)-গণই খারাপ জিনিস থেকে দূরে সরে থাকতে সক্ষম।’

“তুমি প্রশ্ন করেছ যে, তাসাউফের পথিকের জন্যে হালাল উপায়ে অর্জিত দামী পরিধেয় বস্ত্র পরিধান করা খারাপ কিনা। যাঁর হৃদয় ফানা অর্জন করার ফলে কোনো কিছুতে আগ্রহী নয়, তাঁর হাত কিংবা দেহের সঙ্গে সংযুক্ত কোনো বস্তুই তাঁর অন্তরকে যিকর থেকে ফিরিয়ে রাখে না। তাঁর অন্তর দেহের অন্যান্য অঙ্গের সঙ্গে সম্পর্ক রাখে না, এমন কি তাঁর ঘুমও তাঁর অন্তরের কাজে ব্যাঘাত সৃষ্টি করে না। ফানার পর্যায় পর্যন্ত পৌঁছতে পারে নি এমন ব্যক্তির ক্ষেত্রে কিন্তু একই রকম অবস্থা হবে না। আর তার দৃশ্যমান অঙ্গ-প্রত্যঙ্গ অন্তরের সঙ্গে সম্পর্কযুক্ত। তবে এ কথা বলা যাবে না যে, তাঁর দ্বারা নতুন ও দামী কাপড় পরিধান করাটা তার ক্লবের কাজের জন্যে প্রতিবন্ধকতা সৃষ্টি করবে। দ্বীনের মহান ইমামগণ, আহলে বায়তের ইমামগণ, হযরত ইমাম আল-আযম আবু হানিফা (রহ.) এবং হযরত গাউসুল আযম বড় পীর সাহেব (রহ.) সবাই দামী কাপড় পরতেন। ‘খাযানাতুর রিওয়য়া’ ও ‘মাতালিব আল-মুমিনীন’ এবং ‘দাহিরী’ কিতাবসমূহ বর্ণনা করে যে রাসূল-এ-কারীম ﷺ এক হাজার রৌপ্য দিরহাম মূল্যের একটা জুব্বা (লম্বা কোর্তা) পরিধান করতেন। চার হাজার দিরহাম মূল্যের জুব্বা পরিহিত অবস্থায় তাঁকে একবার সালাত আদায় করতে দেখা গিয়েছিল। আল-ইমাম আল-আযম আবু হানিফা (রহ.) তাঁর শিষ্যদেরকে উপদেশ দিতেন নতুন এবং দামী বস্ত্র পরিধান করতে। হযরত আবু সায়ীদ খুদরী (রা.)-কে জিজ্ঞাসা করা হয় যে, খাওয়া, পান করা এবং বস্ত্র পরিধানের ব্যাপারে নতুন নতুন পরিবর্তন সম্পর্কে তাঁর মতামত কী। তিনি বলেন, যদি তা হালাল অর্থ দ্বারা করা হয় এবং প্রদর্শনোদ্দেশ্যে অথবা নিফাক (কপটতা) সহকারে করা না হয়, তবে তা হবে আল্লাহর দানের প্রতি কৃতজ্ঞতা প্রকাশেরই মাধ্যমবিশেষ।

আল্লাহ ভিন্ন অন্য কোনো বস্তুর প্রতি ভালোবাসা দুই প্রকার। প্রথমটি হচ্ছে ক্লব ও দেহের মাধ্যমে ভালোবাসা এবং কামনা করা। এটা অঙ্গদের ভালোবাসা। এ ধরণের ভালোবাসা থেকে ক্লবকে মুক্ত করবার জন্যেই কোনো ব্যক্তি তাসাউফের পথে প্রাণপণ সাধনা চালিয়ে যান। ফলে একমাত্র আল্লাহর প্রতি প্রেমই ক্লবে অবশিষ্ট থাকে এবং ওই ব্যক্তি শিরক-এ-খফি (গুপ্ত শিরক) থেকে মুক্তি পান। এর ফলে পরিদৃষ্ট হয় যে, কোনো ব্যক্তিকে শিরক-এ-খফি থেকে মুক্ত করার জন্যে তাসাউফ অপরিহার্য। এটা সেই ঈমান অর্জনের মাধ্যম, যেটা আয়াতে ঘোষিত হয়েছে: ‘হে বিশ্বাসীরা! ঈমান আনো!’ সূরা আনআমের ১২১ আয়াতে বলা হয়েছে, ‘(অঙ্গ প্রত্যঙ্গ কিংবা ক্লব) দ্বারা সংঘটিত প্রকাশ্য-অপ্রকাশ্য গুনাহসমূহ পরিহার করো’ (আল্-আয়াত); খোদায়ী এ আদেশটি পরিষ্কৃত করে যে, আল্লাহ ছাড়া অন্য সব বস্তুর মোহ থেকে ক্লবকে মুক্ত করা জরুরী। আল্লাহ ছাড়া কি কোনো শুভফল আশা করা যায়? আল্লাহর দৃষ্টিতে তাঁকে ছেড়ে অন্য বস্তুর মোহাচ্ছন্ন ক্লবের কোনো মূল্য বা গুরুত্বই নেই।

দ্বিতীয় প্রকারের ভালোবাসা হচ্ছে সেটা, যা’তে শুধুমাত্র অঙ্গ-প্রত্যঙ্গের ভালোবাসা কিংবা কামনাই জড়িত। ক্লব ও রুহ আল্লাহ তা’আলার প্রতি নিষ্ঠাবান হয়ে তাঁকে ছাড়া আর কাউকেই চেনে না। ওই ধরণের ভালোবাসাকে

বলা হয় ‘মাইল তাবী-ই’ (সহজাত)। এটা শুধু দেহের সঙ্গে যুক্ত। এটা অন্তর কিংবা আত্মাকে কলুষিত করে না। দেহের শক্তি ও পদার্থের চাহিদা থেকে এর উদ্ভব হয়। যাঁরা ফানা এবং বাক্বা অর্জন করেছেন, তাঁদের মধ্যেও সৃষ্টির প্রতি এই ভালোবাসাটি বিদ্যমান। বস্তুতঃ তাঁদের সকলের মধ্যেই এটা বিরাজমান। রাসূলুল্লাহ ﷺ ঠাণ্ডা ও মিষ্টি শরবত পছন্দ করতেন। ‘তোমাদের পৃথিবীর তিনটা জিনিসকে পছন্দ করতে আমাকে অনুমতি দেয়া হয়েছে’- হাদীসটা সর্বজনবিদিত। ‘শামাইল’ কিতাবসমূহে লিপিবদ্ধ আছে যে, ‘হুজুর ﷺ আল- বুর্দুল ইয়ামানী’ নামক সুতা ও রেশমের তৈরি বস্ত্র পছন্দ করতেন।’

“যখন নফস ‘ফানা’ (লয়) দ্বারা সম্মানিত হয় এবং ‘ইতমিনান’ (প্রশান্তি) অর্জন করে, তখন সেটা পাঁচ লতিফা, অর্থাৎ, ক্বলব (অন্তর), রুহ (আত্মা), সীরর (রহস্য), খফি (গোপন) এবং আখফা (অত্যন্ত গোপন) ইত্যাদির অনুরূপ হয়ে যায়। আর এ পর্যায়ে শুধুমাত্র দেহের পদার্থসমূহের এবং দেহের উষ্ণ ও চলমান শক্তির বিরুদ্ধেই যুদ্ধ সংঘটিত হয়। একটা হাদীস বলা করে: ‘ইন্দ্রিয়সমূহের মাধ্যমে যা উপলব্ধি করা হয় তা পরিষ্কার ক্বলব ও নফসসমূহকে ক্ষতিগ্রস্ত করে।’ তাহলে অন্যান্য মানুষের ওপর এর প্রভাব যথাযথভাবে অনুমান করা যায়।

“তুমি প্রশ্ন করেছ যে, নিম্নোক্ত শ্রেণীর লোকদের পেশকৃত খাদ্য গ্রহণ করা অথবা তাদের গৃহে গমন করা জায়েয (বৈধ) কিনা! যথা- বিদয়াতী, ঘুষখোর, প্রতারক, ফাসিক (পাপী)। খাদ্য গ্রহণ না করা এবং গৃহে গমন না করাই উত্তম। বস্তুতঃ তাসাউফের পথে বিচরণকারীদের জন্যে তাদেরকে এড়িয়ে চলা অত্যাবশ্যিক; তবে জরুরী প্রয়োজনের সময় অনুমতি আছে। হারাম হিসেবে জ্বাত জিনিস খাওয়া হারাম। আর হালাল হিসেবে জ্বাত জিনিস খাওয়া হালাল (বৈধ)। যদি হালাল বা হারাম হওয়া সম্পর্কে জানা না থাকে, তবে না খাওয়াই উত্তম!”

**প্রশ্ন:** তাসাউফ কি বিদআত? এটা কি ইহুদীদের দ্বারা আবিষ্কৃত?

**উত্তর:** শরীয়তের আদেশগুলোর মধ্যে একটি হচ্ছে আল্লাহ তা‘আলাকে জানবার চেষ্টা করা। আর এই উদ্দেশ্যে তাসাউফের পথ সম্পর্কে জ্ঞানী ও অভিজ্ঞ এবং তাসাউফ শিক্ষাদানকারী মুর্শিদ আল্-কামিলের খোঁজ ও আনুগত্য (মান্য) করা। আল্লাহ তা‘আলা বলেন: ‘আমার সান্নিধ্য অর্জনের উদ্দেশ্যে ওসীলার সন্ধান করা’ (সুরা মায়োদা, ৩৮) রাসূল-এ-কারীম ﷺ-এর সময় থেকেই মুর্শিদ হতে শিষ্যের (মুরীদের) ফায়েয ও মারেফত জ্ঞান লাভ করার প্রথাটা চলে আসছে, আর তখন থেকেই প্রত্যেক মুসলমান এটা জানেন। এটা এমন কোনো নতুন কিছু নয় যা পরবর্তীকালে তাসাউফপন্থী ইমামগণ পরিবেশন করেছেন। প্রত্যেক মুর্শিদই তাঁর নিজের মুর্শিদকে আঁকড়ে ধরেছেন। এই সংযোজনের পারম্পর্য (সিলসিলা) হুযুর পাক ﷺ পর্যন্ত গিয়েছে। নকশবন্দীয়া তরীকার গুরুজনদের সংযোজনের পারম্পর্য হযরত আবু বকর (রা.)-এর মাধ্যমে হুযুর ﷺ-এর কাছে পৌঁছেছে। আর অন্যান্য তরীকার সিলসিলা হযরত আলী (র.)-এর মাধ্যমে পৌঁছেছে। এটাকে কি বিদআত আখ্যা দেয়া যায়? যদিও ‘মুর্শিদ’ ও ‘মুরিদ’ সংজ্ঞাগুলো পরবর্তীকালে পরিবেশন করা হয়েছে, তবুও নাম অথবা কথাসমূহ কোনো বিশেষ গুরুত্ব বহন করে না। যদি এ সব কথার অস্তিত্ব তখন নাও থাকতো, তবুও তাদের অর্থ এবং হৃদয়ের সংশ্লিষ্টতা বর্তমান ছিল। তাসাউফের সকল তরীকার সার্বিক মূল দায়িত্ব হচ্ছে যিকর সম্পাদনের পদ্ধতি শিক্ষা দেয়া, যা শরীয়তেরই একটা আদেশ বিশেষ। উচ্চৈঃস্বরে যিকির পালন করার চেয়ে নীরবে পালন করার মূল্য

বেশি। একটি হাদীস ঘোষণা করে: ‘হাফাযা ফেরেশতাগণ যে যিকর শুনতে পান, তার থেকে যেটা তাঁরা শুনতে পান না, সেটার মূল্য সত্তর গুণ বেশি।’(হাদীস) হাদীসে প্রশংসিত যিকরটি হচ্ছে ক্বলব্ ও অন্যান্য লতিফা দ্বারা সম্পাদিত যিকর। মূল্যবান কিতাবসমূহে লেখা আছে যে, রাসূলুল্লাহ ﷺ নবুয়তপ্রাপ্তির আগে ক্বলব দ্বারা যিকর করতেন।

তাসাউফকে বিদআত ও ইহুদীদের দ্বারা আবিষ্কৃত বলাটা আল-বুখারীর হাদীস গ্রন্থ অথবা ফিক্বাহর কিতাব ‘আল হিদায়া’ পাঠ করাকে বিদআত বলার মতোই ব্যাপার।” (মাসুম ফারুকী: মাকতুবাতে ২য় খণ্ড, ১০৬ নং চিঠি)

মাকতুবাতে দ্বিতীয় খণ্ডের ১১০ নং চিঠিতে মাসুম ফারুকী তাসাউফ ও তার পথিক সম্পর্কে সুস্পষ্ট বর্ণনা দেন। তিনি লিখেছেন: “বিদআত সংঘটনকারীদের কাছ থেকে দূরে সরে থাকবে এবং তাদের থেকেও, যারা চার মাযহারেব কোনো একটির অন্তর্গত নয়। হযরত ইয়াহুইয়া মুয়ায (রহ.) তিন ধরণের লোক থেকে দূরত্ব বজায় রাখার পরামর্শ দিয়েছেন: ১। গাফেল (বে-খবর) আলেম, ২। মিথ্যাবাদী ও পদলেহী ক্বারী (তেলাওয়াতকারী) এবং ৩। তাসাউফের অজ্ঞ ব্যক্তি। যে ব্যক্তি শায়খ অথবা মুরশিদ হিসেবে আখ্যায়িত, সে যদি রাসূল-এ-কারীম ﷺ-এর সুন্নতের অমান্যকারী হয় এবং শরীয়ত না মেনে চলে, তাহলে তার থেকে তুমি সাবধান হয়ে দূরে সরে থাকো! সে যে নগরীতে বসবাস করে তাতে অবস্থান করবে না; একদিন হয়তো তুমি তার সম্মুখীন হয়ে ক্ষতিগ্রস্ত হবে। ওই ধরণের ব্যক্তি পকেটমারের মতোই। সে শয়তানের দ্বারা নিযুক্ত মুসলমানদেরকে প্রতারিত করার ফাঁদ বিশেষ। যদি সে অলৌকিক কর্ম সংঘটন করতে পারেও এবং দুনিয়ার প্রতি মোহাচ্ছন্ন নাও হয়, তবুও তার কাছ থেকে পালাবে, যেমনিভাবে একটি সিংহের কাছ থেকে পালাতে হয়। তাসাউফের গুরুদের মধ্যে অন্যতম হযরত জুনাইদ আল-বাগদাদী (রহ.) ঘোষণা করেছেন যে, একমাত্র সেই সকল তাসাউফের পথই মানুষকে পূর্ণতা অর্জন করতে সাহায্য করে যেগুলো নিষ্ঠার সঙ্গে রাসূল-এ-কারীম ﷺ-এর পদাঙ্ক অনুসরণ করে; আর বাকিগুলো হচ্ছে অন্ধকার গলিপথের মত। তিনি আরও ঘোষণা করেছেন যে, কুরআন কর্তৃক নির্ধারিত সীমা যে ব্যক্তি লঙ্ঘন করে এবং যে ব্যক্তি হাদীসসমূহ চেনে না, সে মুরশিদ হতে পারে না। কেননা, তাসাউফের পথ আল্লাহর কুরআন ও রাসূল ﷺ-এর সুন্নাতের ওপর প্রতিষ্ঠিত। তাসাউফের মহান ইমামগণ হচ্ছেন সেই সকল উলামা যারা শরীয়ত মান্য করে চলেছিলেন (তাঁদের জীবনে)। তাঁরা হুজুর পূর নূর ﷺ-এর ওয়ারিশ। তাঁরা তাঁকে তাঁদের সকল কথা, আমল ও স্বভাবে মান্য করেছিলেন। এয়া আল্লাহ্ ! আপনি আমাদেরকে সেই সকল মহান ইমামের মাধ্যমে সান্নিধ্য ও নেয়ামত দান করুন, আমিন ! আমি (মাসুম ফারুকী) সব সময়ই বলি এবং তোমাকে আবারও বলছি, যে ব্যক্তি রাসূলে কারীম ﷺ-এর তাবেদারীতে শৈথিল্য প্রদর্শন করে এবং তাঁর মর্যাদাপূর্ণ সুন্নত পরিত্যাগ করে, সে কখনও সূফী হতে পারে না। তাকে আল্লাহ-ওয়াল্লা মনে করবে না! তার অলৌকিক ক্ষমতা ও দুনিয়াবী বস্তুর প্রতি বাহ্যিক অনাসক্ত মনোভাব দেখে ভুল বুঝবে না। যুহদ (কৃচ্ছত্র), তাওয়াক্কুল (খোদার ওপর ভরসা) ও মারেফত (ভেদের জ্ঞান) সম্পর্কে তার কথাকে বিশ্বাস করবে না। কারণ বাতিল (পথভ্রষ্ট) ইহুদী, খ্রিষ্টান, হিন্দু-বৌদ্ধ এবং ব্রাহ্মণ সম্প্রদায়ভুক্ত লোকেরাও মুসলমানদের মাহাত্ম্যের মতো মাহাত্ম্য প্রদর্শন করতে পারে। হযরত আবু আমর ইবনে নাজিদ (র.) বলেন যে, শরীয়তের জ্ঞানের ওপর প্রতিষ্ঠিত নয় এমন হালসমূহ উপকারী নয়, বরং ক্ষতিকর – যদিও সেগুলো অতি সুন্দর ও চমকপ্রদ হয়। আর যখন তাঁকে জিজ্ঞাসা করা হয় যে, তাসাউফ অর্থ কী তখন তিনি উত্তর দেন যে, শরীয়তের আদেশ-নিষেধ পালন করাই হচ্ছে তাসাউফ।

“তাসাউফের সারমর্ম হচ্ছে শরীয়তকে মান্য করা। মানুষকে শেষ বিচারের দিনে যে জিনিসটা রক্ষা করবে তা হচ্ছে নিষ্ঠার সঙ্গে হৃয়ুর পূর নূর ﷻ-এর পদাঙ্ক অনুসরণ। সঠিক পথের অনুসারী ও বাতিল (ভ্রান্ত) পথের অনুসারীদের মধ্যে পার্থক্য নির্ণায়ক চিহ্ন হচ্ছে রাসূলুল্লাহ (স:) -এর তাবেদারী। তাঁর (আদর্শের) সঙ্গে অসঙ্গতিপূর্ণ যুহদ (কৃচ্ছরত) অথবা পার্থিব অনাসক্তি সম্পূর্ণ নিষ্ফল। তাঁর মধ্যস্থতাবিহীন যিকির, তাফাকুর (ধ্যান), আবেগ-উচ্ছ্বাস এবং স্বাদ, মানুষকে শূন্য এনে দেয়। শুধু ক্ষুধা ও নফস্ দমনের মাধ্যমেও চমকপ্রদ এবং অত্যাশ্চর্য জিনিস (খাওয়ারিক) করা যায়। কিন্তু আল্লাহ তা’আলাকে জানার সঙ্গে সেগুলোর কোনো সম্পর্কই নেই। হযরত আবদুল্লাহ ইবনে মুবারক (রহ.) বলেন: ‘যে ব্যক্তি আদব (শিষ্টাচার) ও মুস্তাহাব (প্রশংসনীয় আমল) পালনে তৎপর নয়, সে সুন্নত পালনে অক্ষম, এবং যে ব্যক্তি সুন্নত পালনে শিথিল, সে ফরয পালনে অক্ষম; এবং যে ব্যক্তি ফরয পালনে শিথিল, সে আল্লাহকে জানা থেকে বঞ্চিত।’ এ কারণেই হাদীসে বলা হয়েছে: ‘ফিসক (পাপ) সংঘটন একজন ব্যক্তিকে কুফরের দিকে পরিচালিত করে। (হাদীস) যখন হযরত শায়খ আবু সাইদ আবুল খায়েরকে বলা হলো যে অমুক লোক পানিতে হাঁটতে সক্ষম, তখন তিনি বললেন যে, ব্যাঙও পানিতে ভাসতে সক্ষম। তাঁকে আবার যখন বলা হলো যে, অমুক লোক আকাশে উড়তে সক্ষম, তখন তিনি মন্তব্য করলেন যে, কাক এবং মাছিও আকাশে উড়তে সক্ষম। আর তাঁকে যখন বলা হলো যে, অমুক মুহূর্তের মধ্যে এক শহর থেকে অন্য শহরে গমন করতে পারে, তখন তিনি বললেন, ‘শয়তানও মুহূর্তে পূর্ব থেকে পশ্চিমে ভ্রমণ করতে সক্ষম। আমাদের ধর্মে ওই ধরণের জিনিসের কোনো মূল্যই নেই। মানুষের মাঝে বসবাস করে বাজার ও বিয়ে করার মতো কর্ম সম্পাদন করে আল্লাহকে এক মুহূর্তের জন্যেও না ভোলার মতো মূল্যবান জিনিস আর নেই।’ হযরত আবু আলী রদবারীকে জনৈক ব্যক্তি সম্পর্কে জিজ্ঞেস করা হয়েছিল, যে ব্যক্তিটি বলেছিল: ‘আমি তাসাউফের শেষ প্রান্ত পর্যন্ত পৌঁছে গিয়েছি এবং তাই আমার জন্যে সব কিছুই হালাল হয়ে গিয়েছে, আর পাপ-পঙ্কিলতা আমার কোনো ক্ষতি করতে পারবে না।’ হযরত আবু আলী রদবারী উত্তরে বলেন: ‘হ্যাঁ, সে অর্জন করেছে; তবে সে জাহান্নাম অর্জন করেছে।’ হযরত আবু সুলাইমান আদ দারানী বলেন: ‘আমি অহরহ আমার হৃদয়ে কিছু জ্ঞানকে উদিত হতে দেখি। আমি সেগুলো গ্রহণ করি না দুটো সাক্ষী - আল্লাহর কিতাব এবং রাসূলুল্লাহ ﷻ-এর সুন্নত - ব্যতিরেকে।’ একটি হাদীস ঘোষণা করে: ‘বিদয়াতী (ধর্মে নতুন প্রথা প্রবর্তক)-রা দোষখবাসীদের কুকুর হবে।’ আরেকটি হাদীসে বলা হচ্ছে: ‘শয়তান বিদয়াতীকে ইবাদত করতে সহায়তা করে এবং তার মধ্যে আল্লাহ্ ভীতির অনুভূতি জাগ্রত করে। এটা বিদয়াতীকে যথেষ্ট কাঁদায়।’ আবার আরেকটি হাদীসে বলা করে: ‘বিদয়াতীর রোযা, সালাত, হজ্ব, উমরাহ, যুদ্ধ, ফরয ও নফল ইবাদত আল্লাহ পাক গ্রহণ করেন না। ওই ধরণের ব্যক্তি সহজেই ইসলাম থেকে বিচ্যুত হয়।’ (হাদীস) ‘গ্রহণ করেন না’-এর অর্থ, ‘শর্তসমূহ পূর্ণ হলেও তাতে কোনো সওয়াব অথবা লাভ নিহিত নেই।’ শায়খ ইবনে আবি বকর তাঁর ‘মা’আরিজুল হিদায়া’ গ্রন্থে লিখেছেন, ‘সঠিককে জানতে শেখো এবং সঠিক হও। মানুষের সততা, পূর্ণতা ও মর্যাদা সবই তাদের দ্বারা তাদের প্রত্যেকটি কাজে, চিন্তায়, প্রথায়, এবং এবাদতে হযরত মুহাম্মদ মুস্তফা (ﷺ)-এর তাবেদারী করার ওপরই নির্ভরশীল। কেননা, সকল ধরণের সুখ-শান্তি একমাত্র তাঁর সুন্নাতকে অনুসরণ করেই অর্জন করা সম্ভব। অর্থাৎ, তাঁর আদেশ-নিষেধ মান্য করতে হবে। সব অঙ্গ-প্রত্যঙ্গ, অন্তর এবং নফসকে তাঁর শরীয়তের প্রতি নিবেদিত হতে হবে। আর এটা যিকির পালন, কুরআন তেলাওয়াত ও উত্তম স্বভাব দ্বারা কলবকে নূরানী (আলোক/জ্যোতির্ময়) করার মাধ্যমেই অর্জন করা সম্ভব।’ (মা’আরিজুল হিদায়া)

“গুণাহ করার সঙ্গে সঙ্গে প্রত্যেকের তওবা করা উচিত। জনসমক্ষে সংঘটিত গুণাহের তওবা জনসমক্ষে করতে হবে। আর গোপনে সংঘটিত গুণাহের তওবা গোপনে করতে হবে। তওবাকে স্থগিত রাখা উচিত নয়। কিরামান কাতেবীন ফেরেশতাগণ গুণাহ সংঘটনের পর তিন ঘণ্টা যাবত তা নথিভুক্ত করেন না; এই সময়ের ভেতর যদি গুণাহকারী তওবা করে তবে তাঁরা আর সেই গুণাহটি নথিভুক্ত করেন না। কিন্তু যদি তওবা না করা হয়, তাহলে তাঁরা তা লিপিবদ্ধ করেন। হযরত জাফর ইবনে সিনান (রহ.) বলেন, ‘তওবা স্থগিত রাখা নিজেই একটা গুণাহ বিশেষ। এটা সংঘটিত গুণাহর চেয়েও বড় গুণাহ।’ যদি কেউ গুণাহ করে সঙ্গে সঙ্গে তওবা না করে, তবে মৃত্যুর আগে সম্ভাব্য যে কোনো সময়ে তা সমাপ্ত করা উচিত। আল্লাহর কাছে তওবা সব সময়ই গ্রহণীয়। একটা হাদীসে ঘোষিত হয়েছে: ‘আল্লাহ তা’আলা দিনে সংঘটিত গুণাহের তওবা রাতে কৃত হতে দেখতে চান।’ (হাদীস) প্রত্যেক ব্যক্তির উচিত ‘ওয়ারা’ ও ‘তাকওয়া’-কে আঁকড়ে ধরা এবং হারাম ও মুতাবাহাত (সন্দেহজনক বস্তু)-কে এড়িয়ে চলা। ফরয পালনের চাইতে হারামকে এড়িয়ে চলার উপকারিতা তাসাউফের পথে অনেক বেশি। আমাদের একজন প্রখ্যাত গুরুজন বলেছেন, ‘খারাপরাও’ ভালোদের মতো উপকার করতে সক্ষম। কিন্তু শুধুমাত্র সিদ্ধিক (সত্যনিষ্ঠ বুয়ূর্গ)-গণই পাপ এড়িয়ে চলতে পারেন।’ হযরত মারুফ আল-কারখী (রহ.) বলেছেন: ‘যে সব বস্তুর দিকে দৃষ্টিপাত করা হারাম সেগুলোর দিকে তাকানো থেকে সাবধান হও।’ একটা হাদীসে বলা হয়েছে: ‘পুনরুত্থান দিবসে যুহদ ও ওয়ারা সম্পন্ন ব্যক্তিবর্গই আল্লাহ তা’আলার সন্তুষ্টি ও নেয়ামত অর্জন করতে পারবে।’ আরেকটি হাদীস বলা ফরমায়: ‘গুণাহ বর্জনকারী ব্যক্তির সালাত (নামায) মরুবুল (গ্রহণীয়)। ওয়ারাসম্পন্ন ব্যক্তির সাহচর্য (সাহচর্য) লাভ করা এবাদতের মতো (সওয়াবদায়ক)। তাঁর সঙ্গে কথা বলা সাদকা প্রদানের মতো।’ (হাদীস) [হাদীসটি পরিস্ফুট করে যে, ওয়ারাসম্পন্ন মুর্শিদ আল-কামেল ওয়াল মোকাম্মেলের সান্নিধ্য আল্লাহরই ইবাদত বৈ কিছু নয় - ইশিক]।

প্রত্যেকের উচিত নিজের আমল ও হালগুলোকে ত্রুটিপূর্ণ বিবেচনা করা এবং ক্ষমা প্রার্থনা করা। জাফর ইবনে সিনান (রা.) বলেছেন, ‘ইবাদতকারীদেরকে পাপিষ্ঠদের থেকে বড় মনে করাটা ফাসিকদের (পাপীদের) ফিসকগুলোর চেয়েও বড় ফিসকা।’ হযরত মুহাম্মদ সুরতাইশকে রাস্তায় দেখতে পেয়ে লোকেরা তাঁকে জিজ্ঞেস করে কী কারণে তিনি এ’তেকাফ বর্জন করলেন। তিনি উত্তর দেন: ‘ক্বারীদেরকে রিয়া (প্রদর্শন) করতে দেখে আমি সেখান থেকে চলে আসি।’

প্রত্যেক ব্যক্তির স্ত্রী ও সন্তানদের ভরণ-পোষণের জন্যে একটি কর্মসংস্থান থাকা উচিত। চাকরি থাকাটা তাসাউফের পথে অগ্রসর হতে বিঘ্ন সৃষ্টি করে না। তাসাউফের মহান ইমামগণও ব্যবসা ও প্রকৌশলের কাজ করেছেন। কাজ করে অর্জন করার সওয়াব বর্ণনাকারী বহু হাদীস রয়েছে। তাওয়াক্কুল (আল্লাহ ওপর ভরসা/আস্থা) নিঃসন্দেহে একটি উত্তম গুণ; কিন্তু যারা তাওয়াক্কুল চর্চা করেন তাদের উচিত নয় অন্যদের উপার্জনের ওপর জীবিকা নির্বাহ করা। হযরত মুহাম্মদ ইবনে সালিমকে জিজ্ঞেস করা হলো: ‘আমরা কি কাজ করে উপার্জন করবো, নাকি এ দুনিয়ার বিষয়ে তাওয়াক্কুল করবো এবং আখেরাতের জন্যে ইবাদত করবো?’ তিনি উত্তর দিলেন: ‘তাওয়াক্কুল রাসূল-এ-কারীম ﷺ-এর হাল ছিল। আর কাজ করে উপার্জন ছিল তাঁর পবিত্র সুন্নত।’ যারা তাওয়াক্কুলের শর্তসমূহ পূরণ করতে অক্ষম, তাদের উচিত কাজ করা। হযরত মুহাম্মদ মানাযিল (রহ.) বলেন যে, কাজ না করে তাওয়াক্কুল করার চাইতে কাজ করে তাওয়াক্কুল করাই উত্তম। প্রত্যেকের উচিত আহার কার্যে সংযত হওয়া। হযরত বাহাউদ্দীন নকশবন্দ আল-বোখারী (রহ.) বলেছেন, ‘ভালো খাও এবং

ভালোভাবে কাজ করো।' সংক্ষেপে, যতোটুকু পরিমাণ খাদ্য এবাদতে সাহায্য করে তা (খাওয়া) ভালো, আর যতোটুকু পরিমাণ ক্ষতি করে তা হারাম (নিষিদ্ধ)।

প্রত্যেকের উচিত নিজের কৃত কর্মগুলোর ক্ষেত্রে উত্তম নিয়ত মনের মধ্যে পোষণ করা এবং উত্তম নিয়ত না হওয়া পর্যন্ত কোনো কাজ সংঘটন না করা। বেশি লোকের সঙ্গে কোনো ব্যক্তির সম্পর্ক না রাখা উচিত এবং কথাও অতিরিক্ত না বলা উচিত। একটি হাদীস ঘোষণা করে: 'হিকমত (উপকারী বস্তু) দশটি অংশ দ্বারা গঠিত। এর মধ্যে নয়টি হচ্ছে উয়লাত (নিঃসঙ্গতা)। আর বাকিটি হচ্ছে নীরবতা।' (হাদীস) প্রত্যেকের উচিত মানুষের সঙ্গে অল্প সময় ব্যয় করা এবং বাকি সময় যিকির ও মুরাকাবা (মধ্যস্থতা)-তে ব্যয় করা। সাহচর্য (সান্নিধ্য) মূল্যবান হবে যদি তা কোনো ব্যক্তির এবং অন্যান্যদের জন্যে উপকারী হয়। বে-দরকারি এবং মূল্যহীন কথাবার্তা যদি না বলা হয়, তাহলেও তা উপকারী হবে। প্রত্যেকের উচিত বিদআত সংঘটনকারী এবং চার মাসহাব বহির্ভূত ব্যক্তিদের কাছ থেকে দূরে সরে থাকা। ভালো হোক বা খারাপ হোক, সবার সঙ্গে প্রত্যেকের হাসি মুখে আচরণ করা উচিত। প্রত্যেকের উচিত ক্ষমাপ্রার্থীকে ক্ষমা করে দেয়া। কারও সঙ্গেই কোনো ব্যক্তির ঝগড়া করা উচিত নয়; তাঁর কথার প্রতি ঘৃণা পোষণ করাও তাঁর উচিত নয়। প্রত্যেকের সঙ্গে নম্রভাবে কথা বলবে। একমাত্র আল্লাহর ওয়াস্তেই কঠোর হওয়া যায়। শায়েখ আবদুল্লাহ বয়াল (রহ.) বলেন, 'তাসাউফ অর্থ শুধু সালাত, রোযা কিংবা রাতে কৃত ইবাদত নয়। বান্দা হিসেবে এগুলো প্রত্যেক মানুষেরই কর্তব্য। দরবেশ হওয়ার অর্থ হচ্ছে- কাউকে আঘাত দিয়ে ব্যথিত না করা। যে ব্যক্তি এটা সাধন করতে পারেন তিনিই চূড়ান্ত লক্ষ্য অর্জন করতে পারেন।' হযরত মুহাম্মদ ইবনে সালিমকে জিজ্ঞেস করা হয় যে, কীভাবে একজন ওলীকে অন্যান্য লোকদের মাঝে চেনা যাবে। তাঁর উত্তর: 'তাঁকে চেনা যাবে তাঁর মোলায়েম কথা বার্তায়, সুন্দর আচরণে, সদা হাস্য চেহায়ায়, দয়া-দাক্ষিণ্যে এবং কথোপকথনের সময় কারও সঙ্গে মতভেদ সৃষ্টি না করায় এবং ক্ষমা প্রদর্শনে এবং সবার প্রতি করুণা প্রদর্শনে।'

তোমার উচিত আল্লাহর কাছ থেকে সকল বস্তু আশা করা, যিনি তাঁর সকল বান্দার চাহিদা মেটাতে সক্ষম। তিনি তোমাকে সাহায্য করার জন্যে তাঁর সকল বান্দাকে উদ্বুদ্ধ করতে পারেন। হযরত ইয়াহইয়া ইবনে মুয়ায আর-রাযী (কুদ্দেসা সিররুহ) বলেছেন, 'আল্লাহ পাককে তুমি যতোটুকু ভালোবাসো, যতোটুকু ভয় পাও, অন্যরাও তোমাকে ততোটুকু ভয় পাবে। আল্লাহর আদেশ তুমি যেভাবে মান্য কর, ঠিক ততোটুকু অন্যরাও তোমাকে সাহায্য করবে।' আল্লাহ তা'আলা এবং মানুষের মধ্যে সবচেয়ে বড় পর্দা হচ্ছে মানুষের নিজের নফসের অনুসরণ এবং তারই মতো অক্ষম অন্য কোনো মানুষের ওপর আস্থা স্থাপন।

বিপদের সময় আল্লাহর সাহায্য হতে নিরাশ হওয়া তোমার উচিত নয়; আর সুখের সময় শরীয়তকে আঁকড়ে ধরার ব্যাপারে শৈথিল্য প্রদর্শন করাও তোমার উচিত নয়। অন্যদের দোষত্রুটি খোঁজার পরিবর্তে তোমার উচিত নিজের দোষত্রুটি তলাশ করা। অন্যান্য মুসলমানদের থেকে নিজেকে বড় মনে করবে না। যখন তুমি কোনো মুসলমানের সাক্ষাৎ লাভ করবে, তখন বিশ্বাস রাখবে যে তোমার জন্যে তার প্রেরিত দোয়াই তোমার সর্বোত্তম লাভ। যারা তোমাকে সাহায্য করেছে তোমার উচিত তাদের প্রতি কৃতজ্ঞ হওয়া।

তাসাউফ আদবের ওপর প্রতিষ্ঠিত। যে ব্যক্তি আদব পালনে তৎপর নয়, সে আল্লাহর নৈকট্য অর্জন করতে পারবে না” (মাসুম ফারুকী সিরহিন্দী প্রণীত ‘মাকতুবাতে’ ২য় খণ্ড: ১১০ চিঠি)।

হযরত মাসুম ফারুকী তাঁর মাকতুবাতে গ্রন্থের ৩য় খণ্ডের ১৭ নং চিঠিতে লিখেছেন: “তাসাউফের অজানা পথে একজন পথ-প্রদর্শক মুর্শিদ আল-কামেলের প্রয়োজনীয়তা অপরিহার্য। তাঁর সাহায্য ছাড়া অগ্রসর হওয়া বড়ই দুষ্কর। আল্লাহ্ তা’আলা ঘোষণা করেন, ‘আমার সান্নিধ্য অর্জনের জন্যে ওসীলার তালাশ কর।’ (সুরা মায়েরা, ৩৮ আয়াত) দুনিয়াবী মর্যাদাসম্পন্নদের কাছে পৌঁছানোর জন্যে যেভাবে একজন মধ্যস্থতাকারীর অন্তর্দৃষ্টি করা হয়, ঠিক সে রকম প্রকৃত মাক্লাম (মর্যাদা)-এর অধিকারী সর্বশ্রেষ্ঠ আল্লাহর কাছে পৌঁছানোর জন্যেও মাধ্যম অত্যাবশ্যিক। এ পথে অগ্রসর হতে হলে মুর্শিদ আল-কামেলের সাহচর্য একান্ত আবশ্যিক। (তাসাউফের) এ পথটি সুলতাকে আঁকড়ে ধরার এবং বিদআতকে বর্জনের পথ। একজন মুর্শিদ আল-কামেলের সন্ধান পাওয়ার পূর্ব মুহূর্ত পর্যন্ত কালেমা তাওহিদ ঘন ঘন পড়ো। তোমার উচিত এটা দৈনিক এক বা পাঁচ হাজার বার পাঠ করা। তাসাউফের মহান ইমামগণ সর্বসম্মতভাবে জানিয়েছেন যে, এটা ক্রম পরিষ্কার করার বেলায় বিশেষ উপযোগী।” (মাসুম ফারুকী কৃত মাকতুবাতে, ৩য় খণ্ড: ১৭ নং চিঠি)

আল্লাহ তা’আলা সুরা ‘আয-যারিয়া’তে বলা করেন: “আমি জ্বিন ও ইনসানকে তৈরি করেছি যাতে তারা আমার ইবাদত করে।” আর এই এবাদতের দ্বারাই কুরব (নৈকট্য) ও মারফতের উৎপত্তি। এর অর্থ হচ্ছে মানুষকে আউলিয়া হবার জন্যে আদেশ দেয়া হয়েছে - যা ফরযসমূহের সঙ্গে নফল ইবাদত পালন করে এবং বিদয়াতীদের থেকে দূরে সরে থেকে করা সম্ভব। তাসাউফের পথে, অর্থাৎ, তরীকায় যে সব কর্তব্য পালন করতে হয়, তার সবই হচ্ছে নফল ইবাদত। এখলাস, যেটা ফরযসমূহের গ্রহণীয় হওয়ার জন্যে একটা শর্তবিশেষ, সেটা এ সব কর্তব্য পালন করেই অর্জন করা যায়। উপর্যুক্ত তথ্যাবলী স্পষ্টই প্রতীয়মান করে যে, “তাসাউফ ইহুদি ও প্রাচীন গ্রীকদের কাছ থেকে গ্রহণ করা হয়েছে” মর্মে ওহাবীদের বক্তব্যটি একটি ডাছা মিথ্যা এবং জঘন্য কুৎসাও বটে।

৮/- উক্ত ওহাবী কর্তৃক লিখিত পুস্তকটির ১৬৮ এবং ৩৫৩ পৃষ্ঠায় উল্লেখ রয়েছে: “এটা সর্বসম্মত যে আল্লাহ্ এবং তাঁর সৃষ্টিসমূহের মধ্যে একজন মধ্যস্থতাকারীর কাছে কোনো কিছু প্রার্থনা করা কুফর। ইবনুল কাইয়িম আল-জাওয়যিয়া বলেছেন যে, ‘মৃত ব্যক্তির কাছে কোনো কিছু চাওয়া অথবা আল্লাহর কাছে তার মাধ্যমে সুপারিশ করানো মহা-শিরক।’ হানাফী কিতাব ‘ফতোয়া-এ-বাযায়িয়া’ ব্যক্ত করে, যে ব্যক্তি বলবে শায়খদের রহস্যমূহ হাযের-নাযের আছেন, সে কাফের হয়ে যাবে। আয়াত ও হাদীসসমূহ থেকে বোঝা যায় যে, মৃতজনের কোনো চেতনা এবং স্পন্দন নেই।” (ফাতহ আল-মজিদ)

আমি আমার ‘সায়াদাতে আবাদিয়া’ পুস্তকে এসব কথার উত্তর বিস্তারিতভাবে লিখেছি। আপনারা যদি ওই সব উত্তর পড়েন, তাহলে পরিষ্কার বুঝতে পারবেন যে আহলে সুন্নাতের বিরুদ্ধে ওহাবীদের এসব কুৎসা রটনা অন্যায় এবং অযৌক্তিক। ওহাবী মতাবলম্বী ব্যক্তিটি নিজেই তার পুস্তকের ৭০ পৃষ্ঠায় লিখেছে:

“উকাশা (রা.) হযরত নবী কারীম ﷺ-এর কাছে দোয়া চেয়েছিলেন যাতে তিনি বিনা বিচারে আখেরাতে বেহেশতে গমন করতে পারেন। এটা পরিস্ফুট করে যে, জীবিত ব্যক্তির কাছে দোয়া করার জন্যে আবেদন করা বৈধ। কিন্তু ‘মৃত’ কিংবা ‘অনুপস্থিত’ ব্যক্তির কাছে দোয়া চাওয়া শিরক।”

রাসূলুল্লাহ ﷺ-এর পথ যারা নিষ্ঠার সঙ্গে অনুসরণ করেন তাঁদের দোয়াও তাঁর দোয়ার মতোই গৃহীত হয়। উক্ত পুস্তকটির ২৮১ পৃষ্ঠায় আবু হুরায়রা (রা.) হতে ইমাম আহমদ (রহ.) ও মুসলিম (রহ.) রেওয়াকৃত হাদীসের উদ্ধৃতি রয়েছে, যেটা ঘোষণা করে: “এমন বহু মানুষ আছে (যাদের চুল এলোমেলো এবং) যাদেরকে দরজা থেকে দূর করে দেয়া হয়। অথচ যখন তারা (এলাহীর নামে) কসম (শপথ) করে, তখন আল্লাহ তা নিশ্চয়ই সৃষ্টি করে দেন।”(হাদীস) আল্লাহ তা’আলা, যিনি তাঁর বান্দাদেরকে মিথ্যা প্রতিপন্ন হওয়া থেকে রক্ষা করার জন্যে তাঁদের কসমকৃত বস্তু সৃষ্টি করে দেন, তিনি নিঃসন্দেহে তাঁদের দোয়া কবুল করে নেবেন। সুরা মুমিনের ৬০ নং আয়াতে আল্লাহ পাক বলেন, “আমার কাছে দোয়া কর। আমি তোমাদের দোয়া কবুল করবো।” (আয়াত)

দোয়া কবুল হবার কিছু শর্ত আছে। ওই সব শর্ত যদি পূরণ করা যায়, তবে নিঃসন্দেহে দোয়া কবুল হবে। যেহেতু কোনো ব্যক্তি সমস্ত শর্ত পূরণ করতে পারে না, সেহেতু তাঁর দোয়া কবুল হয় না। তাহলে আউলিয়া ও উলামা-এ-হাক্কানী যাঁরা এ সকল শর্ত পূরণ করেছেন, তাঁদের কাছে শাফায়াত প্রার্থনা করা কেন শিরক হবে? আমরা বলি, আল্লাহ তা’আলা তাঁর প্রিয় বান্দাদের রুহসমূহকে শ্রবণ করার ক্ষমতা প্রদান করেছেন এবং তাঁদের ভালোবাসার ওয়াস্তে কাক্ষিত বস্তু সৃজন করে থাকেন। আমরা পশু-পাখি জবেহ করে এবং কুরআন তেলাওয়াত করে সওয়াবগুলো কোনো বেসালপ্রাপ্ত ওলীর রুহের প্রতি পৌঁছিয়ে দেই এবং তাঁর শাফায়াত ও সাহায্য কামনা করি। যে ব্যক্তি শুধু মৃতদের খাতিরে ওই সব কাজ করে সে নিশ্চয়ই ভ্রান্ত; কিন্তু যে ব্যক্তি আল্লাহ তা’আলার ইবাদত করেন এবং তার সওয়াব বেসালপ্রাপ্ত ওলীর রুহের প্রতি পৌঁছিয়ে দেন, তিনি মুশরিক কিংবা ফাসিক (গুণাহগার) হন না। এটা নিশ্চিত যে, ওহাবীরা নিজেদেরকেই প্রতারণা করেছে এবং বিচ্যুত হয়েছে। ওহাবী পুস্তকটির লেখকও হযরত মরিয়ম আস্‌ইয়াদ ইবনে হাদির এবং আবু মুসলিম হাওলানীর কারামতের বর্ণনা দেয়। যেহেতু আল্লাহ তা’আলার প্রিয় ও মনোনীত বান্দাদের রুহসমূহ জীবিত কিংবা বেসালপ্রাপ্ত অবস্থায় আল্লাহরই অনুমতিক্রমে পৃথিবীর মানুষদেরকে সাহায্য করার ক্ষমতাসম্পন্ন, সেহেতু আমরা আউলিয়ার রুহসমূহের কাছে সাহায্য প্রার্থনা করি। কলবের মধ্যে এ বিশ্বাস রেখে আউলিয়া কেরামের কাছে ইস্তিগাসাহ (সাহায্য প্রার্থনা) করাটা আল্লাহ ভিন্ন অন্য কারও ইবাদত করা নয়, বরং এর অর্থ আল্লাহর ইবাদত করা, তাঁর প্রতি আস্থা রাখা এবং তাঁরই কাছে সাহায্যপ্রার্থী হওয়া। জ্ঞানী-গুণীজন এটা সহজেই বুঝতে পারবেন।

৯/- পৃষ্ঠা ১৭৯ এবং ১৯১-এ ওহাবী মতাবলম্বী ব্যক্তিটি একখানা হাদীস উদ্ধৃত করে: “হে ফাতেমা! আমার কাছ থেকে যে কোনো সম্পত্তি তুমি চাইতে পারো। কিন্তু আমি তোমাকে আল্লাহ তা’আলার শাস্তি থেকে রক্ষা করতে পারবো না।” (হাদীস); অতঃপর সে মন্তব্য করে: “মানুষের কাছে এ পৃথিবীতে তার ক্ষমতার আওতাধীন বস্তুর জন্যে সাহায্য কামনা করা যায় (অনুমতি প্রাপ্ত)। কিন্তু যে সকল বস্তু আল্লাহর ক্ষমতার আওতাধীন (এখতেয়ারে), যেমন – ক্ষমা প্রদর্শন, বেহেশত দান, জাহান্নাম থেকে রক্ষা করা ইত্যাদির জন্যে একমাত্র আল্লাহর কাছেই চাইতে হবে। শুধুমাত্র আল্লাহর কাছেই বিপদ-মুক্তি ও সাহায্য চাওয়া যেতে পারে। যারা দূরে অবস্থিত অথবা

‘মৃত’, তাদের কাছে সাহায্য চাওয়া যায় না। তারা শ্রবণও করতে পারে না, উত্তরও দিতে পারে না। তারা কিছুই করতে পারে না। হযরত হুসাইন ও তাঁর পিতা (হযরত আলী ক.) কবরে শাস্তি ভোগ করছেন না, কিন্তু যারা দেবতা হিসেবে জ্ঞাত, যেমন আহমদ তিজানী, ইবনুল আরাবী ও ইবনুল ফরিদ গং, তারা শাস্তি পাচ্ছে। তারা কিছুই শুনে না। নবীদের কাছেও সাহায্য কামনা করা যাবে না। আল-বুসাইরী এবং বারী তাদের ক্বাসিদাসমূহে হযুর ﷺ-কে এতো বেশি প্রশংসা করেছে যে তারা কাফের ও মুশরিক হয়ে গিয়েছে।” (ফাতহ আল মজিদ)

ওহাবী মতাবলম্বী ব্যক্তিটি তার পুস্তকের বিভিন্ন অংশে, উদাহরণস্বরূপ, ৩২৩ পৃষ্ঠায় লিখেছে: “মৃতজন অথবা অনুপস্থিত জনের দোয়া ক্ষতি দূর করতে পারে অথবা তারা আল্লাহর কাছে দোয়াপ্রার্থীদের জন্যে শাফায়াত করতে পারেন, এই বিশ্বাস রাখাটা শিরক। আল্লাহ্ তাঁর নবী ﷺ-কে প্রেরণ করেছেন এই ধরনের শিরককে নিশ্চিহ্ন করতে এবং এই ধরনের মূর্তিপূজারী (মুশরিক)-দের সঙ্গে লড়তে।” (ফাতহ আল মজিদ)।

উক্ত ওহাবী কর্তৃক লিখিত গ্রন্থটিতে পরস্পরবিরোধী মত ব্যক্ত করা হয়েছে। কারণ ২০১ পৃষ্ঠায় বলা হয়েছে: “আসমানসমূহে আল্লাহ্ তা’আলা চেতনা ও মা’রেফত সৃষ্টি করেছেন। তারা আল্লাহকে ভয় করে। প্রতিটি অনুকণা আল্লাহকে স্মরণ করে এবং ভয় পায়।” (ফাতহ আল মজিদ)

উপর্যুক্ত মন্তব্যটির বিরোধিতা করে সে দাবি করেছে যে নবী-ওলীগণ তাদের মাযার-রওয়ায় কিছুই শুনে না অথবা অনুভবও করেন না। নিম্নের উদ্ধৃতিটি ‘মিরাতুল মদীনা’ গ্রন্থ হতে গৃহীত হয়েছে:

“মুসলিম উলামা সবসময়ই আল্লাহর করুণা ও সাহায্য রাসূলুল্লাহ্ ﷺ-এর শাফায়াতের মাধ্যমে কামনা করেছেন। মানব জাতির আদি পিতা হযরত আদম (আ.) কে যখন পৃথিবীতে নামিয়ে দেয়া হয়, তখন তিনি দোয়া করেন: ‘হে আল্লাহ! আমার পুত্র মোহাম্মদের ( ﷺ) ওসীলায় আমাকে ক্ষমা করে দিন।’ আল্লাহ্ তা’আলা তাঁর দোয়া কবুল করে নেন এবং তাঁকে জিজ্ঞেস করেন: ‘তুমি কীভাবে আমার প্রিয় নবী মুহাম্মদ ( ﷺ)-কে চেনো? আমি তো তাঁকে এখনও সৃষ্টি করিনি।’ হযরত আদম (আ.) উত্তর দিলেন: ‘আমি ওপরের দিকে তাকিয়ে আরশের খুঁটিতে লাইলাহা ইল্লাল্লাহু মুহাম্মাদুর রাসূলুল্লাহ্ শব্দটি দেখতে পেলাম। আমি বুঝতে পারলাম যে মুহাম্মদ ( ﷺ)-ই সাইয়েদুল মুরসালিন (নবীকুলশ্রেষ্ঠ)। যদি তাঁকে আপনি সবচেয়ে বেশি ভালো না বাসতেন, তাহলে তো তাঁর নাম আপনার নামের সঙ্গে স্থাপন করতেন না।’ অতঃপর আল্লাহ্ তা’আলা বললেন: ‘হে আদম! তুমি সত্য বলেছ! আমি মুহাম্মদ ( ﷺ)-কে অত্যন্ত ভালোবাসি। তাঁর চেয়ে অধিক প্রিয় আর কাউকেই আমি সৃষ্টি করিনি। তাঁকে যদি আমি সৃষ্টি না করতাম, তা হলে তোমাকেও আমি সৃষ্টি করতাম না। যেহেতু তাঁর ওয়াস্তে তুমি ক্ষমা প্রার্থনা করেছ, সেহেতু আমি তোমার দোয়া কবুল করে নিয়েছি।’

“একবার দুই চোখ অন্ধ এক ব্যক্তি (সাহাবী) রাসূলে পাক ﷺ-এর কাছে এসে দোয়া করার জন্যে আবেদন জানান। হুজুর ﷺ বললেন: ‘যদি তুমি চাও, তবে দোয়া করতে পারি; কিন্তু তোমার জন্যে ধৈর্যই উত্তম হবে।’ বৃদ্ধটি বললেন, ‘ধৈর্য ধরার ক্ষমতা আমার তিরোহিত হয়েছে। আপনি দোয়া করুন।’ নবী পাক ﷺ বললেন, ‘তাহলে ওয়ু করো এবং পড়ো: হে আল্লাহ! আমি আপনার দিকে ফিরলাম আপনারই নবী মুহাম্মদ ﷺ-এর মাধ্যমে, যাঁকে রহমতস্বরূপ আপনি এ পৃথিবীতে প্রেরণ করেছেন। এয়া রাসূলুল্লাহ্ ﷺ! আমি আল্লাহর কাছে

চাওয়ার সময় আপনাকে মধ্যস্থতাকারী বানালাম। এয়া আল্লাহ্! তাঁকে আমার জন্যে শাফায়াতকারী বানিয়ে দিন।’ (এই হাদীস রেওয়াজত করেছেন ইবনে মাজাহ, তিরমিযী ও ইমাম আহমদ বিন হাম্বল) ওই ব্যক্তি দোয়া পড়ার সঙ্গে সঙ্গে আল্লাহ্ তাঁর দোয়া কবুল করে নেন এবং তিনি তাঁর দৃষ্টিশক্তি ফিরে পান। হাদীস শাস্ত্রবিদ ইমাম নাসাঈ-ও এ ঘটনাটি বর্ণনা করেছেন। এটাকে অবিশ্বাস করার কোনো কারণ ওহাবীদের কাছে অবশিষ্ট নেই। এ ঘটনাটির মূল বর্ণনাকারী সাহাবী হযরত উসমান বিন হুнайফ (রা.) বলেছেন, ‘যখন উসমান ইবনে আফফান (যুন-নুরাইন) খলিফা হয়েছিলেন, তখন মহাবিপদগ্রস্ত এক ব্যক্তি আমাকে তাঁর দুঃখের কথা খুলে বলে এবং জানায়, সে হযরত উসমান যুন-নুরাইনের কাছে তার অভিযোগ পেশ করার ব্যাপারে লজ্জিত। আমি তাকে ওয়ু করে মসজিদ আস-সায়াদায় গিয়ে উক্ত দোয়াটি পড়বার পরামর্শ দিই। ওই দুঃখী ব্যক্তি দোয়া পাঠ করে খলিফার কাছে গমন করে। তাকে অভ্যর্থনা জানানো হয়। খলিফা তাকে তাঁর জায়নামায়ে বসিয়ে তার অভাব-অভিযোগ শোনেন এবং প্রতিকারের ব্যবস্থা করেন। ওই অভাবগ্রস্ত দুঃখী ব্যক্তি তার সমস্যার সহসা সমাধান হতে দেখে হযরত উসমান বিন হুнайফের কাছে যায় এবং উৎফুল্ল চিত্তে বলে: ‘আল্লাহ্ আপনার মঙ্গল করুন! আপনি যদি খলিফার কাছে সুপারিশ না করতেন, তাহলে আমার সমস্যাগুলোর সমাধান এতো তাড়াতাড়ি হতো না।’ কিন্তু হযরত উসমান বিন হুнайফ (রা.) বললেন, ‘আমি তো খলিফার সঙ্গে সাক্ষাৎ করিনি। এটা আসলে তোমাকে শেখানো দোয়ার বরকতে হয়েছে। আমি ওই দোয়াটি শুনেছি রাসূলুল্লাহ্ ﷺ-এর কাছে, যিনি সেটা একজন অন্ধ লোককে শিখিয়েছিলেন, যে অন্ধ লোক – আল্লাহর কসম – নবী পাক ﷺ-এর দরবার থেকে হেঁটে বেরিয়ে যাবার আগে তার দৃষ্টিশক্তি ফিরে পেয়েছিল।’

“একবার হযরত উমর (রা.)-এর খিলাফত আমলে খরা দেখা দেয়। হযরত বিলাল ইবনে হারিস মু’যানী নামের জনৈক সাহাবী রওয়া-এ-আকদাস গমন করে সম্ভাষণ জানান: ‘এয়া রাসূলুল্লাহ্ ﷺ! আপনার উম্মত ক্ষুধায় মৃত্যুপথযাত্রী। আমি বৃষ্টির জন্যে আপনার শাফায়াত কামনা করছি।’ সেই রাতে তিনি হুজুর ﷺ-কে স্বপ্নে দেখেন। রাসূলে কারীম ﷺ তাঁকে বলেন: ‘খলিফার সঙ্গে দেখা করো। সে বৃষ্টির জন্যে দোয়া করতে বের হবে।’ হযরত উমর (রা.) বৃষ্টির জন্যে দোয়া করতে বের হন এবং সহসা বৃষ্টি আরম্ভ হয়। ফলে সর্বত্র আবার উর্বরতা ফিরে আসে।”

আল্লাহ্ তা’আলা তাঁর প্রিয় বান্দাদের ওয়াস্তে দোয়া কবুল করে নেন। এই পৃথিবীতেও কোনো মানুষের কাছ থেকে তার প্রিয়জনের ওয়াস্তে সাহায্য আদায় করা যায়। আল্লাহ্ তা’আলা ঘোষণা করেন যে, তিনি হুযুর পাক ﷺ-কে ভালোবাসেন। সুতরাং যদি কেউ দোয়া করার সময় বলে: ‘আল্লাহুম্মা ইন্নি আস্ আলুকা বে-জাহে নাবিইয়েকাল মুস্তফা’, তাহলে তার দোয়া প্রত্যাখ্যান করা হবে না। কিন্তু দুনিয়াবী জিনিসের জন্যে হুযুর ﷺ-কে শাফায়াতকারী বানানো আদবের খেলাফ।

বুরহানুদ্দীন মালেকী একজন গরিব ব্যক্তি সম্পর্কে বর্ণনা দেন, যে ব্যক্তিটি হুজুরাহ আস্-সায়াদা (মহানবীর রওয়া)-তে গমন করে বলেছিলেন: ‘এয়া রাসূলুল্লাহ্ ﷺ, আমি ভুখা আছি।’ এর পর তিনি রওয়াতুল মুতাহহারাহ-এর এক কোণায় বসে পড়েন। কিছুক্ষণ পর এক লোক এসে তাঁকে তাঁর ঘরে নিয়ে যান এবং তাঁর সামনে খাবার পরিবেশন করেন। যখন গরিব লোকটি বললেন যে, তাঁর দোয়া কবুল হয়েছে, তখন গৃহকর্তা বললেন ‘হে ভ্রাতা! আপনি হুযুর ﷺ-এর যিয়ারত লাভের জন্যে এতো দীর্ঘ তকলীফপূর্ণ যাত্রা করে এসেছেন; তাঁর হুযুরে

(উপস্থিতিতে) এক মুঠো খাবার চাওয়া কি আপনার সমীচীন হয়েছে? ওই রকম মহান ও উচ্চ মর্যাদাসম্পন্ন নবী ﷺ-এর হৃদয়ে তো আপনার বেহেশত এবং অনন্ত নেয়ামত (আশীর্বাদ ও কল্যাণ) কামনা করা উচিত ছিল। আল্লাহ তা'আলা সেখানে দোয়া প্রত্যাখ্যান করে না।' যাঁরা রাসূল-এ-আকরাম ﷺ-এর যিয়ারত দ্বারা সম্মানিত হন তাঁদের উচিত শেষ বিচারের দিনে হৃদয় ﷺ-এর শাফায়াত কামনা করা।

“একবার ইমাম আবু বকর মুকরী (রহ.), ইমাম তাবারানী (রহ.) ও আবু শায়েখ (রহ.) মসজিদ আস্-সায়াদাতে ভুখা অবস্থায় কিছু দিন অতিবাহিত করেন। অবশেষে এশা নামাজ বা'দে ইমাম আবু বকর আর সহ্য করতে না পেরে অত্যন্ত লজ্জিতভাবে বলেন, ‘আমি ক্ষুধার্ত, এয়া হাবীব-আল্লাহ ﷺ! এ কথা বলে তিনি এক কোণায় গিয়ে বসে পড়েন। তাঁর অপর দুই বন্ধু একটি পুস্তক পাঠে রত ছিলেন। জনৈক ব্যক্তি, যিনি সাইয়েদ ছিলেন, তিনি তাঁর দুইজন গোলামসহ খাদ্য নিয়ে সেখানে উপস্থিত হন এবং বলেন, ‘হে ভ্রাতৃবৃন্দ! আপনারা আমার দাদা হৃদয় ﷺ-কে আপনাদের জন্যে খাবার যোগাড় করার অনুরোধ করেছেন। তিনি আমাকে তন্দ্রা থাকাকালীন অবস্থায় স্বপ্নে আদেশ করেন আপনাদেরকে তা দিতে।’ তাঁরা সবাই আহার করেন এবং ওই সাইয়েদ ব্যক্তি বাকি খাদ্য তাঁদের কাছে রেখে গৃহে প্রত্যাবর্তন করেন।”

‘একবার আবুল আব্বাস ইবনে নাফিস (রহ.) যিনি অন্ধ ছিলেন, তিনি তিন দিন অভুক্ত থাকার ফলে এতো দুর্বল হয়ে পড়েছিলেন যে, তাঁর হাঁটবার ক্ষমতাই হারিয়ে ফেলেছিলেন। তিনি হুজরাহ আস্-সায়াদাতে গমন করে সম্ভাষণ জানান: ‘হে রাসূলে খোদা ﷺ! আমি ক্ষুধার্ত।’ এরপর তিনি এক কোণায় যেয়ে অপেক্ষা করতে থাকেন। কিছুক্ষণ পর জনৈক ব্যক্তি এসে তাঁকে তাঁর ঘরে নিয়ে যান। তিনি খাদ্য পরিবেশন করে বলেন: ‘হে আবুল আব্বাস! আমি আমাদের মনিব হযরত নবী কারীম ﷺ-কে স্বপ্নে দেখি। তিনি আমাকে আপনার জন্যে খাদ্য পরিবেশন করতে আদেশ দেন। আপনার যখনই ক্ষুধা লাগবে তখনই আমাদের এখানে আসবেন।’

আলেম-এ-ইসলাম ইমাম মুসা ইবনে নুমান (রহ.) শত শত মুসলমানের নাম এবং তাঁদের দোয়ার বিবরণ তাঁর প্রণীত ‘মিসবাহ্ উয়্ যুলাম ফীল মুস্তাগিসীন বি খাইরিল আনাম’ কিতাবে লিপিবদ্ধ করেছেন। এঁরা সবাই হৃদয় পাক ﷺ-কে শাফায়াতকারী বানিয়ে এঁদের অভীষ্টা পূর্ণ করেছিলেন। এঁদের মধ্যে একজন, মুহাম্মদ ইবনে মুনকাদির বলেন যে, এক ব্যক্তি জিহাদে যাবার আগে তাঁর পিতার কাছে ৮০টি স্বর্ণমুদ্রা আমানত রাখেন এবং বলেন: ‘আমার জন্যে এগুলো জমা রাখবেন। তবে, অভাবগ্রস্ত লোকদের কাছে ধার দিতে পারবেন।’ তাঁর পিতা খরাপীড়িত লোকদের কাছে সেই টাকা ধার দেন। যখন ওই ব্যক্তি প্রত্যাবর্তন করে টাকা ফেরত চান, তখন তাঁর পিতা তাঁকে পরবর্তী রাতে আবার আসতে বলেন এবং তিনি নিজে হুজরাহ আস্-সায়াদায় যেয়ে সকাল পর্যন্ত প্রার্থনা করতে থাকেন। মুনকাদির বলেন, ‘আমার পিতা বলেছেন যে একজন লোক তাঁর কাছে এসে হাত খুলতে বলেন। লোকটি তাঁকে স্বর্ণমুদ্রার একটি থলে প্রদান করেন। আমার পিতা মুদ্রাগুলো গুণে ৮০টি মুদ্রা দেখতে পান। আনন্দিত হয়ে তিনি সেগুলো উক্ত (আমানতকারী) ব্যক্তির কাছে ফেরত দেন।’

‘মদিনায় গরিব থাকাকালীন ইবনে জালাহ্ (রহ.) হুজরাহ আস্-সায়াদায় যান এবং বলেন: ‘এয়া রাসূলুল্লাহ ﷺ! আজ আপনার কাছে এসেছি অতিথি হিসেবে। আমি অত্যন্ত ক্ষুধার্ত।’ এরপর তিনি এক কোণায় যেয়ে ঘুমিয়ে পড়েন। রাসূল-এ-পাক ﷺ তাঁকে স্বপ্নে দেখা দেন এবং একখানা বড় রুটির টুকরো প্রদান করেন।

পরবর্তীকালে তিনি বলেছেন, ‘আমি ক্ষুধার্ত হওয়ার দরুন রুটি তৎক্ষণাৎ খাওয়া আরম্ভ করি। যখন অর্ধেকটুকু খাওয়া শেষ করি তখনই ঘুম থেকে জেগে উঠি। বাকি অর্ধেক রুটি আমি আমার হাতে দেখতে পাই।’

‘আবুল খায়ের আক্কাতা পাঁচ দিন মদীনায় অভুক্ত থাকার পর হুজরাহ আস্-সায়াদায় গমন করেন এবং হুজুর পূর নূর ﷺকে সালাম দেন। তিনি আরয করেন যে, তিনি ক্ষুধার্ত। এর পর তিনি এক কোণায় গিয়ে ঘুমিয়ে পড়েন। এরপর স্বপ্নে রাসূলুল্লাহ ﷺকে আগমন করতে দেখলেন। তাঁর ডান পাশে হযরত আবু বকর সিদ্দিক (রা.) এবং বাম পাশে হযরত ওমর ফারুক (রা.), আর হযরত আলী মুরতাদা (কঃ) তাঁর সামনে হাঁটছিলেন। হযরত আলী (কঃ) এসেই বললেন, ‘হে আবুল খায়ের। উঠে দাঁড়াও। কেন তুমি শুয়ে আছ?’ রাসূলুল্লাহ ﷺ এসেই তাঁকে এক টুকরো রুটি দিলেন। পরবর্তীকালে আবুল খায়ের বলেছেন, ‘অত্যাধিক ক্ষুধার্ত থাকার দরুন আমি সঙ্গে সঙ্গে রুটি খাওয়া আরম্ভ করি। অর্ধেকটুকু খাওয়ার পর ঘুম থেকে জেগে উঠে বাকি অর্ধেক রুটি আমার হাতের মধ্যে দেখতে পাই।’

‘হযরত আবু আব্দুল্লাহ মোহাম্মদ ইবনে বার’আ বলেছেন যে, তিনি এবং তাঁর পিতা আবু আব্দিল্লাহ ইবনে হাফিফ মক্কায় কপর্দকহীন হয়ে পড়েন। একটা কষ্টদায়ক সফরশেষে তাঁরা মদীনায় এসে পৌঁছেন। শিশু হওয়ার দরুন তিনি ক্ষুধা লেগেছে জানিয়ে কাঁদতে থাকেন। তাঁর পিতাকে তিনি অস্থির করে ফেললেন, যিনি বহু চেষ্টা করেও স্থির ও শান্ত থাকতে পারলেন না। হুজরাহ আস্-সায়াদায় গমন করে তাঁর পিতা সম্ভাষণ জানালেনঃ ‘হে হাবীবে খোদা ﷺ! এ রাতে আমরা আপনার অতিথি।’ এরপর তিনি বসে পড়ে চোখ বুজলেন। কিছুক্ষণ পর মাথা তুলে হেসে উঠলেন। তারপর দীর্ঘক্ষণ কাঁদলেন। চোখ খুলে তিনি বললেন: ‘রাসূল-এ-পাক ﷺ আমার হাতে টাকা দিয়েছেন।’ আবু আব্দুল্লাহ বলেন : ‘তিনি যখন হাতের মুঠো খুলেন তখন তার মধ্যে আমি টাকা দেখতে পাই। আমরা কিছু খরচ করি এবং সাদকাও দেই। এরপর আমরা আমাদের স্বদেশ শিরায়-এ ফিরে আসি।’

আহমদ ইবনে মুহাম্মদ সূফী বলেছেন : ‘হিজাবের মরুভূমিতে আমি তিন মাস ঘুরাফেরা করি। আমার আর কোনো সম্পত্তি অবশিষ্ট ছিল না। বহু কষ্টে মদীনায় পৌঁছি। হুজরাহ আস্-সায়াদায় আমি রাসূল-এ-মক্কাবুল ﷺকে সালাম জানাই। এরপর এক কোণায় বসে ঘুমিয়ে পড়ি। হুজুর ﷺ স্বপ্নে আগমন করলেন। তিনি বললেন, ‘তুমি এসেছ আহমদ? তোমার হাত দাও দেখি।’ আমার প্রসারিত হাত তিনি স্বর্ণ দ্বারা পূর্ণ করে দিলেন। আমি জেগে উঠে দেখি আমার হাতগুলো স্বর্ণ-ভর্তি।’

যদি কখনও আশেক-এ-রাসূলগণ তাঁদের নির্মল হৃদয় হতে নিঃসৃত কোনো কথা বলেন, যা বাহ্যত নম্রতা অথবা ভদ্রতার ক্ষেত্রে দৃষ্টিকটু দেখায়, তাহলেও কারও উচিত নয় তাঁদের বিরুদ্ধে কিছু বলা, বরং নীরবতা পালনই বাঞ্ছনীয়। ওই অবস্থায় নীরবতা পালনই বিনয়ী ও শ্রদ্ধাশীল হওয়ার পরিচয় বহন করবে। রওযায়ে আকদাস-এর কাছে জনৈক আশেক-এ-রাসূল আযান দিতেন এবং বলতেন যে ঘুমের চেয়ে সালাত (নামায) উত্তম। মসজিদ আস্-সায়াদার জনৈক সেবক তাঁকে বললো: ‘রাসূলুল্লাহ ﷺ-এর হুযুরে তুমি উদ্ধত আচরণ করেছ’ এবং তাঁকে প্রহার করলো। তখন ওই আশেক-এ-রাসূল বললেন, ‘হে রাসূল-এ-খোদা ﷺ! আপনার হুযুরে একজন মানুষকে প্রহার করা এবং গালি দেয়া কি ঔদ্ধত্য নয়?’ তিনি অনেক কাঁদলেন। কিছুক্ষণ পর দেখা গেল, যে

সেবকটি তাঁকে প্রহার করেছিল, সে পক্ষাঘাতগ্রস্ত হয়ে পড়েছে এবং নড়াচড়ার ক্ষমতা হারিয়ে ফেলেছে। তিন দিন পর সে মারা যায়। হাকিম আবুল কাসিম আসকারী তাঁর পুস্তকে এ ঘটনাটি বর্ণনা করেন এবং আরও জানান যে সাবিত ইবনে আহমদ বাগদাদীও এ ঘটনার একজন সাক্ষী।

ইবনে নুমান তাঁর পুস্তকে বর্ণনা করেন নিম্নোক্ত ঘটনাটি: হযরত ইবনে আস সাঈদ ও তাঁর কয়েকজন বন্ধু মদীনাতে তাঁদের সমস্ত টাকা খরচ করে ধার-কর্জ করার মতো আর কোনো পরিচিত লোককে না পেয়ে হুজরাহ আস্-সায়াদা গমন করেন। যিয়ারতের শেষ পর্যায়ে হযরত ইবনে আস্-সাইদ বলেন, ‘এয়া রাসূলুল্লাহ ﷺ! আমাদের আর কোনো টাকা-পয়সা অবশিষ্ট নেই, খাদ্যও নেই।’ এ কথা বলে তিনি পেছন দিকে হেঁটে বেরিয়ে যাবার সময় মসজিদের দরজায় একজন ব্যক্তির সাক্ষাৎ পান। তিনি তাঁকে এবং তাঁর বন্ধুদেরকে নিজের বাড়িতে নিয়ে প্রচুর খেজুর ও টাকা-কড়ি প্রদান করেন।

শরীফ আবু মুহাম্মদ আবদিস সালাম ফাসী (রহ.) মদীনায় তাঁর তিন দিনের সফরের শেষ পর্যায়ে (মসজিদ-এ-নববীর) মিসরের পেছনে দু’রাকাত সালাত পড়ে আরয করেন: ‘হে আমার মহান পূর্বপুরুষ! আমি এতোই ক্ষুধার্ত যে দাঁড়াবার ক্ষমতা হারিয়ে ফেলেছি।’ কিছুক্ষণ পর এক ব্যক্তি তাঁর জন্যে রান্নাকৃত গোস্ত এবং রুটি ও মাখন নিয়ে আসেন। যদিও তিনি ধন্যবাদ জ্ঞাপন করে বলেন যে ওগুলোর একটা হলেই চলবে, তবুও তাঁকে ওই ব্যক্তি বলেন: ‘দয়া করে সবগুলোই খান। আমি এগুলো এনেছি নবি কারীম ﷺএর কাছ থেকে আদেশপ্রাপ্ত হয়ে। আমার সন্তানদের জন্যে খাদ্য তৈরি করার পর আমি রাসূলুল্লাহ ﷺকে স্বপ্নে দেখি, যিনি আমাকে আদেশ দেন – “মসজিদে অবস্থানরত তোমার দ্বীনী ভাইয়ের জন্যে কিছু খাবার নিয়ে খেতে দাও”- এজন্যেই এখানে এসেছি।’

শরীফ মুদাসসির কাসিমী একবার হুজরাহ আস্-সায়াদার উত্তর দেয়ালের দিকে অবস্থিত তাহাজ্জুদ মেহরাব-এর সামনে ঘুমিয়ে পড়েন। হঠাৎ তিনি উঠে দাঁড়িয়ে হুজরাহ আস্-সায়াদার সামনে চলে আসেন। এরপর তিনি হাসতে হাসতে পেছন দিকে হাঁটেন। মসজিদ আন্-নববীর খাদেমদের নেতা শামসুদ্দীন সওয়াব তাঁকে তাঁর হাসার কারণ জিজ্ঞেস করেন। তিনি বলেন যে তাঁর ঘরে কয়েক দিন ধরে কোনো খাবার ছিল না এবং হযরত ফাতিমা (র.)-এর রওয়ায় ‘এয়া রাসূলুল্লাহ ﷺ, আমি ক্ষুধার্ত।’- এই কথা বলে তিনি এখানে এসেছিলেন। তিনি আরও বলেন: ‘এখানে আমি ঘুমিয়ে পড়ি এবং স্বপ্নে আমার মহান পূর্বপুরুষকে দেখি আমাকে এক পাত্র দুধ প্রদান করতে। আমি তা পান করে ঘুম থেকে জেগে উঠি। আমার হাতে তখনও দুধের পাত্রটি বর্তমান। আমি হুজরাহ আত্-তাহিরা গমন করি ধন্যবাদ জ্ঞাপনের উদ্দেশ্যে। আমার অনুভূত আনন্দ ও স্বাদের জন্যেই আমি হেসেছি। এই তো সেই পাত্রটি।’ এ ঘটনাটি বিস্তারিত লিপিবদ্ধ আছে ‘মিসবাহ-উয়-যুলাম’ কিতাবে।

আলী ইবনে ইব্রাহীম বুসরী রেওয়াজাত (বর্ণনা) করেন যে, হযরত আবদুস সালাম ইবনে আবি কাসিম আস্ সাহাবী (রা.) হুজরাহ আস্-সায়াদার সামনে আরয করেন: ‘এয়া রাসূলুল্লাহ ﷺ! আমি মিশর থেকে এসেছি। এখানে আপনার অতিথি ছিলাম পাঁচ মাস। বহু দিন অভুক্ত আছি। আমি আল্লাহর কাছে খাবার চাই।’ তারপর তিনি এক কোণায় যেয়ে বসে পড়েন। জনৈক ব্যক্তি হুজরাহ আস্-সায়াদায় সালাম পেশ শেষে আবদুস

সালামকে হাত ধরে তাঁর তাঁবুতে নিয়ে যান এবং খেতে দেন। তিনি তার মধ্যে কিছু খাবার গ্রহণ করেন। এরপর তিনি যখনই মদীনায় যেতেন তখনই ওই ব্যক্তি তাঁকে তাঁর তাঁবুতে নিয়ে খেতে দিতেন।

একবার ইমাম সামহুদী (রহ.) তাঁর চাবি হারিয়ে ফেলেন। অবশেষ তিনি হুজরাহ আস্-সায়াদায় গিয়ে বলেন: ‘এয়া নবীয়াল্লাহ! আমি আমার চাবি হারিয়ে ফেলেছি; বাড়ি যেতে পারছি না!’ একজন বালক চাবিটি নিয়ে আসে। ইমাম সামহুদীর লিখিত ‘মদীনার ইতিহাস’ নামক গ্রন্থে লেখা আছে যে ওই বালক তাঁকে বলেছিল – ‘এ চাবিটি আমি পেয়েছি। এটা কি আপনার?’

হযরত শায়েখ বিশুদ্ধ আবুদল কাদের বলেছেন: ‘মদীনায় আমি বেশ কিছুদিন অভুক্ত ছিলাম। হুজরাহ আস্-সায়াদা যিয়ারত করে হযুর ﷺএর কাছে আরয করি রুটি, গোস্ত ও খেজুর মঞ্জুর করতে। এরপর রওজায়ে মুতাহহারায় দুই রাকাত নামায পড়ি এবং পার্শ্ববর্তী স্থানে বসে পড়ি। কিছুক্ষণ পর একজন ভদ্রলোক এসে আমাকে তাঁর গৃহে নিয়ে যান। তিনি আমাকে গোস্ত, রুটি ও খেজুর খেতে দেন। তিনি বলেন যে বিকেলে যখন কায়লুলা নামক বিশাম নেয়ার সুনতটি তিনি পালন করছিলেন, তখন রাসূলুল্লাহ ﷺ তাঁকে স্বপ্নে দেখা দেন এবং তাঁর কাছে আমার বিবরণ দিয়ে পরিচয় করিয়ে দেন এবং তাঁকে নির্দেশ দেন যেন তিনি আমাকে খেতে দেন।

১৩৩১ হিজরী সালে এ বই ‘মিরাতুল মদীনা’ যখন প্রণীত হয়, তখন ‘দালাইল আল খাইরাত’ গ্রন্থের লেখক এবং সুলাইমান জায়ুলী আফেন্দীর উত্তরাসুরী সাইয়েদ আহমদ আল মাদানী আফেন্দী জীবিত ছিলেন। তিনি বলেন তাঁর পিতা এতোই গরীব ছিলেন যে তিনি তাঁর পুত্রের চাহিদা, যেমন আপেল, খেজুর ইত্যাদি মেটাতে পারতেন না। তাই তাঁকে শাস্ত্রনা দেয়ার জন্যে তিনি তাঁকে হজুর ﷺএর রওযা মুবারকে গিয়ে চাইবার পরামর্শ দেন। এর ফলে সাইয়েদ আহমদ মাদানী আফেন্দী (রহ.) হুজরাহ আস্-সায়াদার দরজায় যেয়ে যা খুশি তাই চাইতেন এবং শাবাকাত আস্-সায়াদার ভেতর থেকে তাঁকে তা দেয়া হতো এবং তিনি তা গ্রহণ করে খেতেন।

ফিলিস্ নিবাসী মুস্তাফা ইশক্কী আফেন্দী তাঁর ইতিহাস পুস্তক ‘মাওয়ারিদ-এ-মাজ্জিদিয়া’-তে লিখেছেন: ‘আমি মক্কাতে বিয়ে করে বিশ বছর বসবাস করি। আমি, আমার স্ত্রী ও সন্তানেরা ষাটটি স্বর্ণ মুদ্রা জমিয়ে ১২৪৭ হিজরী সালে মদীনায় চলে আসি। সফরের মধ্যে সমস্ত টাকা খরচ হয়ে যায়। একজন বন্ধুর বাসায় অতিথি হিসেবে থাকতে যাই। আমি হুজরাহ আস্-সায়াদায় গিয়ে নবী কারীম ﷺএর সাহায্য কামনা করি। তিন দিন পর জনৈক ভদ্রলোক আমার ওই বন্ধুর ঘরে এসে আমাদেরকে জানান যে, তিনি আমাদের জন্যে একটি আলাদা বাসা ভাড়া করেছেন। সেই বছরের সম্পূর্ণ ভাড়া তিনি মিটিয়ে দেন। কয়েক মাস পরেই আমি অসুস্থ হয়ে পড়ি এবং এক মাসের জন্যে শয্যাশায়ী হই। ঘরে তখন আর কোনো জিনিস অবশিষ্ট ছিল না। আমার স্ত্রীর সাহায্য নিয়ে আমি ঘরের সিঁড়ি বেয়ে উঠি এবং রাসূলুল্লাহ ﷺএর সবুজ গুম্বজের দিকে মুখ ফেরাই। কিন্তু যখন আমি দোয়া করবার জন্যে হাত ওঠাই, তখনই দুনিয়ার কোনো বস্তু চাইতে লজ্জা বোধ করি। আমি কিছু বলতে পারি নি। তাই নিজের ঘরে নেমে আসি। পরের দিন জনৈক ব্যক্তি এসে আমাকে বলেন যে, অমুক আফেন্দী (সাহেব) আমাকে উপহারস্বরূপ কিছু স্বর্ণমুদ্রা দান করেছেন। বাহক কিংবা প্রেরকের পরিচয় না জেনেও আমি (স্বর্ণের) থলেটি গ্রহণ করি। আমাদের বিপদ কেটে যায়। কিন্তু আমার অসুখের অবসান ঘটে না। সাহায্য নিয়ে আমি হুজরাহ আস্-সায়াদায় যাই এবং হুজুর ﷺ-কে সুস্থতা দানের জন্যে আবেদন জানাই। এরপর আমি মসজিদ

থেকে বের হয়ে আসি এবং কারও সাহায্য ছাড়াই হেঁটে বাড়ি ফিরে আসি। বাসায় ঢোকার সময় আমি সম্পূর্ণ সুস্থ হয়ে যাই। কিছু দিন বাড়ি থেকে বেরোবার সময় একটা লাঠিতে ভর দিয়ে হাঁটতাম যাতে বদ নযর না লাগে। সহসা সমস্ত টাকা আবার ফুরিয়ে যায়। ফলে আমাদের ঘরে আর একটা মোমবাতিও জ্বালাবার ক্ষমতা ছিল না। আমার স্ত্রী ও সন্তানদেরকে অন্ধকারে রেখে আমি মসজিদ আন্-নববীতে গিয়ে এশার নামায পড়ি এবং হজরাহ আস্-সায়াদায় হুজুর ﷺএর কাছে আমার বিপদের কথা জানাই। বাসায় ফেরার পথে অজ্ঞাত একজন মানুষ আমার সঙ্গে সাক্ষাৎ করে এক থলে ভর্তি টাকা দিয়ে চলে যান। আমি দেখি যে সেখানে উনপঞ্চাশটি স্বর্ণ মুদ্রা রয়েছে (যার প্রত্যেকটির মূল্য নয় পিয়াস্টার)। আমি দিক পরিবর্তন করে মোমবাতি ও অন্যান্য প্রয়োজনীয় জিনিস কিনে বাড়ি ফিরে আসি।

মুস্তফা ইশকী আফেন্দী আরও লিখেছেন যে যখন তাঁর পুত্র মুহাম্মদ বিশুদ্ধ শিশু ছিল, তখন তার মাতা (অর্থাৎ, ইশকী আফেন্দীর স্ত্রী) অসুস্থ হয়ে পড়েন এবং ফলস্বরূপ শিশুকে বুকের দুধ পান করাবার সামর্থ্য হারিয়ে ফেলেন। দুর্দশাগ্রস্ত হয়ে ইশকী আফেন্দী পুত্রকে হজরাহ আস্-সায়াদায় নিয়ে পর্দার এক পার্শ্বে রেখে দোয়া করেন: ‘আল্লাহুম্মা ইন্নী আস্আলুকা ওয়া আতাওয়াজ্জাহ ইলাইকা বি নাবিই-ইনা ওয়া সাইয়েদীনা মুহাম্মাদীন ﷺ নাবিই-ইর-রাহমা, ইয়া সাইয়েদীনা ইয়া মুহাম্মদ! ইন্নী আতাওয়াজ্জাহ ইলা রাক্বীকা আরসিল মুরদি’আতা লি-হাযাল মা’সুম।’ পরের দিন প্রত্যুষে শরীফ নামে (প্রশাসনের) একজন অফিসার আগমন করে বলেন: ‘জনাব, আমার তিন মাসের কন্যা মারা গিয়েছে। আমরা তার মায়ের দুধ বন্ধ করতে পারবো না। আমি জানতে চাই এখানে কারও দুধ-মায়ের প্রয়োজন আছে কিনা। ইশকী আফেন্দী তাঁর পুত্রকে দেখালে অফিসার ভদ্রলোক বলেন: ‘আল্লাহর ওয়াস্তে একে আমরা লালন পালন করবো যদি আপনি একে আমাদের কাছে দেন। একে ভালোভাবে বড় করবো। আমার স্ত্রী খুবই আনন্দিত হবে।’ এরপর শিশুটিকে তিনি সঙ্গে করে নিয়ে যান।

আব্বাসীয় খলিফা আবু জাফর মনসুরের সঙ্গে মসজিদ আন্-নববীতে কথা বলার সময়ে ইমাম মালেক (রহ.) বলেন: ‘ওহে খলীফা মনসুর! আমরা এখন মসজিদ আস্-সায়াদাতে আছি। আস্তে কথা বলুন! আল্লাহ তা’আলা কিছু লোককে ভর্ৎসনা করে বলেছেন, “আমার রাসূলের উপস্থিতিতে তোমাদের কণ্ঠস্বর উঁচু করবে না।” (আয়াত) আরেকটি আয়াতে “যারা নবী ﷺ-এর উপস্থিতিতে নিচু স্বরে কথা বলে .....”, তিনি মৃদু স্বরে কথোপকথনকারীদেরকে প্রশংসা করেছেন। ‘রাসূলুল্লাহ ﷺকে বেসালপ্রাপ্তির পর সম্মান প্রদর্শন করা তাঁর জীবদ্দশায় সম্মান প্রদর্শন করার মতোই।’

এই উপদেশ শুনে খলিফা মনসুর তন্দ্রা হতে জাগ্রত হলেন এবং মাথা নত করে বললেন, ‘হে আবু আব্দুল্লাহ! আমি কি ক্রিবলার দিকে মুখ ফেরাবো? নাকি রওযায়ে আকদাসের দিকে?’ হযরত ইমাম মালেক (রহ.) বললেন: ‘রাসূলুল্লাহ ﷺ-এর দিক থেকে আপনি মুখ ফিরিয়ে নেবেন না। ওই মহান নবী ﷺ যিনি শেষ বিচারের দিনে শাফায়াত করবেন, তিনি আপনার এবং আপনার পিতা আদম (আ.) এর নাজাতের জন্যে শাফায়াত করবেন। তাঁর রওযা পাকের দিকে মুখ ঘুরিয়ে এবং তাঁর পবিত্র রুহ মুবারকের সঙ্গে নিজের রুহকে সংশ্লিষ্ট করে আপনার উচিত তাঁর সুপারিশ প্রার্থনা করা। আল্লাহ তা’আলা বলা করমান: “তাদের (মুমিনদের) নফসের প্রতি যুলুম করার পর যদি তারা আপনার কাছে আসে এবং আল্লাহর কাছে ক্ষমা চায় আর আপনিও যদি তাদের সপক্ষে ক্ষমা চান (অর্থাৎ শাফায়াত করেন), তাহলে নিশ্চয়ই তারা আল্লাহকে তওবা কবুলকারী ও অত্যন্ত

দয়াবান হিসেবে পাবো।” (সুরা নিসা, ৬৩) আয়াতটা ওয়াদা করে যে যারা হুজুর ﷺ-কে নিজেদের তওবার মধ্যে শাফায়াতকারী বানাবে, তাদের দোয়া কবুল করা হবে। এ কথা বলার পর খলীফা মনসুর উঠে দাঁড়িয়ে হুজরাহ আস্-সায়াদার সামনে গিয়ে দোয়া করেন: ‘হে আমার আল্লাহ! আপনি ওয়াদা করেছেন যে আপনি তাদের তওবা কবুল করবেন যারা আপনার রসুল ﷺ-কে শাফায়াতকারী বানাবে। তাই আমি আপনার মহান নবী ﷺ-এর হুযুরে (উপস্থিতিতে) আপনার কাছে ক্ষমা চাইছি। নবী কারীম ﷺ যখন বস্তুনিষ্ঠ (প্রকাশ্য) জিন্দেগীতে ছিলেন তখন যেভাবে আপনি আপনার বান্দাদেরকে ক্ষমা করেছিলেন, ঠিক সেভাবে আমাকেও ক্ষমা করুন। হে আমার আল্লাহ! আমি আপনার কাছে কামনা করি। আপনার মহান নবী ﷺ যিনি “নবী আর রাহমা” (রহমতের নবী) তাঁরই শাফায়াতের মাধ্যমে আপনার কাছে প্রার্থনা করছি। এয়া আল্লাহ! সেই মহান নবী কারীম ﷺ-কে আমার জন্যে শাফায়াতকারী বানিয়ে দিন।’ যখন তিনি এই দোয়া করছিলেন তখন তিনি মুওয়াজাহাত আস্-সায়াদার জানালার দিকে মুখ করে এবং ক্বিবলার দিকে পিঠ দিয়ে দাঁড়িয়েছিলেন। তাঁর বাম পাশে ছিল মিস্বর-আন-নববী। উপর্যুক্ত আয়াতটি কিছু মানুষের (সাহাবায়ে কেরামের) বেলায় অবতীর্ণ হলেও তাফসির কিতাবসমূহ লিখে যে আদেশটি সকল মুসলমানের প্রতি বর্তাবে।

**টীকা:** হযরত ইমাম মালেক (রহ.) কর্তৃক খলিফা মনসুরকে প্রদত্ত উপদেশটি প্রতিভাত করে যে, হুজরাহ আস্-সায়াদার সামনে দোয়া পাঠকারীদের অত্যন্ত তৎপর হতে হবে। সেই স্থানে যারা যথাযথ মর্যাদা ও তা’যিম প্রদর্শন করতে অপারগ তাদের উচ্চ নয় মদীনা-এ-মুনাওয়ারায় দীর্ঘকাল অতিবাহিত করা। হযরত ইমাম আযম আবু হানিফা (রহ.) বলেছেন: ‘আমাদের এখানে (মদীনায়) অবস্থান করে বাগদাদে থাকার চেয়ে বাগদাদে অবস্থান করে এখানে থাকা অনেক উত্তম।’

এক আনাতোলীয় গ্রামবাসী হুজরাহ আস্-সায়াদার একটা বিশেষ কাজে খেদমত করতো। সে বিয়ে করে একদিন জ্বরজনিত অসুখে আক্রান্ত হয়। তখন সে আয়রান নামক ঠাণ্ডা দধি কামনা করে মনে মনে চিন্তা করে: ‘আমি যদি আমার গ্রামে থাকতাম তাহলে আয়রান পান করতাম।’ সেই রাতে শাইখুল হারামের (প্রধান খাদেমের) স্বপ্নে হুযুর ﷺ আগমন করেন এবং তাঁকে আদেশ দেন যেন তিনি উক্ত লোকটির কাজ অন্য কারও ওপর ন্যস্ত করেন। যখন শাইখুল হারাম আরম্ভ করেন: ‘এয়া রাসূলুল্লাহ ﷺ! আপনার অমুক উম্মাত ওই কাজের দায়িত্ব পালন করে থাকে’; তখন হুযুর ﷺ বলেন, ‘ওই লোককে বলো তার গ্রামে গিয়ে আয়রান পান করতে।’ পরের দিন ওই গ্রামবাসীর কাছে আদেশটি জানানো হলে সে ‘তথাস্তু’ বলেই স্বদেশ যাত্রা করে। অতএব, এটা উপলব্ধি করা উচিত যে যদি ওই রকম একটা সামান্য চিন্তা ওই ধরণের মারাত্মক ক্ষতি বয়ে আনতে পারে, তাহলে – আল্লাহ মাফ করুন – শরীয়তের সঙ্গে অসঙ্গতিপূর্ণ কোনো কথা কিংবা কাজ আরও মারাত্মক ক্ষতি বয়ে আনতে সক্ষম, এমন কি যদি তা ঠাট্টাচ্ছলেও হয়ে থাকে।

যারা হুজরাহ আস্-সায়াদা যিয়ারত করতে যান, তাঁদের উচ্চ অত্যন্ত তৎপর হওয়া এবং দুনিয়াবী চিন্তা মনের মধ্যে পোষণ না করা। তাঁদের উচ্চ হযরত রাসূলে কারীম ﷺ-এর নূর (জ্যোতি) ও উচ্চমর্যাদা সম্পর্কে চিন্তা করা। যে সমস্ত লোক দুনিয়াবী/পার্থিব চিন্তা করে এবং ব্যবসায় উন্নতি ও উচ্চমর্যাদাসম্পন্ন লোকদের কাছ থেকে মর্যাদা লাভের কথা চিন্তা করে, তাদের দোয়া কবুল হবে না, তারা তাদের কাঙ্ক্ষিত বস্তু পাবে না।

“হুজরাহ আস্-সায়াদার যিয়ারত একটা মহামূল্যবান ইবাদত। এটা আশংকা করা হয় যে, যারা এতে ঈমান রাখে না, তারা ইসলাম হতে বিচ্যুত হতে পারে। বস্তুতঃ তারা আল্লাহ ও তাঁর রাসূল ﷺ এবং মুসলমানদের বিরুদ্ধাচরণকারী। যদিও কিছু মালেকী মাযহাবের উলামা বলেছেন যে, যিয়ারতে রাসূল ﷺ ওয়াজিব, তবুও এটা সর্বসম্মতভাবে ঘোষিত হয়েছে যে, সেটা মোস্তাহাব।” (মিরাতুল মদীনা)

১০/ — ২০৮ নং পৃষ্ঠায় ওহাবী মতাবলম্বী ব্যক্তিটি বলে: “ইবনুল কাইয়ুম আল-জওযিয়া বলেছেন যে শিরক বহু প্রকার; কোনো ব্যক্তি তার অভাব মোচনের জন্যে মৃতদের কাছে প্রার্থনা করলে শিরক হবে। মৃতজন কোনো কাজ (তাসাররুফ) করতে অক্ষম। যেহেতু মৃতজন নিজেদের চাহিদা মেটাতে এবং ক্ষতি থেকে নিজেদের রক্ষা করতেই অক্ষম, সেহেতু তাঁরা অন্যদেরকে সাহায্য করতেও অক্ষম। মৃতদেরকে আল্লাহর কাছে শাফায়াত করার জন্যে আবেদন জানানোও শিরক। আল্লাহ যদি অনুমতি দেন, তবেই মৃতজন শাফায়াত করতে পারেন। কোনো ব্যক্তির দ্বারা মৃতজনকে আবেদন জানানো কখনও আল্লাহ কর্তৃক তাঁদেরকে অনুমতি প্রদানের কারণ হতে পারেনা। ওই ধরনের মুশরিক এমন একটা পন্থায় শাফায়াত চাইলেন যেটাতে শাফায়াতের অনুমতি রহিত হয়ে গেল।” (ফাতহ আল মাজিদ)

বাস্তবক্ষেত্রে, যে সব জিনিস শাফায়াত করতে অক্ষম বলে আল্লাহ তা’আলা ঘোষণা করেছেন, যেমন মূর্তি, এবং যেগুলোকে আল্লাহর শরীক হিসেবে ধারণা করা হয়, সেগুলোর কাছে শাফায়াত কামনা করাই শুধু নিষিদ্ধ। নবী-ওলীবৃন্দ শাফায়াত করার ক্ষমতাপ্রাপ্ত বলে ঘোষিত হয়েছে। তাঁদেরকে শাফায়াত করার জন্যে আবেদন জানানোয় কুরআন-হাদীসের ওপর মুসলমানদের অবিচল আস্থারই প্রতিফলন ঘটে। এ কথা সত্য যে, শাফায়াত আল্লাহরই অনুমতিক্রমে হবে; কিন্তু কুরআন-হাদীসও তো বর্ণনা দেয় কারা শাফায়াত করতে পারবেন এবং কারা পারবে না। আর আল্লাহ যাঁদেরকে অনুমতি দেবেন তাঁরা তাঁদের সম্ভৃষ্টি অর্জনকারীদের জন্যেও শাফায়াত করবেন। এটা সুরা ওয়াদ্ দুহা-এ ইঙ্গিত করা হয়েছে: “আল্লাহ আপনাকে (হে রাসূল) আপনার সমস্ত ইচ্ছা পূরণ করে দেবেন; যতক্ষণ পর্যন্ত না আপনি সম্ভৃষ্টি হবেন।” (আয়াত) ‘ফিক্বাহ-এ-আকবর’ গ্রন্থের ১৪ নং পরিচ্ছেদে ইমামুল আযম আবু হানিফা (রহ.) লিখেছেন, “নবীগণ, উলামা ও পরহেযগার মুসলমানগণ মহা-গুনাহগারদের জন্যে শাফায়াত করে তাদেরকে জাহান্নাম থেকে রক্ষা করবেন।”

মুসলমানগণ আউলিয়াকে আবেদন জানান তখনই, যখন তাঁরা অনুমতি পান শাফায়াত করার বেলায় এবং এ কারণে আবেদন জানান না যাতে আল্লাহ পাক তাঁদেরকে শাফায়াত করার অনুমতি প্রদান করেন। ওহাবীরা এ সূক্ষ্ম পার্থক্য নির্ণয় করতে না পেরে বিচ্যুত হয়েছে। তারা কোটি কোটি মুসলমানকে শাফায়াত প্রার্থনার দায়ে ‘কাফের’ আখ্যায়িত করছে। তাদের পুস্তকটিতে লিখিত আছে যে, হুযূর পাক ﷺ ঘোষণা করেছেন, তিনি বিশ্বাসী (ঈমানদারদের) জন্যে শাফায়াত করেন, মুশরিকদের জন্যে নয়। ওহাবী লোকটি নিজেই এই দোষারোপ করার বিষয়টি উদ্ভাবন করে নিয়েছে যে বেসালপ্রাপ্ত আউলিয়ার কাছে শাফায়াত চাওয়া শিরক। ‘কুরআন-এ-কারীম মুশরিকদের জন্যে শাফায়াত নেই ঘোষণা করেছে’- এ কথাটা বলে সে আল্লাহ তা’আলার কুরআনকে নিজের জন্যে মিথ্যা সাক্ষী বানিয়ে নিয়েছে।

১১/ — ওহাবী লোকটি ‘ফাতহ আল্ মজিদের’ ২১৬, ২২০ এবং ২২৪ নং পৃষ্ঠায় নবী পাক ﷺ-এর চাচা আবু তালিবের উদ্দেশ্যে নাযিলকৃত আয়াত উদ্ধৃত করে: “আপনি যাদেরকে ভালোবাসেন তাদেরকে চাইলেই হেদায়েত দিতে পারবেন না, আল্লাহ যাকে চান তাকে হেদায়েত দিতে পারেন।”(আয়াত) এরপর সে বলে যে একমাত্র আল্লাহই কলবসমূহকে কুফর (অবিশ্বাস) ও গুণাহ (পাপ) থেকে মুক্ত করে ঈমানদার এবং একান্ত বাধ্য করতে পারেন। এই মন্তব্যের পর সে বলে, “যারা বলে যে তাসাউফের ইমামগণ তাঁদের আধ্যাত্মিক ক্ষমতাবলে মুরিদদের কলবের সব খবরাখবর নিতে পারেন এবং তাদেরকে যেকোনো ইচ্ছা সেকোনো পরিচালনা করতে পারেন, তারা মিথ্যাবাদী। আর যারা তাদেরকে বিশ্বাস করে তারা প্রকৃতপক্ষে আল্লাহ ও নবীগণের ওপর অবিশ্বাসকারী। আল্লাহ ভিন্ন যে কোনো জিনিসকে পূজা করার নাম ওয়াসান। কবর ও রওযা সবই ওয়াসান। উদাহরণস্বরূপ, মিসরীয়দের সর্বশ্রেষ্ঠ মূর্তি হচ্ছেন আহমদ বাদাউয়ী। তাঁর নাম যে রকম প্রসিদ্ধ হয়নি, ঠিক সে রকম তার ইবাদত, জ্ঞান এবং মাহাত্ম্যও প্রসিদ্ধ নয়। আস্-সাহাওয়ী বর্ণনা করেন যে, একবার আহমদ বাদাউয়ী একটা মসজিদে প্রবেশ করে প্রশংসা করে নামায না পড়েই স্থানত্যাগ করেন। মানুষ তাঁকে দু’জাহানের মুশকিল আসানকারী মনে করে এবং আরও মনে করে যে তিনি আশুপন নেভাতে এবং ঝড়ে আক্রান্ত জাহাজকে বাঁচাতে সক্ষম। তারা তাঁকে দেবতা জ্ঞান করে এবং বলে যে, তিনি গায়ের (অদৃশ্য জ্ঞান) জানেন, আর দূর থেকে শ্রবণ করতে পারেন এবং হাজত (প্রয়োজন) পূরণ করতে পারেন। অনুরূপভাবে, আম্মান ও ইরাকের জনগণ শায়খ আবদুল ক্বাদের জ্বিলানীকে পূজা করে। মহিউদ্দিন ইবনুল আরাবী পৃথিবীতে সবচেয়ে বড় কাফের ছিলেন।” (ফাতহ আল মজিদ)

যাদেরকে আল্লাহ তায়ালা হেদায়েত ও রহমত দান করেছেন এবং আযাব থেকে নিষ্কৃতি দিয়েছেন, তাদেরকে তাসাউফের ইমামবৃন্দ চিনতে পারেন। তাদের মুক্তি অর্জনে তাঁরা ওয়াসিতা (মাধ্যম)-স্বরূপ কাজ করেন। আউলিয়ার সাক্ষাৎ পাওয়া এবং তাঁদেরকে জানা ও আবেদন করা সবই আল্লাহ তায়ালা অনন্তকালে ইচ্ছা (ইচ্ছ) করেছিলেন এবং নেয়ামতস্বরূপ দান করেছিলেন। এই নেয়ামত তিনি মুসলমানদেরকে দান করবার নিয়ত করেছিলেন মুতাসাউয়ীফগণের সাহচর্য (সান্নিধ্য) ও আহলে সুন্নাহের উলামাগণের বইপত্রের মাধ্যমে। আর যাদেরকে তিনি ইচ্ছা করেছিলেন আযাব দেবার তাদেরকে ওহাবীদের ফাঁদে ফেলে দিয়েছেন। ওহাবীদের গোমরাহ বই-পুস্তকের হীন মিথ্যার মাধ্যমে তারা জাহান্নামে যাবে। আল্লাহ তা’আলার প্রিয় আউলিয়া, সুলাহা ও উলামাকে ওহাবী লোকটি গালমন্দ করেছে তখনই, যখন সে মুসলমানদের বিরুদ্ধে এই মিথ্যা অভিযোগ তুলেছে। যদিও কিছু বদকার লোক দুনিয়াবী স্বার্থসিদ্ধির জন্যে শরিয়তের সঙ্গে অসঙ্গতিপূর্ণ কিছু কথা ও কাজ করে থাকতে পারে, তবুও তাদের এরকম অপকর্মের জন্যে সমগ্র মুসলিম মিল্লাতকে দোষারোপ করার অধিকার ওহাবী লোকটি কে দেয়া যায় না। এটা অনেকটা হযরত ঈসা (আ.) কে দোষারোপ করার মতোই ব্যাপার যেহেতু খৃষ্টানরা তাঁকে পূজা করে।

হযরত আহমদ আল বাদাউয়ী (রহ.) একজন মহান ওলী ছিলেন। তাঁর পীর, যিনি তাঁকে খিলাফত দেন, তিনি ছিলেন মহান মুতাসাউয়ীফ শায়খ বারী (রহ.), যিনি খিলাফত পেয়েছিলেন আলী নুয়াইম বাগদাদী (রহ.) হতে। আলী নুয়াইম বাগদাদী (রহ.) হযরত আহমদ কবীর রেফাঈ (রহ.) কর্তৃক শিক্ষা-দীক্ষাপ্রাপ্ত হয়েছিলেন। হযরত রেফাঈ (রহ.) একজন মহান ওলী ও শরীফ (ইমাম হাসানের বংশধর) ছিলেন। হযরত বাদাউয়ী (রহ.)-ও শরীফ ছিলেন এবং তিনি ৬৭৫ হিজরীতে বেসালপ্রাপ্ত হন। প্রতি বছর শত-সহস্র মুসলমান তান্তায় অবস্থিত

তাঁর মাযার শরীফ যিয়ারত করে অশেষ সান্নিধ্য লাভ করেন। এ সময় কোনো শরীয়ত-গর্হিত কাজ করা হয় না (মিরাতুল মদীনা, ১০১৯ পৃঃ দ্রষ্টব্য)। আর হযরত আবদুল কাদের জিলানী (রহ.) ও হযরত মুহিউদ্দিন ইবনুল আরাবী (রহ.)-এর উচ্চ মর্যাদা এবং মাহাত্ম্য শত শত পুস্তকে লেখা আছে। হযরত আহমদ ফারুকী সিরহিন্দীর ‘মাকতুবাতে’ গ্রন্থেও তিনি তাঁদের ভূয়সী প্রশংসা করেছেন।

১২/ — ওহাবী পুস্তকটির ২২৪ পৃষ্ঠায় লেখা আছে: “আশ্-শারানী লিখেছেন যে তাঁর শায়েখ আলী খাওয়াস হযরত রাসূলুল্লাহ ﷺ হতে এক মুহূর্তের জন্যেও জুদা (আলাদা) হন নি। এটা একটা মিথ্যা কথা। যদি এটা সত্য হতো, তবে নবী ﷺ এসে তাঁর সাহাবীদের মধ্যকার বিভক্তি রহিত করতেন।” (ফাতহ আল মজিদ)

দ্বীন (ধর্ম) সম্পর্কে যার জ্ঞান ও বুদ্ধি আছে তিনি নিশ্চয়ই এভাবে তর্ক করবেন না। নবী কারীম ﷺ তাঁর সাহাবাদের মধ্যে ফিতনা ও বিভক্তি সম্পর্কে ভবিষ্যদ্বাণী করেছিলেন; তাহলে কীভাবে এ কথা ধারণা করা যায় যে, তিনি এসে সেটাকে রহিত করবেন? আশ্-শারানী (রহ.) কর্তৃক লিখিত তাঁর শায়েখ ও হযরত রাসূলে আকরাম ﷺ-এর আধ্যাত্মিক যোগাযোগের বর্ণনা প্রকৃতপক্ষে কাশফ এবং মুশাহাদার (দিব্যদৃষ্টির) অর্থেই ব্যক্ত হয়েছে। এটা বস্তুগত কিছু নয় যা ওই সকল আহাম্মক যারা উপলব্ধির অতীত বিষয়কে অস্বীকার করে, তারা ধারণা করে বসে আছে। ওহাবীদের জন্যে নিম্নোক্ত প্রবাদ বাক্যটিই প্রযোজ্য: “নিজেদের অজ্ঞাত বিষয়গুলোর প্রতিই মানুষ বেশি শক্রতাভাব পোষণ করে।” হযরত আবু বকর (রা.) বলতেন যে তিনি সর্বদা হুযূর ﷺ কে দেখতে পেতেন এবং অনুতপ্ত হয়ে বলেছিলেন, “আপনার সামনে আমি নিজেকে লজ্জিত বোধ করছি।”

১৩/ — ১৮০ নং পৃষ্ঠায় ওহাবী মতাবলম্বী ব্যক্তিটি ইমাম বুসীরী (রহ.)-এর ‘ক্বাসিদাতুল বুরদা’ পুস্তক হতে কয়েকটি পংক্তি উদ্ধৃত করে বলে, “এই সকল কথায় আল্লাহ ভিন্ন অন্য কারও ওপর আস্থা স্থাপিত হয়েছে; আর এটাই হচ্ছে মহা শিরক।” (ফাতহ আল মজিদ)

আল্লাহ তায়ালা হযরত রাসূল-এ-কারীম ﷺ কে প্রশংসা করেছেন। আর রাসূলুল্লাহ ﷺও নিজেকে তারিফ করেছেন। তিনি নিজেকে এতাই প্রশংসা করেছেন যে, হযরত ইমাম বুসীরী (রহ.)-এর প্রশংসাকে তার সঙ্গে তুলনা করাই চলে না। এ সব প্রশংসাপূর্ণ হাদীস আমার ‘সায়াদাতে আবাদিয়া’ গ্রন্থে লিপিবদ্ধ আছে। রাসূল-এ-আকরাম ﷺ-এর প্রশংসা করা ইবাদত বৈ কিছু নয়। সকল সাহাবীই তাঁর প্রশংসা করেছিলেন; উদাহরণস্বরূপ, হযরত হাসান ইবনে সাবিত (রা.) এবং হযরত কাআব ইবনে যুহাইর (রা.)-এর দীর্ঘ প্রশংসাসমূহ সর্বজনবিদিত। হযরত কাআব ইবনে যুহাইর (রা.) তাঁর ‘বানাত সুয়াদ’ পুস্তকে নবী পাক ﷺ কে ইমাম বুসীরী (রহ.)-এর চেয়েও বেশি তারিফ করেন। রাসূলুল্লাহ ﷺ এতে সন্তুষ্ট হয়ে তাঁকে (ইবনে যুহাইরকে) নিজের খিরকা মোবারক উপহারস্বরূপ দান করেন। সেই একই খিরকা আজকে ইস্তাম্বুলের তোপকাপি প্রাসাদে (জাদুঘরে) সংরক্ষিত আছে। ওহাবী লোকটি ইমাম বুসীরী (রহ.)-এর ক্বাসিদা থেকে একটি পংক্তি উদ্ধৃত করে ‘এয়া আকরাম আল খালকী মা লি-মান আউযুবিলি সিওয়াকা ইনদা হলুলী হাদীসীল আমামী’ [হে মহান নবী ﷺ যিনি সৃষ্টিতে সর্বশ্রেষ্ঠ ও সবচেয়ে বেশি দয়াবান! আমার শেষ নিঃশ্বাসের মুহূর্তে আপনি ছাড়া আর কেউ নেই যার কাছে আশ্রয় নিতে পারি] এবং বলে যে, হুজুর পূর নুর ﷺ-এর সাহায্য প্রার্থনা করা শিরক। তাবারানী (রহ.) রেওয়য়াতকৃত একটা হাদীসের উদ্ধৃতি দিয়ে সে বলে যে, সৃষ্টির কাছে সাহায্য প্রার্থনা (ইসতিগাসা) করা

শিরক। এই হাদীসের উৎপত্তি ঘটে তখন, যখনই একজন মুনাফেক মুসলমানদের অতিষ্ঠ করছিল। সেই সময় হযরত আবু বকর (রা.) বলেন: “চল আমরা হুযূরের ﷺ কাছে যাই এবং তাঁর কাছে আশ্রয় ও সাহায্য চাই।” নবী কারীম ﷺ এর উত্তরে বলেন, “সাহায্য আমার কাছে চাওয়া যাবেনা; আল্লাহর কাছেই সাহায্য চাইতে হবে।” (হাদীস) ওহাবী লোকটি এই হাদীস খানা পেশ করে আহলে সুন্নাতকে আক্রমণ করার অপচেষ্টায় লিপ্ত। অথচ এই হাদীসের অর্থ হচ্ছে: “একমাত্র আল্লাহতায়ালাই সকলকে সব ধরণের ক্ষতি থেকে রক্ষা করেন এবং রক্ষা করার মাধ্যমসমূহ সৃষ্টি করে দেন। আর সেই মাধ্যমগুলোকে রক্ষা করার ক্ষমতা ও প্রভাব প্রদান করেন। যদি তিনি তা ইচ্ছা না করেন তাহলে তিনি কোনো ব্যক্তিকে সেই মাধ্যমসমূহ পর্যন্ত পৌঁছাতে দেন না। আরেক কথায়, মাধ্যমগুলোর অস্তিত্ব থাকলেও সেগুলোর কোনো প্রভাব থাকবে না। যারা আমার সাহায্য প্রার্থনা করে তাদের জানা উচিত যে, এই প্রভাব আমার (নিজস্ব) নয়, বরং আল্লাহ তায়ালার।” এটা কি হযরত আবু বকর (রা.) জানতেন না? নিশ্চয়ই জানতেন! কিন্তু রাসূলুল্লাহ ﷺ আবু বকর (রা.)-এর সংক্ষিপ্ত মন্তব্যের বিশদ ব্যাখ্যা দিয়েছেন, যাতে কিয়ামত দিবস পর্যন্ত আগমনকারী মুসলমান প্রজন্ম এই কথাকে ভুল না বোঝেন। অতএব, জেনে রাখুন যে, এই প্রভাব সমস্তই আল্লাহ তা'আলার। ‘মাকতুবাতে’ প্রথম খণ্ডের ১১০ নং চিঠিতে ইমাম মাসুম ফারুকী বলেন: “আল্লাহ পাক তাঁর ক্ষমতাকে মাধ্যমসমূহের আড়ালে লুকিয়ে রেখেছেন। তিনি যেমনভাবে ঘোষণা করেছেন যে একমাত্র তিনিই সকল ক্ষমতার আধার, ঠিক তেমনিভাবেই তিনি আমাদেরকে মাধ্যমসমূহ আঁকড়ে ধরার আদেশ দিয়েছেন। তিনি এটা জ্ঞাত করেছেন যে, মুমিন মুসলমানগণের উচিত মাধ্যমসমূহকে আঁকড়ে ধরে স্রষ্টার ওপর তাওয়াক্কুল করা – যে স্রষ্টা মাধ্যমসমূহকে প্রভাব বিস্তারকারী ক্ষমতা প্রদান করেছেন। আর তাই তিনি কুরআন-এ-করীমে হযরত ইয়াকুব নবী (আ.) এর প্রশংসা করেছেন এই মর্মে যে, তিনি মাধ্যমগুলোকে আঁকড়ে ধরে আল্লাহর ওপর তাওয়াক্কুল করেছিলেন। আল্লাহ সুরা ইউসুফ-এ বলা করেন: ‘এয়াকুব জানেন আমরা তাঁকে যা শিক্ষা দিয়েছি। কিন্তু বেশির ভাগ মানুষ জানে না যে তাকদীর (ভাগ্য/নিয়তি) সাবধানতার ওপর আধিপত্যশীলা।’ (আয়াত) তাফসীর কিতাব ‘তিবইয়ান’-এ এই আয়াতটির ব্যাখ্যা করা হয়েছে এভাবে: ‘মুশরিকরা জানতে পারেনা আল্লাহ তা'আলা তাঁর আউলিয়াকে কী কী জিনিস জানিয়েছেন। যারা বিশ্বাস করে যে প্রভাব (প্রভাব সৃষ্টি ) মাধ্যমসমূহেরই আয়ত্ত্বাধীন এবং আল্লাহর ক্ষমতা ছাড়াই মাধ্যমসমূহ প্রভাব সৃষ্টি (প্রভাব বিস্তার) করতে পারে, তারা গোমরাহ! যে ব্যক্তি মাধ্যমগুলোকে পরিহার করতে চায় এবং আল্লাহ তা'আলার দূরদর্শিতাকে উপলব্ধি করতে অক্ষম, সে প্রকৃতপক্ষে বিশ্বাস করে যে আল্লাহ তা'আলা সৃষ্টিসমূহকে কারণ ছাড়াই অথবা বিনা প্রয়োজনেই সৃজন করেছেন। এই বিশ্বাসটি কোনো ব্যক্তিকে অলস বানিয়ে দেয়। যে ব্যক্তি বিশ্বাস করে যে, আল্লাহ পাক মাধ্যমসমূহের মধ্যে প্রভাব বিস্তার করার ক্ষমতা দিয়েছেন, সে সঠিক পথপ্রাপ্ত হয় এবং সে-ই এ দু'টি বিপদ থেকে রক্ষা পায়।” (মাসুম ফারুকী: ‘মাকতুবাতে’) যদি ওহাবীরা এই সূক্ষ্ম বিষয়টি বুঝতে পারতো, তাহলে তারা উপর্যুক্ত হাদীসটিও বুঝতে সক্ষম হতো।

ইমাম বুসীরী (রহ.) ছিলেন একজন মহান মুতাসাওয়ীফ (বেসাল ৬৯৫ হিজরী)। তাঁর পীর ছিলেন শাযিলী তরীকার প্রবর্তক হযরত আবুল হাসান আশ্-শাযিলী (রহ.)-এর সুযোগ্য খলিফা হযরত আবুল আব্বাস আল-মুরসী (রহ.)। যখন ইমাম বুসীরী পক্ষাঘাত রোগে আক্রান্ত হন এবং তাঁর এক পাশ অবশ হয়ে যায়, তখন তিনি নবী কারীম ﷺ-এর সাহায্য প্রার্থনা করেন এবং তাঁর বিখ্যাত কাসিদাটি সাইয়েদুল মুরসালিনের ﷺ শানে রচনা করেন। স্বপ্নে তিনি এটা হুযূর ﷺ-কে পড়ে শোনান। হুযূর ﷺ তা খুবই পছন্দ করেন এবং নিজের খিরকাটি খুলে নিয়ে ইমাম বুসীরীকে পরিবেশ দেন এবং নিজের পবিত্র হাত দিয়ে হযরত ইমামের পক্ষাঘাতগ্রস্ত দেহের

অংশগুলো ঘষে দেন। যখন ইমাম বুসীরী (রহ.) ঘুম থেকে জেগে ওঠেন, তখন তাঁর শরীর সম্পূর্ণ সুস্থ, আর ওই খিরকাটি তাঁর পরণেই ছিল। এ কারণেই তাঁর ক্বাসিদার নাম 'ক্বাসিদাতুল বুরদা'। 'বুরদ' মানে খিরকা। হযরত ইমাম আনন্দিত হয়ে ফজরের নামায পড়তে মসজিদে গমন করেন। ফেরার পথে জনৈক সৎ ও পরহেযগার ব্যক্তির সাথে তাঁর দেখা হয়ে যায়, যিনি তাঁকে বলেন: “আমি আপনার ক্বাসিদাটি শুনতে ইচ্ছুক।” হযরত ইমাম বুসীরী (রহ.) উত্তর দেন: “আমার বহু ক্বাসিদা আছে। প্রত্যেকেই সেগুলো জানেন।” তখন ওই পরহেযগার ব্যক্তি বলেন: “আমি সেটা শুনতে চাই যেটা কেউই জানেন না এবং যেটা গত রাতে আপনি রাসূলে খোদা ﷺ-কে পড়ে শুনিয়েছেন।” হযরত ইমাম বিস্মিত হয়ে বললেন: “আমি তো কাউকেই এটা বলিনি। আপনি কীভাবে জানলেন?” এ কথায় পরহেযগার ওই ব্যক্তি হযরত ইমামের স্বপ্নের বর্ণনা দিলেন।

উযির বাহাউদ্দীন এ ক্বাসিদাটি সম্পর্কে জানতে পেরে এর আবৃত্তি শোনার ব্যবস্থা করেন। যখন ক্বাসিদাটি আবৃত্তি করা হচ্ছিল তখন তিনি কেয়াম করেন। এটা পরিদৃষ্ট হয়েছে যে, 'ক্বাসিদাতুল বুরদা' যখনই আবৃত্তি করা হয়েছে, তখনই ব্যাধিগ্রস্তরা আরোগ্য লাভ করেছেন এবং রোগ ও দুর্যোগ দূর হয়ে গিয়েছে। এর থেকে বরকত আদায় করতে হলে এর ওপর বিশ্বাস রাখা এবং নিষ্ঠার সঙ্গে এটি পাঠ করা একান্ত আবশ্যিক।

'ক্বাসিদাতুল বুরদা' দশ ভাগে বিভক্ত: প্রথম ভাগ ব্যক্ত করে হুযূর পাক ﷺ-এর প্রতি এশক বা ভালোবাসার মূল্য। দ্বিতীয়টি কোনো ব্যক্তির নফসের শয়তানী সম্পর্কে ব্যাখ্যা দেয়। তৃতীয় ভাগ রাসূলুল্লাহ ﷺ-এর প্রশংসা করে। চতুর্থ ভাগে রয়েছে হুযূর ﷺ-এর জন্মবৃত্তান্ত বর্ণনা। পঞ্চম ভাগ ঘোষণা দেয় যে হুযূর ﷺ-এর দোয়া সাথে সাথেই ক্ববুল হয়। ষষ্ঠটি কুরআন-এ-করীমের প্রশংসা করে। সপ্তম ভাগ মিরাজে রাসূলুল্লাহ ﷺ-এর সূক্ষ্ম বিষয়গুলোর ওপর আলোকপাত করে। অষ্টম ভাগটি নবী ﷺ-এর জ্বিহাদগুলো সম্পর্কে আলোচনা করে। নবম খণ্ডে হযরত ইমাম বুসীরী (রহ.) আল্লাহর কাছে দয়া ও মাগফেরাত কামনা করেন এবং রাসূলুল্লাহ ﷺ-এর শাফায়াত প্রার্থনা করেন। দশম ভাগটি হুযূর ﷺ-এর উচ্চ মর্যাদা সম্পর্কে বর্ণনা দেয়।

এই ওহাবী তার বইয়ে সৌদি পরিবারের গুণ-কীর্তন যতটুকু সম্ভব করেছে। অথচ এই সৌদি পরিবার শত-সহস্র মুসলমানের হত্যাকারী। এক পক্ষ ওহাবী লোকটি নির্দোষ মানুষের রক্তমাখা সৌদিদের নিষ্ঠুর তলোয়ারগুলোকে মুসলিম মুজাহিদগণের রহমতপ্রাপ্ত তলোয়ারগুলোর সমকক্ষ বানিয়েছে, অপর পক্ষ আল্লাহ তা'আলার সর্বশ্রেষ্ঠ নবী ﷺ-এর প্রশংসাকে মূর্তিপূজোরীদের দ্বারা তাদের মূর্তিগুলোর প্রতি গাওয়া প্রশংসাগীতের সঙ্গে তুলনা দিয়েছে। যারা হুযূর ﷺ-এর প্রশংসা করেন, তাঁদেরকে সে মুশরিক আখ্যায়িত করেছে। আহাম্মক ওহাবী লোকটি বুঝতে পারে না যে, কাফেররা তাদের মূর্তির প্রশংসা করে ওগুলোকে দেবতা এবং স্রষ্টা জ্ঞান করে। ওই ধরনের প্রশংসা শুধু আল্লাহ পাকের জন্যেই সুনির্দিষ্ট। মুসলমানগণ একমাত্র আল্লাহকেই এভাবে প্রশংসা করে থাকেন। আমরা সৃষ্টির শ্রেষ্ঠ হিসেবে নবি কারীম ﷺ-এর প্রশংসা করে থাকি; এবং কোনো ইসলামী আলেমই যিনি হুযূর ﷺ-এর প্রতি ভালোবাসা প্রকাশার্থে অনেক প্রশংসা করেছেন, তিনিও কখনোই তাঁকে প্রশংসা করে স্রষ্টার আসনে বসাননি। উলামাগণ আল্লাহকে যেভাবে প্রশংসা করেন, সেভাবে হুযূর ﷺ-এর প্রশংসা করেন না। ওহাবীরা সত্য এবং মিথ্যার মধ্যে পার্থক্য নির্ণয় করতে একেবারেই অক্ষম। ওহাবী লোকটি তার বইটিকে মক্কার কাফেরদের প্রতি নাযিলকৃত আয়াতসমূহ এবং হাদীসসমূহ দিয়ে ভরপুর করে বিকৃত ব্যাখ্যা দিয়েছে, আর সেই বিকৃত ব্যাখ্যা দ্বারা আল্লাহর ভালোবাসাপ্রাপ্ত মুতাসাওয়ীফ ও ইসলামী উলামাকে

‘কাফের’ এবং ‘মুশরিক’ ফতোয়া দিয়েছে। যারা এই ওহাবী পুস্তকটি পাঠ করবেন তারা যদি অজ্ঞ হন, তাহলে তারা এই বইটির প্রত্যেক পাতায় আয়াত ও হাদীস লিপিবদ্ধ দেখে সেগুলোর ব্যাখ্যাকে সহিহ মনে করবেন এবং ফলস্বরূপ বিভ্রান্তিতে পতিত হয়ে অনন্ত আযাব (শাস্তি) ভোগ করবেন (নাউযুবিল্লাহ)! আল্লাহ পাক আমাদের ঈমান হেফাযত করুন এবং গোমরাহদেরকে হেদায়েত দান করুন, আমিন!

১৪/ — ‘ফাতহ আল-মাজীদ ’ পুস্তকের ২৩১ পৃষ্ঠায় ওহাবী লোকটি বলে: “একটা হাদীসে বলা হয়েছে যে সবচেয়ে নিকৃষ্ট লোক হচ্ছে তারা যারা কিয়ামত পর্যন্ত জীবিত থাকবে এবং যারা কবরের ওপর মসজিদ নির্মাণ করবে। ইসলামের পূর্বেও কবরকে মসজিদ বানানো হয়েছিল। ইসলামী ইতিহাসের শেষলগ্নে মুসলমানরা প্রাক-ইসলামী সমাজের চেয়েও বেশি সীমালঙ্ঘন করেছে। তারা তাদের বিপদের সময় আল্লাহকে ভুলে যায়। তারা মৃতজনকে প্রতিমা বানিয়ে ফেলে। তার বিশ্বাস করে যে, মৃতজন তাদের চাহিদা মেটাতে সক্ষম। তারা বলে যে, আবদুল কাদের জিলানী শুনতে পান এবং তাদেরকে সাহায্য করেন, যারা তাঁর কাছে সাহায্য চায়। তারা মনে করে যে, তিনি মৃত (নাউযুবিল্লাহ) হওয়া সত্ত্বেও গায়েব জানেন। যারা ওই ধরনের কথাবার্তা বলে তারা কাফের হয়ে যায়। প্রকৃতপক্ষে তারা কুরআনকে অস্বীকার করে। ইবনুল কাইয়ুম আল-জওযিয়া বলেছেন যে কবরের ওপর নির্মিত গম্বুজ ধ্বংস করা ওয়াজিব। ইমাম নববী বলেছেন, যে নিয়্যতেই হোক না কেন, কবরের ওপর গম্বুজ নির্মাণ করা হারাম। যারা বলে যে কবরস্থানে সালাত পড়া তার নোংরা পরিবেশ হওয়ার কারণে নিষিদ্ধ, তারা ভ্রান্ত। কারণ নবীগণের কবরসমূহ নাপাক নয়। ইবনে হাজর আল হায়তামী মক্কী তাঁর ‘কাবাইর’ গ্রন্থে বলেছেন: ‘কবরের ওপর গম্বুজ নির্মাণ করা মহাপাপ। মুসলমান শাসকদের জন্যে ওই ধরনের গম্বুজ ধ্বংস করা জরুরী। সর্বপ্রথমে ইমাম শাফেয়ীর গম্বুজবিশিষ্ট কবর ধ্বংস করা উচিত .....’ (ইবনে হাজর হায়তামী)।” (ফাতহ আল মজিদ)

এখানেও ওহাবী মতাবলম্বী ব্যক্তিটি মুসলমানদের কুৎসা রটনা করেছে। মুসলমানগণ পাঁচ ওয়াক্ত নামাযের মাধ্যমে আল্লাহর করুণা প্রার্থনা করেন। এই ধরনের মুসলমানগণ আল্লাহকে ভুলে যান বলাটা ডাहा মিথ্যা কথা। মুসলমানগণ বেসালপ্রাপ্ত আউলিয়ার পূজো-অর্চনা করেন না। যেহেতু বহু হাদীস ঘোষণা করে যে আল্লাহ তা’আলার প্রিয় বান্দাগণ তাঁদের মাযার শরীফে শুনতে পান, সেহেতু মুসলমানগণ তাঁদের মাযার শরীফ যেয়ারত করে তাঁদেরকে মধ্যস্থতাকারী বানিয়ে আল্লাহর কাছে অভীক্ষা কামনা করেন এবং তাঁদের শাফায়াত প্রার্থনা করেন। বেসালপ্রাপ্ত আউলিয়া তাঁদের (নিজ) ইচ্ছানুযায়ী কিছুই করতে পারেন না। কিন্তু আল্লাহ তা’আলা ওয়াদা করেছেন যে, তিনি তাঁর প্রিয় বান্দাদের, বিশেষ করে তাঁর সবচেয়ে প্রিয় নবীদের ﷺ দোয়া কবুল করে নেবেন। মুসলমানগণ নবী-ওলীগণের কাছে কোনো কিছু করার আবেদন জানান না, বরং আল্লাহ তা’আলার কাছে তা জানিয়ে থাকেন। আউলিয়া কেবলমাত্র যিয়ারতকারীদের ফরিয়াদ বুঝতে পারেন এবং তাঁরা আল্লাহর কাছে তাদের পক্ষে দোয়া করেন। আর আল্লাহ সাথে সাথেই তাঁদের দোয়া কবুল করে ফরিয়াদকারীদের ফরিয়াদ মঞ্জুর করেন।

নিম্নোক্ত উদ্ধৃতিটি ইমাম ইবনে হাজর হায়তামী মক্কী (রহ.)-এর ‘যাওয়াজির’ গ্রন্থের ১২১ পৃষ্ঠা হতে অনূদিত হয়েছে, যাতে ওহাবী মতাবলম্বী ব্যক্তিটির বানোয়াট কাহিনী সবার কাছে স্পষ্ট হয়। উপর্যুক্ত হাদীসসমূহ এবং অনুরূপ আরও কিছু হাদীস উদ্ধৃত করে ইমাম ইবনে হাজর লিখেন: “উপর্যুক্ত হাদীসসমূহ থেকে কিছু শাফেয়ী

উলামা সিদ্ধান্ত নিয়েছেন যে, ছয়টি মহা-গুনাহের মধ্যে একটি হচ্ছে কবরকে মসজিদ বানানো। এর কারণ এই যে, যারা নবীদের মাযার-রওয়াকে মসজিদ বানিয়েছিল, তাদেরকে একটি হাদীসে লা'নত (অভিসম্পাত) দেয়া হয়েছে; হাদীসটি আরও বর্ণনা দিয়েছে যে, যারা পরহেযগার মুসলমানদের কবরকে মসজিদ বানাবে, তারা কেয়ামত দিবসের নিকৃষ্ট মানুষদের মতো (বিবেচিত) হবে। 'কবরকে মসজিদ বানানোর' অর্থ হচ্ছে 'সেই সকল কবরের দিকে মুখ করে সালাত (নামায) আদায় করা।' এই জন্যে শাফেয়ী উলামাগণ ঘোষণা করেছেন যে, কোনো নবী অথবা ওলীর প্রতি তা'যিম প্রদর্শনার্থে তাঁর মাযারের দিকে মুখ করে সালাত (নামায) পড়া হারাম। ওই ধরনের একটি কাজ হারাম, কারণ প্রথমতঃ কবরস্থ ব্যক্তি নিশ্চয়ই অসাধারণ এবং ভক্তির যোগ্য। দ্বিতীয়তঃ সালাত বেসালপ্রাপ্ত ওই ব্যক্তির জন্যে আদায় করা হয়েছে। একইভাবে কবরের তাওয়াজ্জুফ করা হারাম। অতএব, এই সিদ্ধান্ত নেয়া যায় যে, ওই ধরনের কর্মকাণ্ড মাকরুহ, যখন সেগুলো তা'যিম করার উদ্দেশ্যে করা না হয়। কিছু হাম্বলী উলামা বলেছেন, 'তাযিমের উদ্দেশ্যে কবরে সালাত আদায় করা মহাপাপ এবং এটা কুফর সৃষ্টিকারী (পাপ)।' (ইবনে হাজর হায়তামী মক্কী: 'যওয়াজ্জির', ১২১ পৃঃ)

ইমাম ইবনে হাজর হায়তামী মক্কী (রহ.) তাঁর 'আল-ফাতাওয়া আল-কুবরা আল-ফিকাহিয়া' (মিসরীয় সংস্করণ) কিতাবের 'জানাযা' অধ্যায়ে বলেন: "সর্বসাধারণের গোরস্থান যেখানে অনেক মুর্দাকে দাফন করা হয়, সেখানে গম্বুজবিশিষ্ট কবর নির্মাণ করা উচিত নয়। যদি ইতোমধ্যে তৈরি করা হয়ে থাকে, তবে সেগুলো ধ্বংস করা উচিত। সর্বসাধারণের গোরস্থানে নতুন কোনো মুর্দাকে একই স্থানে দাফন করার উদ্দেশ্যে গম্বুজবিশিষ্ট কবর ভেঙ্গে ফেলার অনুমতি নেই।" প্রাপ্ত গ্রন্থের পৃষ্ঠা ১৭- তে তিনি বলেন: "সর্বসাধারণের কবরস্থানে গম্বুজবিশিষ্ট মাযার নির্মাণ করা হারাম। যেগুলো ইতোমধ্যেই নির্মিত হয়েছে সেগুলোকে ভেঙ্গে ফেলতে হবে। ওয়াক্ফকৃত অথবা ব্যক্তিগত কোনো কবরস্থানে মালিকের অনুমতি ছাড়া ইমারত নির্মাণ করাও হারাম। নিজস্ব অথবা অন্য কারও জমিতে তাঁর অনুমতিক্রমে গম্বুজবিশিষ্ট কবর নির্মাণ করা মাকরুহ।" ২৫ নং পৃষ্ঠায় ইমাম ইবনে হাজর হায়তামী বলেন: "সর্বসাধারণের কবরস্থানে গম্বুজবিশিষ্ট কবরসমূহ নির্মাণ করা হারাম, কারণ সেগুলো বহু স্থান দখল করে রাখে যার ফলে অন্যদের দাফন করা দুষ্কর হয়ে পড়ে। ওই ধরনের গম্বুজসমূহ ধ্বংস করা উচিত। এই কারণেই অধিকাংশ শাফেয়ী উলামা ফতোয়া জারি করেন যে, ইমাম শাফেয়ীর গম্বুজবিশিষ্ট কবর শরীফটা ভেঙ্গে ফেলা উচিত, যেহেতু সেটা সর্বসাধারণের কবরস্থানে অবস্থিত।" (ফাতওয়া-এ-কুবরা-এ-ফিকাহিয়া)

অতএব, এটা প্রতীয়মান হলো যে, ইমাম ইবনে হাজর হায়তামী মক্কী (রহ.) প্রত্যেক গম্বুজবিশিষ্ট কবরকে হারাম এবং ভেঙ্গে ফেলার যোগ্য বলে ফতোয়া দেন নি। ওহাবী পুস্তকটি শুধু কুরআন-হাদীসেরই অপব্যখ্যা করেনি, উলামা-এ-দ্বীনের ফতোয়ারও অপব্যখ্যা করেছে।

'যওয়াজ্জির' পুস্তকের ২০১ পৃষ্ঠার লেখা আছে যে, প্রদর্শনোদ্দেশ্যে বিশাল ইমারত নির্মাণ করা মহা-গুনাহ। হাদীসকে অনুসরণ করে ওহাবীদের উচিত গম্বুজবিশিষ্ট কবরসমূহকে নয়, বরং ভোগ-বিলাস ও পতিতাবৃত্তির জন্যে তাদেরই দ্বারা নির্মিত রিয়াদ, তায়েফ এবং জেদ্দাস্থ বিশাল ইমারতসমূহ ধ্বংস করা। ওহাবী পুস্তকটির ২৪৮ পৃষ্ঠায় একটি হাদীস উদ্ধৃত হয়েছে: "কবর যিয়ারত করো, কেননা তা (কবর যিয়ারত) তোমাদেরকে শেষ বিচারের দিনের কথা স্মরণ করিয়ে দেবে' (হাদিস); অতঃপর সে বলে যে হুযূর ﷺ তাঁর মাযারের কবর যিয়ারত করেছিলেন। কিন্তু এ ঘটনাটা মৃতজনের কাছ থেকে কিছু চাওয়ার বৈধতা প্রমাণ করে না - এ কথাটি বলে সে

মুসলমানদের দ্বারা নবী কারীম ﷺ ও আউলিয়ার মাযার শরীফ যিয়ারত করাকে কাফেরদের কবর পূজোর সঙ্গে তুলনা করতে সচেষ্ট।

১৫/ — ২২৯ পৃষ্ঠায় ওহাবী মতাবলম্বী ব্যক্তিটি লিখে, “মসজিদ-এ-নববীতে সালাত আদায় করার উদ্দেশ্যে প্রবেশকারীর জন্যে কবর আস্-সায়াদায় গমন করে রাসূল-এ-কারীম ﷺ-কে সালাম জানানো নিষিদ্ধ। ইমাম মালেক (রা.) বলেছেন যে, মসজিদে প্রবেশকারীর জন্যে প্রত্যেকবার প্রবেশের পর রওযায়ে আকদাসের কাছে যাওয়া মাকরুহ। সাহাবা ও তাবয়ীনবন্দ মসজিদে প্রবেশ করে নামায পড়তেন এবং তারপর বেরিয়ে যেতেন; তাঁর রওযার কাছে যেয়ে সম্ভাষণ জানাতেন না, কেননা শরিয়াতে এ ধরণের কোনো আদেশ নেই। এটা একটা মিথ্যা কথা যে, বেসালখাণ্ডদের রুহসমূহকে তাঁদের জীবদ্দশার চেহারায় দেখা যায়। এই ধরণের দর্শন একমাত্র মি'রাজ রজনীতেই ঘটেছিল। পরবর্তীকালের মুসলমানরা এমন সব কাজ করেছেন, যা সাহাবাগণ করেন নি। কতক সাহাবী দূরবর্তী স্থান থেকে প্রত্যাবর্তন করার পর শুধুমাত্র সালাম জানানোর জন্যেই যিয়ারত করতেন। আবদুল্লাহ ইবনে উমর (রা.) সফরশেষে (এ রকম) যিয়ারত করতেন। আর কেউই এ রকম করেন নি। এটাও একটা বানোয়ট কাহিনী যে, শায়খ আহমদ কবীর রেফাঈ (রহ.) রাসূলে খোদা ﷺ-এর (রওযার ভেতর থেকে প্রসারিত) হাত মোবারক চুম্বন করেছিলেন। এটা সর্বসম্মতভাবে স্বীকৃত যে হুজরাহ আস্-সায়াদার সামনে দোয়া করার সময় কাবা শরীফের দিকে মুখ করে দাঁড়াতে হবে। রওযার দিকে মুখ ফেরানো চলবে না। দূরবর্তী স্থান থেকে হুজরাহ আস্-সায়াদা যিয়ারতের উদ্দেশ্যে সফর করাকে হাদীসসমূহে নিষেধ করা হয়েছে।” (ফাতহ আল মজিদ)

নিম্নের দীর্ঘ উদ্ধৃতিটি ‘মিরাতুল মদীনা’ বইটি হতে গ্রহণ করা হয়েছে:

“ইবনে হুযায়মা, আল-বায়হার, দারা-কুতনী ও আত্-তাবারানী রেওয়য়াতকৃত একটা হাদীস ঘোষণা করে, ‘যারা আমার রওযা যিয়ারত করে তাদের জন্যে শাফায়াত করা আমার ওপর ওয়াজিব হয়ে গেছে।’(হাদীস) হযরত বাযহার কর্তৃক রেওয়য়াতকৃত আরেকটি হাদীসে বলা হয়েছে: ‘আমার রওযা যিয়ারতকারীদের জন্যে শাফায়াত করা আমার জন্যে হালাল করা হয়েছে।’(হাদীস) সহীহ মুসলিম শরীফ ও আবু বকর ইবনে মাককারীর ‘মুজামা’ পুস্তকে লিপিবদ্ধ হাদীসটি ঘোষণা করে, ‘যদি কেউ অন্য কোনো উদ্দেশ্য ছাড়া শুধুমাত্র আমার রওযা যিয়ারতের নিয়তে তা করে, তবে সে শেষ বিচারের দিনে আমার শাফায়াতের দাবিদার হবে।’ (হাদীস) হাদীসটি আমাদেরকে শুভসংবাদ দেয় যে, যাঁরা হুযূর ﷺ-এর যিয়ারতের উদ্দেশ্যে মদীনায় গমন করেন, তাঁরা নিঃসন্দেহে নবী কারীম ﷺ-এর শাফায়াত লাভ করবেন।

“ইমাম তাবারানী ও আদ্-দারা কুতনী এবং অন্যান্য হাদীসবেত্তা ইমামগণ কর্তৃক রেওয়য়াতকৃত একটি হাদীসে উল্লেখ আছে: ‘হজ সমাপনের পর যে ব্যক্তি আমার রওযা যিয়ারত করলো, সে যেন আমার জীবদ্দশায় আমারই যিয়ারত (সাক্ষাৎ) পেলা।’(হাদীস) ইবনুল জাওযীও এই হাদীসটি রেওয়য়াত করেছেন। আদ্-দারাকুতনী বর্ণিত অপর এক হাদীসে বর্ণিত আছে: ‘যে ব্যক্তি হজ করলো, কিন্তু আমার যিয়ারত করলো না, সে আমার প্রতি রুচু আচরণ করলো।’(হাদীস) হাদীসটি ইমাম মালেক (রহ.)-ও রেওয়য়াত করেছেন। হুযূর ﷺ মুসলমানদেরকে এভাবে সওয়াব লাভের জন্যে তাঁর যিয়ারত করতে নির্দেশ দিয়েছিলেন। ইমাম বায়হাকী বর্ণিত একটি হাদীসে

বলা হয়েছে: ‘যখন কেউ আমাকে সালাম দেয়, তখন আল্লাহ তা’আলা আমার দেহে আমার রুহ ফিরিয়ে দেন এবং আমি তার সালাম গ্রহণ করি।’(হাদীস) এই হাদীসের ওপর ভিত্তি করে ইমাম বায়হাকী বলেছেন: ‘নবীগণ তাঁদের মাযার শরীফে জীবিতাবস্থায় আছেন।’ নবী কারীম ﷺ-এর রুহ মোবারককে ফিরিয়ে দেয়ার অর্থ হচ্ছে- তিনি সকল নেয়ামত ও উচ্চ মর্যাদা ফেলে রেখে তাঁর প্রতি সালাম প্রদানকারীর প্রত্যুত্তর দেন।

নবীগণের মাযার-রওয়ায় তাঁদের হায়াত সম্পর্কে বর্ণনাকারী এতো হাদীস আছে যে, সেগুলো একে অপরকে সমর্থন দেয়। সেগুলোর মধ্যে একটা হচ্ছে আবু বকর ইবনে আবি শায়বা (রহ.) বর্ণিত হাদীস -‘আমার রওজায় পঠিত দরুদ আমি শুনতে পাই। আর দূরে পঠিত দরুদ সম্পর্কে আমাকে জানানো হয়।’(হাদীস) এটা এবং অন্যান্য হাদিসগুলো ছয়জন প্রসিদ্ধ মুহাদ্দীস ইমামের গ্রন্থসমূহে লিপিবদ্ধ আছে।

হযরত আবদুল্লাহ ইবনে আব্বাস (রা.) হতে ইবনে আবিদ্-দুনইয়া কর্তৃক রেওয়াজাতকৃত হাদীসটি ঘোষণা করে: ‘যদি কেউ তার পরিচিতজনের কবর যিয়ারত করে সম্ভাষণ জানায়, তাহলে ওফাতপ্রাপ্ত ব্যক্তি তাকে চিনতে পারেন এবং সালামের প্রত্যুত্তর দেন। যদি সে অপরিচিত কাউকে সালাম জানায়, তাহলে ওফাতপ্রাপ্ত ব্যক্তি আনন্দিত হন এবং তার সম্ভাষণের প্রত্যুত্তর দেন।’(হাদীস)

রাসূলুল্লাহ ﷺ-এর একই মুহূর্তে প্রত্যেকের সালাম আলাদা আলাদাভাবে গ্রহণ করার ব্যাপারটা অনেকটা মধ্যদিবসে সূর্যের দ্বারা সহস্র শহরে আলো বিকিরণের মতোই। এটা বোঝা গেল যে, নবী পাক ﷺ তাঁর প্রতি সালাম প্রেরণকারীর সালাম সম্পর্কে জানতে পারেন এবং সালামের প্রত্যুত্তর দেন; একজন মুসলমানের জন্যে কি এর থেকে বড় নেয়ামত ও সম্মান আর হতে পারে?

হযরত ইব্রাহীম ইবনে বিশার (রহ.) বলেছেন: ‘হজের পর আমি রওয়ানে আকদাস যিয়ারত করার উদ্দেশ্যে মদীনা গমন করি। হুজরাহ আস্-সায়াদার সামনে সালাম জানানোর পর আমি উত্তর শুনতে পাই “ওয়া আলাইকাস সালাম”।’

কবি নবী এ সম্পর্কে বলেন,

‘গোস্তাখি হতে অবলম্বন কর সতর্কতা,  
এখানেই আছেন আল্লাহর হাবীব, অতিপেয়ারা,  
এটাই হলো আল্লাহর করুণা লাভের স্থান, মোস্তফার বিশ্রামস্থল  
আদবশীল হলেই, নবী, তুমি এই দরগাহের ভেতরে যাও,  
যেথায় তওয়াফ করেন ফেরেশতাকুল;  
আর আশ্বিয়াগণ চুম্বন দেন সর্বদা।।’ {ভাব অনুবাদ}

একটি হাদীসে বলা হয়েছে, ‘আমার বেসালের পরে আমি শ্রবণ করবো যেভাবে আমি জীবিতাবস্থায় শ্রবণ করছি।’(হাদীস) আরেকটি হাদীস বলা ফরমায়, ‘নবীগণ তাঁদের মাযারে জীবিত, তাঁরা সালাত আদায়

করেন।'(হাদীস) এ হাদীসগুলো পরিস্ফুট করে যে, আমাদের নবী কারীম ﷺ তাঁর রওযা শরীফে জীবিতাবস্থায় রয়েছেন এবং তাঁর এই হায়াত সম্পর্কে আমরা কিছুই জানি না। নির্ভরযোগ্য কিতাবাদিতে লেখা আছে যে, মহান ওলী হযরত আহমদ কবীর রিফাঈ (রহ.) এবং আরও বহু আউলিয়া কেলাম হুজরাহ আস্-সায়াদার ভেতর থেকে প্রত্যুত্তর শুনতে পেয়েছিলেন, যখনই তাঁরা হুযূর ﷺ-কে সালাম জানান। হযরত রেফাঈ (রহ.) নবী-এ-আকরাম ﷺ-এর পবিত্র হস্ত মোবারক চুম্বন করার মহাসম্মান অর্জন করেন। ওহাবীদের দ্বারা এটাকে মিথ্যা বলাটা অনেকটা সূর্যের দিকে কাদা ছুঁড়ে মারার মতোই ব্যাপার। এতে তাদের একগুঁয়েমিই প্রতিভাত হয়। ইসলামের মহান আলেম ইমাম জালালুদ্দীন সুযুতী (রহ.) তাঁর 'শারাহ আল মুহকাম' পুস্তকে ওহাবীদের এসব দাবি সমূলে উৎপাটিত করেন। তিনি দলিল দ্বারা প্রমাণ করেন যে, হুযূর ﷺ তাঁর রওযা শরীফে জীবিতাবস্থায় আছেন এবং তিনি সম্ভাষণদানকারীর সালাম বুঝতে পারেন এবং তার প্রত্যুত্তর দেন। ইমাম সুযুতী (রহ.) তাঁর কিতাবে বহু হাদীস উদ্ধৃত করেন, যেগুলোর মধ্যে নিম্নোক্তটি অন্যতম - 'মিরাজ রজনীতে আমি মূসা নবী (আ.) কে তাঁর রওযা শরীফে নামায পড়তে দেখেছি।' (হাদীস) হাদীসটি 'হিলইয়া' গ্রন্থের লেখক আবু নুয়াইম (রহ.)-ও তাঁর পুস্তকে উদ্ধৃত করেছেন।

আবু ইয়ালার 'মুসনাদ' গ্রন্থে উদ্ধৃত একটি হাদীস ঘোষণা করে: 'নবীগণ তাঁদের মাযারে জীবিত এবং তাঁরা সেখানে সালাত আদায় করেন।' (হাদীস) নবী কারীম ﷺ তাঁর শেষ ব্যাধির সময় বলেন: 'খাইবারে যে খাবার আমাকে দেয়া হয়েছিল তার তিক্ত স্বাদ আমি সব সময় অনুভব করেছি। সেই দিন যে বিষ আমি খেয়েছি তার প্রতিক্রিয়ায় এখন আমার হৃদযন্ত্র ছিঁড়ে যাবার উপক্রম।' (হাদীস) এই হাদীসটি ইঙ্গিত দেয় যে, হুজুর পাক ﷺ একজন শহিদ হিসেবে বেসালপ্রাপ্ত হয়েছেন। আল্লাহ তা'আলা সুরা আলে ইমরানের ১৬৯ আয়াতে বলা করেন, 'আল্লাহর রাস্তায় শাহাদাৎপ্রাপ্তদের কখনও মৃত বিবেচনা করবে না। তারা আসলে জীবিত।' (আল আয়াত) অতএব, এটা নিশ্চিত যে আমাদের মনিব হযরত রসুল-এ-কারীম ﷺ অন্যান্য শহিদদের মতোই তাঁর রওযা মোবারকে জীবিতাবস্থায় রয়েছেন।

হযরত ইমাম সুযুতী (রহ.) লিখেছেন: 'মহামর্যাদাসম্পন্ন আউলিয়া কেলাম নবীদের দেখতে পান এমনভাবে যেন তাঁদের বেসাল ঘটেনি। আমাদের হুযূর ﷺ-কর্তৃক হযরত মূসা (আ.) কে তাঁর রওযা শরীফে দেখা একটি মু'জেযা এবং একজন ওলীর অনুরূপ দর্শনক্ষমতা হচ্ছে কারামত। কারামতে অবিশ্বাসের উৎপত্তি অজ্ঞতা থেকে।'।

ইবনে হিব্বান, ইবনে মাজা এবং আবু দাউদ বর্ণিত একটি হাদীস ঘোষণা করে: 'শুক্রেবার দিনগুলোতে আমার প্রতি ঘন ঘন দরুদ পাঠ করবে; তোমাদের দরুদ আমার কাছে পৌঁছানো হবে।' (হাদীস) যখন তাঁকে জিজ্ঞেস করা হলো এটা কী তাঁর বেসালের পরও বহাল থাকবে, তখন হুযূর ﷺ বললেন: 'মাটি নবীদের দেহকে পচন ধরাতে পারে না। যখন কোনো মুসলিম আমার প্রতি দরুদ পাঠ করে, তখনই একজন ফেরেশতা তা আমাকে জানায় এবং বলে: 'আপনার উম্মতের মধ্যে অমুকের পুত্র অমুক আপনার প্রতি সালাম প্রেরণ করেছে এবং দোয়া করেছে।' (হাদীস) হাদীসটা প্রতীয়মান করে যে, আমাদের নবী কারীম ﷺ তাঁর রওযা শরীফে এমন এক জীবনে অস্তিত্বশীল, যেটা দুনিয়ার মানুষের পক্ষে জানা সাধ্যাতীত। হযরত যাইদ ইবনে সাহল (রা.) বলেছেন: 'একদিন আমি নবী পাক ﷺ-এর সাহচর্য লাভে ধন্য হচ্ছিলাম। তাঁর পবিত্র মুখখানা প্রফুল্ল দেখাচ্ছিল। আমি

আর কখনও তাঁকে এতোটা আনন্দিত দেখিনি। আমি তাঁকে এর কারণ জিজ্ঞাসা করি। তিনি উত্তর দেন: ‘আমি কেন খুশি হবো না? জিবরাইল একটু আগে আমাকে শুভসংবাদ দিয়েছে, আল্লাহ তা’আলা ঘোষণা করেছেন যে, “যখনই আমার উম্মাত আমার প্রতি দরুদ প্রেরণ করবে, তখনই আল্লাহ পাক তাদের প্রতি তার দশগুণ রহমত প্রেরণ করবেন।” (হাদীস)

রাসূলুল্লাহ ﷺ যেমনভাবে তাঁর পার্থিব জীবদ্দশায় তাঁরই সাহাবাগণের জন্যে আল্লাহর রহমত ছিলেন, ঠিক তেমনিভাবে তাঁর বেসালপ্রাপ্তির পরও তিনি তাঁর উম্মতের জন্যে আল্লাহর করুণা হয়ে বিরাজ করছেন। তিনিই সকল রহমতের কারণ।

মাহাল ইবনে আমর বলেছেন: ‘একদিন সাইদ ইবনে মুসাইয়াবের সঙ্গে আমাদের মা হযরত উম্মে সালামা (রা.)- এর ঘরের পাশে বসেছিলাম। এমনি সময়ে বেশ কিছু লোক হুজরাহ আস্-সায়াদা যিয়ারত করতে এলো। সাইদ আশ্চর্যান্বিত হয়ে বললেন: “কী আহাম্মক এ সকল লোকেরা! তারা মনে করছে যে হুজুর ﷺ বুঝি রওয়ার মধ্যে আছেন। চল্লিশ দিনের বেশি কি নবীগণ তাঁদের মায়ার-রওয়ার অভ্যন্তরে থাকেন?” একথা বলা সত্ত্বেও সাইদ-ই আবার বলেছিলেন, যে দিবসে হাররা (এই দিনে এয়াযিদ মদীনা আক্রমণ করে এবং অত্যাচার করে) নামক দুর্যোগ এসেছিল সেদিন তিনি রওয়ায়ে আকদাস হতে আযানের শব্দ শুনতে পেয়েছিলেন। হযরত উসমান (রা) যখন তাঁর ঘরে শত্রু দ্বারা পরিবেষ্টিত হয়ে যান, তখন তিনি বলেন, “আমি অন্য কোথাও যাবো না। আমি হুজুর ﷺ এবং মদীনা শরীফ ত্যাগ করতে পারবো না।” যদি মাহাল ইবনে আমর বর্ণিত সাইদের বক্তব্য সত্য হতো, তাহলে হুজুর পুর নূর ﷺ মুসলমানদেরকে তাঁর রওয়া শরীফ যিয়ারত করতে আহ্বান করতেন না। বস্তুতঃ জেরুজালেম জয়ের পর হযরত বিলাল হাবশী (রা.) রাসূলুল্লাহ ﷺ কর্তৃক স্বপ্নে আদিষ্ট হয়ে মদীনা শরীফে গিয়ে রওয়া মোবারক যিয়ারত করেন। আমিরুল মু’মিনীন খলীফা উমর বিন আব্দুল আযীয বিশেষ দূতের মাধ্যমে সব সময় দামেস্ক থেকে মদীনায় সালাম পাঠাতেন। জেরুজালেম জয়ের পর খলীফা হযরত উমর (রা.) মদীনা প্রত্যাবর্তন করে সর্বপ্রথমে হুজরাহ আস্-সায়াদায় গমন করেন এবং সালাম জানান।

ইয়াযিদ ইবনে আমর বলেছেন, ‘দামেস্ক থেকে মদীনা যাওয়ার পথে আমি মিশরের শাসনকর্তা উমর বিন আব্দুল আযীযের সঙ্গে দেখা করি। তিনি আমাকে বলেন: ‘হে এয়াযিদ! যখন তুমি নবী কারীম ﷺ-এর যিয়ারতের নেয়ামত লাভ করবে, তখন দয়া করে আমার সালাত-সালাম তাঁর কাছে পৌঁছে দেবে।’

হযরত ইমাম নাফী’ রেওয়ায়াত করেছেন, যখন আবদুল্লাহ ইবনে উমর (রা.) কোনো সফরশেষে মদীনায় প্রত্যাবর্তন করতেন, তখনই তিনি হুজরাহ আস্-সায়াদায় গিয়ে প্রথমে রাসূলুল্লাহ ﷺ, তারপর হযরত আবু বকর (রা.) এবং সবশেষে নিজ পিতা হযরত উমর (রা.)-কে সালাম দিতেন। যদিও ওহাবী পুস্তক ‘ফাতহ আল মাজীদ ’ এ বিষয়টিকে স্বীকার করা হয়েছে, তবুও সেখানে আরও লিপিবদ্ধ হয়েছে যে, হুজুর ﷺ-এর যিয়ারত শরীয়তে নিষিদ্ধ এবং হযরত আব্দুল্লাহ ইবনে উমর (রা.) ছাড়া আর কেউই এটা করেন নি। কিন্তু নির্ভরযোগ্য বিভিন্ন কেতাবে লেখা আছে যে, অন্যান্য সাহাবাও যিয়ারত করেছেন। এক্ষণে আমরা তা প্রমাণ করবো। হযরত আব্দুল্লাহ ইবনে উমর (রা.) শরীয়ত-গর্হিত একটা কাজ করেছেন বলে ওহাবী ব্যক্তিটি যে কুৎসা রটনা করেছে, সেজন্যে সে মোটেও লজ্জিত নয়; আর তার অন্যান্য মিথ্যা কথা তো আছেই। নিজের স্বার্থের অনুকূলে গেলে সে

সাহাবা-এ-কেরামকে অত্যধিক প্রশংসা করে, কিন্তু তাঁদের কার্যাবলী যখন তার স্বার্থের প্রতিকূলে যায় তখনই সে তাদের প্রতি জঘন্য অপবাদ দেয়। যে ব্যক্তি কুরআন-হাদীসের অপব্যখ্যা করে নিজের স্ব ধ্যান-ধারণা প্রতিষ্ঠা করতে চায়, তাঁর কাছ থেকে সাহাবাগণের সমলোচনা আর বিচিত্র কী! যদি নবী পাক ﷺ-এর রওয়া শরীফ যিয়ারত করা বৈধ না হতো, তবে হযরত আবদুল্লাহ ইবনে উমর (রা.) তা কখনও যিয়ারত করতেন না, আর যদি তিনি তা করতেনও তাহলেও অন্যান্য সাহাবাগণ যাঁরা তাঁকে তা করতে দেখেছিলেন তাঁরা তাঁকে নিষেধ করতেন। হযরত ইবনে উমরের (রা.) আচরণ এবং অন্যান্য সাহাবাগণের নীরবতা পরিস্ফুট করে যে, যিয়ারত বৈধ এবং বরকতমর। ইমাম নাফী' (রহ.) বলেন, 'আমি হযরত আবদুল্লাহ ইবনে উমর (রা.)-কে রওয়া যিয়ারতকালে শতাধিকবার বলতে শুনেছি, আস্ সালামু আলাইকা এয়া রাসূলান্নাহ ﷺ, আস্ সালামু আলাইকা এয়া আবু বকর (রা.)। আস্ সালামু আলাইকা এয়া আবী (রা.)।' [হে আল্লাহর রাসূল! আপনার উপর শান্তি বর্ষিত হোক। হগে আবু বকর! আপনবর উপর শান্তি বর্ষিত হোক। হে আমার পিতা! আপনার উপর শান্তি বর্ষিত হোক।]

একদিন হযরত আলী (ক.) মসজিদ আশ্-শরীফে প্রবেশ করে হযরত ফাতিমা (রা.)-এর ঘরের সামনে দীর্ঘক্ষণ কাঁদেন। এরপর তিনি হুজরাহ আস্-সায়াদায় প্রবেশ করে বলেন, 'আস্ সালামু আলাইকা এয়া রাসূলান্নাহ ﷺ'; এবং আবার কাঁদেন। তারপর তিনি হযরত আবু বকর (রা.) ও হযরত উমর (রা.)-এর প্রতি 'আলাইকুম আস্ সালাম এয়া আখাওয়াই-ইয়্যা ওয়া রাহমাত-আল্লাহ' সম্বাষণ জানিয়ে হুজরাহ আস্-সায়াদা থেকে বেরিয়ে যান।

এ কারণেই আমাদের ফকীহ উলামাবৃন্দ মদীনা এসে মসজিদ আশ্-শরীফে নামায পড়েছেন হজ্জের পর। তারপর তাঁরা যিয়ারত করেছেন রওয়াদাতুল মুতাহহারাত, মিস্বর আল মুনীর এবং রওয়ায়ে আকদাস, যেগুলো দেখে তাঁরা নেয়ামত লাভ করেছেন। এ সকল স্থান 'আরশুল আ'লা' হতে বহু উচ্চমর্যাদাসম্পন্ন; আরশুল আ'লা হচ্ছে সেই সকল স্থান যেখানে নবী কারীম ﷺ বসেছেন, হেঁটেছেন, হেলান দিয়েছেন, ওহী আগমনকালে যে কাঠের ওপর হেলান দিয়েছেন এবং সাহাবা ও তাবেয়ী যাঁরা মসজিদ আন্-নববী নির্মাণকালে কায়িক পরিশ্রম অথবা আর্থিক সাহায্য দান করেছিলেন, তাঁরা যেখানে হেঁটেছেন। আমাদের ফকীহ উলামাবৃন্দের উত্তরাসূরী উলামা ও পরহেযগার মুসলমানগণও হজ্জের পর একইভাবে মদীনা গমন করেছেন। এই কারণেই হাজীগণ মদীনা সফর করে থাকেন।

হাজীগণ কি প্রথমে মদীনা যাবেন, নাকি হজ্জের পর যিয়ারতে রাসূল ﷺ সম্পন্ন করবেন - এ প্রশ্নটির উত্তর উলামায়ে কেরাম বিভিন্নভাবে দিয়েছেন। তাবেয়ীগণের তিনজন শীর্ষস্থানীয় - ইমাম আলকামা, আসওয়াদ ও আমর ইবনে মায়মূন বলেছেন যে, হাজীদের প্রথমে মদীনা শরীফ যাওয়া উচিত। ইসলামী উলামার শিরোমণি ইমামুল আযম হযরত আবু হানিফা (রহ.) বলেছেন যে, হজ্জ সমাপন করে মদীনা গমন করাই উত্তম। হযরত আবুল লায়েস সামারকান্দীর ফতোয়ায়-ও একই কথা লেখা আছে। দুই ঈদের মধ্যবর্তী সময়টুকু মদীনায় অবস্থান করে হজ্জের সময় মক্কা শরীফ গমন করাটা ওসমানীয় তুর্কী হাজীদের একটা প্রথা ছিল। কতক হাজী অবশ্য সরাসরি মক্কা শরীফ গমন করে আরাফাত শেষে যিয়ারত করতে মদীনা যেতেন। এরপর তাঁরা মদীনার বন্দর ইয়ানবু হয়ে ষ্টিমারে চড়ে সুয়েজ খাল দিয়ে স্বদেশ প্রত্যাবর্তন করতেন।

শেফা শরীফ নামক গ্রন্থপ্রণেতা ইমাম কাজী আয়ায (রহ.), শাফেয়ী আলেম ইমাম নববী (রহ.) এবং হানাফী আলেম ইবনে হুমাম বলেছেন যে, রাসূলুল্লাহ ﷺ-এর রওযা মোবারক যেয়ারত করা বরকতময় হওয়ার বিষয়টির ওপর এজমা-এ-উম্মত (ঐকমত্য) হয়েছে। বেশ কিছু আলেম এটাকে ওয়াজিব বলেছেন। তবে কবর যেয়ারত করা সুন্নাত। আর সবচেয়ে মূল্যবান রওযা হুজরাহ আস্-সায়াদাহ যেয়ারত করা সব চেয়ে মূল্যবান সুন্নাত।

রাসূলে কারীম ﷺ সবসময় উহুদের জেহাদে শাহাদাতপ্রাপ্ত সাহাবায়ে কেলাম ও বাকী কবরস্থানের সাহাবীদের যেয়ারত করতে যেতেন। উহুদের জেহাদের বর্ণনা দিতে গিয়ে ফারসী ভাষায় লিখিত কিতাব ‘মাদারিজুন নবুয়্যত’ এ আবু ফারদার কথা উদ্ধৃত করা হয়েছে: ‘একদিন রাসূলুল্লাহ ﷺ উহুদের জেহাদে শহিদ সাহাবীদের যেয়ারত করতে যান। “হে আল্লাহ আপনি-ই একমাত্র উপাসনার যোগ্য। আমি আপনার বান্দা সাক্ষ্য দিচ্ছি যে, এরা আপনারই নেয়ামত লাভের উদ্দেশ্যে শাহাদাত বরণ করেছে” – এই কথা বলে হুযূর পাক ﷺ আমাদের দিকে মুখ ফিরিয়ে বলেন: “যদি কেউ এ সকল শহীদের যেয়ারত করে তাদের প্রতি সম্ভাষণ জানায়, তবে এরা তাকে সালামের জওয়াব দেবে। শেষ দিন (কেয়ামত) পর্যন্ত তারা এভাবে উত্তর দেবে।” (হাদীস) আরেকবার শহিদদের যেয়ারতকালে হুযূর ﷺ বলেন: “তোমরা ধৈর্যশীল ছিলে; তোমাদের প্রতি সালাম।” খলীফা থাকাকালীন হযরত আবু বকর (রা.) এবং হযরত উমর (রা.)-ও উহুদের জেহাদে শহিদদের যেয়ারত করে অনুরূপ সম্ভাষণ জানাতেন। ফাতিমাতুল্ হুযায়িয়া (রা.) বলেন, “আমি একবার উহুদের ময়দান অতিক্রম করছিলাম; আমি বললাম: হে হামযা (রা.), মহানবী ﷺ-এর চাচা! আপনার প্রতি সালাম। আমি জওয়াব শুনতে পেলাম: “আল্লাহর শান্তি, করুণা ও আশীর্বাদ তোমার প্রতি বর্ষিত হোক।” উতাফ ইবনে খালেদ আল মাহযুনী বলেন যে, তাঁর ফুফু যখন উহুদের শহিদদেরকে সালাম জানান, তখন তাঁরা তার জওয়াব দেন: ‘আমরা তোমাকে চিনি।’ উতাফ আরও বলেন যে, হাদীসে যা বলা হয়েছিল, ঠিক তা-ই ঘটেছিল।

সুরা নিসার ৬৪ নং আয়াতে ঘোষিত হয়েছে, ‘ঈমানদার মুসলমান সবাই যদি নিজেদের নফসের ওপর যুলুম (অর্থাৎ,পাপ) করে আপনার দরবারে আসতো, হে রাসূল ﷺ! আর আল্লাহর কাছে ক্ষমা প্রার্থনা করতো; আর আপনিও তাদের পক্ষে সুপারিশ করতেন, তাহলে নিশ্চয় তারা আল্লাহকে তওবা কবুলকারী ও দয়াবান হিসেবে পেতো।’(আল আয়াত) এ আয়াত প্রত্যেক মুসলমান নর-নারীকে আদেশ করে নবি কারীম ﷺ-এর রওযা মোবারক যেয়ারত করতে (কেননা, আয়াতোল্লিখিত ‘জাআ’ শব্দটির অর্থ রাসূলের কাছে ‘আসা’ – অনুবাদক)। কথিত আছে, যেয়ারতকালে এ আয়াত পাঠ করা মুস্তাহাব।

ইমাম আলী (রা.) হযরত মোহাম্মদ ইবনে হারব হেলালী (রা.)-এর কথা উদ্ধৃত করেন, যিনি বলেন: ‘নবি কারীম ﷺ-এর দাফনের তিন দিন পর আমি হুজরাহ আস্-সায়াদা যেয়ারত করতে যাই। যিয়ারতশেষে আমি এক কোণায় বসে পড়ি। এমন সময় এক গ্রামবাসী এসে হুজূর ﷺ-এর রওযার ওপরের মাটিতে লুটিয়ে পড়েন এবং রওযার মাটি নিয়ে নিজের মুখমন্ডলে মাখেন। এরপর তিনি সম্ভাষণ জানান: “এয়া রাসূলুল্লাহ ﷺ! আল্লাহ তা’আলা আপনার সম্পর্কে ঘোষণা দিয়েছেন – (সুরা নিসার উপর্যুক্ত ৬৪ নং আয়াত যা তিনি তেলাওয়াত করেন)। আমি নিজের নফসের প্রতি যুলুম করেছি। তাই আপনারই শাফায়াতের মাধ্যমে আমি সম্পূর্ণ ক্ষমা প্রার্থনা করছি।” আমি রওযা শরীফ হতে প্রত্যুত্তর শুনতে পাই: “তোমার জন্যে শুভ সংবাদ! তোমার সমস্ত গুণাহ মাফ হয়ে গিয়েছে।”

‘শুধুমাত্র তিনটি মসজিদ, (মসজিদ-এ-হারাম, মসজিদ-এ-নববী এবং মসজিদ-এ-আকসা) ছাড়া অন্য কোনো স্থানের দিকে সফর করবে না’- এই হাদীসটি প্রতীয়মান করে যে হুজুর ﷺ-এর রওয়া শরীফ যিয়ারত করার নিয়ত করে মদীনা যাওয়া খুবই বরকতময়। যারা তা করবে না, তারা এই মহা-সওয়াব হতে বঞ্চিত থাকবে এবং হয়তো তারা একটি ওয়াজিবের ইনকার (অবহেলা/অবজ্ঞা) করবে। এই তিনটি মসজিদ ছাড়া অন্যান্য মসজিদে নামায পড়ার উদ্দেশ্যে দীর্ঘ পথ সফর করা জায়েয (বৈধ), যদি তা আল্লাহর ওয়াস্তে করা হয়। কিন্তু অন্য কোনো নিয়তে করলে তা হারাম হবে।

**প্রশ্ন:** হযরত ইমাম হাসান ইবনে আলী (রা.) যিয়ারতকারীদেরকে রওয়ায়ে আকদাস-এর সামনে আসতে দিতেন না। আর ইমাম যাইনুল আবেদীন (রহ.) নিম্নোক্ত হাদীসটি পেশ করে অনুরূপ আচরণ করতেন। হাদীসটি বলা ফরমায়: ‘আমার কবরকে ঈদগাহ বানাতে না। তোমাদের ঘরগুলোকে কবরস্থান বানাতে না। যেখানেই থাকবে আমার প্রতি ঘন ঘন দরুদ পাঠ করবে; তোমাদের সালাম আমার কাছে পৌঁছানো হবে।’ এ বিষয়ে আপনি কী বলবেন?

**উত্তর:** এ সকল কথা ‘শুধুমাত্র তিনটি মসজিদ সফর করা উচিত’- হাদীসটির সঙ্গে সঙ্গতিপূর্ণ নয়। উপরন্তু, উক্ত দুই ইমাম সম্ভবতঃ তাদেরকেই বাধা দিতে চেয়েছিলেন যারা ঔদ্ধত্যপূর্ণ অথবা আদবহীন/বে-আদবিপূর্ণ আচরণ করতে পারে। তাই ইমাম মালেক (রা.) হুজরাহ আস্-সায়াদার সামনে দীর্ঘক্ষণ অতিবাহিত করা জায়েয ফতোয়া দেন নি। হযরত ইমাম যাইনুল আবেদীন (রা.) হুজরাহ আস্-সায়াদা যিয়ারতকালে সবসময়ই রওদাতুল মুতাহহারার দিকে অবস্থিত স্তম্ভের পাশে দাঁড়িয়ে সালাম দিতেন। অতএব, এটা বোঝা যায় যে, হুজুর ﷺ-এর পবিত্র সের/মস্তক মুবারক হুজরাহর এদিকে অবস্থিত। নবী কারীম ﷺ-এর আযওয়াজে মোতাহহারাত (পবিত্র বিবিগণ)-এর মাযারগুলো মসজিদ আস্-সায়াদাতে অন্তর্ভুক্ত হওয়ার আগে এই জায়গায় দাঁড়িয়ে যিয়ারত সমাধা করতে হতো। যিয়ারতকারীরা এখানে হুজরাহ আস্-সায়াদার দরজার সামনে দাঁড়িয়ে সালাম দেন।

হারুন ইবনে মুসা আল হিরাওয়ী তাঁর প্রপিতা আল-ক্বামাকে জিজ্ঞাসা করেন: ‘মসজিদ আস্-সায়াদাতে হুজুর ﷺ-এর পবিত্র বিবিদের মাযারগুলো অন্তর্ভুক্ত হওয়ার আগে রওয়ায়ে আকদাসের কোন্ পার্শ্বে যিয়ারতকারীরা যিয়ারত করতে দাঁড়াতেন?’ আলক্বামা উত্তর দেন: ‘যেহেতু হযরত আয়েশা (রা.)-এর বেসালের আগে হুজরাহ আস্-সায়াদার দরজাটা দেয়াল করা ছিল না, সেহেতু যিয়ারতকারীরা দরজার সামনেই দাঁড়াতেন।’

মুহাদ্দীস উলামাবৃন্দের অন্যতম হযরত আবদুল আযীম মুনযিরী বলেছেন, ‘আমার কবরকে ঈদগাহ বানিও না’ – হাদীসটির অর্থ: ‘যথাসম্ভব ঘন ঘন আমার যিয়ারত করবে।’ অর্থাৎ, ‘তোমাদের যিয়ারতকে (ঈদের মতো) বছরে একবার কি দু’বারের মধ্যে সীমাবদ্ধ রাখবে না, ঘন ঘন আমার যিয়ারত করবে।’ আর ‘তোমাদের গৃহগুলোকে কবরস্থান বানাতে না’- হাদীসটির অর্থ: ‘সালাত না পড়ে তোমাদের ঘরগুলোকে কবরস্থান সদৃশ করবে না’ (মুনযিরী)। যেহেতু কবরস্থানে সালাত আদায় করা বৈধ নয়, সেহেতু হযরত আবদুল আযীম মুনযিরীর কথাই সঠিক।

প্রথমোক্ত হাদীসটিকে অধিকাংশ উলামা নিম্নোক্তভাবে ব্যাখ্যা করেছেন: ‘আমার যিয়ারতের জন্যে ঈদের দিনের মতো একটি দিন নির্দিষ্ট করো না।’ ইহুদী এবং খৃষ্টানরা তাদের নবীগণের মাযার যিয়ারতকালে সমবেত হয়ে নাচ-গান ও আনন্দ-উৎসব পালন করতো। এই হাদীস এবং এর তফসীর থেকে বোঝা যায় যে, রওযায়ে আকদাস যিয়ারতকালে উৎসব-মুখর হওয়া আমাদের পক্ষে উচিত নয়।

অতএব, রওযা মোবারকের যিয়ারতকারীগণের জন্য দীর্ঘক্ষণ সেখানে অতিবাহিত করা সমীচীন নয়, বরঞ্চ তাঁর উচিত সালাম ও দোয়াশেষে প্রস্থান করা। রওযায়ে আকদাসের যিয়ারতকে একটি মহা-মূল্যবান ইবাদত হিসেবে মুসলমানদের জানা উচিত। তাঁদের উচিত ঘন ঘন যিয়ারত করতে চেষ্টা করা – তাঁরা যতো দূরেই থাকুন না কেন। অর্থাৎ, বছরে একবার যিয়ারত করায় এটাকে সীমাবদ্ধ না রেখে প্রত্যেকের উচিত সাধ্যানুসারে ঘন ঘন যিয়ারত করা এবং যিয়ারতকালে হুজরাহ্ আস্-সায়াদার সামনে দীর্ঘক্ষণ অপেক্ষা না করা। মুসলমান উলামাদের নয়নমণি হযরত ইমামুল আযম আবু হানিফা (রহ.) বলেছেন যে, যিয়ারত-এ-রাসূল ﷺ হচ্ছে সবচেয়ে মূল্যবান মুস্তাহাবগুলোর মধ্যে অন্যতম এবং এটা এমনই একটা ইবাদত যার মর্যাদা ওয়াজিবের সমান।

শাফেয়ী মাযহাবের বিধাননুযায়ী যদি কেউ নবী কারীম ﷺ-এর মাযার শরীফ যিয়ারত করার নযর (মানত) করে, তবে তাকে নযর পূর্ণ করতে হয়। অন্যান্য মাযারের প্রতি নযর সম্পর্কে ইজমা না হলেও নযর পূর্ণ করাই কোনো ব্যক্তির জন্যে ভালো হবে। পদব্রজে মসজিদুল হারাম সফর করার নযর যে ব্যক্তি করবে, তার উচিত নযর পূর্ণ করা; কারণ হজের ফারিদা (অবশ্য করণীয়) মসজিদুল হারামেই সম্পন্ন করতে হয়। আর যেহেতু মসজিদুস্ সায়াদায় হুযূর পাকের ﷺ রওযায়ে আকদাস অবস্থিত- যেটা কাবাতুল মুয়াযযামা ও মসজিদুল আকসা থেকেও উচ্চমর্যাদাসম্পন্ন এবং যেহেতু মসজিদ আস্-সায়াদা সফর করার সময় রওযা পাকের যিয়ারতও নিয়্যতের মধ্যে থাকে, সেহেতু এই বরকতময় মসজিদে পদব্রজে যাওয়ার নযরকে অবশ্যই পূর্ণ করতে হবে।

চার মাযহাব অনুযায়ী, কাবা শরীফ সফর করার নযর করলে তা পূর্ণ করা উচিত। মসজিদ আস্-সায়াদা অথবা মসজিদ আল্-আকসা সফর করার নযর পূর্ণ করা উচিত নাকি অনুচিত সেই বিষয়ের ওপর কোনো ঐকমত্য প্রতিষ্ঠিত হয়নি। তবে মতপার্থক্যটুকু শুধু মসজিদ সফর সংক্রান্ত। যে ব্যক্তি নবী কারীম ﷺ-এর রওযা শরীফ যিয়ারত করার নযর করে, তাকে অবশ্যই তা পূর্ণ করতে হবে।

শায়েখ আবদুল্লাহ আবু মুহাম্মদ ইবনে আবি যাইদ (রহ.)-কে জিজ্ঞাসা করা হয়: ‘কোনো ব্যক্তি, যাকে অন্য কারো সপক্ষে হজ্ব ও যিয়ারত-এ-রাসূল ﷺ সমাধা করার দায়িত্ব দেয়া হয়েছে, সে যদি শুধুমাত্র হজ্বকার্য সমাপনান্তে প্রত্যাবর্তন করে এবং যিয়ারতে রাসূল ﷺ না করে, তাহলে কি তাকে যিয়ারতের জন্যে প্রদত্ত টাকাটা ফেরত দিতে হবে?’ হযরত যাইদ (রহ.) উত্তর দেন: ‘হ্যাঁ, তাকে টাকা ফেরত দিতে হবে।’

নবী পাক ﷺ-এর যিয়ারত সম্পর্কে ইমাম মালেক (রা.) বলেন, ‘প্রত্যেকের উচিত কিবলার দিকে পিঠ দিয়ে হুজরাহ্ আস্-সায়াদার দিকে মুখ করা এবং বিনয় ও আদবের সঙ্গে সালাম দেয়া এবং দরুদ পাঠ করা। মসজিদে প্রবেশের পর ‘রওদাতুল মুতাহহারাতে’ দুই রাকাত নামায পড়া উচিত। এরপর ‘মুওয়াজাহাত আস্-সায়াদা’র সামনে দাঁড়িয়ে প্রথমে হুজূর ﷺ, তারপর হযরত আবু বকর (রা.) এবং সবশেষে হযরত উমর (রা.)-

এর প্রতি সালাম জানাতে হবে। এরপর কিছু বিশেষ দোয়া-দরুদ পাঠ করতে হবে; কেননা, নবি কারীম ﷺ কিংবা প্রত্যেক মোমেন মুসলমানই তাঁর যিয়ারতকারীদের কথাবার্তা এবং তাদের সালাম ও দোয়া শুনতে পান। যদিও কোনো ব্যক্তির যে কোনো দোয়া পড়ার এবং যে দোয়া মনে পড়ে তা পড়ার অনুমতি রয়েছে, তবুও উলামাবৃন্দ কর্তৃক নির্দেশিত বিশেষ দোয়াসমূহ পাঠ করাই উত্তম।’

ইমামুল আযম আবু হানিফা (রহ.) বলেছেন যে, যখন তিনি মদীনায়ে ছিলেন, তখন হযরত আউয়ুব সাহিতিয়ানী নামের এক বুয়ুর্গকে মসজিদে প্রবেশ করে রওয়া-এ-আকদাসের দিকে মুখ করে কিবলার দিকে পিঠ দিয়ে দাঁড়িয়ে কাঁদতে দেখেন এবং পিছু হেঁটে বেরিয়ে যেতে দেখেন। হযরত আবুল লায়েস সমরকন্দী হযরত ইমামুল আযমের (রহ.) উদ্ধৃতি দিয়ে বলেন: ‘যিয়ারতকারীদের উচিত কিবলার দিকে মুখ করা এবং রওয়াকে পিছনে রাখা।’ কিন্তু শায়েখ কামাল ইবনে হুমাম লিখেছেন: ‘ইমামুল আযম তাঁর মুসনাদ পুস্তকে যিয়ারতের আইন-কানুন বর্ণনা করেছেন; তাই আবুল লায়েস এবং তাঁর অনুসারীরা যা রেওয়াজাত করেছেন তা ইমামুল আযমের পূর্ববর্তী কোনো ইজতেহাদের ওপর প্রতিষ্ঠিত। ইমামুল আযম পরবর্তীকালে ফতোয়া দিয়েছেন যে, ‘হুজরাহ আস্-সায়াদার দিকে মুখ করে যিয়ারত করতে হবে।’ হযরত আবদুল্লাহ ইবনে উমর (রা.)-ও ঘোষণা করেছেন যে, কিবলা পেছনে রেখে হুজরাহ আস্-সায়াদার দিকে মুখ করে সালাম ও দরুদ পাঠ করতে হবে।’ (ইবনুল হুমাম)

ইবনে জামা’আ তাঁর ‘মানাসিক’ গ্রন্থে লিখেন, ‘নবি কারীম ﷺ-এর রওয়া শরীফ যিয়ারতকালে প্রত্যেকের উচিত হুজুর ﷺ-এর মাথা মোবারক যেদিকে অবস্থিত তার দুই মিটার দূরত্বে দাঁড়ানো; এই কোণা তখন যিয়ারতকারীর বাম পাশে এবং কিবলা ডান পাশে থাকবে। এরপর যিয়ারতকারী ব্যক্তি ধীরে ধীরে মুওয়াজাহাত আস্-সায়াদার দিকে মুখ ফেরাবেন এবং কিবলার দেয়ালের দিকে পিঠ দিয়ে দাঁড়াবেন; যখন রওয়া শরীফের দিকে তাঁর মুখ ফিরবে, তখনই তাঁকে হুয়ুর ﷺ-এর প্রতি সালাম দিতে হবে।’

অতএব, যিয়ারতকারীকে রওয়া শরীফের দিকের কোণা এবং কিবলার দেয়ালের মধ্যবর্তী স্থানে দণ্ডায়মান হতে হবে; এবং হুজুর ﷺ-এর মাথা মোবারক থেকে দুই মিটার দূরত্ব বজায় রাখতে হবে। এরপর ধীরে ধীরে হুজরাহ আস্-সায়াদার দিকে মুখ ফিরাতে হবে। কিবলা পেছনে থাকবে এই সময়। অতঃপর তাঁকে সালাত-সালাম পাঠ করতে হবে। ইমাম শাফেয়ী ও অন্যান্য মুজতাহিদগণের ইজতেহাদও একই কথা ব্যক্ত করে। বর্তমানকালে এভাবেই যিয়ারতকার্য সমাধা করা হয়।

মসজিদ আস্-সায়াদাতে হুজুর পাক ﷺ-এর পবিত্র স্ত্রীদের মাযার-রওয়া অন্তর্ভুক্ত হওয়ার আগে হুজরাহ আস্-সায়াদার কিবলার দিকের স্থানটাতে বেশি জায়গা ছিল না; ফলে মুওয়াজাহাত আস্-সায়াদার দিকে মুখ করে দাঁড়ানো কষ্টকর ছিল। যিয়ারতকারীদেরকে হুজরাহ আস্-সায়াদার রওদাতুল মুতাহহারার দেয়ালের দরজার সামনে দাঁড়িয়ে কিবলামুখো হয়ে সালাম দিতে হতো। পরবর্তীকালে ইমাম যাইনুল আবেদীন (রহ.) রওয়াতুল মুতাহহারাকে পেছনে রেখে সালাম দিতেন। দীর্ঘকাল ওইভাবে হুজরাহ আস্-সায়াদার যিয়ারত চলেছিল। হুয়ুর ﷺ-এর পবিত্র স্ত্রীগণের মাযার শরীফ মসজিদ আস্-সায়াদার ভেতরে অন্তর্ভুক্ত হওয়ার পর মুওয়াজাহাত আশ্-শরীফার জানালার সামনে দাঁড়িয়ে যিয়ারত করার কাজ সুসম্পন্ন করা হয়।

ইমামগণ মদীনাবাসী ও যিয়ারতকারীদের পালনীয় আদব-কায়দার বহু নিয়ম-কানুন সংগ্রহ করেছেন। এ সকল শর্তসমূহ ফিক্বাহ ও ‘মানাসিক’ কিতাবসমূহে লিপিবদ্ধ আছে। ‘মিরাতুল মানাসিক’ পুস্তকে সমস্ত নিয়ম-কানুন বিস্তারিতভাবে লেখা আছে।

ইসলামের ইতিহাসে প্রথম যে গম্বুজবিশিষ্ট মাযারটি নির্মিত হয়, তা হচ্ছে হুজরাহ্ আল-মু’আত্তারা, যেখানে নবী কারীম ﷺ-কে দাফন করা হয়েছিল। আমাদের মনিব রাসূল-এ-কারীম ﷺ হযরত আয়েশা সিদ্দিকা (রা.)-এর ঘরে বেসালপ্রাপ্ত হন। দিনটি ছিল সোমবার, ১২ই রবিউল আউয়াল, ১১ হিজরী। দুপুরের আগেই তিনি বেসালপ্রাপ্ত হন। পরবর্তী বুধবার রাতে তাঁকে সেই ঘরে দাফন করা হয়। হযরত আয়েশা (রা.)-এর ঘরটি তিন মিটার উচ্চতা বিশিষ্ট ছিল। এটা রোদে শুকানো ইট ও খেজুর গাছের শাখা দ্বারা নির্মিত হয়েছিল। পশ্চিম দিকে এর দুটো দরজা ছিল যা রওদাতুল মুতাহারা-মুখো ছিল এবং উত্তরে একটা দরজা ছিল। খলীফা থাকাকালীন ১৭ হিজরীতে হযরত উমর (রা.) হুজরাহ্ আস্-সায়াদাকে একটা নিচু পাথরের দেয়াল দ্বারা ঘেরাও করে দেন। হযরত আবদুল্লাহ ইবনে যুবাইর (রা.) খলিফা হওয়ার পর এই দেয়ালটাকে কালো পাথর দ্বারা পুণঃনির্মাণ করে দেন। দেয়ালটা ছাদবিহীন ছিল এবং এর উত্তর দিকে একটা দরজা ছিল। ৪৯ হিজরীতে যখন হযরত হাসান (রা.) শাহাদাতপ্রাপ্ত হন, তখন তাঁর ভাই হযরত হুসাইন (রা.) তাঁর লাশ মুবারককে হযরত হাসানের অন্তিম ইচ্ছানুসারে হুজরাহ্ আস্-সায়াদার দরজার সামনে নিয়ে আসেন এবং রওয়া শরীফের ভেতরে শাফাতাত ও দোয়া চাওয়ার জন্যে নিয়ে যেতে চান। তখন কিছু লোক এর বিরোধিতা করে। তারা মনে করেছিল যে ইমাম হাসান (রা.)-কে বুঝি রওয়া শরীফের ভেতরেই দাফন করা হবে। এই গোলযোগ বন্ধ করার জন্যে লাশ মুবারককে হুজরাহ্ আস্-সায়াদার অভ্যন্তরে আর না নিয়ে জাম্মাতুল বাকী কবরস্থানে দাফন করা হয়। পরবর্তীকালে যাতে এ ধরণের আর কোনো অপ্রীতিকর ঘটনার উদ্ভব না হয়, তার জন্যে ঘরের দরজাগুলো এবং বাইরের দরজাটি দেয়াল দ্বারা বন্ধ করে দেয়া হয়।

ষষ্ঠ উমাইয়া খলিফা ওয়ালিদ মদীনার গভর্নর থাকাকালীন হুজরাহ্ আস্-সায়াদাকে বেষ্টন করে একটি দেয়াল নির্মাণ করে দেন এবং ওপরে একটি ক্ষুদ্রাকার গম্বুজও নির্মাণ করে দেন। ফলে তিনটি রওয়া-ই বাইরে থেকে দৃষ্টিগোচর হতো না। ঘরটিতে প্রবেশ করার পথ রুদ্ধ হওয়াতে হুজরাহ্ আস্-সায়াদা নিরাপদ হয়ে গেল। যখন ওয়ালিদ খলিফা হলেন, তখন তাঁর উত্তরাধিকারী এবং মদীনার গভর্নর ওমর বিন আবদুল আযীযকে আদেশ দিলেন যেন তিনি পূর্ব দিকের দেয়ালকে বেষ্টন করে আরেকটা দেয়াল নির্মাণ করে দেন। হুজুর ﷺ-এর পবিত্র স্ত্রীগণের মাযারসমূহ অপসারণ করার পর মসজিদ আস্-সায়াদার সম্প্রসারণ সম্পন্ন হয়। এই দেয়ালটি পাঁচ কোণ বিশিষ্ট এবং ছাদবিশিষ্ট ছিল; এর কোনো দরজা ছিল না।

গাজী সালাহউদ্দিন আইয়ুবীর চাচাতো ভাই এবং ইরাকে ‘আতা বেগ’ রাষ্ট্রের গভর্নর যেনগিস-এর উযির জামালুদ্দিন ইসফাহানী ৫৮৪ হিজরী সালে হুজরাহ্ আস্-সায়াদার বহির্দেয়ালের চার পাশে চন্দন-কাঠনির্মিত শিকের দেয়াল তৈরি করে দেন। এর উচ্চতা মসজিদের ছাদের সমান ছিল। লোহার শিকের দেয়াল ৬৮৮ হিজরীতে নির্মাণ ও রং করা হয়। এই শিকটাকে বলা হতো ‘শাবাকাতুস সায়াদা’। শাবাকাতুস সায়াদা-এর ক্বিবলার দিককে বলা হয় ‘মুওয়াজাহাত আস্-সায়াদা’ এবং পূর্বদিককে বলা হয় ‘রওদাতুল মুতাহারা’ এবং উত্তর দিককে বলা হয় ‘হুজরাতুল ফাতিমা’। যেহেতু মক্কা শরীফ মদীনা শরীফের দক্ষিণে অবস্থিত, সেহেতু যদি

কেউ মসজিদ আন্-নববীর মধ্যবর্তী স্থানে কিবালামুখ হয়ে দাঁড়ায়, অর্থাৎ, রওদাতুল মুতাহহারাতে দাঁড়ায়, তাহলে তার বাম পার্শ্বে থাকবে হুজরাহ আস্-সায়াদা এবং ডান পার্শ্বে থাকবে মিস্বর আশ্-শরীফ।

২৩২ হিজরীতে শাবাকাতুস সায়াদা ও বহির্দেয়ালগুলোর মধ্যবর্তী স্থানে মার্বেল পাথরের মেঝে নির্মাণ করা হয় এবং বছবার পুনর্নির্মাণ করা হয়। সুলতান আব্দুল মাজীদ খানের আদেশক্রমে শেষবারের মতো মেঝেতে সংস্কারকার্য সমাধা করা হয়।

পাঁচ কোণাকৃতি দেয়ালের সঙ্গে যে গম্বুজটা নির্মাণ করা হয়েছিল সেটার নাম 'কুব্বাতুন্ নূর'। ওসমানীয় সুলতানদের প্রেরিত 'কিসওয়াত্-আশ্-শরীফা' উক্ত গম্বুজের ওপরে ছাউনিস্বরূপ বিছানো হতো। বিশাল সবুজ গম্বুজটা যেটার নাম 'কুব্বাতুল খাদরা' এবং যেটা কুব্বাতুন্ নূরের ঠিক ওপরে অবস্থিত, সেটাই হলো মসজিদ আস্-সায়াদার গম্বুজ। শাবাকা নামের শিকের দেয়ালের বহির্ভাগে অবস্থিত কিসওয়াটি কুব্বাতুল খাদরাকে সমর্থন দানকারী মণ্ডপের ওপর ঝুলানো হতো। এই অভ্যন্তরীণ ও বহির্ভাগের পর্দাগুলোকে বলা হতো সাততারা। শাবাকাতুস সায়াদা তিন দরজাবিশিষ্ট; পূর্বে, পশ্চিমে এবং উত্তর দিকে এগুলো অবস্থিত। হারাম আশ্-শরীফের পরিচালকগণ ছাড়া আর কেউই শাবাকাতুস সায়াদার অভ্যন্তরে প্রবেশ করতে পারে না এবং যেহেতু দেয়ালগুলোর মধ্যে কোনো দরজা বা জানালা নেই, সেহেতু কেউই ভেতরে প্রবেশ করতে পারে না। গম্বুজের ওপরে শুধু একটা ছিদ্র আছে যা তারনির্মিত জালি দ্বারা আবদ্ধ। এই ছিদ্রটির ঠিক ওপরে কুব্বাতুল খাদরার ছিদ্রটি অবস্থিত। ১২৫৩ হিজরী পর্যন্ত গম্বুজের রং ছিল ছাই বর্ণের, যেটা সুলতান মাহমুদ আদলী খানের আদেশক্রমে করা হয়েছিল। ১২৮৯ হিজরীতে সুলতান আবদুল আযীম খানের আদেশক্রমে গম্বুজটিতে পুনরায় রং দেয়া হয়।

সুলতান আবদুল মাজীদ খানের মতো আর কেউই মসজিদ আস্-সায়াদাকে সুশোভিত করার প্রচেষ্টায় এত বেশি আত্মনিয়োগ করেননি। হারামাইনকে সংরক্ষণ করার জন্যে তিনি ৭ লক্ষ স্বর্ণমুদ্রা ব্যয় করেন। ১২৭৭ হিজরীতে সংস্কার কাজ শেষ হয়। প্রত্যেক দিন তিনি হুজুর পুর নূর ﷺ-এর শানে একটি মাহফিল করতেন যেগুলোতে তাঁর কাশফ ও কারামত প্রত্যক্ষ করা হতো। সুলতান আবদুল মাজীদ খান আদেশ দেন যেন মসজিদ আন্-নববীর একটা ক্ষুদ্র প্রতিকৃতি ইস্তাম্বুলস্থ খিরকাত-এ-শরীফ মসজিদে স্থাপন করা হয়। এই উদ্দেশ্যে প্রকৌশল বিশ্ববিদ্যালয়ের অধ্যাপক এবং স্থপতি মেজর হাজী ইয়যাত আফেন্দীকে ১২৬৭ হিজরীতে মদীনায় প্রেরণ করা হয়। ইয়যাত আফেন্দী সমস্ত দৈর্ঘ-প্রস্থ মেপে এক বছরের মধ্যে ১/৫৩ মডেল নির্মাণ করেন এবং ইস্তাম্বুল পাঠান। মডেলটি খিরকা-এ-শরীফ মসজিদ, যেটা সুলতান আবদুল মাজীদ খান তৈরি করেছিলেন, সেটাতে সংরক্ষণ করা হয়।

কিবলার দেয়াল ও শাবাকাত আস্-সায়াদার মধ্যে দূরত্ব হচ্ছে সাত মিটার; পূর্বদিকের দেয়াল হতে কদম আস্-সায়াদার শিকের দূরত্ব হচ্ছে ছয় মিটার; শাবাকাত আশ্-শামী-এর প্রস্থ হচ্ছে এগারো মিটার; মুওয়াজাহাতুশ্ শরীফার শিকের দৈর্ঘ্য তেরো মিটার এবং মুওয়াজাহাতুশ্ শরীফা ও শাবাকাতুশ্ শামীর দূরত্ব হচ্ছে উনিশ মিটার। মসজিদ আন্-নববীর কিবলার দিকটা ৬৪ মিটার প্রশস্ত এবং কিবলার দিক থেকে দামেস্কের দিকের দেয়ালটির দূরত্ব হচ্ছে ৯৯ মিটার। হুজরাহ আস্-সায়াদা ও মিস্বর শরীফের মধ্যবর্তী স্থানে অবস্থিত রওয়াতুল

মুতাহহারার প্রস্থ ১৬ মিটার। এ সকল পরিমাপ নিম্নোক্ত পদ্ধতিতে করা হয়েছে: মদীনায় এক 'যা' সমান তেতাশ্লিশ সেন্টিমিটার। ফিক্কাহ্ কিতাবসমূহে বর্ণিত এরাক্কী 'যা' হচ্ছে পঞ্চাশ সেন্টিমিটার।

মদীনা শরীফের একমাত্র কবরস্থান বাক্কীতে সর্বপ্রথম হযরত উসমান ইবনে মাযউন (রা.)-কে দাফন করা হয়। নবি কারীম ﷺ তাঁর এই দুগ্ধ ভাইয়ের জন্যে নিজের পবিত্র হাত দ্বারা কবরের ওপর একটা পাথরের ফলক স্থাপন করে দেন। তাই কবরের ওপর পাথরের ফলক স্থাপন করা সুন্নতে পরিণত হয়েছে।

ওহাবীরা মদীনার এ সকল মাযার ধ্বংস করে ফেলে। সুলতান মাহমুদ খান তা আবার সংরক্ষণ করেন। প্রথম মহাযুদ্ধের পর ইংরেজরা উসমানীয়দের কাছ থেকে মদীনা শরীফ কেড়ে নিয়ে তা ওহাবীদের হাতে অর্পণ করে। ওহাবীরা পুনরায় মাযারগুলো ধ্বংস করে দেয়। তারা সমস্ত পবিত্র ইমারত বিধ্বস্ত করে, এমন কি যমযম কূপের ওপর সুলতান আবদুল হামিদ খান-১-এর নির্মিত কারুকার্যপূর্ণ ইমারতটিও ওহাবীরা বিধ্বস্ত করে। আর আজকে তারা ধীরে ধীরে মসজিদুল হারাম ও মসজিদ আন্-নববীকেও ধ্বংস করে ফেলছে, যেগুলো উত্তরাধিকারাসূত্রে উসমানীয় তুর্কীদের কাছ থেকে তারা পেয়েছিল।

হুজরাহ্ আস্-সায়াদার পর হুযুর ﷺ-এর পবিত্র স্ত্রীগণের মাযারের ওপরেই সর্বপ্রথম গম্বুজ নির্মাণ করা হয়। আমাদের মা যয়নাব বিনতি জাহস্ (রা.)-এর ইস্তেকাল দিবসে আবহাওয়া এতোই গরম ছিল যে হযরত উমর (রা.) কবর খননকালে লোকদেরকে আশ্রয় দান করার জন্যে একটা তাঁবু খাটিয়ে দেন। সেই তাঁবুটা দীর্ঘসময় মাযারের ওপর পাতানো ছিল। তাই এরপর থেকে মাযারের ওপর তাঁবু, গৃহ এবং পরবর্তীকালে গম্বুজ স্থাপন করা শুরু হয়। মুর্দার খাটিয়া প্রথমবারের মতো তৈরি করা হয় আবারও আমাদের মা হযরত যয়নাবের (রা.) জন্যে। যখন হযরত উমর (রা.) হযরত যাইনাবের (রা.) মাহরাম আত্মীয়বর্গ (যে আত্মীয়-স্বজন সাক্ষাৎ করতে পারেন) ছাড়া সাহাবাদেরকে জানাযা ও দাফনকার্যে অংশগ্রহণ করার অনুমতি দিলেন না, তখন সাহাবাগণ অত্যন্ত দুঃখিত হলেন জানাযা হতে বঞ্চিত হওয়ার আশংকায়। এই সময় হযরত আসমা বিনতে উমাইস্ (রা.) বললেন, 'আমি ইখিওপিয়াতে একটা খাটিয়া দেখেছি। সেটার ভেতরে মুর্দাকে দেখা যায় না।' এরপর হযরত আসমা (রহ.)-এর নির্দেশানুযায়ী ওই রকম একটা খাটিয়া তৈরি করা হয় এবং সকল সাহাবী জানাযায় অংশ নেন।

আমাদের আকা ও মওলা হযরত রাসূলে কারীম ﷺ প্রত্যেক বছর উহুদের যুদ্ধের শহিদবর্গের যিয়ারত করতেন। 'হুররাতুল ওয়াকুম' নামের স্থানটিতে দাঁড়িয়ে তিনি তাঁদের প্রতি সালাম দিতেন। হিজরীর অষ্টম বছরে হুজুর ﷺ যেয়ারতকালে তাঁদের প্রত্যেকের নাম ধরে সম্বাষণ জানান। তিনি বলেন: 'তারা শহিদ। তারা যিয়ারতকারীকে চিনতে পারে; যখন কেউ তাদেরকে সালাম দেয়, তখনই তারা তা শুনতে পায় এবং প্রত্যুত্তর দেয়।' (হাদীস) হযরত ফাতিমা (রা.) দুই দিন অন্তর অন্তর হযরত হামযার (রা.)-এর মাযার শরীফ যিয়ারত করতেন এবং মাযারে তিনি একটি চিহ্ন দেন যাতে তা বিস্মৃত না হতে পারে। প্রত্যেক শুক্রবার রাতে তিনি সেখানে যেয়ে বহু রাকাত নামায পড়তেন এবং অনেক কাল্মাকাটি করতেন।

‘ইমাম বায়হাকী (রহ.) হযরত আবদুল্লাহ ইবনে উমর (রা.)-কে উদ্ধৃত করেন, যিনি বলেন: ‘আমার পিতা হযরত উমর (রা.) এবং আমি একবার সূর্যোদয়ের আগে উহুদের শহিদানের যেয়ারত করতে যাই। তিনি তাঁদেরকে সালাম জানান, আমরা তাঁদের প্রত্যুত্তর শুনি। আমার পিতা আমাকে জিজ্ঞাসা করেন: ‘তুমি কি প্রত্যুত্তর দিয়েছ? আমি বললাম : না, শহিদানবন্দ দিয়েছেন।’ তিনি আমাকে তাঁর ডান পাশে নিয়ে তাঁদের প্রত্যেককে আলাদা আলাদাভাবে সালাম দেন। আমরা তাঁদের প্রত্যেককে তিনবার করে প্রত্যুত্তর দিতে শুনলাম। সহসা আমার পিতা সাজদায় যেয়ে আল্লাহর কাছে ধন্যবাদ জ্ঞাপন করেন।’ হযরত হামযা (রা.), তাঁর দুই ভতিজা আবদুল্লাহ ইবনে জাহস্ ও মুস্আব ইবনে উমাইর (রাদিয়াল্লাহু আনহুম আজমাঈন) একই মাযারে সমাহিত হন। সত্তর জন শহিদনের বাকিরা দু’জন-তিনজন করে একেক মাযারে শায়িত আছেন এবং অল্প কিছু সংখ্যককে জান্নাতুল বাকী কবরস্থানে দাফন করা হয়।” (ওপরের দীর্ঘ উদ্ধৃতি ‘মিরাতুল মদীনা’ গ্রন্থটি থেকে নেয়া হয়েছে)

১৬/ — ওহাবী পুস্তক ‘ফাতহুল মজীদে’ ২৫৭ পৃষ্ঠায় লেখা হয়েছে: “আবু দাউদ রেওয়াতকৃত একটা হাদীস বলা ফরমায় যে, আমরা যেখানেই থাকি না কেন আমাদের দরুদ পাঠ করা উচিত; কেননা তা হুযূর ﷺ-কে জানানো হয়। অতএব, কাছে হোক অথবা দূরে হোক তাতে কোনো পার্থক্য হবে না। রওয়া শরীফকে উৎসব উদযাপন করার স্থানে পরিণত করা উচিত নয়।” (ফাতহ আল মাজিদ)

হুজরাহ আস্-সায়াদা যেয়ারত করার দরকার নেই প্রমাণ করার উদ্দেশ্যে সে লিখেছে যে হুযূর ﷺ তাঁর প্রতি প্রেরিত দরুদ শুনতে পান। কিন্তু ওহাবীটির কথা পরস্পরবিরোধী। সে-ই কিন্তু আগে বলেছিল যে, বেসালপ্রাপ্ত জন শুনতে অথবা অনুভব করতে পারেন না। অথচ, এখানে সে বলছে যে, তাঁরা শুনতে পান। তার বক্তব্যগুলো একে অপরকে মিথ্যা প্রমাণিত করে।

পৃষ্ঠা ৪১৬-তে সে লিখেছে: “বেসালপ্রাপ্ত জন তাঁদেরকে যা বলা হয় তা শুনতে পান না। তাঁদের কাছে দোয়া ও শাফাআত চাওয়ার অর্থ হচ্ছে তাঁদের ইবাদত করা”। (ফাতহ আল মাজিদ) ওহাবী মতামবলস্বী লোকটি

হুযূর ﷺ তাঁর প্রতি পঠিত দরুদ শুনতে পান মর্মে ওহাবী মতামবলস্বী লোকটির ভাষ্য এবং উপর্যুক্ত ভাষ্যের মধ্যে কোনো সামঞ্জস্য নেই। উপরন্তু সে ইমাম আবু দাউদ (রহ.) রেওয়াতকৃত দুটো হাদীসের শুধুমাত্র একটাকে উদ্ধৃত করেছে। অপরটি তার স্বার্থ সিদ্ধির পরিপন্থী বলে সে সেটা লিখেনি। হযরত আবদুল হক মুহাদ্দীসে দেহলভী লিখেছেন, “আবু হুরায়রা (রা.) হতে আবু দাউদ (রহ.) বর্ণিত একটা হাদীস ঘোষণা করে: ‘যখন কেউ আমাকে সালাম দেয়, তখন আল্লাহ তা’আলা আমাকে আমার রুহ ফিরিয়ে দেন। ফলে আমি তার সালাম শুনতে পাই এবং প্রত্যুত্তর দিতে পারি।’ (হাদিস) আর ইবনে আসাকির রেওয়াতকৃত অপর এক হাদীস বলা ফরমায়: ‘আমার কবরে পঠিত দরুদ আমি শুনতে পাই।’ (হাদীস)” (মাদারিজুন নবুওয়াত, ৩৭৮ পৃষ্ঠা) অতএব, এ কথা পরিস্ফুট যে, ওহাবীদের দাবি - ‘নবী ﷺ মৃত ব্যক্তি, তাই শ্রবণ করতে অক্ষম’- একেবারেই ভিত্তিহীন ও মিথ্যাচার।

১৭/ — ২৭১ পৃষ্ঠায় ওহাবী মতামবলস্বী লোকটি লিখেছে: “হাদীসে বলা হয়েছে, ‘আমি আশংকা করি যে, আমার উম্মতের উপর গোমরাহ ইমামরা ইমামতী করতে আসবে।’ অর্থাৎ, এমন সব ইমাম ও নেতারা

মুসলমানদের ওপর শাসন করতে আসবে, যারা কুরআনের পরিপন্থী ফতোয়া প্রদান করবে। এই ধরনের ইমামের অধিকাংশই বলে: ‘যে ব্যক্তি বিপদ-আপদগ্রস্ত অথবা যে ব্যক্তির কোনো ফরিয়াদ আছে, সে যেন আমার কবরে আসে; আমি তার হাজত পূর্ণ করবো। আমি আল্লাহ তা’আলার নৈকট্যপ্রাপ্ত। আমার ওপর হতে ইবাদত মওকুফ হয়েছে। আউলিয়া যাকে ইচ্ছা তাকেই সাহায্য করতে পারেন। প্রত্যেকের উচিত তাঁদের কাছে হাজত পূরণের জন্যে আবেদন করা। যারা বিপদ-আপদগ্রস্ত তারা যদি মৃত কিংবা জীবিত আউলিয়ার শরণাপন্ন হয়, তবে তারা সমৃদ্ধি অর্জন করতে সক্ষম হবে; কারণ আউলিয়া যা ইচ্ছা তাই করতে পারেন। তাঁরা কারামত প্রদর্শন করেন। তাঁরা লাওহ্ আল-মাহফুয-এর ভেতরের খবরাখবর জানেন। মানুষের গোপন চিন্তাগুলো তাঁরা বুঝতে পারেন।’ আর এই ধরনের লোকেরাই নবী ও ওলীগণের কবরের ওপর গম্বুজ নির্মাণ করে থাকে। এ সবগুলোর অর্থ হচ্ছে আল্লাহ ছাড়া অন্য কিছু পূজো করা। একটা হাদীস বলা ফরমায়: ‘মুনাফেকরা সত্য কথা বলে ধোকা দেয়।’ আরেকটা হাদীস ঘোষণা করে: ‘আমার উম্মতের অধিকাংশ লোক মুশরিক না হওয়া পর্যন্ত কেয়ামত হবেনা। যারা কবর পূজো করে এবং সেগুলোকে আল্লাহর শরীক বানায়, তারা এ সম্পর্কে কী বলবে? মূর্তি পূজোর ফিতনাটা আজকাল এতাই বৃদ্ধি পেয়েছে যে কেউই তা বুঝতে পারে না। মুহাম্মদ বিন আবদুল ওয়াহহাব রুখে দাঁড়িয়ে এই মূর্তি পূজোর ব্যবস্থাটি রহিত করেন। যদিও কিছু সংখ্যক সরকার তাঁর বিরোধিতা করেছিল, তবুও তিনি সর্বত্র প্রসিদ্ধ (?) হয়ে যান। তাঁকে বহু লোক বিশ্বাস করে, আবার বহু লোক অবিশ্বাসও করে। আবু তাহের বলেন, সৌদি রাজবংশ আরবের প্রত্যন্ত অঞ্চলে তাওহীদ (একেশ্বরবাদ)-এর পতাকা উড্ডীন করেন। শিরকের প্রসারকে রহিত করা এবং শিরককে ধ্বংস করা অত্যন্ত প্রয়োজনীয়। কবরসমূহের ওপর নির্মিত গম্বুজগুলো এই ধরনের (শিরক)। এগুলোর সবই মূর্তির ঘরে পরিণত হয়েছে। পৃথিবীতে এগুলোর অস্তিত্ব রাখা উচিত নয়। এদের অধিকাংশকেই আল্-লাত ও উযযা মূর্তির মতো তা’যিম (সম্মান) করা হয়। অধিকাংশ মুসলমানই মুশরিকে রূপান্তরিত হয়েছে। ‘আমার উম্মতের মধ্যে ত্রিশজন দাজ্জাল আগমন করবে’- এই হাদীসটি সুপ্রসিদ্ধ। সাইয়েদ সিদ্দিক হাসান খান তার ‘কিতাবুল ইয়াগা’ পুস্তকে লিখেছেন যে, বদমায়েশ গোলাম আহমদ কাদিয়ানী দাজ্জালদের মধ্যে একজন। এই হিন্দুস্তানী কাফেরটা প্রথমে বলেছিল যে, সে আল্-মাহদী; কিন্তু পরবর্তীকালে খ্রীষ্টান (বৃষ্টিশ) সরকার কর্তৃক সমর্থনপুষ্ট হয়ে সে নিজেকে নবী হিসেবে ঘোষণা করে। আবদুল্লাহ বিন জুবাইর-এর খিলাফত আমলের মুখতার আস্-সাক্বাফীও দাজ্জালদের একজন ছিল। সে বলেছিল, সে আহলে বায়তকে ভালোবাসে এবং হযরত হুসাইনের (রা.) হত্যার প্রতিশোধ নেবে। সে বহু মুসলমানকে হত্যা করেছিল। পরবর্তী পর্যায়ে সে নিজেকে নবী দাবি করে এবং বলে, হযরত জীবরাইল (আ.) তার কাছে ওহী নিয়ে এসেছেন।’ (ফাতহ্ আল মজিদ)

ওহাবী গ্রন্থটি ব্যক্ত করেছে যে, গোমরাহ অধার্মিক সরকার ও ধর্মীয় পদে সমাসীন ব্যক্তিবর্গ মুসলিমদের ওপর শাসন করবে। বস্তুতঃ হাদীসটিতে এদিকেই ইঙ্গিত করা হয়েছে। ইসলামী উলামা সর্বসম্মতভাবে সিদ্ধান্ত টেনেছেন যে, মুসলিমদেরকে বিচ্যুতির দিকে পথপ্রদর্শনকারী সেই সব গোমরাহ লোকেরা হচ্ছে ওহাবীরা, যারা বর্তমানে তা করছে। আহলুস সুন্নতের আলেমগণ লিখেছেন যে, ওহাবীরা গোমরাহ-পথভ্রষ্ট। আর এ কথাও সন্দেহহীন যে, আলোচিত গোমরাহ শাসনযন্ত্রটি হচ্ছে সৌদি রাজবংশ প্রতিষ্ঠিত সৌদি আরব সরকার। যেহেতু তাদের অনেক ধন-সম্পদ আছে, সেহেতু তারা মুসলিম রাষ্ট্রসমূহে গুণ্ডার নিয়োগ করে তাদের মাধ্যমে মুসলিমদেরকে ধোকা দিচ্ছে। গোমরাহ বইপত্র প্রকাশ করে ওহাবীরা আহলুস সুন্নতের আউলিয়া ও উলামার প্রতি কলঙ্ক লেপনের অপচেষ্টায় লিপ্ত।

ইমামে রাব্বানী আহমদ ফারুকী সিরহিন্দী (মোজাদ্দেদে আলফে সানী) তাঁর ‘মাকতুবা’ পুস্তকের ২২৫ চিঠিতে লিখেছেন, “ইমাম আল-মাহদী ইসলাম প্রচার করবেন। তিনি নবী পাক ﷺ-এর সুন্নাতকে পুনরায় প্রতিষ্ঠা করবেন। মদীনার সর্বোচ্চ ধর্মীয় পদে সমাসীন ব্যক্তিটি, যে নাকি ইসলামের নামে বিদআত সংঘটন করতে অভ্যস্ত হবে, সে তাঁর কথায় বিচলিত হয়ে বলবে: ‘এই লোক আমাদের ধর্মকে ধ্বংস করতে চায়।’ ইমাম আল-মাহদীর আদেশক্রমে গোমরাহ এই ইমামটিকে হত্যা করা হবে।” (মাকতুবা) এই উদ্ধৃতিটি ভবিষ্যদ্বাণী করে যে, শুধুমাত্র মদীনাতেই ওহাবীবাদ দীর্ঘস্থায়ী হবে এবং ইমাম আল-মাহদী কর্তৃক তা সমূলে উৎপাটিত হবে।

ওহাবী মতামবলম্বী লোকটি তার স্বভাব অনুযায়ী পুনরায় কাফের, মুনাফেক ও মুশরিকদের প্রতি অবতীর্ণকৃত আয়াত ও হাদীসসমূহ উদ্ধৃত করে এবং আহলে সুন্নাতের উলামা কৃত এতদসংক্রান্ত তাফসীরগুলো বিশদভাবে লিখে নিজেকে সঠিক পথের অনুসারী হিসেবে দেখাতে চায়। এরপর সে খাঁটি সুন্নী মুসলমানদেরকে আক্রমণ করে, যেভাবে সে তার বইয়ের প্রথম থেকেই করেছে। গম্বুজবিশিষ্ট মাযারকে ‘মূর্তির ঘর’ এবং আউলিয়াকে ‘মূর্তি’ বলার উদ্দেশ্যে সে নির্লজ্জভাবে আয়াত ও হাদীসসমূহের বিকৃত ব্যাখ্যা দিতে উদ্যত। যে ব্যক্তি আয়াত ও হাদীসের বিকৃত ব্যাখ্যা দেয় কিংবা মুসলমানদেরকে মুশরিক আখ্যা দেয়, সে নিজেই কাফেরে পরিণত হয়। সে মুসলমানদের মাঝে ফিতনার সূত্রপাত করে। ওহাবীদের কাছে তারা নিজেরাই শুধু মুসলমান! গত কয়েকশ বছরে পৃথিবীতে আগত সকল মুসলমানই মুশরিক! ওহাবী মতামবলম্বী লোকটি আরও পরামর্শ দেয়, যেহেতু বর্তমানকালের মুসলমানগণ ‘মৃতদের পূজা’ করে থাকেন, সেহেতু ওহাবীদের উচিত মুসলমানদেরকে হত্যা করে পৃথিবী থেকে শিরক বিতাড়ন করা।

এটা স্পষ্ট যে, হাদীসে বর্ণিত অজ্ঞ-গোমরাহ ইমামরা হচ্ছে ওহাবীরা। এক হাজার বছরের ঐতিহ্যের বাহক মুসলমানদের সাথে মতভেদ সৃষ্টি করে তারা বিচ্যুত হয়েছে। আর প্রত্যেকেই জানেন যে, সৌদি আরব হচ্ছে একটা স্বৈরাচারী শাসনতন্ত্র যেটা মুসলমানদেরকে পথবিচ্যুত করতে সচেষ্ট। ‘ইসলাম’ এবং আহলুত তাওহীদের নামে তারা সঠিক পথের অনুসারী সুন্নী মুসলমানদের ওপর হত্যাজ্ঞা ও নির্যাতন চালিয়েছিল। মুসলমানদেরকে মুশরিক আখ্যা দেয়ার উদ্দেশ্যে কুরআন-হাদীসের বিকৃত ব্যাখ্যা করে তারা কুরআনের সঙ্গে মতভেদ সৃষ্টিকারী ফতোয়াসমূহ জারি করেছে। পৃথিবীতে কোনো ইসলামী আলেমই বলেন নি, ‘যে ব্যক্তি বিপদ-আপদগ্রস্ত অথবা যে ব্যক্তির কোনো আবেদন রয়েছে, তার উচিত আমার কবরে আসা; আমি তাঁর হাজত (প্রয়োজন) পূরণ করবো।’ ওহাবী মতামবলম্বী লোকটি এই মিথ্যা বাক্যটি বানিয়ে মুসলমানদের বদনাম করেছে। ইসলামী উলামাগণ কখনও বলেন নি যে, তাঁরা আল্লাহ তা’আলার সান্নিধ্যপ্রাপ্ত হয়েছেন। উপরন্তু, আল্লাহ কর্তৃক তাঁদেরকে প্রদত্ত কারামত প্রচার হোক, এটা তাঁরা চাননি কখনও। তাঁরা শিক্ষা দিয়েছেন যে, সর্বোত্তম কারামত হলো ইসলামের বিধান তথা আদেশ-নিষেধ মান্য করা এবং নবী কারীম ﷺ-কে অনুসরণ করা। একদিন হযরত আবদুল ক্বাদির জিলানী (রহ.) যখন তাঁর শুভাকাজ্জীসহ বজ্রপাতের মধ্য দিয়ে মরুভূমিতে হাঁটছিলেন, তখন আকাশ কৃষ্ণবর্ণ ধারণ করে এবং সেখান থেকে একটা কণ্ঠস্বরকে বলতে শোনা যায়, “হে আমার বান্দা আবদুল ক্বাদির। আমি তোমাকে অত্যন্ত ভালোবাসি। এখন থেকে তোমার প্রতি ইবাদত করার দায়িত্ব মওকুফ করে দিলাম। পর মুহূর্তেই এই মহান ওলী প্রতুত্তর দিলেন, “কাযযাবতা এয়া কাযযাব!” ওহে মিথ্যাবাদী শয়তান, তুমি মিথ্যা বলেছ। তুমি আমাকে প্রবঞ্চিত করতে পারবে না। আল্লাহর প্রিয় নবী মুহাম্মদ সাল্লাল্লাহু আলাইহি ওয়া সাল্লামকেও ইবাদত করা হতে অব্যাহতি দেয়া হয়নি। তাঁর সর্বশেষ ব্যাধির সময়েও তিনি জুমআর নামায

আদায় করার জন্যে খুঁড়িয়ে খুঁড়িয়ে মসজিদে প্রবেশ করেছিলেন। কাউকেই ইবাদত করা হতে অব্যাহতি দেয়া হয় না।” ওহাবী মতামবলম্বী লোকটি এই ধরণের মহান আউলিয়ার কুৎসা রটনা করতে মোটেও লজ্জিত নয়। সে মনে করেছে যে, সে তার মিথ্যা কথা দিয়ে মুসলমানদেরকে প্রতারিত করতে পারবে। সে মাযারস্থ আউলিয়ার কাছে মুসলমানদের শাফায়াত ও সাহায্য কামনা করাকে ঠাট্টা করছে এবং তাওয়াসসুলকে শিরক মনে করেছে। অথচ আমাদের রাসূলে-এ-কারীম ﷺ বলা করেছেন, “ইয়া তাহাইয়্যারতুম ফীল উমূরে ফাসতাদ্দিনূ মিন আহলিল কবুর” - “তোমাদের বিষয়সমূহে বিপদ-আপদগ্রস্ত হলে মাযারস্থ আউলিয়ার সাহায্যপ্রার্থী হবে।”(হাদীস) মুসলমানগণ এই হাদীসটিকে অনুসরণ করে আউলিয়ার রওয়া শরীফ যিয়ারত করেন এবং তাঁদের কাছে ‘এসতেমদাদে রুহানী’ (আধ্যাত্মিক সাহায্য) কামনা করেন।

উলামা-এ-ইসলাম ওই হাদীসটির আদেশ মেনে আউলিয়ার মাযার শরীফ যিয়ারত করেছেন এবং বলেছেন যে, তাঁরা সান্নিধ্য অর্জন করেছেন। ইমাম-এ-রব্বানী আহমদ ফারুকী সিরহিন্দী তাঁর ‘মাকতুবাতে’ কিতাবের ২৯১ নং চিঠিতে বলেন, “দিনীতে এক ঈদের দিনে আমি আমার সম্মানিত মুর্শিদ হযরত বাকীবিল্লাহ (রহ.)-এর মাযার শরীফ যিয়ারত করি। আমি যখন তাঁর নেয়ামতপূর্ণ মাযারের প্রতি মনোনিবেশ করি, তখন তিনি আমাকে তাঁর পবিত্র রুহ দ্বারা নেক-নয়র করেন। এই ফকিরকে তিনি এতোই দয়া প্রদর্শন করেন যে, তিনি হযরত খাজা ওবায়দুল্লাহ আহরার (রহ.) থেকে প্রাপ্ত সান্নিধ্য আমাকে মঞ্জুর করেন। এই নিসবাত (অংশ) অর্জন করার পর তাওহীদের মা’রেফতগুলোর বাস্তবতা অর্জিত হয়।” (মাকতুবাতে)

উপর্যুক্ত হাদিসটি বহু কিতাবে উদ্ধৃত হয়েছে এবং মুসলমানদের মাঝে প্রসিদ্ধি লাভ করেছে। মহান আলেম আহমদ সামসুদ্দিন ইবনে কামাল আফেন্দী যিনি ওসমানীয় তুর্কী সাম্রাজ্যের নবম শাইখুল ইসলাম এবং মুফতি আস্-সাক্বালাইন ছিলেন, তিনি ‘তোমাদের বিষয়সমূহে যখন বিপদগ্রস্ত হও তখন মাযারস্থ আউলিয়ার সাহায্যপ্রার্থী হবে’-এই হাদিসটির নিম্নোক্ত ব্যাখ্যা দিয়েছেন, “মানুষের রুহ তার দেহের প্রতি আসক্ত। সে যখন মারা যায় এবং তার রুহ দেহকে ত্যাগ করে, তখনও এই ভালোবাসাটুকু নির্মূল হয়ে যায় না। মৃত্যুর পরেও দেহের প্রতি রুহের আসক্তি এবং আকর্ষণ বন্ধ হয়ে যায় না। তাই হাদীসে মৃতদের হাড় ভেঙ্গে ফেলা অথবা কবরের ওপর পা ফেলা নিষিদ্ধ ঘোষিত হয়েছে। যখন কেউ কোনো ওলির মাযার শরীফ যিয়ারত করে, তখন উভয়েরই রুহ মিলিত হয় এবং অনেক ফায়দার উদ্ভব হয়। এই ফায়দার জন্যেই শরীয়ত কবর/মাযার যিয়ারতের অনুমতি দিয়েছে। তবে নিশ্চয়ই এর আরও কিছু গোপন ফায়দা আছে।

মাযারস্থ আউলিয়াবৃন্দের রুহসমূহ এবং যিয়ারতকারীদের রুহসমূহ আয়নাসদৃশ, যেটাতে পরস্পরের প্রতিফলন ঘটে থাকে। যখন যিয়ারতকারী মাযারের দিকে দৃষ্টিপাত করে এবং আল্লাহ পাকের ক্বায়াম আত্মসমর্পণ করে, তখন তার রুহ এই বিষয়টা উপলব্ধি করতে পারে এবং তার জ্ঞান ও নৈতিক গুণগুলো সান্নিধ্য অর্জন করতে সমর্থ হয়, যেটা এরপর মাযারস্থ বেসালপ্রাপ্ত ওলীর ক্বলবে প্রতিফলিত হয়। আর তখনই আল্লাহর কাছ থেকে বেসালপ্রাপ্ত ওলীর রুহের কাছে আগত জ্ঞান ও ফায়েয যিয়ারতকারীর রুহের ওপর প্রতিফলিত হয়। শাফেয়ী আলেম আলাউদ্দিন আলী বিন ইসমাইল তাঁর রচিত ‘আল-আলম ফী হায়াতিল আশ্বিয়া আলাইহিম আস সালাতু ওয়াস সালাম’ কিতাবে বলেন: ‘নবীদের এবং সকল বুয়ূর্গ মুসলমানের রুহ তাঁদের মাযার-রওয়ায় অথবা যেখানে তাঁদের নাম উচ্চারিত হয় সেখানে নেমে আসেন। তাঁদের মাযারের সঙ্গে রুহের একটা সম্পর্ক আছে।

অতএব, মাযার যিয়ারত করা মুস্তাহাব। তাঁরা সম্ভাষণদানকারীদের সালাম শুনতে পান এবং প্রত্যুত্তর দেন। ‘আক্বিবা’ গ্রন্থে হাফেয (মুহাদ্দিস) আবদুল হক আসবিলী একটা হাদিস উদ্ধৃত করেন: ‘যদি কেউ তার কোনো বেসালপ্রাপ্ত মুসলিম ভাইয়ের কবর যিয়ারত করে সম্ভাষণ জানায়, তাহলে বেসালপ্রাপ্ত জন তাকে চিনতে পারে এবং প্রত্যুত্তর দেয়।’ (হাদিস) শায়েখ ফখরুদ্দিন গাযানফার তাবরিযী (রহ.) বলেছেন: ‘অবোধগম্য একটি বিষয়ে আমি একবার খুব গভীর চিন্তামগ্ন হই। এরপর আমার শায়খ হযরত তাজুদ্দিন তাবরিযী (রহ.)-এর মাযারের পাশে বসে ধ্যান করি। ফলে আমি সমাধান পেয়ে যাই।’ বহু উলামার মতানুযায়ী, ‘মাযারশ্বদের সাহায্যপ্রার্থী হবে’ – এই হাদিসটিতে মাযারশ্ব ব্যক্তি হচ্ছেন আউলিয়া যাঁরা ‘মৃত্যুর পূর্বে মৃতুবরণ করো’- হাদীসের আদেশটি পালন করে তাসাউফের পথে উন্নতি করেছেন।” (শরহে হাদীসে আরবেঈন, ১৮ নং হাদীসের ব্যাখ্যা)

‘মুনাক্কেফরা সত্য কথা বলে মুসলমানদেরকে প্রতারিত করে’ – এই হাদিসটি ওহাবী পুস্তকটার দিকে ইশারা করে, যেটাতে অসংখ্য আয়াত, হাদিস ও সুন্নি উলামার কথার মধ্যে গোমরাহ ধ্যান-ধারণা সন্নিবেশিত হয়েছে। নবী কারীম ﷺ বেসালপ্রাপ্ত আউলিয়ার সাহায্য প্রার্থনা করতে আদেশ দিয়েছিলেন। অথচ, ওহাবীরা আদেশ পালনকারীদেরকে মুশরিক আখ্যা দিচ্ছে এবং হাদীসের আদেশকে পালন করতে নিষেধ করছে। তারা হুযূর ﷺ-এর আদেশকে শিরক বলছে। এটাই প্রতীয়মান করে যে, ওহাবীরা হাদীসে উল্লিখিত দজ্জালদের অন্যতম একটা দল।

১৮/- ১৬৮ পৃষ্ঠায় সে লিখেছে: “এটা দাবি করা হয় যে, আউলিয়া বেসালপ্রাপ্ত কিংবা জীবিতাবস্থায় যাকে ইচ্ছা তাকে অলৌকিকভাবে সাহায্য করেন। মানুষ বিপদ-আপদের সময় তাঁদের কাছে সাহায্য পাওয়ার জন্যে আবেদন জানায়। তারা আউলিয়ার মাযার-রওয়াজ য়েয়ে বিপদমুক্তি কামনা করে। তারা মনে করে যে, তাঁরা কারামত সংঘটন করবেন। বেসালপ্রাপ্তদেরকে তারা আবদাল, নুকাবা, আওতাদ, নুজাবা, ৭০ জন, ৪০ জন, ৪ জন, কুতুব ও গাউস ইত্যাদি নামে ডাকে। ইবনুল জাওয়ী ও ইবনে তাইমিয়া প্রমাণ করেছেন যে, এগুলো মিথ্যা। এর অর্থ কুরআনের বিরোধিতা করা। জীবিত কিংবা বেসালপ্রাপ্ত আউলিয়া কিছু করতে পারার ধারণাটিকে কুরআন ভ্রান্ত প্রমাণ করেছে। আল্লাহই সকল বস্তুর সৃষ্টিকর্তা, অন্যরা কিছুই করতে পারে না। বহু আয়াতে বিবৃত হয়েছে যে, বেসালপ্রাপ্তদের মধ্যে কোনো অনুভূতি বা কর্মক্ষমতা নেই। বেসালপ্রাপ্ত জন নিজের জন্যেই কিছু সৃষ্টি করতে পারেন না, অন্যের জন্যে তো দূরের কথা। আল্লাহ তাআলা বলেন যে, “রুহসমূহ তাঁর কাছেই আছে।” কিন্তু এই সব যিন্দিকরা বলে, রুহসমূহ ইচ্ছানুযায়ী কাজ করতে পারে। তাদের কারামত প্রদর্শনের দাবিটাও মিথ্যা বৈ কিছু নয়। আল্লাহ যে ওলীকে কারামত মঞ্জুর করে থাকেন। এটা ওলীর ইচ্ছাধীন নয়। এটা অত্যন্ত জঘন্য যে, তাঁদেরকে মানুষেরা বিপদের সময় সাহায্যের আবেদন জানায়। আফিয়া, আউলিয়া ও ফেরেশতাগণ কারোরই ক্ষতি অথবা উপকার করতে পারেন না। জীবিতদের কাছে বস্তুগত জিনিস চাওয়া বৈধ। কিন্তু বস্তু নয় এমন অদৃশ্য জিনিসের জন্যে আল্লাহ ছাড়া আর কারও কাছে সাহায্য চাওয়া যায় না। ব্যাধিগ্রস্ত অথবা গরিব লোকদের জন্যে নবী, ওলী, রুহ কিংবা অন্য কোনো জীবের কাছে সাহায্য প্রার্থনা করা শিরক। মূর্তি পূজোরীরা বিশ্বাস করে যে, তাঁরা (নবী-ওলীবৃন্দ) অলৌকিক ক্রিয়া সংঘটন করতে সক্ষম, যাকে তারা কারামত নামকরণ করে থাকে। আল্লাহর আউলিয়া তারকম নয়।” (ফাতহ আল মজিদ)

বইটির ২৯৯ পৃষ্ঠায় সে বলে: “যদি কেউ বলে সে একজন ওলী এবং তার কাছে গায়েবের খবর জানা আছে, তবে সে আল্লাহর ওলী নয়, বরং শয়তানের ওলী। আল্লাহ তা’আলা তাঁর সালেহ্ বান্দাদের হাত দিয়ে যা সৃষ্টি করেন, তা-ই হচ্ছে কারামত এবং এটা তাঁরা এবাদতের মাধ্যমে অর্জন করে থাকেন। ওলীর ক্ষমতা বা ইচ্ছা এটাকে প্রভাবিত করে না। আউলিয়াগণ কখনো বলেন না যে, তাঁরা আউলিয়া। তাঁরা আল্লাহকে ভয় করেন। সাহাবায়ে কেলাম এবং তাবীয়ীনবৃন্দ সর্বশ্রেষ্ঠ আউলিয়া ছিলেন। অথচ তাঁরা কখনও বলেননি যে, তাঁরা গায়েব জানেন। তাঁরা আল্লাহর ভয়ে কাঁদতেন। তামিম আদ-দারী দোযখের ভয়ে ঘুমোতে পারতেন না। সুরা রা’দ আউলিয়া সম্পর্কে বিস্তারিত ব্যাখ্যা দেয়। ওই ধরণের মুতাসাউয়ীফদেরকেই আউলিয়া বলা যায়।” (ফাতহ্ আল মজিদ)

প্রথমতঃ আমাদেরকে বলতে হচ্ছে যে ওহাবী মতামবলম্বী লোকটি তার শেষ উদ্ধৃতিতে সত্য কথা বলেছে। এটা খুবই ভালো হতো যদি সে আউলিয়ার মাযারে সাহায্য প্রার্থনাকে শিরক না বলতো এবং সাহায্যপ্রার্থী মুসলমানদেরকে কতল (হত্যা) ও মাযার-রওযা ধ্বংস করার ফতোয়া না দিতো! ওহাবী লোকটি শুধু সত্যই লিখে নি, তার লেখনীর মধ্যে মিথ্যার বিষও ছড়িয়েছে। সে মুসলমানদের মধ্যে ফিতনার উদ্ভব করেছে।

নিম্নোক্ত দীর্ঘ উদ্ধৃতিটি হযরত ইমাম-এ-রব্বানী আহমদ ফারুকী সিরহিন্দীর ‘মাকতুবা’ গ্রন্থ হতে গৃহীত হয়েছে:

“কারামত সত্য। এর অর্থ শিরক হতে দূরে থাকা, মা’রেফাত অর্জন করা এবং নিজেকে বিলীন করে দেয়া। কারামত ও ইসতিদরাজের মধ্যে তালগোল পাকিয়ে ফেলা উচিত নয়। কারামত ও কাশফের অধিকারী হওয়ার আকাঙ্ক্ষার অর্থ হচ্ছে – আল্লাহ ভিন্ন অন্য জিনিসকে ভালোবাসা। কারামত মানে কুরব্ (নৈকট্য) এবং মা’রেফত। কারামতের ঘন ঘন পুনরাবৃত্তির কারণ হলো তাসাউফের পথে অধিক উর্ধ্বগমন (আফাক) এবং সুল্ল অধঃগমন (আনফুস)। ইয়াক্বিন বা বিশ্বাসকে দৃঢ় করার জন্যে কারামতের প্রয়োজন। যে ওলী ইয়াক্বীনের বরকতপ্রাপ্ত, তাঁর কারামতের প্রয়োজন নেই। যিকর করতে অভ্যস্ত ক্বলবের হাল (অবস্থা)-এর সঙ্গে তুলনা করলে কারামতের কোনো মূল্যই নেই। একজন ওলীর কাশফে ভুল থাকতে পারে। কাশফ সংঘটনের স্থানটি হচ্ছে ক্বলব। সহীহ্ বা খাঁটি কাশফ কল্পনা হতে উদ্ভূত নয় এবং এটা ইলহামের (ঐশী প্রত্যাদেশের) মাধ্যমে কলবে (অন্তরে) সংঘটিত হয়ে থাকে। কল্পনার সঙ্গে মিশ্রিত কাশফ নির্ভরযোগ্য নয়। শরিয়াতের সঙ্গে সঙ্গতিপূর্ণ হলেই আউলিয়ার কাশফ নির্ভরযোগ্য হবে। তা যদি না হয়, তবে তাতে আস্থা স্থাপন করা যাবে না। আউলিয়ার কাশফ ও ইলহামকে লোকেরা দালিলিক প্রমাণ হিসেবে গ্রহণ করতে পারবে না। তবে একজন মুজতাহিদের কথা অবশ্যই তাঁর মাযহাবের অনুসারীদের জন্যে দলিল হবে। কাশফ ও কারামতের মালিকানা আধ্যাত্মিক উচ্চমর্যাদার মাপকাঠি নয়। তাসাউফের সালেক (পথচারী)-দেরও কাশফ ও তাজাল্লী (আলোকচ্ছুটা) ঘটতে পারে। যাঁরা পথের শেষপ্রান্তে পৌঁছেছেন, তাঁরা আত্মহারা হয়ে এবাদতে মশগুল। প্রত্যেকের উচিত বিনয়ের সঙ্গে অবনত মস্তকে একজন ওলীর সামনে হাযির হওয়া, যাতে লাভবান হওয়া যায়। তা’যিম (সম্মান) এবং বিনয়ের সঙ্গে আউলিয়ার অনুরূপ বস্ত্র বা পোষাক পরিধান করলেও কোনো ব্যক্তি লাভবান হবে। আল্লাহতা’আলা আউলিয়াকে মহাগুণাহ সংঘটন করা থেকে রক্ষা (হেফায়ত) করে থাকেন। কিছু আউলিয়াকে তাঁদের বসবাসের স্থান থেকে বহু দূরে অবস্থান করতে দেখা গিয়েছে। আসলে তাঁদের রুহই তাঁদের শারীরিক

আকার ধারণ করেছিলেন। তবে ছোট-খাটো গুণাহ থেকে আউলিয়াকে রক্ষা করা হয়না; কিন্তু তাঁদেরকে তস্থিত ‘গাফলাত’ (ঔদাসীন্য) হতে জাগ্রত করা হয়, ফলে তাঁরা তওবা করেন এবং সওয়াবদায়ক কাজ করেন এবং ক্ষমাপ্রার্থী হন। আউলিয়া কেবলমাত্র লোকদেরকে শরীয়তের প্রকাশ্য আদেশ-নিষেধ এবং গোপন ও সূক্ষ্ম জ্ঞান উভয়ের দিকেই আস্থান করেন। কিছু আউলিয়া ‘সাবাব’ (কারণ সমূহ)-এর ভূবনে নেমে ফিরে আসেন নি। তাঁরা নুবওয়তের মাহাত্ম্য সম্পর্কে সচেতন নন; এবং তাঁরা মানুষের জন্যে উপকারীও নন। তাঁরা সান্নিধ্য সরবরাহ করতে অক্ষম। অধিকাংশ আউলিয়া বেলায়াতের মাহাত্ম্যের অধিকারী। উদাহরণস্বরূপ, এঁদের মধ্যে কুতুব, আওতাদ ও আবদালগণ অন্যতম। তাঁরা হযরত আলী (ক.)-এর সাহায্যে যুব সম্প্রদায়কে গড়ে তুলতে সক্ষম”।

আল্লাহর প্রতি ভালোবাসার ডিগ্রী (পর্যায়) অনুপাতে আউলিয়ার মর্যাদার মাহাত্ম্য প্রতিষ্ঠিত হয়। বেলায়াত হচ্ছে যিলসমূহ (ছায়া, আকার-আকৃতি) অর্জনকারী অবস্থা বিশেষ। আউলিয়া শুধুমাত্র ছায়াগুলোকেই (যিল) ভালোবাসেন এবং উপভোগ করেন। বেলায়াত হচ্ছে নবুয়্যতের ছায়া। প্রত্যেকের উচিত বেলায়াতকে ওয়ু-তুল্য এবং শরীয়তকে সালাত-তুল্য মনে করা। বেলায়াতের অর্থ বদ অভ্যাসগুলোকে শুদ্ধ করা। একজন ওলীকে তাঁর ওলীত্ব সম্পর্কে না জানলেও চলে। এটা ওলীর জন্যে ক্রটিদায়ক নয়; যদি তাঁকে না জানিয়ে বেলায়াত দেয়া হয়ে থাকে। ওলী হতে হলে এ পৃথিবী এবং পরবর্তী জগতের মায়া কলব্ থেকে বিতাড়িত করা একান্ত প্রয়োজন। পরবর্তী জগতের প্রতি আসক্ত হওয়া ভালো, কারণ এটা নবুয়্যতের মাহাত্ম্যগুলোর মধ্যে একটা। মানুষের মধ্যে দশটি লতিফা বিরাজমান যেগুলো আধ্যাত্মিক জগতের (পদার্থ)। বেলায়াত ও নবুয়্যতের মাহাত্ম্যসমূহ এই দশটি লতিফার ওপর সংঘটিত হয়। বেলায়াতের অর্থ হচ্ছে- ফানা (আল্লাহর মাঝে বিলীন) ও বাক্বা (আল্লাহর সাথে চির অস্তিত্বশীল)। এর অর্থ এ পৃথিবী থেকে কলবকে মুক্ত করে পরবর্তী জগতের সঙ্গে সংযুক্ত করা। বুদ্ধি অথবা যুক্তি দিয়ে বেলায়াতকে উপলব্ধি করা যায় না। বেলায়াত মানে আল্লাহর নৈকট্য এবং এটা এমন ব্যক্তিত্বদেরই প্রদান করা হয়, যাঁরা তাঁদের কলবগুলো থেকে অন্যান্য সৃষ্টির চিন্তা দূর করেছেন। সৃষ্টির চিন্তাসমূহ কলব হতে দূর করাকে বলা হয় ‘ফানা’। শরীয়তকে মান্য করেই বেলায়াতের সকল গুণাবলী বা মাহাত্ম্য অর্জন করা সম্ভব। আর শরীয়তের অভ্যন্তরীণ সূক্ষ্ম বিষয়গুলো যা প্রত্যেকের জানা নেই, তা মান্যকারীদেরকেই নবুয়্যতের মাহাত্ম্য প্রদান করা হয়। নবুয়্যতের মাহাত্ম্যগুলো কিন্তু স্বয়ং নবুয়্যত নয়। যাঁরা সব ডিগ্রী (পর্যায়) অতিক্রম করে বেলায়াতের শেষপ্রান্তে পৌঁছেছেন, তাঁদের দ্বারা সংঘটিত কাশফ ও ইলহামগুলো আহলুস সুন্নাতে উলামা কর্তৃক কুরআন-হাদীস থেকে নিঃসৃত জ্ঞানের সঙ্গে সম্পূর্ণভাবে সঙ্গতিপূর্ণ। বেলায়াতের অগ্রসরমান পথের অর্ধেক নিচের দিকে। বহু লোক মনে করেছিল যে, ওপরের দিকে অগ্রসর হওয়াটাই হচ্ছে বেলায়াত এবং নিচের দিকে অগ্রসর হওয়াটা নবুয়্যত। বস্তুতঃ অধঃগমনও উর্ধ্বগমনের মতোই বেলায়াতের অংশ। বেলায়াত হচ্ছে ‘জযবা’ (আকর্ষণ) ও ‘সুলুক’ (অগ্রসর হওয়া)-এর সমষ্টি। এই দুটোই বেলায়াতের ভিত্তিস্তম্ভ; কিন্তু নবুয়্যতের মাহাত্ম্যগুলোর জন্যে এগুলো জরুরী নয়। বেলায়াতের সর্বশেষ পর্যায় হচ্ছে আবদিয়্যাত (গোলামি)। এর চেয়ে বড় ডিগ্রী আর নেই। আল্লাহর দিকেই আউলিয়া পরিচালিত। তবে নবুয়্যতের গুণাবলীতে এটি আল্লাহ এবং খালক (সৃষ্টি) উভয়ের দিকে পরিচালিত, আর এই দু’টো দিক পরস্পরকে ক্ষতিগ্রস্ত করে না। যদিও আউলিয়া কেবলমাত্র নফস ‘মুতমাইন্না’ (প্রশান্ত) হয়ে গিয়েছে, তবুও দেহের পদার্থগুলো এখনও কামনা করতে থাকবে।

“বেলায়াত পাঁচটি পর্যায়ে বিভক্ত। প্রত্যেকটি পর্যায়-ই পাঁচ লতিফার একটির উন্নতিতে অর্জিত হয় এবং প্রত্যেকটি পর্যায়-ই উলুল আ'যম নবীগণের পথের সঙ্গে সম্পর্কযুক্ত – যার মধ্যে প্রথমটি হযরত আদম (আ.)-এর পথের সঙ্গে সম্পর্কিত। বেলায়াতের প্রথম পর্যায়ভুক্ত একজন নবীর বেলায়াতও পঞ্চম পর্যায়ের ওলীর বেলায়াতের চেয়ে বেশি মূল্যবান। ‘বেলায়াত খাসসা’ নামের সর্বোচ্চ পর্যায়ের বেলায়াত অর্জন করতে হলে নফসকে নির্মূল করতে হবে। ‘মৃত্যুর পূর্বে মৃত্যু বরণ করো’- হাদীসের আদেশটি এই নির্মূল করার প্রক্রিয়ার দিকে ইঙ্গিত করে। বেলায়াত হয় খাসসা (বিশেষ), নয়তো আম্মা (সার্বিক)। বেলায়াত খাসসা হচ্ছে- হযরত মুহাম্মদ সাল্লাল্লাহু আলাইহি ওয়া সাল্লামের বেলায়াত এবং এটা সম্পূর্ণ ফানা ও পরিপক্ব বাক্বা। নফস এই সময় আল্লাহর মাঝে বিলীন হয়ে গিয়েছে এবং আল্লাহ এর প্রতি সন্তুষ্ট আছেন। পর্যায়গুলো অথবা পাঁচ লতিফার উন্নতির ওপর বেলায়াতের উচ্চমর্যাদা নির্ভর করে না। যে ব্যক্তি লতিফায়ে আখফা-এর বেলায়াত হাসিল করেছেন, যেটা সর্বোচ্চ লতিফা, তিনি যে অন্যান্য লতিফার বেলায়াতসম্পন্ন আউলিয়ার থেকে বড় হবেন, এমন কোনো কথা নেই। বেলায়াতের শ্রেষ্ঠত্ব একমাত্র ‘আসল’ বা উৎসের নৈকটা অথবা দূরত্বের দ্বারাই পরিমাপ করা হয়। যে ওলী নিচু পর্যায়ের ‘লতিফা ক্বলব’-এর বেলায়াত অর্জন করেছেন, তিনি যদি উৎসের নিকটবর্তী হন, তাহলে তিনি ‘লতিফা আখফা’র বেলায়াত অর্জনকারী ওলী যাঁর চেয়ে তিনি উৎসের নিকটবর্তী রয়েছেন, সেই ওলীর চেয়ে শ্রেষ্ঠ হতে পারেন। হযরত মুহাম্মদ সাল্লাল্লাহু আলাইহি ওয়া সাল্লামের বেলায়াত অর্জনকারী ওলীর বেলায়াত পদচ্যুতি হওয়া থেকে নিশ্চিতভাবে মুক্ত। অন্যান্য পর্যায়ের ওলীদের এই নিশ্চয়তা নেই এবং তাঁরা সংকটাপন্ন। একমাত্র ক্বলব ও রুহের নির্মূল হওয়ার মাধ্যমেই বেলায়াত অর্জন করা সম্ভব। কিন্তু এর জন্যে আবার দরকার অপর তিন লতিফার লয়। কোনো ওলীর বেলায়াতকে বলা হয় ‘বেলায়াত সুগরা’ (ক্ষুদ্র বেলায়াত) এবং কোনো নবীর বেলায়াতকে ‘বেলায়াত ক্ববরা’ (মহা বেলায়াত)। ‘আনফুস’ ও ‘আফাক’-এ উন্নীত না হওয়া পর্যন্ত ‘বেলায়াত সুগরা’ চলতে থাকে। বেলায়াত সুগরা-তে ত্রুটি এবং কল্পনা থেকে মুক্ত থাকার কোনো পথ নেই। কিন্তু ‘বেলায়াত ক্ববরা’-এ এর ঠিক উল্টোটা ঘটে। বেলায়াত সুগরা আরম্ভ হয় আরশের বাইরে অবস্থিত মূল পাঁচ লতিফাকে অতিক্রম করে এবং সমাপ্তি ঘটে যিলসমূহ অথবা আল্লাহ তা'আলার সিফাতগুলোর বাহ্যিক আবরণগুলো, যেগুলো উপর্যুক্ত মৌলিক পাঁচ লতিফার মূল, সেগুলোকে অতিক্রম করে। বেলায়াত সুগরা সংঘটিত হয় আফাক (দিগন্তে) এবং আনফুসে নিজের (অভ্যন্তরে) – মানবের বাইরে এবং ভেতরে। আরেক কথায়, যিল বা ছায়াসমূহে এটা সংঘটিত হয়। পথের এই অংশের শেষপ্রান্তে যারা পৌঁছেছেন, তাঁরা ‘তাজাল্লী আল বারক্বী,’ অর্থাৎ, আকস্মিক বিদ্যুৎ চমকের মতো তাজাল্লীসমূহ অর্জন করতে সক্ষম হয়েছেন। এ সকল ছায়ার মূলসমূহে বেলায়াত ক্ববরা সংঘটিত হয় এবং সেটা আল্লাহর নৈকট্যের দিকে অগ্রসরমান।”(মকতুবাতে মোজাদ্দের আলফে সানী)

একটি হাদীসে বিবৃত হয়েছে যে মুনাফেক্বরা হয়তো সত্য বলবে। এই হাদীসটি ভবিষ্যদ্বাণী করে যে, ওহাবীরা আয়াত ও হাদীসসমূহ উদ্ধৃত করে মুসলমানদের ধোকা দিতে চেষ্টা করবে। আল্লাহ যাঁদেরকে ভালোবাসেন, তাঁদের দোয়া কবুল করবেন বলে তিনি ওয়াদা করেছিলেন। তাই মুসলমানগণ আল্লাহ তা'আলার এই ওয়াদার ওপর আস্থা রেখে শরীয়ত মান্যকারী এবং নবী পাক ﷺ-এর পদাঙ্ক অনুসরণকারী ইসলামী হক্কানী আলেমগণের দোয়া কবুল হওয়ার বিষয়টাতে বিশ্বাস করেন। তাঁরা ওই সকল মহান এবং নেয়ামতপ্রাপ্ত বুয়ূর্গানে দ্বীনের কাছে তাঁদের জন্যে দোয়া করতে আবেদন জানান এবং শাফায়াত চান।

সুরা ফাতেহায় আমাদের আদেশ দেয়া হয়েছে এ কথা বলতে – “আমরা শুধু আল্লাহরই সাহায্য প্রার্থনা করি” (ই-ইয়্যাকা নাসতঈন); এই আয়াতটি প্রতীয়মান করে যে, সৃষ্টিকুল কোনো কিছু সৃজন করতে পারেন না। শুধুমাত্র আল্লাহ তা’আলাই সৃষ্টি করে থাকেন। আল্লাহ ভিন্ন অন্য কারও কাছে তাকে সৃষ্টিকারী মনে করে যদি কেউ কোনো কিছুর প্রত্যাশী হয়, তবে সে মুশরিক হয়ে যাবে। ওহাবী পুস্তকটি মানুষদেরকে দুটো শ্রেণীতে বিভক্ত করে – জীবিত ও বেসালপ্রাপ্ত – এবং লিখে যে, যদি কেউ বেসালপ্রাপ্ত কিংবা অনুপস্থিত জীবিতদের কাছে সাহায্য প্রার্থনা করে, তাহলে সে মুশরিকে পরিণত হবে। অপরপক্ষে, বইটি উপস্থিত জীবিতদের বস্তুগত সাহায্য প্রদানের বিষয়টি জায়েয (বৈধ) বলে স্বীকার করে। অতএব, ওহাবী মতামবলম্বী লোকটি সুরা ফাতেহার বিরোধিতা করে কুরআন মজিদকে বিকৃত করেছে। কেননা, আয়াতটি তার মতানুযায়ী ব্যক্ত করে যে, এমন কি উপস্থিত জীবিতদের কাছেও কোনো কিছু চাওয়া যাবে না এবং আল্লাহ ছাড়া কেউই কোনো কিছু সৃষ্টি করতে পারে না। সুতরাং আয়াতটির নিজস্ব উপলব্ধি অনুযায়ী ওহাবীরাই মুশরিকে পরিণত হয়েছে।

বস্তুতঃ একমাত্র তা’আলাই সমস্ত কিছু সৃষ্টি করে থাকেন। কিন্তু তিনি কোনো না কোনো কারণের মাধ্যমে তা করে থাকেন। আয়াত ও হাদীসমূহ এবং দৈনন্দিন ঘটনা প্রবাহই এর সুনিশ্চিত প্রমাণ। শুধু জ্ঞানী ব্যক্তিরাই নন, অশিক্ষিতরাও এ কথা জানে। কোনো কিছু অর্জন করতে হলে তার জন্যে প্রয়োজনীয় ওসীলাতুল্য কাজগুলো সম্পন্ন করতে হয়, যেটা ওই বস্তু সৃষ্টি হবার কারণস্বরূপ। সৃষ্টি হবার কারণগুলোকে আঁকড়ে ধরাটা সুরাতুল ফাতেহার বিরুদ্ধাচরণ নয়। আল্লাহতায়ালার যে সকল বস্তু ওসীলা বা কারণের মাধ্যমে-ই সৃষ্টি করেন, তার প্রমাণ হচ্ছে নিম্নোক্ত হাদীসগুলো: “সকল বস্তু অর্জনের উপায়সমূহ আছে। জান্নাতের উপায় হচ্ছে জ্ঞান;” “মাগফেরাত অর্জনের মাধ্যম হচ্ছে মুসলিমদেরকে সন্তুষ্ট করা;” “মাগফেরাত অর্জনের মাধ্যমগুলোর মধ্যে একটা হচ্ছে ক্ষুধার্ত মুসলিমদেরকে খাদ্য প্রদান করা;” “আমরা কোনো মুশরিকের সাহায্যপ্রার্থী হই না;” “জ্ঞান শিক্ষা দেয়ায় মহাপাপও ক্ষমাপ্রাপ্ত হয়;” “প্রত্যেক রোগেরই ওষুধ আছে;” “যে ব্যক্তি স্মৃতিকে শক্তিশালী করতে চায়, তার উচিত মধু খাওয়া;” এবং “মদ্যপান শয়তানী প্ররোচনা দেয়”। (হাদীস) এ রকম আরও বহু হাদীস আছে। আল্লাহ তা’আলা বলেন, “আমি যুলকারণাইনকে সকল বস্তুর মাধ্যমসমূহ শিক্ষা দিয়েছি।” (সুরা কাহাফ)

আমরা এ গ্রন্থের মুখবন্ধে উল্লেখ করেছি যে, আমাদের থেকে দূরে কিংবা কাছে প্রত্যেকটি জীবিত এবং জড় বস্তুই একটি ঘটনা অথবা প্রতিক্রিয়ার কারণস্বরূপ বর্তমান রয়েছে। কোনো ব্যক্তি কর্তৃক সেগুলোকে উপকারী মাধ্যম হিসেবে ব্যবহার করতে হলে বিভিন্ন জড় বস্তু ও প্রাণীকে যুক্তিসঙ্গত উপায়ে ব্যবহার করতে হবে। কোনো ব্যক্তিকে মধ্যস্থতাকারী হতে হলে প্রথমতঃ তাকে মধ্যস্থতাকারী হওয়াতে সম্মতি দিতে হবে এবং কিছু কাজ বা দোয়া করতে হবে। মধ্যস্থতায় তার এই সম্মতি হয় তাঁর দ্বারা প্রয়োজনের গুরুত্ব অনুধাবনের ফলে হবে, নয়তো মধ্যস্থতার জন্যে অনুরোধের ফলে হবে। ওহাবীরা আহলে সুন্নতের মতোই বিশ্বাস করে যে, প্রাণহীন জড় বস্তু এবং প্রাণীসমূহ আল্লাহ তা’আলার সৃষ্টি প্রক্রিয়ায় কারণ হতে পারে এবং তারা বলে না যে, মাধ্যমসমূহকে আঁকড়ে ধরা শিরক। তারা বিশ্বাস করে যে, মানুষেরা কারণের মাধ্যমে যা আশা করে তা আল্লাহ সৃষ্টি করে দেবেন এবং উপস্থিত জীবিতরা যদি আবেদন শ্রবণ করেন, তবে দোয়া করে সাহায্য করবেন। কিন্তু তারা বিশ্বাস করে না যে, দূরবর্তী অনুপস্থিত এবং বেসালপ্রাপ্ত আউলিয়া শ্রবণ ও সাহায্য প্রদানে সক্ষম।

এটা নিশ্চিত সত্য, আহলুস সুন্নাহ এবং ওহাবীরা উভয়েই বিশ্বাস করে যে, মধ্যস্থতাকারীরা সৃষ্টিকারী নন। ফলে তারা নিজেদেরকে শিরক থেকে রক্ষা করে। ওহাবীরা আহলে সুন্নাহ থেকে বিচ্যুত হয় এ কথা অবিশ্বাস করে যে, দূরবর্তী অনুপস্থিত এবং বেসালপ্রাপ্ত আউলিয়া শ্রবণ করতে সক্ষম। আর এটা বুঝা গেল যে, তারা সুন্নীদেরকে এই বিশ্বাসের জন্যে মুশরিক আখ্যায়িত করে থাকে। আমরা ২৪ তম অধ্যায়ে (অর্থাৎ ২৪তম উদ্ধৃতির জবাবে) প্রমাণ করবো যে, ওহাবীরা মহাভ্রান্ত এবং অনুপস্থিত ও বেসালপ্রাপ্ত আউলিয়া শ্রবণ করতে সক্ষম এবং আল্লাহর সালেহ বান্দাগণের দোয়াও কবুল হয়। নিম্নোক্ত হাদীসগুলো ‘কানযুদ দাকাইক’ গ্রন্থ হতে উদ্ধৃত হয়েছে – “একজন মুসলমান ভাইয়ের জন্যে তার অনুপস্থিতিতে প্রেরিত দোয়া প্রত্যাখ্যাত হবে না”; উম্মতের মধ্যে গুণাহ বর্জনকারী যুবকদের দোয়া গৃহীত হবে”; “পুত্রের জন্যে পিতার দোয়া উম্মতের জন্যে নবীর দোয়ার মতোই”; “দোয়া ক্ষতি দূর করে।” (হাদীস)

‘তানবিহ আল-গাফিলীন’ পুস্তকে লিপিবদ্ধ কিছু হাদীস বলা ফরমায়: “যদি কোনো মুসলমান দোয়া করে, তবে নিশ্চয়ই তা গৃহীত হবে” এবং “এক মুঠো হারাম যে ব্যক্তি খায়, তার দোয়া চল্লিশ দিন পর্যন্ত কবুল করা হয় না।” (হাদীস) ‘বোঁস্তা’ গ্রন্থে উদ্ধৃত একখানা হাদীস ঘোষণা করে: “বিসমিল্লাহিল্ লাযি লা ইয়াদুররু মা’আসমিহি শাইয়্যুন ফিল আরদি ওয়া লা ফিস্ সামায়ী ওয়া হুয়াস্ সামী’উল আ’লিম’- এই দোয়াটি যে ব্যক্তি সকালে তিনবার পড়বে, সে বিকেল পর্যন্ত ক্ষতি হতে রক্ষা পাবে; আর যদি সে বিকেলে তা পাঠ করে, তবে সে (পরবর্তী) সকাল পর্যন্ত ক্ষতি হতে রক্ষা পাবে।” (আল হাদিস) এ সকল হাদীস ইঙ্গিত করে যে, বিশুদ্ধ (পুণ্যবান) আউলিয়ার দোয়া কবুল করা হবে। ওহাবী পুস্তকটি সারাংশ এ বিষয়টিকে আক্রমণ করেছে এ কথা বলে যে, আল্লাহ তা’আলার প্রিয় বান্দাদের কাছে প্রার্থনা জানানো শিরক। ওহাবী লোকটি এতোই অজ্ঞ আহাম্মক যে, সে আল্লাহ তা’আলার প্রিয় আউলিয়ার কাছে সাহায্য প্রার্থনাকে মুশরিকদের মূর্তি পূজোর সঙ্গে তুলনা করেছে। কীভাবে একজন লোক আউলিয়া-এ-আল্লাহর কাছে সাহায্য কামনাকে মূর্তির কাছে সাহায্য প্রার্থনার সঙ্গে তালগোল পাকিয়ে ফেলতে পারে?

মুহাম্মদ বিন আবদুল ওয়াহাব নামের এক যিনদিক (অন্তর্ঘাতী শত্রু) ওহাবী মতবাদের ফিতনা আরম্ভ করে। সে ইসলামের মারাত্মক ক্ষতি সাধন করে। সে অন্যায়ভাবে বলে যে, ওহাবীরা ছাড়া আর বাকি সব মুসলমানই কাফের ও মুশরিক। যদিও সে মৃত্যুবরণ করেছে, তবুও তার মতাদর্শের শরাব পান করে মাতাল হয়ে অজ্ঞ আহাম্মকরা মুসলিম দেশগুলোতে ফিতনা-ফাসাদ জিইয়ে রেখেছে। তাই মুসলমানদেরকে সঠিক ইসলাম সম্পর্কে জ্ঞানার্জন করতে হলে আহলুস সুন্নাহের উলামার কিতাবাদি পাঠ করতে হবে এবং ওহাবীদের ধোকাপূর্ণ কথায় আকৃষ্ট হওয়া থেকে আত্মরক্ষা করতে হবে। যাঁরা ইসলামকে সঠিকভাবে জানতে পেরেছেন, তাঁরা স্পষ্টই বুঝতে পারেন যে, ওহাবীরা একটা আলাদা সংস্কারবাদী দল, যারা ইসলাম থেকে খারিজ হয়ে গিয়েছে। কিন্তু অজ্ঞরা তাদের মিথ্যা কথায় ধোকা খেয়ে ওহাবীদের ফাঁদে পা দিয়েছে। বিশেষ করে যারা হজেযে যেয়ে ওহাবীদের স্বর্ণে প্রলুব্ধ হয়ে গিয়েছে, তারা এই ভ্রান্তদের বিষাক্ত ও ক্ষতিকর বইপুস্তক পাঠ করে বিচ্যুত হয়েছে। এ সকল অজ্ঞ লোকেরা দেশে ফিরে এসে ওহাবী মতবাদ প্রচার করতে উঠে পড়ে লেগে যায়। বহু হাদিস ভবিষ্যদ্বাণী করে যে, এ সকল গোমরাহ লোকদের আবির্ভাব ঘটবে এবং তাদের চরিত্র বৈশিষ্ট্য একদম দজ্জালের মতো হবে। একটি হাদীসে সুস্পষ্টভাবে ঘোষিত হয়েছে যে, হযরত ইমাম আল-মাহদী পথভ্রষ্ট দজ্জালকে হত্যা করার পর মক্কা ও মদিনায় যাবেন এবং সেখানে সহস্র সহস্র ওহাবীকে হত্যা করবেন। হযরত

ইমাম আহমদ ফারুকী সিরহিন্দী (মুজাদ্দেদে আলফে সানী) তাঁর ‘মাকতুবা’ গ্রন্থে এ হাদিসের বিশদ বর্ণনা ও ব্যাখ্যা লিপিবদ্ধ করেছেন। যদি ওহাবীরা সুন্নিদের পরিবর্তে কাদিয়ানীদেরকে ভৎসনা করতো, তাহলে তারা ইসলামের একটা খেদমত করতো নিঃসন্দেহে। সৌভাগ্যক্রমে, ইসলামের খেদমত তাদের ভাগ্যে জুটে না যারা ইসলামকে ধ্বংস করতে চায়। মহান ইসলামী আলেম হযরত ইমাম রুসতলানী (রহ.) নিজ ‘আল মাওয়াহিব আল-লাদুন্নিয়া’ গ্রন্থে লিখেছেন: “নবী পাক ﷺ-এর উম্মতের ওপর আল্লাহ তা’আলার বর্ষিত কারামতগুলোর মধ্যে একটি হচ্ছে এই যে, তাঁদের মধ্যে আকতাব (কুতুবগণ), আওতাদ, নুজাবা এবং আবদালবন্দু আছেন। আনাস্ বিন মালিক (রা.) বলেছেন যে, আবদালগণের সংখ্যা চল্লিশজন। ইমাম তাবারানীর ‘আওসাত’-এ উদ্ধৃত হাদীসটি ঘোষণা করে, ‘ইব্রাহীম নবী (আ.)-এর মতো নেয়ামতপ্রাপ্ত চল্লিশজন সবসময়ই বিরাজ করেন। তাঁদের বরকতে বৃষ্টিপাত হয়। তাঁদের মধ্যে কেউ একজন বেসালপ্রাপ্ত হলে আল্লাহ তা’আলা আরেকজনকে তাঁর স্থলাভিষিক্ত করেন।’ (হাদিস) ইবনে আদি বলেছেন, ‘আবদালবন্দু চল্লিশজন।’ ইমাম আহমদ (রহ.) বর্ণিত একটি হাদিস ঘোষণা করে, ‘এ উম্মতের মধ্যে সব সময়েই ত্রিশজন বিরাজমান যারা প্রত্যেকেই ইব্রাহীম নবী (আ.) এর মতো রহমতপ্রাপ্ত।’ (হাদিস) ‘হিলইয়া’ পুস্তকে আবু নুয়াইম রেওয়ায়াতকৃত একটি হাদিস বলা ফরমায়: ‘আমার উম্মতের মধ্যে প্রত্যেক শতাব্দীতেই বেশ কিছু নেককার বা বিশুদ্ধ মানুষ বিরাজ করবেন। তাঁরা সংখ্যায় পাঁচ’শ জন। এঁদের মধ্যে চল্লিশজন হচ্ছেন আবদাল; প্রত্যেক দেশেই তাঁরা আছেন।’ (হাদিস) এই বিষয়ে বহু হাদিস আছে। ‘হিলইয়া’ গ্রন্থে আবু নুয়াইম রেওয়ায়াতকৃত অপর এক মরফু হিসেবে জ্ঞাত হাদিস বলা ফরমায়, ‘আমার উম্মতের মধ্যে সবসময় চল্লিশজন বিরাজমান। তাঁদের ক্বলব (অন্তর) হযরত ইব্রাহীম নবী (আ.) এর ক্বলবের মতো। তাঁদের ওয়াস্তে আল্লাহ তা’আলা তাঁর বান্দাদেরকে বিপদ থেকে ক্ষমা বা রক্ষা করেন। তাঁদেরকে আবদাল বলা হয়। তাঁরা সালাত, রোযা অথবা যাকাতের মাধ্যমে ওই পর্যায়/স্তর অর্জন করেন না।’ এরপর হযরত ইবনে মাসউদ (রা.) জিজ্ঞাসা করেন, ‘ইয়া রাসূলুল্লাহ ﷺ! তাঁরা ওই মাকাম/পর্যায় কিসের মাধ্যমে অর্জন করে থাকেন?’ নবী কারীম ﷺ উত্তর দেন: ‘তাঁরা তা অর্জন করেন দানশীল হয়ে এবং মুসলিমদের সং-পরামর্শ দিয়ে।’ (হাদিস) অপর এক হাদিসে ঘোষিত হয়েছে, ‘আমার উম্মতের মধ্যে আবদালবন্দু কোনো কিছুকে লা’নত দেন না।’ (হাদিস) ‘তারিখ-এ-বাগদাদ’ গ্রন্থে আল খাতিব আল বাগদাদী (রহ.) লিখেছেন: ‘নুকাবা হচ্ছেন তিন’শ মানুষ, নুজাবা সত্তর জন, আবদাল চল্লিশ জন, আখইয়ার সাত এবং আমাদ হচ্ছেন চারজন; গাউস হচ্ছেন একজন। যখন মানুষের কোনো কিছুর প্রয়োজন দেখা দেয়, তখন নুকাবা দোয়া করেন। যদি তা কবুল না করা হয় [আল্লাহ তা’আলা কর্তৃক], তবে নুজাবা দোয়া করেন। তাও যদি কবুল না করা হয়, তাহলে একে একে আবদাল, আখইয়ার ও আমাদ দোয়া করেন। যদি এঁদের দোয়াও কবুল না করা হয়, তাহলে গাউস যাঁর দোয়া অবশ্যই কবুল করা হবে, তিনি দোয়া করেন।’ ‘তারিখ-এ-বাগদাদ’ বইটির উদ্ধৃতি শেষ হলো।’ (ইমাম রুসতলানী কৃত ‘আল মাওয়াহিব আল লাদুন্নিয়া, পৃঃ ৫১২)

অতএব, এটা পরিস্ফুট যে হাদীসের ওপর প্রতিষ্ঠিত তাসাউফের শিক্ষাকে ওহাবীরা অস্বীকার করে এবং নিজেদেরকে হাদীসের অনুগামী হিসেবে দাবি করে তারা মুসলিমদেরকে প্রতারিত করে থাকে। তাদের দ্বারা কারামত অস্বীকার করাটা স্পষ্টই প্রতীয়মান করে যে, তারা ইসলামী আকিদা-বিশ্বাস সম্পর্কে উপলব্ধি করতে পারে নি এবং তারা একেবারেই অজ্ঞ। সাহাবাগণ হতে কোনো কারামত পরিদৃষ্ট হয়নি মর্মে ওহাবীদের ধারণাটি আরেকটি ডাহা মিথ্যা। বহু মহামূল্যবান পুস্তকে সাহাবীদের কারামতের বর্ণনা উদ্ধৃত হয়েছে। চুয়ান্ন জন

সাহাবীর কারামত প্রত্যক্ষদর্শীদের উদ্ধৃতিসহ লিপিবদ্ধ আছে আল্লামা ইউসুফ নাবহানী (রহ.)-এর ‘জামিউল কারামত’ গ্রন্থে। ওহাবীদেরকে ভ্রান্ত প্রমাণার্থে আমরা এখানে ওই কারামতের কয়েকটি উদ্ধৃত করলাম:

নাহাওয়ান্দ- এর সল্লিকটস্থ সমভূমিতে মুসলমান সেনাবাহিনী তাঁদের সেনাপতি সারিয়ার নেতৃত্বে ২৩ হিজরী সালে পারসিক বাহিনীর সঙ্গে এক ভয়াবহ যুদ্ধে অবতীর্ণ হন। পারসিক বাহিনী মুসলিমদেরকে ঘিরে ফেলার উপক্রম হয়। এমন সময় খলীফা হযরত উমর ফারুক (রা.) যিনি মদীনার মসজিদে নববীতে মিস্বরে আরোহণ করে খুৎবা পাঠ করছিলেন, তিনি আল্লাহ তা’আলার অনুগ্রহে মুসলিম বাহিনীর ঘেরাও হওয়া অবস্থা দিব্যদৃষ্টি দ্বারা দেখতে পান। দেখামাত্রই তিনি খুতবার মধ্যখানে বলে ওঠেন: “হে সারিয়া, পাহাড়ে যেয়ে ওঠো! পাহাড়ে যাও!” সারিয়া এবং তাঁর সৈন্যদল খলীফার কণ্ঠস্বর শুনতে পান। তাঁরা পিছু হটে গিয়ে পাহাড়ে অবস্থান নেন এবং পুনরায় সুসংহত হয়ে পারসিক বাহিনীকে আক্রমণ করে বিজয় লাভ করেন। [‘জামিউল কারামত’, পৃষ্ঠা ৩৩, ‘ক্বিসাস-এ-আম্বিয়া’, পৃষ্ঠা ৫৮৯; ‘শওয়াহিদুন নুবুওয়া’-এ বিস্তারিত বিবরণ রয়েছে। ‘বলা আত্ তালেবীন’ গ্রন্থে বর্ণিত আছে যে, ইবনে উমর (রা.) থেকে গ্রহণ করে ইমাম বায়হাকী (রহ.) এটা রেওয়াজাত করেছেন]

“খলিফা উসমান (রা.)-এর খিলাফত আমলে হযরত আনাস বিন মালিক (রা.) তাঁর সঙ্গে সাক্ষাৎ করতে যান। পথে তিনি এক মহিলার দর্শন লাভ করেন। হযরত উসমান (রা.) তাঁকে দেখে বলেন, “আমি তোমার চোখে যিনার চিহ্ন (চোখ সংক্রান্ত যিনা) দেখতে পাচ্ছি।” (ইমাম মা’সুম ফারুকী: ‘মাকতুবাত’, ৩য় খণ্ড, ১৯তম চিঠি; ‘জামিউল কারামত’-এ বিস্তারিত বিবরণ)

নিম্নোক্ত কারামতগুলো ‘শওয়াহিদুন নুবুওয়া’ গ্রন্থটি হতে ভাষান্তরিত করা হয়েছে:

“হযরত ইমাম আহমদ বিন হাম্বল (রহ.)-কে লোকেরা জিজ্ঞাসা করলো, ‘সাহাবাগণকে তাঁদের পরবর্তীদের মতো এতো বেশি কারামত প্রদর্শন করতে প্রত্যক্ষ করা হয় নি; এর কারণ কী?’ হযরত ইমাম (রহ.) উত্তর দিলেন, ‘সাহাবাদেরকে তাঁদের ঈমান দৃঢ় হওয়ার জন্যে কারামত প্রদর্শনের প্রয়োজন হয়নি, কারণ তাঁদের ঈমান অত্যন্ত সুদৃঢ় ছিল। তবে পরবর্তীদের ঈমান ততোটুকু দৃঢ় না হওয়ার জন্যে তাঁদের ঈমান শক্তিশালী করার উদ্দেশ্যে কারামত প্রদান করা হয়েছিল।’

“হযরত আবু বকর সিদ্দিক (রা.) এই পৃথিবী ত্যাগ করার সময় ওসিয়ত (উইল) করেন যে, তাঁর সন্তানদেরকে হযরত আয়েশা (রা.) লালন-পালন করবেন। তিনি হযরত আয়েশা (রা.)-কে বলেন, ‘আমার পুত্র এবং দুই কন্যা তোমার কাছে রেখে গেলাম।’ অথচ তখন পর্যন্ত হযরত আয়েশা (রা.) ছাড়া তাঁর আসমা নামের একমাত্র কন্যা সন্তানই ছিলেন। হযরত আয়েশা (রা.) তাঁকে জিজ্ঞাসা করেন, ‘আমার শুধু একটি বোনই আছে। অপর বোনটি কে?’ হযরত আবু বকর (রা.) উত্তর দেন, ‘আমার স্ত্রী অন্তঃসত্ত্বা! আমার মনে হয় বাচ্চাটি একটি মেয়ে হবে।’ তাঁর বেসালের পরে ওই কথানুসারে তাঁর এক কন্যা সন্তান জন্ম গ্রহণ করেন।’

“বেসালপ্রাপ্তির সময় হযরত আলী (ক.) হযরত হুসাইন (রা.)-কে ডেকে বলেন, ‘আমার খাটিয়াকে আরনাঈন নামক স্থানে নিয়ে যাবে। সেখানে তুমি একটা সাদা ঝকঝকে পাথর দেখবে। সেখানেই আমাকে দাফন করবে।’

তাঁর কথানুযায়ী তাঁরা তা-ই করেছিলেন। আবদুল্লাহ ইবনে যুবাইর (রা.)-এর সাথে ভ্রমণকালে হযরত হাসান (রা.) একটা খেজুর গাছের বাগানে বিশ্রাম নেবার জন্যে প্রবেশ করেন। খেজুর গাছগুলো সব শুকিয়ে গিয়েছিল। হযরত আবদুল্লাহ বিন যুবাইর (রা.) বলেন, ‘কতো ভালোই না হতো যদি খেজুর গাছে খেজুর থাকতো!’ তখন হযরত হাসান (রা.) দোয়া করেন। তৎক্ষণাৎ একটা গাছে অজস্র খেজুর জন্ম নেয়। আশপাশের মানুষেরা এটা দেখে বলে, ‘এটা যাদু!’ হযরত হাসান (রা.) ঘোষণা করেন, ‘না, যাদু নয়! আল্লাহ তা’আলা তাঁর প্রিয় নবী ﷺ-এর পৌত্রের দোয়ার বরকতে এটা সৃষ্টি করেছেন।’

“এক দিন হযরত আলী ইবনে হুসাইন (ইমাম যাইনুল আবেদীন ) তাঁর পরিবারবর্গসহ গ্রামাঞ্চলে আহার করছিলেন। একটি হরিণ শাবক তাঁদের কাছে এসে দাঁড়িয়ে থাকে। ইমাম যাইনুল আবেদীন (রা.) বলেন, ‘হে হরিণ শাবক! আমি হচ্ছি আলী ইবনে হুসাইন ইবনে আলী এবং আমার মাতা হচ্ছেন ফাতেমা বিনতে রাসূল ﷺ। এসো, আমাদের সঙ্গে আহার করো।’ হরিণ শাবকটি আহার করে চলে যায়। বাচ্চারা আবার হরিণটিকে ডাকবার অনুরোধ জানায়। তিনি বলেন, ‘আমি ডাকতে পারি, তবে তোমরা সেটাকে বিরক্ত করতে পারবেনা।’ বাচ্চারা বলে, ‘আমরা কিছুই করবো না।’ ইমাম যাইনুল আবেদীন (রা.) পুনরায় হরিণ শাবককে ডাকেন। সেটা এসে আবারও খাবার গ্রহণ করে, কিন্তু বাচ্চাদের মধ্যে কেউ একজন সেটার পিঠে হাত দিতেই সেটা লজ্জা পেয়ে পালিয়ে যায়।”

“হযরত আলী ইবনে হুসাইন ইবনে আলী (রা.)-কে মুহাম্মদ ইবনে হানাফিয়া বলেন, ‘আমি আপনার চাচা এবং আপনার থেকে বয়সে বড়। আমাকে খলীফা হতে দিন।’ তখন হযরত আলী ইবনে হুসাইন ( ইমাম যাইনুল আবেদীন) তাঁকে ‘হাজর আল আসওয়াদ’ পাথরের কাছ থেকে পরামর্শ নিতে উপদেশ দেন। তাঁরা ‘হাজর আল আসওয়াদ’ পাথরের সামনে যান। ইমাম যাইনুল আবেদীন (রা.) তাঁর চাচাকে প্রশ্ন রাখতে অনুরোধ করেন। ইবনুল হানাফিয়া জিজ্ঞাসা করেন, কিন্তু পাথরটি নিশ্চুপ থাকে। ইমাম যাইনুল আবেদীন (রা.) তাঁর হাত দুটো তুলে দোয়া করেন; এরপর বলেন, ‘হে (কালো) পাথর! আল্লাহর ওয়াস্তে বলো, খিলাফত কার হক (অধিকার)?’ হাজর আল আসওয়াদ উত্তর দেয়, ‘খিলাফত হযরত আলী বিন হুসাইনের!’”

একদিন হযরত ইমাম আলী রেযা (রহ.) যখন একটি দেয়ালের পাশে উপবিষ্ট ছিলেন, তখন একটি পাখি তাঁর কাছে উড়ে আসে এবং তাঁর সামনে দাঁড়িয়ে গান গাইতে থাকে। হযরত ইমাম তাঁর পাশে উপবিষ্ট এক লোককে উদ্দেশ্য করে বলেন, ‘পাখিটি কী বলছে তা কি জানো?’ লোকটি উত্তর দেয়, ‘না, তবে আল্লাহ, তাঁর রাসূল ﷺ এবং রাসূল ﷺ-এর পৌত্র তা জানেন।’ এরপর হযরত ইমাম আলী রেযা (রা.) বলেন: ‘পাখিটি অভিযোগ করছে যে, একটি সাপ তার বাচ্চাগুলোকে খাবার জন্যে খুব কাছে চলে এসেছে। তাই সে আমাদেরকে শত্রু হতে রক্ষা করবার জন্যে অনুরোধ জানাচ্ছে। তুমি পাখিটিকে অনুসরণ করে যেয়ে সাপটিকে হত্যা করো।’ ওই ব্যক্তি পাখিটিকে অনুসরণ করে হযরত ইমামের কথামতো সাপটিকে দেখতে পায় এবং সেটাকে হত্যা করে।”

“হযরত আবদুল্লাহ ইবনে ওমর (রা.) কোনো এক সফরকালে রাস্তার পার্শ্বে অপেক্ষমান এক মুসাফির দলের সাক্ষাৎ পান। তিনি তাদেরকে তাদের খামার কারণ জিজ্ঞাসা করেন। তাদের একজন উত্তর দেয়: ‘আমরা

শুনেছি যে, এ পথের ওপর একটা সিংহ আছে। এ কারণেই আমাদের কেউই আর এগোতে পারছি না।’ হযরত ইবনে উমর (রা.) সিংহের কাছে যান এবং তার পিঠের ওপর হাত বুলিয়ে বুলিয়ে রাস্তা থেকে সরিয়ে দেন।”

“নবী কারীম ﷺ-এর সাবেক সেবিকা হযরত সাফিনা (রা.) যাঁকে হযরত মুক্ত করে দিয়েছিলেন, তিনি বলেছেন: ‘একবার আমি একটা জাহাজে করে ভ্রমণ করছিলাম। এমন সময় সমুদ্রে ঝড় ওঠে এবং জাহাজটি ডুবে যায়। আমি একটি কাঠের টুকরো আঁকড়ে ধরে থাকি। স্রোতের সাথে আমি তীরে যেয়ে উঠি। স্থলভাগের অভ্যন্তরে প্রবেশের পথে আমাকে একটি জঙ্গল পেরোতে হয়। এই সময় একটি সিংহ আমার সামনে এসে দাঁড়ায়। আমি সিংহটাকে বলি, ‘আমি হজরত ﷺ-এর একজন সাহাবী।’ এ কথা শুনেই সেটা অবনত মস্তকে আমাকে জঙ্গলের বাইরে পথ দেখিয়ে নিয়ে আসে। এরপর বিড়বিড় করে কী যেন বলে সিংহটা। আমি তৎক্ষণাৎ বুঝতে পারি যে, সেটা আমাকে বিদায় সম্বাষণ জানাচ্ছে।”

“হযরত আইয়ুব সাহতিয়ানী (রহ.) একবার মরুভূমিতে তাঁর বন্ধুর সাথে সফরকালে মারাত্মক পানি সংকটে পড়েন। তাঁর বন্ধু এতোই তৃষ্ণার্ত ছিলেন যে, তার জিহ্বা বেরিয়ে গিয়েছিল। হযরত ইমাম তাঁকে জিজ্ঞাসা করেন, ‘তোমার কি কোনো কষ্ট হচ্ছে?’ তার বন্ধু উত্তর দেন, ‘আমি তৃষ্ণায় মারা যাবার উপক্রম।’ হযরত আইয়ুব সাহতিয়ানী (রহ.) এরপর বলেন, ‘তুমি যদি কাউকে না বলো, তবে আমি হয়তো তোমাকে পানির সন্ধান দিতে পারি।’ তাঁর বন্ধু কসম করার পর তিনি মাটিতে জোরে পা দিয়ে আঘাত করার পর সেখানে পানির ঝর্ণা সৃষ্টি হয়। তাঁরা দু’জনই পানি পান করেন। তাঁর বন্ধু হযরত আইয়ুব (রহ.)-এর বেসালের আগমুহূর্ত পর্যন্ত কাউকেই ঘটনাটা বলেননি।” এতে প্রতিভাত হয় যে, আল্লাহতা’আলা আউলিয়াকে কারামত দ্বারা ধন্য করেছেন এবং তাঁরা তা ঢেকে রাখতে চেষ্টা করেন। তাঁরা কাউকেই এটা সম্পর্কে জানতে দিতে চান না।

“হামিদ আত-তাওয়ীল বর্ণনা করেন: ‘হযরত সালিম আল বানানীর দাফনের পরে তাঁর মাযার শরীফ বন্ধ করার মুহূর্তে একটি ইঁট খুলে পড়ে যায়। আমরা সালিম আল বানানীকে তাঁর মাযারের ভেতরে নামায পড়তে দেখি। আমরা তাঁর গৃহে যেয়ে তাঁর কন্যাকে এ ব্যাপারে জিজ্ঞাসা করি। তিনি বলেন যে, তাঁর পিতা প্রত্যেক রাতের শেষ ভাগে নামায পড়তেন এবং এই সাতালাত তিনি পঞ্চাশ বছর ধরে নিয়মিতভাবে আদায় করতেন; আর তিনি ফজরে অভ্যাসবশতঃ দোয়া করতেন: “হে আল্লাহ! নবী ছাড়া যদি আর কাউকে তুমি কবরে নামায পড়ার তাওফিক দাও, তাহলে আমার ভাগ্যেও অনুরূপ নেয়ামত দিও।”

“হযরত হাবিব আল আজামীকে বছর ‘তারাইয়্যা দিবসে’ বসরায় দেখা গিয়েছে এবং পরবর্তী দিবসে, অর্থাৎ, ‘আরাফা দিবসে’ আরাফাতের ময়দানে দেখা গিয়েছে। হযরত ফুয়াইল ইবনে আয়ায (রহ.) সাক্ষ্য দেন: ‘হযরত আবদুল্লাহ ইবনে মুবারক (রহ.)-এর কাছে একবার এক অন্ধ মুসলিম আগমন করেন এবং অন্ধত্ব থেকে মুক্তি কামনা করেন তাঁর কাছে। ওই ব্যক্তি বারংবার অনুরোধ করায় হযরত আবদুল্লাহ ইবনে মুবারক (রহ.) দীর্ঘক্ষণ দোয়া করেন। সহসা ওই ব্যক্তি দৃষ্টিশক্তি ফিরে পান এবং বহু মানুষ তাঁর দৃষ্টিশক্তি পাওয়ার ঘটনা প্রত্যক্ষ করেন।’ (শাওয়াহিদুন নবুওয়া)

‘শাওয়াহিদুন নুবুওয়া’ গ্রন্থ হতে উদ্ধৃত সাহাবায়ে কেলাম ও তাবেয়ীনগণের উপর্যুক্ত কারামতগুলো পরিস্ফুট করে যে, ওহাবীরা মুসলিমদেরকে মিথ্যা কথা বলে ধোকা দিতে অপতৎপর। সাহাবা ও তাবেয়ীনগণের কারামত নেই মর্মে তাদের মিথ্যা দাবি তাদেরকেই হয়ে প্রতিপন্ন করে।

১৯/- ওহাবী পুস্তক ফাতহুল মাজীদ-এর ৩০০ পৃষ্ঠায় লেখা আছে: “যে সকল ঈমানদার (বিশ্বাসী) আল্লাহকে ভয় করেন, তাঁদেরকে আল্লাহ তা’আলা নেয়ামতস্বরূপ কারামত দান করে থাকেন। যখন কেউ দোয়া বা ইবাদত করে, তখন তিনি কারামত মঞ্জুর করেন। সেটা কোনো ওলীর ইচ্ছা বা ক্ষমতার আয়ত্ত্বাধীন নয়। যে ব্যক্তি বলে সে একজন ওলী এবং গায়েবের খবরাখবর জানে, সে প্রকৃষ্ণপক্ষে ওলী নয়, বরং একজন শয়তান”। (ফাতহ আল মজিদ)

এখানে ওহাবী পুস্তকটি সত্য অস্বীকার করার দুঃসাহস দেখায়নি, তবে আউলিয়া কেলাম কারামতের প্রদর্শনী দেন বলাটা ডাহা মিথ্যা কথা বৈ কিছু নয়। সে কিছু অজ্ঞ এবং ভণ্ড লোকদের কথার উদ্ধৃতি দিয়ে মুতাসাওয়ীফ ও পীর-মাশায়েখদেরকে আক্রমণ করেছে। ওহাবী লোকটি বেলায়াত এবং কারামত সম্পর্কে কিছুই জানেনা। এখন আমরা মহান মুতাসাওয়ীফগণের ব্যাখ্যাসমূহ উপস্থাপন করবো। ইমাম মা’সুম ফারুকী সিরহিন্দী লিখেছেন, “কাশফ ও কারামতের অধিকারী হওয়ার চেয়ে আল্লাহকে জানা অনেক বেশি মূল্যবান। আ’রিফ হওয়ার অর্থ হচ্ছে- তাঁর সত্ত্বা ও সিফাত (গুণাবলী)-সম্পর্কিত গুণ্ড জ্ঞান উপলব্ধি করা। আর কারামত ও অলৌকিকত্ব হচ্ছে সৃষ্টি (মাখলুকাত) সম্পর্কে গুণ্ড জ্ঞান। আল্লাহকে জেনে মা’রেফত অর্জন করা এবং কারামত ও অলৌকিকত্বের মধ্যে পার্থক্য হচ্ছে স্রষ্টা এবং সৃষ্টির মধ্যে পার্থক্যের মতো। মা’রেফত হচ্ছে আল্লাহকে জানা; অথচ কারামত ও অলৌকিকত্ব হচ্ছে সৃষ্টিকে বোঝা। প্রকৃত ‘মা’আরিফ’ ঈমানকে দৃঢ় এবং পরিপক্ব করে। কারামত ও অলৌকিকত্ব (খারিকা) তা করতে পারে না। কোনো ব্যক্তির আধ্যাত্মিক উন্নতি কারামতের ওপর নির্ভরশীল নয়; তবুও আল্লাহ তা’আলার প্রিয় বান্দাদের অধিকাংশের কাছ থেকেই কারামত পরিদৃষ্ট হয়েছে।”

আউলিয়ার একে অপরের ওপর শ্রেষ্ঠত্ব কারামত দ্বারা পরিমাপ করা হয় না, বরং কুরব (নৈকট্য) ও মা’আরিফ দ্বারা পরিমাপ করা হয়। যদি কারামত ও অত্যাশ্চর্য ঘটনা (খারিকা) মা’আরিফ হতে অধিক মূল্যবান হতো, তাহলে যোগী নামক হিন্দু ঋষীরা এবং ব্রাহ্মণরাও আউলিয়া কেলাম থেকে শ্রেষ্ঠ হতো। কেননা, তারা কৃচ্ছতা সাধন এবং নফস দমন করে থাকে। তারা অত্যাশ্চর্য শক্তি অর্জন করতে সমর্থ হয়; কিন্তু আউলিয়া কুরব ও মা’আরিফ মঞ্জুর হওয়াতে খারিকা কামনা করেন না। তাঁরা আল্লাহকে জানার মাহাত্ম্য বর্তমান থাকতে সৃষ্টি সংক্রান্ত জ্ঞান জানতে চাননা। ক্ষুধাসম্পন্ন এবং কৃচ্ছতা সাধনকারী যে কোনো ব্যক্তির দ্বারাই খারিকা ও অলৌকিক ঘটনা সংঘটিত হতে পারে। সেগুলোর সঙ্গে আল্লাহকে জানার বা আল্লাহর সন্নিহিত হওয়ার কোনো সম্পর্কই নেই। কাশফ ও কারামতের আকাঙ্ক্ষা হচ্ছে সৃষ্টিকে নিয়ে মত্ত হওয়ার একটা আকাঙ্ক্ষা বিশেষ।

কবিতা:

চিত্র অভিশপ্ত শয়তান হতে খারিকা প্রতিটি মুহূর্তে নিঃসৃত হয়,  
দরজা ও ঘরের চিমনির ভেতর দিয়ে এসে তা রক্ত-মাংসে স্থায়িত্ব লয়,

তাসাউফ সম্পর্কে কথা বলার সময় সাবধান হও,  
নূর কিংবা কারামত সম্পর্কে করোনা দস্ত,  
কারামত কোনো ব্যক্তিকে আল্লাহর দাসে রূপান্তরিত করা উচিত,  
একজন আহাম্মক মুনাফেকে নচেৎ।।

কোনো ব্যক্তি ফানা অর্জন করে এবং সব কিছু থেকে নিজের ক্লবকে বিচ্ছেদ ঘটিয়েই পূর্ণতা ও মাহাত্ম্য অর্জন করে থাকে। ইবাদত পালন, তাসাউফের পথের অনুসরণ এবং নফসকে কৃচ্ছ্রতায় নিমগ্ন করার উদ্দেশ্য হচ্ছে তার নিজ সত্তার গুরুত্বহীনতা সম্পর্কে তাকে উপলদ্ধি করানো; আরও উপলদ্ধি করানো যে, অস্তিত্ত্ব ও অস্তিত্ত্বের সিফাতসমূহ একমাত্র আল্লাহরই অধিকারে। যদি কেউ অন্যান্যের চেয়ে শ্রেষ্ঠ হতে চায় এবং খারিকা ও অলৌকিক কর্ম সংঘটন করে এবং ফলস্বরূপ মানুষদেরকেও নিজের চারপাশে সমবেত করতে সমর্থ হয়, তাহলে (বুঝতে হবে) সে একজন দাস্তিক ও উদ্ধত ব্যক্তি এবং তার ইবাদত, সায়ের, সুলুক ও রিয়াযাত-এর প্রাপ্য হতে সে বঞ্চিত হবে। সে আল্লাহ তা'আলার মা'আরিফত অর্জন করতে পারবে না। মহান মুতাসাউফীফ সুলতানুল আরেফীন হযরত শিহাবুদ্দীন সুহরাওয়ার্দী (রহ.) তাঁর 'আওয়ারিফ আল মাআরিফ' গ্রন্থে লিখেছেন, 'কলবে আল্লাহর যিকিরের তুলনায় কারামত ও খারিকার কোনো মূল্যই নেই।'

শায়খুল ইসলাম আবদুল্লাহ হিরাওয়ারী (রহ.) বলেছেন, 'মারেফাতসম্পন্ন ব্যক্তির ফিরাসাত (ষষ্ঠ ইন্দ্রিয়) অথবা কারামত হচ্ছে এমন এক ক্ষমতা যা দ্বারা তিনি আল্লাহ তা'আলার মারেফত অর্জন করতে সক্ষম হৃদয়গুলোকে অক্ষম হৃদয়গুলো থেকে পৃথকভাবে চিনতে পারেন। আর যারা ক্ষুধা ও কৃচ্ছ্রতা সাধন করে, তাদের ফিরাসাত শুধু সৃষ্টিকে ঘিরেই পরিব্যাপ্ত; আল্লাহ পাকের মারেফত তারা অর্জন করতে পারেনা। আউলিয়া যাঁরা মারেফতের অধিকারী, তাঁরা শুধু আল্লাহ সম্পর্কেই কথা বলেন। তবে যেহেতু মানুষেরা আল্লাহ-সম্পর্কিত জ্ঞান বিষয়ে বুঝতে পারে না এবং যেহেতু তারা দুনিয়ার মোহাচ্ছন্ন, সেহেতু তারা সৃষ্টি সংক্রান্ত গোপন তত্ত্বের খুব দাম দেয় এবং মনে করে, যে ব্যক্তি গোপন তত্ত্ব সম্পর্কে কথা বলে সে বুঝি উঁচু স্তরের কোনো ওলী (এই ওহাবী মতাবলম্বী ব্যক্তিও ওই ধরণের লোকদেরকে ওলী মনে করে তাদেরকে খারাপ দৃষ্টান্ত হিসেবে দেখিয়ে সত্যিকার মুতাসাউফীদেরকে গালমন্দ করেছে)! আল্লাহ তায়ালার মা'আরিফ সম্পর্কে আউলিয়ার কথাবার্তাকে লোকেরা বিশ্বাস করে না। তারা মনে মনে বলে, যদি আউলিয়া সত্যি সত্যিই আউলিয়া হতেন, তবে তাঁরা সৃষ্টি সম্পর্কে গোপনতত্ত্ব জানতেন এবং যাঁরা সৃষ্টির গোপনতত্ত্ব জানেন না, তাঁরা আল্লাহকে জানতে পারেন না। এ সকল লোকেরা এই ভ্রান্ত ধারণায় আবদ্ধ হয়ে আউলিয়াকে বিশ্বাস করে না। যেহেতু আল্লাহ তা'আলা তাঁর আউলিয়াকে অত্যন্ত ভালোবাসেন, সেহেতু তিনি তাঁদেরকে সৃষ্টি নিয়ে ব্যস্ত হতে দেন না। এমন কি তিনি তাঁদেরকে সৃষ্টির স্মরণ হতেও দূরে সরিয়ে রাখেন। আল্লাহ-ওয়াল্লা বুয়ূর্গবন্দ দুনিয়ার মোহাচ্ছন্ন লোকদেরকে পছন্দ করেন না; অনুরূপভাবে, দুনিয়ার মোহাচ্ছন্ন লোকেরাও আল্লাহ-ওয়াল্লাদেরকে চিনতে এবং পছন্দ করতে পারে না। তবে আল্লাহ-ওয়াল্লাগণ সৃষ্টির গোপনতত্ত্ব বুঝতে এবং প্রকাশ করতে পারেন, যদি তাঁরা সে সম্পর্কে চিন্তা করেন। যেহেতু ক্ষুধা ও কৃচ্ছ্রতা সাধনকারীর ফিরাসাতের কোনো মূল্যই নেই, সেহেতু সেগুলো (ফিরাসাতসমূহ) মুসলিম, খ্রীষ্টান, ইহুদী কিংবা যে কোনো ব্যক্তির ওপর সংঘটিত হতে পারে; ফিরাসাত শুধু আল্লাহর ওলীদের জন্যে খাস (নির্দিষ্ট) নয়।'

প্রয়োজনের সময় আল্লাহ তা'আলা তাঁর ওলীকে কারামত প্রদর্শনে তাওফিক দিয়ে থাকেন। ওলীর ভাণ করে যদি কোনো বদমায়েশ লোক তার শ্রুত কোনো মা'আরিফ ব্যক্ত করে থাকে, তাহলেও এ সকল মা'আরিফ কলুষিত হবে না। এক টুকরো হীরা ময়লার মধ্যে পড়ে গেলেও তার মূল্য সেটা হারাবে না।

“তাসাউফের পথে একজন রাহবার/মুরশিদ অত্যাৱশ্যকীয়, যাঁর মাধ্যমে ফায়েয আগমন করে। যদি সে প্রকৃত মুরশিদ না হয়, তবে তাসাউফের পথ খুঁজে পাওয়া যাবে না। সাহাৱায়ে কেৱাম তাসাউফের অত্যন্ত উচ্চ পর্যায়ে উন্নতি করেছিলেন হযরত রাসূল-এ-কারীম ﷺ এর পবিত্র সোহবতের তথা সান্নিধ্যের মাধ্যমে।” (মা'সুম ফারুকী: মাকতুৱাত, ১ম খণ্ড, ৫০ নং চিঠি)

একটি আয়াতে ঘোষিত হয়েছে, ‘আমি জ্বিন ও ইনসানকে একমাত্র আমার এৱাদতের জন্যেই সৃষ্টি করেছি।’ তাসাউফের কিছু ইমাম এ আয়াতটিকে নিম্নোক্ত অর্থে বুঝে থাকেন ‘আমাকে জানার জন্যেই আমি তাদেরকে সৃষ্টি করেছি।’ যদি এ ব্যাপারে একটু গভীর চিন্তা করা হয়, তাহলে দেখা যাবে যে, দুটো ৱাক্য একই অর্থ ৱহন করছে; কারণ সর্ৱশ্রেষ্ঠ ইবাদত হচ্ছে যিকর পালন। যিকরকারী যাঁকে স্মরণ করেন তাঁর সম্পর্কে গভীর চিন্তায় নিজেকে ভুলে যান। আর এটাই হলো মা'রেফত। এটা পরিস্ফুট যে, এৱাদতের সর্ৱোচ্চ পর্যায়ে মা'রেফত অর্জিত হয়। আয়াতের আদেশটি হচ্ছে এই যে, এখলাসের (নিষ্ঠার) সঙ্গে যেন ইবাদত পালিত হয় এবং নফস অথৱা শয়তান যেন কোনো রকম ব্যাঘাত সৃষ্টি না করে। আর মা'রেফত অর্জন ব্যতিরেকে এটা অর্জন করা যায় না। অতএৱ, মা'রেফত ছাড়া ইবাদত পালন খালেস হতে পারে না। (প্রাণ্ডক্ত ইমাম মা'সুম ফারুকী কৃত মাকতুৱাত, ৫১ নং চিঠি)

ইমাম-এ-রৱানী আহমদ ফারুকী সিরহিন্দী মোজাদ্দের আলফে সানী (রহ.) তাঁর ‘মাকতুৱাত’ গ্রন্থের দ্বিতীয় খণ্ডের ৯২তম চিঠিতে ৱলেন, “কারামত প্রদর্শন করা কোনো ওলীর জন্যে শর্ত নয়। উলামায়ে হক্কানী-রৱানীর পক্ষে যেমন কারামত ও খারিক্কা প্রদর্শন করা প্রয়োজনীয় নয়, তেমনি আউলিয়ার জন্যেও কারামত এবং খারিকার প্রদর্শনী দেয়া জরুরী নয়। কেননা, ৱেলায়াত মানে কুরব-এ-ইলাহী (আল্লাহর নৈকট্য)।

“কোনো ব্যক্তিকে কুরব-এ-ইলাহী প্রদান করা হয়েছে, কিন্তু কারামত মঞ্জুর করা হয় নি; উদাহরণস্বরূপ, তিনি গায়েৱের জিনিসগুলো সম্পর্কে জানেন না; অপর এক ব্যক্তিকে কুরব (নৈকট্য) এবং কারামত দুটোই মঞ্জুর করা হয়েছে; তৃতীয় একজনকে কুরব দেয়া হয় নি, কিন্তু খারিক্কা সমূহ এবং গায়েৱের খৱরাখৱর পরিৱেশন করার সামর্থ্য দেয়া হয়েছে। এই অবস্থায় তৃতীয় জন কোনো ওলী নয়। সে ইসতিদরাজ (অলৌকিক শক্তি যা আল্লাহর তরফ থেকে আগত নয়)-এর অধিকারী। তার নফসের পরিচ্ছন্নতার জন্যে সে গায়েৱের খৱরাখৱর জানে, যার অব্যৱহিত ফল হলো সে গোমরাহীতে নিমজ্জিত হয়েছে এবং সঠিক পথ হতে ৱিচ্যুত হয়েছে। প্রথম এবং দ্বিতীয় জন কুরব দ্বারা ধন্য হয়েছেন; তাঁরা আউলিয়া হয়েছেন। আউলিয়া কেৱামের পরস্পরের মধ্যে ৱিরাজমান শ্রেষ্ঠত্ব তাঁদের কুরব-এর পর্যায দ্বারাই পরিমাপ করা হয়।” (ইমাম-এ রৱানী: মাকতুৱাত)

‘মাকতুৱাত’ গ্রন্থের ১৪০তম চিঠিতে হযরত মা'সুম ফারুকী সিরহিন্দী লিখেছেন, “একটি হাদিস-এ-কুদসী ৱলা ফরমায়: ‘যে ব্যক্তি আমার কোনো ওলীর ৱিরুদ্ধে শত্রুভাৱ পোষণ করে, তার প্রতি আমি যুদ্ধের আহ্বান

জানাই। আমার বান্দা আর এমন কোনো কিছুর মাধ্যমে আমার নৈকট্য পায় না, যেমনটি পায় ফরয এবাদতের মাধ্যমে। যখন আমার বান্দা নফল ইবাদত পালন করে, তখন সে আমার খুবই সন্নিহিতবর্তী হয়; এতোই সন্নিহিতবর্তী হয় যে, আমি তাকে অত্যন্ত ভালোবাসি। এতো ভালোবাসি যে, আমি তাঁর (কুদরতী) কান হই, যেটা দিয়ে সে শোনে; তাঁর (কুদরতী) চোখ হই যা দ্বারা সে দেখে; তাঁর (কুদরতী) হাত ও পা হই, “যেগুলোর দ্বারা সে কাজকর্ম ও চলাফেরা করে। সে যা চায় তা-ই আমি তাকে দিই। যখন সে আমার কাছে সাহায্য চায়, তখনই আমি তাকে তা দিয়ে থাকি।’ (আল্ বুখারী) এই হাদিস-এ-কুদসী অনুযায়ী মানুষকে কুরব-এর নেয়ামত লাভে সহায়ক জিনিসগুলোর মধ্যে অন্যতম হচ্ছে ফরয, যা আল্লাহ তা’আলা সবচেয়ে বেশি পছন্দ করেন। ফরযসমূহ থেকে সৃষ্ট নৈকট্য অধিক পূর্ণাঙ্গ এবং নেয়ামতসম্পন্ন। নৈকট্য ও উন্নতি সৃষ্টিকারী ফরযসমূহকে আমল-এ-মুকাররাবীনের অন্তর্গত হতে হবে। আর এর জন্যে দরকার তাসাউফের ও তরীকতের নফল ইবাদতসমূহ পালন করা। নামাযে যেমন প্রথমে ওয়ু করতে হয়, ঠিক তেমনি নৈকট্য সৃষ্টিকারী ফরযসমূহের জন্যে প্রথমে দরকার তাসাউফের পথে উন্নতি করা। যতক্ষণ পর্যন্ত না ক্লব ও রুহুকে তাসাউফ দ্বারা নির্মল করা হবে, ততোক্ষণ পর্যন্ত কোনো ব্যক্তি ফরয হতে নিঃসৃত নৈকট্য অথবা একজন ওলীর সম্মান অর্জন করতে পারবে না।” (মাসুম ফারুকী: মাকতুবাতে)

তরীকত-এ-আলীয়া-এ-নকশবন্দিয়ার সারবস্ত হচ্ছে সুন্নাতকে আঁকড়ে ধরা এবং বেদ’আত হতে দূরে থাকা। একটি হাদিস শরীফ ঘোষণা করে: ‘আমার একটি বিস্মৃত সুন্নাত যে ব্যক্তি পুনরুজ্জীবিত করবে, সে এক’শ জন শহীদের সওয়াব অর্জন করবে।’ (হাদিস) একটি বিস্মৃত সুন্নাতের পুনরুজ্জীবনের অর্থ, হয় তা পালন করা, নয়তো পালন করে অন্যদেরকে শিক্ষা দেয়া যাতে তারাও পালন করতে পারে। শরিয়তের পুনরুজ্জীবনের এই দ্বিতীয় পন্থাটি হচ্ছে সর্বোৎকৃষ্ট পন্থা। এটা প্রথম পন্থার চেয়েও মূল্যবান, কারণ প্রথমটি হচ্ছে সার্বিক (common)।

“আল্লাহর ভালোবাসা অর্জন এবং নৈকট্যের এক পর্যায় থেকে আরেক পর্যায়ে উন্নতি একমাত্র সুন্নাতকে শক্তভাবে আঁকড়ে ধরার মাধ্যমেই সম্ভব। সুরা আল-ই-ইমরানের ৩১ আয়াতে ঘোষিত – ‘বলুন, যদি তোমরা আল্লাহকে ভালোবাসতে চাও, তাহলে আমাকে (রাসূল-দ:) অনুসরণ করো, আল্লাহ তোমাদেরকে ভালোবাসবেন’-খোদায়ী এই আদেশটি আমাদের কথাকে সত্য প্রমাণিত করে।

“আমাদের উচিত বিদআত বর্জন করা। বিদয়াতীদের সঙ্গে বন্ধুত্ব করা আমাদের উচিত নয়। এমন কি তাদের সঙ্গে কথা বলাও আমাদের উচিত নয়। একটি হাদিস শরীফ ঘোষণা করে: ‘বিদয়াতীরা জাহান্নামীদের কুকুর।’ (হাদিস)” (মাসুম ফারুকী কৃত প্রাগুক্ত মাকতুবাতে, ৩য় খণ্ড, ১৭ নং চিঠি)

“তরীকত-এ-নকশবন্দিয়াতে পাঁচটি কর্তব্য আছে যা ক্লব দ্বারা পালন করতে হয়; প্রথমটি আল্লাহ তা’আলার নামের ‘যিকির’(স্মরণ)। মানবের অন্তরে ক্লব নামে একটি লতিফা আছে (লতিফা এমন এক জিনিস যার মধ্যে কোনো বস্তু নেই এবং যেটা কোনো পদার্থ নয়; রুহ একটি লতিফা)। কোনো আওয়াজ বা স্পন্দন ছাড়াই তুমি তোমার কল্পনাকে তোমার অন্তরে ‘আল্লাহ, আল্লাহ’ বলতে উদ্বুদ্ধ করবে। দ্বিতীয় কর্তব্য হচ্ছে আবারও কল্পনার মাধ্যমে কলেমা-এ-তাওহীদের যিকির করা। দুটো (উপর্যুক্ত) যিকিরই কোনো আওয়াজ সৃষ্টি হবে না। তৃতীয়

কর্তব্যটি হচ্ছে ‘উকুফ-এ-কালবী’; এতেও সর্বদা অন্তরে ধ্যানমগ্ন হতে হবে এবং আল্লাহ ছাড়া অন্য কোনো কিছুর চিন্তা না করার ব্যাপারে সর্বদা খেয়াল রাখতে হবে। কলব্ নামক লতিফাটি কোনো সময়ই খালি থাকতে পারে না। যে অন্তরকে সৃষ্টির চিন্তা হতে পরিশুদ্ধ করা হয়েছে, তা স্বতঃস্ফূর্তভাবে আল্লাহর দিকে ফিরবে। ‘তোমার শত্রুকে অন্তর থেকে বহিষ্কার করো, তাহলে তোমার প্রিয়জনকে আর কলবে আমন্ত্রণ জানানোর প্রয়োজন হবে না’ – এ কথা বলেছেন পূর্ববর্তী মুতাসাওয়ীফগণ। চতুর্থ কর্তব্যটি হচ্ছে ‘মুরাকাবা’ যাকে ‘জাম’ইয়াত’ এবং ‘আগাহী’-ও বলা হয়। এটা হচ্ছে এ কথা চিন্তা করা যে, আল্লাহ পাক প্রতিটি মুহূর্তে সব কিছু জানেন এবং দেখেন। পঞ্চম কর্তব্যটি হচ্ছে ‘রাবিতা’। এটা হচ্ছে নিজেকে একজন শরিয়তের মান্যকারী কামেল মুর্শিদে মুখোমুখি চিন্তা করা, যাঁর পবিত্র চেহারার দিকে চেয়ে রয়েছ তুমি। এধরণের চিন্তা তোমাকে তাঁর প্রতি সব সময় আদব প্রদর্শন করার নিশ্চয়তা দেবে। আদব ও ভালোবাসা একে অপরের হৃদয়কে সংযুক্ত করে দেবে। এর ফলে মুরশীদের অন্তর হতে ফায়েয ও বরকত তোমার অন্তরে প্রবাহিত হবে। এই পাঁচটি কর্তব্যের মধ্যে সবচেয়ে সহজ ও দরকারী হচ্ছে রাবিতা।” (মাসুম ফারুকী : প্রাপ্ত মাকতুবা, ২য় খণ্ড, ৩১৩ নং চিঠি)

হযরত ইমাম-এ-রব্বানী আহমদ আল-ফারুকী আস-সিরহিন্দী (রহ.) তাঁর মাকতুবা গ্রন্থের ১ম খণ্ডের ২৮৬ নং চিঠিতে বলেন, “তাসাউফের পথে অগ্রসর হতে হলে একজন মুরশিদে তাওয়াজ্জুহ এবং পথপ্রদর্শন দরকার যিনি কামিল (নিজে পূর্ণ) ও মুকাম্মিল (অপরকে পূর্ণতা দিতে সক্ষম) এবং যিনি পথ সম্পর্কে জানেন। ওই ধরণের মুর্শিদ পাওয়াটা একটা বড় নেয়ামত। মুর্শিদ আপনাকে গুণাগুণ অনুযায়ী কর্তব্য প্রদান করবেন। উপরন্তু, তাঁর জন্যে জায়েয হবে আপনার গুণানুযায়ী কোনো দায়িত্ব না দিয়েই তাঁর সোহবতে বা সান্নিধ্যে রাখা। আহওয়ালের (আত্মিক অবস্থাসমূহের) সঙ্গে সঙ্গতিপূর্ণ বলে তিনি যা মনে করবেন, তাই তিনি আপনাকে আদেশ দেবেন। অন্যান্য কর্তব্যগুলো থেকে মুর্শিদে সাহচর্য ও তাওয়াজ্জুহ অনেক বেশি লাভজনক।

“তরীকতের পাঁচটি কর্তব্য এবং মুর্শিদে সোহবতের উদ্দেশ্য হচ্ছে- ইসলামের সঙ্গে শরীয়াতের তাবেদারীর সম্পর্কে সুবিধাজনক করা। যতক্ষণ পর্যন্ত না শরীয়াতকে মান্য করা হবে, ততক্ষণ পর্যন্ত এই কর্তব্যগুলো এবং সাহচর্য কোনো কাজে আসবে না।” (ইমাম-এ-রব্বানী আহমদ ফারুকী সিরহিন্দী মোজাদ্দের আলফে সানী প্রণীত মাকতুবা)

উপর্যুক্ত চিঠিগুলো থেকে এ কথা বোধগম্য যে, মানুষের প্রথম কর্তব্য হচ্ছে আল্লাহ তা’আলার নৈকট্য অর্জন করা, অর্থাৎ মা’রেফাত, রেযা (সন্তুষ্টি) ও ভালোবাসা অর্জন করা। আর এর একমাত্র পথ হচ্ছে শরীয়াতের অনুসরণ এবং বিদআত বর্জন। শরীয়াতকে সহজ ও সঠিকভাবে অনুসরণ করার জন্যে দরকার এখলাস (নিষ্ঠার)। এখলাসবিহীন ইবাদত কোনো কাজেই আসবে না। সেগুলো গৃহীত হবে না। সেগুলো কোনো ব্যক্তিকে কুরব-এর নেয়ামত অর্জন করবার ব্যাপারে সাহায্য করবেনা। আর এখলাস একমাত্র তরীকতের পথে পদচারণার মাধ্যমেই অর্জিত হতে পারে। অতএব, এটা পরিস্ফুট যে, তরীকতের নির্দেশিত কর্তব্যসমূহের উদ্দেশ্য হচ্ছে এখলাস সহকারে ইবাদতসমূহ পালন, যাতে সেগুলো কবুল হতে পারে। যে ইবাদত গৃহীত হয় তা কোনো ব্যক্তিকে আল্লাহ তা’আলার নৈকট্য, মা’রেফাত ও ভালোবাসা অর্জনে সহায়তা করবে। সকল সাহাবী-ই তরীকতের কর্তব্যসমূহ এবং এখলাসের সর্বোচ্চ পর্যায় অর্জন করতে সক্ষম হয়েছিলেন। তাঁদের দ্বারা এক

মুঠো বার্লি ভিক্ষা প্রদান অন্যান্যদের পাহাড় পরিমাণ স্বর্ণ ভিক্ষা দেয়ার চেয়েও শ্রেয়। অতএব, এটা প্রতিভাত হয় যে তাসাউফের পথ, অর্থাৎ, তরীকত বিদ্যাত নয়। এটা দ্বীন ইসলামের মূলনীতিগুলোর মধ্যে একটা।

২০/ — এই ওহাবী মতাবলম্বী ব্যক্তি তার পুস্তকের ৩৫৪ পৃষ্ঠায় বলে: “সূরা আনফালের ৬৪ নং আয়াতের অর্থ ‘আল্লাহ-ই আপনার জন্যে যথেষ্ট এবং তাদের জন্যেও যারা আপনাকে অনুসরণ করে।’ তাঁকে ছাড়া আর কাউকেই আমাদের দরকার নেই। ইবনে তাইমিয়া এবং ইবনে কাইয়েম আল জওযিয়া এই আয়াতটিকে এভাবে ব্যাখ্যা করেছেন। তাঁরা বলেছেন যে, আয়াতটিকে নিম্নোক্তভাবে ব্যাখ্যা করা ভুল: ‘আল্লাহ এবং যারা আপনাকে অনুসরণ করে (তারা) আপনার জন্যে যথেষ্ট।’ আল্লাহ ছাড়া আর কেউই যথেষ্ট হতে পারেনা। এই আয়াতের দুই আয়াত পূর্বে বলা হয়েছে, ‘যখন তারা আপনাকে ধোকা দিতে চেষ্টা করবে, তখন আল্লাহ-ই আপনার জন্যে যথেষ্ট হবেন। তিনি আপনাকে শক্তিশালী করেছেন তাঁর এবং মু’মিনগণের সাহায্য দ্বারা।’ আল্লাহ ‘যথেষ্ট’ এবং ‘শক্তিশালী’ শব্দ দুটোর মধ্যে একটি পার্থক্য সৃষ্টি করে দিয়েছেন। তিনি ‘যথেষ্ট’ শব্দটি শুধু নিজের জন্যে ব্যবহার করেছেন, আর ‘শক্তিশালী’ শব্দটি নিজের এবং তাঁর বান্দাদের ক্ষেত্রে ব্যবহার করেছেন। আর বিশ্বাসীরা বলেন, ‘আল্লাহ-ই আমাদের জন্যে যথেষ্ট; তিনি স্বয়ংসম্পূর্ণ।’ কেউই একথা বলেননি, ‘আল্লাহ ও তাঁর নবীগণ (আ.) আমাদের জন্যে যথেষ্ট। আল্লাহ একাই যথেষ্ট এবং ভরসার যোগ্য।’ (ফাতহ আল মাজিদ)

মহান তাফসীরকার আলেম ইমাম ক্বাযী বায়যাবী (রহ.) লিখেছেন, “এ আয়াতটি বদরের যুদ্ধ সংঘটিত হবার সময় ‘বিদা’ নামক স্থানে নাযিল হয়। অথবা হযরত আব্দুল্লাহ ইবনে আব্বাস (রা.)-এর মতানুযায়ী তেত্রিশজন পুরুষ ও ছয়জন নারী এবং সবশেষে হযরত উমর (রা.)-এর মক্কাতে ইসলাম গ্রহণের পর এটা অবতীর্ণ হয়। এর অর্থ, ‘আল্লাহ তা’আলা এবং মু’মিনগণ আপনার জন্যে যথেষ্ট।’ (তাফসীর-এ-বায়যাবী: ইমাম বায়যাবী) এ ছাড়া তাফসীরে-এ-হুসেইনী, তাফসীর-এ-জালালাইন-ও একই কথা লিখেছে। ইমাম-এ-রব্বানী আহমদ ফারুকী সিরহিন্দী মুজাদ্দের আলফে সানী (রহ.) বলেন, ‘আমাদের নবী কারীম ﷺ আল্লাহ তা’আলাকে অনুরোধ করেছিলেন যাতে হযরত উমর (রা.)-এর সাহায্যের মাধ্যমে ইসলাম শক্তিশালী ও প্রসারিত হয়। হক সুবহানাছ ওয়া তা’আলা তাঁর প্রিয় নবীকে হযরত উমর (রা.)-এর মাধ্যমে সাহায্য করেন এবং সূরা আনফাল-এর ৬৪নং আয়াতে ঘোষণা করেন, ‘হে নবী! আল্লাহ এবং আপনাকে যারা অনুসরণ করে তারা আপনার জন্যে সাহায্যকারী হিসেবে যথেষ্ট।’ হযরত আব্দুল্লাহ ইবনে আব্বাস (রা.) রেওয়ায়াত করেন যে, এই আয়াতটি হযরত উমর (রা.)-এর ইসলাম গ্রহণের পর অবতীর্ণ হয়।’ (ইমাম-এ-রব্বানী কৃত ‘মাকতুবাৎ’, ২য় খণ্ড, ৯৯নং চিঠি)

আল-হাদিমী (রহ.) লিখেছেন, “ইমাম মুহাম্মদ শায়বানী (রহ.) তাঁর ‘জামিউস্ সাগীর’ পুস্তকে ঘোষণা করেছেন যে, নবী পাক ﷺ-এর ওয়াস্তে, কিংবা অমুক ওলীর ওয়াস্তে – এই ভাবে দোয়া করা মাকরুহ তাহরিমা। এই মন্তব্যের ওপর ‘আল হিদায়া’ গ্রন্থটি মন্তব্য করে, ‘যেহেতু সৃষ্টির কোনো হক [অধিকার] নেই আল্লাহ তা’আলার ওপর। তবে এ কথাও বিবৃত হয়েছে যে, ওই বান্দার প্রতি আল্লাহ কর্তৃক প্রদত্ত অধিকারের ওয়াস্তে [তা প্রার্থনা করা হচ্ছে]। রাসূলুল্লাহ ﷺ দোয়া করার সময় বলতেন, ‘আল্লাহুম্মা ইন্নী আস্-আলুকা বি হাক্কিস্ সা-ইলিনা আলাইকা;’ অর্থাৎ, ‘হে আল্লাহ, আমার ওয়াস্তে এবং পূর্ববর্তী নবীগণের ওয়াস্তে (কবুল করুন)।’ [উদাহরণস্বরূপ, হযরত আলী (ক.)-এর মাতা ফাতেমা বিনতে আসাদকে সমাহিত করার সময় হুজুর ﷺ দোয়া করেন, ‘ইগফির লি উম্মী ফাতেমা বিনতি আসাদ ওয়া ওয়াসসি আলাইহা মাদ্ খালাহা বিহাক্কী নাবীই-ইকা ওয়ালা আঘিয়া-ই-

হ্লাযিনা মিন ক্বাবলি; ইল্লাকা আরহামুর রাহিমীন] আর ফাতওয়া-এ-বাযাযিয়াও ব্যক্ত করেছে যে, এভাবে দোয়া করা বৈধ। [বারিক্বা : ১০৫৩ পৃষ্ঠা] অনুরূপভাবে, হাকিকী বা প্রকৃত অর্থে আল্লাহ তা'আলা একাই সকল স্থানে সকল সময়ে সবার জন্যে যথেষ্ট। তিনি ছাড়া আর কেউই সাহায্যকারী নন এবং এই দৃষ্টিকোণ থেকে অন্যদের সাহায্য কামনা করা পথভ্রষ্টতা। কিন্তু তবুও এ সব কথা বলে দোয়া করা বৈধ তখনই, যখন চিন্তা করা হয় যে, আল্লাহ তা'আলার প্রদত্ত অধিকারের ওয়াস্তে তা যাঞ্চ করা হচ্ছে। আল্লাহ তা'আলা আযিয়া (আ.), আউলিয়া (রহ.), বস্তসমূহ, ধনী-গরিব মানুষ, ব্যবসা-বাণিজ্য, উচ্চপদসমূহকে তাঁর সৃষ্টি প্রক্রিয়ায় মাধ্যম বা কারণস্বরূপ ব্যবহার করে থাকেন। এ সব মাধ্যমকে আঁকড়ে ধরার অনুমতি আছে, যদি সেগুলোকে মাধ্যম বানিয়ে আল্লাহর কাছে প্রার্থনা করা হয়। এ কথা বললে ভালো হয়, 'আল্লাহর সৃষ্টি প্রক্রিয়ায় তারা কারণ হিসেবে যথেষ্ট।' এই কারণেই উলামাগণ উপর্যুক্ত আয়াতটিকে এভাবে ব্যাখ্যা করেছেন: 'আল্লাহ তা'আলা এবং আপনার অনুসারী মু'মিনরা আপনার জন্যে যথেষ্ট।'

আবু হুরায়রা (রা.) হতে ইমাম আহমদ (রহ.) এবং মুসলিম (রহ.) বর্ণিত হাদিস, যেটা ওহাবী পুস্তকটার ৩৮১ নং পৃষ্ঠায় বর্ণিত হয়েছে, সেটা ঘোষণা করে, “রুব্বা আশ'আসিন মাদফু'উন বিল আবওয়াবি লাও আক্সামা আলাল্লাহি লা আবির-রাহু”; অর্থাৎ, 'তোমরা এমন বহু মানুষ দেখবে যাদের দরজা থেকে দূর করে দেয়া হয় (তাদের চুল ও দাড়ি এলোমেলো এবং কাপড় জোড়াতালি হওয়ার কারণে)। কিন্তু তারা যখন আল্লাহর নামে কসম করেন, আল্লাহ তা'আলা তৎক্ষণাৎ তাঁর এ সকল প্রিয় বান্দার ওয়াস্তে সৃষ্টি করে দেন এবং তাঁদের আবেদন মঞ্জুর করেন।' তাসাউফ যে, সঠিক এবং একজন মুর্শিদে কামেলের তালাশ করা ও তাঁর মন জয় করার চেষ্টা করা যে, সঠিক, তার প্রমাণসমূহের একটি হচ্ছে উপর্যুক্ত হাদিস। এ হাদিসের ওপর ভিত্তি করে ৬০টি নিষিদ্ধ বাক্যের ২৩তমটিতে 'আল বারিক্বা' ও 'আল হাদিক্বা' গ্রন্থ দু'টি বলে: “ফাতওয়া-এ-বাযাযিয়াতে লেখা আছে যে, 'এয়া আল্লাহ! আপনার অমুক নবী অথবা ওলীর প্রতি আপনারই প্রদত্ত অধিকার ও উচ্চমর্যাদার ওয়াস্তে আমি আপনার কাছ থেকে কামনা করি'-এই ধরনের দোয়াসমূহ জায়েয, অর্থাৎ, হালাল।” 'মুনইয়া' এবং আরও বহু কিতাব থেকে বোঝা যায় যে, এইভাবে দোয়া করা মুস্তাহাব। মহামূল্যবান গ্রন্থসমূহে লিপিবদ্ধ আছে যে, বহু আ'রিফ (খোদা-জ্ঞানী বুয়ূর্গ) তাঁদের মুরিদদেরকে বলেছেন, 'যখন তোমরা আল্লাহর কাছ থেকে কোনো কিছু কামনা করো, তখন আমার কাছে চাইবে! এখন আল্লাহ তা'আলা এবং তোমাদের মধ্যে মধ্যস্থতাকারী হচ্ছি আমি।' হযরত আবুল আব্বাস আল মুরসী (রহ.) তাঁর মুরিদদেরকে উপদেশ দিয়েছিলেন, 'আল্লাহর কাছ থেকে যদি তোমাদের কোনো কিছু চাওয়ার থাকে, তবে ইমাম গাযালী (রহ.)-এর ওয়াস্তে তা প্রার্থনা করবে।' এগুলো বহু কিতাবে লিপিবদ্ধ আছে, উদাহরণস্বরূপ, 'আল হিসন আল হাসিন' গ্রন্থে।” ('আল বারিক্বা' ও 'আল হাদিক্বা')

২১/ — পুস্তকটি ৩৮৫ পৃষ্ঠায় লিপিবদ্ধ আছে : “দ্বীনের মুজতাহিদ ইমামগণের জন্যে ইজতেহাদ প্রয়োগ করা বৈধ ছিল। তাঁরা তাঁদের গৃহীত সিদ্ধান্তসমূহের দলিলগুলো লিপিবদ্ধ করেছিলেন। যদি কেউ তার মাযহাবের ইমামের প্রদর্শিত পন্থায় কোনো কাজ করে এবং নিজের খুঁজে বের করা দলিল বা কোনো আয়াত বা কোনো হাদিস যা আদেশ করে; সে অনুযায়ী কাজটি না করে, তাহলে সেই ব্যক্তি গোমরাহ হয়ে যাবে। ইমাম মালেক (রহ.), ইমাম আহমদ ইবনে হাম্বল (রহ.) ও ইমাম শাফেয়ী (রহ.) তাই বলেছেন।” (ফাতহ আল মাজিদ)

আহলুস সুন্নাতেৰ ওই তিন মহান ইমাম এবং ইমামুল আযম হযরত আবু হানিফা (রহ.) উক্ত কথাটি মুজতাহিদ নামক মহান উলামার ক্ষেত্রে-ই বলেছিলেন। একজন মুজতাহিদকে তাঁর পাওয়া আয়াত বা হাদীসকে অনুসরণ করতে হয়। তিনি অন্য কোনো মুজতাহিদের ইজতেহাদ কিংবা নিজের ইজতেহাদকেও অনুসরণ করতে পারেন না। কারণ কোনো আয়াত অথবা হাদীসে সুস্পষ্টভাবে প্রমাণিত বিষয়ের ওপর ইজতেহাদ প্রয়োগ করার কোনো অনুমতি নেই।

“আমরা মুজতাহিদ নই, বরং মুকাল্লিদ (অনুসারী)। আমাদের মতো মুকাল্লিদদের জন্যে মুজতাহিদ নামক ফিক্বাহবিদ উলামার কথাই দলিলস্বরূপ। যদি কোনো আয়াত অথবা হাদীস যা আমাদের জ্ঞাত তা তাঁদের কথার সঙ্গে অসামঞ্জস্যপূর্ণ বলে আমাদের মনে হয়, তবে উক্ত আয়াত অথবা হাদীস হতে আমরা যা বুঝি তা অনুসরণ না করাই জরুরী, বরং মুজতাহিদদের কথাকে অনুসরণ করতে হবে। তাঁরা এসব দলিল দেখেননি কিংবা তাঁরা দেখেছিলেন কিন্তু বুঝতে পারেননি, এ ধরনের কথা বলার অনুমতি নেই।” (আল হাদিমী কৃত 'বারিক্বা', পৃষ্ঠা ৩৭৬) ইবনে তাইমিয়া ও তার আনাড়ী শিষ্য ইবনুল কাইয়েম আল জাওযিয়াকে ওহাবীরা মুজতাহিদ মনে করে থাকে। ওহাবীরা তাদের কথার অনুসরণ করে এবং আমাদের দ্বীনের চার মাযহাবের ইমামগণের ইজতেহাদকে অপছন্দ করে। অথচ এই ওহাবী মতাবলম্বী ব্যক্তি-ই স্বীকার করেছে, ‘আমাদের ইমামগণ তাঁদের ইজতেহাদের ভিত্তিস্বরূপ গৃহীত আয়াত ও হাদীসগুলো উদ্ধৃত করে তাঁদের সিদ্ধান্তগুলোও সেগুলোর সঙ্গে লিপিবদ্ধ করেছেন। ওহাবী লোকটি আহলুস সুন্নাহ কর্তৃক তাঁদের ইমামগণের অনুসরণকে আল্লাহর কিতাব প্রত্যখ্যানকারী খৃষ্টান ও ইহুদীদের দ্বারা তাদের পাদ্রী ও দেবতাদের অনুসরণের সমতুল্য করতে চায়। সে এতোই রুঢ় যে, মুসলমানদের সে মুশরিক আখ্যা দিয়েছে। এটা খুবই ভালো হতো যদি ওহাবীরা বুঝতে পারতো যে তারা নিজেরাই মুশরিকে রূপান্তরিত হয়েছে তাদের অঞ্জ অ-মুজতাহিদ নেতাদেরকে অনুসরণ করে, যারা আহলুস সুন্নাতেৰ উলামার মাহাত্ম্য একেবারেই বুঝতে পারে নি।

মুজতাহিদদের দলিলসমূহ মুকাল্লিদদের পক্ষে তালাশ করা এবং দেখা জরুরী নয়। ওহাবি লোকটি এতেও বিশ্বাস করেনা। সে হযরত মুয়ায ইবনে জাবাল (রা.)-কে উদ্দেশ্য করে বলা হাদীসটি উদ্ধৃত করে, যেটা তারই ভ্রান্ত ধারণাকে সমূলে উৎপাটিত করেছে। যেহেতু ওহাবি লোকটির মাতৃভাষা আরাবীতে তার বেশ দখল আছে, সেহেতু তার প্রত্যেকটি কথাকে সঠিক প্রমাণ করার জন্যে সে একই অর্থবোধক বহু আয়াত ও হাদীস উদ্ধৃত করেছে। কিন্তু যেহেতু তার যুক্তি ও বিচার-বিবেচনা অত্যন্ত দুর্বল, সেহেতু সে দেখতে পায়নি যে, তারই পেশকৃত আয়াত এবং হাদীসসমূহ তার বক্তব্যকেই ভ্রান্ত প্রমাণ করেছে। হযরত ইমামুল আযম হযরত আবু হানিফা (রহ.) তাঁর শিষ্যদেরকে উদ্দেশ্য করে যা বলেছেন তা এই ওহাবী মতাবলম্বী ব্যক্তি উদ্ধৃত করে: ‘আমার কথাকে ফেলে কুরআন-হাদীসের অনুসরণ করবো!’ ইমামুল আযম তাঁর শিষ্যদেরকে ওই আদেশ দিয়েছিলেন। এই ওহাবী মতাবলম্বী ব্যক্তি ধরে নিয়েছে যে, সেটা বুঝি আমাদের মতো এবং ইবনে তাইমিয়া, ইবনুল কাইয়েম, মুহাম্মদ আবদুহ, সাইদ কুতুব, রশিদ রেযা এবং মওদুদীর মতো মুকাল্লিদদের ক্ষেত্রেও প্রযোজ্য হবে। অথচ মুকাল্লিদদের উচিত ইমাম আল মাযহাবের বইপত্র পাঠ করে তার অনুগামী হওয়া এবং নাজাতপ্রাপ্ত হওয়া।

‘ফাতহুল মাজীদ’ বইয়ের ৩৯৩ পৃষ্ঠায় এই ওহাবী মতাবলম্বী ব্যক্তি “যদি আপনি মুনাফেকদেরকে আল্লাহ ও তাঁর রাসূলের দিকে আহ্বান করেন, তাহলে তারা মুখ ফিরিয়ে নেয় এবং তারা (আহ্বানে সাড়া দিতে) অগ্রসর

হয়না”- আয়াতটি পেশ করে আহলে সুন্নাহকে মুনাফেকদের সমতুল্য করতে অপচেষ্টা চালায়। সে বলে, “আহলুস সুন্নাহ আয়াত ও হাদিসমূহ হতে মুখ ফিরিয়ে নিয়ে তাদের মাযহাবের ইমামগণের তাকলিদ (অনুসরণ) করে। ফলস্বরূপ তারা মুশরিক হয়ে গিয়েছে।” (ফাতহ আল মাজিদ, পৃঃ ৩৯৩)

এখানেও এই ওহাবী মতাবলম্বী ব্যক্তি আহলুস সুন্নাহের মুসলিমদের গালমন্দ করেছে। যেহেতু আমরা তাদের ভ্রান্তি, মিথ্যা ও কুরআন-হাদিসের বিকৃত তফসীরে বিশ্বাস করিনা; সেহেতু ওহাবীরা দোষারোপ করে যে, আমরা সুন্নীর সঠিক পথ হতে বিচ্যুত হয়েছি। আমরা তাদেরকে বলি: আমরা আয়াত ও হাদীসসমূহ থেকে মুখ ফিরিয়ে নিই না। আমরা সেগুলোকে মান্য করতে পছন্দ করি। কুরআন ও হাদীসের জন্যে আমাদের জীবন কুরবান হোক! আমরা সেগুলোকে অমান্য করি না, বরং তোমাদের দ্বারা সেগুলোর বিকৃত ব্যাখ্যাকে অমান্য করি। তোমরা সেগুলোকে ভুল বুঝেছ এবং গোমরাহীতে নিমজ্জিত হয়েছো। সেগুলোর অর্থসমূহ আহলে সুন্নাহের উলামাবৃন্দ সঠিকভাবে বুঝতে পেরেছিলেন এবং তাঁরা যা বুঝেছিলেন তা তাঁদের বইপত্রে সঠিকভাবে লিপিবদ্ধ করেছিলেন। তাঁরা তা প্রকাশ্যভাবে লিখেছিলেন যা প্রকাশ্যভাবে বিবৃত হয়েছিল; তাঁরা দ্ব্যর্থবোধক মন্তব্যগুলোর ক্ষেত্রে ইজতেহাদের মাধ্যমে যা বুঝেছিলেন তা তাঁরা লিপিবদ্ধ করেছিলেন। আমরা এ সকল মহান উলামা যা উপলদ্ধি ও লিপিবদ্ধ করেছিলেন তাই অনুসরণ করে আসছি। আমরা তোমাদের ভ্রান্ত ব্যাখ্যাগুলো অনুসরণ করে বিচ্যুত হতে চাইনা। আমরা সুন্নীর নই, বরং তোমরা ওহাবীরা-ই কুরআন ও সুন্নাহ হতে মুখ ফিরিয়ে নিয়েছ।

হযরত খাজা হাসান জান ফারুকী সিরহিন্দী (রহ.) তাঁর ফার্সি কিতাব ‘আল উসুল আল আরবায়ী ফী তারদিদ-ইল ওহাবীয়া’-এর ৪র্থ খণ্ডে লিখেছেন:

“শরিয়তের আহকাম (আইন-কানুন) আমাদের মতো সাধারণ মুসলমানদেরকে জানানো হয়েছে উলামা ও সালেহীনদের মাধ্যমে; অর্থাৎ মুহাদ্দিসীন বা হাদীসবিদ উলামা এবং মুজতাহিদগণের মাধ্যমে। মুহাদ্দিসগণ হাদিসসমূহ অধ্যয়ন করে প্রকৃত হাদিসগুলো বেছে নিয়েছেন। আর মুজতাহিদগণ আয়াত ও হাদিসসমূহ থেকে আইন-কানুন বের করেছেন। এ সকল আইন অনুসারেই আমরা আমাদের সকল ইবাদত ও আমল (কর্ম) পালন করে থাকি। যেহেতু নবী কারীম ﷺ-এর সময় হতে বহু পরে আমরা দুনিয়াতে এসেছি, এবং যেহেতু আমরা ‘নাসিখ’ ও ‘মানসুখ’, ‘মুহকাম’, ‘মু’আওয়াল’ এবং পূর্ববর্তী ‘নস’ বা দলিলসমূহের পার্থক্য নির্ণয় করতে পারিনা, এবং যেহেতু সেই সব ‘নস’-কে আমরা চিনতে পারিনা যেগুলো পরস্পরবিরোধী মনে হলেও প্রকৃতপক্ষে সামঞ্জস্যপূর্ণ, সেহেতু আমাদেরকে একজন মুজতাহিদ ইমামের অনুসরণ করতে হবে। কারণ, রাসূলুল্লাহ ﷺ-এর সময় হতে খুব একটা দূরে নয় এমন সময়ের কোনো মুজতাহিদ যিনি তাকওয়াসম্পন্ন বা খোদাতীকর আলেম এবং আইন-কানুন বের করায় পারদর্শী এবং আমাদের চেয়ে হাদিসের অর্থসমূহ ভালো বুঝেছেন, তাঁকে অনুসরণ করা ছাড়া আমাদের আর কোনো উপায় নেই। এমন কি লা-মাযহাবীদের ধারণাকৃত ‘মহান মুজতাহিদ’ ইবনুল কাইয়েম আল জাওয়িয়া পর্যন্ত তার ‘ইলাম আল মক্বিন’ গ্রন্থে লিখেছে যে, মুজতাহিদদের গুণাবলীসম্পন্ন নয় এমন ব্যক্তিদের জন্যে কুরআন-হাদিস থেকে সিদ্ধান্ত নেয়ার কোনো অনুমতি নেই। ‘কেফায়ী’ কিতাবটি বলে: ‘সাধারণ মুসলমান যখন কোনো হাদিস শিক্ষা করে, তখন সে এ হাদিসটি হতে যা বুঝে তার অনুসরণ সে করতে পারেনা; এর কোনো অনুমতি নেই। যে অর্থ উপলদ্ধি করা হয়েছে হয়তো সেটা ভিন্ন অপর কোনো অর্থ আরোপ করতে হতে পারে। অথবা এটা মনসুখ (রহিত)-ও হতে পারে। অথচ, মুজতাহিদগণের ফতোয়া এ

রকম ছিল না। ‘তাহরির’ গ্রন্থের শরাহ (ব্যাখ্যা) ‘তাকরির’-এও একই কথা লেখা হয়েছে, যেটা মনসুখও হতে পারে বলার পর সিদ্ধান্ত নেয় – ‘ফিক্কাহবিদ উলামা যা বলেছেন মুসলমানটিকে তা অনুসরণ করতে হবে।’ ‘আল-ইক্বদুল ফারিদ’ গ্রন্থে ইমাম সৈয়দ আস্-সামছুদী (রহ.) হানাফী মাযহাবের পূর্ববর্তী আলেম ইবনুল হুমাম হতে ইমাম আবু বকর আর্ রাযী (রহ.)-এর কথা রেওয়াজ্যাত করেন, যিনি বলেন, ‘মহান উলামায়ে হক্কানী সর্বতোভাবে ঘোষণা করেছেন যে, সাধারণ মুসলমানদেরকে (সরাসরি) নবি কারীম ﷺ-এর সাহাবাগণের অনুসরণ করা হতে বাধা দিতে হবে এবং সাধারণ মুসলমানগণের উচ্চ পর্ববর্তী প্রজন্মের সেই সকল উলামাবৃন্দের কথার অনুসরণ করা যাঁরা বিশদ ও সুস্পষ্ট ব্যাখ্যা দিয়েছেন তাঁদের বইপত্রে। মুহিববুল্লাহ আল বিহারী আল্ হিন্দুস্তানীর ‘মুসাল্লাম আস্-সুবুত’ গ্রন্থে এবং তার শরাহ/ব্যাখ্যামূলক ‘ফাওয়াজ্যাত-উর-রাহামুত’ পুস্তকে লেখা আছে, ‘মহান উলামা সর্বসম্মতভাবে ঘোষণা করেছেন যে, সাধারণ মুসলমানদেরকে হুযূর ﷺ-এর আসহাবে কেলামের (সরাসরি) অনুগমন হতে বাধা দেয়া উচ্চ এবং তাদের উচ্চ শরিয়তের বিশদ ব্যাখ্যা প্রদানকারী উলামার অনুসরণ করা।’ তাকিই-উদ-দ্বীন উসমান ইবনে আস্-সালাহ আশ্-শাহর আয্ যুরী (৫৭৭-৬৪৩ হিজরী) এই বিষয়ে সিদ্ধান্তে উপনীত হয়েছেন যে, চার ইমাম ছাড়া আর কারোও তাকলিদ মানা বৈধ নয়। ‘শরহে মিনহাজ আল উসুল’ কিতাবে লেখা হয়েছে: ‘ইমামুল হারামাইন তাঁর বুরহান’ পুস্তকে লিখেছেন যে, সাধারণ মুসলমানগণের বেলায় নবী পাক ﷺ-এর সাহাবাগণের মাযহাবের অনুগমন করা উচ্চ নয়। তাদের উচ্চ চার মাযহাবের ইমামগণের অনুসরণ করা।

এটা বোঝা গেল যে, যারা উপর্যুক্ত উলামাগণের ইজমা (ঐকমত্য) মান্য করবে না, তারা গোমরাহ। কারণ, সাহাবা-এ-কেরাম যুদ্ধ ও ইসলাম প্রচার-প্রসারের কাজে ব্যস্ত থাকার দরুন তাফসীর এবং হাদীস বই লেখার সময় পান নি। রাসূলুল্লাহ ﷺ-এর নূর (জ্যোতি) তাঁদের কলবে এমনই বিচ্ছুরিত হয়েছিল যে, তাঁদের আর বইপত্রের মাধ্যমে শিক্ষা করতে হয়নি। ওই নূরের ক্ষমতাবলে তাঁদের প্রত্যেকেই সঠিক পথ প্রাপ্ত হয়েছিলেন। সর্বশ্রেষ্ঠ শতাব্দীর (অর্থাৎ, ১ম হিজরী শতকের) পর জ্ঞান ও মতামতের ক্ষেত্রে মতদ্বৈততা দেখা দেয়। সাহাবায়ে কেরাম ও তাবয়ীনগণ হতে রেওয়াজ্যাতকৃত খবরসমূহ (বর্ণনা) এলোমেলো এবং অসঙ্গতিপূর্ণ হয়ে পড়ে। যাঁরা সঠিক পথের তালাশ করছিলেন তাঁরা বিচলিত হন। রহমতস্বরূপ আল্লাহ তা’আলা এই নেয়ামতপূর্ণ উম্মতদের মধ্য থেকে চারজন বিশুদ্ধ (পুণ্যবান) এবং তাকওয়াসম্পন্ন ইমামকে মনোনীত করেন। তিনি তাঁদেরকে নস হতে আইন-কানুন বের করার গুণাবলী ও যোগ্যতা তাঁরই নেয়ামতস্বরূপ দান করেন। তিনি ঐশীভাবে ইচ্ছে করেন যে, উক্ত চার ইমামকে অনুসরণ করেই মুসলিম উম্মাহ নাজাত (ইহ ও পারলৌকিক মুক্তি) পেতে পারবে। আল্লাহ পাক মুসলমানদেরকে আদেশ করেছেন আয়েম্মা-এ-মযাহীবকে অনুসরণ করতে। এই আদেশটি সূরা নিসার ৫৮ আয়াতে প্রদান করা হয়েছে: ‘হে ঈমানদারেরা! আল্লাহ, তাঁর রাসূল এবং উলিল আমর-দেরকে অনুসরণ করো!’ এখানে ‘উলুল আমর’-এর অর্থ হচ্ছে উলামা যাঁরা মুজতাহিদের পর্যায়ে উন্নীত হয়েছেন; আর এ সকল উলামাই হলেন আমাদের চার মাযহাবের প্রখ্যাত ইমাম চতুষ্টয়। সূরা নিসার ৮২ নং আয়াত সুস্পষ্টভাবে ব্যক্ত করে যে, উপর্যুক্ত আয়াতে চিহ্নিত মহান ‘উলুল আমর’-বৃন্দ হচ্ছেন মুজতাহিদ ইমাম: ‘উলুল আমর হচ্ছেন সেই সকল উলামা, যাঁরা নস হতে আইন-কানুন বের করতে পারেন।’ (আয়াত) কেউ কেউ বলেছে যে, ‘উলুল আমর’ হচ্ছে শাসক বা গভর্নর। যদি তারা বুঝিয়ে থাকে সেই সকল শাসক যাঁরা নস হতে [ইজতেহাদের মাধ্যমে] আইন-কানুন বের করতে পারেন, তাহলে তারা সঠিক। শাসকবর্গ হয়তো উলুল আমর হতে পারেন যদি তাঁরা উলামা হন। কিন্তু মুখুমাত্র শাসক হবার কারণে তাঁরা তা হতে পারেন না [মওদুদী

জামাত মনে করে শাসকদেরকেই উদ্দেশ্য করা হয়েছে – অনুবাদক]। খুলাফায়ে রাশেদীন এবং খলিফা ২য় উমর আলেম ও শাসক ছিলেন। অজ্ঞ, ফাসিক অথবা কাফের শাসকরা তাঁদের মতো হতে পারে না; ওই ধরনের শাসকদের শরীয়ত অসম্মত আদেশগুলো মানা ওয়াজিব নয়। কারণ, একটা হাদিস বলা ফরমায়: ‘কোনো ব্যক্তির উচিত নয় অন্য কারও পাপ সৃষ্টিকারী কথা/আদেশ মান্য করা।’ সূরা লুকমানের ১৫নং আয়াত ঘোষণা করে, ‘যদি তারা তোমার ওপর আমার সঙ্গে কোনো কিছুকে শরীক স্থাপনে শক্তি প্রয়োগ করে যা তুমি জানো না, তবে তাদের এই আদেশ তুমি মান্য করবে না।’ (আয়াত) অতএব, এটা নিশ্চিতভাবে বোঝা গেল যে, ওই ধরনের লোকেরা কোনোক্রমেই ‘উলুল আমর’ হতে পারে না। একটা হাদীসে সুস্পষ্টভাবে ‘উলুল আমর’ সম্পর্কে ব্যাখ্যা দেয়া হয়েছে; আবদুল্লাহ আদ দারিমী রেওয়ায়তকৃত হাদীসটি ঘোষণা করে: ‘ফক্বীহ উলামাই হচ্ছেন ‘উলুল আমর’ (হাদিস)। ইমাম সুয়ুতী (রহ.) তাঁর ‘ইতকান’ শীর্ষক তাফসীর পুস্তকে হযরত আবদুল্লাহ ইবনে আব্বাস (রা.)-এর কথা উদ্ধৃত করেন, যিনি বলেন: ‘উলুল আমর হচ্ছেন ফিক্বাহ ও দ্বীনের আলেমগণ।’ ‘তাফসীর-এ-কাবীর’ শীর্ষক গ্রন্থের ৩য় খণ্ডের ৩৭৫ পৃষ্ঠায়, ‘শরহে মুসলিম’-এর ২য় খণ্ডের ১২৪ পৃষ্ঠায় এবং তাফসীর কিতাব ‘মা’আলিম’ ও ‘নিশাপুর’-এও একই কথা লিপিবদ্ধ রয়েছে। আয়াত, হাদীস এবং তাফসীরসমূহে প্রদত্ত ব্যাখ্যাসমূহ স্পষ্টই প্রতীয়মান করে যে, মুজতাহিদদেরকে অনুসরণ করা অত্যন্ত জরুরী এবং সেগুলো আরও পরিস্ফুট করে যে লা-মায়হাবীদের কথা – ‘আল্লাহ ও রাসূল ﷺ ভিন্ন অন্য কাউকেই মান্য করা শিরক ও বিদআত’ – সম্পূর্ণ ভিত্তিহীন। এ বিষয়ে আরও বহু হাদীস এবং রেওয়য়াত আছে:

(১) ইয়েমেনে বিচারক হিসেবে নিয়োগ করার পর নবী পাক ﷺ হযরত মুয়ায ইবনে জাবাল (রা.)-কে জিজ্ঞাসা করেন কীভাবে তিনি বিচারকার্য পরিচালনা করবেন। হযরত মুয়ায (রা.) উত্তর দেন, ‘আল্লাহর কিতাব অনুযায়ী।’ হুজুর (দ.) এরপর জিজ্ঞাসা করেন, ‘যদি তুমি আল্লাহর কিতাবে (সমাধান) না পাও?’ ‘তবে আমি রাসূলুল্লাহ ﷺ-এর সুন্নাতে খুঁজে দেখবো’ – এই ছিল হযরত মুয়ায (রা.)-এর উত্তর। ‘যদি আমার সুন্নাতেও তা না পাও?’- আবার জিজ্ঞাসা করেন নবী-এ-আকরাম ﷺ। তখন হযরত মুয়ায বিন জাবাল (রা.) উত্তর দেন, ‘আমি আমার ইজতেহাদের মাধ্যমে যা উপলব্ধি করবো তাই অনুসরণ করবো।’ অতঃপর নবী পাক ﷺ তাঁর পবিত্র হাতখানি হযরত মুয়াযের বুকের ওপর রেখে বলেন, ‘আল হামদু লিল্লাহ! আল্লাহ তা’আলা তাঁর রাসূলের রাসূলকে (দূতকে) রাসূলুল্লাহ ﷺ-এর সিদ্ধান্তের (কিংবা স্বীকৃতির) সঙ্গে একমত করে দিয়েছেন।’ আত্ তিরমিযী, আবু দাউদ ও আদ-দারিমী তাঁদের কিতাবসমূহে এই হাদিসটি লিপিবদ্ধ করেছেন। এটা সুস্পষ্টভাবে ইঙ্গিত করে যে, উলুল আমরের অর্থ হচ্ছে মুজতাহিদ এবং আরও ব্যক্ত করে যে, হুজুর ﷺ তাদের প্রতি সন্তুষ্ট আছেন যারা মুজতাহিদদের মান্য করে।

(২) আবু দাউদ, ইবনে মাজাহ রেওয়য়াতকৃত একটি হাদিস বলা ফরমায়: ‘জ্ঞান তিনটি অংশ দ্বারা গঠিত; আল-আয়াত আল-মুহকামা, আস-সুন্নাতে আল-ক্বাইমা এবং আল-ফারিদাত আল-আদীলা!’ মহান মুহাদ্দিস আবদুল হক দেহলভী তাঁর ‘আশিয়াতু লোমআত’ গ্রন্থে এ হাদিসটি ব্যাখ্যাকালে বলেন, ‘আল ফারিদাত আল আদীলা হচ্ছে সেই জ্ঞান যা কুরআন ও সুন্নাতে সঙ্গতিপূর্ণ। এটা ইজমা ও কিয়াসের দিকে ইঙ্গিত করে; কারণ, ইজমা ও কিয়াস কুরআন এবং সুন্নাতে ওপর প্রতিষ্ঠিত এবং সেগুলো কুরআন ও সুন্নাতে হতে নিঃসৃত হয়েছে। অতএব, ইজমা ও কিয়াসকে কিতাব এবং সুন্নাহর পাশাপাশি অনুরূপ উৎস হিসেবে বিবেচনা করা হয়েছে এবং নাম দেয়া হয়েছে ‘আল-ফারিদাত আল-আদীলা’। ফলে, উভয়ের সঙ্গে সঙ্গতিপূর্ণ আমল পালন

করাটা প্রত্যেকের জন্যে ওয়াজিব হিসেবে আদিষ্ট হয়েছে। উপর্যুক্ত হাদিসটি বোঝায় যে, ইসলামের উৎস চারটি, যথা কুরআন, সুন্নাহ, ইজমা ও কিয়াস।’ (‘শরহে মিশকাত’ বা ‘আশিয়াতুল লোম’আত’)

(৩) হযরত উমর ইবনে আল-খাত্তাব (রা.) শূরাইহ্ (রা.)-কে ক্বাযী (বিচারক) হিসেবে নিযুক্ত করে তাঁকে বলেন: ‘কুরআনে যা কিছু সুস্পষ্টভাবে বর্ণিত আছে তার দিকে লক্ষ্য করবে। ওই ধরনের বিষয়ে অন্যান্যদেরকে জিজ্ঞাসা করবে না। যদি তুমি কুরআনে [সমাধান] না পাও, তবে রাসূল ﷺ-এর সুন্নাতে খুঁজবে। যদি তাতেও না পাও, তাহলে ইজতেহাদ প্রয়োগ করে যা উপলব্ধি করবে তাই উত্তরে বলবে।’

(৪) বাদীরাত্তা অভিযোগ নিয়ে এলে খলীফা হযরত আবু বকর সিদ্দিক (রা.) আল্লাহর কিতাবে দৃষ্টিপাত করে লব্ধ জ্ঞানের ভিত্তিতে সিদ্ধান্ত দিতেন। যদি এর ভেতর তিনি উত্তর খুঁজে না পেতেন, তখন তিনি হুযূর ﷺ-এর কাছ থেকে শ্রুত তথ্য দ্বারা সমাধান করতেন। যদি সুন্নাতেও না পেতেন, তবে তিনি সাহাবাগণকে জিজ্ঞাসা করতেন এবং তাদের ইজমা বা ঐকমত্যের ভিত্তিতে সমস্যার সমাধান করতেন।

(৫) যখন হযরত আবদুল্লাহ ইবনে আব্বাস (রা.)-কে বিচারকার্য পরিচালনার জন্যে অনুরোধ করা হতো, তখন তিনি কুরআনে যা পেতেন তার আলোকে সিদ্ধান্ত দিতেন। তিনি তা কুরআনে না পেলে হুযূর ﷺ-এর কাছ থেকে যা শুনেছিলেন তার উদ্ধৃতি দিতেন। যদি তিনি হুযূর ﷺ-এর কাছ থেকে কিছুই না পেতেন, তখন হযরত আবু বকর (রা.) ও হযরত উমর (রা.)-কে জিজ্ঞাসা করতেন। যখন তাঁরাও কোনো উত্তর দিতে অক্ষম হতেন, তখন তিনি নিজেই তাঁর রায় [পর্যবেক্ষণলব্ধ মত] অনুযায়ী সিদ্ধান্তে উপনীত হতেন।

এখন আমরা ব্যাখ্যা করবো যে মুজতাহিদ উলামাকে জিজ্ঞাসা করার মানে হচ্ছে- চার মাসহাবের ইমামচতুষ্টয়কে জিজ্ঞাসা করা। সাহাবাদের সময় হতে পরবর্তী শতাব্দীগুলোতে এবং বর্তমান সময় পর্যন্ত সকল মুসলিম এই চার ইমামকে অনুসরণ (তাকলিদ) করে আসছেন। তাঁদেরকে অনুসরণ করার ব্যাপারে ইজমা হয়ে গিয়েছে। এই এজমা যে সহীহ (সঠিক) তা প্রতিভাত করে নিম্নোক্ত হাদিসসমূহ - ‘আমার উম্মাত দালালাত তথা গোমরাহীর ওপর ইজমা করবে না’; ‘আল্লাহ তা’আলার সন্তুষ্টি হচ্ছে (তোমাদের) ইজমায়;’ এবং ‘যে ব্যক্তি জামাআত হতে বিচ্যুত হয় সে জাহান্নামী।’

চার ইমামকে অনুসরণ করা যে, ওয়াজিব তা প্রমাণকারী দ্বিতীয় দলিলটি হচ্ছে সূরা ইসরা-এর ৭১ নং আয়াত যা ঘোষণা করে: ‘সেই দিন (মাহশর) আমরা (আল্লাহ পাক) প্রত্যেক দলকে তাদের ইমাম বা প্রধানসহ ডাকবো।’ (আল আয়াত) কাযী আল-বায়দাবী (রহ.) এই আয়াতের ব্যাখ্যায় লিখেছেন যে, এর অর্থ হচ্ছে- ‘আমরা প্রত্যেক উম্মাতকে তাদের নবীসহ ডাকবো যাকে তারা ইমাম হিসেবে গ্রহণ করেছিল এবং তাদের সঙ্গেও ডাকবো যাদেরকে তারা দ্বীনের ব্যাপারে অনুসরণ করেছিল।’ ‘মাদারিক’ তফসীর বইতেও একই কথা লেখা হয়েছে। ইমাম আল বাগাবী (রহ.) তাঁর ‘মা’আলিমুত তানযিল’ তফসীর কিতাবে হযরত আবদুল্লাহ ইবনে আব্বাস (রা.)-এর কথা উদ্ধৃত করেন, যিনি বলেন: ‘তাদেরকে ডাকা হবে তাদের শাসকদের সঙ্গে যারা তাদেরকে নাজাত অথবা গোমরাহীর দিকে নিয়ে গিয়েছিল।’ ইমাম বাগাবী একই গ্রন্থে সাইদ ইবনে মুসাইয়াব-এর কথাও উদ্ধৃত করেন, যিনি বলেন: ‘প্রত্যেক ক্বওম (জাতি) তাদের নেতাদের আশপাশে জড়ো হবে, যারা

তাদেরকে ভালোর দিকে কিংবা খারাপের দিকে নিয়ে গিয়েছিল।’ ‘তফসীর-এ-হসাইনী’তে লিপিবদ্ধ আছে যে, তাদেরকে তাদের মাযহাবের ইমামের নামে ডাকা হবে; উদাহরণস্বরূপ, ‘এয়া হানাফী’, ‘এয়া হাম্বলী’ ইত্যাদি। এর থেকে এই সিদ্ধান্তে উপনীত হওয়া যায়, যে সকল ইমাম কামেল এবং মুকাম্মিল তাঁরা তাঁদের অনুসারীদের জন্যে শাফায়াত (সুপারিশ) করবেন। ‘আল মিয়ানুল কুবরা’ পুস্তকে ইমাম শারানী (রহ.) লিখেছেন যে, শাইখুল ইসলাম ইব্রাহিম লাঙ্কানী বেসালপ্রাপ্ত হওয়ার পর কিছু বিশুদ্ধ মুসলমান তাঁকে স্বপ্নে দেখেন এবং তাঁর প্রতি আল্লাহ কী রকম আচরণ করেছেন তা তাঁর কাছে জিজ্ঞাসা করেন; শাইখুল ইসলাম বলেন যে, প্রশ্নকারী ফেরেশতাগণ তাঁকে প্রশ্ন করবার জন্যে যখন বসান, তখন ইমাম মালেক (রা.) সেখানে আগমন করেন এবং বলেন, ‘এই ধরনের ব্যক্তিকে তিনি আল্লাহ ও তাঁর রাসূল ﷺ এ বিশ্বাস করেন কিনা, এ প্রশ্ন করা কি উচিত হবে? তাঁকে একা থাকতে দাও।’ আর সাথে সাথেই ফেরেশতারা তাঁকে ছেড়ে চলে যান। ‘আল মিয়ান’ গ্রন্থে আরও লেখা আছে: ‘তাসাউফের ইমামগণ ও ফিকাহর উলামায়ে কেলাম তাঁদের মান্যকারীদের জন্যে শাফায়াত করবেন। অনুসারীরা যখন তাঁদের রুহগুলো আল্লাহর কাছে সমর্পণ করবেন এবং যখন তাঁরা মুনকার-নাকির ফেরেশতা দু’জন কর্তৃক জিজ্ঞাসিত হবেন এবং যখন পুনরুত্থান ও বিচারকাজ সংঘটিত হবে এবং যখন অনুসারীরা পুল-সিরাতের ওপর থাকবেন, তখন উক্ত ইমামবৃন্দ ও উলামাগণ তাঁদের সঙ্গে থাকবেন। তাঁরা নিজেদের অনুসারীদেরকে ভুলে যাবেন না। যখন তাসাউফের ইমামগণ তাঁদের মুরিদদেরকে বিভিন্ন ভীতিকর স্থানে রক্ষা করবেন, তখন মুজতাহিদ ইমামগণ কি তাঁদের অনুসারীদের রক্ষা করবেন না? এই মুজতাহিদগণ হচ্ছেন আয়েম্মা-এ-মাযাহিব। তাঁরা দুনিয়া (পৃথিবী) ও দ্বীনের জন্যে স্তম্ভস্বরূপ। তাঁরা এই উম্মতের রক্ষাকারী। হে ভ্রাতা, তুমি কতো সৌভাগ্যবান! চার আয়েম্মা-এ-মাযাহিবের মধ্যে যাঁকে ইচ্ছা অনুসরণ করো এবং সুখ অর্জন করো’(হযরত আবদুল ওয়াহাব আশ্ শারানী:‘আল মিয়ানুল কুবরা’)। এটা প্রতীয়মান হলো যে, শেষ বিচারের দিবসে প্রত্যেককে তার মাযহাবের ইমামের নামে ডাকা হবে। সেই ইমাম যিনি একজন মুজতাহিদ এবং তাকওয়া ও ওয়ারাসম্পন্ন আলেম, তিনি তাঁর অনুসারীদের জন্যে অবশ্যই সুপারিশ করবেন। মাযহাবচতুষ্টয়ের চার ইমামের সকলেই এই মহৎ গুণাবলীতে গুণাঙ্কিত। সূরা লুকমানের ১৫নং আয়াতে আল্লাহ তা‘আলা বলেন: ‘আমার দিকে যারা ফিরেছে ক্ষমাপ্রার্থী হয়ে, তাদের পদাঙ্ক অনুসরণ কর’ (আল আয়াত)। এই নেয়ামতপূর্ণ উম্মতের সার্বিক সাক্ষ্য অনুযায়ী, চার মাযহাবের ইমামবৃন্দ ‘ইনাবাত’-এর গুণাবলীসম্পন্ন ছিলেন; অর্থাৎ, তাঁরা ক্ষমাপ্রার্থী হয়ে আল্লাহর দিকে ফিরেছিলেন এবং তাই তাঁদেরকে অনুসরণ করা আমাদের জন্যে ওয়াজিব।

চার মাযহাবের ইমামদেরকে অনুসরণ করার তৃতীয় প্রামাণ্য দলিল হচ্ছে সূরা নিসার ১১৫ নং আয়াত যা-তে ঘোষিত হয়েছে: ‘হেদায়েতের পথের দিক-নির্দেশনাপ্রাপ্ত যে ব্যক্তি রাসূলকে বাধা দিতে উদ্যত হয় এবং ঈমানদারদের পথ হতে বিচ্যুত হয়, তাকে আমরা তার বিচ্যুতির দিকে টানবো এবং ভয়ংকর জাহান্নামে নিক্ষেপ করবো।’ (আল আয়াত) হযরত ইমাম শাফেয়ী (রহ.)-কে জিজ্ঞাসা করা হয় যে, কোন্ আয়াতে প্রমাণ পাওয়া যায় ‘ইজমা একটা উৎস।’ তিনি প্রামাণ্য দলিলের তালাশে তিন’শ বার কুরআন খতম করেন এবং অবশেষে এ আয়াতটি প্রশ্নের জবাব হিসেবে খুঁজে পান। যেহেতু আয়াতটি ঈমানদারদের পথ হতে প্রত্যেককে বিচ্যুত হতে নিষেধ করেছে, সেহেতু এই পথটি অনুসরণ করা ওয়াজিব। তফসীর বই ‘মাদারিক’ এই আয়াতের ব্যাখ্যাশেষে লিখেছে: ‘এই আয়াতটি প্রতিভাত করে যে, ইজমা একটা উৎস এবং ইজমাকে অবজ্ঞা করার কোনো অনুমতি নেই, যেমনটি নেই কোরআন-হাদীসের বেলায়।’ আর তফসীর বই ‘আল বায়দাবী’ আয়াতটির ব্যাখ্যাশেষে

লিখে: ‘আয়াতটি পরিস্ফুট করে যে, ইজমাকে অবজ্ঞা (ইনকার) করা হারাম। যেহেতু ঈমানদারগণের পথ অনুসরণ করা ওয়াজিব।’ এই উম্মতের সুলাহা (পুণ্যবান) ও উলামা বলেছেন যে, একটি মাযহাবের অনুগমন করা ওয়াজিব এবং লা-মাযহাবী হওয়া মহাপাপ। উলামার এই সর্বসম্মতির বিরোধিতা করার অর্থ হচ্ছে আয়াতটি অমান্য করা; কারণ, সূরা আল-ই-ইমরানের ১১০ নং আয়াতে আল্লাহ তা’আলা বলেন: ‘তোমরাই শ্রেষ্ঠ উম্মত যারা মানুষের জন্যে উপকারী হয়ে এসেছ। তোমরা সৎ কাজের আদেশ দেবে, অসৎ কাজে নিষেধ করবে।’ (আয়াত) এই উম্মতের ওলামাবৃন্দ বলেছেন যে, লা-মাযহাবী হওয়া মারাত্মক ভুল এবং মুসলিমগণের লা-মাযহাবী হওয়া উচিত নয়। অতএব, যে ব্যক্তি লা-মাযহাবী হওয়াকে বৈধ মনে করে উলামার আদেশের বরখেলাপ করবে, সে প্রকৃতপক্ষে আয়াতটির-ই অস্বীকার করবে।

**প্রশ্ন:** ওহাবী, ক্বাদিয়ানী ও নিচারীদের মতো লা-মাযহাবীরা কি ঈমানদার? তাদেরকে অনুসরণ করা কি ঈমানদারদের পথকে অনসুরণ করা বোঝায় না?

**উত্তর:** এই সকল লা-মাযহাবীদের আলেমরা ‘আল্-আদিব্লাত্ আশ্-শরীয়াত-এর চারটি উৎসের মাত্র দু’টি অনুসরণ করে থাকে, যা তারা নিজেরা বলেও থাকে। তারা অপর দু’টি উৎসকে প্রত্যাখ্যান করে এবং ফলস্বরূপ অধিকাংশ মুসলিমদের থেকে আলাদা হয়ে গিয়ে আহলুস সুন্নাত ওয়াল জামাআত হতে বিচ্যুত হয়। তাদেরকে অনুসরণ করে কেউ জাহান্নাম হতে রক্ষা পাবে না। রাফেদী, খারেজী, মু’তযিলা, জাবারিয়া ও ক্বাদারিয়া সম্প্রদায়গুলোও দাবি করে যে তারা তাদের আলেমদেরকে অনুসরণ করে থাকে। আমরা লা-মাযহাবীদেরকে ভ্রান্ত প্রমাণ করি একই জবাব দিয়ে, যে জবাব তারা উপর্যুক্ত সম্প্রদায়গুলোকে দিয়ে থাকে।

মাযহাবের অনুসরণ যে ওয়াজিব তার চতুর্থ দালিলিক প্রমাণ হচ্ছে সূরা আন-নহল-এর ৪৩তম এবং সূরা আল-আম্বিয়ার ৭ম আয়াত, যেখানে আল্লাহ পাক ঘোষণা করেন: ‘যদি তোমরা না জানো, তাহলে আহলুয যিকর (যিকর-এর মানুষদের)-কে জিজ্ঞাসা করো।’ (আয়াত) যারা তাদের ইবাদত ও আমল পালনের পদ্ধতি জানে না তাদেরকে এই আয়াতটি আদেশ দেয় তাঁদের শরণাপন্ন হতে যাঁরা তা জানেন। এই আয়াতে আদেশ দেয়া হয়েছে: (১) জিজ্ঞাসা করে শিখতে; (২) দ্বীনি ব্যাপারে অজ্ঞ অথবা যাকে তাকে নয়, বরং উলামাকে জিজ্ঞাসা করতে; এবং (৩) যা অজ্ঞাত তা জিজ্ঞাসা করতে। অতএব, যখন কেউ কুরআন-হাদীস হতে তার সমস্যার সমাধান খুঁজে না পায়, তখন তার উচিত নিজ মাযহাবের মুজতাহিদকে জিজ্ঞাসা করে (কিংবা তাঁর অনুসারী কোনো আলেমের বইপত্র পড়ে) শিক্ষা করা। যদি কেউ তাঁকে জিজ্ঞাসা করে এবং তাঁর কাছ থেকে প্রাপ্ত শিক্ষানুযায়ী আমল করে, তাহলে সে তাঁকেই অনুসরণ (তাক্বলিদ) করবে। যদি সে ওই মুজতাহিদের কাছে জিজ্ঞাসা না করে অথবা তাঁর কথা অমান্য কিংবা অস্বীকার করে, তবে সে লা-মাযহাবী হয়ে যাবে।

আয়াতোক্ত ‘আহল আয যিকর’ কারা? তাঁরা কি চার মাযহাবের ইমামগণ নাকি ধর্মীয় পদে সমাসীন অজ্ঞ ব্যক্তিবর্গ? এর উত্তর রয়েছে একটা হাদীসে, যেটা রেওয়াজাত করেছেন ইবনে মারদাওয়াই আবু বকর আহমদ, হযরত আনাস বিন মালিক (রা.) হতে গ্রহণ করে। নবি কারীম ﷺ বলা করেন: ‘একজন লোক নামায, রোযা, হজ্জ, গযওয়া (জেহাদ) সবই পালন করতে পারে, কিন্তু সে হয়তো মুনাফেকও হতে পারে।’ তাঁকে জিজ্ঞাসা করা হয়, ‘এয়া রাসূলুল্লাহ ﷺ! কোথা থেকে এই মুনাফেকী আসতে পারে?’ নবী কারীম ﷺ বলেন: ‘সে

মুনাফেক্ক, কারণ সে তার ইমামকে ঘৃণা ও অপছন্দ করে। তার ইমাম একজন আহলুয যিকর' (আল হাদীস)। এর থেকে সিদ্ধান্তে উপনীত হওয়া যায় যে, আহলুয যিকর অর্থ উলুল আমর, যা উপর্যুক্ত দলিলে খোলাসাভাবে বয়ান করা হয়েছে। সহিহ তাফসীরসমূহ অনুসারে উলুল আমর হচ্ছেন উলামা আর রাসিখিন (সূফী-বুয়ূর্গবুন্দ) এবং চার আয়েম্মা-এ-মাযাহীব। নিম্নোক্ত আয়াতগুলো মাযহাবের চার ইমামের মাহাত্ম্য সম্পর্কে ধারণা দেয়: 'শুধুমাত্র আক্বল-এর অধিকারীরাই বুঝতে পারে' এবং 'হে আক্বলের অধিকারীরা, শিক্ষা গ্রহণ করো।' অজ্ঞ ও গোমরাহ ধর্মীয় পদে সমাসীন ব্যক্তিবর্গ যারা যুহদ ও তাকওয়াসম্পন্ন আল্লাহ-ওয়ালাদের কাছ থেকে ফায়েয অর্জন করতে পারে নি এবং যারা কিছু আরাবী ও ফারসী শিখেই নিজেদের সংকীর্ণ মস্তিষ্ক দ্বারা কুরআন-হাদীসের ব্যাখ্যা করতে সচেষ্ট, তারা মাযহাবের চার ইমামের গুণাবলী অর্জন করা হতে বহু দূরে অবস্থান করছে। এই সব লা-মাযহাবীরা-ই হচ্ছে সেই সকল গোমরাহ, যাদেরকে হাদীসসমূহে উল্লেখ করা হয়েছে: 'যারা তাফসীরের জ্ঞান না থাকা সত্ত্বেও মনগড়া তফসীর করবে, তারা জাহান্নামকে নিজেদের ঠিকানা বানিয়ে নেবে'; এবং 'এমন একটি সময় আসবে যখন (পৃথিবীতে) কোনো ইসলামী আলেম আর বিরাজ করবেন না; ওই সময় অজ্ঞরা ধর্মীয় পদে সমাসীন হবে এবং না জেনেই ফতোয়া জারি করবে। তারা সঠিক পথের ওপর থাকবে না, ফলে সবাইকে সঠিক পথ হতে বিচ্যুত করবে।' (হাদীস) মিশকাত শরীফে লিপিবদ্ধ আছে, হযরত জাবির (রা.) রেওয়য়াত করেছেন যে, একবার তাঁর বন্ধুদের মধ্যে একজন একটি সফরকালে মাথায় আঘাত পেয়ে গুরুতর আহত হন। তিনি তাঁর সহচরদেরকে জিজ্ঞাসা করেন একটি তাবিজ লাগানো জায়েয হবে কিনা [কুরআনের আয়াতসম্বলিত তাবিজ]। তাঁকে বলা হয় তা জায়েয হবে না, বরং তাঁর মাথা ধুয়ে ফেলা উচিত হবে; তাঁর বন্ধুরা তাঁর মাথা ধুয়ে দেয় এবং তিনি মারা যান। মদীনা আগমনের সঙ্গে সঙ্গে নবী-এ-মকবুল ﷺ-কে সম্পূর্ণ ঘটনা জানানো হয়, যিনি ঘোষণা করেন: 'তারা তার মৃত্যু ঘটিয়েছে। আল্লাহ তা'আলা যেন তাদের মৃত্যু ঘটান। যা তারা জানে না, তা কেন তারা জিজ্ঞাসা করে নি? অজ্ঞতার ওষুধ নিহিত রয়েছে প্রশ্ন করে জ্ঞান অর্জনের মধ্যে।' (হাদীস) ওই সকল সাহাবী যাঁরা আরও অধিক জ্ঞানীদের জিজ্ঞাসা না করে নিজেরাই সিদ্ধান্ত নিয়েছিলেন, তাদেরকে যখন ভৎসনা করা হয়েছে এই বলে 'আল্লাহ তা'আলা যেন তাদের মৃত্যু ঘটান', তখন ওই সকল সমসাময়িককালের লোকদের সম্পর্কে কী বলা উচিত যারা ধর্মীয় পদে আসীন এবং যারা ইসলামী উলামার বইপত্র না পড়েই নিজেদের শূন্য মস্তিষ্ক ও সংকীর্ণ দৃষ্টিভঙ্গি দ্বারা কুরআন-হাদীসের ব্যাখ্যা করতে সচেষ্ট এবং ফলস্বরূপ মুসলিমদের দ্বীন ও ঈমান ধ্বংস করতে উদ্যত? তাদেরকে দ্বীন ও ঈমানের তরুর বলা-ই সঠিক হবে। আল্লাহ তা'আলা ওই ধরণের দ্বীনের চোরদের থেকে আমাদেরকে রক্ষা করুন, আমিন! ইবনে সিরিন বলেন, 'তোমরা দ্বীন সম্পর্কে যার থেকে শিক্ষা গ্রহণ করো, তার ব্যাপারে সতর্ক হও!' হযরত আবু মুসা আল-আশআরী (রা.), যদিও তিনি সাহাবাগণের মধ্যে বিশিষ্ট একজন সাহাবী ছিলেন, তবুও যখন তাঁকে হযরত আবদুল্লাহ ইবনে মাসউদ (রা.)-এর উপস্থিতিতে ফতোয়া জারি করার জন্যে বলা হতো, তখন তিনি ইতস্ততঃ করতেন এবং বলতেন: 'এই জ্ঞানের সাগরের সামনে আমাকে অনুরোধ করা তোমাদের উচিত নয়।' এর কারণ হচ্ছে হযরত আবদুল্লাহ ইবনে মাসউদ (রা.) হযরত মুসা আশআরী (রা.) হতে অধিক জ্ঞানী এবং ফিক্বাহ শাস্ত্রে আরও বড় আলেম ছিলেন। ইমাম শাফেয়ী একজন মহান আলেম হওয়া সত্ত্বেও ফজরের নামাযে সব সময়ই কুনুত দোয়াটি বর্জন করতেন এবং ইমামুল আযম হযরত আবু হানিফা (রহ.)-এর মাযার শরীফ যিয়ারতকালে সর্বদা রুকুর পর হাত উত্তোলন করা হতে বিরত থাকতেন। তাঁকে এর কারণ জিজ্ঞেস করা হলে তিনি উত্তর দেন, 'এই মহান ইমামের প্রতি আমার শ্রদ্ধাবোধ আমাকে তাঁর উপস্থিতিতে তাঁরই ইজতেহাদের পরিপন্থী কোনো কাজ করায় বাধা দেয়।' আল-ইমামুল আযম কতো বড় আলেম ছিলেন। তাঁর মাহাত্ম্য বুঝতে হলে

প্রত্যেককে মহান আলেম ইমাম শাফেয়ী (রহ.)-এর মতো হতে হবে। তিনি জানতেন, ইমামুল আযম তাঁর মাযার শরীফে জীবিতাবস্থায় আছেন এবং তাই তাঁর মাযহাবের সাথে অসঙ্গতিপূর্ণ কোনো কাজ তিনি করেন নি। সত্যি এ সকল মহান ইমাম-ই ইসলামী ফিক্বাহের বিশারদ ছিলেন। তাঁরা ইমাম বুখারী (রহ.) বর্ণিত নিম্নোক্ত হাদীসে ঘোষিত শুভফলের ভোগকারী হয়েছেন: ‘যদি আল্লাহ তাঁর কোনো বান্দার কল্যাণ চান, তবে তিনি তাকে একজন ফক্বীহ বানিয়ে দেন।’ (হাদীস)

সংক্ষেপে, শরীয়তের আইন-কানুন ফিক্বাহবিদ উলামা অথবা মাযহাবের ইমামবৃন্দ হতে শিক্ষা করা উচিত। হাদীস অথবা তাফসীরসমূহ থেকে কারোরই সরাসরি শেখা উচিত নয়। ‘প্রত্যেক ব্যক্তিকেই একটি (বিশেষ) কাজ করার জন্যে সৃষ্টি করার হয়েছে’- হাদীসটি আমাদের কথার সপক্ষে প্রামাণ্য দলিলস্বরূপ। মুহাদ্দীস উলামাকে সৃষ্টি করা হয়েছিল হাদীসশাস্ত্র অধ্যয়ন করে সহিহ হাদীসগুলোকে বেছে নেবার জন্যে, আর তাফসীরবিদ উলামাকে সৃষ্টি করা হয়েছিল কোরআনের অর্থ অবহিত করানোর জন্যে। তাঁদের সবাই দায়িত্ব পালন করতে যেয়ে কঠোর পরিশ্রম করেন এবং লক্ষ্য অর্জন করেন। ফিক্বাহবিদ উলামাকে সৃষ্টি করা হয়েছিল কুরআন-হাদীসের নস-সমূহ থেকে আইন-কানুন বের করার জন্যে। এই সকল মহান উলামা ধর্মীয় জ্ঞান-পর্বতের চূড়ায় আরোহণ করেন এবং আমাদের মতো অজ্ঞদের দায়িত্বকে সহজ করে দেন। আল্লাহ-প্রদত্ত সুগভীর জ্ঞান ও তাকওয়া-পরহেযগারী দ্বারা তাঁরা সেই সব ‘নস’-কে সঙ্গতিপূর্ণ করেন, যেগুলো ছিল দৃশ্যতঃ অসামঞ্জস্যপূর্ণ এবং তাঁরা ‘মুআওয়াল’ (দ্ব্যর্থক) থেকে ‘মোহকাম’(সুস্পষ্ট)গুলো এবং পূর্ববর্তীগুলো হতে পরবর্তীগুলোকে এবং ‘নাসিখ’ (রহিতকারী) হতে ‘মনসুখ’ (রহিত)গুলোকে পৃথক করে দেন। ফলে এই নেয়ামতপ্রাপ্ত উম্মাতের সকলেই এ সকল মহান ইমামের অনুগামী হওয়ার ব্যাপারে একতাবদ্ধ হয়েছেন, আর এই মর্মে বিশ্বাস পোষণ করেছেন যে, তাঁদের পদাঙ্ক অনুসরণ করাটাই হচ্ছে শরীয়তের চাবিকাঠি। সকল আলেম, ফাজিল, সুলাহা, মুত্তাকী (আল্লাহর ভয়ে ভীত তথা পরহেযগার ব্যক্তি), আউলিয়া, কুতুব, আওতাদ এবং যাঁরা আল্লাহর পথে ছিলেন ও নবী পাক ﷺ-কে ভালোবেসেছিলেন, তাঁরা সকলেই শরীয়তের এ মহান ইমামগণের কাছে আত্মসমর্পণ করেছিলেন। মুহাদ্দীস-উলামা, তাফসীর-বিশেষজ্ঞ ও ফিক্বাহের মহান মুজতাহিদ ইমামগণের লেখনীসমূহের সামগ্রিক সংকলনেই গঠিত হয়েছে ‘শরীয়ত আল-মুহাম্মদীয়া’। ইসলামের এ সকল মহান উলামার অনুসারী হওয়া আমাদের মতো অজ্ঞ এবং অ-নেয়ামতপ্রাপ্ত লোকদের জন্যে ওয়াজিব। এই মহান ইমামগণ যে পথ দেখিয়েছেন, সেটাই হলো মুক্তির একমাত্র পথ। যারা এ পথ অনুসরণ করবে একমাত্র তারাই মুক্তি অর্জন করবে। আর যে লোকেরা নিজেদের নফসের অনুগামী হয়ে নিজেদের উপলব্ধি অনুযায়ী কুরআন হতে অর্থ বের করবে এবং নিজেদের কু-মতলবযুক্ত অর্থসমূহ হাদীসসমূহের প্রতি আরোপ করবে, তাদেরকে যারা অনুসরণ করবে তারা ধ্বংসপ্রাপ্ত হবে। সূরা আনআমের ৯০ আয়াত বলা করে: ‘আল্লাহ তাদেরকে সঠিক পথের দিকে হেদায়াত করেছেন, তাই তাদের পথনির্দেশনা অনুসরণ করো’ (আল আয়াত)। যাঁরা হেদায়াতপ্রাপ্ত হয়েছেন তাঁরা লা-মাযহাবী ছিলেন না, বরং মাযহাবের মহান ইমাম ছিলেন।

**প্রশ্ন:** ‘আমি এখন বিশ্বাস করি যে, ‘উলুল আমর’ যাঁদেরকে মান্য করতে আমরা আদিষ্ট হয়েছি, তাঁরা সবাই মুজতাহিদ ইমাম এবং আহলুয যিকরও তাঁরাই এবং তাঁদেরকে অনুসরণ করা ওয়াজিব। তাঁদের একজনকে নাকি সকলকেই কোনো ব্যক্তির অনুসরণ করা উচিত তা একটু ব্যাখ্যা করবেন কি? চারজনের যে কারও মাযহাব অনুযায়ী একটি কাজ করা কি যথেষ্ট নয়?’

**উত্তর:** যেহেতু বহু বিষয়ে চার ইমামের ইজতেহাদসমূহ পরস্পরবিরোধী, সেহেতু একই সময়ে দুই, তিন কিংবা চার ইমামকে অনুসরণ করা সম্ভব নয়। যে বিষয়টি একজন ইমাম ওয়াজিব মনে করেছেন, অপর একজন হয়তো তা হারাম মনে করেছেন। উদাহরণস্বরূপ, ইমামুল আযমের মতে চামড়াতে রক্তক্ষরণ ওয়ু ভেঙ্গে দেয়, আর ইমাম শাফেয়ীর মতে ভাঙ্গে না। ইমাম শাফেয়ী বলেছেন যে, যদি কোনো পুরুষের চামড়া কোনো মহিলার চামড়াকে স্পর্শ করে, তবে উভয়েরই ওয়ু ভেঙ্গে যাবে; কিন্তু ইমামুল আযমের মতে তা ভাঙ্গবে না। ইমাম মালেক ও ইমাম আহমদ ইবনে হাম্বলের মধ্যেও অনুরূপ বহু মতানৈক্য রয়েছে। ধরা যাক, যদি কেউ ওই ধরনের বিতর্কিত বিষয়ে ইমামে আযমকে অনুসরণ করে, তাহলে অপর কোনো ইমামকে অনুসরণ করতে সক্ষম হবে না। যদি সে অন্য কোনো ইমামের অনুগামী হয়, তবে সে ইমামুল আযমকে অনুসরণ করতে পারছেন। ওই ধরনের বিষয়ে চারজন ইমামকে একযোগে অনুসরণ করা অসম্ভব। তাছাড়া, আরও বহু বিষয় আছে যেগুলোতে একই সময়ে তিনজন কিংবা দইজন ইমামকে অনুসরণ করাও সম্ভব নয়; একজন ইমামকে অনুসরণ করেই শুধুমাত্র ওই সব বিষয় সমাধা করা উচিত।

**প্রশ্ন:** ‘যদি আমরা কিছু আমল একজন ইমামের অনুসরণে পালন করি, কিছু আমল দ্বিতীয় এবং কিছু আমল তৃতীয় এবং আরও কিছু আমল চতুর্থ ইমামের অনুসরণে পালন করি, তবে তো আমরা চার ইমামের সবারই অনুগামী হলাম। এই ধরনের আচরণের ব্যাপারে আপনার মতামত কী?’

**উত্তর:** এই ধরনের আচরণ ইসলামের সঙ্গে তামাশা করারই নামান্তর, যা একেবারেই নিষিদ্ধ (হারাম)। সহিহ মুসলিম শরীফে লিপিবদ্ধ একটি হাদিস ঘোষণা করে: ‘একজন মুনাফেক হচ্ছে দুইটি মদ্রা ভেড়ার মধ্যে একটি মাদী ভেড়ার মতো। সে এক ভেড়া থেকে অপর ভেড়ার দিকে বারবার ঘুরাফেরা করে।’ (আল হাদিস) সহিহ বুখারী শরীফে লিপিবদ্ধ অপর এক হাদিস ঘোষণা করে: ‘বদমায়েশ মানুষেরা হচ্ছে তারা যারা দু’মুখে। তারা একটি মুখ কিছু লোককে প্রদর্শন করে এবং অপর মুখটি অন্যদেরকে দেখায়।’ (হাদিস) এ সকল লোকদের সম্পর্কে উদ্ধৃতি দেয়া আছে সূরা তাওবার ৩৮ নং আয়াতে, যেটা ঘোষণা করে: ‘নাসি (একটি পবিত্র মাস উদযাপনকে স্থগিতকরণ) মাত্রাতিরিক্ত কুফরের জন্ম দেয় যার ফলে কাফেররা বিচ্যুত হয়। তারা কোনো এক বছরে এক মাস অনুমতি দেয়, অন্য বছরে নিষেধ করে।’ (আয়াত)

ইবনে হুমামের ‘তাহরির উল-উসুল’, ইবনুল হাজিবের ‘মুখতাসার আল-উসুল’ এবং ‘দুররোল মুখতার’ কিতাবে লেখা আছে যে, একটি কাজ কোনো মাযহাব অনুসারে সমাধা করে সেই মাযহাবের তরকলিদ বন্ধ করে দেয়া সর্বসম্মত ঘোষণানুযায়ী নিষিদ্ধ। ‘বাহর উর-রাইক’ গ্রন্থটি বলে: ‘যে ব্যক্তি ইমামুল আযমকে অনুসরণ করে, তার জন্যে হানাফী মাযহাবের অনুগামী হওয়া ওয়াজিব। অন্য মাযহাব অনুযায়ী আমল করার অনুমতি তার নেই। মহান আলেম কাসিমের কথানুসারে এটা সর্বসম্মত মত যে, কোনো ব্যক্তি যে মাযহাবের অনুগামী, সেই মাযহাব পরিত্যাগ করার অনুমতি তার নেই।’ ‘মুসাল্লাম উস-সুবুত’ পুস্তকে লিপিবদ্ধ আছে: ‘যে ব্যক্তি মুতলাক (স্বয়ংসম্পূর্ণ) মুজতাহিদ নয়, সে যদি একজন আলেমও হয়, তবুও তাকে একজন মুতলাক মুজতাহিদের (ইমামুল মাযহাবের) অনুগামী হতে হবে।’

ইমাম আবদুল ওয়াহহাব শারানী তাঁর ‘আল মিয়ানুল কুবরা’ গ্রন্থের ২৪ পৃষ্ঠায় লিখেছেন, ‘যে আলেম আইনুল-উলা অর্জন করে নি, তার জন্যে চার মাযহাবের যে কোনো একটির অনুগামী হওয়া ওয়াজিব। যদি সে তা না করে, তবে সে নিজে সঠিক পথ হতে বিচ্যুত হবে এবং অন্যদেরকেও বিচ্যুত করবে।’

ইবনে আবেদীন তাঁর ‘রাদ্দুল মুখতার’পুস্তকের ২৮৩ পৃষ্ঠায় লিখেছেন: ‘আমী (সাধারণ লোক)’র জন্যে তার নিজের মাযহাব পরিবর্তন করা বৈধ নয়। তাঁকে (চার মাযহাবের মধ্যে) পছন্দনীয় কোনো একটি মাযহাবের পায়রবী/আনুগত্য করতে হবে।’ আমী হচ্ছেন একজন মুসলিম যিনি মুজতাহিদ নন (অর্থাৎ, তিনি একজন মুকাল্লিদ)।

শাহ্ ওয়ালীউল্লাহ দেহলভী নিজ ‘আল ইক্বদ আল জাইয়েদ’ পুস্তকে লিখেছেন: ‘যে ব্যক্তি কোনো ধর্মীয় পদে অধিষ্ঠিত আছে, অথচ যে নাকি ইজতেহাদের পর্যায়ে উপনীত হয় নি, তার পক্ষে একটি হাদীস হতে সে যা বোঝে সেই অনুযায়ী আমল করা বৈধ নয় – যেহেতু সে মানসুখ, মু’আওয়াল কিংবা মুহকাম হাদীসকে পৃথকভাবে চিনতে অক্ষম।’ ইবনে হাজিবের ‘মুখতাসার’ কিতাবেও একই কথা লেখা আছে। শাহ্ ওয়ালীউল্লাহ তাঁর ‘ফুইউদ-উল-হারামাইন’ গ্রন্থে আবারও লিখেছেন, ‘হানাফী মাযহাবই সবচেয়ে মূল্যবান। সহিহ বুখারীতে বিবৃত নবী পাক ﷺ-এর সুন্নাতের সঙ্গে সবচেয়ে ভালো খাপ খায় এই মাযহাবটি।’

হযরত দাতা গনজে বখশ-এ-লাহোরী (রহ.) তাঁর ‘আল কাশফুল মাহজুব’ কিতাবে লিখেছেন যে, ইয়াহইয়া মু’য়ায আর্-রাযী (রহ.) স্বপ্নে হুজুর পাক ﷺ-কে দেখে তাঁকে জিজ্ঞাসা করেন, ‘এয়া রাসূলাল্লাহ! আপনাকে কোথায় পাবো?’ রাসূলে-এ-কারীম ﷺ বলেন, ‘আবু হানিফার মাযহাবে!’

ইবনে হুমানের ‘তাহরির’ পুস্তকটিতে লিপিবদ্ধ আছে: ‘এটা সর্বসম্মত যে, একজন ব্যক্তি যে মাযহাব অনুসরণ করে অথবা যে মাযহাব অনুযায়ী সে আমল করা শুরু করেছে, তাঁর জন্যে সেই মাযহাব পরিত্যাগের অনুমতি নেই।’

মাওলানা আবদুস সালাম তাঁর কৃত ‘শরহে জাওহার’ গ্রন্থে লিখেন, ‘যে ব্যক্তি ইজতেহাদ দ্বারা বের করা কোনো এবাদতে এবং আমলে চার মাযহাবের যে কোনো একটির তাকলিদ (অনুসরণ) করে, সে প্রকৃতপক্ষে আল্লাহর আদেশের সঙ্গে সঙ্গতিপূর্ণতা রক্ষা করেই তা পালন করে থাকে।’

ইমামে রাব্বানী আহমদ আল-ফারুকী আস্-সিরহিন্দী (রহ.) তাঁর প্রণীত ‘মাবদা’ওয়া মা’আদ’ কিতাবে বলা করেন: ‘আল্লাহ তা’আলা এই ফকিরকে জানিয়েছেন যে, হানাফী মাযহাব অনুযায়ী জামাআতে ইমামের পেছনে কেরআত না পড়াই সঠিক।’

শাহ্ আবদুল আযীয দেহলভী ‘আল্লাহর সঙ্গে কাউকে শরীক করবে না’- আয়াতটি ব্যাখ্যাকালে ঘোষণা করেন, ‘মানুষের উচিৎ হয় ধরণের ব্যক্তিকে মান্য করা: জ্ঞান-এ-শরিয়তের মুজতাহিদগণ, মাশায়েখ আল তুরুফ আল আলীয়া..... (সরল-সঠিক পথের মাশায়েখগণ)।’

হযরত ইমাম আল গাযফালী (রহ.) তাঁর ‘কিমইয়া আস্ সায়াদা’ গ্রন্থে ‘আল আমর বিল মারুফ’ সম্পর্কে আলোচনাকালে বলেন, ‘কোনো আলেমই কাউকে তার মান্যকৃত মাযহাবের সঙ্গে অসঙ্গতিপূর্ণ কোনো কাজ করবার অনুমতি দেননি।’

শাহ আবদুল হক দেহলভী (রহ.) তাঁর কৃত ‘সফর আস্-সায়াদা’ গ্রন্থে বলেন, ‘দ্বীন ইসলামের ইমারতটি এই চার স্তরের (চার মাযহাব) ওপর প্রতিষ্ঠিত। যে ব্যক্তি এ সব পথের (মাযহাবের) একটিকে অনুসরণ করেছে এবং এসব দরজার একটিকে খুলেছে, সে যদি অন্য পথে সরে যেতে চায় এবং অন্য আরেকটি দরজা খুলবার আশা করে (অর্থাৎ, মাযহাব পরিবর্তন), তাহলে সে একটি অবাস্তব খেলায় নিজেকে জড়াতে উদ্যত হবে। সে তাঁর বিষয়সমূহের সামঞ্জস্য উলট-পালট করে দেবে এবং সঠিক পথ হতে বিচ্যুত হবে।’ একই কিতাবে আরো লেখা আছে: ‘চার মাযহাবের যে কোনো একটার অনুসরণ করাটা উলামাগণের একটা ইজমা বিশেষ এবং এটা শেষ জমানার (বর্তমানকালের) মুসলিমদের (নাজাতের) জন্যে সর্বশ্রেষ্ঠ পথ। এর ফলেই দ্বিনী ও দুনিয়াবী রীতি-নীতি বজায় রাখা যায়। প্রত্যেকেই তার পছন্দনুযায়ী মাযহাবের অনুসরণ করে; একটি মাযহাবকে কিছুকাল অনুসরণ করে কোনো ব্যক্তি যদি মাযহাব পরিবর্তন করে, তবে এই কাজের দরুন প্রতিভাত হবে যে, সে তার পূর্ববর্তী মাযহাবের ওপর আস্থা রাখতো না, এবং এটা আমলসমূহ ও কথাকে বরবাদ এবং অসঙ্গতিপূর্ণ করে দেয়। পরবর্তীকালের ইসলামী উলামা এর ওপর একমত হয়েছেন। এটাই সত্য। ফায়দা এর মধ্যেই নিহিত।’ (সফর আস্-সায়াদা)

ইমাম আল-কুহিস্তানী (রহ.) তাঁর ‘শরহে মুখতাসার আল-উইক্বায়া’ গ্রন্থে লিখেছেন (কিতাবুল আশরিবা-এর পূর্বে) ‘মু’তামিলাদের মতো যারা বিশ্বাস করেছে যে হাক্ক (বাস্তব) বিভিন্ন রকম হতে পারে (অর্থাৎ, বিভিন্ন পরস্পরবিরোধী ইজতেহাদ আল্লাহর দৃষ্টিতে মক্কবুল), তারা বলেছে যে, সর্বসাধারণ তার পছন্দ অনুযায়ী মাযহাবসমূহের তালফিক (সংমিশ্রণ) করতে পারে (অনুমতি প্রাপ্ত)। আহলুস সুন্নাতে উলামা বলেছেন যে, সত্য কখনো বিভিন্ন রকম হতে পারে না এবং তাই সাধারণলোককে শুধু একজন ইমামের অনুগামী হতে হবে। এ বিষয়টির বিশদ ব্যাখ্যা রয়েছে আল-কাশফ পুস্তকে। যে ব্যক্তি সবগুলো মাযহাবের বৈধ সকল বিষয়গুলো পালন করে, সে একজন ফাসিক (পাপিষ্ঠ); এটা খোলাসাভাবে বয়ান করা হয়েছে সাইদ ইবনে মাসউদ-এর শরহে তাহাবী গ্রন্থে।’ (ইমাম কুহিস্তানী)

**প্রশ্ন:** ‘একজন মুসলিম যিনি বিশ্বাস করেন যে, মাযহাবসমূহের তালফিক করাটা ইসলামের সঙ্গে ঠাট্টা করার মতোই ব্যাপার এবং মাযহাব পরিবর্তনের কোনো অনুমতি নেই, তাঁর কি এ কথা বলা উচিত হবে যে, তিনিই সঠিক মহাবাবের অনুসারী?’

**উত্তর:** প্রত্যেক মাযহাবের অনুসারীদের জন্যে এই ধরনের কথা বলার সপক্ষে প্রামাণ্য দলিল আছে। আমরা নিম্নোক্ত প্রশ্নসমূহ পেশ করে দেখাবো যে, আমাদের হানাফী মাযহাব অনুসরণ করাই সর্বোত্তম –

চার আয়েম্মা আল মাযাহীবগণের মধ্যে হযরত ইমামুল আযম আবু হানিফা (রহ.)-ই সাহাবাগণের যুগের নিকটবর্তী সময়ের এবং তিনিই সবচেয়ে বেশি জ্ঞানী ফিক্বাহবিদ ও অধিক তাকওয়াসম্পন্ন ছিলেন। শাফেয়ী

হওয়া সত্ত্বেও ইমাম শারানী (রহ.) তাঁর সম্পর্কে সত্যটি লিখেছেন: ‘কারও উচিত নয় তাঁর কুৎসা রটনা করা, কারণ চারজন ইমামের মধ্যে তিনিই সর্বশ্রেষ্ঠ এবং তিনিই সর্বপ্রথম মাযহাবের স্থপতি; তাঁর দলিলসমূহ নবী কারীম ﷺ-এর দলিলগুলোর সর্বাপেক্ষা অনুরূপ এবং তিনিই সাহাবা-এ-কেরাম ও তাবয়ীনগণের জীবনধারণ পদ্ধতি সবচেয়ে বেশি দেখেছিলেন। তাঁর প্রত্যেক কথাই কোরআন-হাদীসের ওপর প্রতিষ্ঠিত। তিনি নিজের মতামত অনুযায়ী কোনো কথাই বলেন নি।’ এই মহান ইমাম ও তাঁর অনুগামীদের প্রতি কিছু আলেম কর্তৃক ‘আসহাব-ই-রায়’ (মতামত প্রদানকারী ব্যক্তিবর্গ) নামক সংজ্ঞা আরোপ সত্যি অযৌক্তিক; অথচ এই মহান ইমামকে মহান আলেম আবদুল ওয়াহহাব আশ্ শারানী খেতাব দিয়েছেন ‘রাব্বানী আলেম’ এবং লিখেছেন যে, ‘ইমামুল আযম নিজের অভিমত হতে কোনো কথাই বলেন নি। আল্লাহ তা’আলা ওই ফিক্বাহবিদদেরকে ক্ষমা করে দিন যারা না জেনে এ ধরণের উক্তি করেছেন।’

শাফেয়ী মাযহাবের স্বনামধন্য আলেম ইমাম ইবনে হাজর আল-মক্কী (রহ.) ইমামুল আযম সম্পর্কে একটি বিশেষ কিতাব রচনা করেন, যার নাম ‘আল খাইরাতুল হিসান ফী মানাক্বিবিন নুমান’। এই বইটি দ্বীনী ব্যক্তিদের কাছে অত্যন্ত সুখ্যাত।

হানাফী আলেম সাইয়েদ ইবনে আবেদীন শামী (রহ.) তাঁর বিখ্যাত ‘রাদ্দুল মুখতার’ গ্রন্থে লিখেছেন: ‘ইমামুল আযমের শ্রেষ্ঠত্ব প্রতীয়মানকারী সবচেয়ে সুস্পষ্ট প্রমাণ হচ্ছে এই যে, তাঁর মাযহাবই সবচেয়ে বেশি প্রসার লাভ করেছে। অন্যান্য মাযহাবের ইমামগণ তাঁর প্রত্যেকটি কথাকে দলিল হিসেবে গ্রহণ করেছেন। তাঁর মাযহাবের আলেমগণ পরবর্তীকালে প্রত্যেক জায়গায় তাঁরই কথার ওপর ভিত্তি করে ফতোয়া জারি করেছেন। অধিকাংশ আউলিয়া তাঁর মাযহাব অনুযায়ী আমল করে পূর্ণতা অর্জন করেছেন। আনাতোলিয়া, বলকান উপদ্বীপ, হিন্দুস্থান (এবং বাংলাদেশ) সিন্দু (পাকিস্তান) ও ট্রান্স অক্সিনিয়ার মুসলিমগণ শুধু তাঁর মাযহাবকেই চেনেন। যদিও আব্বাসীয় বংশ তাঁদের পূর্বপুরুষের {হযরত আব্বাস- (রা.)} মাযহাবের অনুসরণ করেছিলেন, তবুও তাঁদের সময়কার অধিকাংশ কাযী, বিচারক ও উলামা হানাফী ছিলেন। তাঁরা এই মাযহাব অনুযায়ী পাঁচ’শ বছর ধরে ইসলামী জিন্দেগী ধারণ করেন। তাঁদের পরে সেলযুকী এবং আরও পরে হারায়মী শাসকবর্গ হানাফী মাযহাবের অনুসরণ করেন।’

মহান আলেম মুহাম্মদ তাহির আস্-সিদ্দিক আল্-হানাফী তাঁর ‘মজমাউল বিহার ফি থ্বারাইব-ইত-তানযিল ওয়া লাতাইফ-ইল-আখবার’ গ্রন্থে লিখেন, ‘আল্লাহ তা’আলা যে, ইমামুল আযমের প্রতি সন্তুষ্ট তার প্রমাণ হচ্ছে এই, তিনি ইমাম সাহেবের মাযহাবকে সর্বত্র প্রসার লাভের কাজটি সহজ করে দিয়েছেন। যদি এই প্রসার লাভে কোনো খোদায়ী ইচ্ছা না থাকতো, তাহলে অধিকাংশ মুসলিম তাঁর মাযহাব অনুসরণ করতেন না।’

হযরত ইমাম-এ-রব্বানী আহমদ আল্ ফারুকী আস্ সিরহিন্দী (রহ.) তাঁর ফার্সি ভাষার কিতাব ‘মাকতুবাত’র ২য় খণ্ডের ৫৫ নং চিঠিতে লিখেছেন, ‘ইমামুল আযম আবু হানিফা (-এর অবস্থা) হযরত ঈসা (আ.) এর মতো। যেহেতু ওয়ারা ও তাকওয়া-এর নেয়ামত তাঁর প্রতি মঞ্জুর করা হয়েছিল এবং যেহেতু তিনি সুন্নাতুস্ সানিয়া অনুসারে জীবন-যাপন করেছিলেন, সেহেতু তিনি নসসমূহ হতে ইজতেহাদের মাধ্যমে আইন-কানুন বের করাতে একটি অত্যন্ত উচ্চ পর্যায় (মাকাম) অর্জন করতে সক্ষম হয়েছিলেন। কিছু উলামা তাঁর এই যোগ্যতা বুঝতে

পারেন নি এবং যেহেতু ইজতেহাদের মাধ্যমে তাঁর উপলুদ্ধ আইনগুলো খুবই সূক্ষ্ম ছিল, সেহেতু তারা মনে করেছিলেন যে, তিনি কুরআন ও হাদীস অমান্য করেছিলেন, আর তাই তারা তাঁকে অভিমতসম্পন্ন ব্যক্তি (আসহাব-ই-রায়) আখ্যায়িত করেছিলেন। তিনি যা উপলদ্ধি করেছিলেন তারা তা বুঝতে পারেন নি। ফলে তারা ভুল বুঝেছিলেন। অথচ ইমাম শাফেয়ী (রহ.) তাঁর উপলুদ্ধ কিছু জ্ঞান উপলদ্ধি করতে পেরে বলেছেন যে, কিক্বাহর সকল উলামা-ই ফেক্বাহ শাস্ত্রে ইমামুল আযমের শিষ্য। ‘ফুসুল-এ-সিত্তা’ গ্রন্থে বোখারার মহান আলেম-এ-হাক্কানী মুহাম্মদ পারিসা লিখেন যে, হযরত ঈসা (আ.) যখন অবতরণ করবেন, তখন তিনি ইমামুল আযমের মাযহাব অনুযায়ী আমল করবেন এবং অন্যদেরকে তা করতে আদেশ দেবেন। হয়তো এই মন্তব্যটি সর্বশ্রেষ্ঠ ইমাম এবং হযরত ঈসা (আ.) এর সাযুজ্যের দিকে ইঙ্গিত করে।’

এই উম্মতের অধিকাংশ উলামা ও সুলাহা (পুণ্যবান মুসলমান) হানাফী মাযহাবের অনুসারী ছিলেন। লা-মাযহাবীরা তাদের বহু কিতাবে, উদাহরণস্বরূপ, ‘আল জারছ আ’লা আবু হানিফা’-তে এই ধরনের জ্ঞানী একজন আলেমের কুৎসা রটনা করেছে এবং তাঁর মাযহাবের অনুসারীদেরকে কাফের আখ্যায়িত করেছে। এমন কি উপর্যুক্ত বইটিতে আরও লিখেছে, ‘যে ব্যক্তি ফিক্বাহ কিতাবাদি পাঠ করবে, সে কাফের হয়ে যাবে।’ এই মহান ও রহমতপ্রাপ্ত ইমামকে এ সকল হতভাগা এভাবে কেন আক্রমণ করেছে আমি তাই ভাবছি! তারা বুঝতে পারে না যে, তাঁর প্রতি বৈরিতা এই নেয়ামতপূর্ণ উম্মতের প্রতি বৈরিতারই নামান্তর। আমরা ‘আল উসুল আল আরবায়ী’-এর চতুর্থ খণ্ডের আরম্ভ থেকে এ পর্যন্ত যা লিখেছি, তা মাওলানা মাহবুব আহমদ নকশবন্দী অমৃতসরী সাহেবের প্রণীত ‘আল্ কিতাবুল মাজীদ ফী উজুব-ইত-তাক্বলিদ’ গ্রন্থ হতে নেয়া হয়েছে।

‘আল্-মুসনাদ আল্-কাবীর আল্-ইমাম আবু হানিফা’ গ্রন্থটি দশ খণ্ডে সংগ্রহ করেন আবুল মু’আই-ইয়্যাদ মুহাম্মদ ইবনে মাহমুদ আল হারায়মী (ওফাত – ৬৬৫ হি:)। প্রথম খণ্ডে ইমামুল আযম আবু হানিফা (রহ.)-এর প্রশংসাসূচক আখবার (হাদীস-সমূহ) এবং আসার (সাহাবাগণের বাণী) সমূহ উদ্ধৃত হয়েছে। প্রথম খণ্ডে তিনি একটা হাদীস বর্ণনা করেন, যেটা হারায়ম-এ তিনি সাদর আল্-কবীর শারায় আদ্-দ্বীন আহমদ ইবনে মুআই-ইয়্যাদ থেকে গ্রহণ করেছিলেন। আবু হুরায়রা (রা.) রেওয়য়াতকৃত এই হাদীসটি বলা ফরমায়: ‘আমার উম্মতের মধ্যে এমন একজন ব্যক্তি আগমন করবেন যার নাম হবে আবু হানিফা। পুনরুত্থান দিবসে তিনি আমার ক্বওমের (জাতির) জন্যে আলোস্বরূপ।’ একই রেওয়য়াতকারী বর্ণিত অপর একটি হাদীস ঘোষণা করে: ‘আমার উম্মতের মধ্যে একজন ব্যক্তি আসবেন। তাঁর নাম হবে নুমান এবং তাকে ডাকা হবে আবু হানিফা নামে। তিনি আমার উম্মতের জন্যে আলোস্বরূপ।’ আবারও একই বর্ণনাকারীদের সনদে (মাধ্যমে) হযরত আনাস বিন মালেক (রা.)-এর রেওয়য়াতকৃত একটি হাদীস বলা করে: ‘আমার পরে একজন ব্যক্তি আসবেন যার নাম হবে নুবান বিন সাবিত এবং যাকে ডাকা হবে আবু হানিফা নামে। আল্লাহ্ তাঁর দ্বীনকে এবং আমার সুলতাকে তাঁর হাতের মাধ্যমে সুদৃঢ় করবেন।’ (হাদীস) পুনরায় একই রেওয়য়াতকারীগণের মাধ্যমে হযরত আলী (রা.)-এর কথা উদ্ধৃত হয়েছে, যিনি বলেন: ‘আমি তোমাদেরকে একজন ব্যক্তি সম্পর্কে সংবাদ দিচ্ছি যার নাম হবে আবু হানিফা এবং তিনি কুফাতে বসবাস করবেন। তাঁর ক্বলব জ্ঞান ও হিকমতে পরিপূর্ণ থাকবে। পৃথিবীর শেষ জমানায় বানানীয়া নামের সম্প্রদায়টি আবু হানিফার প্রতি বিরূপ ভাবাপন্ন হয়ে ধ্বংসপ্রাপ্ত হবে।’ লা-মাযহাবীরা এই সব হাদীসের বিরোধিতা করে এই কথা বলে যে, হাদীসগুলোর রাবী (বর্ণনাকারীদের) কয়েকজন অজ্ঞাতকুলশীল। আমরা উত্তরে বলি, উত্তরাসুরীদের না জানার দরুন পূর্বসুরীরা ত্রুটিপূর্ণ, এ কথা

প্রমাণিত হয় না। লা-মাযহাবীরা হয়তো বলতে পারে যে, এসব হাদীস কুতুব আস্-সিত্তা তথা ছয়টি হাদীস গ্রন্থে নেই; কিন্তু হাদীসের সংখ্যা তো ওই ছয়টি হাদীস গ্রন্থেই সীমাবদ্ধ নয়। (উলামা কর্তৃক) সর্বসম্মতভাবে জানানো হয়েছে যে, অন্যান্য হাদীস বইয়েও বহু সহিহ হাদীস আছে। আবু হুরায়রা (রা.) হতে বর্ণিত এবং তিরমিযী শরীফে লিপিবদ্ধ একটি হাদীসে বলা হয়েছে, ‘আমি আল্লাহর কসম করে বলছি যে, যদি ঈমান (ধর্ম) শুক্র গ্রহে গমন করে, তাহলে ফারিস (পারসিক) বংশোদ্ভূত এক ব্যক্তি তা ফিরিয়ে আনবেন।’ (হাদীস) এ হাদীসটি ইমামুল আযমের দিকে ইশারা করে।” (খাজা হাসান জান ফারুকী সেরহিন্দী: ‘আল উসুল আল আরবায়্যা ফী তারদিদিল ওহাবীয়া’, ৪র্থ খণ্ড)

হযরত আবদুল্লাহ ইবনে মাসউদ (রা.) হতে গ্রহণ করে হাকিম একটা হাদীস বর্ণনা করেন, যেটা ‘দুররুল মনসুর’ কিতাবে লিপিবদ্ধ রয়েছে এবং যেটা ঘোষণা করে, “(কুরআনের) পূর্বে নাখিলকৃত সব কিতাবগুলোর প্রত্যেকটাই এক ধরণের হরফ বা শব্দের দ্বারা গঠিত ছিল, যা শুধুমাত্র একটা বিষয়েরই খবর দিতো। কুরআন নাখিল হয়েছে সাতটি হরফে, যেগুলো সাতটি বিষয়ের বর্ণনা দেয়; যথা – যাজর (সংযম), আমর (আদেশ), হালাল, হারাম, মুহকাম (সুস্পষ্টভাবে ঘোষিত), মুতাশাবেহ (অন্তর্নিহিত অর্থসম্বলিত) এবং মিসাল (উপমা ও ঐতিহাসিক খবর)। এগুলোর মধ্যে হালালকে হালাল জানো এবং হারামকে হারাম। যা আদিষ্ট হয়েছে তা পালন করো। যা নিষিদ্ধ হয়েছে তা থেকে দূর সরে থাকো। মিসালগুলো থেকে শিক্ষা গ্রহণ করো। মুহকামকে মান্য করো! মুতাশাবেহ-তে বিশ্বাস রাখো! বলো: আমরা ওগুলোর সবটাকেই বিশ্বাসী। আমাদের আল্লাহ ওগুলোর সবই প্রকাশ করেছেন।’ (হাদীস) [ওহাবী লোকটিও ‘ফাতহুল মাজীদ’ পুস্তকের ৪০৬ পৃষ্ঠায় এই হাদীসটি উদ্ধৃত করে] আমাদের আয়েম্মা-এ-মাযাহীব ওগুলোর সবই সাহাবা-এ-কেরামের কাছ থেকে শিক্ষা করে তা আমাদের কাছে হস্তান্তর করেছেন; ফলে আমরা সেই অনুযায়ী ইসলামী জিন্দেগী যাপন করে থাকি। [মাযহাববিষয়ক আরও বিস্তারিত তথ্য আছে লেখকের Answer to an Enemy of Islam বইটিতে; যা অনলাইনে সহজলব্ধ]

২২/ — ওহাবীদের পুস্তক ‘ফাতহুল মাজীদ’-এর ৪১৪ পৃষ্ঠায় লেখা আছে: “আল্লাহ ভিন্ন অন্য কারও কাছে প্রার্থনা করা, বিপদ মুক্তি কামনা করা অথবা অভাব মোচনের জন্যে ফরিয়াদ করা মহা-শিরক; কবরকে মহান মনে করা (অর্থাৎ, তা’যিম করা), সেগুলোর ওপর গম্বুজ নির্মাণ করা, মাযারে সালাত/নামায পড়া, কবরস্থদের উপাসনা করা অথবা তাঁদের কাছে মনে মনে কিংবা প্রকাশ্যে কিংবা এবাদতের মাধ্যমে কোনো কিছু চাওয়াও মহা-শিরক। এসব কাজ কোনো ব্যক্তিকে চিরস্থায়ীভাবে দোষখী বানাবে। যারা আল্লাহর নামে কসম করে মিথ্যা বলতে ভয় পায়না, তারাই যখন আহমদ বাদাওয়ীর নামে কসম করে তখন আর মিথ্যা বলতে সাহস করে না। এতে প্রতিভাত হয় যে, তারা তাঁকে আল্লাহর চেয়েও অনেক বড় এবং শক্তিশালী মনে করে থাকে।” (ফাতহুল আল-মজিদ)

এই ওহাবী মতাবলম্বী ব্যক্তি সঠিক এবং ভ্রান্তের মধ্যে তালগোল পাকিয়ে ফেলেছে। সে দোষীর সঙ্গে নির্দোষকেও পুড়িয়ে মারতে চায়। আল্লাহ ভিন্ন অন্য কোনো জীবিত কিংবা বেসালপ্রাপ্ত ব্যক্তির কাছ থেকে (হাকিকী অর্থে) কোনো কিছু আশা করা অথবা সত্য কিংবা মিথ্যা কথা বলার সময় অন্য কারও নামে কসম করা নিঃসন্দেহে কুফর ও শিরক। কিন্তু মুসলিমদের দ্বারা মাযার ঘিয়ারত করা এবং কাবার দিকে মুখ করে আল্লাহর ওয়াস্তে নামায পড়ে সেখানকার বেসালপ্রাপ্ত বুয়ূর্গের রুহের ওপর সওয়াব পৌঁছিয়ে দেয়া এবং আল্লাহর

সৃষ্টি প্রক্রিয়ায় তাঁদেরকে মধ্যস্থতাকারী বানানো এবং মাযার নির্মাণ করাকে শিরক বলে দাবি করাটা ইসলাম ও মুসলিমদের বিরুদ্ধে কুৎসা রটনা বৈ আর কিছু নয়। আর এই কারণে মাযার ধ্বংস করার যুক্তিটি একেবারেই খোঁড়া! যে ব্যক্তি কোনো মুসলিমকে কাফের বলে সে-ই কাফেরে পরিণত হবে। উক্ত ওহাবী কর্তৃক লিখিত পুস্তকটির উপর্যুক্ত কথাগুলো এ রকম শোনায়: “মসজিদসমূহে বহু চুরি হয়। আর কিছু লোক মসজিদে যায় ওহাবী ও শিয়া-রাফেযী মতবাদ প্রচারের জন্যে। অপর কিছু লোক ইমামদের বিরুদ্ধে কুৎসা রটনা এবং পরহেয়গারীর প্রদর্শনী দিতে যায়। অতএব, মসজিদসমূহ ধ্বংস করা জরুরী।” কিন্তু আদতে মসজিদসমূহ তো ওই ধরনের খারাপ উদ্দেশ্য নিয়ে নির্মাণ করা হয় না, বরং নামায, ওয়ায, এতেকাফ, কুরআন তেলাওয়াত ইত্যাদি সওয়াবদায়ক কাজের জন্যে নির্মাণ করা হয়। ওই ধরনের বদ-কাজের অজুহাত দেখিয়ে মসজিদ ধ্বংস করার প্রচেষ্টা হতে বিরত থেকে ওই সব বদ-কাজ সংঘটনকারীদেরকে মসজিদে প্রবেশ করা হতে বাধা দেয়া উচিত। ওহাবীদের এই ছুতাটি তাদের মনের কথা ব্যক্ত করে। তারা আসলে আউলিয়াকে পছন্দ করে না। ফলস্বরূপ, তারা ইসলামকেও পছন্দ করে না।

এখন আমরা এ বিষয়ে আহলুস সুন্নাতে বিভিন্ন কিতাবের উদ্ধৃতি দেবো। মহান আলেম মওলানা আবদুল গণী নাবলুসী (রহ.) লিখেছেন -

“আল আদিব্লাতুশ্ শরিয়াত চারটি: কুরআন, সুন্নাহ, ইজমা ও ক্রিয়াস। কেয়াস ও ইজমা কুরআন এবং সুন্নাহ হতে নিঃসৃত হয়েছে। অতএব, দ্বীনী জ্ঞানের প্রধান উৎস হচ্ছে কুরআন এবং সুন্নাহ। অন্য কোনো জায়গা হতে কোনো ধারণা বা কাজ গৃহীত হলে তা নিঃসন্দেহে বিদআত (ধর্মে নতুন সংযোজন)। বিদআত বিশ্বাসেই হোক কিংবা আমলেই হোক, সব-ই গোমরাহী এবং সেটা মানুষকে ধ্বংসের পথে ঠেলে দেয়। উদাহরণস্বরূপ, কিছু সুফী ও দরবেশ হিসেবে দাবিদার ব্যক্তি কোনো মুনকার (ইজমার জ্ঞানের পরিপন্থী) সংঘটন করে বলে, ‘আমরা আধ্যাত্মিক গোপন জ্ঞান জানি। এই কাজ আমাদের জন্যে হালাল। তোমরা বই পড়ে জানতে পারো, আর আমরা হযরত রাসূলে কারীম ﷺ-এর সাথে সরাসরি কথা বলে সত্যটি জানতে পারি। যদি তাঁর কথায় আমরা আস্থা না রাখতে পারি, তবে আমরা আল্লাহকে জিজ্ঞাসা করি এবং তাঁর কাছ থেকে সত্যটি জেনে নিই। আমাদের শায়খগণ আমাদেরকে আল্লাহর মা’রিফাত অর্জনে সহায়তা করেন। আমাদেরকে কোনো পুস্তক অথবা শিক্ষক হতে শেখার প্রয়োজন হয় না। আল্লাহর মা’রেফত জ্ঞান অর্জন করতে হলে বইপত্র পড়া কিংবা স্কুলে যাওয়া জরুরী নয়। যদি আমাদের পথ গোমরাহীপূর্ণ হতো, তাহলে আধ্যাত্মিক জ্যোতি, নবী কিংবা রূহগণ কেউই আমাদেরকে দেখা দিতেন না। যখন আমরা কোনো ভুল করি অথবা হারাম সংঘটন করি, তখন তা আমাদের জানানো হয় এবং স্বপ্নে সংশোধন করা হয়। শিক্ষিত ব্যক্তিবর্গ কর্তৃক বিবেচিত খারাপ জিনিসগুলো কিন্তু আমাদের স্বপ্নে খারাপ হিসেবে চিহ্নিত করা হয় না। আমরা সেগুলো পালন করি, যেহেতু আমরা সেগুলোকে ভালো হিসেবেই জানি।’ যে সব লোকেরা এই ধরনের বাজে কথাবার্তা বলে, তারা আসলে শরিয়তের প্রতি বিদ্রূপ করে এবং কুরআন-হাদীসের প্রতি আস্থা রাখে না; তারা ইঙ্গিতে এ কথা বলতে চায় যে, কুরআন ও হাদীসের মধ্যে ভ্রান্তি এবং অপরিপূর্ণ শিক্ষা রয়েছে। তারা প্রকৃতপক্ষে গোমরাহ-যিনদিক! তাদের নিফাক (কপটতা)-পূর্ণ কথাবার্তায় আমাদের বিশ্বাস করা উচিত নয়।”

“আহলে সুন্নাহের উলামা কেলাম ঘোষণা করেছেন যে, আহকাম (আদেশ-নিষেধ)-সমূহ ‘ইলহাম’ তথা ঐশী প্রত্যাদেশের মাধ্যমে নির্ধারণ করা যায় না। আরেক কথায়, আল্লাহ তা’আলা কর্তৃক আউলিয়ার কলবে (অন্তরে) প্রকাশিত জ্ঞানসমূহ হালাল কিংবা হারাম নির্ধারণের দলিল হতে পারে না। তবে নবী কারীম ﷺ-এর পবিত্র কলবে প্রকাশিত ‘জ্ঞান’সমূহ প্রত্যেক মুসলমানের জন্যে দলিলস্বরূপ এবং তা মান্য করা একান্ত অপরিহার্য। যদি কোনো ওলীর ‘এলহাম’ শরীয়তের সঙ্গে সঙ্গতিপূর্ণ হয়, তবে সেটা শুধু তাঁর জন্যেই দলিল হবে, অন্যান্য মুসলমানদের জন্যে নয়। কুরআন ও হাদীসের অর্থ বুঝতে এলহাম অত্যন্ত সহায়ক এবং এটা শরীয়ত মান্যকারী বিশুদ্ধ (পুণ্যবান) ঈমানদারদের কাছেই প্রেরণাস্বরূপ আসে। যারা শরীয়ত মান্য করে না তাদের কলবে শয়তানের ওয়াস্‌ওয়াসা দেখা দেয়। কলবে যে জ্ঞান দেখা দেয়, তাকে বলা হয় জ্ঞান আল লাদুন্নী; এটা হয় আধ্যাত্মিক, নয়তো কুমন্ত্রণাদায়ক। এর আধ্যাত্মিক ধরনকে বলা হয় এলহাম, আর অপরটিকে ওয়াস্‌ওয়াসা। এলহাম কুরআন-হাদীসের সাথে সঙ্গতিপূর্ণভাবে দৃশ্যমান হয়, কিন্তু ওয়াস্‌ওয়াসার ক্ষেত্রে তা হয় না। এলমুল লাদুন্নীর মতো স্বপ্নও হয় আধ্যাত্মিক, নয়তো কুমন্ত্রণাদায়ক। নবী পাক ﷺ নবুয়্যত পাওয়ার আগে ছয় মাস ধরে স্বপ্নানুযায়ী আমল করেছিলেন। মহান ওলী ও মুতাসাওয়ীফ হযরত জুনাইদ আল বাগদাদী (রহ.) বলেন, ‘একমাত্র মুহাম্মদ সাল্লাল্লাহু আলাইহি ওয়া সাল্লামের পথই মানুষদেরকে আল্লাহ তা’আলার ভালোবাসা প্রাপ্তিতে পথপ্রদর্শন করে। অন্যান্য পথ ও ধর্মসমূহ হচ্ছে অন্ধকার অলি-গলি এবং সেগুলো মানুষকে নেয়ামতের দিকে নেয় না। যে ব্যক্তি কুরআনের আদেশসমূহ শিক্ষা করে না এবং হাদীস মান্য করে না, সে অজ্ঞ ও অচেতন। ওই ধরনের লোকদেরকে মান্য করা উচিত নয়। আমাদের জ্ঞান ও মাহযাব হচ্ছে কুরআন এবং হাদীসের ওপর প্রতিষ্ঠিত।’ হযরত মুহিউদ্দীন ইবনে আরাবী (রহ.) ঘোষণা করেন, ‘একজন ওলী যদি শরীয়ত মান্য করেন, তবে তাঁর উন্নতি হয় এবং তাঁর এলহামও বৃদ্ধি পায়। তবুও একজন ওলীর এলহাম কখনোই কুরআন ও হাদীসকে ছাড়িয়ে যেতে পারে না।’

হযরত জুনাইদ আল বাগদাদী (রহ.)-এর মুর্শিদ এবং মামা হযরত সিররী সাক্বাতী (রহ.) বলা করেছেন, ‘তাসাউফের তিনটি অর্থ আছে। প্রথমটিতে, একজন সূফীর কলবে বিরাজমান আল্লাহর মা’রিফাত তাঁর ওয়ারা-এর আলোকে নিভিয়ে দেবে না। তাঁর কলবে অবস্থিত মা’রেফতের আলো দ্বারা তিনি বস্তুরসমূহের এবং তাদের ক্ষমতাসমূহের সারমর্ম ও সত্য সম্পর্কে বুঝতে পারেন এবং আল্লাহ তা’আলার নাম ও সিফাতসমূহের তাজাল্লীগুলো অর্জন করতে পারেন। আর তাঁর দেহের মধ্যে অবস্থিত মা’রেফতের আলো দ্বারা তিনি শরীয়তের সূক্ষ্ম জ্ঞানসমূহ উপলব্ধি করেন। তাঁর কাজ-কর্ম সবসময়েই শরীয়তের সঙ্গে সঙ্গতিপূর্ণ। দ্বিতীয় অর্থটিতে সূফীর কলব কুরআন-হাদীসের বিরোধী কোনো জ্ঞান বহন করে না। বিরোধিতার অস্তিত্ব একমাত্র বস্তুরিষ্ঠ ও আধ্যাত্মিক এলমে (জ্ঞানে) জ্ঞানী উলামা-ই নির্ণয় করতে পারবেন, যাঁরা তাসাউফের ইমামগণের কথাবার্তা বুঝতে সক্ষম। তাসাউফের তৃতীয় অর্থটিতে সূফীর কারামত শরীয়তের জ্ঞানের পরিপন্থী হবে না, অথবা শরীয়তকে কলুষিত করবে না। শরীয়তের সাথে অসামঞ্জস্যপূর্ণ জিনিসগুলোকে কারামত বলা হয় না, বরং ইসতিদরাজ বলা হয়।’ আউলিয়ার কথা ও কাজকর্ম শরীয়তের সাথে সঙ্গতিপূর্ণ কিনা তা প্রত্যেক শিক্ষিত লোকই যে বুঝতে পারেন তা নয়; এর জন্যে দরকার শরীয়ত ও তাসাউফকে ভালোভাবে জানা এবং তাসাউফের মহান ইমামদের কথা সম্পর্কে ভালো জ্ঞান রাখা। উদাহরণস্বরূপ, হযরত বায়েযীদ বোস্কাবী (রহ.) বলেছেন, ‘সুবহানী মা আযামা শানী’ – যেটাকে শুধুমাত্র বস্তুরিষ্ঠ জ্ঞানসম্পন্ন ব্যক্তির এভাবে ব্যাখ্যা করবেন, ‘সৃষ্টিসমূহের যে সব ক্রটি আছে তা থেকে আমি মুক্ত; আমার মর্যাদা অতি উচ্চ।’ কিন্তু হযরত মুহিউদ্দীন ইবনে

আরাবী (রহ.) এই বক্তব্যের ব্যাপারে মন্তব্য করতে যেয়ে বলেন যে, আল্লাহর সর্বশ্রেষ্ঠত্ব এবং ক্রটিহীনতা এই বাক্যে সবচেয়ে ভালোভাবে ব্যক্ত করা হয়েছে। তিনি বলেন: ‘এটা অত্যন্ত উচ্চপর্যায়ের তানযিহ্ (আল্লাহর প্রশংসা করা এ কথা বলে যে, তিনি সকল নিকৃষ্ট দোষ হতে মুক্ত)। আরেক কথায়, তিনি (হযরত বায়েজীদ) দেখলেন যে, তিনি সর্বতোভাবে আল্লাহ পাকের প্রশংসা করতে অক্ষম। আল্লাহ তা’আলা যেমনভাবে একটি সম্পূর্ণ মুনাযযাহ অবস্থা (ক্রটিমুক্ত অবস্থা) থেকে তাঁর তাজাল্লী প্রকাশ (আত্মপ্রকাশ) করেছেন, ঠিক তেমনিভাবে হযরত বায়েযীদ বোস্তামী (রহ.)-এর ক্ষমতা অনুসারে কৃত তানযিহ ও তাসবিহ-এর সাথে সামঞ্জস্যপূর্ণ ওই তাজাল্লীসমূহেরও উদ্ভব হয়েছে। তিনি এই তাজাল্লীসমূহের তাসবিহকে নিজের ক্ষমতার তাসবিহ হিসেবে গণ্য করে নিলেন এবং বললেন যে, তিনি নিজেকে প্রশংসা করেছেন (সোবহানী)। এরপর অন্যান্য লোকদের সাথে সম্পৃক্ত তাজাল্লীগুলো লক্ষ্য করে তাদের তাসবিহকে নিকৃষ্ট এবং নিজেরটাকে উৎকৃষ্ট জেনে তিনি ঘোষণা করেন যে, তাঁর ক্ষমতাই শ্রেষ্ঠ।’ অতএব, এটা পরিষ্কৃত যে, এই বাক্যে তিনি (বায়েরীদ) শরীয়তের সাথে সঙ্গতিপূর্ণ কোনো জিনিসকে ব্যাখ্যা করতে চেয়েছিলেন। যেহেতু তিনি ‘সাকর’-এর (ভাবের সাগরে তন্ময়) একটি অবস্থায় ছিলেন, সেহেতু তিনি আর অন্য কোনো অভিব্যক্তি খুঁজে পাননি এই সূক্ষ্ম বিষয়টিকে ব্যক্ত করার জন্যে; তিনি এই কথায় তা ব্যক্ত করেছেন যা সাধারণ মানুষ বুঝতে পারবে না। এই মহান ওলী একবার তাঁর শিষ্যদেরকে নিয়ে বোস্তামের অপর এক ওলীকে দেখতে যান। সেই ওলী যাঁর তাকওয়া ও বৈরাগ্য সেই যুগে সর্বজনবিদিত ছিল। তাকে হযরত বায়েযীদ বোস্তামী (রহ.) ক্বিবলার দিকে মুখ করে থুথু ফেলতে দেখেন। ফলে তিনি তাঁর সঙ্গে সালাম-কালাম না করেই প্রত্যাবর্তন করেন। তাঁর ভাষ্য হলো: “নবী কারীম ﷺ-এর প্রতি যে সব আদব দেখানো জরুরী, তার মধ্যে একটা আদবের খেলাফ করেছে ওই লোক। তাই সে ওলী হওয়ার জন্যে প্রয়োজনীয় পূর্বশর্তেরও খেলাফ করেছে।” ক্বিবলার প্রতি শ্রদ্ধাশীল না হওয়া একটি বাজে আচরণ। ক্বিবলার দিকে ফিরে মলত্যাগ করাটা নিষিদ্ধ ঘোষণা করা হয়েছে। এমন কি শোয়া অথবা বসা অবস্থায় ক্বিবলার দিকে পা লম্বা করাটাও মাকরুহ। আল্লাহ তা’আলা আমাদের আদেশ করেছেন যেন আমরা কাবা শরীফ গমন করি এবং সেই সময় যেন আমরা পাক-পবিত্র থাকি। হযরত মুহিউদ্দীন ইবনে আরাবী (রহ.) বলেন, ‘যে ব্যক্তি শরীয়তের একটি আদব-কায়দা পালনে ব্যর্থ হয়, সে যদি বলে যে, তার দোয়াসমূহ ক্ববুল হয়ে থাকে, তবুও তার কথা বিশ্বাস করা উচিত নয়, এমন কি যদি তার থেকে বহু কারামতও দেখা যায়।’ হযরত বায়েযীদ বোস্তামী (রহ.) বলেন, ‘যে ব্যক্তি নিজেকে ওলী দাবি করে, সে যদি আকাশে উড়তেও সক্ষম হয়, তবুও তার ইবাদত, হারাম বর্জন ও শরীয়ত মান্য না দেখে তাকে বিশ্বাস করবে না।’

হযরত আবদুর রাউফ আল-মানাবী (রহ.) তাঁর ‘শরহে জামিউস সাগির’ গ্রন্থে লিখেছেন: ‘উলামা-এ-ইসলাম সর্বসম্মতভাবে বর্ণনা করেন যে, আওয়াম বা অ-মুজতাহিদদের জন্যে তাদের উপলব্ধি অনুসারে সাহাবা-এ-কেরামকে অনুসরণ করা বৈধ (জায়েয) নয়। হযরত ইমাম আবু বকর রাযী (রহ.) এই ইজমার কথা ব্যক্ত করেছেন। তবে মুজতাহিদদের জন্যে আহলে সুন্নাতে চার মাযহাবের ইজতেহাদ ভিন্ন অন্যান্য ইজতেহাদের অনুসরণ করা জায়েয। কিন্তু তাঁদেরকে সংশ্লিষ্ট শর্তসমূহ পালন করতে হবে।’ হযরত আবু সুলাইমান দায়ানী (রহ.) বলেন, ‘আমার ক্বলবে বহু সময় চিন্তাসমূহের আবির্ভাব ঘটে। আমি সেগুলো সম্পর্কে চিন্তা করি। কুরআন এবং সুন্নাতে সাথে সঙ্গতিপূর্ণ পেলেই আমি সেগুলোকে গ্রহণ করে থাকি।’ হযরত যুন্নুন মিসরী (রহ.) বলেছেন, ‘আল্লাহকে ভালোবাসার চিহ্ন হচ্ছে তাঁর প্রিয় নবী হযরত মুহাম্মদ মুস্তফা সাল্লাল্লাহু আলাইহি ওয়া

সাল্লামকে সকল নীতিতে এবং কাজে অনুসরণ করা।” (মওলানা আবদুল গনী নাবলুসী কৃত ‘হাদিকা তুন নদীয়া’, ১৫৩ এবং পরবর্তী পৃষ্ঠাসমূহ, ইস্তাম্বুল, ১২৯০ সংস্করণ)

মাওলানা আবদুল গনী নাবলুসী (রহ.) হযরত ইমাম কসতালানী (রহ.)-কে তাঁর প্রণীত ‘আল মাওয়াহিব আল লা দুন্নিয়া’ গ্রন্থ হতে উদ্ধৃত করেন, “আল্লাহর প্রতি ভালোবাসা দুই ধরনের: ফরয এবং অ-ফরয। ফরয ভালোবাসায় কোনো ব্যক্তি তাঁর আদেশ মান্য করে, নিষেধ হতে দূরে থাকে এবং নিজেকে তাঁর ক্রায়া এবং কুদরে (তকদীরে) আত্মসমর্পণ করে। হারাম সংঘটন এবং ফরয পালন না করা এই ভালোবাসায় শিথিলতার ইঙ্গিত বহন করে। অ-ফরয ভালোবাসা কোনো ব্যক্তিকে নফল ইবাদত পালন ও মুশতাবিহাত (সন্দেহজনক বস্তু) বর্জন করতে অনুপ্রাণিত করে। হযরত আবু হুরায়রা (রা.) হতে ইমাম বুখারী (রহ.) একটি হাদীসে কুদসী রেওয়ায়াত করেন: ‘আল্লাহ তা’আলা বলেন, আমার বান্দা আর কোনো কিছু মাধ্যমে আমার নৈকট্য এমনভাবে পায় না যেমনিভাবে ফরযের মাধ্যমে পেয়ে থাকেন। যদি আমার বান্দা নফল ইবাদত পালন করেন, তবে আমি তাঁকে এতেই ভালোবাসি যে, আমি তাঁর (কুদরতী) কান হই যা দ্বারা তিনি শোনেন; তাঁর (কুদরতী) চোখ হই দ্বারা তিনি দেখেন; তাঁর (কুদরতী) হাত হই যা দ্বারা তিনি কাজ-কর্ম করেন এবং (কুদরতী) পা হই যা দ্বারা তিনি চলাফেরা করেন। তিনি যা কিছু আমার কাছ থেকে চান, তা-ই তাঁকে মঞ্জুর করি। তিনি আমার ওপর আস্থা রাখলে তাঁকে আমি রক্ষা করি।’ এই হাদীসে কুদসী পরিস্ফুট করে যে আল্লাহ তা’আলা ফরযকেই সবচেয়ে বেশি পছন্দ করেন। এখানে উল্লিখিত ‘নফল’ ইবাদত যেগুলো ফরযের সাথে পালন করা হয়, তা দ্বারা ফরযের মধ্যে সংঘটিত ত্রুটি-বিচ্যুতির প্রায়শ্চিত্ত হয়ে যায়। আল ফায়েহানী বলেন, ‘হাদীসে কুদসীটি প্রতীয়মান করে, যে ব্যক্তি ফরযের সঙ্গে নফল পালন করেন, তিনি আল্লাহর ভালোবাসা অর্জন করতে পারেন।’ আবু সোলাইমান খাত্তাবী বলেন, ‘এই হাদীসে কুদসীতে প্রতিভাত হয় যে, তাতে উল্লিখিত পুণ্যাঙ্গাগণের দোয়া গ্রহণ করা হবে। যাদের জন্যে তাঁরা দোয়া করবেন, তাদের হাজত (প্রয়োজন) পূরণ হবে।’ (প্রাপ্ত ‘হাদিকা তুন নদীয়া, পৃষ্ঠা : ১৮২)

মওলানা আবদুল গনী নাবলুসী (রহ.) ‘হাদিকা তুন নাদিয়া’ গ্রন্থে আরও লিখেছেন, “হযরত জুনাইদ আল-বাগদাদী (রহ.) থেকে আরম্ভ করে এ পর্যন্ত আমি মহান সূফী আবদুল কারীম আল কুশাইরী (রহ.)-এর ‘রিসালা’-এর উদ্ধৃতি দিয়েছি। আমার বিজ্ঞ ভ্রাতৃবৃন্দ! পূর্ববর্তী লেখনীকে নিরপেক্ষভাবে বিচার করুন। দেখুন! কীভাবে উপর্যুক্ত তাসাউফের ইমাম ও আউলিয়া কেলাম শরীয়তকে আঁকড়ে ধরেছিলেন! তাঁরা সব সময়েই তাঁদের কাশফ, কারামত, ক্লবের মা’রিফতকে কুরআন ও সুন্নাহের কষ্টিপাথরে যাচাই করেছেন। কিছু অজ্ঞ ও শরীয়ত হতে বিচ্যুত লোকের বদ কাজ এবং কথাকে অজুহাত হিসেবে দেখিয়ে আহলে সুন্নাহের ওই সকল মহান উলামার কুৎসা রটনা করা কি কোনো মুসলমানদের পক্ষে সাজে? তাকে (এবং ওহাবীদেরকে) কি বিশ্বাস করা উচিত; যখন সে ওই সকল ওলী এবং তাঁদের প্রতি মহব্বত পোষণকারী মুসলিমদেরকে মুশরিক আখ্যা দেয়? আউলিয়ার কারামত সত্য। আহলে সুন্নাহে বিশ্বাসী এবং শরীয়ত মান্যকারী ব্যক্তিদের কাছে আল্লাহ তা’আলা তাঁর নীতি-বহির্ভূত যে সব নেয়ামত মঞ্জুর করেন, তা-ই হচ্ছে কারামত। একজন ওলী কখনও বলেন না; তাঁর কাছে কারামত আছে। সেটার মালিকানাও তিনি কামনা করেন না। ওলীর কারামত তাঁর জীবিতাবস্থায় কিংবা বেসালের পরও দৃশ্যমান হয়। ওলীদের বেসালের পর তাঁদের বেলায়াত (ওলীত্ব) অবলুপ্ত হয় না, ঠিক যেমনি নবীদের নবুয়্যত অবলুপ্ত হয় না। ওলীগণ আল্লাহকে এবং তাঁর সিফাতগুলোকে (গুণাবলী) চেনেন।

কুরআনে বহু ওলীর কারামত বর্ণিত হয়েছে। উদাহরণস্বরূপ, হযরত মরিয়মের কারামতকে উল্লেখ করা যায়, যখন তিনি হযরত ঈসা (আ.) কে পিতা ছাড়াই জন্ম দেন। হযরত যাকারিয়া (আ.) হযরত মরিয়মের ঘরে প্রবেশ করে সব সময়ই খাদ্য দেখতে পেতেন। তিনি জানতেন; তিনি ছাড়া আর কেউই মরিয়মের গৃহে প্রবেশ করতো না। তাই তিনি জিজ্ঞাসা করতেন, ‘এগুলো তুমি কোথেকে পেয়েছ?’ মরিয়ম উত্তর দিতেন, ‘আল্লাহ্ এগুলো সৃষ্টি করেছেন।’ কুরআন আরও বর্ণনা করে; আসহাব আল কাহাফের কারামত সম্পর্কে, যাঁরা পানাহার না করেই একটি গুহায় বহু বছর অতিবাহিত করেছিলেন। আসীফ বিন বারখিয়া কর্তৃক চোখের পলকে রানি বিলকিসের সিংহাসন হযরত সুলাইমান (আ.) এর সামনে উপস্থিত করার কারামতটাও কুরআনে বিবৃত হয়েছে। সাহবায়েরে কেরাম ও তাবেয়ীগণের সহস্র সহস্র কারামত কিতাবসমূহে লিপিবদ্ধ করা হয়েছে এবং মুখে মুখে প্রচলিত হয়েছে। তাহলে কিছু মানুষ কারামতকে বিশ্বাস করে না কেন; তাই নিয়ে প্রত্যেকের চিন্তা করা উচিত। কারণটা স্পষ্ট; তাদের কাছ থেকে কোনো কারামতই দেখা যায় না; তাদের পূর্ববর্তীদের থেকে তারা এ ধরনের কোনো কিছু দেখেও নি, অথবা শুনেও নি, কিংবা তাদের শ্রদ্ধেয় প্রভুদের কাছ থেকে তারা কোনো কারামত-ই দেখে নি। কারামত সম্পর্কে জিজ্ঞাসা করা হলে ইমাম নাসাফী (রা.) বলেন, ‘আহলে সুন্নাতে মতানুযায়ী এটা বৈধ যে, আল্লাহ্ পাক তাঁর রীতি-নীতি পরিবর্তন করে তাঁরই আউলিয়া ও প্রিয় বান্দাদেরকে নেয়ামত দান করতে পারেন।’

ইবনে আবেদীন (রহ.)-এর ‘রাদ্দুল মোহতার’ গ্রন্থের ‘সুবুত-উন নাসাব’ অধ্যায়ের শেষদিকে লেখা আছে; কিছু আউলিয়া অল্প সময়ে বহু দূর যেতে পারতেন। বস্তুত হানাফী ও শাফেয়ী মাযহাবের ফিক্বাহ কিতাবগুলোতে এ বিষয়ে বিস্তারিত আলোচনা আছে। ইমাম ইবনে হাজার আল-হায়াতামী মক্কী (রহ.) তাঁর ‘ফাতাওয়া’ পুস্তকে লিখেছেন, ‘বহু উলামা বলেছেন; যদি কোন ওলী কারামতস্বরূপ অতি অল্প সময়ে এক জায়গা থেকে আরেক জায়গায় গমন করেন এবং যদি তিনি পূর্ববর্তী জায়গায় আসরের নামায পড়ে নেন, অথচ পরবর্তী জায়গায় তখনও আসরের ওয়াজ্ব থাকে, তবে তাঁকে আর সেখানে দ্বিতীয়বার নামায পড়তে হবে না।’ কিন্তু শামসুদ্দিন রামলী (রহ.) বলেছেন, তাঁকে দ্বিতীয়বার নামায পড়তে হবে। এটাও ঘন ঘন পরিদৃষ্ট হয়েছে যে, খাদ্য, পানীয়, পোষাক-পরিচ্ছদ ইত্যাদি চাওয়ামাত্র অস্তিত্ব পেয়েছে। এমন কি ইতিহাস বইগুলোতেও লিপিবদ্ধ করা হয়েছে, নবি কারীম ﷺ-এর চাচাত ভাই জাফর তাইয়ার (রা.) আকাশে উড়তে পারতেন। এটাও সর্বজনবিদিত যে, লুক্‌মান সারাহসী (রহ.) এবং আরও বহু আউলিয়া আকাশে উড়তে পারতেন। পানিতে হাঁটা, গাছ, পাথর ও পশু-পাখির সাথে কথা বলার মতো অসাধারণ ঘটনাও বহুবার প্রত্যক্ষ করা হয়েছে। আল্লাহ তা’আলা কর্তৃক তাঁর রীতি-নীতিবহির্ভূত উপায়ে সৃষ্ট এই ধরনের ঘটনা যদি একজন নবী (আ.) এর দ্বারা সংঘটিত হয়, তবে তাকে বলা হয় মু’জেযা। আশ্বিয়াগণ বেসাল হলেও তাঁদের প্রতি আল্লাহ তা’আলা মু’জেযা মঞ্জুর করে থাকেন। অনুরূপভাবে, ওলীদের প্রতিও তাঁদের বেসালের পর কারামত মঞ্জুর করা হয়ে থাকে। কোনো ওলী-ই একজন নবীর মর্যাদা পর্যন্ত পৌঁছতে পারেন না। প্রত্যেক ওলী যতো উচ্চ মর্যাদাসম্পন্ন-ই হোন না কেন, তিনি কোনোক্রমেই শরীয়ত ত্যাগ করতে পারবেন না; অর্থাৎ, তাঁকে আল্লাহর আদেশ-নিষেধ মান্য করে চলতে হবে।

আউলিয়ার মধ্যে সর্বশ্রেষ্ঠ হচ্ছেন হযরত আবু বকর (রা.); তাঁর পরে হচ্ছেন হযরত উমর ফারুক (রা.)। হযরত উমর (রা.)-এর ইসলাম গ্রহণের পূর্বে মুসল্লিদের সংখ্যা ছিল মাত্র ৩৯ জন। তাঁরা গোপনে ইবাদত করতেন। যখন হযরত উমর ফারুক (রা.) মুসলিম হলেন, তখন তিনি ঘোষণা করলেন, ‘এখন থেকে আমরা আর

গোপনে ইবাদত করবো না।’ তিনি-ই প্রথম মুসলিম যিনি প্রকাশ্যে ইবাদত করেন। এই দু’জনের পরে শ্রেষ্ঠ ওলী হচ্ছেন হযরত উসমান যিনুরাইন (রা.)। তাঁকে ‘যিনুরাইন’ উপাধি দেয়া হয় এই কারণে যে, তিনি পর পর রাসূলুল্লাহ ﷺ এর দুইজন কন্যা রুকায়্যা (রা.) ও উম্মে কুলসুম (রা.)-কে বিয়ে করেন। যিনুরাইন মানে দু’টো আলোর মালিক। হুজুর ﷺ বলেন, ‘আমার যদি তৃতীয় কোনো অবিবাহিতা কন্যা থাকতো, তাহলে তাকেও আমি উসমানের সঙ্গে বিয়ে দিতাম।’ (হাদীস) এটা তিনি উম্মে কুলসুম (রা.) এন্তেকাল করার পর বলেন। এরপর হচ্ছেন হযরত আলী মুরতযা (রা.)। যেহেতু নবী পাক ﷺ তাবুকের যুদ্ধের সময় মদীনাতে আহলে বায়তকে রক্ষা করবার জন্যে তাঁকে সহকারী নিযুক্ত করে বলেছিলেন, ‘তুমি আমার সঙ্গে সম্পর্কিত, যেমনিভাবে হারুন (আ.) ছিলেন মূসা (আ.) এর সঙ্গে; কিন্তু আমার পরে আর কোনো নবী আসবেন না,’ সেহেতু তাঁকে ‘মুরতযা’ আখ্যায়িত করা হয়েছিল। এই চার জনের খিলাফত তাঁদের মর্যাদার ক্রমানুসারেই নির্ধারিত হয়েছিল। তাঁদের পরে শ্রেষ্ঠ আউলিয়া হচ্ছেন সকল আসহাব-এ-কেরাম (রা.)। তাঁদের মধ্যে সংঘটিত যুদ্ধ-বিগ্রহের কারণ হচ্ছে তাঁদের ইজতেহাদের পার্থক্য। তাঁদেরকে এর জন্যে সওয়াব দেয়া হবে। যাঁরা ভুল করেছিলেন তাঁদেরকে একটি এবং যাঁরা সঠিক ছিলেন তাঁদেরকে দুইটি সওয়াব দেয়া হবে। আমরা বিশ্বাস করি, ‘আশআরাত আল-মুবাশশারা’ নামের দশজন সাহাবী সরাসরি বেহেশতী। তাঁরা হলেন চার খলিফা, তালহা (রা.), যুবাইর (রা.), সাদ্ বিন আবি ওয়াককাস (রা.), সাইদ ইবনে যায়দ (রা.), আবু উবাইদা (রা.), ইবনে জাররাহ (রা.) এবং আব্দুর রহমান বিন আউফ (রা.)। আমরা আরও বিশ্বাস করি, হুজুর ﷺ এর রহমতপ্রাপ্ত কন্যা ফাতিমাতুয্ যাহরা (রা.) এবং তাঁর দুই পুত্র ইমাম হাসান (রা.) ও ইমাম হুসাইন (রা.) এবং মা খাদিজাতুল কুবরা (রা.) ও হযরত আয়েশা (রা.) সবাই সরাসরি বেহেশতী। এছাড়া অন্য কারও নাম আমরা এখানে আর উল্লেখ করতে না পারলেও মোটামুটি এই নিশ্চিত ধারণা আমরা রাখতে পারি যে, আউলিয়া ও উলামায়ে হাক্কানী-রাব্বানী জাম্মাতে যাবেন: সাহাবাগণের পরে তাবয়ীন এবং তারপরে তাবো তাবয়বীনগণই শ্রেষ্ঠ আউলিয়া।” (প্রাপ্ত ‘আল হাদিকাতুন্ নাদিয়া’: পরবর্তী পৃষ্ঠাসমূহ ; প্রণেতা – মওলানা আবদুল গনি নাবলুসী, সিরিয়া)।

ওহাবীদের পুস্তক ‘ফাতহুল মাজীদ ’ বলে, “আল্লাহকে দশটি জিনিসের জন্যে মানুষ ভালোবেসে থাকে। নবম জিনিসটি হচ্ছে আল্লাহর আশেক (খোদাপ্রেমিক)-দের সঙ্গে মেলামেশা করা এবং তাঁদের উচ্চারিত মধুর ফল (উপদেশ)-গুলো সংগ্রহ করা এবং তাঁদের উপস্থিতিতে শুধুমাত্র প্রয়োজনে কথা বলা। ভালোবাসার পর্যায়গুলো একের পর এক অর্জন করা যেতে পারে ওই দশটি জিনিসকে আঁকড়ে ধরে; আর মাশুকের (প্রেমাস্পদ খোদাতা’আলার)-ও নৈকট্য পাওয়া যেতে পারে।” (ফাতহ আল মাজিদ)

আমরা মুসলিমরাও তা-ই বিশ্বাস করি। আমরা এই কারণেই তাসাউফের ইমামদেরকে ভালোবাসি; ওলীদের সাহচর্য (সান্নিধ্য) তালাশ করি। মুসলিমগণ যাঁরা এ কাজ করেন, তাঁদেরকে ওহাবীরা কেন মুশরিক আখ্যায়িত করে থাকে তা আমরা বুঝতে পারিনা।

২৩/ — উক্ত কিতাবটির ৪১৫ পৃষ্ঠায় লিপিবদ্ধ আছে: “ক্বাসিদা-এ-বুরদা” হচ্ছে একটি অজ্ঞতায় পরিপূর্ণ বই। এখানে লিপিবদ্ধ আছে যে, একমাত্র নবী পাক ﷺ-এর সুরক্ষা দ্বারা-ই কোনো ব্যক্তি মুক্তি অর্জন করতে পারে। এই গুণকীর্তন কুরআন-সুন্নাহর পরিপন্থী। তারা এটাকে কুরআনের চেয়েও উচ্চপর্যায়ের মনে করে থাকে।” (ফাতহ আল মাজিদ)

ওহাবী বইটির মুখবন্ধে লেখা আছে, “সাদুদের পৌত্র আবদুল আযীয তাওহিদকে পুনরুজ্জীবিত করেন। তিনি আরবীয় উপদ্বীপে শান্তি-শৃঙ্খলা ফিরিয়ে আনেন। আর তাঁর পুত্র সাদ তাঁর পূর্বপুরুষদের আদর্শকে পুনরুজ্জীবিত করেন। তিনি খুলাফা আর রাশেদীনের পথকে পুনরোন্মুক্ত করেন।” (ফাতহ আল মাজিদ)

এই ওহাবী মতাবলম্বী ব্যক্তি সাদুদের পুত্রদের তলোয়ারকে আরও ধারালো হবার জন্যে দোয়া করছে। তার মতে, ‘পুনরুজ্জীবিত’, ‘পুনরোন্মুক্ত’ ইত্যাদি বলাটা সৌদের ক্ষেত্রে মোটেই অত্যাধিক এবং অপরাধ নয়, যাতে ওহাবী লোকটি সৌদের মতো একজন নিচ ও হীন মদ্যপায়ীর কাছ থেকে সাহায্য পেতে পারে। এই সেই সাদু, যে নাকি এথেন্স ও গ্রীসের হোটেলগুলোতে মদ ও নারী নিয়ে জীবন অতিবাহিত করেছিল; যার জীবন অতিবাহিত হয়েছে মুসলমানদের স্বর্ণ বিধর্মীদের হাতে অর্পণ করে। অথচ এই ওহাবীর দৃষ্টিতেই আবার ইমাম বুসীরী (রহ.) কর্তৃক আল্লাহ তা’আলার সর্বশ্রেষ্ঠ সৃষ্টি হিসেবে প্রিয় নবী ﷺ-এর প্রশংসা এবং তাঁর কাছে শাফায়াত কামনা ও সাহায্য প্রার্থনা মহা-শিরক এবং জঘন্য অপরাধ – যে হুযূর পাক ﷺ-কে আল্লাহ তা’আলা শুভসংবাদ দিয়েছেন, ‘আপনি যা চান, আমি তাই দেবো।’ (আল আয়াত) সে তার উদ্ভট ও মিথ্যা লেখনীকে মুসলিমদের সামনে ধর্মীয় কিতাব হিসেবে চালাতে মোটেও লজ্জিত নয়। ওহাবী লোকটি উলামা-এ-ইসলামকে মুশরিক আখ্যা দিয়ে যুব সম্প্রদায়কে বিভ্রান্ত করে ওহাবী মতবাদে দীক্ষা দিতে অপতৎপর। ওহাবী লোকটি সেই সব হাদীস সম্পর্কে কী উত্তর দেবে যেগুলোতে নবি কারীম ﷺ নিজেই নিজের প্রশংসা করেছেন [ইমামে রাব্বানী মোজাদ্দেদে আলফে সানী (রহ.)-এর ‘মাকতুবাতে’ গ্রন্থের প্রথম খণ্ডের ৪৪ নং চিঠিতে হাদীসগুলো উদ্ধৃত হয়েছে]। এক্ষেত্রে লা-জওয়াব হওয়া ছাড়া এই ওহাবী মতাবলম্বী ব্যক্তির আর কোনো উপায় নেই।

২৪/ — ‘ফাতহুল মাজীদ’ পুস্তকের ৪১৬ পৃষ্ঠায় ওহাবী লোকটি লিখেছে, “যদিও ইব্রাহীম আন নাহাই বলেছিলেন, ‘আমি আল্লাহর ওপর আস্থা রাখি এবং তারপর আপনার ওপর’- এ কথা বলাটা বৈধ, তবুও এই ধরনের কথা শুধু তাদেরকেই বলা যায় যাঁরা জীবিত এবং উপস্থিত এবং যাঁদের কোনো কিছু করার ক্ষমতা থাকার দরুন তাঁরা (সৃষ্টি প্রক্রিয়ায়) কারণস্বরূপ। মৃতজন অনুভব করেন না, শ্রবণও করতে পারেন না; তাঁরা উপকার কিংবা ক্ষতি করতে অক্ষম। মৃতজন কিংবা অনুপস্থিতজনের কাছে কথা বলা বৈধ নয়। মৃতদের সঙ্গে এভাবে বন্ধনে আবদ্ধ হওয়া বৈধ নয়। এটা কুরআনে সুস্পষ্টভাবে বিবৃত হয়েছে। মৃতদের কাছে কোনো জিনিস চাওয়া অথবা তাঁদের শানে প্রশংসাসূচক কথা বলা তাঁদেরকে তা’যিম করা অথবা অন্তর কিংবা কর্ম দ্বারা তাঁদের সঙ্গে সংশ্লিষ্ট হওয়ার অর্থ হচ্ছে তাঁদেরকে দেবতাতুল্য বিবেচনা করা।” (ফাতহ আল মাজিদ)

ওহাবী পুস্তকটির উপর্যুক্ত উদ্ধৃতিতে কুরআনের কুৎসা রটনা করা হয়েছে। উলামা-এ-ইসলাম ওহাবীদের এই ধরনের গোমরাহীপূর্ণ কথাকে দলিলসহ খণ্ডন করেছেন। উলামাদের বইগুলোর মধ্যে হযরত মওলানা দাউদ ইবনে সুলাইমান আল বাগদাদী (রহ.) প্রণীত ‘আল মিনহাতুল ওয়াহাবীয়া ফী রাঈল ওহাবীয়া’ (ওহাবী মতবাদ খণ্ডনে ঐশী অবদান) পুস্তকটি অন্যতম। সম্পূর্ণ কিতাবটি এখানে ভাষান্তরিত করা হলো:

**ওহাবী মতবাদ খণ্ডনে ঐশী অবদান**

বর্তমানকালে আহলে সুন্নাতের আদর্শ হতে বিচ্যুত গোমরাহদের সংখ্যা বৃদ্ধি পাচ্ছে। এসব গোমরাহ লোকেরা হযরত নবী কারীম ﷺ-এর উম্মতকে মুশরিক আখ্যায়িত করছে। তারা বলে যে, এই নেয়ামতপূর্ণ উম্মতকে তারা হত্যা করবে এবং তাঁদের মালামাল লুণ্ঠ করবে। ফলে তারা অধঃপতিত হয়েছে। মহান আল্লাহ তা'আলার রহমতে ও রাসূল ﷺ-এর ওসীলায় আমার এ বইটিতে আমি এসব গোমরাহ লোককে ভ্রান্ত প্রমাণ করবো এবং তাদের যুক্তিগুলোর অসারতা প্রমাণ করবো। হয়তো তারা এ বই পড়ে তাদের ভুল বুঝতে পারবে এবং হেদায়াত অর্জন করতে সক্ষম হবে। আর আমিও একটি মহান খেদমত করতে পারবো।

ওহাবীরা এ ব্যাপারটি বিশ্বাস করে না যে, কেউ আল্লাহর কাছে তাঁর আস্থিয়াবন্দ (আ.) ও পুণ্যবান আউলিয়া (রহ.)-গণের মাধ্যমে (ওসীলায়) শাফায়াত (সুপারিশ) প্রার্থনা করতে পারে এবং তাঁদের কাছে আল্লাহ যে ক্ষমতা কারামতস্বরূপ দিয়েছেন, সেই ক্ষমতাবলে তাঁদের কাছে বিপদমুক্তি কামনা করতে পারে; তারা আরও বিশ্বাস করে না যে, কোনো ব্যক্তি নবী-ওলীদের মাযার-রওয়া যেয়ারত করে তাঁদের শাফায়াত কামনা করতে পারে, যাতে তার ইচ্ছা আল্লাহ পাক পূরণ করে দেন, অথবা তার বিপদ দূর করে দেন। ওহাবীদের মতে, বেসালের পরে আল্লাহর প্রিয় বান্দাদের আর শ্রবণ ও দর্শনক্ষমতা থাকে না; তাঁরা মাটিতে পরিণত হন। তারা বলে, 'কবর জীবন বলতে কিছুই নেই।' পৃথিবীতে কোনো জিনিস অর্জনের জন্যে জীবিতদের মধ্যস্থতার মতোই বেসালপ্রাপ্ত আস্থিয়া-আউলিয়ার যে ওসীলা (মাধ্যম) করা যায় তা ওহাবীরা অবিশ্বাস করে থাকে। তারা এভাবে অস্বীকার করতো না যদি তারা বিশ্বাস করতো যে, বেসালপ্রাপ্তজন 'কবর-জীবন' নামের একটি জীবনে বর্তমান রয়েছেন এবং তাঁরা জানেন, শোনেন, দেখেন, যিয়ারতকারীর প্রতি প্রত্যুত্তর দেন, আর নিজেদের মধ্যে দেখা-সাক্ষাৎ করেন; এবং তাঁরা পুরস্কার অথবা শাস্তির মধ্যে অবস্থান করেন, আর এই পুরস্কার অথবা শাস্তি রুহ (আত্মা) ও দেহের ওপর আসে; এবং তাঁদের জীবদ্দশায় পরিচিত লোকদের কাজ-কর্ম (আমল) সম্পর্কে তাঁদেরকে জানানো হয়, আর তাঁরা (এ জন্যে) আল্লাহ পাককে ধন্যবাদ জ্ঞাপন করেন ও নিজেদের মধ্যে শুভ সংবাদ আদান-প্রদান করেন এবং জীবিতদের জন্যে দোয়া করেন যখনই তাঁরা জীবিতদের নেক আমল সম্পর্কে অবহিত হন; আর বদ আমল সম্পর্কে অবগত হওয়ার সঙ্গে সঙ্গে তাঁরা দোয়া করেন – 'হে আমার আল্লাহ পাক! আপনি তাদেরকে সৎকাজ করতে সাহায্য করুন। আপনি তাদেরকে মুক্তি অর্জন করতে সহায়তা করুন যেভাবে আমাদেরকে করেছেন।' যেহেতু ইত্তেকাল হচ্ছে এক ঘর থেকে আরেক ঘরে স্থানান্তর, সেহেতু কুরআন, হাদীস, ইজমাউল উম্মত এসব তথ্য শিক্ষা দেয়। যে ব্যক্তি এগুলোতে বিশ্বাস করে না, সে বিশ্বাস স্থাপনের ওয়াজিব বিষয়গুলোতে অবিশ্বাস করে বিদয়াতীতে রূপান্তরিত হবে এবং রাসূলুল্লাহ ﷺ-এর সুন্নত থেকে বিচ্যুত হবে। বিভিন্ন দৃষ্টিকোণ থেকে এ ধরণের একজন ব্যক্তিকে কাফের বিবেচনা করা যায়, কারণ পুনরুত্থান দিবসে মানুষজন তাঁদের কবর থেকে জীবিতাবস্থায় উঠে আসবেন – এটা ঈমানের ছয়টি মূলনীতির একটি। যে ব্যক্তি এতে অবিশ্বাস করবে; সে কাফেরে পরিণত হবে। বেসালপ্রাপ্ত জন কবরে জীবিত এবং তাঁরা শাস্তি লাভ অথবা শাস্তি ভোগ করবার বিষয়টা, যার ওপর ইজমা-এ-উম্মত-এ-মোহাম্মদীয়া হয়েছে, তাতে অবিশ্বাস ক্ষুদ্র পুনরুত্থানে অবিশ্বাসেরই নামান্তর – যে ক্ষুদ্র পুনরুত্থান রোজ হাশরেরই একটা উদাহরণমাত্র।

ওহাবীরা বলে, 'কবরে দেহ পচে যায় এবং অঙ্গ-প্রত্যঙ্গ অদৃশ্য হয়ে যায়। তারা আর তখন শুনতে অথবা দেখতে পায় না। দেহের জন্যে কোনো শাস্তি কিংবা পুরস্কার নেই।'

আমরা তাদেরকে বলি, ‘তোমরাও তো বিশ্বাস করো ‘রুহ্ মৃত্যুবরণ করে না।’ অতএব, তোমাদেরও বিশ্বাস করা উচিত যে, তা অনুভব করে, দেখে এবং শুনে। তাই তোমাদের উচিত নয় সেই সকল মুসলমানদেরকে বাধা দেয়া যাঁরা আল্লাহর সৃষ্টি প্রক্রিয়ায় রুহসমূহের মধ্যস্থতার ওপর আস্থা রেখে শাফায়াত ও সাহায্যের আকাঙ্ক্ষী হন। যেহেতু সকল ধর্ম-ই প্রচার করে যে ইস্তিকালের পরও রুহসমূহের অস্তিত্ব থাকে, সেহেতু আল্লাহর সৃষ্টি প্রক্রিয়ায় জীবিত রুহসমূহের মধ্যস্থতাকে তোমাদের অস্বীকার করা উচিত নয়, যেমনি তোমরা অবিশ্বাস করো না জীবিত মানুষদের মধ্যস্থতাকে। খোলা মন নিয়ে এ বিষয়ের ওপর চিন্তা করার অক্ষমতার দরুন ওহাবীরা বলে, ‘মৃত-জনের কাছ থেকে কোনো সাহায্য-ই আশা করা যায় না। যে ব্যক্তি আল্লাহ তা’আলার প্রিয় বান্দাদের রুহ মোবারক থেকে শাফায়াত ও সাহায্য আশা করে, সে কাফের এবং মুশরিকে পরিণত হয়।’ অত্যন্ত পরিতাপের সঙ্গে পরিলক্ষিত হচ্ছে যে, ইদানীং বহু মানুষ এমন কি ওহাবীদের দ্বারা ধোকাপ্রাপ্ত ধর্মীয় পদে সমাসীন ব্যক্তিবর্গও আহলে সুন্নতের ওই সকল গোমরাহ্ শত্রুদের গুণকীর্তন করছে এবং তাদের ভ্রান্ত ও বিষাক্ত বইপত্র অনুবাদ করে যুব সম্প্রদায়কে প্রতারিত করতে অপতৎপর হচ্ছে। প্রত্যেকেই জানেন, সউদী আরবীয় সরকার ওহাবীবাদ সারা বিশ্বে প্রচারের উদ্দেশ্যে প্রচুর অর্থ ব্যয় করে চলেছে এবং একটা দপ্তর স্থাপন করেছে এই কাজ চালিয়ে যাবার জন্যে। কিছু বুদ্ধিহীন লোক তাদের দ্বীনকে বিক্রি করে ওহাবী মতবাদে দীক্ষা নিয়ে শুধুমাত্র অর্থের জন্যে যুব সম্প্রদায়কে বিপথে পরিচালিত করছে। এই ধরণের নিচু জাতের বুদ্ধি-বিবর্জিত মানুষ প্রত্যেক জাতিতেই রয়েছে। আরও কিছু লোক আছে যারা ইসলাম সম্পর্কে সম্পূর্ণ অজ্ঞ হয়েই ওহাবীদের দ্বারা প্রতারিত হয়েছে এবং তাদের মতাদর্শ প্রচারে আত্মনিয়োগ করেছে; আর ইসলামের মধ্যে সংস্কার সাধনে তারা তৎপর হয়েছে। এ সকল অজ্ঞ লোকেরা, যারা নিজেদেরকে আলেম হিসেবে পরিচয় দিচ্ছে, তারা কুরআনের আয়াত এবং হাদীসও চেনে না। তারা সাহাবা-এ-কেরাম ও তাবয়ীনগণের বাণী সম্পর্কেও বে-খবর, একেবারেই অজ্ঞ! অল্প-স্বল্প আরবী শিখেই নিজেদেরকে জ্ঞানী মনে করছে তারা। জ্ঞান অর্জন করে আলেম হওয়ার আকাঙ্ক্ষা তাদের মধ্যে নেই। সউদী আরব থেকে প্রাপ্ত স্বর্ণ দ্বারা ভোগ-বিলাসে মত্ত হয়েছে এ সকল লোকেরা। দ্বীন এবং দুনিয়া সম্পর্কে তারা অচেতন। হতভাগ্য যুবকেরা তাদেরকে ধর্মীয় ব্যক্তিত্ব হিসেবে গণ্য করে থাকে। এ সকল লোকেরাই ইসলামের ধ্বংসকারী। তথাকথিত এ সকল ‘আলেম’ মুসলমানদের নেতা হয়ে বসছে। তারা রাজনৈতিক আসন দখল করতে সমর্থ হচ্ছে। তাদের উর্বর মস্তিষ্কজাত কল্পনাসমূহকে তারা ধর্মীয় শিক্ষা হিসেবে পেশ করে থাকে। আর নিজেদের মতো অন্যদেরকেও বিচ্যুত করে সঠিক পথ হতে। সহিহ্ বুখারী শরীফে লিখিত হাদিসটি এদের আগমনী বার্তা দিয়েছে বহু আগেই। এই ক্ষতিকর বিচ্যুতি সম্পর্কে ওয়াকিবহাল প্রত্যেক ব্যক্তিরই উচিত মানুষকে জাগ্রত করা। যদি এই ধারাকে বাধা না দেয়া হয়, তবে এটা প্রাক-ইসলামী পর্যায়ে ফিরিয়ে নিয়ে যাবে মুসলমানদেরকে। কেননা, কবর আযাবে অবিশ্বাস শেষ বিচারের দিনের ওপর অবিশ্বাসের জন্ম দেবে।

কবরে আশীর্বাদ/শান্তি কিংবা শান্তি রুহ্ (আত্মা) এবং দেহ উভয়ের ওপরই প্রয়োগ করা হয়। এই বিষয়টির ওপর বিশ্বাস স্থাপন একান্ত অপরিহার্য। ইমাম মুহাম্মদ শায়বানী (রহ.) তাঁর ‘আল আক্বাইদ আশ্ শায়বানীয়া’ শীর্ষক পদ্যে এটা ব্যক্ত করেন: ‘কবরে আযাব আছে; সেটা রুহ্ এবং আত্মা উভয়ের ওপরই পতিত হয়।’ অর্থাৎ, দেহ এবং আত্মা উভয়ই পুরস্কার কিংবা শান্তি ভোগ করবে কবর-জীবনে। যদিও জীবিত মানুষেরা তা দেখে না, তবুও এর ওপর বিশ্বাস স্থাপন করাটা তাদের জন্যে জরুরী। এ গোপন বিষয়টিতে বিশ্বাস করা অপরিহার্য। এতে অবিশ্বাস ‘বাতাস’ বা কবর থেকে পুনরুত্থানে অবিশ্বাসের জন্ম দেবে। অথচ দুটোই আল্লাহ

তা'আলার ক্ষমতাবলে সংঘটিত হবে। যে ব্যক্তি পরবর্তী বিষয়টিতে বিশ্বাস করে, তার জন্যে পূর্ববর্তীটিতে বিশ্বাস করা যুক্তিসঙ্গত। যদিও জীবদশায় মানুষেরা কবর আযাব সম্পর্কে উপলব্ধি করতে পারে না, তবুও আয়াত-হাদীসসমূহ এবং এ উম্মাতের বিশুদ্ধ (পুণ্যবান) উত্তরাসূরীগণ ব্যক্ত করেন যে, কবর আযাব বাস্তব। নিম্নে আমি এ বিষয়ে বিস্তারিত আলোচনা করবো এবং হাদীসসমূহ পেশ করে দেখাবো যে, ইস্তেকালপ্রাপ্ত আল্লাহ পাকের প্রিয় বান্দাদেরকে ওসীলা করে তাঁদের শাফায়াত কামনা করা বৈধ, যাতে কোনো ব্যক্তির কাম্য বস্তু আল্লাহ তা'আলা সৃষ্টি করে দেন। এ সব দলিল পর্যালোচনা করলে দেখা যায় 'বেসালপ্রাপ্ত বুয়ূর্গানে দ্বীন নিজেদের ক্ষমতাবলে কিছুই করতে পারেন না এবং তাঁদের থেকে প্রার্থনার আক্ষরিক অর্থে কোনো কিছুই চাওয়া হয় না যা ওহাবীরা রটিয়ে বেড়ায়। জীবিত লোকদেরকে চলাফেরা এবং কাজ করতে (তাসাররুফ) দেখে ওহাবীরা মনে করে; তাদের কাছে সাহায্য ও সুপারিশ প্রার্থনাকারী বুঝি তাদের কাছেই আবেদন করে থাকে। অথচ জীবিতদের কাছে প্রার্থনা করা আর কিছুই নয় শুধু তাদেরকে আল্লাহ তা'আলার সৃষ্টি প্রক্রিয়ায় মধ্যস্থতাকারী বানানো ছাড়া। একমাত্র আল্লাহ পাকই সকল বস্তু সৃষ্টি করে থাকেন এবং সব কিছু পরিচালনা করে থাকেন। জীবিত ও বেসালপ্রাপ্ত সকলেই তাঁর সৃষ্টি প্রক্রিয়ায় 'ওয়াসিতা' বা বাহনস্বরূপ। তিনি নিজেই এ ইচ্ছা পোষণ করেছিলেন যে, সৃষ্টি জগত তাঁর সৃষ্টি প্রক্রিয়ায় মাধ্যম বা বাহন হবে। আল্লাহ পাকের ইচ্ছা এই যে, অনেক বস্তুর মধ্যস্থতায় তিনি সৃষ্টি করবেন, যাতে পৃথিবী নিয়মানুযায়ী পরিচালিত হতে পারে। তবুও বহু জিনিস তিনি মধ্যস্থতা ব্যতিরেকে সৃষ্টি করে থাকেন।

আম্বিয়া (আ.) এবং আউলিয়া (রহ.) তাঁদের মাযার-রওয়ায় 'কবর জীবন' নামের একটা জীবনে বর্তমান রয়েছেন, যা আমরা জানি না। তাঁরা নিজ হতে কিছুই করতে পারেন না। আল্লাহ পাকই তাঁদেরকে পর্যাণ্ড পরিমাণ ক্ষমতা ও মর্যাদা দিয়েছেন মধ্যস্থতাকারী হবার জন্যে। যেহেতু তিনি তাঁদেরকে অত্যন্ত ভালোবাসেন, সেহেতু তিনি তাঁদেরকে উচ্চমর্যাদা প্রদান করে থাকেন। তাঁদের ওয়াস্তে মহান আল্লাহ তা'আলা মনোবাসনা পূর্ণ করেন। এই হাজত (প্রয়োজন) ও মকসুদ (মনোবাসনা) পূরণের উদ্দেশ্যেই তাঁদেরকে মধ্যস্থতাকারী হবার জন্যে অনুবোধ করা হয়। ওহাবীদের এটা একটা মিথ্যা কাহিনী যে, আহলে সুন্নত কবর পূজো করে মুশরিকে রূপান্তরিত হয়েছে। মুসলমানদের বিরুদ্ধে এটা জঘন্য কুৎসা রটনা বৈ কিছুই নয়! কিছু অজ্ঞ লোক অথবা বকধার্মিক লোক নির্দোষ গ্রামবাসীকে ধোকা দিয়ে দুনিয়াবী স্বার্থ সিদ্ধির জন্যে শরীয়তের সঙ্গে অসঙ্গিপূর্ণ কাজ-কারবারে লিপ্ত করতে পারে। আর এটা নিশ্চিত; ইসলামী জ্ঞান ও মূল্যবোধ যে দেশে বিলুপ্তপ্রায়, সে-ই দেশে এসব 'যিন্দিক'-রা মাথাচাড়া দিয়ে উঠবে। তাদের ছুতা দেখিয়ে ওহাবী মতবাদকে আত্মরক্ষা না করে ওই সব বিচ্যুতিকে সংশোধন করার চেষ্টায় নিয়োজিত হওয়া বেশি জরুরী। নেতিবাচক মনোভাবের পরিবর্তে ইতিবাচক মনোভাব গ্রহণ করা উচিত। মুসলমানদের মধ্যে আবার কিছু লোক আছে যারা কবর জীবন এবং তার পুরস্কার অথবা শাস্তিতে বিশ্বাস করে, কিন্তু বেসালের পর আল্লাহর সৃষ্টি প্রক্রিয়ায় আম্বিয়া (আ.) ও আউলিয়া (রহ.)-বৃন্দের মধ্যস্থতাতে বিশ্বাস করে না। আরও কিছু লোক বলে, 'আল্লাহ পাকের সৃষ্টি ক্ষমতা বিবেচনা না করে কেন শুধুমাত্র বেসালপ্রাপ্ত জনদের কাছে প্রার্থনা করা হয়? তাঁদের কাছে শাফায়াত প্রার্থনা এবং তাঁদের মাধ্যমে অভীপ্সা পূরণ শরীয়তে আলোচিত হয় নি।' এ কথা যারা বলে তারা কবর জীবনে অবিশ্বাসী ওহাবীদের মতো ক্ষতিকর নয়। তারা কুরআন-হাদীস না জেনেই ওই ধরণের কথা বলে অথবা তারা নিছক একগুঁয়েমির খাতিরে ওই রকম আচরণ করে। মুসলমানদের উচিত একগুঁয়ে না হয়ে সঠিক কথাকে স্বীকার করে নেয়া। আমি আমার জওয়াবকে আটটি অধ্যায়ে পেশ করবো।

## প্রথম অধ্যায়

আম্বিয়া (আ.) গণ তাঁদের মাযার-রওয়ায় জীবিতাবস্থায় আছেন। তাঁরা রূপকার্থে (মাজাযী) জীবিত নন, বরং বাস্তবক্ষেত্রেই জীবিত। কুরআনুল কারীমে বলা হয়েছে, “আল্লাহ তা’আলার পথে শহিদদেরকে কখনো মৃত মনে করবে না। তাঁরা আল্লাহ পাকের দৃষ্টিতে জীবিত। তারা রিয়কপ্রাপ্ত।” (সুরা আল-ই-ইমরান, আয়াত ১৬৯) এই আয়াতটি ব্যক্ত করে যে, শহিদগণ জীবিত। তাঁরা অন্যান্য মুসলমানদের মতোই মর্যাদাসম্পন্ন এবং অন্যান্যদের ওপরে তাঁদের মর্যাদা নেই। কিন্তু আম্বিয়াগণ (আ.) শহিদদের চেয়েও উচ্চ মর্যাদাসম্পন্ন। উলামায়ে কেলাম বলেছেন যে, প্রত্যেক নবী (আ.) ই শহিদ হিসেবে বেসালপ্রাপ্ত হয়েছেন। এ বিষয়টি প্রত্যেকেই জানেন ভালোভাবে। যদিও আল হলাবী তাঁর পুস্তক ‘সিয়্যার’-এ লিখেছেন, “উচ্চ পর্যায়ের কোনো ব্যক্তির চাইতে নিম্ন পর্যায়ের কোনো ব্যক্তির হয়তো একটি মাহাত্ম্য বেশি থাকতে পারে,” তবুও এ কথাটি এ ক্ষেত্রে অপ্রাসঙ্গিক। কারণ এ কথাটা এমন একটা মাহাত্ম্যের ক্ষেত্রে প্রযোজ্য, যেটা কোনো আয়াত কিংবা হাদীসে সুস্পষ্টভাবে ঘোষিত হয় নি। কিন্তু যেহেতু হাদিসসমূহে ঘোষিত হয়েছে যে, আম্বিয়া (আ.) গণ সবাই শহিদ, সেহেতু এই বিষয়ে আল হলাবীর কথা প্রযোজ্য নয়। ইমাম বুখারী (রহ.) এবং মুসলিম (রহ.) বর্ণিত একটি হাদীস ঘোষণা করে, “মিরাজের রজনীতে আমি মূসা (আ.) এর রওয়্যার পাশ দিয়ে গমন করি। তিনি তাঁর রওয়া শরীফে দাঁড়িয়ে সালাত আদায় করছিলেন।” (হাদিস) ইমাম বায়হাকী (রহ.) এবং আরও বহু রেওয়য়াতকারী বর্ণিত একটি হাদীসে বলা হয়েছে, “আম্বিয়া (আ.) গণ তাঁদের মাযার-রওয়ায় জীবিত। তাঁরা সালাত আদায় করেন।” (হাদীস) অপর একটি হাদীস ঘোষণা করে, “আল্লাহ তা’আলা তাঁর নবীদের (দেহ মোবারক)-কে মাটির জন্যে হারাম করে দিয়েছেন।” (হাদীসে)

এ বিষয়টি ইজমা-এ-উলামা-এ-উন্মাত (ইসলামী জ্ঞান বিশারদদের ঐকমত্য) দ্বারা প্রতিষ্ঠিত। ইমাম বুখারী (রহ.)-এর সহীহ এবং মুসলিম শরীফে লিপিবদ্ধ আছে: “আল্লাহ পাক মেরাজ রজনীতে সকল নবী (আ.) কে আমাদের মহানবী ﷺ-এর কাছে প্রেরণ করেন। নবী পাক ﷺ ইমাম হন এবং তাঁরা সকলে দুই রাকআত নামায পড়েন।” রুকু এবং সাজদা সালাতের অন্তর্ভুক্ত। এতে প্রতিভাত হয় যে, তাঁরা স্বশরীরে সালাত আদায় করেন। রওয়া মোবারকে হযরত মূসা (আ.) এর নামায পড়াও এ বিষয়কে প্রমাণ করে। মিশকাত শরীফে লিপিবদ্ধ এবং ইমাম বুখারী (রহ.) ও মুসলিম (রহ.) রেওয়য়াতকৃত একটি হাদীস বলা করে, “আমি আম্বিয়াবৃন্দের সমাবেশে উপস্থিত ছিলাম। হযরত মূসা (আ.) দাঁড়িয়ে নামায পড়ছিলেন। তিনি কালো বর্ণের ছিলেন। তাঁর চুল ময়লা অথবা এলোমেলো ছিল না, বরং তাঁকে দেখতে লাগছিল ‘যাত’ গোটের একজন সাহসী যুবকের মতো।” (হাদীস)

এ সকল হাদীস প্রতীয়মান করে যে, আম্বিয়াগণ (আ.) আল্লাহ তা’আলার দৃষ্টিতে জীবিত। তাঁদের রুহের মতো তাঁদের দেহও অশরীরী হয়ে গিয়েছে। তাঁদের দেহ মোবারক ঘনও নয়, আবার শক্তও নয়। তাঁরা পার্থিব কিংবা

অপার্থিব (আত্মা) উভয় জগতেই দৃশ্যমান হতে পারেন। এই কারণেই আশ্বিয়াগণকে (আ.) রুহানীভাবে এবং স্বশরীরে দেখা যায়; হাদীসটি ঘোষণা করে যে, মূসা (আ.) নামায পড়ছিলেন; সালাত শারীরিক ক্রিয়াকলাপের মাধ্যমেই সংঘটিত হয়ে থাকে, রুহানী বা আত্মিকভাবে নয়। রাসূলে কারীম ﷺ কর্তৃক প্রদত্ত হযরত মূসা (আ.) এর শারীরিক বিবরণ পরিস্ফুট করে যে তিনি মূসা (আ.) কে রুহানীভাবে নয়, বরং শরীরসমেত দেখেছিলেন। অন্যান্য মানুষের মতো আশ্বিয়াবৃন্দ (আ.) মৃত্যুবরণ করেন না। তাঁরা নিজেদেরকে এ ক্ষণস্থায়ী পৃথিবী থেকে চিরস্থায়ী জগতে স্থানান্তর করেন। ইমাম বায়হাকী (রহ.) তাঁর ‘এ’তেক্বাদ’ গ্রন্থে লিখেছেন, “মাযারে রাখার পর নবীদেরকে তাঁদের রুহ মোবারক ফিরিয়ে দেয়া হয়। আমরা তাঁদেরকে দেখতে পাই না। তাঁরা ফেরেস্তাদের মতোই অদৃশ্য হয়ে যান। আল্লাহ্ পাক যে সকল মনোনীত বুয়ূর্গদেরকে কারামতস্বরূপ দর্শনক্ষমতা মঞ্জুর করেছেন, শুধুমাত্র তাঁরাই আশ্বিয়া (আ.) দেরকে দেখতে পান।” ইমাম আস সুযুতী-ও তাই বলেছেন। ইমাম নববী (রহ.), ইমাম সুবকী (রহ.) ও ইমাম কুরতুবী (রহ.) তাঁদের গুরুজনদের কাছ থেকে একই কথা রেওয়াজাত করেছেন। হাম্বলী মাযহাবের ইবনুল কাইয়েম আল জওযিয়া তার ‘কিতাবুর রুহ’ পুস্তকে হুবহু তা-ই লিখেছে। শাফেরী উলামা-এ-কেরাম হযরত ইবনে হাজর আল হায়তামী মক্কী (রহ.), ইমাম খায়রুদ্দীন রামলী (রহ.), ইমাম কাজী যাকারিয়া (রহ.) এবং হানাফী উলামা-এ-কেরাম ইমাম ইবনে আবি হামজা (রহ.), ইমাম ইবনুল হাজ্জ (রহ.) তাঁর ‘মাদখাল’ গ্রন্থে এবং শায়েখ ইব্রাহীম লাক্কানী (রহ.) তাঁর ‘জাওহরাতুত তাওহীদ’ কিতাবে এবং আরও বহু উলামা-এ-কেরাম একই বর্ণনা দিয়েছেন। সাইয়েদ ইবনে মুসাইয়াব (রা.) বলেন, “হুজরাহ্ আন-নববীয়াতে আযান ও ইক্বামত দিতে শোনা গিয়েছিল ঐতিহাসিক হাররা-এর ঘটনার দিন, যে দিন মসজিদে নববীতে আযান দেয়া যায়নি এবং নামাযও পড়া যায় নি।” এটা ঘটে ৬১ হিজরীতে, যে ঘটনাবহুল দিবসে ইয়াযিদ মদীনাবাসীদের ওপর অত্যাচার চালিয়েছিল। ইবনে তাইমিয়াও তার ‘এ’তেক্বাদ-উস-সিরাতেল মুসতাক্বিম’ পুস্তকে ঘটনাটি উদ্ধৃত করে। বহু মানুষ রওদাতুস সাযাদা-এর ভেতর থেকে তাঁদের সালামের প্রত্যুত্তর শুনেছেন। অন্যান্য মাযার-রওযা থেকেও বহুবার সালামের প্রত্যুত্তর শোনা গিয়েছে। আমরা এ ব্যাপারে পরে আলোচনা করবো। উলামায়ে ইসলামের ঐকমত্য অনুসারে বোঝা গিয়েছে যে, নবীগণ তাঁদের মাযার-রওযায় জীবিতাবস্থায় রয়েছেন। একটি সহীহ হাদীসে ঘোষিত হয়েছে, “যখন কোনো ব্যক্তি আমাকে সালাম দেয়, তখন আল্লাহ তা’আলা আমার রুহকে আমার দেহে ফিরিয়ে দেন এবং আমি সালাম দানকারীর সালামের উত্তর দেই।” এ কথা বলা যাবে না যে, এই হাদীসটি উপরোল্লিখিত বিষয়ের সঙ্গে মতভেদ সৃষ্টি করেছে। অর্থাৎ, কেউ বলতে পারবে না হুযূর ﷺ-এর রুহ মোবারক তাঁর দেহ মোবারককে ত্যাগ করেছিল, আর সালাম দেয়ার সঙ্গে সঙ্গে তা তাঁকে ফিরিয়ে দেয়া হয়েছে। যারা এ রকম কথা বলেছে তাদেরকে যথোচিত জবাব দিয়েছেন উলামা-এ-ইসলাম। ইমাম আস সুযুতী (রহ.) এ ধরণের সতেরোটি ব্যাখ্যামূলক উত্তর লিপিবদ্ধ করেছেন। এগুলোর মধ্যে সবচেয়ে সুন্দর উত্তর হচ্ছে এই, হুজূর পাক ﷺ জামাল-আল্লাহ (খোদাতা’আলার সৌন্দর্য ) দেখার ফলে আনন্দে আত্মহারা অবস্থায় আছেন এবং তাঁর দেহের চেতনা লুপ্ত হয়েছে; যখন কোনো মুসলমান তাঁকে সালাম দেন, তখন তাঁর রুহ মোবারক এই অবস্থা থেকে জাগ্রত হন, আর দৈহিক চেতনা ফিরে পান। এ পৃথিবীতেও এই ধরণের অবস্থা কম নয়। দুনিয়াবী কিংবা অপার্থিব বিষয় সম্পর্কে চিন্তামগ্ন কোনো ব্যক্তি মানুষের কথাবার্তা শুনতে পায় না। তাহলে যিনি জামাল-আল্লাহ দর্শনে আত্মহারা, তিনি কীভাবে (সালামের) আওয়াজ শুনবেন?

ঘুম কিংবা জাগ্রতাবস্থায় কি কেউ নবী কারীম ﷺ-কে দেখতে পারে? যদি তাঁকে দেখা যায়, তবে সেটা কি তিনি? নাকি তাঁরই অনুরূপ কোনো দৃশ্য? উলামাবৃন্দ এ প্রশ্নের উত্তর বিভিন্নভাবে দিয়েছেন। হুযূর ﷺ-এর রওয়া শরীফে তাঁর জীবিত থাকার ওপর ইজমা ছাড়াও অধিকাংশ উলামা বলেছেন যে, প্রকৃতার্থে হুযূরকেই ﷺ-দেখা যায়। হাদীসসমূহ থেকেও তা বোঝা যায়। একটি হাদীস ঘোষণা করে, “যে ব্যক্তি আমাকে স্বপ্নে দেখলো, সে যেন জাগ্রত অবস্থাতেই আমাকে দেখলো।” এ কারণেই ইমাম নববী (রহ.) বলেন, “স্বপ্নে তাঁকে দেখা যেন বাস্তবেই তাঁর দর্শন লাভ।” বস্তুতঃ ইমাম মানাবী (রহ.) তাঁর ‘কানযুদ্ দাকাইক’ পুস্তকে একটা হাদীস রেওয়ায়াত করেন যেটা ঘোষণা করে- “যে ব্যক্তি আমাকে স্বপ্নে দেখবে, সে বাস্তবিকই আমাকে দেখবে, কারণ শয়তান আমার আকৃতি ধারণ করতে পারে না।” যদি আমরা তাঁর অনুরূপ কিছু দেখে থাকি আমাদের স্বপ্নে, তাহলে তো আর আমরা তাঁকে বাস্তবিকই দেখবো না! ইব্রাহীম লাক্কানী (রহ.) তাঁর ‘জওহারা তুত তওহীদ’ গ্রন্থে লিখেছেন, “মুহাদ্দেসীন উলামা সর্বসম্মতভাবে জানিয়েছেন যে, রাসূলে আকরাম ﷺ-কে জাগ্রত কিংবা স্বপ্নে উভয় অবস্থাতেই দেখা যেতে পারে।” তবে নবী কারীম ﷺ-কে দেখা গেল, নাকি তাঁর মতো অন্য কাউকে দেখা গেল তা নিয়ে মতভেদ আছে; এর ওপর সর্বসম্মতি হয়নি। ইমাম গাজ্জালী (রহ.) ও ইমাম কুরাফী (রহ.) এবং আরও কয়েকজন উলামা বলেছেন, তাঁর অনুরূপ অন্য কাউকে দেখা যায়। আর যাঁরা বলেছেন যে, হুজূর ﷺ-কেই দেখা যায়, তাঁরাই হচ্ছেন সংখ্যাগরিষ্ঠ। এঁদের মধ্যে রয়েছেন ত্রিশের অধিক মুহাদ্দীস ইমাম এবং মহান উলামা। আমি তাঁদের প্রত্যেকের দলিল-প্রমাণ একটা আলাদা পুস্তকে ব্যাখ্যা করেছি।

## দ্বিতীয় অধ্যায়

বেসালপ্রাপ্ত আশ্বিয়া (আ.) ও আউলিয়া (রহ.)-এর শ্রবণ ও দর্শনক্ষমতা প্রসঙ্গে কুরআন মাজীদে সুস্পষ্টভাবে ঘোষিত হয়েছে যে, শহিদগণ তাঁদের মাযার-রওয়ায় জীবিত অবস্থায় রয়েছেন। আর আউলিয়া-এ-কেরাম আল্লাহ পাকের নেয়ামতের মাধ্যমে শ্রবণ ও দর্শন করে থাকেন; আল্লাহ তা’আলা তাঁর প্রিয় বান্দাদের ওয়াস্তে তাঁর স্বাভাবিক রীতি-নীতিবহির্ভূত পদ্ধতিতে সৃষ্টি করে থাকেন। যে সব অজ্ঞ লোকেরা বিশ্বাস করে না যে, আশ্বিয়া-এ-কেরাম, বিশেষ করে তাঁদের মধ্যে শ্রেষ্ঠ হযরত রাসূলে কারীম ﷺ এবং আউলিয়া-এ-কেরাম ও শহিদগণ তাঁদের মাযার-রওয়ায় শ্রবণ এবং দর্শন করতে পারেন, তাদেরকে স্তব্ধ করে দেবার জন্যে আমি সর্বপ্রথম ব্যাখ্যা করবো যে, এমন কি মৃত কাফেররাও শুনতে ও দেখতে পায়। ইমাম বুখারী (রহ.) রেওয়ায়াতকৃত একটি হাদীস ঘোষণা করে, “দাফনের পরে মৃতরা প্রস্থানকারী লোকদের পায়ের শব্দ শুনতে পায়।” (হাদীস) ইমাম বুখারী ও মুসলিম শরীফে লিপিবদ্ধ একটি হাদীস বর্ণনা করে যে, বদরের জিহাদে নিহত কাফেরদের লাশগুলোকে যুদ্ধের কিছু দিন পরে একটি গর্তে ফেলে দেয়ার নির্দেশ দেয়া হয়; এর কিছুদিন পরে হুযূর পাক ﷺ সেখানে গমন করে প্রত্যেক কাফেরের নাম তার পিতার নামসহ উচ্চারণ করে বলেন, “তোমাদের প্রতি ওয়াদাকৃত বস্তু কি তোমরা অর্জন করতে পেরেছ? আমি তো আমার রব (প্রভু)-এর ওয়াদাকৃত বিজয় অর্জন করতে সক্ষম হয়েছি।” এ কথা শুনে হযরত ওমর (রা.) হুযূর ﷺ-কে জিজ্ঞাসা করেন, “এয়া রাসূলুল্লাহ ﷺ, আপনি কি এসব লোকদেরকে বলছেন, যারা লাশে রূপান্তরিত হয়েছে?” অতঃপর নবী পাক ﷺ উত্তর দেন, “আমি আল্লাহ তা’আলার নামে বলছি যিনি আমাকে নবী হিসেবে প্রেরণ করেছেন যে, তুমিও আমাকে তাদের মতো এতো ভালোভাবে শ্রবণ করতে পারো না। কিন্তু তারা উত্তর প্রদানে অক্ষম।” (হাদীস) ইমাম বুখারী (রহ.) ও মুসলিম (রহ.) বর্ণিত আরেকটি হাদীস ঘোষণা করে, “মৃত ব্যক্তি তার আত্মীয়বর্গের উচ্চস্বরে ক্রন্দনের

জন্যে শাস্তি পায়।”(হাদীস) ইমাম নববী (রহ.) সহীহ মুসলিম শরীফের শরাহ বা ব্যাখ্যায় বলেন, “বেসালপ্রাপ্ত ব্যক্তি তাঁর আত্মীয়-পরিজনের উচ্চস্বরে ক্রন্দন দ্বারা আযাবপ্রাপ্ত হন।” মুহাম্মদ ইবনে জারির আত-তাবারীও একই কথা বলেছেন। ইমাম কাযী আয়ায (রহ.) বলেন, এটাই সর্বশ্রেষ্ঠ ব্যাখ্যা এবং উল্লেখ করেন যে, নবী কারীম ﷺ একজন মহিলাকে তার বেসালপ্রাপ্ত পুত্রের জন্যে উচ্চস্বরে কাঁদতে বারণ করেছিলেন। নবী কারীম ﷺ আদেশ দেন, “ওহে মুসলমানরা। তোমরা কবরে শায়িত তোমাদের ভ্রাতাদেরকে উচ্চস্বরে কান্নাকাটি করে আযাবযোগ্য করো না।” (হাদীস) হাদীসটি প্রতীয়মান করে যে, বেসালপ্রাপ্তজন শ্রবণ করেন এবং আত্মীয়দের কান্নায় আযাব অনুভব করেন। নবীয়ে মাকবুল ﷺ বলেন, “কবরে বেসালপ্রাপ্তজনকে সম্ভাষণ জানানোর সময় সালাম দেবো।” (হাদীস) এ কারণেই মুসলমানগণ বলেন, “আস সালামু আলাইকুম এয়া আহলা দারিল কওমীল মুমিনীনা’ নিশ্চয়ই এ ধরনের সম্ভাষণ একমাত্র শ্রবণ ও উপলব্ধি ক্ষমতাসম্পন্ন ব্যক্তিদেরকেই দেয়া যায়। যদি তাঁরা না শুনতেন, তাহলে সালাম জানানো হতো অস্তিত্বহীনতাকে কিংবা পাথরকে। সালাফে সালাহীন, অর্থাৎ, মহান উলামা-এ-ইসলাম সর্বসম্মতভাবে বলেছেন যে, বেসালপ্রাপ্তদের এভাবেই সম্ভাষণ জানাতে হবে।

### তৃতীয় অধ্যায়

বেসালপ্রাপ্তজন যিয়ারতকারীদেরকে চিনতে পারেন। ‘কিতাবুল কুবুর’ গ্রন্থে আবু বকর আবদুল্লাহ ইবনে আবিদ দুইয়া লিখেছেন, “হযরত আয়েশা (রা.) নবী কারীম ﷺ-এর কথা রেওয়াজাত করেন, যিনি বলেন: ‘যখন কোনো মুসলমান তার অপর কোনো মুসলমান ভ্রাতার কবর যিয়ারত করে কবরের পাশে বসে, তখন বেসালপ্রাপ্ত মুসলমানটি তাকে (যেয়ারতকারীকে) চিনতে পারে এবং তার সালামের জওয়াব দেয়া’ (হাদীস) হযরত আবু হুরায়রা (রা.) রেওয়াজাতকৃত একটি হাদীস ঘোষণা করে: ‘যদি কেউ তাঁর কোনো পরিচিত মানুষের কবর যেয়ারত করে সালাম দেয়, তবে বেসালপ্রাপ্ত ব্যক্তি তাকে চিনতে পারে এবং সালামের প্রত্যুত্তর দেয়। আর যদি সে অপরিচিত কোনো বেসালপ্রাপ্ত মুসলমানকে সালাম দেয়, তাহলে বেসালপ্রাপ্ত ব্যক্তি আনন্দিত হয় এবং সালামের জওয়াব দেয়া’ (কিতাবুল কুবুর) ইউসুফ ইবনে আব্দুল বার (রহ.) এবং ‘আহকাম’ কিতাবের লেখক আবদুল হক বলেছেন, ‘হাদীসটি সহীহ’। ইবনুল কাইয়েম আল্ জওযিয়া তার ‘কিতাবুর রুহ’ গ্রন্থে হাদীসটি উদ্ধৃত করে বহু খবর দেয় এবং জানায় যে, এ বিষয়ে আরও বহু খবর লেখার আছে। হাদীসটিতে ব্যবহৃত ‘যিয়ারত’ শব্দটি ব্যবহার করা হতো না, যদি বেসালপ্রাপ্তজন যেয়ারতকারীকে চিনতে না পারতেন। সকল ভাষায় এবং সকল অভিধানে এই শব্দটিকে পরিচিত মানুষদের মধ্যে পরস্পরের সাক্ষাৎ হিসেবে ব্যাখ্যা করা হয়েছে। আরও ব্যাখ্যা করা হয়েছে যে, সাক্ষাৎকারীগণ একে অপরকে বুঝতে সক্ষম। আর ‘সালামুন আলাইকুম’ শব্দটি তো সেই ব্যক্তিকেই বলা যায়, যিনি তা বুঝতে পারেন। যদি কোনো ব্যক্তি কবরের কাছে সালাত আদায় করেন, তাহলে বেসালপ্রাপ্তজন তা বুঝতে পারেন এবং তাঁকে শ্রদ্ধা করেন। ইয়াযিদ ইবনে হারুন রেওয়াজাত করেন, “ইবনে সাসাব একটি দাফন অনুষ্ঠানে যোগ দেন। তিনি হালকা বস্ত্র পরিধান অবস্থায় ছিলেন। একটি কবরের পাশে তিনি দুই রাকআত (নফল) নামায পড়েন। এরপর তিনি কবরটির ওপর হেলান দিয়ে দাঁড়ান। তিনি আল্লাহ পাকের নামে শপথ করে বলেন যে, তিনি জাগ্রত অবস্থায় কবরটির ভেতর থেকে একটি কণ্ঠস্বরকে বলতে শোনেন, ‘আমাকে ব্যথা দেবেন না। আপনি ইবাদত করেন কিন্তু শুনতে পান না। আপনি জানেনও না। আমরা জানি, কিন্তু নড়াচড়া করতে পারি না। আমার দৃষ্টিতে ওই দুই রাকআত সালাতের মতো মূল্যবান জিনিস আর নেই।’ কবরে শায়িত বেসালপ্রাপ্তজন বুঝতে পেরেছিলেন যে, ইবনে সাসাব নামায

পড়েছিলেন এবং কবরের ওপর হেলান দিয়েছিলেন।” উপর্যুক্ত ঘটনা বর্ণনা করার পর ইবনুল কাইয়েম আল জওযিয়া সাহাবা-এ-কেরামের কাছ থেকে বর্ণিত আরও অনেক ঘটনার বর্ণনা দেয়, যেগুলোতে প্রমাণিত হয় যে বেসালপ্রাণ্ডজন শ্রবণ করতে সক্ষম। ওহাবীরা ইবনুল কাইয়েম আল জওযিয়াকে একজন মুজতাহিদ মনে করে থাকে, অথচ তার উপর্যুক্ত লেখনীতে বিশ্বাস করে না এবং আরও দাবি করে যে এর প্রতি বিশ্বাস স্থাপনকারী মুশরিক। ওহাবীদের এই ধরণের আচরণ থেকে পরিস্ফুট হয় যে, তারা উলামায়ে ইসলামকে শ্রদ্ধা করে না; কিন্তু তাদের স্বার্থের সঙ্গে খাপ খেলে তারা তাঁদের প্রশংসা করে থাকে। আরও প্রতিভাত হয় যে, তারা ইসলামী উলামাদের পছন্দও করে না।

হযরত আয়েশা (রা.) বলেছেন যে বদরের জিহাদে নিহত কাফেররা, যাদেরকে একটি গর্তের মধ্যে ফেলে দেয়া হয়েছিল, তারা শুনতে পায়নি। এই কারণেই কিছু লোক মনে করেছিল যে মৃতজন, এমন কি বিশ্বাসীগণও কবরে শুনতে পান না। আর কিছু অজ্ঞ লোক বলেছিল যে, শহিদগণ, এমন কি নবি কারীম ﷺও শুনতে পান না। যারা মনে করেছিল; বেসালপ্রাণ্ডজন শুনতে পান না, তারা ভুল করেছিল; কারণ হযরত আয়েশা (রা.) বলেছিলেন, গর্তে সমাহিত কাফেররা-ই শুধু শ্রবণ করতে অক্ষম। তারা মনে করেছিল এই ‘শ্রবণ’ বুঝি সেই অর্থে, যেভাবে সুরা আল ফাতির-এর ২২নং আয়াতে ঘোষিত হয়েছে - “আপনি মৃতদের শোনাতে পারবেন না। আপনি তাদেরকে শোনাতে পারবেন না যারা কবরসমূহে আছেন।” (আয়াত) অথচ এটা সেই অর্থে ব্যবহৃত হয় নি। ‘শ্রবণ’ শব্দটিকে মহান উলামা-এ-কেরাম ব্যাখ্যা করেছেন শ্রবণ ও বিশ্বাসের মাধ্যমে স্বীকার (কবুল) করে নেয়ার অর্থে। এই ধরণের আয়াতগুলোতে আল্লাহ তা’আলা কর্ণ, চক্ষু ও মস্তিষ্কসম্পন্ন কাফেরদেরকে কবরে অবস্থিত মৃতদের সঙ্গে তুলনা করেছেন। এই তুলনাটা কিন্তু শ্রবণ ও উপলব্ধির ক্ষেত্রে নয়, বরং গোঁড়ামি ও নির্লিপ্ত মনোভাবের ক্ষেত্রে। অর্থাৎ, অনিচ্ছা ও অবিশ্বাসের ক্ষেত্রে। মৃত্যুর ব্যাধির সময় পরবর্তী জগতে নিজের স্থান দর্শনের পর কোনো কাফের যদি বিশ্বাস করার ইচ্ছা পোষণ করে, তাতে তার কোনো লাভ হবে না। আল্লাহ রাব্বুল আলামীন বলা করেন, “পরকালে যারা বদকার হিসেবে চিহ্নিত, তাদের প্রতি আপনার বিশ্বাস স্থাপনের আহ্বান তাদের জন্যে কোনো সুফলই বয়ে আনবে না।” (আয়াত) এই ধরণের লোকদের প্রতি বিশ্বাস স্থাপনের আহ্বান তাদের কোনো কাজে আসবে না, ঠিক যে রকম কাজে আসবে না সেই ধরণের কবরবাসীর বিশ্বাস যারা কবরে যেয়ে প্রত্যক্ষ করে বিশ্বাস করেছে, অথচ যাদের প্রত্যক্ষ না করেই বিশ্বাস করা উচিত ছিল। মৃতদের এ রকম বিশ্বাস গ্রহণযোগ্য হবে না। আয়াতে উল্লিখিত ‘শ্রবণ’-এর প্রকৃত অর্থ হচ্ছে ‘স্বীকৃতি’। উদাহরণস্বরূপ, যখন কেউ বলে, ‘এ নারী এমনই মেয়েলোক যে, সে কোনো কথা-ই শোনে না’, তখন সে বোঝায় যে মহিলাটি শুনেও কথায় মনোনিবেশ করে না। কাফেরদের প্রতি অবতীর্ণ দুটো আয়াতেই ‘শ্রবণ’ শব্দটি এই অর্থে ব্যবহৃত হয়েছে। কাফেররা জীবিত এবং তাদের কর্ণ ও চক্ষু আছে, কিন্তু যেহেতু আল্লাহ পাক তাদেরকে পাপিষ্ঠ বানিয়েছেন এবং অন্তরগুলোকে মোহরাঙ্কিত করে দিয়েছেন, সেহেতু তিনি তাঁর নবী ﷺ-কে বলেছেন, “আপনি তাদেরকে শোনাতে পারবেন না”; অর্থাৎ, “আপনি যখন তাদেরকে বলবেন তখন তারা বিশ্বাস করবে না। তাদের বিশ্বাসকে গ্রহণ করা হবে না, ঠিক যে রকম কবরস্থ কাফেরদের বিশ্বাসকে গ্রহণ করা হবে না।” হাদীসসমূহে বিবৃত হয়েছে যে, বেসালপ্রাণ্ডজন শ্রবণ করতে পারেন। যে অর্থ ওই হাদীসগুলোতে বিবৃত হয়েছে, তাতে প্রতিভাত হয় যে, বেসালপ্রাণ্ডজন কর্ণ দ্বারা শ্রবণ করে থাকেন। তবে উপর্যুক্ত দুটো আয়াতেই ‘শ্রবণ’-এর অর্থ হচ্ছে ‘গ্রহণ’ (স্বীকার)। যুক্তিসঙ্গত চিন্তাধারার অধিকারী যে কোনো ব্যক্তিই শ্রবণের এই দুটির অর্থের পার্থক্য স্পষ্টভাবে বুঝতে পারবেন। “আপনি তাদেরকে শোনাতে পারবেন

না”-আয়াতটির পর আল্লাহ পাক বলা করেন, “আপনি শুধু তাদেরকেই শোনাতে পারবেন যারা ঈমান এনেছে।” আল্লাহ তা’আলা বলেছেন যে, ঈমানদার (বিশ্বাসী)-গণ শ্রবণ করতে সক্ষম। এই বিবৃতি থেকেও বোঝা যায় যে, শ্রবণের অর্থ ‘স্বীকার’ বা ‘গ্রহণ’ করে নেয়া। যদি কেউ বলে ‘আপনি মৃতদের শোনাতে পারবেন না,’ বাক্যটির অর্থ তারা কান দ্বারা শুনতে পারে না, তাহলে আল্লাহ তা’আলা বোঝাচ্ছেন যে, কবরস্থ বিশ্বাসীগণ শ্রবণ করতে পারেন (অর্থাৎ, আয়াতের অবশিষ্টাংশকেও একই অর্থে গ্রহণ করতে হবে ওই ব্যক্তিকে)। যেহেতু কোরআন-এ-করীমে স্পষ্টভাবে ঘোষিত হয়েছে, ‘বেসালপ্রাপ্ত ঈমানদারগণ শুনতে পান, সেহেতু কেউই একে অস্বীকার করতে পারবে না, যদি সেই ব্যক্তি কুরআনের পর মুসলমানগণের কাছে গৃহীত সবচেয়ে নির্ভরযোগ্য দলিল হাদীসসমূহের অস্বীকার করেও।’

হযরত আয়েশা (রা.) বলেছেন; শুধুমাত্র মৃত কাফেররা-ই শুনতে পায় নি। কারণ তাঁর রেওয়াজাতকৃত একটি হাদীস ঘোষণা করে: “যখন কোনো মুসলমান তাঁর কোনো মুসলমান ভ্রাতার কবর যিয়ারত করে এবং কবরের পাশে বসে, তখন কবরস্থ মুসলমানটি তাকে চিনতে পারে এবং তার সালামের প্রত্যুত্তর দিয়ে থাকে।” হাদীসটি আমরা পূর্বেই উল্লেখ করেছি। বেসালপ্রাপ্ত ব্যক্তির এই চেনার এবং সাড়া দেবার ক্ষমতা প্রতীয়মান করে তিনি যিয়ারতকারীকে দেখতে এবং তার সালাম শুনতে পান। যদিও হযরত আয়েশা (রা.) বলেছিলেন, মৃত কাফেররা শুনতে পায় না, তবুও তিনি আরও বলেছিলেন যে, তারা জানতে সক্ষম; তাঁর রেওয়াজাতকৃত একটি হাদীসে বলা হয়েছে, “তারা (কাফেররা) এখন জানে যে, আমি সত্য বলেছিলাম।” (হাদীস) উলামাগণ ঘোষণা করেছেন যে, কোনো ব্যক্তি ‘শ্রবণের’ মাধ্যমেই জানতে পারে। অতএব, এই দুটো শব্দের মধ্যে কোনো বিরোধ নেই। ইবনে তাইমিয়া, ইবনুল কাইয়েম আল জওযিয়া, ইবনে রাজাব ও ইমাম আস্-সুয়ুতী (রহ.) এবং আরও বহু উলামা বলেছেন যে, উপর্যুক্ত ব্যাখ্যাটি-ই সত্য, সঠিক। যদি কিছু অজ্ঞ লোকের কথানুযায়ী মৃত্যুর অর্থ হতো অনস্তিত্ব, তাহলে বেসালপ্রাপ্তজনের সকল ইন্দ্রিয়ই অস্তিত্ববিহীন হয়ে পড়তো। কিন্তু হযরত আয়েশা (রা.)-এর বর্ণিত এবং বুখারী শরীফে লিপিবদ্ধ হাদীসটি ব্যক্ত করে, ‘বেসালপ্রাপ্তজন জানতে সক্ষম।’ অতএব, হাদীসটি থেকে প্রতিভাত হয় বেসালপ্রাপ্তজনের ইন্দ্রিয় চেতনা লুপ্ত হয় না। অন্যান্য সাহাবী কর্তৃক রেওয়াজাতকৃত হাদীসসমূহ সুস্পষ্টভাবে ব্যক্ত করে বেসালপ্রাপ্তজন শুনতে পান। ‘শ্রবণ’ অর্থ ‘স্বীকার ও বিশ্বাস করে নেয়া’- হযরত আয়েশা (রা.)-এর এই ধারণাটি উলামাগণের এজমার সঙ্গে মতভেদ সৃষ্টি করেছে। তাঁর কথার সঙ্গে সাহাবা-এ-কেরামের কথার সর্বোত্তম সঙ্গতি আনতে সক্ষম একমাত্র সেই হাদীসটি যেটা মাযার যিয়ারত সংক্রান্ত, আর যেটা হযরত আয়েশা (রা.)-ই রেওয়াজাত করেছেন।

‘আল হিদায়া’ গ্রন্থের শরাহ-এ (ব্যাখ্যায়) ইবনুল হুমাম লিখেছেন, “শপথ সম্পর্কে মন্তব্য করতে গিয়ে হানাফী উলামা-এ-কেরাম বলেন: ‘বেসালপ্রাপ্তজন শ্রবণ করতে পারেন না।’” অপর পক্ষে, মিশকাত শরীফের শরাহ-তে (ব্যাখ্যায়) বদরের জিহাদে নিহত কাফেরদের সম্পর্কে হাদীসটি ব্যাখ্যাকালে মোল্লা আলী ক্বারী লিখেন: “শপথ সংক্রান্ত বিষয়ে হানাফী উলামার মন্তব্যসমূহ (ভাষাগত) প্রথার ওপর প্রতিষ্ঠিত। এ সব কথা পরিস্ফুট করে না ‘বেসালপ্রাপ্তজন শ্রবণ করতে পারেন না।’ ‘শপথ’ সংক্রান্ত জ্ঞান সম্পর্কে ব্যাখ্যা করতে যেয়ে হানাফী উলামা-এ-কেরাম বলেন, ‘যদি কোনো ব্যক্তি গোস্ত/মাংস না খাওয়ার শপথ করে থাকেন এবং এরপর মাছ ভক্ষণ করেন, তবে তাঁর শপথ ভঙ্গবে না।’ অথচ আল্লাহ তা’আলা মাছকে ‘সুস্বাদু’ গোস্তস্বরূপ ঘোষণা করেছেন। কিন্তু মাছের গোস্ত প্রধানুযায়ী (সাধারণ) গোস্ত থেকে পৃথক। অনুরূপভাবে, যদি কোনো ব্যক্তি অপর কোনো ব্যক্তির সঙ্গে

কথা না বলার শপথ করেন এবং অপর ব্যক্তির মৃত্যুর পর তার সঙ্গে কথা বলেন, তবে তার শপথ ভাঙবে না। কারণ ‘আলাপের’- অর্থ প্রথানুযায়ী মুখেমুখি হয়ে কথা বলা। একজন বেসালপ্রাপ্ত ব্যক্তি শ্রবণ করতে পারেন, কিন্তু যেহেতু তিনি স্বাভাবিক শ্রবণ উপযোগী পদ্ধতিতে কথা বলেন না, সেহেতু প্রথানুসারে উভয়ের মধ্যে আলাপ হতে পারে না। এ কারণেই তার (জীবিত ব্যক্তির) শপথ ভঙ্গ হবে না; বেসালপ্রাপ্ত ব্যক্তির শ্রবণ না করার কারণে নয়।” (মোল্লা আলী ক্বারী) ইবনুল হুমাম হযরত আয়েশা (রা.)-এর কথা উদ্ধৃত করেন, যিনি বলেন, বদরের জিহাদে নিহত কাফেরদের সঙ্গে হুজুর ﷺ-এর কথপোকথন বর্ণনাকারী হাদীসটি অ-সহীহ। ইবনুল হুমাম আরও লিখেছেন, হযরত আয়েশা (র:) বলেছিলেন, ‘নবী কারীম ﷺ এ ধরনের কোনো কথা-ই বলতে পারেন না, যেহেতু আল্লাহ তা’আলা বলা করেছেন, “আপনি মৃতদের শোনাতে পারবেন না। আপনি কবরে অবস্থানকারীদের শোনাতে পারবেন না” (আয়াত); কিন্তু হাদীসটি সর্বসম্মতিক্রমে রেওয়াজাত করা হয়েছে। হযরত আয়েশা (রা.) এতে বিশ্বাস করেননি – এ কথাটা আমরা গ্রহণ করতে পারি না। তাছাড়া, উক্ত আয়াত এবং হাদীসের মধ্যে কোনো বিরোধ-ই নেই। আয়াতের মধ্যে ‘মৃত’ শব্দটি কাফেরদের প্রতি আরোপিত, আর শ্রবণের নেতিবাচক অর্থ হচ্ছে এটা তাদের কোনো কাজে আসবে না। কাফেররা শ্রবণে অক্ষম – এই অর্থে ব্যবহৃত হয়নি শব্দটি। “কাফেররা মূক, বধির, অন্ধ; তারা বুঝতে অক্ষম”- আয়াতটাও এই অর্থে ব্যবহৃত হয়েছে। অর্থাৎ, তাদের চোখ, কান থাকা সত্ত্বেও আল্লাহ তা’আলা ঘোষণা করেন, তারা অন্ধ ও বধিরের মতো, যেহেতু তারা হুযুর ﷺ-এর ইসলাম এবং সঠিক পথের দিকে আহ্বানকে উপেক্ষা করেছিল। কুরআনের আয়াত “আপনি মৃতদের শোনাতে পারবেন না” ব্যাখ্যাকালে ইমাম বায়দাবী (রহ.) বলেন, “তারা (কাফেররা) ঠিক সেই সকল লোকের মতো যারা সত্য, সঠিক কথা শ্রবণকালে কানে তালা দেয়। আল্লাহ পাক তাদেরকেই শ্রবণ করার ক্ষমতা প্রদান করে থাকেন, যাঁদেরকে তিনি ইচ্ছা করেন, আর তাঁরাই হলেন নাজাতপ্রাপ্ত।” অবিশ্বাসীদের মধ্যে একগুঁয়েদেরকে আল্লাহ তা’আলা মৃতদের সঙ্গে তুলনা করেছেন। উপর্যুক্ত আয়াতটি নিম্নোক্ত আয়াতের মতোই – “যাদেরকে আপনি ভালোবাসেন তাদেরকে চাইলেই বিশ্বাস করতে পারবেন না। কিন্তু আল্লাহ তা’আলা যাকে চান তাকে ঈমানদার বানাতে পারেন।” ইবনুল হুমাম বলেন, ‘মৃতদেরকে শোনানো একমাত্র নবি কারীম ﷺ-এর জন্যেই খাস।’ কিন্তু আমাদের কাছে হুজুর ﷺ-এর জন্যে কোনো বিষয়কে খাস বলার পক্ষপাতী ব্যক্তিকে প্রামাণ্য দলিল দেখাতে হবে। এই ধরনের কোনো দলিল এ বিষয়ে নেই। হযরত উমর (রা.)-এর প্রশ্নটি অথবা তাঁর প্রতি দেয়া উত্তরটি কোনোটি-ই এই ধরনের ইঙ্গিত বহন করে না। যদিও ইবনুল হুমাম বলেছেন, “বদরের জিহাদে নিহত কাফেরদের সঙ্গে আলাপ আসলে একটা প্রবাদ বাক্য উচ্চারণের মতোই”, তবুও হযরত উমর (রা.)-এর প্রতি প্রদত্ত উত্তরটি পরিস্ফুট করে, “এ কথা সত্য নয়।” ইবনুল হুমাম বলেন, “মুসলিম শরীফে লিপিবদ্ধ হাদীসটা, যেটাতে বর্ণনা করা হয়েছে যে, বেসালপ্রাপ্তজন দাফনের পরবর্তী সময়ে দাফনকারীদের প্রস্থানকালীন পদ-শব্দ শুনতে পান, সেটাতে প্রতিভাত হয়; বেসালপ্রাপ্তজন ফেরেশতাদের প্রশ্নসমূহ শুধুমাত্র প্রশ্ন পেশকালীন সময়েই শুনতে পান। আরো প্রতিভাত হয়; তাঁরা প্রশ্ন-পর্ব শেষ হওয়ার পর আর কখনো শুনতে পান না। কারণ, আয়াতটিতে পরিস্ফুট হয়েছে যে, বেসালপ্রাপ্তজন শ্রবণ করতে অক্ষম। কাফেররা যে শ্রবণ করতে অক্ষম, তা বোঝাতে যেয়ে আল্লাহ তা’আলা তাদেরকে মৃতদের সঙ্গে তুলনা করেছেন।” আমাদের উত্তর হচ্ছে, এই যুক্তিটি নিজেকেই নিজে ভুল প্রমাণ করে। কারণ যে ব্যক্তি বলে; বেসালপ্রাপ্তজন দাফনের পরপরই শুনতে সক্ষম, তাকে অবশ্যই বিশ্বাস করতে হবে যে তাঁরা সবসময়ই শুনতে সক্ষম। কোনো আলেমই বলেননি; বেসালপ্রাপ্তজন প্রশ্ন-পর্বের পর আর শ্রবণ করবেন না। উপরন্তু, ‘তাঁরা

দাফনের পর কিছুকাল শ্রবণ করতে পারবেন'- এই ধারণাটিকেও তাহলে আয়াতের সঙ্গে অসঙ্গতিপূর্ণ বিবেচনা করতে হবে।

আহলে সুন্নতের উলামা-এ-কেরামের সর্বসম্মত মতানুযায়ী বেসালপ্রাপ্তজনকে সালাম দেয়া সুন্নত। 'মাসাবিহ'-এর শরাহ-তে মহান আলেম ইবনে মালেক (রহ.) কবরস্থ বেসালপ্রাপ্তজনকে সালাম দেয়ার হাদীসটি ব্যাখ্যাকালে বলেন, "যারা বলে, বেসালপ্রাপ্তজন শ্রবণ করতে অক্ষম, তাদের মতবাদকে এই হাদীসটি ভ্রান্ত প্রমাণিত করে। পরবর্তী হাদীস, যেটা লিপিবদ্ধ আছে ইমাম আহমদ ইবনে হাম্বল (রহ.)-এর 'সুনান' এবং আবু দাউদ (রহ.)-এর গ্রন্থে, হাকিম (রহ.)-এর 'মুসতাদরাক', ইবনে আবি শায়বা (রহ.)-এর 'আল মুসান্নাফ', ইমাম বায়হাকী (রহ.)-এর 'আযাবুল কুবুর', আত্-তায়ালিসী ও আব্দু ইবনে হামিদের 'মুসনাদ' গ্রন্থ দুটোতে, হামাদ ইবনে আস্ সিররীর 'আয যুহদ' গ্রন্থে, যার মধ্যে ইবনে জারির তাবারী এবং ইবনে আবি হাতেম ও বাররা ইবনে আযিব কর্তৃক লিপিবদ্ধ সহীহ সনদ-এর উল্লেখ আছে, সেই হাদীসটাতে হুযূর ﷺ বলা করেন, 'বেসালপ্রাপ্ত মুসলমানের সপক্ষে একটা কণ্ঠস্বরকে বলতে শোনা যাবে, "আমার বান্দা সত্য কথা বলেছে।" একটা বেহেশতী পর্দা কবরের ওপরে বিছিয়ে দেয়া হবে এরপর। ওই মুসলমানকে বেহেশতী পোষাক পরিধান করানো হবে। বেহেশতের একটা দরজা তার জন্যে খুলে দেয়া হবে। ফলে বেহেশতী সুগন্ধ কবরের মধ্যে ছড়িয়ে পড়বে। তাঁর দৃষ্টি যতো দূর যাবে ততো দূর কবরের পরিধি প্রসারিত হবে। এরপর কবরের মধ্যে প্রবেশ করবে এক সুদর্শন ও সুন্দর পরিচ্ছদাবৃত ব্যক্তি। তাঁর শরীর থেকে সুগন্ধ ছড়াতে থাকবে। ওই বেসালপ্রাপ্ত মুসলমান তাঁকে জিজ্ঞাসা করবে, "আপনি কে? আপনার মুখমন্ডল কেন এতো জ্যোতির্ময়?" ওই ব্যক্তি উত্তর দেবে, "আমি হলাম আপনার নেক আমলা।" তখন বেসালপ্রাপ্ত মুসলমান বলবে, "হে আমার আল্লাহ! পুনরুত্থান অতি সহসা সংঘটিত হোক, যাতে আমি আমার গৃহস্থালী ও সম্পত্তির সাক্ষাৎ শিগগির পেতে পারি।" (হাদীস) এর বিপরীত - আযাব - পতিত হয় মৃত কাফেরদের ওপর। এই হাদীসটি প্রতীয়মান করে, বেসালপ্রাপ্তজন শোনে, দেখে, কথা বলেন, ঘ্রাণ নেয়, উপলব্ধি করেন, চিন্তা করেন এবং উত্তর দেন। এগুলোর সবই প্রপ্ন-পর্বের পর কবরের মধ্যে সংঘটিত হয়। উলামা-এ-কেরাম সর্বসম্মতভাবে জানিয়েছেন, 'এটাই সত্য।' ইমাম সুয়ুতী (রহ.)-এর মতো হাদীসবিদ ইমামগণ বলেছেন, 'এই হাদীসটি 'মুতাওয়াতির'- অর্থাৎ, নির্ভরযোগ্য হাদীসগুলোর মধ্যে অন্যতম। হাদীসটি পরিস্ফুট করে, 'বেসালপ্রাপ্ত জনকে সালাম জানানো জীবিতদেরকে সালাম জানানোর মতোই ব্যাপার; আর এও প্রতিভাত হয় যে, বেসালপ্রাপ্তজন শ্রবণ করতে সক্ষম।' (ইবনে মালেক কৃত 'শরহে মাসাবিহ')

'ফতোয়া-এ-হিন্দীয়া' গ্রন্থে লিপিবদ্ধ আছে, "ইমামুল আযম আবু হানিফা (রহ.) ঘোষণা করেছেন, "কবর যেয়ারত নিষিদ্ধ নয়। ইমাম মুহাম্মদ শায়বানীর কথা থেকে আরও বোঝা যায়, 'মহিলাদের জন্যেও কবর যিয়ারত করা বৈধ।' 'তাহযিব' গ্রন্থে লেখা আছে, "কবর যিয়ারত করা মুস্তাহাব। বেসালপ্রাপ্তদের যেয়ারত করা যেন তাদের সঙ্গে তাদের জীবদ্দশায় সাক্ষাৎ করার মতোই ব্যাপার, তবে তা সম্পর্কের ঘনিষ্ঠতার ওপর নির্ভরশীল।" 'খাযানাতুল মুফতীন' কিতাবেও একই মত ব্যক্ত হয়েছে। কবর যিয়ারতকালে প্রত্যেকের উচিৎ পায়ের জুতো খুলে ফেলা। কবরস্থ ব্যক্তির মুখের দিকে মুখ করে কাবার দিকে পিঠ দিয়ে দাঁড়িয়ে প্রত্যেককে বলতে হবে, "আস্-সালামু আলাইকুম ইয়া আহলাল কুবুর। আল্লাহ তা'আলা আপনাদের এবং আমাদের ক্ষমা করুন। আপনারা আমাদের পূর্বসূরী এবং আমরা আপনাদের অনুগামী।" 'গারাইব' পুস্তকটাও একই বক্তব্য প্রদান করে। কবরস্থানে নিম্ন স্বরে অথবা উচ্চস্বরে সুরা-এ-মুলক তেলাওয়াত করা যেতে পারে। 'যাহিরা' গ্রন্থের

‘কবরের পার্শ্বে কুরআন তেলাওয়াতের ফযীলত’ অধ্যায়ে লিপিবদ্ধ আছে যে, অন্যান্য সুরাও পাঠ করা যেতে পারে। কাযী খানের ফতোয়াসমূহে লিপিবদ্ধ আছে, যে ব্যক্তি কবরস্থ ব্যক্তির মনে আনন্দ দেয়ার জন্যে কুরআন মাজীদ উচ্চৈঃস্বরে পড়ার ইচ্ছা রাখে, সে তা করতে পারে। আর যে ব্যক্তি নিঃশব্দে পড়তে চায়, সেও তা করতে পারে। কারণ, আল্লাহ তা’আলা কুরআন তেলাওয়াত শুনতে পান – যেভাবেই তা পড়া হোক না কেন। ‘বাযায়িয়া’ গ্রন্থটা বলে, “কবরস্থানে সবুজ ঘাস তুলে নেয়া মাকরুহ; যেহেতু প্রতিটি ঘাসের পাতা-ই আল্লাহ পাকের তাসবিহ পাঠে রত। এই তাসবিহটি বেসালপ্রাপ্ত ব্যক্তিকে কবর আযাব থেকে নিষ্কৃতি দেয়। বেসালপ্রাপ্তজন এ সকল তাসবিহ দ্বারা স্বস্তি অনুভব করেন।” আশ্ শার্নবলালীর ‘ইমদাদুল ফিতাহ’ গ্রন্থে এবং অন্যান্য হানাফী উলামার গ্রন্থেও একই কথা লেখা রয়েছে। যদি বেসালপ্রাপ্তজন ঘাসের তাসবিহ পাঠ শুনতে পান যা জীবিতরা শুনতে পায় না, যে ব্যাপারটি ফতোয়া প্রদানের ক্ষমতাসম্পন্ন মহান উলামা-এ-কেরাম ঘোষণা করেছেন সত্য হিসেবে, তাহলে এ কথা কীভাবে ধারণা করা যায় যে, ‘বেসালপ্রাপ্তজন তাঁদের প্রতি সম্ভাষণ দানকারী ব্যক্তিদের কথা শুনবেন না?’ যাঁরা বলেছেন বেসালপ্রাপ্তজন শ্রবণ করতে পারেন না, তাঁরা সম্ভবতঃ বুঝিয়েছেন যে, জীবিতদের মতো কর্ণ দ্বারা শ্রবণ করতে তাঁরা অক্ষম। এই মাপকাঠিতে ফিকাহ কিতাবগুলোর মধ্যে ‘শপথ’ অধ্যায়ে বর্ণিত বক্তব্যগুলোর পারস্পরিক সমঝোতা প্রতিষ্ঠা করা যায় এবং নবী পাক ﷺ-এর হাদীসও বিশ্বাস করা যায়; আর ফলস্বরূপ এর ওপর উলামাগণের মতৈক্যও প্রতিষ্ঠিত হয়ে যায়। যদি কেউ বলে যে “ইমামুল মাযহাব হযরত আবু হানিফা এটা বিশ্বাস করেন নি”, তবে আমাদের উত্তর হচ্ছে এই মহান ইমামও অন্যান্য ইমাম আল মাযহাবের মতো ঘোষণা করেছেন, “আমার মাযহাব সহীহ হাদীসের ওপর প্রতিষ্ঠিত।” বস্তুতঃ তিনি হুজুর ﷺ-কে অনুসরণ করতে যেয়ে ‘মুরসাল’, এমন কি ‘যয়ীফ’ হাদীসও তাঁর মাযহাবের জন্যে দলিল হিসেবে গ্রহণ করেছেন। তাহলে এ কথা কীভাবে ধারণা করা যায় যে, তিনি সহীহ হাদীস অমান্য করবেন? এখানে বোঝা যায় যে কিছু উলামা ‘বেসালপ্রাপ্তজন শ্রবণে অক্ষম’ – এ কথাটি বলে বুঝিয়েছেন যে, তাঁরা পৃথিবীতে জীবিতদের শ্রবণ করার পদ্ধতি অনুযায়ী শ্রবণ করেন না। কারণ, সহীহ হাদীসকে অমান্য করে অন্য কারও কথার অনুগামী হওয়ার অনুমতি কোনো আলেমেরই নেই।

হানাফী উলামাগণের এজমা অনুযায়ী হুজুর ﷺ এবং তাঁর সঙ্গে সমাধিস্থ দুইজন সাহাবীর মাযার যিয়ারত করা, সালাম জানানো এবং তাঁদের শাফায়াত প্রার্থনা করা সুন্নাত। যদি তাঁরা বিশ্বাস না করতেন যে নবী পাক ﷺ ও সাহাবাগণ শুনবেন, তবে তাঁদের কথা পরস্পরবিরোধী হতো, এমন কি ‘মাযার যিয়ারত করা সুন্নাত’ – এই ফতোয়াতেও তাঁদের মধ্যে মতবিরোধ দেখা দিতো। ‘শপথ’ সংক্রান্ত বিষয়ে হানাফী উলামার কথাগুলোকেও যদি পৃথিবীতে জীবিতদের শ্রবণের অর্থে নেয়া হয়, তাহলেও আর কোনো মতপার্থক্য অবশিষ্ট থাকে না।

## সম্পূরণ

ইবনে তাইমিয়া তার প্রণীত ‘কিতাবুল ইনতিসার ফীল ইমামিল আহমদ’ পুস্তকে লিখেছে, “বদরের যুদ্ধে নিহত কাফেররা যে, হুজুর পাক ﷺ-এর কথা শুনেছিল – এ কথা বিশ্বাস না করাটা হযরত আয়েশা (রা.)-এর জন্যে দোষযুক্ত নয়, কেননা তিনি হাদীসটি শোনেন নি। কিন্তু অন্যদের জন্যে এতে বিশ্বাস না করা দোষণীয় হবে, যেহেতু এই হাদীসটি বিপুল প্রসার লাভ করে এবং ওই সকল ইসলামী বিশ্বাসের একটিতে পরিণত হয় যার ওপর বিশ্বাস স্থাপন করা একান্ত অপরিহার্য। ইবনে তাইমিয়া বোঝাতে চেয়েছে, বদরের যুদ্ধে নিহত কাফেরদের

শ্রবণ করার ব্যাপারটির ওপর অবিশ্বাসকারীরা কাফেরে রূপান্তরিত হবে। কারণ, মাযহাবের কিতাবসমূহে লিখা রয়েছে, যে ব্যক্তি ইসলামের কোনো বিষয়, যেটার ওপর পরিপূর্ণ ঈমান আনা অপরিহার্য, সেটা যদি সে অবিশ্বাস করে, তবে সে কাফেরে পরিণত হবে। হযরত আয়েশা (রা.) এবং স্বল্প সংখ্যক উলামা যাঁরা বলেছিলেন, ‘বেসালপ্রাপ্তজন শ্রবণ করতে অক্ষম, তাঁরা প্রকৃতপক্ষে বোঝাতে চেয়েছিলেন যে মৃত কাফেররা-ই শ্রবণ করতে অক্ষম।’ কিন্তু হযূর পাক ﷺ এবং আউলিয়া-এ-কেরাম ও শহিদগণ শুনতে না পাওয়ার ব্যাপারটিতে কোনো আলেম-ই বিশ্বাস করেন নি। হযরত আয়েশা (রা.) এবং অন্যান্যরাও তাঁদের শ্রবণ ক্ষমতায় বিশ্বাস করতেন। বেসালপ্রাপ্তজন, এমন কি হযূর ﷺ-ও শ্রবণ করতে অক্ষম – ওহাবীদের এই অভিযোগটি কী রকম জঘণ্য পর্যায়ের তা সহজেই অনুমেয়। মহান আল্লাহ তা’আলা যিনি ‘কাহহার’, তিনি এসব গোমরাহদেরকে চরম শাস্তি দেবেন নিঃসন্দেহে। মৃতদের পুনরুজ্জীবিত করার ওপর প্রদত্ত ফতোয়াসমূহে ইবনে তাইমিয়া জিজ্ঞাসা করে, “বেসালপ্রাপ্তজন কি তাঁদের যিয়ারতকারীদেরকে চিনতে পারেন? তাঁদের পরিচিত কিংবা অপরিচিত এমন কোনো ব্যক্তি যদি তাঁদের কবর যিয়ারত করে, তাহলে কি তাঁরা বুঝতে পারেন যে, একজন যিয়ারতকারী এসেছিল?” এরপর ইবনে তাইমিয়া উত্তর লিখেছে, “হ্যাঁ, তাঁরা চিনতে এবং বুঝতে পারেন।” সে আরও সেই সব রওয়াজাতের বর্ণনা লিপিবদ্ধ করে, যেগুলোতে বেসালপ্রাপ্তজনের একে অপরের সঙ্গে সাক্ষাৎ, কুশলাদি বিনিময় এবং জীবিতদের কর্মফল তাঁদের কাছে প্রদর্শিত হওয়ার পর তাঁদের মধ্যকার আলাপ-আলোচনা ইত্যাদি বিষয়ের ওপর আলোকপাত করা হয়েছে। হযরত খালিদ ইবনে যাইদ আবু আইয়ুব আল আনসারী (রহ.)-এর উদ্ধৃতি দিয়ে হযরত আবদুল্লাহ ইবনে মুবারক (রহ.) রেওয়াজাত করেন নবী কারীম ﷺ-এর হাদীস: “ঈমানদার ব্যক্তির রূহকে তার বেসালের সময় একজন নেয়ামতের ফেরশতা গ্রহণ করেন। অন্যান্য বেসালপ্রাপ্তজন তাকে ঘিরে ধরে রাখে ঠিক পৃথিবীতে শুভ-সংবাদ শ্রবণের আকাঙ্ক্ষী ব্যক্তিবর্গের মতো। তারা তাকে প্রশ্ন করতে আরম্ভ করে, আর কিছু বেসালপ্রাপ্তজন তখন বলে, ‘তোমাদের ভাইকে একা থাকতে দাও যাতে সে বিশ্রাম নিতে পারে। সে একটা অস্বস্তিকর স্থান থেকে এসেছে।’ তবুও তারা তাকে ঘিরে ধরে থাকে। বেসালপ্রাপ্তজন এ পৃথিবীতে তাদের পরিচিতদের সম্পর্কে জিজ্ঞাসা করে, “অমুক কী কাজ করে? অমুক কি বিয়ে-শাদী করেছে?” (আল-হাদীস)

আল্লাহ পাক বলা করেন যে, শহিদগণ তাঁদের কবরে জীবিতাবস্থায় আছেন এবং তাঁরা সেখানে রিয়কও পেয়ে থাকেন। একটি হাদীসে বিবৃত হয়েছে, ‘শহিদগণের রূহসমূহ বেহেশতী হবেন। যদিও কিছু (উলামা) বলেছেন, “এ সব রহমত শুধু শহিদগণের জন্যেই নির্দিষ্ট, সিদ্ধিকগণের জন্যে নয়, তবুও আহলে সুন্নতের ইমামগণ যা বলেছেন তা-ই সত্য ও সঠিক। জীবন, রহমত এবং রূহমূহের বেহেশতে গমন শুধুমাত্র শহিদগণের জন্যে খাস (নির্দিষ্ট) নয়। ইমামগণ ঘোষণা করেন যে, এ তথ্যটি কুরআন ও হাদীস থেকে বের করা হয়েছে। এ বিষয়টি শহিদগণের সঙ্গে সম্পর্কযুক্ত হওয়ার কারণ হচ্ছে এই যে, মুসলমানগণ মৃত্যুর ফলে নিশ্চিহ্ন হয়ে যাবেন মনে করে যুদ্ধে অংশগ্রহণ করা হতে বিরত থাকার সম্ভাবনা ছিল। মুসলমানদের মন থেকে সন্দেহ দূর করে যুদ্ধে অংশগ্রহণ করে শহিদ হওয়ায় অনুপ্রাণিত করা-ই ছিল এর মুখ্য উদ্দেশ্য। “দারিদ্র্যের ভয়ে তোমাদের সন্তানদেরকে হত্যা করো না”- কুরআন মজীদে এই আয়াতটিও একই অর্থে ব্যবহৃত হয়েছে। যদিও দারিদ্র্যের ভীতি যেখানে নেই সেখানেও হত্যা করার অনুমতি নেই, তথাপি আয়াতটি এমন কতোগুলো ঘটনা সংঘটনকালে নাযিল হয়েছিল, যখন বহু মানুষ দারিদ্র্যের ভয়ে হত্যা করতো।

এতক্ষণ আমরা হাররানের আহমদ ইবনে তাইমিয়ার দলিল পেশ করলাম। ওহাবীরা বলে যে, তারা ইবনে তাইমিয়ার অনুসরণ করে থাকে; অথচ তার বই-পুস্তক ও ধ্যান-ধারণা বুঝতেই অজ্ঞতার পরিচয় দেয় ওহাবীরা। ইবনে তাইমিয়া বলে, “বেসাপ্রাপ্তজন শহিদগণের মতোই জীবিত এবং তাঁরা সেখানে নেয়ামত পান। ওহাবীরা তার অনুগামী হওয়ার কথাটায় কীভাবে মানুষেরা বিশ্বাস করবে, যখন তারা তারই কথা অমান্য করে কথা মান্যকারী মানুষদেরকে কাফের ও মুশরিক আখ্যা দেয়? এ সব আহাম্মকেরা, যারা বলে যে রাসূলে মকবুল ﷺ শ্রবণ, দর্শন, উপলব্ধি এবং যিয়ারতকারী ও তার শাফায়াত প্রার্থনাকে বুঝতে অক্ষম, তারা প্রকৃতপক্ষে কাউকেই অনুসরণ করে না একমাত্র তাদের প্রবৃত্তিকে ছাড়া। আল্লাহ তা’আলা ওহাবীদেরকে বুঝার সক্ষমতা দান করুন, আমিন!

বেসাপ্রাপ্ত জন জীবিতদের দেখতে পান তার প্রামাণ্য দলিলগুলোর মধ্যে একটি হচ্ছে নিম্নোক্ত হাদীস – “প্রত্যেক মৃত ব্যক্তিকেই পরবর্তী জগতে তাঁর (ভবিষ্যৎ) স্থান দেখানো হয় প্রতিদিন সকালে এবং বিকালে! বেহেশতপ্রাপ্তকে তাঁর স্থান দেখানো হয়, আর দোষীকেও তার স্থান দেখানো হয়।” হাদীসটির রেওয়াজাতকারী হচ্ছেন ইমাম বুখারী। ‘প্রদর্শন’ শব্দটির অর্থ তারা দেখতে পান। ফেরাউনের লোকজন সম্পর্কে আল্লাহ তা’আলা বলা করেন – “তাদেরকে প্রত্যেক সকাল-সন্ধ্যায় জাহান্নামের আগুন দেখানো হয়।” (আয়াত) যদি মৃতরা দর্শন না করতো, তবে ‘প্রদর্শন’-এর কোনো অর্থ হতো না। আমরা ইবনে দীনারের উদ্ধৃতি দিয়ে আবু নুয়াইম (রহ.) একটি হাদীস রেওয়াজাত করেন, “যখন একজন মানুষ মৃত্যু বরণ করে, তখন একজন ফেরেশতা তার রুহকে ধরে রাখে। রুহ দেহের গোসল দান ও কাফনের কাপড় পরিধান-পর্ব দর্শন করে। তাকে বলা হয়: ‘মানুষেরা কীভাবে তোমরা প্রশংসা করে তা শ্রবণ করো।’” আমরা বিন দীনার (রা.) থেকে নকল করে ইবনে আবিদ দুনিয়া (রহ.) রেওয়াজাত করেন রাসূলে আকরাম ﷺ-এর হাদীস: “মৃত ব্যক্তি তার মৃত্যুর পর নিজ স্ত্রী এবং সন্তানদের জীবনে সংঘটিত ঘটনাবলী সম্পর্কে জানে। তাকে গোসল ও কাফনের কাপড় পরিয়ে দেয় যারা, তাদেরকেও সে দেখে।” (হাদীস) ইমাম বুখারী’র উদ্ধৃত একটি সহীহ হাদীস ঘোষণা করে, “প্রশ্ন-পর্ব শেষ হওয়ার পর মুনকির-নাকির ফেরেশতাগণ মৃত ব্যক্তিকে বলেন, ‘দোষখে তোমার স্থানটি দর্শন করো। আল্লাহ তা’আলা তা পরিবর্তন করে বেহেশতে তোমাকে একটি স্থান মঞ্জুর করেছেন।’ সে উভয় স্থান দর্শন করো।” (হাদীস)

হযরত আবু হোরায়রা (রা.)-এর উদ্ধৃতি দিয়ে ইবনে আবিদ দুনিয়া (রহ.) ও আল্ বায়হাকী (রহ.) তাঁর ‘শুয়াব আল ঈমান’ গ্রন্থে একটি হাদীস রেওয়াজাত করেন: “যখন কোনো ব্যক্তি তার পরিচিত কোনো ইন্তেকালপ্রাপ্ত ব্যক্তির কবর যিয়ারত করে সালাম জানায়, তখন ইন্তেকালপ্রাপ্ত ব্যক্তি তাকে চিনতে পারে এবং সালামের প্রত্যুত্তর দেয়। যদি ওই জীবিত ব্যক্তি অপরিচিত কোনো ইন্তেকালপ্রাপ্ত ব্যক্তির কবরের পাশে যেয়ে সালাম জানায়, তবে ইন্তেকালপ্রাপ্ত ব্যক্তি তার প্রত্যুত্তর দেয়।” (হাদীস) এ হাদীসে প্রতিভাত হয় যে, বেসাপ্রাপ্তজন তাঁদের কবরের পাশে আগমনকারী ব্যক্তিদেরকে দেখতে পান। যদি তাঁরা না দেখতেন, তাহলে হাদীসটিতে উল্লেখ করা হতো না যে, বেসাপ্রাপ্ত ব্যক্তি তাঁর দুনিয়াবী জীবনে অপরিচিত কোনো ব্যক্তির সালাম কবরস্থ হওয়ার পর গ্রহণ করবেন এবং প্রত্যুত্তর দেবেন। প্রথমোক্ত ব্যক্তি চিনতে পেরে সালামের প্রত্যুত্তর দেন। দ্বিতীয় জন না চিনেও সালামের উত্তর দেন।

ইমাম আহমদ বিন হাম্বল (রহ.) এবং হাকিম (রহ.) হযরত আয়েশা (রা.)-এর কথাকে উদ্ধৃত করেন, যিনি বলেন: “আমার স্বামী (হুযূর-দ:) এবং আমার পিতা (হযরত আবু বকর রা:)-কে দাফন করার পর আমি যখন আমার ঘরে যেতাম, তখন বুরখা খুলে রাখতাম। হযরত ওমর (রা.)-কে সেখানে দাফন করার পর আর আমি কখনো বুরখা খুলিনি। কারণ তিনি আমার নিকটাত্মীয় ছিলেন না। আমার লজ্জার কারণেই আমি তা করতাম, যেহেতু তিনি সেখানে ছিলেন।” ‘আরবাইনুত তাইয়্যা’ কিতাবে লিপিবদ্ধ একটি হাদীস ঘোষণা করে, “মৃত ব্যক্তির ইহ-জীবনে স্নেহ-ভালোবাসাপ্রাপ্ত কোনো ব্যক্তি যদি তার যিয়ারত করে, তবে সে আনন্দিত হয়।” হাদীসটি প্রমাণ করে যে, ইস্তিকালপ্রাপ্ত ব্যক্তি যিয়ারতকারীকে দেখতে পান। যদি তিনি না দেখতে পেতেন, তাহলে তো আনন্দিত হওয়ার কথাই ওঠতো না। সহীহ মুসলিম শরীফে হযরত আমর ইবনুল আস (রা.)-এর মৃত্যু-পূর্বকালীন কথা উদ্ধৃত হয়েছে, যিনি বলেন: “যখন তোমরা আমাকে দাফন করবে, তখন আমার ওপর মাটি ছড়িয়ে ছিটিয়ে দেবে। তারপর ততোটুকু সময় আমার কবরের পাশে অবস্থান করবে, যতোটুকু সময় একটি জন্তুকে জবেহ করে টুকরো টুকরো করতে লাগে। তোমাদের আশপাশে দেখলে হয়তো আমি আমার কবরের সঙ্গে নিজেকে খাপ খাইয়ে নিতে পারবো এবং আমার আল্লাহ তা’আলা প্রেরিত ফেরেশতাদের প্রশ্নের উত্তর অতি সহজেই দিতে পারবো।” এ ধরণের বহু রেওয়াজাত আছে বেসালপ্রাপ্তজনের শ্রবণ ও দর্শন ক্ষমতা সম্পর্কে। প্রয়োজনানুযায়ী যতোগুলো দরকার, ততোগুলো আমি উদ্ধৃত করেছি। আমি মনে করি, এর বেশি লেখার আর প্রয়োজন নেই।

আমরা ওপরে লিখেছি যে, জীবিতদের আমলনামা বেসালপ্রাপ্তজনকে দেখানো হয়ে থাকে। তাঁদেরকে জীবিতদের আমলনামা দেখানো হতো না, যদি তাঁরা দর্শনক্ষমতাসম্পন্ন না হতেন। কারণ এটা পরিস্ফুট, ‘তাঁদেরকে আমলনামা প্রদর্শন করা হয়’-এর অর্থ হচ্ছে কাঁধে অবস্থিত কিরামান কাতেবীন ফেরেশতাগণ যে স্থানে নথিভুক্ত করেন সেই স্থান তাঁদেরকে প্রদর্শন করানো হয়। আর এটাই প্রতীয়মান করে যে বেসালপ্রাপ্তজন দেখতে পান। বেসালপ্রাপ্তজন দর্শন করতে পারেন – এই বিষয়টি ব্যাখ্যা করার পর আমার এখন সেই সব হাদীস উদ্ধৃত করা যথার্থ মনে করি, যেগুলোতে প্রমাণিত হয় যে, ‘জীবিত মানুষদের আমলনামা বেসালপ্রাপ্তজনদের দেখানো হয়।’

ওহাবীরা এসব ব্যাখ্যা উপলব্ধি করতে অক্ষম। এর কারণ হচ্ছে তারা এ বিষয়ে নবীয়ে মকবুল ﷺ-এর সুন্নত ও হাদীসসমূহ শোনেনি। এ সকল লোকেরা যারা নিজেদেরকে আলেম মনে করে থাকে, তারা এতোই অজ্ঞ আহাম্মক যে, তারা প্রশ্ন করে থাকে: ‘তাঁদের মাযার যেয়ারত করে শাফায়াত ও সাহায্য প্রার্থনাকারীদেরকে কীভাবে নবী-ওলীগণ চিনতে পারেন?’ আমরা বলি: “ওই সকল মহান ব্যক্তিকে বহু বিষয় সম্পর্কে জ্ঞাত করানো হয়েছে। তাঁদের বেসালপ্রাপ্তির পর কেন তাঁদেরকে জানানো হবে না?” অথবা আমরা তাদেরকে বলতে পারি, “আল্লাহ তা’আলার স্বাভাবিক রীতি-বহিভূর্ত দয়া ও নেয়ামতে নবী-ওলীগণ শ্রবণ এবং দর্শন করতে পারেন।” হাদীসসমূহে ব্যক্ত হয়েছে, “জীবিত ব্যক্তিদের আমল-নামা বেসালপ্রাপ্তজনদের দেখানো হয়। আমরা সে সব হাদীস বিষয়টিতে অবিশ্বাসকারীদের জ্ঞাতার্থে পেশ করেছি। যদি কোনো ব্যক্তি হাদীসগুলো পড়ার পর না বুঝে বলে ফেলে, “বেসালপ্রাপ্তজন শুধুমাত্র তাদের পরিচিত মানুষদেরই চিনতে পারেন এবং তাদের কথা শুনতে পান,” তবে আমরা বলবো, “হাদীসগুলো পরিচিত ও অপরিচিতদের মধ্যে পার্থক্য নির্ণয় করে না।” ওহাবীরা একগুঁয়ে আচরণ করে থাকে। মৃত্যুর পর এ সত্যটি তাদের সামনে প্রকাশ হওয়ার পরই তারা বিশ্বাস করবে।

এমন বহু হাদীস আছে যেগুলোতে ব্যক্ত হয়, হুযূর পাক ﷺএর কাছে উম্মতের আমলনামা দেখানো হয়। আবদুল্লাহ ইবনে মাসউদ (রা.)-এর উদ্ধৃতি দিয়ে বাযায একটি হাদীস রেওয়ায়াত করেন: “আমার (বস্ত্রনিষ্ঠ/প্রকাশ্য) জীবন তোমাদের জন্যে উপকারী; তোমরা তা বলবে এবং তোমাদেরকে তা বলা হবে। আমার বেসালও তোমাদের জন্যে উপকারী; তোমাদের আমলগুলো আমাকে দেখানো হবে। তোমাদের নেক আমল দেখলে আমি আল্লাহ পাকের প্রশংসা করবো। আর বদ আমল দেখলে গুনাহ মাফ এবং সম্পূর্ণ ক্ষমা প্রার্থনা করবো।” (হাদীস) হাদীসটির রেওয়ায়াত হয়েছে “আমি রাসূলুল্লাহ ﷺ-কে বলতে শুনেছি”- বাক্য দ্বারা সমর্থনের পর। আরও বহু আস্থাশীল ব্যক্তি এ হাদীসটিকে ‘মুরসাল’ হিসেবে বর্ণনা করেছেন। আর যে হাদীসটি জীবিত ব্যক্তির আমলনামা তাঁর পরিচিত বেসালপ্রাপ্তজনের কাছে প্রদর্শন সম্পর্কে বর্ণনা দেয়, সেটা ঘোষণা করে, “তোমাদের আমলগুলোকে তোমাদের আত্মীয় ও পরিচিতদের কাছে দেখানো হয়। তারা তোমাদের নেক আমল দেখলে আনন্দিত হয়। আর বদ আমল দেখলে তারা বলে: ‘এয়া আল্লাহ! তাদেরকে সঠিক পথপ্রাপ্তিতে সাহায্য করুন, যেমনিভাবে সাহায্য করেছিলেন আমাদেরকে। এরপর তাদের রুহ কবজ করুন’।” এ হাদীসটি রেওয়ায়াত করেছেন ইমাম আহমদ ইবনে হাম্বল (রহ.), হাকিম আত-তিরমিযী (রহ.) তাঁর ‘নওয়াদিরুল উসূল’ পুস্তকে, এবং প্রখ্যাত হাদীসবেত্তা মুহাম্মদ বিন ইসহাক বিন মানদা, মহান মুহাদ্দীস সূলাইমান আবু দাউদ তায়ালিসী হযরত জাবির ইবনে আদ্দিলাহ (রা.) থেকে বর্ণনা করেন, নবি কারীম ﷺ- বলেছেন: “তোমাদের আমলকে তোমাদের ইস্তিকালপ্রাপ্ত আত্মীয়-স্বজন ও পরিচিতদের কাছে দেখানো হয়। আমল নেক হলে তারা খুশি হন। না হলে তারা বলে, ‘এয়া আল্লাহ! তাদের অন্তরগুলোকে ভালো কাজের দিকে অনুপ্রাণিত করুন’।” ইবনে আবি শায়বা (রহ.) তাঁর ‘আল মুসান্নাফ’ গ্রন্থে, হাকিম তিরমিযী (রহ.) এবং ইবনে আবিদ্ দুনইয়া (রহ.) হযরত ইবরাহীম ইবনে মায়সারা (রা.) থেকে বর্ণনা করেন যে, হযরত আবু আইয়ুব আনসারী (রা.) জেহাদ উপলক্ষে কনস্টানটিনোপল (ইস্তাম্বুল) গেলে জনৈক পথচারীকে বলতে শোনেন, “দুপুরে কৃত কর্ম বেসালপ্রাপ্তদের রাতে দেখানো হয়; আর রাতে সংঘটিত কর্ম দেখানো হয় (পরের দিন) সকালে।” হযরত আবু আইয়ুব (রা.) তাঁকে প্রশ্ন করেন, “আপনি কী বলছেন?” জবাবে ওই পথচারী বলেন, “আল্লাহর নামে বলছি, এ কথা আপনার জন্যেই বলেছি।” অতঃপর হযরত আবু আইয়ুব (রা.) প্রার্থনা করেন, “এয়া আল্লাহ! আমি আপনার কাছে আশ্রয় চাচ্ছি। উবাদা বিন সামিত এবং সায়াদ ইবনে উবাদার (কবরের) কাছে তাঁদের বেসালের পরে যা করেছি তার জন্যে আমাকে অভিশপ্ত করবেন না।” এমতাবস্থায় ওই পথচারী বলেন, “আল্লাহ পাক তাঁর বান্দাদের দোষত্রুটি গোপন করেন; তিনি তাদের নেক আমল প্রদর্শিত হবার সুযোগ দেন।” হাকিম তিরমিযী (রহ.)-এর ‘নওয়াদিরুল উসূল’ গ্রন্থে লিপিবদ্ধ একটি হাদীসে মহানবি ﷺ বলেন: “আদম সন্তানদের আমলনামা আল্লাহ তা’আলার সামনে পেশ করা হয় প্রতি সোমবার ও বৃহস্পতিবার। আর আশ্বিয়া (আ.), আউলিয়া (রহ.) এবং অভিভাবকদের সামনে পেশ করা হয় প্রতি শুক্রবার। নেক আমল দর্শনে তাঁরা আনন্দিত হন। তাঁদের মুখমন্ডল আলোকোজ্জ্বল হয়ে ওঠে। আল্লাহকে ভয় করো! বেসালপ্রাপ্তদের মনে আঘাত দিও না।” (আল হাদীস) মনুষ্য জাতির আমলনামা তাদের অপরিচিত বেসালপ্রাপ্তজনকেও দেখানো হয়। হযরত আবু আইয়ুব আনসারী (রা.) থেকে গ্রহণ করে হযরত আব্দুল্লাহ ইবনে মুবারক (রহ.) ও ইবনে আবিদ্ দুনইয়া (রহ.) রেওয়ায়াত করেন, নবী পাক ﷺ- বলেছেন: “তোমাদের আমল বেসালপ্রাপ্তদের কাছে উপস্থাপন করা হয়। নেক আমল দেখে তাঁরা আনন্দিত হন। আর ব্যথিত হন বদ আমল দর্শনো।” (হাদীস) আরেকটি হাদীস ঘোষণা করে, “তোমাদের কবরস্থ ভ্রাতাদের ব্যাপারে আল্লাহকে ভয় করো। তাদেরকে তোমাদের আমলনামা দেখানো হয়।” হাদীসটি বর্ণনা করেছেন ইমাম হাকিম তিরমিযী (রহ.), ইবনে আবিদ্ দুনইয়া (রহ.) এবং নুমান ইবনে বশীর

থেকে গ্রহণ করে ইমাম বায়হাকী (রহ.) তাঁর প্রণীত ‘শুআবুল ঈমান’ গ্রন্থে। এই দুটো হাদীস সকল বেসালপ্রাপ্তজনকে বুঝিয়েছে। হযরত আবু দারদা (রহ.) বলেন, “তোমাদের আমল সকল বেসালপ্রাপ্তজনের সামনে প্রদর্শন করা হয়। তা দেখে তাঁরা আনন্দিত অথবা ব্যথিত হন।” ইবনুল কাইয়েম আল জওযিয়া তার ‘কিতাবুর রুহ’ পুস্তকে ইবনে আবিদ দুইয়া (রহ.) থেকে উদ্ধৃত করেন সাদাকাত বিন সুলাইমান আল জাফরীকে, যিনি বলেন: “আমি একজন বদ-অভ্যাসী লোক ছিলাম। পিতার ইন্তেকালের পরে আমি নিজেকে সংশোধন করি। উচ্ছৃঙ্খলতাকে পুরোপুরিভাবে বর্জন করি। কিন্তু একবার আমি একটা দোষ করি। অতঃপর আমার পিতাকে স্বপ্নে দেখি যিনি আমায় বলেন, ‘হে পুত্র! তোমার নেক আমল দেখে আমি কবরে শান্তিতে ছিলাম। তুমি যা করো তা আমাদের দেখানো হয়। তোমার আমল সুলাহা (পুণ্যবান)-দের আমলের মতোই ছিল। কিন্তু সম্প্রতি তুমি যা করেছ তার জন্যে আমি ব্যথিত ও লজ্জিত। আশপাশের বেসালপ্রাপ্তজনের কাছে আর আমাকে লজ্জিত করো না।” এই খবর প্রমাণ করে যে, অপরিচিত বেসালপ্রাপ্তজনও দুনিয়াতে সংঘটিত ঘটনাবলী সম্পর্কে ওয়াকিববাহল। কারণ, পিতার কাছে প্রদর্শিত পুত্রের আমলনামা সম্পর্কে উল্লেখ করে পিতা বলেন, “আশপাশে অবস্থিত বেসালপ্রাপ্তজনের কাছে আর আমাকে লজ্জিত করো না।” তিনি এ কথা বলতেন না যদি অপরিচিত বেসালপ্রাপ্তজন তাঁর সম্মুখে তাঁরই পুত্রের আমলনামা প্রদর্শন সম্পর্কে বুঝতে না পারতেন। আমরা ওপরে হযরত খালিদ ইবনে যাইদ আবু আইয়ুব আনসারী (রা.) রেওয়াজাতকৃত হাসীদটাও বর্ণনা করেছি, যেটাতে ব্যক্ত হয়েছে যে, ‘দুনিয়াতে সংঘটিত সমস্ত আমল পরিচিত কিংবা অপরিচিত সকল বেসালপ্রাপ্তজনকে দেখানো হয়।’

## চতুর্থ অধ্যায়

নির্ভরযোগ্য রেওয়াজাতসমূহে উদ্ধৃত হয়েছে, ‘বেসালপ্রাপ্তজন একে অপরের সাক্ষাৎ লাভ করেন, অর্থাৎ, যেয়ারত করেন।’ হারিস ইবনে আবি উসামা, উবায়দুল্লাহ ইবনে সাইদ আল ওয়ায়িলী তাঁর ‘ইবানা’ গ্রন্থে এবং জাবির ইবনু আব্দুল্লাহ হতে আল উকাইলী একটা হাদীস বর্ণনা করেন, যেটা ঘোষণা করে: “তোমাদের বেসালপ্রাপ্তজনের জন্যে নিখুঁত কাফনের কাপড় ব্যবহার করবে। তারা তাদের কবরসমূহে একে অপরের যেয়ারত করে এবং একে অপরের প্রশংসা করে।” (হাদীস) সহীহ মুসলিম শরীফে বর্ণিত একটি হাদীস ঘোষণা করে: “যারা তাদের ভাইদের দাফনের ব্যবস্থা করার দায়িত্বভার গ্রহণ করে, তারা যেন তাদের (বেসালপ্রাপ্তজনদের) কাফনের কাপড় ভালোভাবে তৈরি করে।” (হাদীস) যেহেতু বেসালপ্রাপ্তজন একে অপরের যেয়ারত করে আত্মপ্রশংসা করেন, সেহেতু একটি হাদীস ঘোষণা করে, “তোমাদের বেসালপ্রাপ্তদের কাফনের কাপড় সুন্দরভাবে তৈরি করবে। কারণ তারা কাফনের কাপড় পরিধান করে একে অপরের সঙ্গে সাক্ষাৎ করে।” (আল্-হাদীস) হাদীসটি রেওয়াজাত করেছেন আবু হুরায়রা (রা.), ইমাম তিরমিযী, ইবনে মাজা, মুহাম্মদ ইবনে ইহইয়া আল হামদানী তাঁর ‘সহীহ’ গ্রন্থে এবং ইবনে আবিদ দুইয়া ও আবু কাতাদা হতে আল বায়হাকী তাঁর ‘শুআবুল ঈমান’ পুস্তকে একটি হাদীস রেওয়াজাত করেন: “যে ব্যক্তি তার মুসলমান ভাইয়ের দাফনকার্য সমাধা করে, তার উচ্চ উত্তম কাপড় দ্বারা কাফনবস্ত্র তৈরি করা। কারণ কবরে তারা একে অপরের সাক্ষাৎ করে।” (হাদীস)

ইবনে তাইমিয়া তার ফতোয়াসমূহের বিভিন্ন অংশে বলে, “বেসালপ্রাপ্তজন একে অপরের সাথে সাক্ষাৎ করেন; তাঁদের সমাধি যে শহরগুলোতে অবস্থিত, সেগুলোর দূরত্ব যতোটুকুই হোক না কেন, তাতে কিছু এসে যায় না। দূরবর্তী শহরসমূহে কবরস্থ বেসালপ্রাপ্তজন একে অপরের সঙ্গে সাক্ষাৎ করেন।” হানাতী উলামা-এ-কেরাম ফিকহের কিতাবসমূহে লিখেছেন যে, কাফনের বস্ত্র সুন্দর হওয়া বাঞ্ছনীয়, যেহেতু বেসালপ্রাপ্তজন তাঁদের যা আছে তা নিয়ে গর্ব অনুভব করেন এবং যেহেতু তাঁরা একে অপরের যেয়ারত করেন। বস্তুতঃ সকল মাযহাবের উলামা-ই এ কথা লিখেছেন তাঁদের ফেকাহ পুস্তকসমূহে। এ বিষয়টির সর্মথনে বহু অত্যাশ্চর্য ঘটনা এবং খবর বর্ণনা করা হয়েছে। যাঁরা এ বিষয়ে আরও বিস্তারিত জানতে চান, তাঁরা দয়া করে হাদিস বিশারদ হযরত ইমাম সুয়ুতীর গ্রন্থ ‘শরহে সুদুর’ পড়তে পারেন। ওহাবীরা বলে, ‘তারা মুহাদ্দীস উলামাদেরকে বিশ্বাস করে। তারা হাদীস গ্রন্থসমূহ থেকে বহু হাদীস প্রামাণ্য দলিলস্বরূপ উদ্ধৃত করে এবং দাবি করে যে ইবনে তাইমিয়া হচ্ছে ইসলামের (সর্বযুগের) সর্বশ্রেষ্ঠ আলেম। তারা সেই সমস্ত হাদীসগ্রন্থকে সম্মান করে যেগুলোতে লেখা আছে যে, আমাদের অজ্ঞাত এবং উপলব্ধি-বহির্ভূত পদ্ধতিতে বেসালপ্রাপ্তজন দর্শন ও শ্রবণ করতে পারেন।’ অথচ তারা ই আবার সেই সকল ব্যক্তিকে মুশরিক আখ্যায়িত করে যাঁরা নবী কারীম ﷺ এবং আউলিয়াবৃন্দকে দর্শন ও শ্রবণ ক্ষমতাসম্পন্ন মনে করেন। ওয়াহাবীরা দাবি করে, ‘সেই সকল হাজী মুশরিক যাঁরা হুজুর পাক ﷺ-এর রওযা শরীফের সামনে গিয়ে বলেন – “এয়া রাসূলুল্লাহ ﷺ! আমাদের জন্যে শাফায়াত করুন।” তারা বলে যে মিনাতে শত-সহস্র হাজী কর্তৃক কুরবানীকৃত শত-সহস্র জন্তু-জানোয়ারের সবই নাজস (অপবিত্র), আর তাই তারা সেগুলোকে না খেয়ে ‘বুলডজার’ দিয়ে মাটিচাপা দেয়। তারা বলে, “মুশরিক (!)-দের দ্বারা জবেহকৃত জন্তু খাওয়া কিংবা বিক্রি করা জায়েয নয়।”

### পঞ্চম অধ্যায়

বেসালপ্রাপ্তজন প্রদর্শন ব্যতিরেকেই পৃথিবীতে জীবিতদের কাজ-কর্ম সম্পর্কে জানতে পারেন। ইবনুল কাইয়েম আল জওযিয়া যাকে ওহাবীরা একজন ‘আল্লামা’ নামে সম্বোধন করে এবং যাকে অত্যন্ত শ্রদ্ধার চোখে দেখে, সে তার ‘কিতাবুর রুহ’ গ্রন্থে লিখেছে: “(মুহাদ্দীস) হাকেম আবু মুহাম্মদ আবদুল হাক্ক আশাবিলী এ বিষয়ে বিস্তারিত বিবরণ দিয়েছেন। জীবিত লোকদের আমল সম্পর্কে বেসালপ্রাপ্তজন প্রশ্ন করেন এবং জীবিতদের কথা ও কাজ সম্পর্কে বুঝতে পারেন।” পরবর্তী পৃষ্ঠায়ই সে আমার ইবনে দিনারের কথা উদ্ধৃত করে: “কোনো ব্যক্তি তাঁর ইস্তেকালের পরবর্তী সময়ে সংঘটিত পরিবর্তন সম্পর্কে সম্যক অবহিত। তিনি তাদেরকে দেখেন যারা তাঁর লাশকে গোসল দেয় এবং কাফনের কাপড় পরিধান করায়।” পরবর্তী পৃষ্ঠায় ইবনুল কাইয়েম আল জওযিয়া আরও লিখে, “সাব ইবনে জুসামা এবং আউফ ইবনে মালিক পরবর্তী জগতে একে অপরকে ভ্রাতা হিসেবে সাব্যস্ত করেন। তাঁরা একমত হন যে, যিনি আগে ইস্তেকাল করবেন তিনি অপরজনকে স্বপ্নে দেখা দেবেন। সাব আগে মারা যান এবং আউফকে স্বপ্নে দেখা দেন। আউফ জিজ্ঞাসা করেন, ‘আল্লাহতা’আলা তোমার ব্যাপারে কী করেছেন?’ সাব উত্তর দেন, ‘তিনি আমাকে ক্ষমা করে দিয়েছেন।’ আলাপের শেষে সাব বলেন, ‘আমার পরিচিতদের আমল সম্পর্কে আমাকে এমনই সম্যক অবহিত করানো হচ্ছে যে, উদাহরণস্বরূপ, আমি এখন জানি যে তোমার বিড়ালটা মারা গিয়েছে কিছুদিন আগে। আমার কন্যা ছয় দিন পর মারা যাবে। তারপরে তুমি-ই জিম্মাদার হয়ো।’ তিনি যেভাবে স্বপ্নে বলেছিলেন, ঠিক সেভাবে ঘটনাটি ঘটে।” এরপর ইবনুল কাইয়েম বর্ণনা দেয়; হযরত খালিদ বিন ওয়ালিদের সৈন্যদের মধ্যে একজনের স্বপ্নে সাবিত বিন কায়েস-এর আগমন

এবং সম্ভাষণ: ‘খালিদ বিন ওয়ালিদের কাছে গিয়ে বলো যে, আমার শাহাদাৎপ্রাপ্তির পর একজন মুসলিম সৈন্য আমার দেহ থেকে লৌহবর্মটি খুলে নিয়ে যায়। তার তাঁবুটি শিবিরের অপর প্রান্তে অবস্থিত। সেটার কাছে একটা লম্বা রশি বাঁধা ঘোড়া চরে বেড়াচ্ছে। তিনি (খালিদ) যেন লৌহবর্মটি ওই সৈন্যের কাছ থেকে নিয়ে নেন’।” ইবনে কাইয়েম বলে, “সৈন্যটি হযরত খালিদ (রা.)-কে তাঁর স্বপ্ন সম্পর্কে জানায়। তাঁরা উক্ত তাঁবুতে গমন করেন এবং লৌহবর্মটি পান।” (কিতাবুব রুহ)

## ষষ্ঠ অধ্যায়

ইমাম আস-সুয়ুতী তাঁর ‘শরহে সুদূর’ কিতাবে হযরত আদ দায়লামী বর্ণিত একটি হাদীসের উদ্ধৃতি দেন, যিনি হযরত আয়েশা (রা.)-এর কাছ থেকে তা রেওয়ামাত করেন। হাদীসটির বিষয়বস্তু হচ্ছে ইন্তেকালপ্রাপ্ত ব্যক্তি জীবিতদের (অশুভ) খবরাখবর জেনে ব্যথি হন: “ইন্তেকালপ্রাপ্ত ব্যক্তি (জীবিতাবস্থায়) তাঁর ঘরে থাকাকালীন যে জিনিস দ্বারা ব্যথিত হতো, কবরেও তা দ্বারা সে ব্যথিত বা মর্মান্বিত হবে।” (হাদীস) ‘আত্ তাযকিরা’ কিতাবে ইমাম আল কুরতুবী বলেন, “আল্লাহ তা’আলা জীবিত লোকদের আমল কোনো ফেরেশতা কিংবা ইঙ্গিত অথবা অন্য কোনো কিছু মাধ্যমে বেসালপ্রাপ্তজনদের অবগত করান।” ইবনুল কাইয়েম আল জওযিয়া তার ‘কিতাবুব রুহ’ পুস্তকে বলে, “বেসালপ্রাপ্তজনের রুহ যে জীবিতদের রুহের সঙ্গে সাক্ষাৎ করে তার একটি প্রমাণ হচ্ছে এই যে, জীবিত ব্যক্তিগণ বেসালপ্রাপ্তজনকে স্বপ্নে দেখেন এবং তাঁদেরকে প্রশ্ন করেন। বেসালপ্রাপ্তজন তাদেরকে এমন জিনিস জানাতে পারেন যা তারা (জীবিতরা) জানতেন না। অতীত এবং ভবিষ্যৎ সম্পর্কে তাঁদের উত্তরগুলো সঠিক বলে প্রমাণিত হয়েছে। তাঁদের জীবদ্দশায় তাঁরা যেসব জায়গায় তাঁদের কোনো জিনিসপত্র পুঁতে রেখে কাউকে যে কথা জানান নি, সে কথা তাঁরা অনেক সময় বলে থাকেন। এটা অহরহ পরিদৃষ্ট হয়েছে যে, বেসালপ্রাপ্তজন জীবিত থাকাকালীন তাঁদের কাছে দেনাগ্রস্ত ব্যক্তিদের দেনা সম্পর্কে বিবরণ দিয়েছেন এবং উক্ত দেনা-পাওনার সাক্ষীদের সম্পর্কেও বর্ণনা দিয়েছেন। তাঁরা বছবার বর্ণনা দিয়েছেন তাঁদের জীবদ্দশায় সংঘটিত গোপনীয় কাজ সম্পর্কে যেগুলো ছিল সকলের অজ্ঞাত এবং যেগুলো তাঁদের কথানুযায়ী পরবর্তীকালে সত্যে পরিণত হয়েছে। আরেকটি অলৌকিক বিষয় হচ্ছে এই যে, বেসালপ্রাপ্তজন যখন কোনো ব্যক্তির ভবিষ্যতে মৃত্যুর দিন-ক্ষণ সম্পর্কে ঘোষণা দিয়েছেন, তখন সেই ব্যক্তির মৃত্যু ভবিষ্যদ্বাণী অনুযায়ী উক্ত নির্দিষ্ট দিনেই সংঘটিত হয়েছে। আর এটাও বছবার পরিদৃষ্ট হয়েছে যে, বেসালপ্রাপ্তজন জীবিত কোনো ব্যক্তির গোপন কাজ সম্পর্কে অন্য কোনো জীবিত ব্যক্তির কাছে জানিয়েছেন। সাব এবং সাবিত যাঁদের সম্পর্কে ওপরে বর্ণনা দেয়া হয়েছে, তাঁরা ইন্তেকাল করার পরও জীবিতদের সঙ্গে স্বপ্নে আলাপ করেছেন।” ইমাম সুয়ুতী তাঁর ‘শরহে সুদূর’ গ্রন্থে মুহাম্মদ বিন সিরিনের কথা উদ্ধৃত করেন, যিনি বলেন: “বেসালপ্রাপ্তজন যা জ্ঞাত করান (স্বপ্নের মাধ্যমে) তার সবটুকুই সত্য; কারণ, তাঁরা এমন এক জগতে আছেন, যেখানে কোনো মিথ্যা অথবা ভ্রান্তি নেই। সেই আলমের (জগতের) মানুষ সব সময়েই সত্য কথা বলেন। আমাদের পর্যবেক্ষণ এবং উপলব্ধি আমাদের এই কথাতে সমর্থন দেয়।” ইবনুল কাইয়েম এবং আরও অনেকে একই কথা বলেছেন। যেহেতু রুহ ‘লতিফ’ (বায়বীয়, অদৃশ্য) সেহেতু সেটা এমন বহু ঘটনা প্রত্যক্ষ এবং উপলব্ধি করতে সক্ষম, যেগুলো দেহের ইন্দ্রিয় দিয়ে প্রত্যক্ষ এবং উপলব্ধি করা যায় না। হাকিম এবং আল-বায়হাকী তাঁর ‘দালাইল’ গ্রন্থে রেওয়ামাত করেন যে, সুলাইমান হযরত উম্মে সালামা (রা.)-এর সাথে দেখা করেন। এই সময় তিনি (উম্মে সালামা) ক্রন্দনরতা ছিলেন। সুলায়মান তাঁকে এর কারণ জিজ্ঞেস করেন। উম্মে সালামা (রা.) বলেন: “আমি হুজুর ﷺকে

স্বপ্নে দেখেছি। তিনি কাঁদছিলেন। তাঁর মস্তক ও দাড়ি মোবারকে মাটি লেগেছিল। আমি জিজ্ঞাসা করি: ‘আপনার পবিত্র মুখগুল এ রকম কেন?’ তিনি উত্তর দেন – ‘আমার (পৌত্র) হুসেইনকে শাহাদাত বরণ করতে দেখলাম।’ ‘মিশকাত আল মাসাবিহ’ কিতাবে আল খতিব আত তব্রিযীও এ ঘটনাটি বর্ণনা করেছেন। ইবনে আবিদু দুইয়া (রহ.) বণী আসাদ গোত্রের জনৈক কবর খননকারীর কথা রেওয়ায়ত করেন, যিনি বলেন: ‘আমি এক রাতে কবরস্থানে অবস্থান করছিলাম। একটি কবর থেকে একটি কণ্ঠস্বর ঘোষণা করে, ‘ওহে আবদুল্লাহ!’ অপর একটি কণ্ঠস্বর উত্তর দেয়: ‘তুমি কী চাও, হে জাবির?’ প্রথম কণ্ঠস্বরটি বলে, ‘আমাদের ভ্রাতা আগামীকাল আমাদের কাছে আসবে।’ অপর কণ্ঠস্বর এরপর উত্তর দেয়, ‘সে আমাদের কোনো উপকারে আসবে না। মানুষ আর আমাদের জন্যে দোয়া করবে না (তাকে আমাদের সাথে দাফন করার পর)। আমাদের পিতা তার ওপর রাগান্বিত এবং তার জন্যে দোয়া না করার ব্যাপারে তিনি প্রতিজ্ঞাবদ্ধ।’ পরের দিন সকালে এক ব্যক্তি এসে আমাকে দুটো কবরের মধ্যখানে আরেকটি কবর খোঁড়ার জন্যে বলে। সে ওই দুটো কবরের দিকে ইশারা করে দেখাচ্ছিল যেখান থেকে আমি আগের রাতে কথাবার্তা শুনেছিলাম। তাকে আমি জিজ্ঞাসা করি: ‘এ দুটো কবরের বাসিন্দাদের নাম কী?’ সে বলে, ‘এটা জাবির, আর এটা আবদুল্লাহ।’ আমি এরপর তাকে সমস্ত ঘটনা জানাই। ওই ব্যক্তি উত্তর দেয়, ‘হ্যাঁ, একথা সত্য যে, তার জন্যে দোয়া না করতে আমি প্রতিজ্ঞা করেছিলাম। কিন্তু এখন আমার প্রতিজ্ঞা ভঙ্গ করে আমি সেটার জন্যে কাফফারা (প্রায়শ্চিত্ত) করবো।’

### সপ্তম অধ্যায়

নির্ভরযোগ্য কিতাবসমূহে লিপিবদ্ধ আছে, মহান আল্লাহ তা’আলার অনুমতিক্রমে বেসালপ্রাপ্তজন কাজ (তাসাররুফ) করে থাকেন এবং তাঁদের কাছ থেকে বহু অলৌকিক ক্রিয়া প্রত্যক্ষ করা হয়েছে। মুহাদ্দীস আলেম আস-সুয়ুতী তাঁর ‘আল মুতাকাদ্দিম’ কিতাবে এবং হাফেয ইবনে হাজর তাঁর ফতোয়াসমূহে বলেন, “বিশ্বাসীদের (মু’মিন) রুহসমূহ ‘ইল্লিয়ীন’ এবং কাফেরদের (অবিশ্বাসী) রুহসমূহ ‘সিজ্জিন’ নামক মাকাম (স্থান, পর্যায়)-এ অবস্থান করে। প্রত্যেক রুহ-ই তার দেহের সঙ্গে অজ্ঞাত একটি বন্ধনে আবদ্ধ। এই সংশ্লিষ্টতা দুনিয়াবী কোনো সম্পর্ক নয়। এ সম্পর্ক অনেকটা কোনো ব্যক্তির স্বপ্নে দৃষ্ট বিষয়ের সঙ্গে তার সম্পৃক্ততার মতোই। কিন্তু জীবিত লোকদের স্বপ্নে দৃষ্ট বিষয়ের সঙ্গে তাদের সম্পৃক্ততার তীব্রতা অপেক্ষা বেসালপ্রাপ্তজনের নিজেদের দেহ এবং অন্যান্য জিনিসের সঙ্গে সংশ্লিষ্টতার তীব্রতা অনেক বেশি। অতএব, ‘রুহসমূহ তাদের কবরের সাথেই বিরাজমান’- ইবনে আবদুল বারের এই বক্তব্যের সঙ্গে উপর্যুক্ত ব্যাখ্যাসমূহের একটি ঐকমত্য প্রতিষ্ঠা করা মোটেও দুষ্কর নয়। রুহসমূহকে প্রভাব সৃষ্টি (প্রভাব বিস্তার, পরিচালনা) করার অনুমতি দেয়া হয়েছে এবং তাঁদের দেহ তাঁদের নিয়ন্ত্রণাধীন রয়েছে, আর তাঁরা তাঁদের কবরে হাযির (উপস্থিত) আছেন। যদি কোনো লাশ কবর থেকে উঠিয়ে অন্য আরেক স্থানে কবর দেয়া হয়, তাতেও দেহের সঙ্গে রুহের সম্পৃক্ততার কোনো বিচ্যুতি ঘটবে না। এই সম্পর্ক ভঙ্গ হবে না, যদিও দেহের জৈবিক পদার্থসমূহের ক্ষয় সাধিত হয়ে সম্পূর্ণ দেহ মাটিতে পরিণত হয়। ইমাম সুয়ুতী (রহ.) বলেন, ‘হযরত আবদুল্লাহ ইবনে আব্বাস (রা.) হতে ইবনে আসাকির যে হাদীস বর্ণনা করেছেন, তা পরিস্ফুট করে যে, রুহসমূহ ইল্লিয়ীন-এ থেকেও তাঁদের দেহের সঙ্গে সংযুক্ত এবং তাঁরা তাঁদের দেহকে ব্যবহার করে। হুজুর পূর নুর ﷺ বলা করেছেন – ‘এক রাতে জাফর তাইয়ার আমার কাছে আসে। তার সাথে একজন ফেরেশতা ছিল। জাফরের দুটো পাথা ছিল যার উভয় প্রান্তভাগ ছিল রক্তাক্ত; তারা ইয়েমেনের বিশা নামক পল্লীতে যাচ্ছিল।’ জাফর তাইয়ার (রা.)-এর শাহাদাৎপ্রাপ্তির পর তিনি একথা

বলেন। একটি হাদীসে ঘোষিত হয়েছে, ‘আমি জাফর ইবনে আবি তালিবকে ফেরেশতাদের সঙ্গে দেখলাম। তারা বিশা-এর অধিবাসীদের কাছে সমাগত বৃষ্টির সংবাদ প্রদান করছিল।’ হাদীসটি হযরত আলী ইবনে আবি তালিব (ক.) হতে ইবনে আদী রেওয়ায়াত করেছেন। মুহাদ্দীস হাকিমের বর্ণনা অনুসারে হযরত আবদুল্লাহ ইবনে আব্বাস (রা.) বলেন, ‘তিনি হযরত রাসূলে কারীম ﷺ-এর পাশে বসেছিলেন এবং সেখানে আসমা বিনতে উমাইস (রা.)-ও উপস্থিত ছিলেন; হুজুর ﷺ ‘আলাইকুম সালাম’ বলার পর বলেন, ‘হে আসমা! কিছুক্ষণ আগে তোমার স্বামী জাফর তাইয়ার ফেরেশতা জিবরাইল (আ.) ও মিকাইল (আ.) এর সঙ্গে আমার কাছে এসেছিল। তারা আমাকে সালাম জানায়। আমিও তাদের সালামের জবাব দেই। এরপর জাফর বলে: “মুতা-এর যুদ্ধে আমি কিছুদিন কাফেরদের সঙ্গে যুদ্ধ করি। আমার দেহের তিয়াত্তরটি অংশে আমি আহত হই। ডান হাতে পতাকা ধরে রাখি। তখন ডান হাত কেটে ফেলে (কাফেররা)। বাম হাতে পতাকা ধরবার পর সেটাও কেটে ফেলা হয়। আল্লাহ পাক আমাকে দুটো হাতের পরিবর্তে দুটো পাখা দিয়েছেন। জিবরাইল (আ.) ও মিকাইল (আ.) এর সঙ্গে আমি উড়ি। যখন ইচ্ছা তখনই বেহেশত হতে উড়ে বেরিয়ে যেতে পারি। আবার ভেতরে যেয়ে তার ফলমূল ভক্ষণ করতে পারি যখন ইচ্ছা তখন।” আসমা বললেন, ‘আল্লাহ তা’আলা জাফরের মঙ্গল করুন। কিন্তু আমি শঙ্কিত যে, মানুষেরা এ কথা শুনে বিশ্বাস করবে না। আপনি কি তাদেরকে মিস্বরে উঠে এ কথা বলবেন? তারা আপনাকে বিশ্বাস করবে।’ রাসূলুল্লাহ ﷺ মসজিদে তশরীফ নিয়ে মিস্বরে আরোহণ করেন এবং আল্লাহ পাক-এর হামদ পাঠ করে বলেন: ‘জাফর ইবনে আবি তালিব জিবরাইল ও মিকাইলের সমভিব্যাহারে আমার কাছে এসেছিল। আল্লাহ তা’আলা তাকে দুটো পাখা মঞ্জুর করেছেন। সে আমাকে সালাম দিয়েছিল।’ এরপর তিনি আসমাকে তাঁর স্বামী সম্পর্কে পূর্বে যা বলেছিলেন তা-ই আবার দু’বার বর্ণনা করেন।” (ইমাম সুয়ুতী) এ সকল হাদীস থেকে প্রতিভাত হয় যে, আল্লাহ পাক তাঁর শহিদ ও বিশুদ্ধ বান্দাদেরকে মানুষের উপকারার্থে কর্ম সংঘটনের অনুমতি প্রদান করেছেন। হাদীসবিদ উলামাগণ এ বিষয়টির সমর্থনে বহু ঘটনা রেওয়ায়াত করে অজস্র নিবন্ধ লিখেছেন। ইমাম জালালুদ্দীন সুয়ুতী এ রকম একটি রেওয়ায়াত করেছেন যা নিচে দেয়া হলো: “ইবনে আবিদ দুনইয়া বলেন, ‘আবু আব্দিল্লাহ শামী বাইজান্টাইন রোমানদের সঙ্গে জিহাদ করতে যান। তাঁরা শত্রু পক্ষের পিছু ধাওয়া করেন। দুইজন সৈন্য মূল মুসলিম বাহিনী থেকে বিচ্ছিন্ন হয়ে যান। তাঁদের একজন বর্ণনা করেন, “আমরা (উক্ত সৈন্য দু’জন) শত্রু প্রধানকে দেখতে পেয়ে তাকে আক্রমণ করি। দীর্ঘ সময় আমরা যুদ্ধে লিপ্ত হই। আমার বন্ধু শহিদ হন। আমি যুদ্ধ বন্ধ করে পিছটান দেই এবং সহযোদ্ধাদের খোঁজ করি। এরপর নিজ মনে বলি, লজ্জা আমার প্রতি! কেন পালাচ্ছি? আমি আবার যুদ্ধে ফিরে যাই এবং শত্রু প্রধানকে আক্রমণ করি। আমার তরবারির আঘাত লক্ষ্যভ্রষ্ট হয়। শত্রু প্রধান আমাকে আক্রমণ করে এবং ধরাশায়ী করে। এরপর সে আমার বুকের ওপর চড়ে বসে। আমাকে হত্যা করার জন্যে সে কিছু একটা হাতে নেয়ার চেষ্টা করে। এমন সময় আমার শহিদ বন্ধু লাফিয়ে উঠে শত্রুর চুল ধরে পেছন দিকে টেনে ধরেন। আমরা এক সঙ্গে ওই শত্রুর প্রাণ সংহার করি। কথা বলতে বলতে আমরা দূরবর্তী একটি গাছের কাছে হেঁটে যাই, যেখানে যাওয়ার পর আমার বন্ধু পুনরায় মৃত পড়ে থাকেন। আমি আমার মুসলমান ভাইদের কাছে এসে সম্পূর্ণ ঘটনা খুলে বলি।” ‘রওদাতুল আখইয়ার’ গ্রন্থের লেখক হানাফী আলেম যানদুসী এবং ‘যুবদাতুল ফুকাহা’ পুস্তকের লেখকও এই ঘটনা বর্ণনা করেছেন। মুহাদ্দীস আল্-মাহামিলি তাঁর ‘আল আমালীউল ইসফাহানিয়া’-তে আবদুল আযিয ইবনে আব্দুল্লাহ’র কথা উদ্ধৃত করেন, যিনি বলেন: ‘আমরা জনৈক বন্ধুর সঙ্গে দামেস্কে অবস্থান করছিলাম। তাঁর স্ত্রীও তাঁর সঙ্গে ছিলেন। আমি ইতোমধ্যেই জেনে গিয়েছিলাম যে, তাঁদের পুত্র শহিদ হয়েছেন। একজন অশ্বারোহী আমাদের কাছে আসেন। আমার বন্ধু তাঁকে স্বাগত জানান। তিনি তাঁর

স্ত্রীকে বলেন, “এ আমাদের-ই পুত্র।” তাঁর স্ত্রী তাঁকে বলেন, “শয়তান তোমার থেকে দূর হোক। তুমি কি জানো না যে আমাদের পুত্র বহু আগেই শহিদ হয়েছে?” বন্ধু নিজের উক্তির জন্যে অনুতাপ বোধ করেন। কিন্তু তিনি অশ্বারোহীর কাছে গিয়ে ভালো করে দেখে আবারও বলেন, “আল্লাহর কসম, এ তো আমাদেরই ছেলে!” মহিলাও পরখ করে চিৎকার করে ওঠেন, “আল্লাহর কসম, এ তো সে-ই!” আমার বন্ধু তাঁর ছেলেকে জিজ্ঞেস করেন, “তুমি তো শাহাদাৎপ্রাপ্ত হয়েছে, তাই না পুত্র?” অশ্বারোহী উত্তর দেন, “হ্যাঁ, পিতা। কিন্তু (খলীফা) উমর বিন আব্দুল আযিয এইমাত্র ইন্তেকাল করেছেন। আমরা শহিদবন্দ আল্লাহ পাকের কাছে তাঁর যিয়ারতের অনুমতি চাই। আমি আপনাদের সালাম জানানোর অনুমতিও প্রার্থনা করি।’ এরপর অশ্বারোহী বিদায় সম্ভাষণ জানিয়ে প্রস্থান করেন। সহসা খবর এলো যে, খলীফা উমর বিন আবদুল আযিয ইন্তেকাল করেছেন।” ইমাম সুযুতী আরও বলেন, “এসব বর্ণনা সহীহ এবং সত্য। মুহাদ্দীস-উলামা এগুলোকে সমর্থনকারী দলিলাদিসহ লিপিবদ্ধ করেছেন। ইমাম আল-ইয়াফী-ই সর্বশেষটি লিখেছেন। আমি তাঁর লেখনীকে সমর্থন দেয়ার জন্যে পুনরায় লিখলাম।” আস্-সুযুতীর কিতাবে এ ধরণের বহু ঘটনা লিপিবদ্ধ রয়েছে। যাঁরা আরও পড়তে চান, তাঁরা ওই বইটি (শরহে সুদুর) পড়তে পারেন।

ইমাম আল-ইয়াফী-ই (রহ.) বলেন, “বেসালপ্রাপ্তজনকে শুভ অথবা অশুভ পরিস্থিতিতে দেখাটা হচ্ছে আল্লাহ তা’আলার প্রিয় বান্দাদের প্রতি প্রদত্ত তাঁরই দান যা কারামত (অলৌকিকত্ব) বা কাশফ (দিব্যদৃষ্টি)-স্বরূপ তাঁরা পেয়ে থাকেন। এর উদ্দেশ্য হচ্ছে জীবিতদেরকে শুভ সংবাদ প্রদান, বেসালপ্রাপ্তজনের পক্ষ থেকে উপদেশ বিতরণ এবং বেসালপ্রাপ্তদের দেনা পরিশোধকরণ। বেসালপ্রাপ্তজনকে বেশির ভাগ সময়েই স্বপ্নে দেখা যায়। তবু এমনও অনেকে আছেন যাঁরা তাঁদেরকে জাগ্রতাবস্থায় দেখতে পান। এটা ওলীআল্লাহ এবং ‘হাল’সম্পন্ন ব্যক্তিদের কারামত।” পুস্তকের অন্যত্র তিনি লিখেছেন, “আহলে সুন্নতের উলামা বলেন, “ইল্লিয়ীন-এ অবস্থিত বেসালপ্রাপ্তজনের রুহসমূহকে মাঝে-মাঝে তাঁদের কবরস্থ দেহের কাছে ফেরত পাঠানো হয়। এটা শুক্রবার রাতেই বেশি করা হয়। বেসালপ্রাপ্তজন পরস্পরের সঙ্গে সাক্ষাৎ ও আলোচনা করেন। যাঁরা বেহেশত পাওয়ার যোগ্য তাঁরা নেয়ামত লাভ করেন। আর যারা শাস্তি পাওয়ার যোগ্য তারা শাস্তি পায়। যদিও রুহসমূহের দেহ তাদের সঙ্গে থাকে না, তবুও তাদের প্রতি ইল্লিয়ীনে শাস্তি বর্ষিত হয় এবং সিজ্জিনে শাস্তি পতিত হয়। আর কবরের বিষয়টির ক্ষেত্রে রুহ এবং দেহ উভয়ের ওপরই শাস্তি অথবা শান্তি দেয়া হয়।” ‘কিতাবুর রুহ’ গ্রন্থে ইবনুল কাইয়েম আল জাওযিয়া বলে, “এ সকল ঘটনার ইতিবৃত্ত থেকে এ সিদ্ধান্তই টানা যায় যে, রুহের হাল বা অবস্থা তার শক্তি বা দুর্বলতা, মাহাত্ম্য কিংবা হীনতা দ্বারা প্রভাবিত। মহান আত্মাদের ‘হাল’ অন্যান্যদের মতো নয়। এটা সর্বজনবিদিত যে, এ পৃথিবীতে রুহসমূহের ‘হাল’ বিভিন্ন, যা তাঁদের শক্তি বা দুর্বলতা অথবা গতির ওপর নির্ভরশীল। যে রুহ দাসত্ব থেকে মুক্তি পেয়েছেন এবং তাঁর দেহের সঙ্গে সকল সম্পর্ক ও মালিকানা ছিন্ন করেছেন, সে-ই রুহ দেহের সাথে বন্দী রুহের চাইতে আল্লাহ তা’আলা এবং বস্তুসমূহের ব্যাপারে একটি আলাদা শক্তি, প্রভাব, সাহায্য করার সামর্থ্য, গতি ও সম্পর্ক নিয়ে বিরাজ করে। রুহ নিজেই মহান, নির্মল এবং বিশাল সাহায্যের আধার। দেহত্যাগের পরপরই তিনি তাঁর গন্ডি ছাড়িয়ে যান। তখন তিনি আরও বহু কিছু করতে পারেন। বেসালপ্রাপ্তজনের রুহকে স্বপ্নে দেখা যায় এবং তাঁরা এমন সব অসাধারণ (অলৌকিক) কাজ করতে ‘সক্ষম’ যেগুলো তাঁদের দেহের সঙ্গে সংযুক্ত থাকার কারণে জীবদ্দশায় তাঁরা করতে পারতেন না। এক, দুই কিংবা গুটিকয়েক মানুষকে দেখা গিয়েছে বহুবার বিশাল বাহিনীসমূহকে পরাভূত করতে। রাসূলে আকরাম ﷺ, হযরত আবু বকর (রা.) এবং হযরত উমর (রা.)-কে বহুবার স্বপ্নে দেখা গিয়েছে।

আর তাঁদের রুহ মুবারক অবিশ্বাসী বাতিল সৈন্যবাহিনীকে বিতাড়িত করেছেন বহুবার। আমরা এখানে যা লিখলাম তা সুরা নাযিয়াহর পঞ্চম আয়াতের ওপর কৃত মুফাসসিরগণের তাফসীরের সঙ্গে সঙ্গতিপূর্ণ; উদাহরণস্বরূপ, আল বায়দাবীর তাফসীর যা’তে লেখা আছে: ‘দেহত্যাগের পর একজন ওলীর রুহ ফেরেশতাদের জগতে গমন করেন। তারপর তিনি বেহেশতের বাগানে বিচরণ করতে যান। তিনি তাঁর দেহের সঙ্গেও সম্পর্ক বজায় রাখেন এবং তার ওপর প্রভাব বিস্তার করেন।’” (কিতাবুর রুহ)

## অষ্টম অধ্যায়

আল্লাহ তা’আলা এবং তাঁর রাসূল ﷺ কর্তৃক এ কথা প্রকাশ হয়েছে যে, জীবিতদের দ্বারা কবরের শান্তি অথবা শান্তি সম্পর্কে জ্ঞাত হওয়া এবং তা চর্মচক্ষে দর্শন করা বৈধ। আহলুস সুন্নতের উলামা সর্বসম্মতভাবে রেওয়াজ করেন যে, কবরে শান্তি অথবা শান্তি আছে এবং সেগুলোর দেহ ও রুহের ওপর জারি হওয়ার ব্যাপারটিতে বিশ্বাস স্থাপন করা অপরিহার্য। আকাইদের পুস্তকগুলোতে এ বিষয়টির ওপর বিস্তারিত ব্যাখ্যা রয়েছে। শুধুমাত্র মু’তযিলা এবং খারেজীরা কবর আযাবে বিশ্বাস করে নি। হাদীসসমূহ ও সাহাবা-এ-কেরামের বাণীসমূহ এবং সালাফে সালাহীনের লেখনী থেকে স্পষ্টই প্রতীয়মান হয় যে, ‘কবর আযাব রয়েছে’ কিছু অজ্ঞ লোক এবং ওহাবীরা এতে বিশ্বাস করে না, কারণ তারা এ সব দলিল সম্পর্কে অজ্ঞ। তাদের ঈমান দৃঢ় করার উদ্দেশ্যে এ সকল দলিল সম্পর্কে জানা দরকার। আমরা ওপরে উল্লেখ করেছি যে আশ্বিয়াগণ তাঁদের মাযার-রওয়াজ আমাদের অজ্ঞত একটি জীবনে জীবিত আছেন। ইমাম বুখারী (রহ.) এবং মুসলিম (রহ.) রেওয়াজ করেন যে, তাঁরা বেসালের পর হজ্ব সমাপন করে থাকেন। আর নবী নন এমন ব্যক্তিদের সম্পর্কে আবু নুয়াইম (রহ.) হযরত সাবিত আল বানানি (রহ.)-এর কথা উদ্ধৃত করেন, যিনি বলেন: “আমি হামিদ আত তাওয়ীলকে জিজ্ঞাসা করলাম, নবীগণই কি শুধু তাঁদের মাযার-রওয়াজ সালাত আদায় করে থাকেন?” তিনি বললেন: ‘না। অন্যান্য ব্যক্তিও তা আদায় করতে সক্ষম।’ এরপর আমি বললাম, হে আল্লাহ পাক! যদি আপনি কখনো কোনো ব্যক্তিকে তাঁর কবরে সালাত/নামায পড়ার অনুমতি প্রদান করেন, তবে এই সাবিতকেও তা করতে দেবেন।” আবু নুয়াইম আরও বর্ণনা করেন: “যুবাইর বলেছেন, ‘আমি একমাত্র সৃষ্টিকর্তা আল্লাহ তা’আলার কসম করে বলছি, আমি সাবিত আল বানানিকে কবরে সমাহিত করি। হামিদ তাওয়ীলও আমার সঙ্গে ছিলেন। আমরা তাঁকে (বানানীকে) মাটি দ্বারা দাফন করি। ওই সময় এক প্রান্তের মাটি সরে যায়। আমি কবরের ভেতরে তাকিয়ে তাঁকে সালাত/নামায পড়তে দেখি।’” ইবনে জারির তাবারী তাঁর ‘তাহযিব আল আসার’ কিতাবে এবং আবু নুয়াইম, ইব্রাহীম বিন সামেত হতে বর্ণনা করেন যে, প্রভাতকালে সাবিত আল বানানির কবরের পাশ দিয়ে যারা চলাচল করেছেন, তারা বলেছেন যে তারা কুরআন শরীফ তেলাওয়াত শুনতে পেয়েছেন। ইবনুল জওয়ীও তার ‘সিফাতুস সাফওয়া’ গ্রন্থে এ কথা লিখেছেন। তিরমিযী (রহ.), হাকিম (রহ.) ও বায়হাকী (রহ.) হযরত আব্দুল্লাহ ইবনে আব্বাস (রা.)-এর কথা রেওয়াজ করেন, যিনি বলেন, “কয়েকজন সাহাবী একটি জায়গায় তাঁবু খাটিয়েছিলেন, যেখানে একটি অজ্ঞত কবর ছিল। তাঁরা তাঁবুর অভ্যন্তরে সুরা মূলক-এর তেলাওয়াত শোনেন। তেলাওয়াত সমাপ্ত হবার পর রাসূলুল্লাহ ﷺ তাঁবুর ভেতরে প্রবেশ করেন। যখন সাহাবাগণ তাঁকে ঘটনার বৃত্তান্ত সম্পর্কে অবহিত করেন, তখন হুজুর ﷺ বলেন, ‘এই সম্মানিত সুরাটি মানুষকে কবর আযাব থেকে রক্ষা করে।’” আবুল কাসিম সাদী তাঁর রচিত ‘কিতাবুর রুহ’ পুস্তকে লিখেছেন, “এ হাদীসটি প্রমাণ করে যে, বেসালপ্রাপ্তজন তাঁদের মাযার-রওয়াজ কুরআন তেলাওয়াত করেন। হযরত আবদুল্লাহ ইবনে উমর (রা.)-ও

একটি তাঁবু কোনো এক জায়গায় স্থাপন করেছিলেন। তিনি তাঁবুর অভ্যন্তরে কুরআন তেলাওয়াত শুনতে পান। এ কথা নবি কারীম ﷺ-কে জানানোর পর হুজুর ﷺ তাঁর কথা পুনর্ব্যক্ত করেন।” ‘আহওয়াল আল কুবুর’ কিতাবে মুহাদ্দীস যাইনুদ্দীন ইবনে রাজাব লিখেছেন: “আল্লাহ তা’আলা নেয়ামতস্বরূপ তাঁর প্রিয় বান্দাদেরকে তাঁদের মাযার-রওয়ায় সওয়াবদায়ক কাজ সংঘটনের সামর্থ্য দান করে থাকেন। বেসালের সঙ্গে সঙ্গে কোনো বান্দার ইবাদত পালনের দায়িত্ব সমাপ্ত হয়। মাযার-রওয়ায় পালিত এবাদতের কোনো লাভ নেই (বিনিময়ে পুরস্কার নেই)। কিন্তু বেসালপ্রাপ্তজন আল্লাহ তা’আলার যিকির ও ইবাদত করতে পারলে আনন্দ অনুভব করেন। ফেরেস্তা ও বেহেশতী ব্যক্তিগণও তা-ই অনুভব করেন। তাঁরা এবাদতে আনন্দ পান, কারণ যিকির এবং ইবাদত হচ্ছে বিশুদ্ধ রূহগণের জন্যে সবচেয়ে মধুর জিনিস। অসুস্থ রূহসম্পন্ন ব্যক্তির এ আনন্দের স্বাদ গ্রহণ করতে পারে না। ইবনুল কইয়েম আল জওযিয়া তার ‘কিতাবুর রূহ’ গ্রন্থে, ইবনে তাইমিয়াসহ আরো বহু উলামা-এ-কেরাম একই কথা লিখেছেন। আবু হাসান ইবনে বারা তাঁর ‘রওদা’ পুস্তকে লিখেছেন, ইব্রাহীম নামক এক কবর খননকারী বলেছেন: ‘আমি একটি খবর খনন করি। সেটা থেকে আতরের সুগন্ধি অনুভব করি এবং কয়েক টুকরো ইট দেখতে পাই। আমি কবরের অভ্যন্তরে তাকিয়ে দেখি এক বৃদ্ধ কোরান তেলাওয়াত করছেন। মুহাম্মদ ইসহাক ইবনে মানদা হযরত আসিম আস সাকাতীর কথা উদ্ধৃত করেন: ‘আমরা বলখ্ নগরীতে একটি কবর খনন করি। এতে পার্শ্ববর্তী কবরের অভ্যন্তর-ভাগ দৃশ্যমান হয়। একজন সবুজ কাফনের কাপড় পরিহিত বৃদ্ধ কুরআন হাতে নিয়ে তেলাওয়াত করছিলেন।’ ‘রওদা’ গ্রন্থটিতে এ ধরনের বহু ঘটনার বিবরণ দেয়া হয়েছে। মুহাদ্দীস আলেম আবু মুহাম্মদ হালাল তাঁর ‘কারামাতুল আউলিয়া’-তে লিখেছেন যে, আবু ইউসুফ গাসুলী (রহ.) বলেন, তিনি হযরত ইব্রাহীম ইবনে আদহাম (রহ.)-এর সাক্ষাত লাভ করেন দামেস্কে। হযরত ইব্রাহীম আদহাম (রহ.) বলেন, ‘আজ একটি অপূর্ব জিনিস দেখলাম।’ আবু ইউসুফ জিজ্ঞাসা করেন, ‘কী জিনিস?’ উত্তরে তিনি বলেন, ‘ওই কবরস্থানের একটি কবরের পাশে আমি দাঁড়িয়েছিলাম। কবরটি খুলে যায়। সবুজ কাফন পরিহিত এক বৃদ্ধ আগমন করেন। তিনি বললেন, “হে ইব্রাহীম! তোমার জন্যে আল্লাহ তা’আলা আমাকে জীবিত করে দিয়েছেন। তোমার ইচ্ছানুযায়ী তুমি যে কোনো প্রশ্ন আমাকে করতে পারো।” আমি জিজ্ঞাসা করলাম, আল্লাহ পাক আপনার সঙ্গে কী রকম আচরণ করেছেন? তিনি উত্তর দিলেন, “আমার বদ আমল আমাকে ঘিরে ফেলেছিল। কিন্তু আল্লাহ তা’আলা বলেন যে তিনি ৩টি কারণে আমাকে ক্ষমা করে দিয়েছেন: ১/ যেহেতু আমি তাঁদের ভালোবেসেছি যাঁদের তিনি ভালোবেসেছেন; ২/ যেহেতু এ পৃথিবীতে আমি কোনো প্রকার মদ্যপান করিনি; এবং ৩/ যেহেতু আমি তাঁর সামনে উপস্থিত হয়েছি আমার সাদা দাড়িসহ। তিনি ঘোষণা করেন যে তাঁর সামনে এ অবস্থায় আগমনকারী মুসলমানদেরকে শাস্তি দিতে তিনি লজ্জাবোধ করেন।’ এরপর ওই বৃদ্ধ কবরের মধ্যে অদৃশ্য হয়ে যান।’ ইবনুল জওযী তার ‘সিফাতুস সাফওয়া’-তে লিখেছেন, “উম্মুল আসওয়াদ তাঁর দুগ্ধ-মাতা হযরত মুয়াযার কথা উদ্ধৃত করেন, যিনি বলেন, ‘আবুস সাহবা এবং আমার পুত্র শহিদ হবার পর থেকে পৃথিবী আমার জন্যে একটি কারাগার হয়ে গিয়েছে। আমি আর কিছুই উপভোগ করি না। তবুও আমি এই আশা নিয়ে বাঁচতে চাই যে, আমি এমন কিছু একটা করতে পারবো যার দরুন আমি আল্লাহ পাকের সন্তুষ্টি অর্জন করতে সক্ষম হবো এবং ফলস্বরূপ আবুস সাহবা ও আমার পুত্রের সঙ্গে জান্নাতে মিলিত হতে পারবো।’ মুহাম্মদ ইবনে হুসাইন বলেন, ‘ইন্তেকালের পূর্ব মুহূর্তে মুয়াযা (রহ.) কাঁদেন। এরপর তিনি হাসেন। এ রকম করার হেতু জিজ্ঞাসা করা হলে তিনি উত্তর দেন, ‘(মৃত্যুর ফলে) আমাকে সালাত, রোযা, কুরআন তেলাওয়াত ও আল্লাহর নামের যিকির থেকে নিবৃত্ত করা হবে, এ কথা ভেবে চিন্তিত ছিলাম। এমতাবস্থায় আমি আবুস সাহবাকে দেখি। তিনি সবুজ রংয়ের দুটো চাদর পরেছিলেন। তাঁর

জীবদ্দশায় তাঁকে আর এভাবে দেখি নি। এ কারণেই আমি হেসেছি।’ মুয়াযা (রহ.) হযরত আয়েশা (রা.)-কে দেখেছিলেন এবং তাঁর থেকে হাদীস রেওয়াজাত করেন। হযরত হাসান আল-বসরী (রহ.), আবু কিলাবা (রহ.) এবং ইয়াযিদ আর রাকাশী (রহ.)-এর মতো মহান উলামায়ে হাক্কানী-রব্বানী হযরত মুয়াযা (রহ.) থেকে হাদীস রেওয়াজাত করেছেন।” (সিফাতুস সাফওয়া)

অনেক বুযূর্গ ব্যক্তি কবর আযাব প্রত্যক্ষ করেছিলেন। আল্লাহ পাক বলা করেন: “ফেরাউন ও তার লোকদের গন্তব্যস্থল দোযখের আগুনকে তাদের সামনে প্রত্যেক সকালে এবং সন্ধ্যায় প্রদর্শন করা হয়।” (সুরা মুমিন, ৪৬ আয়াত) ইমাম বুখারী (রহ.) ও মুসলিম (রহ.)-এর সহীহাইনে লিপিবদ্ধ একটি হাদীস ঘোষণা করে: “যদি তোমরা গোপনীয়তা বজায় রাখো, তবে আমি আল্লাহর কাছে দোয়া করতে পারি, যাতে তিনি তোমাদেরকে কবর আযাব সম্পর্কে শ্রবণ করান, যেভাবে আমাকে তিনি শ্রবণ করিয়েছেন।” কবর আযাব রূহ এবং শরীর দুটোর ওপরই পতিত হয়, কেননা তারা উভয়ই এক সাথে কুফর ও গুনাহ সংঘটন করে থাকে। শুধুমাত্র রূহকে আযাব দেয়াটা খোদা তা’আলার জ্ঞান ও বিচারের সঙ্গে খাপ খায় না। উলামাবৃন্দ ঘোষণা করেন; যদিও শরীর কবরের মধ্যে ক্ষয়প্রাপ্ত হয়ে মনুষ্য চক্ষুর অন্তরালে চলে যেতে পারে, তবুও সেটা আল্লাহর জ্ঞানের পরিসরে বিরাজ করে। বহু সাহাবী প্রত্যক্ষ করে বলেছেন যে, মৃতদের রূহ এবং দেহ উভয়কেই আযাব দেয়া হয়। ইবনে কাইয়েম তাঁর ‘কিতাবুর রূহ’, ইমাম সুযুতী তাঁর ‘শরহে সুদূর’ এবং ইবনে রাজাব তাঁর ‘আহওয়াল আল কুবুর’ গ্রন্থে লিখেন, “রাসূলুল্লাহ ﷺ-এর উপস্থিতিতে এক ব্যক্তি বলেন, ‘আমি এক লোককে মাটি থেকে বেরিয়ে আসতে দেখলাম। অপর এক লোক তাকে লাঠি দ্বারা আঘাত করার পর সে ভূতলে অদৃশ্য হয়ে যায়। আর এটার পুনরাবৃত্তি হতে থাকলো যতোবার ওই লোকটা মাটি থেকে উঠে আসছিল।’ নবী পাক ﷺ বললেন: ‘তুমি যাকে দেখেছ সে আবু জাহল। পুনরুত্থান (দিবস) পর্যন্ত তাকে এভাবে আযাব দেয়া হবে।’” এ খবর এবং অনুরূপ খবরসমূহ প্রমাণ করে যে, আযিয়া (আ.) ও আউলিয়া (রহ.)-এর মতো প্রত্যেকেই কবরের অভ্যন্তরে সংঘটিত ঘটনাবলী প্রত্যক্ষ করতে পারেন। আউলিয়ার দর্শন ক্ষমতাকে কোনোক্রমেই অস্বীকার করা যায় না। তাঁরা আল্লাহ পাকের কুদরতে প্রত্যক্ষ করে থাকেন।

আমরা এ পর্যন্ত যা লিখেছি তা প্রমাণ করে; বেসালপ্রাপ্তজন তাঁদের মাযার-রওয়াজাত আমাদের অজ্ঞাত একটি জীবনে বর্তমান, যাকে আমরা ‘কবর জীবন’ নামে আখ্যা দিতে পারি। সমস্ত ইসলামী ওলামা বলেন যে মৃত্যু অস্তিত্বের অবসান নয়, বরং এক ঘর থেকে ঘরান্তরে স্থানান্তর। আযিয়া (আ.) এবং আউলিয়া (রহ.) ইসলামী বিশ্বাস প্রচার-প্রসারের কাজে আত্মোৎসর্গ করেছিলেন, আর তাই তাঁরা বেসালের পর শহীদের মর্যাদা লাভ করতে সক্ষম হয়েছেন। কুরআন-এ-করীমে সুস্পষ্টভাবে ঘোষিত হয়েছে, শহিদনবৃন্দ জীবিতাবস্থায় আছেন। তাহলে তাঁদের মাধ্যমে তাসাব্বু ও তাশাফু এবং তাওয়াসসুল করাটা কেন বিশ্বয় উদ্রেককর হবে? ‘তাসাব্বুবের’ অর্থ নবী-ওলীদেরকে আল্লাহ তা’আলার সামনে (উপস্থিতিতে) কারণ (cause)-স্বরূপ সাহায্য করার জন্যে আবেদন জানানো। ‘তাওয়াসসুলের’ অর্থ তাঁদেরকে আমাদের জন্যে দোয়া করতে আনুরোধ করা, যেহেতু তাঁরা ইহকাল এবং পরকাল উভয় জাহানেই আল্লাহর প্রিয় বান্দা। কুরআন মজিদ ঘোষণা করে যে, তাঁরা যা চান তা-ই অর্জন করতে পারেন এবং তাঁদেরকে তা মঞ্জুর করা হয় (আল্লাহ তা’আলার পক্ষ থেকে)। জীবিত লোকদের কাছ থেকে যা চাওয়া যায় তা যদি আল্লাহ পাকের ওই সকল বেসালপ্রাপ্ত প্রিয় বান্দার কাছে চাওয়া হয়, তাহলে কি প্রার্থনাকারী ব্যক্তিকে দোষারোপ করা উচিত হবে? সেই ব্যক্তিকে কি তিরস্কার করা

উচিৎ হবে যিনি বেসালপ্রাপ্ত নবী-ওলীবৃন্দকে ওসীলা করেন; এ কথা মনের মধ্যে পোষণ করে যে, আল্লাহ তা'আলা স্বয়ং যাচিত বস্তু, যা নবী-ওলীর কাছে প্রার্থনা করা হয়েছে তা সৃষ্টি করে দেবেন এবং আল্লাহ ছাড়া আর কোনো সৃষ্টিকর্তা নেই? যারা ধারণা করে যে, নবী-ওলীবৃন্দ ক্ষয়প্রাপ্ত হয়ে মাটি হয়ে গিয়েছেন অথবা অস্তিত্বহীন হয়েছেন, তারাই এগুলোকে অস্বীকার করে। যারা ইসলাম ও শরীয়ত সম্পর্কে অজ্ঞ এবং যারা এগুলোর মাহাত্ম্য ও উচ্চ মর্যাদা সম্পর্কে বে-খবর, তারাই অবিশ্বাস করে। দ্বীনী পেশায় নিয়োজিত ব্যক্তিবর্গ, যারা আফিয়া-আউলিয়ার মাহাত্ম্য ও উচ্চ মর্যাদা সম্পর্কে উপলব্ধি করতে পারে না, তারা দ্বীন সম্পর্কে কর্তৃত্বসম্পন্ন নয়, বরং দ্বীন সম্পর্কে একেবারেই অজ্ঞ। শরীয়তকে তারা বুঝতে পারেনি। যে সকল মুসলমানকে তারা অজ্ঞ মনে করে, বস্তুতঃপক্ষে তাঁরাই অধিক জ্ঞানী এবং বুদ্ধিসম্পন্ন। হাদীসসমূহে বিবৃত এবং মুসলিম উলামার সর্বসম্মত রেওয়াজতানুযায়ী ব্যক্ত হয়েছে যে, নবী-ওলীবৃন্দের মাযার-রওয়াজ গমন করে তাঁদের মধ্যস্থতায় আল্লাহ তা'আলার কাছে প্রার্থনা করা এবং রোজ হাশরের দিনে তাঁদের কাছ থেকে সুপারিশ (শাফায়াত) পাবার আশায় প্রার্থনা করা বৈধ। এ কথাও বোঝা উচিৎ যে যারা এসব নির্ভরযোগ্য দলিলাদি অবিশ্বাস করে মুসলমানদেরকে তাঁদের বিশ্বাসের জন্যে দোষারোপ করে, তারা প্রকৃতপক্ষে ইসলামকেই বিকৃত ও ধ্বংস করার কু-মতলব পোষণ করে। আমাদের হামদ ও শোকরিয়া প্রকাশ মহান আল্লাহ রাব্বুল ইয়যতের প্রতি যিনি মনুষ্য জাতির সর্বশ্রেষ্ঠ নবী হযরত মুহাম্মদ মুস্তফা সাল্লাল্লাহু আলাইহি ওয়া সাল্লামের হাদীস এবং নবী পাক ﷺ-এর অনুসারী প্রিয় ও মনোনীত সালেহীনের বইপত্রের প্রতি বিশ্বাস স্থাপন করার নেয়ামত আমাদের ওপর বর্ষণ করেছেন। যদি আমাদের আল্লাহ পাক এ নেয়ামত মঞ্জুর না করতেন, তবে আমরা নিজ সামর্থ্যে এগুলো খুঁজে বের করতে পারতাম না এবং বুঝতেও পারতাম না। ফলস্বরূপ আমরা নিশ্চিহ্ন হয়ে যেতাম।

এখন আমরা সেই সব আয়াত পেশ করবো যেগুলোতে প্রতিভাত হয় যে, আল্লাহ তা'আলার কাছে প্রার্থনা করার সময় আফিয়া-আউলিয়াকে মধ্যস্থতাকারীস্বরূপ স্থাপন করা জায়েয, যাতে তাঁরা আল্লাহ পকের সৃষ্টি প্রক্রিয়ায় কারণ হিসেবে কাজ করতে পারেন। একটি আয়াতে ঘোষিত হয়েছে: “হে ঈমানদারগণ! আল্লাহকে ভয় (তাকওয়া অর্জন) করো; তাঁর সান্নিধ্য অর্জনের উদ্দেশ্যে ওসীলার অন্বেষণ করো।” (সূরা মায়দা; ৩৮ আয়াত) অপর এক আয়াতে বলা হয়েছে: “এমন অনেক লোক আছে যারা ইবাদত ও দু'আ করে। তারা একটি অসীলা তথা কারণ বা মাধ্যমের তালাশ করে আল্লাহ পকের নৈকট্য অর্জনের উদ্দেশ্যে। তারা চায় যেন মাধ্যমটি তাদেরকে আল্লাহর নিকটবর্তী করে দেয়।” (সূরা আল ইসরা, ৫৭ আয়াত) আয়াতগুলোতে আল্লাহ তা'আলা মুসলমানদেরকে আদেশ করেছেন যেন তাঁরা কারণ এবং মাধ্যমসমূহকে আঁকড়ে ধরেন, যাতে তাঁরা আল্লাহরই ঘোষণানুযায়ী তাঁর নৈকট্য অর্জন করতে পারেন। মাধ্যমসমূহকে নির্দিষ্ট কোনো বস্তু বলে ঘোষণা করা হয় নি। অতএব, যা কিছু আল্লাহ পকের সন্তুষ্টি অর্জন করতে সাহায্য করে তার সবই ওসীলা বিশেষ। অর্থাৎ, খারেজীদের ভ্রান্ত ধারণার ঠিক উল্টো অর্থে, শুধুমাত্র (বেসালপ্রাপ্তজনের) দোয়া-ই নয়, তাঁদের শাফায়াত এবং আল্লাহর দৃষ্টিতে তাঁদের মর্যাদা ও মাহাত্ম্য এবং তাঁরা নিজেরাও ওসীলা। আর আহলে সুন্নাতের উলামাগণ বলেন যে, নবীগণের এবং তাঁদের অনুসারীগণের শাফায়াত, মর্যাদা, কারামত, দোয়া ইত্যাদি, তাঁদের ‘পথ’ বা তাঁদের মালিকানাধীন ঈমান, ইবাদত ও ইখলাসের মতোই ওসীলা বা মাধ্যম। যে সব ওহাবী বলে, ‘আফিয়া-আউলিয়াবৃন্দ ওসীলা নন, তারা প্রকৃতপক্ষে কোরআন, হাদীস, নবী এবং ওলীগণের কুৎসা রটনায় লিপ্ত।’ কুরআন এবং হাদীসে সুস্পষ্টভাবে ঘোষিত হয়েছে যে, নবী এবং ওলীগণকে ওসীলা বানানো যায়।

সূরা আনফালের ৩৩ নং আয়াত ঘোষণা করে, “আমি সেই সব কাফেরদেরকে শাস্তি দেবো না ততোক্ষণ, যতোক্ষণ আপনি (নবী-দ.) তাদের মাঝে অবস্থান করবেন।” ইমাম বুখারী ও তফসীর কিতাবসমূহে লিপিবদ্ধ ভাষ্যানুযায়ী, কাফেররা হুজুর ﷺ-কে ব্যঙ্গ-বিদ্রূপ করে বলতো: ‘তোমার আল্লাহকে বলো যেন তিনি আমাদের প্রতি আযাব দেন।’ উপর্যুক্ত আয়াতটি এর ফলে নাযিল হয়; এই ঘোষণা নিয়ে যে, রাসূলুল্লাহ ﷺ-এর পাক শরীর মুবারক কাফেরদের মাঝে অবস্থান করায় আযাব পতিত হচ্ছে না। এ কথা বলা যাবে না যে নবি কারীম ﷺ তাঁর নবুয়্যতের ওয়াস্তে কিংবা তাঁর দোয়া ও শাফায়াত দ্বারা আযাব প্রেরণ বন্ধ করেছিলেন, কারণ কাফেরদের জন্যে কোনো দোয়া অথবা শাফায়াতও করা হবে না, আর নবুয়্যত যার ওপর তারা বিশ্বাস আনে নি, সেটাও তাদের জন্যে কোনো মঙ্গল বয়ে আনবে না।

আল্লাহ পাক একই আয়াতে ঘোষণা করেন- “আল্লাহ তাদেরকে শাস্তি দেন না, যেহেতু তারা ক্ষমা চায়।”(সূরা আনফাল, ৩৩ আয়াত) সালাফে সালাহীনের অধিকাংশই বলেন, এ আয়াতটির অর্থ ‘আমি তাদেরকে শাস্তি দেই না, কারণ তাদের সন্তান-সন্ততি হবে যারা ক্ষমা চাইবে।’ আল্লাহ পাক বলা করেছেন, ‘আমি তাদেরকে শাস্তি দেই না’, কারণ তিনি অনন্তকালে ডিক্রি করেছিলেন যে কাফিরদের উত্তরাসূরীদেরকে ঈমানদার বানাবেন। সুতরাং যে সকল উলামা উপর্যুক্ত ব্যাখ্যা দিয়েছেন তাঁদের মতানুযায়ী কাফেরদের ঔরসে মুসলমানগণই ওসীলা যা আযাবকে রহিত করেছিল।

আল্লাহ তা’আলা বলেন: “মানব জাতিকে যদি আমি একে অপরের বিরুদ্ধে ছেড়ে দেই, তাহলে পৃথিবী উলট-পালট হয়ে যাবে।” (সূরা বাকারা: ২৫১ আয়াত এবং সূরা হুজ্জে : ৪০ আয়াত) কয়েকজন তফসীরশাস্ত্রের উলামা এ আয়াতটিকে নিম্নোক্তভাবে ব্যাখ্যা করেছেন: ‘পৃথিবী সম্পূর্ণভাবে বিশৃঙ্খল হয়ে যেতো যদি আল্লাহ পাক কোনো ঈমানদার না সৃষ্টি করে শুধু কাফের সৃষ্টি করতেন। বিশ্বাসীদের শরীরের অস্তিত্বই পৃথিবীকে বিশৃঙ্খলা থেকে রক্ষা করছে।’ মানবের নিজের সত্তার মধ্যেই পরিত্রাণ নিহিত, যা তাঁর আমলের ফলাফল থেকে অর্জন করা সম্ভব নয়। এ কারণেই একটি হাদীস শরীফে ঘোষিত হয়েছে, “পৃথিবীতে আগমনের পূর্বেই একজন ব্যক্তি হয় ‘সান্দ’ (সৎ), নয়তো ‘শাকী’ (অসৎ)।” বাহ্যিকভাবে নেক আমল হতে ‘সান্দ’ হওয়ার অবস্থা হলেও বাস্তবিকভাবে তা সত্য নয়। এ কারণেই একটি হাদীসে ঘোষিত হয়েছে, “কোনো ব্যক্তি বদ কাজ করে, যা তাকে জাহান্নামে নেবে। সে জাহান্নামের নিকটবর্তী হয়। যদি সে উম্মুল কিতাবে, অর্থাৎ, আল্লাহর জ্ঞানে ‘সান্দ’ হয়, তাহলে সে এমন কোনো কাজ করে তাঁর শেষ দিনগুলোতে যা তাকে বেহেশতে দাখিল করে দেয়। ফলস্বরূপ সে জান্নাতে গমন করে।” মানুষের আমল তাকে জান্নাতে নেয় না, বরং তা তাকে বেহেশতে নেবার কারণস্বরূপ কাজ করে। আর এ কারণেই হুজুর ﷺ বলা করেন, “কোনো ব্যক্তি-ই তার ইবাদত ও নেক আমলের জন্যে বেহেশতী হবে না।” তাঁকে প্রশ্ন করা হয়, “আপনার জন্যেও কি একই নিয়ম প্রযোজ্য হবে?” তিনি উত্তর দেন, “হ্যাঁ, আমার ক্ষেত্রেও তা-ই প্রযোজ্য হবে। আমি একমাত্র আল্লাহ তা’আলার দয়া ও রহমতের মাধ্যমে মুক্তি অর্জন করবো।” কেউ বলতে পারবে না যে কোনো ব্যক্তি তার ইবাদত ও নেক আমলের জন্যে বেহেশতী হবে। কিন্তু মানুষ তাঁকেই নিশ্চিতভাবে বেহেশতী বলতে পারে যিনি অনন্তকালে ‘সান্দ’ হিসেবে চিহ্নিত ছিলেন। সান্দ কিংবা শাকী হওয়াটা কোনো ব্যক্তির আমলের ওপর নির্ভরশীল নয়, বরং তার নিজের সত্তার (যাত) ওপর নির্ভরশীল। আল্লাহ তা’আলা হযরত রাসূল-এ-কারীম ﷺ-কে অন্যান্য মানুষের মাঝ থেকে বেছে নিয়েছেন এবং তাঁর অন্যান্য নবীগণের চেয়ে অধিক মর্যাদাবান বানিয়েছেন একমাত্র হুজুর ﷺ-এর যাত-এ-

পাক তথা পবিত্র সত্তার জন্যেই। প্রত্যেক ঈমানদার-ই এটা ব্যক্ত করেন। নবী-রাসূল (আ.) এবং আউলিয়া (রহ.)-এর মাহাত্ম্যের ক্ষেত্রেও একই ব্যাপার। মর্যাদা এবং প্রত্যেকটা মাহাত্ম্যই কোনো ব্যক্তির সত্তার ওপর নির্ভরশীল, যেটা কিন্তু আবার উচ্চ মর্যাদার ওপর নির্ভরশীল নয় (উদাহরণস্বরূপ, প্রেসিডেন্ট হওয়ার কারণে ব্যক্তি মূল্যবান হয় না, বরং যেহেতু তিনি মূল্যবান ব্যক্তি, সেহেতু তিনি প্রেসিডেন্ট হন)। তাহলে এটা নিশ্চিত, ‘পদার্থ, বস্তু অথবা মানুষ (যাত,সত্তা) সৃষ্টি প্রক্রিয়ায় কারণ হতে পারে না’- ওহাবীদের এই দাবিটি নিছক ভ্রান্তি। আয়াত ও হাদীসসমূহ এবং হুযূর পাক ﷺ-এর সুন্নাত সুস্পষ্টভাবে প্রমাণ করে যে, তারা একটি বিভ্রান্তিকর ও গোমরাহ পথের ওপর বিচরণ করছে।

একটি হাদীসে ঘোষিত হয়েছে: “আমাদের অসুস্থ লোকেরা আমাদের মাটির নেয়ামত ও আমাদেরই একজনের লালার মাধ্যমে এবং আল্লাহ পাকের অনুমতিক্রমে সুস্থ হয়ে ওঠে।” যদি কেউ পরিষ্কার মাটির সঙ্গে নিজের পরিষ্কার লালা মিশিয়ে কোনো অসুস্থ ব্যক্তিকে ওষুধস্বরূপ খাওয়ায়, তাহলে আল্লাহ পাক রোগীকে সুস্থতা দান করেন। মাটি এবং লালা কিংবা ওষুধ প্রস্তুতকারীর বিশেষ প্রভাবযুক্ত ওষুধের সবই পদার্থ বা বস্তু। অর্থাৎ, সেগুলো ‘যাত’। সেগুলোর মর্যাদা রয়েছে কিংবা সেগুলো শাফায়াত করতে পারে – এ কথা ধারণা-ই করা যায় না। মুসলিম শরীফে একটি সহীহ হাদীস ঘোষণা করে: “যমযম (কূপের) পানি পানকারীর নিয়ত অনুযায়ী সেটার উপকারিতা রয়েছে।” যখন যমযম-এর পানি বৈষয়িক কিংবা অপার্থিব কোনো উপকার পাওয়ার নিয়তে পান করা হয়, তখন সেটা উপকার প্রদান করে। বহু ঘটনা এ বিষয়টিকে প্রমাণ করে। সবাই জানেন যে যমযমের পানি একটা যাত মাত্র, একটা পদার্থ মাত্র, যেটা নিজের উচ্চ মর্যাদার কারণে কর্ম সংঘটন করতে পারে কিংবা দোয়া ও শাফায়াতের মাধ্যমে সুস্বাস্থ্য দিতে এবং সাহায্য করতে পারে বলে ধারণা-ই করা যায় না।

কাবা শরীফের দরজা এবং হাজর আল-আসওয়াদ পাথরের মধ্যবর্তী যিয়ারতের স্থানটাকে ‘মুলতায়াম’ বলা হয়, যা একটা সহীহ হাদীস শরীফে উলামা কর্তৃক সর্বসম্মতভাবে রেওয়াজ করা হয়েছে। যদি কেউ এই স্থানটাতে কাবা শরীফের দেয়ালের সঙ্গে নিজের পেটকে স্পর্শ করিয়ে মুলতায়ামকে তাঁর দোয়া কবুলের মাধ্যম বানিয়ে আল্লাহ তা’আলার কাছে প্রার্থনা করে, তাহলে আল্লাহ পাক তাকে ক্ষতি ও ভুল-ক্রটি থেকে রক্ষা করেন। এটা বহুবার পরিদৃষ্ট হয়েছে। প্রত্যেকেই জানেন যে, মুলতায়াম হচ্ছে কাবা শরীফের দেয়ালের মধ্যে অবস্থিত কিছু পাথরের সমষ্টি। এ সব পাথর হচ্ছে যাত, অর্থাৎ, পদার্থ। আল্লাহ তা’আলা যেমনভাবে প্রত্যেকটি পদার্থের মধ্যে বিশেষ কিছু বৈশিষ্ট্য দিয়েছেন, ঠিক তেমনিভাবে তিনি ওই পাথরগুলোকে (মুলতায়াম) উপকার ও শুভফল আনার মাধ্যম হিসেবে কাজ করার গুণ প্রদান করেছেন।

একই ধরনের গুণ ও প্রভাব বিস্তারের ক্ষমতা কাবা শরীফের উত্তরাংশে অবস্থিত ঝর্ণার নিচের যিয়ারতের স্থান, যেটাকে ‘মাক্কাম আল-ইব্রাহীম’ বলা হয় এবং যেটা ‘মসজিদ আল-হারামে’ অবস্থিত কাবা-গৃহের দরজার বিপরীত দিকে অবস্থিত, সেটাকেও দেয়া হয়েছে। আরও দেয়া হয়েছে কাবা শরীফের এক কোণায় অবস্থিত ‘হাজর আল-আসওয়াদ’ নামক কালো পাথরকে, যাকে চুম্বন ও হাত-মুখ দিয়ে মাখলে সেই সব গুণের প্রভাব পাওয়া যায়। আল্লাহ তা’আলা সেগুলোর ওসীলায় দোয়াপ্রার্থীদের দোয়া কবুল হওয়ার গুণ সেগুলোকে প্রদান করেছেন। যখন এটা পরিদৃষ্ট ও বিশ্বাস্য হচ্ছে যে, ওই সব পদার্থ দোয়া কবুলের মাধ্যমস্বরূপ কাজ করতে সক্ষম, তখন এ কথা কীভাবে ধারণা করা যায় যে, রাসূলুল্লাহ ﷺ এবং তাঁর অনুসারী আল্লাহ তা’আলার প্রিয়

বান্দাদের মধ্যস্থতায় প্রেরিত দোয়া কবুল করা হবে না? যদি কেউ এ কথা বলার দুঃসাহস দেখায় যে মাটি, মানুষের লালা, যমযম কুপের পানি, মুলতায়াম, মাকামে ইব্রাহীমের পাথরগুলো, যেখানে হযরত ইব্রাহীম (আ.) এর পবিত্র পদচিহ্ন আছে, এবং হাজারে আসওয়াদের ওসীলায় উপকার পাওয়াটা নবী-ওলীবৃন্দের পাক রওয়াগুলোকে মাধ্যম বা ওসীলা বানাবার বিষয় প্রমাণ করে না, তবে তার কথা প্রমাণ করবে যে, সে দ্বীনের জ্ঞানে সম্পূর্ণ অজ্ঞ এবং সে আল্লাহ ও রাসূল ﷺ এবং মুসলমানদেরকে শরমায় না। কারণ, সাহাবা-এ-কেরাম নবি কারীম ﷺ-এর মহাসম্মানিত ব্যক্তিত্ব ও সত্ত্বাকে অত্যন্ত ভক্তি-শ্রদ্ধা করতেন।

ইমাম বুখারী এবং অন্যান্যদের রেওয়ায়তকৃত হযরত উরওয়াহ ইবনে মাসউদ আস্-সাকাফী (রা.)-এর কথা সর্বজনবিদিত; তিনি বলেন, “আমি হৃদয়বিয়ার সন্ধিতে কাফেরদের প্রতিনিধি হিসেবে রাসূলুল্লাহ ﷺ-এর সাথে সাক্ষাৎ করি। পরবর্তী পর্যায়ে আমি মক্কায় প্রত্যাবর্তন করে কুরাইশ নেতাদেরকে বলি: ‘তোমরা জানো যে, আমি ইতোপূর্বে পারস্যরাজ ‘খসরু’, বাইজান্টাইন রোমান-সম্রাট ‘সিজার’ এবং আবিসিনিয় বাদশাহ ‘নাজ্জাসী’-এর সঙ্গে সাক্ষাৎ করেছি বহুবার। কিন্তু হযরত মুহাম্মদ সাল্লাল্লাহু আলাইহি ওয়া সাল্লামের সাহাবা-এ-কেরাম কর্তৃক তাঁর প্রতি প্রদর্শিত ভক্তি-শ্রদ্ধা ওই সম্রাটরা কেউই পান নি। আমি তাঁর পবিত্র লালা (থুথু) মাটিতে পড়তে দেখি নি; তাঁর সাহাবাগণ সবসময় তা ধরে ফেলেছেন এবং নিজেদের মুখমন্ডলে ও চোখে মেখেছেন। তাঁর ওযুতে ব্যবহৃত পানি সাহাবাগণ ছুটে গিয়ে সংরক্ষণ করে থাকেন পরবর্তীকালে বরকত (আশীর্বাদ) আদায়ের উদ্দেশ্যে। যখন তাঁর চুল বা দাড়ি মুবারক কাটা হয় তখন তাঁরা সেগুলোর কোনো অংশকেই মাটিতে পড়তে দেন না এবং সেগুলো তাঁরা দামী মণি-মানিক্যের মতো সংরক্ষণ করেন। হযরত মুহাম্মদ মুস্তফা সাল্লাল্লাহু আলাইহি ওয়া সাল্লামের প্রতি ভক্তি-শ্রদ্ধা এবং নিজেদের বিনয়ের জন্যে সাহাবাগণ তাঁর পবিত্র মুখমন্ডলের দিকে চোখ তুলে তাকাতেও পারেন না।” এ বর্ণনা থেকে বোঝা যায় সাহাবা-এ-কেরাম হযরত ﷺ-এর পবিত্র যাত মোবারক হতে নিঃসৃত ছোট-খাটো কণাকেও কী রকম শ্রদ্ধা করতেন। এমন কি অন্যান্য লোকদের কাছে যে সব বস্তু নোংরা ও বিশী হিসেবে বিবেচিত, সেগুলোকেও তাঁরা ভক্তি করতেন। তাহলে এ কথা কি বলা যাবে যে, হজুর পাক ﷺ-এর পবিত্র লালা মোবারক এবং তাঁর পবিত্র দেহ মোবারকস্পৃষ্ট ওযুর পানি দোয়া বা সুপারিশ করার ক্ষমতাসম্পন্ন হওয়ার কারণেই এ ভক্তি-শ্রদ্ধা প্রদর্শন করা হয়েছে? অথবা সেগুলোর উচ্চমর্যাদা ও মূল্যের কারণেই তা করা হয়েছে? সেগুলোর সবই তো পদার্থ; কিন্তু সেগুলো মহামূল্যবান হয়েছে সব চাইতে সম্মানিত যাত, অর্থাৎ, তাঁর দেহ মুবারক হতে নিঃসৃত হওয়ার কারণেই। দেখুন, ওহাবীরা তাদের চিন্তাধারায় কী রকম অজ্ঞ আহাম্মক যে, যদিও তারা নিজেদেরকে প্রকৃত দ্বীনদার ও তাওহীদপন্থী (মুয়াহহেদ) বলে পরিচয় দেয়, তবুও তারা রাসূলুল্লাহ ﷺ-কে আল্-লাত মূর্তির সমতুল্য মনে করে। নবী কারীম ﷺ ও তাঁর সাহাবাগণ যেসব কাজ করেছেন এবং আমাদেরকে আদেশ করেছেন পালন করতে, সেগুলোকে ওহাবীরা মূর্তিপূজার সাথে তুলনা দেয়। আমরা আল্লাহর কাছে তাদের কথা ও বিশ্বাস হতে আশ্রয় চাই।

এমন বহু হাদীস আছে যেগুলো প্রতীয়মান করে যে আল্লাহর কাছে কোনো দোয়া কবুল করানোর উদ্দেশ্যে তাঁরই প্রিয় ও মনোনীত আম্বিয়া (আ.) এবং তাঁদের অনুসারী আউলিয়া (রহ.)-কে ওসীলা বা মাধ্যম বানিয়ে নেয়া বৈধ, আর এ সব হাদীসের কোনো উত্তরই আমাদের প্রতিপক্ষ দিতে পারে নি। তারা সম্পূর্ণ বেসামাল অবস্থায় পতিত হয়েছে। বুখারী ও মুসলিম শরীফ হাদীসগ্রন্থ দু’টোতে লেখা আছে যে, আসমা বিনতে আবু বকর (রা.) তাঁর আশপাশে সমবেত লোকদেরকে সবুজ একটি রেশমের জুব্বা প্রদর্শন করে বলেন, “হযরত

আয়েশা (রা.)-এর সঙ্গে এ জুব্বাটা ছিল। আমি তাঁর বেসালের পর এটা নিয়েছি। আমরা আমাদের অসুস্থ মানুষদেরকে এটা পরিধান করিয়ে সুস্থ করি। তারা এটা পরিধান করে সুস্থ হয়ে ওঠে।” এতে প্রতিভাত হয় যে, সাহাবাগণ সেই জুব্বাটিকে সুস্থতার উদ্দেশ্যে ওসীলাস্বরূপ ব্যবহার করতেন। কারণ আল্লাহ পাকের প্রিয় নবী ﷺ যিনি সব মাহাত্ম্য ও পূর্ণতার অধিকারী, তিনি তা পরিধান করতেন। আল হামিদী তাঁর কিতাব, যেটা তিনি ইমাম বুখারী ও মুসলিম শরীফের সহীহ কিতাব দু’টো অবলম্বনে রচনা করেছেন, সেটাতে আবদুল্লাহ বিন মাওহিবের কথা উদ্ধৃত করেন, যিনি বলেন, “আমার স্ত্রী আমাকে একটি পানিপূর্ণ পাত্র (কাপ) প্রদান করে আমাদের মাতা উম্মে সালামা (রা.)-এর কাছে প্রেরণ করে। হযরত উম্মে সালামা (রা.) একটি রূপার বাস্র নিয়ে আসেন। তার ভেতরে রাসূলুল্লাহ ﷺ এর পাক দাড়ি মোবারক ছিল। তিনি পাত্রের পানিকে পবিত্র দাড়ির অংশগুলো দিয়ে নেড়ে সেগুলো বের করে নেন। যে সকল মানুষেরা বদ নযর কিংবা অন্য কোনো বিপদ (বালা-মুসীবত) দ্বারা আক্রান্ত হতো, তারা পানি নিয়ে আসতো এবং এটা করতো, আর পানি পান করে স্বাস্থ্য পুনরুদ্ধার করতো। আমি রৌপ্য বাস্রের ভেতরে তাকিয়ে কিছু লাল বর্ণের চুল দেখতে পাই।”

একই পুস্তকে আল হামিদী হযরত সাহল ইবনে সাদ (রা.)-এর কথা উদ্ধৃত করেন: “রাসূলুল্লাহ ﷺ তাঁর পবিত্র জামাটি আমাকে উপহারস্বরূপ দান করেন। আমার মা আমার কাছ থেকে তা নিতে চান। আমি তাঁকে বলি, ‘আমি এটা আমার কাফনের জন্যে রাখতে চাই।’ তিনি বলেন, ‘আমি আমাদের আক্কা ও মওলা হযরত রাসূলুল্লাহ ﷺ-এর জামা মুবারক থেকে তবাররুক (আশীর্বাদ গ্রহণ) নিতে চেয়েছিলাম।’” অতএব, এ কথা পরিস্ফুট যে, সাহাবা-এ-কেরাম নবী পাক ﷺ-এর নেয়ামতপূর্ণ জামাকে শাস্তি হতে পরিত্রাণ পাবার জন্যে মাধ্যম বা কারণস্বরূপ ব্যবহার করেছিলেন।

বুখারী ও মুসলিম শরীফে লিপিবদ্ধ আছে যে, উম্মে সালামা (রা.) বলেন, “রাসূলুল্লাহ ﷺ আমার কাছে ঘুমোচ্ছিলেন। তাঁর পাক মুখমন্ডলে মুক্তার মতো ঘাম জমেছিল। আমি যখন সেগুলো অন্য আরেক জায়গায় সংগ্রহ করে রাখছিলাম, তখন তিনি ঘুম থেকে জেগে ওঠেন এবং জিজ্ঞেস করেন, ‘হে উম্মে সালামা! তুমি কী করছো?’ আমি বললাম, ‘এয়া রাসূলুল্লাহ ﷺ! আমি আমাদের সন্তানদেরকে আপনার পবিত্র ঘাম দ্বারা তবাররুক গ্রহণ করাতে চাই।’ তিনি বললেন, ‘তুমি ভালো কাজ করছো।’ ইবনে মালেক (রহ.) তাঁর ‘শরহে মাসাবিহ’ কিতাবে বলা হয়েছে, “এই হাদীস পরিস্ফুট করে যে, তাসাউফের ইমাম, উলামা-এ-হক্কানী/রব্বানী ও সুলাহা কর্তৃক ব্যবহৃত বস্তুর মাধ্যমে আল্লাহ তা’আলার সন্তুষ্টি অর্জনের প্রচেষ্টা বৈধ।”

ইমাম মুসলিম (রহ.) লিখেছেন: “মদীনাবাসীগণ রাসূলে পাক ﷺ-এর কাছে পানিপূর্ণ পাত্রসমূহ নিয়ে যেতেন, যখন তিনি ফজরের নামায পড়া শেষ করতেন। হুযূর ﷺ প্রত্যেকটি পাত্রেই তাঁর হস্ত মোবারক চুবাতেন। ইবনুল জওয়ী তার ‘বয়ানু মুশকিলিল হাদীস’ গ্রন্থে লিখেছেন, “অতএব, মদীনাবাসীগণ রাসূলুল্লাহ ﷺ-এর মাধ্যমে নেয়ামত অর্জন করতেন (ওইভাবে)। এটা ভালো হয় যদি কোনো আলেম (-এ হক্কানী/সূফী/দরবেশ) তাঁর কাছে বরকত আদায়ের উদ্দেশ্যে আগমনকারী মানুষকে ফিরিয়ে না দেন।” ইবনুল জওয়ীর এই মন্তব্য এবং ইমাম নববী (রহ.)-এর ‘শরহে মুসলিম’-এ উদ্ধৃত লেখনীসমূহ এবং শরহে মুসলিম-এ ইমাম কাযী আয়ায (রহ.)-এর বক্তব্যসমূহ এবং হানাফী আলেম ইবনে মালেক (রহ.)-এর ভাষ্যসমূহ থেকে প্রতিভাত হয় যে, এ ধরনের দোয়া প্রার্থনা শুধু নবী পাক ﷺ-এর জন্যেই খাস বা সুনির্দিষ্ট নয়, যা খারেজীরা মনে করে থাকে।

ইমাম বুখারী (রহ.) হযরত ইবনে সিরিন (রা.)-কে উদ্ধৃত করেন, যিনি বলেন, “রাসূলে মকবুল ﷺ-এর পাক দাড়ি মোবারকের একটি চুল সংরক্ষণ করার সৌভাগ্য আমার হয়েছিল। আমি আবু ওবায়দা (রা.)-কে এ কথা জানালাম। তিনি বললেন, ‘পৃথিবীতে ওই পবিত্র দাড়ির একটি চুল মোবারক পাওয়ার থেকে অন্য কিছু পাওয়াকে আমি বড় মনে করি না’।” ইমাম বুখারী (রহ.) আরও লিখেছেন যে দীর্ঘকাল নবী কারীম ﷺ-এর সাহচর্য (সান্নিধ্য) লাভকারী হযরত আনাস ইবনে মালিক (রা.) অসীয়াত (অস্তিম ইচ্ছা) করেছিলেন যে, দাফনের সময় যেন তাঁর সঙ্গে হুযূর ﷺ-এর পবিত্র দাড়ির একটি খণ্ড কবরস্থ করা হয়। তিনি তা নিয়ে আল্লাহ রাব্বুল ইজ্জত-এর সামনে উপস্থিত হতে চেয়েছিলেন। ‘শিফা’ কিতাবে লেখা আছে, “হুযূর পাক ﷺ-এর মাহাত্ম্য ও মোজেযাত এবং নেয়ামতসমূহের একটি এই যে, হযরত খালিদ বিন ওয়ালিদ (রা.) নিজের সঙ্গে সব সময়েই হুযূর ﷺ-এর পবিত্র দাড়ির একটি চুল মোবারক বহন করতেন। ওই চুলটি তিনি যে সব যুদ্ধে বহন করেছিলেন, তার সব ক’টিতেই তিনি বিজয়ী হয়েছিলেন।” যখন হযরত খালিদ (রা.) তাঁর উদ্দেশ্য পূরণ করতে সক্ষম হয়েছেন নবি ﷺ-এর পবিত্র দাড়ি মোবারক থেকে, তখন হুযূর পাক ﷺ-এর মধ্যস্থতায় কেন আল্লাহ তা’আলা কর্তৃক অভীক্ষা পূরণ হবে না? আশেকে রাসূল ﷺ ইমাম বুসীরী তাঁর ‘কাসিদা আল-বুরদায়’ এই সূক্ষ্ম ব্যাপারটি সুন্দরভাবে ব্যক্ত করেছেন। বুখারী ও মুসলিম শরীফের ‘সহিহাইনে’ হযরত আবদুল্লাহ ইবনে আব্বাস (রা.)-থেকে উদ্ধৃত করা হয়েছে: “রাসূল-এ-আকরাম ﷺ দু’টো কবরের পাশে উপস্থিত হন। তিনি বুঝতে পারেন যে, উভয়ই আযাবে পতিত। তিনি একটি খেজুর গাছের ডাল তলব করেন। এরপর ডালটিকে দু’ভাগে বিভক্ত করে কবর দু’টোর ওপর পুঁতে দেন। হুযূর ﷺ বলেন, ‘এগুলো যতোদিন সজীব (অশুষ্ক) থাকবে, ততোদিন তাদের (মৃত দু’জনের) কষ্ট কম হবে’।” হাদীসটি শিক্ষা দেয় যে, আযাব (শাস্তি) প্রশমনের জন্যে কবরের ওপর খেজুর গাছের সবুজ ডাল রাখা যেতে পারে। সবুজ ঘাসের নেয়ামতস্বরূপ আল্লাহ পাক কবর আযাব প্রশমিত করেন। সবুজ ঘাস একটা পদার্থ মাত্র। আযাবের ওই ধরণের প্রশমন হুযূর পাক ﷺ-এর জন্যেই শুধু খাস নয়। এটা ইসলামী উলামার সর্বসম্মত ভাষ্য যে, কবরের ওপর যে কোনো সময় সবুজ খেজুর গাছের ডাল স্থাপন করা যেতে পারে। এই কারণেই মুসলমান কবরস্থানে সাইপ্রেস গাছ রোপণ করা হয়ে থাকে। যদি খেজুর গাছের ডালের মতো একটি বস্তু আযাব প্রশমনের কারণ হতে পারে, তাহলে সাইয়েদুল মুরসালিন (সকল নবীর শ্রেষ্ঠ নবী পাক-দ.)-কে কেন কারণ বা মাধ্যমস্বরূপ স্থাপন করা বৈধ হবে না? জ্ঞান ও যুক্তিসঙ্গত চিন্তাধারার অধিকারী কেউ কি এর প্রতি আপত্তি করতে পারবে?

আল্লাহ পাককে সন্তুষ্ট করার জন্যে যাত বা বস্তুকে মাধ্যমস্বরূপ স্থাপন করা বৈধ। আবু সুফিয়ানের স্ত্রী হিন্দা হযরত হামযা (রা.)-এর কলিজার অংশ চিবিয়েছিলেন ওহুদের যুদ্ধ সংঘটনকালে। নবী-এ-আকরাম ﷺ ফরমান, “আল্লাহর দৃষ্টিতে হামযা (রা.) অত্যন্ত মর্যাদাসম্পন্ন এবং তিনি তাঁর (হামযার) দেহের কোনো অংশকেই জাহান্নামে পোড়াবেন না।” (হাদীস) নবি কারীম ﷺ-এর পবিত্র রক্ত পান করার পর হযরত মালিক ইবনে সিনান (রা.)-কে তিনি বলেন, “দোযখের আগুন তোমাকে পোড়াবে না।” (হাদীস) অনুরূপভাবে, হুযূর ﷺ-এর শিঙ্গা (cupping) অস্ত্রোপচারে পরিত্যক্ত রক্ত মোবারক পান করার পর তিনি হযরত আবদুল্লাহ ইবনে যুবাইর (রা.)-কে ভর্ৎসনা না করে বলেন, “লোকদের মাধ্যমে তোমার বহু ক্ষতি হবে; আবার তোমার মাধ্যমেও লোকদের বহু ক্ষতি হবে।” (হাদীস) একজন মহিলা হুযূর ﷺ-এর পান করা পানীয়ের অবশিষ্টাংশ পান করার পর তিনি তাঁকে বলেন, “তুমি আর কখনোই পেটের ব্যথায় পীড়িত হবে না।” এই হাদীসটি সহীহ এবং ওই মহিলার নাম ‘বারাকা।’ বহু উলামা, উদাহরণস্বরূপ, ইমাম কাযী আযায (রহ.) তাঁর ‘শিফা’ কিতাবে এবং ইমাম

কসতলানী (রহ.) তাঁর ‘আল মাওয়াহিবুল্ লা দুন্নিয়া’ গ্রন্থে, এ রেওয়ায়াতটি লিখেছেন। ওহে মুসলমানবন্দ! রক্ত এবং অনুরূপ বস্তু যা পূর্বে হুজুর ﷺ-এর ছিল তা যদি দোযখের আগুন হতে পরিত্রাণ লাভের জন্যে এবং রোগ-ব্যাদি উপশমের জন্যে কারণ বা মাধ্যমস্বরূপ কাজ করতে পারে, তবে এ কথা কেন বিশ্বাস করা যাবে না যে, তাঁর পবিত্র সত্তা (ব্যক্তিত্ব) অনুরূপ সুবিধাদি অর্জনে মধ্যস্থতাকারী হতে পারেন? তাঁর পবিত্র সত্তা আল্লাহ তা‘আলারই নূর (জ্যোতি)। তাঁর ছায়া কখনো মাটিতে পড়ে নি। হযরত জাবের (রা.) এবং আরও অনেকে এ কথা বর্ণনা করেছেন। যদি কেউ বলে, “তাঁকে মধ্যস্থতাকারী হিসেবে গ্রহণ করা যাবে না; তিনি আল্লাহ তা‘আলার সৃষ্টি প্রক্রিয়ায় কারণ হতে পারেন না”, তাহলে সেই ব্যক্তিকে কি আল্লাহর প্রিয় এবং সর্বশ্রেষ্ঠ নবী ﷺ-এর উম্মতের একজন সদস্য হিসেবে গণ্য করা উচিত, নাকি শত্রু হিসেবে গণ্য করা উচিত? আয়াতসমূহে ঘোষিত হয়েছে যে, নবী কারীম ﷺ রহমত, এমন কি কাফেরদের জন্যেও। তাহলে কেন তিনি মুসলমান ও আহলুস সুন্নাহ ওয়াল জামাত, যাঁরা তাঁকে ভালোবাসেন, তাঁদের জন্যে রহমতের কারণ বা মাধ্যম হবেন না?

“ওসীলার তালাশ করো”- আয়াতটিতে উদ্ধৃত ‘ওসীলা’ (মাধ্যম)-এর মধ্যে অন্তর্ভুক্ত রয়েছে ইবাদত, দোয়া এবং পবিত্র ও উচ্চ-মর্যাদাসম্পন্ন সত্তাসমূহ (ব্যক্তিত্ব, বস্তু)। আমাদের উদ্ধৃত হাদীস ও ঘটনাসমূহ এ সত্যটিকে স্পষ্টভাবে প্রমাণ করে।

বহু আয়াতে ইঙ্গিত করা হয়েছে যে, সৃষ্টির কাছে সকল জিনিস প্রার্থনা করা জায়েয (অনুমতি প্রাপ্ত); এমন কি সে সব জিনিসও, যেগুলো মানুষ দিতে পারে না এবং শুধুমাত্র আল্লাহ তা‘আলা তাঁর আউলিয়াকে কারামতস্বরূপ যা দান করেছেন তার ফলেই তাঁরা তা দিতে এবং করতে পারেন। ওই সব আয়াতের একটা হচ্ছে সুরা নমলের ৩৮ নং আয়াত, যেখানে হযরত সুলাইমান (আ.) এর উক্তি উদ্ধৃত হয়েছে: “হে আমার জাতি। তোমাদের মধ্যে এমন কেউ কি আছে, যে নাকি আমার কাছে রানী বিলকিসের সিংহাসনটি নিয়ে আসতে পারবে?” তিনি যে সকল লোকের মাঝে ভাষণ দিচ্ছিলেন তাদের মধ্যে জ্বিন, ইনসান সবাই ছিলেন। দুই জ্বিন সম্প্রদায়ের নেতা ইফরিত বললো: “আপনার ওঠে দাঁড়িয়ে সভাশূল ত্যাগ করার আগেই আমি তা নিয়ে আসতে পারবো।” সুলাইমান (আ.) বললেন, “আমি আরও তাড়াতাড়ি তা আনাতে চাই।” সুলাইমান নবী (আ.) এর উযির (প্রধানমন্ত্রী) আসিফ বিন বারখিয়া বললেন, “আমি চোখের পলকে নিয়ে আসবো।” বিলকিস রানীর সিংহাসন ছিল ইয়েমেন দেশে, আর হযরত সুলাইমান (আ.) ছিলেন দামেস্কে। উভয় স্থানের দূরত্ব ছিল পদব্রজে তিন মাসের যাত্রা-পথ। আসিফ মুহূর্তের মধ্যে মাটির নিচে দিয়ে সিংহাসনটি নিয়ে আসেন। সিংহাসনটি স্বর্ণ ও মণি-মানিক্য দ্বারা অলংকৃত ছিল। এই ঘটনাটি একটি কারামত। আল্লাহ তা‘আলা তাঁর রীতি-নীতিবহিভূর্ত উপায়ে তাঁর বান্দা আউলিয়াকে কারামত মঞ্জুর করে থাকেন। কুরআনে করীমে তিনি গর্বের সাথে বর্ণনা করেন কারামতটার কথা, যেটা তিনি তাঁর একজন প্রিয় বিশুদ্ধ বান্দা ও ওলীকে মঞ্জুর করেছিলেন। তিনি হযরত সুলাইমান (আ.) কে এই কারামতটা কামনা করার জন্যে ভর্ৎসনা করেন নি। তিনি জিজ্ঞাসা করেন নি, “আমি তোমার হৃদয়ব্দের নালির কাছে থাকা সত্ত্বেও কেন তুমি অন্য কারও কাছে চাইতে গেলে? মানুষ যা করতে পারে না এবং যা আমি ছাড়া আর কেউই করতে পারে না, তা তুমি কেন আমার কাছে চাইলে না?” এর কারণ হচ্ছে হযরত সুলাইমান (আ.) আল্লাহর নবী ছিলেন এবং তিনি জানতেন যে তাঁর এই কথা বা ইচ্ছা আর কিছুই নয়, শুধু মাধ্যমসমূহকে আঁকড়ে ধরা মাত্র, যেটা তাঁর শরীয়তের সঙ্গে সঙ্গতিপূর্ণ ছিল। আল্লাহ তা‘আলা মানুষদেরকে মাধ্যমসমূহকে আঁকড়ে ধরতে আদেশ দিয়েছেন। রাসূলে পাক ﷺ, আউলিয়া, সুলাহা ও শহিদদেরকে আবেদন

জানানো-ও অনুরূপ একটি কাজ। তাঁদেরকে মঞ্জুরকৃত আল্লাহ পাকের কারামতগুলোর সদ্ব্যবহারের এটা একটা উপায়মাত্র। তাঁরা হচ্ছেন সৃষ্টির কারণ (সাবাব), বাহন (ওয়াসিতা) এবং মাধ্যম (ওয়াসিলা)। একমাত্র আল্লাহ তা'আলাই সৃষ্টি করে থাকেন। আউলিয়ার কারামত হচ্ছে আশ্বিয়াবৃন্দের মু'জিয়া ও মাহাত্ম্য। আশ্বিয়া (আ.) এর মাধ্যমেই আউলিয়া (রহ.) কারামত অর্জন করেন, কেননা তাঁরা আশ্বিয়া (আ.) কে অনুসরণ করেন।

সুরা বাকারার ৮৯নং আয়াতটি সেই সমস্ত আয়াতগুলোর একটি, যেগুলোতে প্রতীয়মান হয় যে, আল্লাহ তা'আলার প্রিয় বান্দাদের, প্রথমতঃ নবীকুলশ্রেষ্ঠ হুজুর ﷺ-এর শরণাপন্ন হয়ে শাফায়াত প্রার্থনা করা জায়েয। হাদিসবেত্তাগণ সর্বসম্মতভাবে রেওয়াজাত করেন যে, এই আয়াতটি খাইবারের ইহুদীদের প্রতি নাযিল হয়েছে। এ সকল ইহুদীরা জাহেলীয়া যুগে 'আসাদ' এবং 'গাতফান' গোত্র দু'টোর সঙ্গে যুদ্ধে লিপ্ত ছিল। যুদ্ধ চলাকালীন সময়ে তারা দোয়া করে, 'হে আমাদের আল্লাহ! আমাদের সাহায্য করুন সেই নবীর হকের ওপর, যাঁকে আপনি সবশেষে প্রেরণ করবেন।' শেষ নবী ﷺ-এর শরণাপন্ন হয়ে তারা বহু যুদ্ধ জয় করে। কিন্তু যখন রাসূল-এ-কারীম ﷺ এসে ইসলাম প্রচার আরম্ভ করেন, তখন ইহুদীরা তাঁকে হিংসা করা শুরু করে এবং তাঁর প্রতি ঈমান আনে না। ইবনুল কাইয়েম আল জওযিয়া তার 'বাদায়ী আল ফারাইদ' পুস্তকে বলে, "জাহেলীয়া যুগে ইহুদীরা তাদের প্রতিবেশী আরবদের সঙ্গে যুদ্ধে লিপ্ত ছিল। তারা রাসূলুল্লাহ ﷺ-এর পাক সত্তার ওসীলায় আল্লাহ পাকের কাছে সাহায্য কামনা করে হুজুর ﷺ-এর আবির্ভাবের বহু পূর্বে। আল্লাহ তা'আলা তাদেরকে সাহায্য করেন এবং তারা জয়ী হয়। কিন্তু নবি কারীম ﷺ ইসলাম প্রচার শুরু করার পর তারা তাঁকে অবিশ্বাস করে। যদি তারা তাঁকে পূর্বকালে বিশ্বাস না করতো, তাহলে তো আর তারা তাঁর মাধ্যমে সাহায্যপ্রার্থী হতো না।" তফসীর কিতাব 'আল বায়দাবী'-এর কয়েকটি ব্যাখ্যামূলক গ্রন্থে হযরত সাদ-উদ-দ্বীন তাফতযানী (রহ.)-কে উদ্ধৃত করা হয়েছে; তিনি বলেন, "ইহুদীরা নবী কারীম ﷺ-এর পবিত্র নাম মোবারক উল্লেখ করে সাহায্য কামনা করেছিল। তারা নিজেদের জন্যে হুজুর ﷺ-এর পবিত্র নাম মোবারককে শাফায়াতকারী বানিয়েছিল।" 'মাওলীদ আন নবী' গ্রন্থে ইমাম তাকীউদ্দীন আল হুসনী (রহ.) লিখেছেন, একজন মুসলমান তাঁর প্রত্যেকটি কাজে রাসূলুল্লাহ ﷺ-কে মধ্যস্থতাকারী হিসেবে স্থাপন করেন, যখনই তিনি জানতে পারেন হুজুর ﷺ-এর উচ্চ নৈতিক গুণাবলী, দয়া, ধৈর্য ও সরলতা সম্পর্কে। ফলশ্রুতিতে, তিনি উপলব্ধি করতে পারেন আল্লাহর দরবারে হুজুর ﷺ-এর মর্যাদা ও মাহাত্ম্য সম্পর্কে। যেহেতু নবি কারীম ﷺ হচ্ছেন শাফায়াতকারী, সেহেতু আল্লাহ তা'আলা তাঁর শাফায়াত প্রত্যাখ্যান করেন না। তিনি হচ্ছেন আল্লাহ পাকের মাহবুব (প্রিয়)। আল্লাহ তা'আলা রাসূলুল্লাহ ﷺ-এর মাধ্যমে বা মধ্যস্থতায় প্রেরিত প্রার্থনার জওয়াব দেন। মহান আল্লাহ তা'আলা এটা কোরানে ঘোষণা করেছেন এবং তাঁর আউলিয়ার কাছে উন্মোচিত করেছেন। কুরআন মাজীদ বলা ফরমায় যে সকল মুসলমান, এমন কি নবী পাক ﷺ-এর শত্রুরাও তাদের অভীক্ষা পূরণ করেছে হুজুর ﷺ-কে ওসীলা বা মধ্যস্থতাকারী বানিয়ে। আল্লাহ তা'আলা বলা করেন যে, তিনি তাদেরকে তাদের আশা-আকাঙ্ক্ষা পূরণ করে দিয়েছেন, কারণ তিনি হুজুর ﷺ-কে অত্যন্ত ভালোবাসেন এবং তাঁকে সর্বশ্রেষ্ঠ সৃষ্টি হিসেবে বানিয়েছেন বলে (তাঁর ওয়াস্তে প্রেরিত দোয়া আল্লাহ প্রত্যাখ্যান করেন নি)। হযরত আবদুল্লাহ ইবনে আব্বাস (রা.) বলেন, 'জাহেলীয়া যুগে খাইবারের ইহুদীরা গাতফান গোত্র নামক আরাবীয় কাফেরদের সঙ্গে সদা-সর্বদা যুদ্ধে লিপ্ত হতো এবং পরাজিত হতো। এরপর তারা দোয়া করে: 'হে আমাদের আল্লাহ! আপনার (সর্বাধিক) প্রিয় এবং প্রতিশ্রুত সর্বশেষ নবীর ওয়াস্তে আমাদেরকে আপনি সাহায্য করুন।' ফলস্বরূপ, তারা গাতফান কাফেরদের বিরুদ্ধে জয়ী হয়।' কিন্তু ইহুদীরা নবি কারীম ﷺ-কে বিশ্বাস করেনি যখন তিনি আল্লাহ তা'আলা কর্তৃক প্রেরিত হন। তারা কাফের হয়ে যায়। আল্লাহ পাক উপর্যুক্ত

আয়াতে ঘটনাটি ব্যক্ত করেন। আমরা দেখছি যে, আল্লাহ তা'আলার দৃষ্টিতে রাসূলে কারীম ﷺ এতেই উচ্চ মর্যাদাসম্পন্ন যে তিনি (আল্লাহ) এমন কি সেই সব কাফেরদের দোয়াও কবুল করে নিয়েছিলেন যারা হুযূর ﷺ-কে মধ্যস্থকারী বানিয়েছিল। যদিও আল্লাহ তা'আলা জানতেন যে ইহুদীরাই তাঁর প্রিয় নবী ﷺ-এর সবচেয়ে মারাত্মক শত্রুতে পরিণত হবে এবং নবী পাক ﷺ-এর ক্ষতি করতে প্রয়াস পাবে, তবুও তিনি তাদের দোয়া কবুল করে নেন যখনই তারা হুযূর ﷺ-কে ওসীলা বানিয়ে দোয়া করেছিল। এ কথা যখন প্রতিভাত হলো যে, হুযূর ﷺ-এর উচ্চ মর্যাদা ও শাফায়াত তাঁর পৃথিবীতে আগমনের পূর্বেই ওই রকম উচ্চ পর্যায়ে ছিল, তখন এটা কি কোনো জ্ঞানী এবং বুদ্ধিসম্পন্ন ব্যক্তির দাবি করা উচিত যে, তাঁকে ওসীলা ও শাফায়াতকারী বানানো গুনাহের কাজ? হুযূর ﷺ-কে সবজগতের জন্যে রহমত হিসেবে প্রেরণের পরও কি এ দাবি করা যুক্তিসঙ্গত হবে? এক্ষণে বোঝা যায় যে, যারা এতে (শাফায়াতে) বিশ্বাস করে না, তারা ইহুদীদের চাইতেও জঘন্য এবং নিকৃষ্ট। প্রথম নবী হযরত আদম (আ.) এর দোয়াও তখন কবুল করা হয়েছিল, যখনই তিনি নবি কারীম ﷺ-এর ওসীলা করেছিলেন। এ বিষয়টি তফসির ও হাদীস কিতাবসমূহে বিস্তারিতভাবে লিপিবদ্ধ আছে। যারা এ সকল দলিল অধ্যয়ন করে বুঝতে পারেন, তাঁরা সুস্পষ্টভাবে জানেন হুযূর পাক ﷺ-কে ওসীলা করার বৈধতায় অবিশ্বাসীরা কী ধরণের নিকৃষ্ট জাতের লোক।” (মওলিদ আন নবী)

### সম্পূরণ

আম্বিয়া (আ.) বৃন্দে মো'জেযা ও আউলিয়া (রহ.)-গণের কারামতের কারণেই আল্লাহ পাক কর্তৃক আবেদনসমূহ মঞ্জুর হয়, যখনই সেই সব আবেদন তাঁদের মধ্যস্থতায় এবং সুপারিশে পেশ করা হয়। তাঁরা বেসালের পরও কারামতসম্পন্ন হয়ে থাকেন। আহলুস সুন্নাতে উলামা সর্বসম্মতভাবে রেওয়াজাত করেন যে, কারামত সত্য এবং এতে ঈমান রাখা ওয়াজিব (অবশ্য কর্তব্য)। আল্লাহ বলেন যে, আউলিয়াবৃন্দ কারামতসম্পন্ন। একটি আয়াতে বিবৃত হয়েছে, সুলায়মান (আ.) বিলকিস রানীর সিংহাসনটি মুহূর্তে ইয়েমেনের সাবা হতে দামেস্কে নিয়ে আসতে চেয়েছিলেন। এই সিংহাসনটি স্বর্ণ ও মণি-মানিক্য দ্বারা অলংকৃত ছিল। আসিফ বিন বারখিয়া সেটা মুহূর্তের মধ্যে নিয়ে এসেছিলেন। আনার সময় সিংহাসনটার কোনো রকম ক্ষতি সাধিত হয় নি। আসিফ একজন ওলী ছিলেন। সিংহাসনটা মুহূর্তের মধ্যে নিয়ে আসাটা তাঁর একটা কারামত। হযরত মরিয়ম-এর কারামতও কুরআনের সুরা আল-ই-ইমরানের ৩৭ নং আয়াতে ব্যক্ত হয়েছে। যদিও শুধুমাত্র যাকারিয়া নবী (আ.) ই মরিয়মের (আ.) হুজরায় গমন করতেন, তবুও তিনি যখনই সেখানে যেতেন তখনই তাজা খেজুর দেখতেন। মরিয়ম (আ.) বলতেন যে, সেগুলো আল্লাহ তা'আলা কর্তৃক প্রেরিত হতো। আহলুস সুন্নাতে উলামাবৃন্দ সর্বসম্মতভাবে ঘোষণা করেন যে, নবীগণের মো'জেযার মতোই আউলিয়াদেরও কারামত রয়েছে; কারণ আল্লাহ তা'আলা তাঁদেরকে ভালোবাসেন যাঁরা আম্বিয়াকে মান্য এবং অনুসরণ করেন। তিনি তাঁদেরকে জীবিতাবস্থায় ও মৃত্যুর পরে কারামত দ্বারা ধন্য করেন। বেসালের পরও নবী-ওলীদের মু'জিয়া ও কারামত বিরাজমান থাকার ব্যাপারটি প্রতীয়মান করে যে, তাঁরা সত্য ছিলেন। কেননা, তাঁদের জীবদ্দশায় প্রদর্শিত মু'জিয়া এবং কারামত প্রত্যক্ষকারী অবিশ্বাসী শত্রুরা মনে করেছিল যে, তাঁরা অন্যদের কাছ থেকে শিক্ষার্জন করে সেগুলো প্রদর্শন করেছেন। কিন্তু তাঁদের বেসালের পর সংঘটিত মু'জিয়া ও কারামত সম্পর্কে তো তা বলা বা ধারণা করা যায় না। আল্লাহ পাক নিজেই মু'জিয়া বা কারামত সৃষ্টি করে থাকেন। এগুলো একমাত্র তাঁর ক্ষমতা থেকেই উদ্ভূত হয়। তিনি তাঁর নবী-ওলীদের প্রতি দয়া ও নেয়ামতস্বরূপ এগুলো তাঁদের

মাধ্যমে এবং তাঁদের শাফায়াতের মাধ্যমে সৃষ্টি করে থাকেন। ‘মু’জিয়া’ একজন নবী (আ.) এর কাছ থেকে প্রত্যক্ষ করা হয়; আর ‘কারামত’ এমন একজন বিশুদ্ধ (পুণ্যবান) ঈমানদারের কাছ থেকে প্রত্যক্ষ করা হয় যিনি কোনো নবী (আ.) এর অনুসারী হিসেবে জ্ঞাত। আশ্বিয়াবন্দ সকলেই মা’সুম, অর্থাৎ, তাঁরা কখনো গুনাহ করেন না। শয়তান কোনো নবীর সুরত (আকৃতি) ধারণ করতে পারে না। আউলিয়া-বুযুর্গ নবীগণের উত্তরাধিকারী (ওয়ারিস) এবং তাই শয়তান তাঁদের কাছেও আসতে পারে না। বহু কিতাবে লিপিবদ্ধ আছে যে, শয়তান হযরত উমর (রা.), হযরত আবদুল্লাহ ইবনে মাসউদ (রা.) এবং আরও অনেক সাহাবীর কাছ থেকে পালিয়েছিল। আলীউশী ফারগানাউয়ী তাঁর ‘বাদ-উল-আমালী’ নামক কাসিদার বইয়ে বলেন:

**“আউলিয়ার কারামত পৃথিবীতে বিরাজমান,  
তাঁরা অতি দয়াবান।”**

উপর্যুক্ত পংক্তির ব্যাপারে জ্ঞানী ও বুদ্ধিমান ব্যক্তিদের সংশয় থাকার কোনো প্রশ্নই ওঠে না। এটা ব্যক্ত করে যে, আউলিয়ার কারামত এ পৃথিবীতেই সংঘটিত হয়। কারণ আহলে সুন্নাত ওয়াল জামাতের সঙ্গে এ ব্যাপারে মু’তামিলাদের মতভেদ ছিল। মু’তামিলারা বলতো এ পৃথিবীতে কোনো কারামত নেই। তারা মনে করেছিল যে, আউলিয়ার কারামতের সঙ্গে আশ্বিয়ার মু’জিয়া বুঝি তালগোল পাকিয়ে যাবে এবং ফলশ্রুতিতে নবীকে ওলীর কাছ থেকে পৃথকভাবে চেনা যাবে না। আহলে সুন্নাতের মতে, মো’জেযার অধিকারীকে ঘোষণা করতে হয় যে তিনি একজন নবী; অপর পক্ষে, কারামতের অধিকারীর জন্যে নিজেকে ওলী হিসেবে ঘোষণা করা নিষিদ্ধ। কেউ এ ধরনের কথা বললে বুঝতে হবে সে ওলী নয়। যদি ওহাবীরা এ বিষয়টি বুঝতে পারতো, তাহলে তারা যিনদিক ও মিথ্যাবাদীদের কথার ছুতো ধরে আউলিয়ার কুৎসা রটনা করতো না। উপর্যুক্ত পংক্তি দুটোর অর্থ: ‘কোনো ওলীর কারামত এ পৃথিবীতেও সংঘটিত হয়। আল্লাহ তা’আলা সেই সব মানুষের হাজত (প্রয়োজন) পূরণ করেন যারা আউলিয়ার কাছে কোনো জিনিস চায় কিংবা তাঁদের শাফায়াত প্রার্থনা করে।’ যাদের উপলব্ধি ক্ষমতা কম, তারা ওই পংক্তি দুটো থেকে এই সিদ্ধান্ত নেয় যে একজন ওলীর কারামত শুধু এই পৃথিবীতেই বিরাজমান; বেসালের পর তাঁর আর কোনো কারামত থাকে না। এই ব্যাখ্যাটা একেবারেই ভুল, কেননা মহান উলামা, উদাহরণস্বরূপ, হযরত হানাফী ইমাম বুখারী (রহ.) তাঁর ‘শরহে কাছীদায়ে আমালী’ পুস্তকে এবং শায়খ আহমদ তাঁর ‘শরহে আশবাহ’ বইয়ে হুবহু আমরা ওপরে যেভাবে ব্যাখ্যা করেছি, ঠিক সেভাবেই এই পংক্তি দুটোর ব্যাখ্যা করেছেন। এটাও বলা যেতে পারে যে, পুনরুত্থান দিবস পর্যন্ত সকল মানুষ এ পৃথিবীতেই রয়েছে (মৃত্যুর পরও)। অর্থাৎ, পরবর্তী জগতে জীবন সূচনার আগ মুহূর্ত পর্যন্ত।

আউলিয়ার বেসালের পরও অগণিত কারামত তাঁদের কাছ থেকে প্রকাশিত হয়েছে। উলামা-এ-কেরাম এটা সর্বসম্মতভাবে রেওয়াজাত করেছেন। আমরা এখন সেগুলোর কয়েকটি বর্ণনা করবো। ইমাম বুখারী (রহ.) লিখেছেন: “সাহাবী হযরত আসিম (রা.) আল্লাহ পাকের কাছে শপথ করেন যে তিনি কোনো মুশরিককে স্পর্শ (অসম্মান) করবেন না এবং প্রতিদানে তাঁকেও যেন কোন মুশরিক স্পর্শ না করে। তাঁকে শহিদ করার পর কাফেররা তাঁর মরদেহের কাছে যেতে চায়। আল্লাহ তা’আলা হযরত আসিম (রা.)-কে রক্ষা করার জন্যে এক ঝাঁক মৌমাছি প্রেরণ করেন। এতো মৌমাছির আগমন ঘটে যে, কাফেররা আর তাঁর কাছে যেতেই পারে নি। কাফেররা সাহাবী হযরত হাবীব (রা.)-কে কারারুদ্ধ করে। তারা তাঁকে হুমকি দেয়, ‘আমরা তোমাকে মুক্ত করে

দেবো যদি তুমি বলো, মুহাম্মদ (সাল্লাল্লাহু আলাইহি ওয়া সাল্লাম) একজন মিথ্যাবাদী! যদি তুমি না বলো, তবে আমরা তোমাকে হত্যা করবো।’ হযরত হাবীব (রা.) উত্তর দেন, ‘তাঁর পবিত্র কদম মোবরকও যাতে একটি কাঁটা দ্বারা ব্যথিত না হয়, সে জন্যে আমি আমার প্রাণ কুরবান করতে প্রস্তুত আছি।’ কাফেররা তাঁকে শহিদ করে। কিছু সংখ্যক সাহাবী রাতে সেখানে গিয়ে শহীদের গলা হতে ফাঁসির দড়ি কেটে দেন। তিনি মাটিতে পড়ে যান। এর পরপরই তিনি অদৃশ্য হয়ে যান। সাহাবীবৃন্দ বুঝতে পারেন নি তিনি কোথায় অদৃশ্য হয়ে গিয়েছিলেন। ‘হানযালা’ নামের একজন সাহাবী রাসূল-এ-কারীম ﷺ-এর সঙ্গে গযওয়ায় (জেহাদে) যাওয়ার জন্যে তাড়াতাড়ি তৈরি হন। ফলে তিনি গোসল না করে যুদ্ধে যান। তাঁকে শহিদ করা হয়। ফেরেশতারা তাঁকে গোসল দেন। তাই তিনি ‘গাসিল আল-মালাইকা’ নামে সুপ্রসিদ্ধ হন। ‘মিশকাত’ কিতাবে লিপিবদ্ধ আছে: “হযরত আয়েশা (রা.) বলেন, ‘আবিসিনীয় রাজা নাজ্জাশী (Negus) ঈমানদার হয়ে যান। আমি বহু লোককে বলতে শুনেছি যে, সব সময় তাঁর মাযারের ওপর নূর জ্বলজ্বল করতো।’ রাসূলে আকরাম ﷺ জানান যে হযরত আলী (র.)-এর ভাই হযরত জাফর তাইয়ার (রা.) ফেরেশতাদের সঙ্গে ইয়েমেনের বিশা নগরীতে গমন করে সেখানকার অধিবাসীদের শুভসংবাদ দেন যে বৃষ্টি হবে। একজন ক্রাবী বা হফীয হযরত হুসাইন (রা.)-এর পাক মস্তক মোবারকের পাশে বসে সুরা কাহাফ তেলাওয়াত করছিলেন। যখন ‘আসহাবুল কাহাফ আমার আয়াতসমূহ দ্বারা আশ্চর্যান্বিত হয়েছিল’ – এই আয়াতটি পাঠ করা হয়, তখন হযরত হুসাইনের পবিত্র মস্তক হতে একটি কর্ণস্বরকে বলতে শোনা যায়, ‘আসহাবুল কাহাফের ঘটনার চাইতে আমাকে হত্যা এবং আমার দেহকে টানা-হেঁচড়া করার ঘটনাটি আরও আশ্চর্যজনক।’ খলিফা মামুন হযরত নাসর আল হাযাইকে ফাঁসী দেন। নাসরের মুখ যাতে কেবলার দিকে ফিরতে না পারে, তার জন্যে বর্শা-সজ্জিত একজন পাহাড়াদার নিযুক্ত করা হয়। রাতে তাঁর পবিত্র মুখ কিবলার দিকে ফিরে যায়। সেই মুহূর্তে তাঁর কাছ থেকে সূরা আনকাবুতের ২য় আয়াতটি তেলাওয়াত হতে শোনা যায়: ‘এ কথা কি ধারণা করা হয় যে, যারা ঈমানদার বলে ঘোষণা দিয়েছিল, তারা সবাই একাকী পড়ে রয়েছে?’ একটি কবর থেকে সূরা মূলকের প্রারম্ভ হতে শেষ পর্যন্ত তেলাওয়াত হতে শোনা গিয়েছিল।” (মিশকাত) এ সকল ঘটনার সবই সত্য। এগুলো মুহাদ্দীস উলামা রেওয়ায়াত করেছেন।

ইবনে আসাকির (রহ.) বলেছেন, উমাইর ইবনে হাববাব আস্-সালামী বলেন: “উমাইয়াদের সময় আমরা আটজন বন্ধু বাইজান্টাইন রোমানদের দ্বারা কারারুদ্ধ হই। তারা আমাদেরকে তাদের সম্রাটের কাছে নিয়ে যায়। সে আদেশ দেয় ‘শিরোচ্ছেদ করো’। আমি আমার বন্ধুদের আগে নিজের জান দিতে প্রস্তুত হই। পাদ্রীরা আমার প্রতি দয়াবান হয়। তারা আমার আচরণে আশ্চর্যান্বিত হয়েছিল। তারা সম্রাটকে আমার প্রতি দয়া প্রদর্শনের আবেদন জানায় তার হাত-পায়ে চুমো খেয়ে। একজন পাদ্রী আমাকে তার ঘরে নিয়ে যায়। সে একজন সুন্দরী রমনীকে নিয়ে এসে আমার কাছে পরিচয় দেয়, ‘এ আমার কন্যা। আমি তোমাকে এর সাথে বিয়ে দেবো যদি তুমি আমাদের ধর্ম গ্রহণ করো।’ তখন আমি বললাম, ‘আমি স্ত্রী কিংবা সম্পত্তির জন্যে আমার ধর্মকে বিসর্জন দিতে পারবো না।’ কিছু দিন পর তার কন্যা আমাকে তাদের বাগানে আমন্ত্রণ করে নিয়ে যায়। সে বলে, ‘তুমি কেন আমার পিতার উপদেশ মেনে চলো না?’ আমি আবারো উত্তর দেই: ‘আমি নারী কিংবা ধন-সম্পদের জন্যে আমার দ্বীনকে বিসর্জন দিতে পারবো না।’ তখন সে জিজ্ঞেস করে, ‘তুমি কি এখানে থাকতে চাও, নাকি স্বদেশ প্রত্যাবর্তন করতে চাও?’ আমি স্বদেশ প্রত্যাবর্তনের ইচ্ছা তার কাছে প্রকাশ করি। সে এরপর একটি তারকার দিকে আঙ্গুল দিয়ে দেখিয়ে আমায় বলে, ‘রাতে ওই তারকার দিকে ধাবিত হবে, আর দিনে লুকিয়ে থাকবে। তুমি তোমার রাজ্যে পৌঁছে যাবে।’ এ কথা বলেই সে ভেতরে চলে যায়। আমি তিন রাত হাঁটি। চতুর্থ দিন

আমি যখন লুকিয়েছিলাম, তখন কিছু লোককে বলতে শুনি, ‘উমাইর, উমাইর!’ আমি তাকিয়ে দেখি আমার শাহাদাৎপ্রাপ্ত বন্ধুরাই আমাকে ডাকছে। ‘তোমরা কি শহিদ নও?’ – আমি তাদেরকে জিজ্ঞাসা করি। তারা উত্তর দেয়, ‘হ্যাঁ, আমরা শহিদ; কিন্তু এখন আল্লাহ তা’আলা শহিদদেরকে আদেশ দিয়েছেন (খলীফা) উমর ইবনে আবদুল আযিযের জানাযা ও দাফনে শরীক হতে।’ তারা সবাই ঘোড়ার পিঠে উপবিষ্ট ছিল। তাদের একজন বললো, ‘হে উমাইর, তোমার হাতটা দাও দেখি।’ আমি হাতটা এগিয়ে দিলাম। সে আমাকে এক টান দিয়ে ঘোড়ার পিঠে তুলে নিলো। আমরা দ্রুত ছুটে চললাম। সহসা আমি নিজেকে স্বদেশ আরব উপদ্বীপে আবিষ্কার করলাম।’

ইবনুল জওযী লিখেছেন: “আবু আলী বারবারী ছিলেন তারসুসে বসতি স্থাপনকারী প্রথম তিনজনের একজন। তিনি বাইজান্টাইন রোমানদের বিরুদ্ধে যুদ্ধে অংশগ্রহণ করেছিলেন। তিনি তাঁর বন্ধুদের সাথে বন্দী হন। উমাইর-এর অনুরূপ ঘটে তাঁদের বেলায়ও। রোমানরা তাঁর বন্ধুদেরকে শহিদ করে। একজন পাদ্রী তাঁকে রক্ষা করে এবং তাঁকে তার গৃহে নিয়ে যায়। সে কন্যার মাধ্যমে তাঁকে ধোকা দিতে চেষ্টা করে। কিন্তু আল্লাহ তা’আলা ওই কন্যাকে হেদায়েত দান করেন (সত্য, সঠিক পথের দিকে)। তাঁরা দু’জনেই সবার অগোচরে বেরিয়ে পড়েন। দিনের বেলায় লুকিয়ে থাকেন উভয়েই। অতঃপর তাঁরা মানুষের পায়ের শব্দ শোনেন। আবু আলী বারবারী তাঁর দু’জন শহিদ বন্ধুকে দেখতে পান। তাঁদের সঙ্গে ফেরেশতাও ছিলেন। তিনি তাঁদেরকে সালাম জানিয়ে কুশল বিনিময় করেন। তাঁরা উত্তর দেন, ‘আল্লাহ তা’আলা তোমাদের কাছে আমাদেরকে পাঠিয়েছেন। আমরা এ মহিলার সঙ্গে তোমার নেকাহ (বিয়ে) প্রত্যক্ষ করবো।’ তাঁরা নিকাহ-কাজ সমাপ্ত হবার পর প্রস্থান করেন। ওই দম্পতি দামেস্কে গমন করে সেখানে দীর্ঘকাল জীবিত ছিলেন। এ ঘটনাটি দামেস্কে সুপ্রসিদ্ধ হয়ে যায়।” বেসালের পর জীবিত হয়ে প্রত্যাবর্তনকারী ব্যক্তিদের এ ধরনের ঘটনা ও জীবনী লিপিবদ্ধ আছে ইবনে আবিদ্ দুইয়ার কিতাবসমূহে, আবু নুয়াইমের ‘হুলইয়া’ গ্রন্থে, ইবনুল জওযীর ‘সিফাতুস সাফওয়া’ এবং ‘উয়ুন আল হিকায়াত’ পুস্তকে এবং আরও বহু উলামার অসংখ্য গ্রন্থে। ইবনে তাইমিয়া এবং ইবনুল কাইয়েম আল জাওযিয়াও আউলিয়ার কারামত সম্পর্কে সুন্দর বর্ণনা দিয়েছে।

এটা সত্যি বিস্ময়কর যে, কতিপয় হানাফী উলামা এবং ওহাবীরা বিশ্বাস করে না আউলিয়া মুহূর্তের মধ্যে দূরবর্তী কোনো জায়গায় গমন করতে পারেন (তায়ী আল মাকান), যা এক ধরনের কারামত বৈ কিছু নয়। এর অস্বীকারকারীদের প্রতি হানাফী উলামা তাঁদের ফিকাহ ও আকাঈদের কিতাবসমূহে অতি সুন্দর উত্তর প্রদান করেছেন। উদাহরণস্বরূপ, তাঁরা বলেছেন; যদি কোনো পশ্চিমদেশীয় ব্যক্তি কোনো পূর্বদেশীয় রমনীকে বিয়ে করে এবং তার স্ত্রীর কাছ থেকে দীর্ঘকাল দূরে থাকে, আর যদি কয়েক বছরের মধ্যে স্ত্রী অন্তঃসত্ত্বা হয়, তাহলে কাঙ্ক্ষিত সন্তান তার পিতার সঙ্গে সংশ্লিষ্ট হবে। কারণ সেই ব্যক্তি তার স্ত্রীর কাছে ‘তায়ী আল মাকান’স্বরূপ গমন করতে পারে। ওই ব্যক্তির এই ধরনের কারামত থাকার ব্যাপারটি অনুমতিপ্রাপ্ত। এটা ফিকাহবিদগণ কর্তৃক সর্বসম্মতভাবে ঘোষিত হয়েছে এবং আকাঈদের কিতাবসমূহেও লিপিবদ্ধ আছে। ‘ওয়াহবানিয়া’ পুস্তকে লেখা হয়েছে, “তায়ী আল মাসাফা, অর্থাৎ, মুহূর্তের মধ্যে দীর্ঘপথ পাড়ি দেয়ার ক্ষমতা আউলিয়ার কাছে ন্যস্ত করা হয়েছে। এর প্রতি ঈমান রাখা ওয়াজিব।” এই বিষয়টি ‘আন- নাসাফী,’ ‘আল ফিকাহুল আকবর,’ ‘আস সওয়াদ আল আযম,’ ‘ওয়াসিয়াতু আবি ইউসুফ,’ ‘মাওয়াকিফ’ ও ‘মাকাসিদ’ কিতাবসমূহে এবং উক্ত কিতাবসমূহের শরাহ (ব্যাক্যা)-গুলোতে লিপিবদ্ধ আছে। আয়াতে সুস্পষ্টভাবে ব্যক্ত হওয়ার পর কেন এতে বিশ্বাস করা হবে

না? আহলে সুন্নতের উলামাবন্দ এ আয়াতটির (সুরা নমল) ওপর ভিত্তি করেই যুক্তির অবতারণা করেছেন। আয়াতে বিবৃত ঘটনাটি, যে ঘটনায় রানী বিলকিসের সিংহাসনকে মুহূর্তে মধ্যে দামেস্কে নিয়ে আসা হয়েছিল, সেই ঘটনাটি প্রতীয়মান করে যে ‘তায়ী আল মাসাফা’ একটি কারামত বৈ কিছু নয়।

ইমাম আল আযম হযরত আবু হানিফা (রহ.)-এর গ্রন্থ ‘আস-সওয়াদুল আযম’-এর শরাহ-তে আউলিয়ার কারামত সম্পর্কে অতি সুন্দর ব্যাখ্যা দেয়া হয়েছে। আমরা এখন ওই বইটির ৩২তম পরিচ্ছেদ থেকে উদ্ধৃতি উপস্থাপন করছি: “আউলিয়ার কারামতে বিশ্বাস করা আবশ্যিক। তাঁদের কারামতে যে ব্যক্তি অবিশ্বাস করবে, সে বিদয়াতী-গোমরাহতে পরিণত হবে। আউলিয়ার কারামতের প্রতি তিন ধরনের বিশ্বাস রয়েছে। কোনো ব্যক্তি যদি কারামত বর্ণনাকারী আয়াতসমূহে অবিশ্বাস করে, তাহলে সে কাফেরে রূপান্তরিত হবে। যদি সে আয়াতসমূহে বিশ্বাস করে, কিন্তু বলে যে, ‘তাঁরা নবী ছিলেন’, তাহলে পুনরায় সে কাফেরে পরিণত হবে। আর যদি সে আয়াতসমূহে বিশ্বাস করে এবং এ কথা না বলে যে, ‘তাঁরা নবী ছিলেন,’ তবে তার জন্যে এ কথা বলা বিধেয় হবে যে ‘আয়াতসমূহ আউলিয়ার কারামত সম্পর্কে বর্ণনা দেয়।’ কারণ আল্লাহ তা’আলা আয়াতটিতে ঘোষণা করেন, যে ব্যক্তি বিলকিস রানীর সিংহাসনটি মুহূর্তের মধ্যে নিয়ে এসেছিলেন, তিনি একজন আলেম ছিলেন (‘কিতাবের জ্ঞানসম্পন্ন’)। সেই আলেম হচ্ছেন আসিফ বিন বারখিয়া। তিনি একজন ওলী ছিলেন, তিনি নবী ছিলেন না। সুলাইমান (আ.) এর উম্মতেরই একজন ছিলেন। যখন সুলাইমান (আ.) এর উম্মতের মধ্যে একজনের কারামত সম্পর্কে কুরআনে ঘোষণা দেয়া হয়েছে, তখন এ কথা কেন বিশ্বাস করা হবে না যে নবী কারীম ﷺ-এর উম্মত কারামতসম্পন্ন? নিশ্চয়ই নবী পাক ﷺ হযরত সুলাইমান (আ.) থেকে শ্রেষ্ঠ এবং তাঁর উম্মতও সুলাইমান (আ.) এর উম্মতের চাইতে শ্রেষ্ঠ। এখন যদি ওহাবী গোমরাহরা বলে: ‘কারামতটি হযরত সুলাইমান (আ.) এর ছিল,’ তাহলে আমরা উত্তরে বলবো, ‘এই উম্মতের কারামতসমূহ হযরত মুহাম্মদ মোস্তফা সাল্লাল্লাহু আলাইহি ওয়া সাল্লামের অধিকারে।’ সুরা মরিয়মের ২৪ তম আয়াতে আল্লাহ তা’আলা বলেন: ‘খেজুর গাছকে তোমার দিকে নাড়া দাও! তোমার জন্যে সেখান থেকে তাজা খেজুর পড়বে।’ (আয়াত) আল্লাহ পাক ইরশাদ করেন যে, তিনি হযরত মরিয়মের জন্যে শুকনো খেজুর গাছ থেকে তাজা ফল উৎপন্ন করেছিলেন। হযরত মরিয়ম কোনো নবী ছিলেন না। হযরত মরিয়মের পাশে যে সব ফল হযরত যাকারিয়া (আ.) দেখেছিলেন এবং আসহাবুল কাহাফের ঘটনা ইত্যাদি সবই কারামত ছিল। এ সকল কারামতের অধিকারী ব্যক্তিগণ কেউই নবী ছিলেন না। পূর্ববর্তী আশিয়াগনের উম্মতদের মধ্যে যদি কারামতসম্পন্ন আউলিয়া থাকতে পারেন, তাহলে হযরত রাসূলে মকবুল ﷺ-এর উম্মতের মধ্যে কেন কারামতসম্পন্ন আউলিয়া থাকবেন না? সুরা আল-ই-ইমরানের ১১ নং আয়াতে ঘোষিত হয়েছে, ‘তোমরা-ই উম্মতদের মধ্যে শ্রেষ্ঠ।’ যদি কারামতে অবিশ্বাসীদের কেউ বলে, ‘কোনো ব্যক্তি এক রাতের মধ্যে কাবা শরীফ গমন করে প্রত্যাবর্তন করতে পারবে না,’ তাহলে আমরা উত্তরে বলবো, রাসূলুল্লাহ ﷺ-কে সাত আসমানের মধ্য দিয়ে নিয়ে যাওয়া হয়েছিল এবং আল্লাহ তা’আলা যেখানে নিতে চেয়েছিলেন সেখানে নিয়েছিলেন এবং মুহূর্তে ফেরতও পাঠিয়েছেন। এ থেকে বড় কি আর কোনো কারামত হতে পারে?’ আমরা আরও বলবো, কে উচ্চ মর্যাদাসম্পন্ন? একজন ঈমানদার নাকি একজন কাফের? আমরা এক কাফেরকে চিনি, যে নাকি পূর্ব থেকে পশ্চিমে আবার পশ্চিম থেকে পূর্বে মুহূর্তে গমন করতে পারে এবং এতে আমরা বিশ্বাসও করি। এই কাফের হচ্ছে ইবলিস (শয়তান)। একজন কাফেরকে প্রদত্ত ক্ষমতা কেন আল্লাহ তা’আলার প্রিয় বান্দাদেরকে প্রদান করা হবে না? এ বিষয়ে প্রত্যেকের

উচিত গভীরভাবে চিন্তা করা এবং ন্যায়পরায়ণ হওয়া।” (আস সওয়াদ আল আযমের শরাহ-এর উদ্ধৃতি শেষ হলো)

ইবনে তাইমিয়া এবং আরো অনেকে লিখেছেন যে, আউলিয়ার কারামতে যারা বিশ্বাস করে নি, তারা ছিল খারেজী, মু'তযিলা ও রাফেযী (শিয়া)-রা। অতএব, এ সকল গোমরাহদের কাছে কারামত নেই। তাই তারা কারামত দেখে না, অথবা শোনেও না এবং এতে তারা ঈমানও রাখে না। (‘ওহাবী মতবাদ খণ্ডনে ঐশী অবদান’ বইটির অনুবাদ শেষ হলো)

আল্লামা দাউদ ইবনে সুলাইমান প্রণীত ‘আল মিনহাতুল ওয়াহবীয়াহ ফী রাদ্দীল ওহাবীয়াহ’ (ওহাবী মতবাদ খণ্ডনে ঐশী অবদান) পুস্তকটি অনুবাদ করতে পেরে আমি (এই ফকির হুসাইন হিলমী ইসিক) আমার প্রভু মহান আল্লাহ তা’আলার কাছে কৃতজ্ঞতা জানাই। এই শুভলগ্নে মহামূল্যবান ও মহাবরকতময় এ আরবী বইটি অনুবাদের কাজ সুসম্পন্ন করতে পেরে আমি আনন্দিতও বটে। আল্লাহ পাক আমার মুসলিম ভাইদেরকে এ বইটি পাঠ করে আহলে সুন্নতের সত্য ও সঠিক পথকে দৃঢ়ভাবে আঁকড়ে ধরার সামর্থ্য দিন এবং ওহাবীদের মহাদ্রোহ ধ্যান-ধারণা ও লেখনী থেকে হেফায়ত করুন, আমিন!

২৫/ — ওহাবীরা নিজেরাই স্বীকার করে তারা সঠিক পথ হতে বিচ্যুত হয়েছে। আল্লাহ তা’আলা তাদেরকে সত্য বলতে বাধ্য করেছেন। দেখুন, কীভাবে ওহাবীর পুস্তকটিতে আহলে সুন্নতের প্রশংসা করা হয়েছে: “রাসূলুল্লাহ ﷺ হযরত মুয়ায ইবনে জাবাল (রা.)-কে ইয়ামেন-দেশে বিচারক হিসেবে যাবার প্রাক মুহূর্তে জিজ্ঞেস করেন; কীভাবে তিনি বিচার-কাজ সমাধা করবেন। হযরত মুয়ায (রা.) বলেন, ‘আল্লাহর কিতাব অনুযায়ী।’ রাসূলে কারীম ﷺ জিজ্ঞেস করেন, ‘যদি তুমি তাতে সমাধান না পাও?’ হযরত মুয়ায (রা.) উত্তর দেন, ‘তাহলে আমি নবী পাক ﷺ-এর সুন্নতের দিকে তাকাবো।’ আর যখন হুযূর পাক ﷺ জিজ্ঞেস করেন, ‘যদি তাতেও তুমি না পাও?’ তখন হযরত মুয়ায (রা.) উত্তরে বলেন, ‘তাহলে আমি আমার ইজতেহাদ অনুযায়ী সিদ্ধান্ত নেবো।’ অতঃপর রাসূলুল্লাহ ﷺ বলেন, ‘আল্লাহ তা’আলার কাছে শোকরিয়া যে, তিনি তাঁর রাসূলের প্রতিনিধিকে এমনই সামর্থ্য দিয়েছেন যার দরুন স্বয়ং রাসূলুল্লাহ ﷺ-ই তার প্রতি রাজি (সন্তুষ্ট) আছেন।’ (এই হাদীসটি ইমাম বুখারী থেকে নকল করেছেন মুফতী আহমদ ইয়ার খান নিজ ‘জায়াল হক’ পুস্তকের ১ম খণ্ডের ৪৭ পৃষ্ঠায়; বাংলা সংস্করণ দ্রষ্টব্য) ফেকাহ এবং হালাল-হারামবিষয়ক জ্ঞানে সাহাবায়ে কেরামের মধ্যে হযরত মুয়ায (রা.) অন্যতম জ্ঞানী পণ্ডিত ছিলেন। সুতরাং তিনি ইজতেহাদ করতে সক্ষম একজন জ্ঞান-বিশারদ। আল্লাহ তা’আলার কিতাব ও নবী কারীম ﷺ-এর সুন্নাতে না পেলে তাঁর পক্ষে নিজ ইজতেহাদ অনুসারে সিদ্ধান্ত নেয়ার অনুমতি ছিল। কিন্তু বর্তমানকালে এবং অতীতেও এমন কিছু লোকের আগমন হয়েছে, যারা আল্লাহর কিতাব ও রাসূলুল্লাহ ﷺ-এর সুন্নত সম্পর্কে অজ্ঞ; অথচ তারা নিজেদেরকে ইজতেহাদ প্রয়োগে সক্ষম বলে মনে করে। তাদের প্রতি ধিক।” (ফাতুহুল মাজীদ, ৪৩২ পৃষ্ঠা)

এই ওহাবী ওপরের কথাগুলো আহলে সুন্নতের মহান উলামাদের বইপত্র থেকে উদ্ধৃত করেছে, যেমনিভাবে সে সকল প্রাথমিক দলিল তাঁদেরই বইপত্র থেকে গ্রহণ করেছে। ইবনে তাইমিয়ার আগে কেউই গোমরাহ ধ্যান-ধারণা লিপিবদ্ধ করেনি। সে-ই সর্বপ্রথম গোমরাহ ধারণার সূচনা করে। পরবর্তীকালে ওহাবীরা এই দাস্তিক

আচরণে সীমা লঙ্ঘন করে। সুন্নী উলামাগণের যে সমস্ত মহামূল্যবান বাণী তারা উদ্ধৃত করে, সেগুলোর মারাত্মক অপব্যাখ্যা-ই দিয়ে থাকে তারা। তারা বলে; প্রত্যেকের আরাবী শিক্ষা করা এবং ইজতেহাদ প্রয়োগ করা উচিত। ফলে ওহাবীরা সঠিক পথ থেকে বিচ্যুত হয়েছে এবং সহস্র সহস্র মানুষকে গোমরাহ বানিয়েছে। উপর্যুক্ত উদ্ধৃতি তাদের ধারণাকে খণ্ডন করে পরিস্ফুট করে যে, ওহাবীদের মতো অজ্ঞ লোকদের ইজতেহাদ প্রয়োগ করার কোনো ক্ষমতা-ই নেই। আর ('নস'থেকে) তাদের বের করা অর্থ ও সিদ্ধান্তগুলোর সব-ই গোমরাহী ছাড়া কিছু নয়।

আজকাল মাযহাবে অবিশ্বাসী লোকদের সংখ্যা বাড়ছে। তারা বলে, “মাযহাবের কী দরকার, যা মুসলিমদেরকে বিভক্ত করে থাকে? মাযহাব ধর্মকে কঠিন করে দেয়। আল্লাহ ধর্মে সহজ-সরলতার আদেশ দিয়েছেন। ইসলামে ‘মাযহাব’ বলতে কিছুই নেই। এগুলো পরে তৈরি করা হয়েছে। আমরা সাহাবায়ে কেরামের পথ অনুসরণ করি এবং অন্য কোনো পথকে স্বীকৃতি দিই না।”

এ ধরনের কথা ওহাবীদের দ্বারা বানানো হয়েছে, যারা বর্তমানে এগুলোকে মুসলিমদের মাঝে ধূর্ততার সাথে প্রচার করছে। সুন্নী উলামাগণের সঠিক মন্তব্যগুলো উদ্ধৃত করার পর তারা নিজেদের বানোয়াট ও মিথ্যা কথাগুলো-ও তার সঙ্গে জুড়ে দেয়, ভাবখানা এমন যেন উদ্ধৃতিটি এখনো চলছে। মানুষেরা সঠিক মন্তব্যগুলো দেখে মনে করে সবই বুঝি সঠিক; ফলে তারা ফাঁদে পড়ে যায়। উপর্যুক্ত মন্তব্য “আমরা সাহাবাগণকে অনুসরণ করি”- অবশ্যই সঠিক এবং বিবেচনাযোগ্য; কেননা, নাজাতের একমাত্র পথই হলো সাহাবীগণের পথ। বায়হাকী (রহ.) বর্ণিত এবং ‘কানযুদ দাকাইক’ গ্রন্থে লিপিবদ্ধ একটি হাদীস ঘোষণা করে, “আমার সাহাবীগণ নক্ষত্রতুল্য। তাদের যে কাউকে তোমরা অনুসরণ করবে, হেদায়াত পাবে।” (আল হাদীস) হাদিসটি প্রতীয়মান করে, যে ব্যক্তি কোনো একজন সাহাবীকে অনুসরণ করবে, সে উভয় জাহানের নেয়ামত অর্জন করতে পারবে। দায়লামী (রহ.) বর্ণিত একটি হাদীস ঘোষণা করে, “আমার সাহাবীরা উত্তম মানব। আল্লাহ তা’আলা যেন তাদের প্রতি সব সময়েই উত্তম নেয়ামত অবতীর্ণ করেন।” দায়লামী (রহ.) বর্ণিত অপর দুইটি হাদীসে ঘোষিত হয়েছে, “আমার সাহাবীদের দোষ-চর্চা করো না;” এবং “নিশ্চয়ই মুয়াবিয়া শাসক হবে।” (হাদীস)

সাহাবীদের পথ অনুসরণের দাবিদার লোকেরা কোন্ উৎস থেকে এ পথ সম্পর্কে জানবে? তারা কি ওহাবীদের কাছ থেকে তা জানবে, যারা সাহাবায়ে কেরামের এক হাজার বছর পরে এসেছে? নাকি তারা সেই সকল উলামাদের বইপত্র থেকে তা শিক্ষা করবে, যাঁরা সাহাবীদের সময়কার ছিলেন এবং সাহাবীদের দ্বারা শিক্ষাপ্রাপ্ত হয়েছিলেন? সাহাবায়ে কেরাম কর্তৃক শিক্ষাপ্রাপ্ত উলামাগণ এবং তাঁদের শিষ্যগণের সমষ্টি-ই হলেন সুন্নী জামাতের আলেম সম্প্রদায়। মাযহাব অর্থ পথ। আহলুস সুন্নাহ ওয়াল জামাত হলেন সেই সকল মুসলিম জনসাধারণ, যাঁরা নবীয়ে মকবুল ﷺ ও তাঁর সাহাবী (রা.)-দের পদাঙ্ক অনুসরণ করেন। এই পথের নেয়ামতপ্রাপ্ত উলামাবৃন্দ সাহাবায়ে কেরাম থেকে যা শিখেছিলেন, তা ছবছ লিপিবদ্ধ করেছিলেন। তাঁরা নিজেদের ব্যক্তিগত অভিমত লিখেন নি। তাঁদের বইপত্রে এমন কোনো মন্তব্য নেই যাকে তাঁরা দালিলিক প্রমাণ দ্বারা পাকাপোক্ত করেন নি। চার মাযহাবের সকল ইমামের ঈমান (আকিদা-বিশ্বাস) একই। বিশ্বাস-সংক্রান্ত বিষয়ে তাঁদের মধ্যে কোনো মতপার্থক্য নেই। সাহাবায়ে কেরামের পথটি কেবলমাত্র সুন্নী উলামাদের বইপত্র

থেকেই শিক্ষা করা যায়। যারা সাহাবীদের পথে থাকতে চায়, তাদেরকে অবশ্যই সুন্নী পথে থাকতে হবে এবং ওহাবী মতবাদের মতো গোমরাহ-পথভ্রষ্ট আন্দোলন থেকে দূরে সরে থাকতে হবে।

২৬/ — ওহাবী ব্যক্তিটি পুস্তকটিতে আহলে সুন্নতের সঠিক জ্ঞানের প্রতি স্বীকৃতি জানাতে বাধ্য হয়েছে, যদিও বিষাক্ত ও ভ্রান্ত এবং আক্রমণাত্মক মন্তব্যসমূহ তারই মধ্যে সন্নিবেশিত করা হয়েছে:

রাসূলুল্লাহ ﷺ তাঁর উম্মতকে আদেশ দিয়েছেন আখেরাতের কথা স্মরণ করতে এবং মৃতদের কল্যাণ সাধনের উদ্দেশ্যে তাঁদের জন্যে ক্ষমাশীল ও দয়াপরবশ হয়ে দোয়া চাইতে এবং তাঁদের কবর যেয়ারতকালে ক্ষমা প্রার্থনা করতে। ফলে যেয়ারতকারী নিজের এবং কবরবাসীর জন্যে কল্যাণ সাধন করতে পারবে। হযরত আবু হোরাযরা (রা.) হতে ইমাম মুসলিম (রহ.) বর্ণিত একটি হাদীস ঘোষণা করে, ‘কবরসমূহ যেয়ারত করো! নিশ্চয়ই তা তোমাদেরকে পরকালের কথা স্মরণ করিয়ে দেবে।’ (মুসলিম শরীফ) হযরত আবদুল্লাহ ইবনে আব্বাস (রা.) বর্ণনা করেন যে, নবী পাক ﷺ মদীনা মোনাওয়ারার কবরস্থানের পাশ দিয়ে যাবার সময় কবরগুলোর দিকে তাকিয়ে সম্ভাষণ জানান: ‘আস্ সালামু আলাইকুম এয়া আহলাল্ কুবুর এয়াগফিরুল্লাহ্ লানা ওয়া লাকুম; আনতুম সালাফুনা ওয়া নাহনু বিল আসরী’; অর্থাৎ, ‘ওহে কবরবাসী, তোমাদের ওপর শান্তি বর্ষিত হোক! আল্লাহ পাক আমাদেরকে এবং তোমাদেরকে ক্ষমা করুন। তোমরা পূর্ববর্তী এবং আমরা সময়ের সাথে অনুগামী।’ (আল হাদীস) ইমাম আহমদ (রহ.) ও আত-তিরমিযী (রহ.) হাদীসটি বর্ণনা করেছেন। ইমাম আহমদ (রহ.) হতে ইবনে কাইয়েম আল জাওয়যিয়া বর্ণিত একটি হাদীস ঘোষণা করে: ‘আমি ইতোপূর্বে তোমাদেরকে কবর যেয়ারত করতে নিষেধ করেছিলাম। এখন থেকে তা তোমরা যেয়ারত করো। কেননা, তা তোমাদেরকে আখেরাতের কথা স্মরণ করিয়ে দেবে।’ হযরত আবদুল্লাহ ইবনে মাসউদ (রা.) হতে ইবনে মাজা (রহ.) বর্ণিত অপর একটি হাদীসে ঘোষিত হয়েছে, ‘আমি আগে তোমাদেরকে কবর যেয়ারত করতে নিষেধ করেছিলাম। এখন থেকে যেয়ারত করো। এর ফলে তোমাদের অন্তরগুলোকে দুনিয়ার মোহ থেকে নিষ্কৃতি দেয়া হবে এবং আখেরাতের কথা স্মরণ করিয়ে দেয়া হবে।’ (হাদীস) আবু সাঈদ (রা.) হতে ইমাম আহমদ (রহ.) বর্ণিত হাদীসটি ঘোষণা করে, ‘আমি তোমাদেরকে কবর যেয়ারত করতে নিষেধ করেছিলাম। এখন থেকে যেয়ারত করো! ফলে তোমরা সতর্ক হতে পারবে এবং গাফলাত বা উদাসীনতা থেকে জেগে উঠতে পারবে।’ (হাদীস) ইবনে কাইয়েম আল জাওয়যিয়া সালামত ইবনে ওয়ারদানের কথা উদ্ধৃত করে, যিনি বলেন: ‘আমি হযরত আনাস ইবনে মালিক (রা.)-কে দেখলাম রাসূলুল্লাহ ﷺ-কে সম্ভাষণ জানাতে। এরপরে তিনি একটি কবরের দেয়ালে হেলান দিয়ে দোয়া করেন। ‘মুশরিক’রা (?) কবর যেয়ারত পাল্টে ফেলেছে। তারা ধর্মকে ওলট-পালট করে দিয়েছে। তারা কবরে গিয়ে বেসালপ্রাপ্তজনকে আল্লাহর সঙ্গে অংশীদার বানিয়ে থাকে। তারা বেসালপ্রাপ্তজনের কাছে প্রার্থনাও জানিয়ে থাকে। আল্লাহর কাছে তারা বেসালপ্রাপ্তদের মাধ্যমে দোয়াপ্রার্থী হয়। তারা বেসালপ্রাপ্তদের কাছে নিজেদের অভাব পূরণের জন্যে প্রত্যাশী হয় এবং নেয়ামত আশা করে, আর তাদেরকে তারা নিজেদের শত্রুদের বিরুদ্ধে সাহায্য করার জন্যে আবেদন জানায়। ফলে তারা নিজেদের জন্যে এবং বেসালপ্রাপ্তদের জন্যেও ক্ষতিকর হয়ে থাকে। রাসূলুল্লাহ ﷺ এই ধরণের কুপ্রথা বিলোপ করার জন্যেই মানুষদেরকে কবর যেয়ারত করতে নিষেধ করেছিলেন। মানুষদের মনে তৌহিদ প্রতিষ্ঠিত হওয়ার পরই তিনি কবর যেয়ারত করার অনুমতি দেন। কিন্তু কবরের কাছে আজ-বাজে কথাবার্তা বলাটা নিষিদ্ধ। সবচেয়ে বড় হুজর হচ্ছে কবরস্থানে কথা বা কাজে শিরক সংঘটন করা। মানুষেরা এখন মাযারকে সৌন্দর্যমণ্ডিত করে, কিন্তু

মসজিদের যত্ন নেয় না। আশ্বিয়া (আ.) দ্বারা উন্মোচিত আল্লাহর দ্বীনকে তারা পাল্টে দিয়েছে। যেহেতু রাফেযী শিয়ারা সবেচেয়ে অজ্ঞ এবং দ্বীন থেকে দূরে অবস্থিত, সেহেতু তারা মাযার নির্মাণ করে, আর মসজিদ ধ্বংস করে।” (ফাতহুল মাজীদ, ৪৮৫ পৃষ্ঠা)

আমরা রাফেযীদের ব্যাপারে ওহাবীদের সঙ্গে একমত। আমরাও শিরক ও মুশরিকদের বিরুদ্ধে সোচ্চার। আমাদের সুন্নী ইমাম হযরত মোজাদ্দিদে আলফে সানী (রহ.) এ বিষয়ে অত্যন্ত সুস্পষ্ট ও সুন্দর ব্যাখ্যা দিয়েছেন (মাকতুবাতে ৩য় খণ্ড, ৪১ নং চিঠি, অথবা আমার রচিত ‘সায়াদাতে আবাদিয়া, ৩য় খণ্ড, ১৪৭ পৃষ্ঠা দেখুন)। কিন্তু যদিও ওহাবীরা বলে যে কবর যেযারত করার বৈধতায় তারা বিশ্বাসী এবং মাযারস্থ বেসালপ্রাপ্তজনের রুহের প্রতি সওয়াব পৌঁছিয়ে দেয়ার জন্যে কুরআন তেলাওয়াত করা এবং দোয়ার দ্বারা বেসালপ্রাপ্তজনের কল্যাণ সাধনের বিষয়টিতে তারা বিশ্বাসী, তবুও তারা বলে বেসালপ্রাপ্তজন শ্রবণ করতে অক্ষম; আর নবী কারীম ﷺ ও আউলিয়া (রহ.)-এর মধ্যস্থতায় আল্লাহর কাছে দোয়া করাটা শিরকী কাজ! তাদের কথাগুলো পরস্পরবিরোধী। আমার এ গ্রন্থের শুরু থেকে এ পর্যন্ত দেখা গিয়েছে যে, ওহাবীদের আক্রমণের মূল দিকটি-ই ছিল উপর্যুক্ত বিষয়বস্তুর ওপর নিবন্ধ। অতএব, এসব গোমরাহদের দ্বারা যেন আমার মুসলিম ভাইয়েরা বিভ্রান্ত না হন, সেই উদ্দেশ্যে আমি বিষয়টি সম্পর্কে আরও বিস্তারিত আলোচনা করা যথার্থ মনে করেছি।

আমার পরম শ্রদ্ধেয় পীর ও আলেম এবং কামেল বুয়ুর্গ সৈয়দ আবদুল হাকিম আরওয়াসী নকশবন্দী (রহ.), যিনি ওসমানীয় খেলাফত আমলে প্রসিদ্ধ দ্বীনী প্রতিষ্ঠান “মাদ্রাসাতুল মুতাহাসসিসিন” (ইস্তাম্বুল)-এর তাসাওউফ বিভাগের অধ্যাপক ছিলেন, তিনি তাঁর তুর্কী ভাষায় লিখিত ‘রাবেতায়ে শরীফাহ’ পুস্তিকায় লিখেছেন:

আল্লাহ তা’আলার গুণাবলীতে গুণান্বিত ও মুশাহাদার পর্যায়ে উন্নীত কোনো ওলীর সঙ্গে নিজ অন্তর সংশ্লিষ্ট করাকে এবং তাঁর উপস্থিতি অথবা অনুপস্থিতিতে তাঁর চেহারা মোবারক স্মরণ করাকেই ‘রাবেতা’ বলে। পূর্ণতা অর্জনকারীদের সম্পর্কে চিন্তা করা খুবই উপকারী যা হাদীসে ব্যক্ত হয়েছে - “আউলিয়াকে দেখলে আল্লাহর কথা স্মরণ হয়” এবং ‘যারা আউলিয়ার সঙ্গে থাকে তারা (আল্লাহর বিরুদ্ধে) বিদ্রোহী হয় না।’ [বুখারী ও মুসলিম] এই ধরণের একজন আল্লাহ-ওয়ালার কথা চিন্তা করেই তাঁর গুণাবলী এবং হাল বা আধ্যাত্মিক অবস্থাসমূহ অর্জন করে থাকেন একজন বিশ্বাসী ও প্রকৃত মুসলিম। হাদীসগুলো মুসলিমদেরকে আদেশ দেয় পরহেযগার বুয়ুর্গ তথা ওলী-আল্লাহদের সঙ্গে থাকতে। দায়লামী ও তাবরানী বর্ণিত এবং ‘কানুযুদ দাকাইক’ গ্রন্থে লিপিবদ্ধ একটি হাদীস ঘোষণা করে, ‘আমি জ্ঞানের শহর এবং আলী (রা.) তার দরজা।’ (হাদীস) হাদীসটির ইশারা অনুযায়ী, আল্লাহ-ওয়ালাগণ, যাঁরা আল্লাহ পাকের ফয়েযের অসীম সাগরের দ্বারস্বরূপ বিরাজমান, তাঁদের কলবসমূহ হতেও সান্নিধ্য, মা’রেফত ও নূর তাঁদেরকে স্মরণকারী এবং তাঁদের প্রতি মহব্বত পোষণকারী মুসলিমদের কলবে (অন্তরে) প্রবাহিত হয়। এই সান্নিধ্য অর্জন করতে হলে প্রথমতঃ আহলে সুন্নতের আকিদা-বিশ্বাসকে ধারণ করতে হবে এবং শরীয়তকে সম্পূর্ণভাবে মান্য করতে হবে; আর আল্লাহ-ওয়ালাদেরকে ভালোবাসতে হবে। যেহেতু ওহাবীরা এ সকল পূর্বশর্ত পূরণ করতে অক্ষম, সেহেতু তারা আল্লাহ-ওয়ালাদের সান্নিধ্য ও মা’রেফত হতে বঞ্চিত হচ্ছে। তারা যা জানে না, সেগুলোকে অস্বীকার করা ছাড়া তাদের আর কোনো গত্যন্তর নেই। সান্নিধ্যপ্রাপ্তির জন্যে দ্বিতীয় যে জিনিসটি জরুরী, তা হলো মুরশীদ (পীর)-কে অবশ্যই রাসূলে খোদা ﷺ-এর একজন প্রকৃত ওয়ারিস (উত্তরাধিকারী) হতে হবে এবং তাঁরই পদাঙ্ক অনুসরণ করতে

হবে; আর আল্লাহর একজন প্রিয় বান্দাও হতে হবে। যেহেতু ওহাবীদের মধ্যে কোনো আল্লাহ-ওয়াল নেই, সেহেতু সান্নিধ্য ও মা'রেফাতের দ্বার তাদের জন্যে বন্ধ হয়ে গিয়েছে। এ কারণেই মূর্তি পূজারী মুশরিকেরা এবং ভণ্ড পীর ও অজ্ঞ লোকদের অনুগামী হতভাগা মুসলমানেরা কোনো সান্নিধ্য বা উপকার লাভ করতে পারে না। আবু জাহেল, আবু তালেব ও আবু লাহাবের মতো লোকদের দ্বারা রাসূলুল্লাহ ﷺ হতে সান্নিধ্য বা হেদায়েত লাভ না করার কারণটি হলো তারা প্রথম শর্তটি পূরণ করতে পারে নি। আযিয়া (আ.) হলেন দুনিয়ার বুকে আল্লাহ তা'আলার খলীফা। আর যেহেতু আউলিয়া কেলাম (রহ.) আযিয়া (আ.) এর উত্তরাধিকারী, সেহেতু তাঁরাও এ সম্মানের একটি অংশ পেয়েছেন এবং তাঁদের অন্তরগুলোও তাই আল্লাহ তা'আলার আয়নায় পরিণত হয়েছে। সূরা সোয়াদের ২৬ আয়াত ও সূরা আনআমের ১৬৫-আয়াত এবং আরও বহু আয়াত আমাদের কথাকে সমর্থন করে।

কোনো কামেল (পূর্ণতাপ্রাপ্ত) ওলীর অন্তরের সঙ্গে অন্তর সংশ্লিষ্টকারী মুসলমান সেই ওলীর নেয়ামতপূর্ণ অন্তরের মাধ্যমে আল্লাহ তা'আলার সান্নিধ্য অর্জন করতে সক্ষম হবেন। দায়লামীর কিতাব ও 'কানযুদ দাকাইক' গ্রন্থে উদ্ধৃত একটি হাদীস শরীফ ঘোষণা করে, 'একজন পীর তাঁর (অনুসারী সিলসিলাধারী) জাতি-সম্প্রদায়ের জন্যে সেই রকম (হেদায়েতকারী), যে রকম একজন নবী (আ.) তাঁর উম্মতের জন্যে (হেদায়েতকারী)।' [হাদীস] ওই আল্লাহ-ওয়াল জীবিত অথবা বেসালপ্রাপ্ত হলেও কলব কর্তৃক সান্নিধ্য ও মা'রেফতপ্রাপ্তিতে কোনো রকম পার্থক্য সৃষ্টি হবে না। তাঁর কামালাত বা পূর্ণতা কখনোই তাঁর রুহকে ত্যাগ করে না। আর রুহ তো স্থান, কাল, জীবন-মৃত্যু দ্বারা আবদ্ধ নয়। যদি উপরোল্লিখিত শর্ত দুইটি পূরণ করা যায়, তাহলে একজন আল্লাহ-ওয়ালার সঙ্গে অন্তর সংশ্লিষ্টকারী মুসলিম অবিলম্বে সান্নিধ্য ও মা'রেফত অর্জন করবেন। ওই ওলী যেখানে-ই থাকুন অথবা জীবিত কিংবা বেসালপ্রাপ্ত হোন, তাতে কিছুই আসবে যাবে না। এটা বিশ্বাস করা জরুরী যে, তাঁদের রুহের তাসাররুফ (কর্মক্ষমতা) আসলে তাঁদের ওপর আল্লাহ তা'আলার তাসাররুফ দ্বারা সংঘটিত।

“যতোক্ষণ পর্যন্ত একজন মানুষ কোনো মধ্যস্থতাকারী ছাড়া আল্লাহ তা'আলার সান্নিধ্য গ্রহণ করতে না পারে, ততোক্ষণ পর্যন্ত তাঁর এমন একজন মধ্যস্থতাকারীর প্রয়োজন যাকে আল্লাহ পাক ভালোবাসেন এবং যিনি সান্নিধ্য গ্রহণ ও বিচ্ছুরণ করতে সক্ষম।

২০০ হিজরী হতে ১২০০ হিজরী পর্যন্ত বুখারা, খিবা, সমরকন্দ ও ভারতের উলামাবৃন্দ সর্বসম্মতভাবে রাবেতাকে স্বীকৃতি দিয়ে তা পালন করেছেন এবং নিজেদের শিষ্যদেরকে তা পালন করতে আদেশ দিয়েছেন, সেটা-ই হলো আমাদের উপর্যুক্ত কথার সর্বোৎকৃষ্ট সমর্থনসূচক দলিল। এ দলিলের বদলে আরেকটি দলিল তালাশ করার অর্থ হবে বিশাল এশিয়া মহাদেশে গত এক হাজার বছর ধরে আগমনকারী শত-সহস্র ইসলামী উলামার কুৎসা রটনা করা। বর্তমানে বিরাজমান তাঁদের বইপত্র প্রতীয়মান করে যে তাঁরা উলামা ছিলেন এবং এতে আরও পরিস্ফুট হয় যে, তাঁদের মধ্যে অধিকাংশই আউলিয়া ছিলেন।

সূরা মায়েদার ৩৮ নং আয়াত ঘোষণা করে - 'আল্লাহর নৈকট্য অর্জনের জন্যে ওসীলা বা মাধ্যম তালাশ করো'। এ আদেশসূচক আয়াতটিতে ওসীলাটি কোনো শর্ত দ্বারা সীমাবদ্ধ নয়; বরং সার্বিক অর্থে ব্যবহৃত হলে ইবাদত, যিকির, দোয়া ও আউলিয়াগণের রুহ সমূহও এই আদেশের অন্তর্ভুক্ত হয়ে যায়। এই সার্বিক

আদেশটিকে সীমাবদ্ধ করার চেষ্টা করাটা আসলে আয়াতটির প্রতি কুৎসা রটনা করা ছাড়া আর কিছু নয়। ওসীলাটি যে প্রকৃতপক্ষে রাসূলুল্লাহ ﷺ; তা সুরা আলে ইমরানের ৩১ নং আয়াতে বর্ণিত ঐশী আদেশে বলা হয়েছে, ‘যদি তোমরা আল্লাহকে ভালোবাসো, তবে আমাকে অনুসরণ করো। আল্লাহ তোমাদেরকে ভালোবাসবেন।’ (আল-আয়াত) যে ব্যক্তি নিজেকে মুসলিম বলে দাবি করেন, তার উচিত এ আয়াতে বিশ্বাস স্থাপন করা। ‘উলামাগণ আশ্বিয়া (আ.) এর উত্তরাধিকারী’- এই হাদীসটি পরিস্ফুট করে যে, আউলিয়াগণও ওসীলা। আর ভালোবাসা ছাড়া ‘এত্তেবা বা অনুসরণ করো’- কুরআনের এই আদেশটি মান্য করা একেবারেই অসম্ভব।

ইমাম বুখারী (রহ.) হযরত আবু বকর সিদ্দিক (রা.)-এর কথা উদ্ধৃত করেন, যিনি বলেন, রাসূলুল্লাহ ﷺ কখনো-ই তাঁর অন্তর ও মস্তিষ্ক থেকে দূরে ছিলেন না; যার ফলে তিনি আরয করেছিলেন যে, এমন কি গোসলখানায়ও তিনি রাসূলুল্লাহ ﷺ-এর চেহারা মোবারককে তাঁর স্মৃতিপটে দেখতে পেতেন।

আল্লাহ তা’আলা ঘোষণা করেন, ‘হে বিশ্বাসীরা, তোমরা মুত্তাকী (পরহেযগার, খোদাভীরু) হও এবং সত্যনিষ্ঠ (আউলিয়া)-দের সঙ্গে থাকো।’ (সুরা তওবা, ১২০ আয়াত) এক্ষেত্রে ‘সঙ্গে থাকো’ বাক্যটি কোনো শর্ত দ্বারা আবদ্ধ নয়। এটা একটা সার্বিক মন্তব্য। অতএব, সত্যনিষ্ঠদের ‘সঙ্গে থাকা’র মধ্যে বস্তুগত ও আত্মিকভাবে থাকাটা অন্তর্ভুক্ত। শারীরিক বা বস্তুগতভাবে থাকার অর্থ হচ্ছে তাঁদের উপস্থিতিতে (ছয়ূরে) বিনয়, আদব ও মহব্বত সহকারে অবস্থান করা। আর আত্মিকভাবে থাকার অর্থ হচ্ছে আল্লাহর কোনো প্রিয় ও সত্যনিষ্ঠ বান্দাকে শঙ্কার সাথে স্মরণ করা।

সুরা ইউসুফের ২৪ নং আয়াতে বলা হয়েছে, ‘যদি না ইউসুফ (আ.) তাঁর প্রভুর বুরহান তথা প্রামাণ্য নিদর্শন দেখতেন।’ ‘বুরহান’ বা এই প্রমাণটি প্রকৃতপক্ষে হযরত ইউসুফ (আ.) এর কাছে হযরত এয়াকুব (আ.) এর দৃশ্যমান হওয়ার ঘটনা ছিল, যা প্রায় সর্বসম্মতভাবে স্বীকৃত হয়েছে। তাফসীরে কাশশাফের প্রণেতা আয্ যামাখশারী, যদিও তিনি একজন গোমরাহ মু’তায়িলা ছিলেন, তবুও তিনি সংখ্যাগরিষ্ঠ মুফাসসীর (কুরআন ব্যাখ্যাকারী)-দের সাথে যোগ দিয়ে বলেছেন যে, জর্দানে অবস্থানকারী হযরত এয়াকুব (আ.) মিশরের একটি ঘরে যুলাইখার সাথে অবস্থানরত হযরত ইউসুফ (আ.) এর সামনে দৃশ্যমান হন।

আশবাহ গ্রন্থটির ব্যাখ্যামূলক গ্রন্থ রচয়িতা ও হানাফী আলেম হযরত আহমদ হামাভী তাঁর ‘নাফাখাত আল কুরব ওয়াল ইততিসাল বি ইসবাতিত্ তাসাররুফী লি আউলিয়াইল্লাহী তা’আলা ওয়াল কারামাতি বা’দ আল ইনতিকাল’ পুস্তকটিতে লিখেছেন যে, আউলিয়ার ‘রুহানিয়াত’ বা আধ্যাত্মিক শক্তি তাঁদের ‘জিসমানিয়াত’ বা শারীরিক অস্তিত্ব থেকেও অধিক ক্ষমতামণ্ডলী; আর তাই তাঁদেরকে একই সময়ে বিভিন্ন জায়গায় দেখা যেতে পারে। তিনি তাঁর কথার সপক্ষে নিম্নোক্ত হাদীসটি উদ্ধৃত করেন: ‘কিছু মানুষ বেহেশতের প্রত্যেকটি প্রবেশ-দ্বারের মধ্য দিয়েই বেহেশতে যাবে। প্রত্যেক দরজাই তাদেরকে আহ্বান করবে।’ অতঃপর হযরত আবু বকর সিদ্দিক (রা.) জিজ্ঞেস করেন, ‘এয়া রাসূলুল্লাহ ﷺ! এমন কোনো ব্যক্তি কি থাকবেন যিনি আটটি দরজার প্রত্যেকটির মধ্য দিয়েই প্রবেশ করতে পারবেন? নবি কারীম ﷺ উত্তর দেন, ‘আমি আশা করি, তুমি তাদের মধ্যে একজন হবে।’ (হাদীস) যখন কোনো ব্যক্তির রুহ ‘আলম আল আমর’-এ অবস্থিত তাঁর মৌলিক মাক্লাম

বা মর্যাদাপূর্ণ স্থানে উন্নীত হন, তখনই তাঁকে একই মুহূর্তে বিভিন্ন জায়গায় দেখা যেতে পারে। যেহেতু মানুষের ইনতেকালের পরে দুনিয়ার মোহ তাঁর রূহ হতে তিরোহিত হয়, সেহেতু তাঁর রূহ আরও শক্তিশালী হয়। ফলে একই সময়ে বিভিন্ন জায়গায় দৃশ্যমান হওয়া তাঁর পক্ষে সহজতর হয়।

ইমাম ইবনে হাজার মক্কী (রহ.) কৃত ‘শামাইল’ গ্রন্থের শরাহ-তে এবং ইমাম জালালুদ্দীন সুয়ুতী (রহ.) প্রণীত ‘তানবিরুল হালাক’ পুস্তকটিতে লিপিবদ্ধ আছে যে, হযরত আবদুল্লাহ ইবনে আব্বাস (রা.) বলেছেন, ‘আমি রাসূলুল্লাহ ﷺ-কে স্বপ্নে দেখি। তিনি আমার প্রতি কৃপাপূর্ণ আচরণ করেন। আমি জেগে ওঠার পর তাঁর এক স্ত্রীর সাথে সাক্ষাৎ করি। অতঃপর আয়নায় মুখ দেখতে গিয়ে নিজের চেহারার পরিবর্তে রাসূলুল্লাহ ﷺ-কে দেখতে পাই।’ এই হাল বা অবস্থাটি রাসূলে কারীম ﷺ-এর জন্যে খাস (নির্দিষ্ট) নয়। কারণ, ইসলামী উলামাবৃন্দ তাঁদের বইপত্রে রাসূলুল্লাহ ﷺ-এর ‘খাসাইস’ (সুনির্দিষ্ট গুণাবলী) সংগ্রহ করেছেন এবং এই হালটিকে তাঁর জন্যে খাস হিসেবে চিহ্নিত করেন নি। ফিকাহ এবং উসূলে ফিকাহ-এর মৌলিক আইন-কানুন অনুযায়ী রাসূলে আকরাম ﷺ-এর উম্মতের উলামা তথা আউলিয়া কেরাম তাঁর ‘খাসাইস’ ভিন্ন অন্য সব হালের উত্তরাধিকারী বলে বিবেচ্য। উদাহরণস্বরূপ, রাসূলে মকবুল ﷺ-এর সঙ্গে নামাযের মধ্যে কথা বললে কারও নামায ভঙ্গ হবে না। কিন্তু এ গুণটি কেবলমাত্র নবী পাক ﷺ-এর জন্যেই সুনির্দিষ্ট। সুতরাং উলামায়ে কেরাম তথা আউলিয়াবৃন্দের সাথে কথা বললে নামায ভেঙ্গে যাবে। নবী কারীম ﷺ-কে সামনে হাযির জেনে তাঁর প্রতি সালাত ও সালাম (সম্ভাষণ) জানানো তাঁর খাসাইস-এর অন্তর্ভুক্ত নয়। অতএব, কোনো ওলীর চেহারা মোবারককে খেয়াল করে তাঁর রূহ হতে সাহায্য কামনা করা বৈধ। শাফেয়ী আলেম ইমাম জালালুদ্দীন সুয়ুতী তাঁর রচিত ‘আত তাবাকাতুল কুবরা’ নামক গ্রন্থে বলেন, ‘২২তম ধরণের কারামত হচ্ছে এই যে, আউলিয়াবৃন্দ বিভিন্ন আকৃতিতে দৃশ্যমান হতে পারেন।’ সূরা মরিয়মের ১৭ নং আয়াত ঘোষণা করে – ‘তিনি (জিবরাইল-আ:) মরিয়মের সামনে মানব আকৃতিতে দৃশ্যমান হন।’ (আল আয়াত) উলামায়ে কেরাম এ আয়াতটির ব্যাখ্যা প্রসঙ্গে বলেন যে, আউলিয়া কেরামের রূহসমূহ বিভিন্ন আকৃতিতে দৃশ্যমান হতে পারে। হযরত কাদিব আল বান হাসান আল মুসুলী (বেসাল ৫৭০ হিজরী, মুসুল)-এর সর্বজনবিদিত ঘটনাটি এই ধরণের একটি কারামত। [আল মুসুলীর এই কারামত এবং অন্যান্য কারামত সম্পর্কে জানতে হলে আল্লামা ইউসুফ নাবহানীর ‘জামেউল কারামত আল আউলিয়া’ পুস্তকটি পড়ুন। শাফেয়ী আলেম আল্লামা আল জায়লী তাঁর রচিত ‘শরহে বুখারী’ পুস্তকে লিখেন, ‘প্রকৃত আউলিয়া যাঁরা রাসূল ﷺ-এর উত্তরাধিকারী, তাঁদের চেহারা শয়তান ধারণ করতে পারে না – যেমনিভাবে সে পারে না রাসূল ﷺ-এর চেহারা মোবারক ধারণ করতে।’]

হানাফী আলেম সাইয়েদ শরীফ আল জুরজানী তাঁর কৃত ‘শরহে মাতালী’ ব্যাখ্যামূলক গ্রন্থে এবং ‘শরহে মাওয়াকিফ’ পুস্তকের শেষে তিয়ানুরটি মুসলিম সম্প্রদায়ের তালিকা প্রদানের আগে বলেন যে জীবিত কিংবা বেসালপ্রাপ্ত আউলিয়া তাঁদের শিষ্যদের কাছে বিভিন্ন আকৃতিতে দৃশ্যমান হতে পারেন এবং তাঁদের শিষ্যগণ (মুরীদগণ) ওই সকল আকৃতি থেকে অশেষ সান্নিধ্য ও উপকার পেতে পারেন।

মালেকী মাযহাবের আলেম তাজুদ্দিন আহমদ ইবনে আতা-আল্লাহ আল ইসকান্দরী তাঁর প্রণীত ‘তাজিয়া’ গ্রন্থে লিখেছেন, কারো পক্ষে অনেক উপকার পাওয়া তখনি সম্ভব, যখন তিনি কোনো প্রকৃত ওলীকে দেখেন বা তাঁর সম্পর্কে চিন্তা করেন।

হানাফী আলেম আল্লামা শামসুদ্দিন ইবনে নুয়াইম তাঁর 'কিতাবুর রুহ' পুস্তকটিতে বলেন, 'রুহসমূহ যখন নিজেদের দেহের বাইরে থাকে, তখন বিভিন্ন হালে থাকতে পারে। আউলিয়াগণের রুহসমূহ "উরফিক আল আ'লা" নামক স্থানে অবস্থানরত এবং তাঁরা তাঁদের বেসালপ্রাপ্ত দেহের সাথেও সম্পর্কযুক্ত। যদি কোনো ব্যক্তি এ রকম একজন ওলীর মাযার যেয়ারত করে তাঁকে সম্ভাষণ জানায়, তবে রফিক আল আ'লায় অবস্থিত তাঁর রুহ মোবারক ওই ব্যক্তির প্রত্যুত্তর দেন।' এটা ইমাম সুয়ুতীর কিতাবুল মুনজালী গ্রন্থেও লিপিবদ্ধ আছে। এ সকল প্রমাণ পরিস্ফুট করে যে আউলিয়াগণ তাঁদের বেসালের পরও ভীষণ শক্তিশালী তাসাররুফ (কর্মক্ষমতা) এবং প্রভাবের অধিকারী যা আমাদের কাছে সম্পূর্ণ অজ্ঞাত।

মালেকী মাযহাবের আলেম ও 'মুখতাসার' বইটির প্রণেতা খলিল ইবনে ইসহাক আল জান্দী বলেন, 'বিভিন্ন আকৃতিতে দৃশ্যমান হওয়ার সামর্থ্য তখনই আল্লাহ তা'আলা কর্তৃক একজন ওলীকে প্রদান করা হয়, যখন তিনি পূর্ণতা অর্জন করতে সক্ষম হন। এটা অসম্ভব কিছু নয়। কারণ, দৃশ্যমান বিভিন্ন আকৃতি আসলে বস্তুগত জিসম (দেহ) নয়। রুহসমূহ কোনো বস্তু নয় এবং এগুলো মহাশূন্যে কোনো জায়গা দখল করে থাকে না।'

এতোজন শরীয়তের জ্ঞান বিশারদের তথা আউলিয়ার দ্বারা সুস্পষ্টভাবে বর্ণিত শরীয়তের শিক্ষা ও দলিলপত্রে অবিশ্বাস স্থাপন করার অর্থ হলো শরীয়ত এবং যুক্তির সঙ্গে মতভেদ সৃষ্টি করা। সুন্নী মুসলিমদের এ বিশ্বাসটির জন্যে তাঁদেরকে মুশরিক (কাফের) আখ্যাদানকারী ওহাবীদের প্রতি যেন আল্লাহ তা'আলা যুক্তি ও ন্যায়বিচারের ক্ষমতা মঞ্জুর করেন। ওহাবীরা, যারা বিষয়টিতে বিশ্বাস স্থাপনকারী মুসলিম জনগণকে মূর্তি পূজোরী ও মূর্তিকে স্রষ্টা জ্ঞানকারী কাফেরদের সমতুল্য করতে চায়, তাদের প্রতি ধিক! মালেকী মাযহাবের আলেম ও কাদেরীয়া তরীকার একজন বিশিষ্ট পথিক যিনি 'সুলতানুল আশেকীন' (প্রেমিকগণের রাজা) হিসেবে প্রসিদ্ধ ছিলেন এবং যাঁর অন্তর রাসূলে কারীম ﷺ ও তাঁর ওয়ারিস তথা আউলিয়াগণের ভালোবাসায় প্রজ্জ্বলিত ছিল, তিনি তাঁর বিখ্যাত কাসিদা 'খামরিয়া'-তে তাসাউফের পূর্ববর্তী জ্ঞান বিশারদগণের মর্যাদার যথাযথ গুণকীর্তন করেছেন। যে সব গোমরাহকে আখেরাতে 'গোমরাহ' ও 'আযাব ভোগকারী' হিসেবে মোহর মেরে দেয়া হয়েছে, তাদেরকে যতো ভালো করেই ব্যাখ্যা-বিশ্লেষণ সহকারে বোঝানো হোক আর যতোগুলো প্রমাণ্য দলিল অথবা কারামতই প্রদর্শন করা হোক, তারা মু'মিন হওয়ার নেয়ামত অর্জন করতে পারবে না। মাওলানা আবদুর রহমান জামী তাদেরকে নিম্নোক্ত চারটি পংক্তিতে যথাবিহিত জওয়াব দিয়েছেন -

'বিশ্বের সকল সিংহ একই শৃঙ্খলের দ্বারা সংযুক্ত,  
কীভাবে তা একটি শেয়াল তার দুঃসাহস-ভরা ধূর্ততা দ্বারা করবে ছিন্ন?  
যদি কোনো গোমরাহ লোক আউলিয়াকে করে সমালোচনা,  
তবে তাঁরা নির্মল থাকেন, কেবল সে-ই প্রমাণিত হয় খারাপ-মনা।'

যে ব্যক্তি আল্লাহ তা'আলা কর্তৃক প্রজ্জ্বলিত প্রদীপ ফুঁ দিয়ে নিভিয়ে দিতে চায়, শুধুমাত্র তার দাড়িতেই আগুন ধরে যাবে।" (আল্লামা সাইয়েদ আবদুল হাকিম আরওয়াসী কৃত 'রাবিতায়ে শরীফা', ইস্তাম্বুল, ১৩৪২ হিজরী/১৯২৪ ঈসাদি)

২৭/ — ওহাবী লেখক ‘ফাতহুল মাজীদ’ পুস্তকের ৪৮৬ পৃষ্ঠায় সত্য স্বীকার করতে বাধ্য হয়েছে। হযরত আবু হোরায়রা (রা.) হতে আবু দাউদ (রহ.) বর্ণিত নিম্নোক্ত হাদীসটি সে উদ্ধৃত করেছে। রাসূলে কারীম ﷺ বলেন, “আমার কবরকে ঈদগাহ বানিও না! তোমাদের ঘরগুলোকে কবরস্থান বানিও না। আমার প্রতি দরুদ পাঠ করো! কেননা, নিশ্চয়ই তোমাদের সালাত-সালাম তোমরা যেখানে-ই থাকো না কেন, আমার কাছে পৌঁছে যাবে।” (হাদীস) যদিও এই ওহাবী মতাবলম্বী ব্যক্তি এ হাদীসটিকে নিজের গোমরাহ ধ্যান-ধারণা প্রতিষ্ঠা করার জন্যে পেশ করেছে, তবুও এটা প্রতীয়মান করে যে, আফিয়া (আ.) তাঁদের মাযার-রওয়ায় জীবিতাবস্থায় আছেন। কারণ বাচনিক যোগাযোগ শুধু তাঁদের সাথেই স্থাপন করা যায় যাঁরা জীবিত।

২৮/ — ‘ফাতহুল মাজীদ’-এর ৪৯০ পৃষ্ঠায় ওই ওহাবী লেখক বলে, “ইমরান ইবনে হাসসিন হতে আবু দাউদ ও তিরমিযী এবং সহিহ মুসলিম রেওয়াজেতকৃত একটা হাদীস বলা ফরমায়, ‘আমার উম্মতের মধ্যে শ্রেষ্ঠ হচ্ছে তারা-ই, যারা আমার সময়ে বসবাস করছে। এরপর শ্রেষ্ঠ হলো যারা তাদের পরে আগমন করবে। তাদের পরে যারা আগমন করবে তারা-ই হলো পরবর্তী শ্রেষ্ঠ। এই হাদীসটি সহিহ বুখারীতেও লিপিবদ্ধ আছে এবং এটার শুরু ‘তোমাদের মধ্যে শ্রেষ্ঠ’- কথাগুলো দ্বারা। ‘শ্রেষ্ঠ’ মানে হচ্ছে জ্ঞান, ঈমান ও কর্মে শ্রেষ্ঠ। তাঁরা বিদআতকে প্রত্যাখ্যান করে ধ্বংস করে দিয়েছিলেন। যদিও তৃতীয় হিজরীতে বিদআত বৃদ্ধি পায়, তবুও তখন বহু উলামা ছিলেন এবং ইসলামকে যথেষ্ট শ্রদ্ধা দেখানো হতো এবং মানুষেরা যুদ্ধও পালন করতেন। হযরত আবদুল্লাহ ইবনে মাসউদ (রা.) হতে বর্ণিত এবং সহিহ মুসলিম শরীফে লিপিবদ্ধ হাদীসটিও অনুরূপ একটি হাদীস। কিন্তু এই হাদীসটিতে পর পর তিনটি শতাব্দী সম্পর্কে বলা হয়েছে। অতএব এটা বোঝা যে, হিজরীর চতুর্থ শতাব্দীর শেষ প্রান্ত পর্যন্ত খারাপের চেয়ে ভালো অনেক বেশি ছিল।” (ফাতহুল আল মজিদ) উপর্যুক্ত হাদীসগুলো আহলে সুন্নাতের আলেমগণের প্রশংসা করেছে, যেহেতু তাঁরা এ চারটি শ্রেষ্ঠ শতাব্দীর সর্বশ্রেষ্ঠ ও সর্বত্র প্রসিদ্ধ ব্যক্তিত্ব ছিলেন। আহল-এ-সুন্নাতের উলামার এই মাহাত্ম্য তাঁদেরই সময়কার মুসলিমগণের সর্বসম্মতি দ্বারা সমর্থিত হয়েছে।

ওহাবী ব্যক্তিটি পুস্তকটিতে তার সুবিধানুযায়ী আহলে সুন্নাতের উলামায়ে কেরামের প্রশংসা করে এবং তাঁদের বিভিন্ন পুস্তকে লিপিবদ্ধ ইজতেহাদসমূহ নিজের জন্যে দলিল হিসেবে ব্যবহার করতে অপপ্রয়াস পায়। একদিকে সে আহলে সুন্নাতের উলামার ভূয়সী প্রশংসা করে, অপরদিকে তাঁদের দ্বারা আরোপিত কুরআন-হাদীসের অর্থকে সে ঘৃণা করে এবং আরও অভিযোগ করে যে, ব্যাখ্যাগুলোর অনেকগুলোই শিরকের উৎপত্তিস্থল। মুসলিমদেরকে মুশরিক আখ্যায়িত করতে সে মোটেও লজ্জিত নয়। ওহাবী ব্যক্তিটি বারংবার ইসমাইল ইবনে উমর ইবনে কাসির ইমাদুদ্দীনের গ্রন্থ থেকে উদ্ধৃতি দেয়, কারণ ইমাদ ইবনে কাসির তার ফতোয়াগুলো ইবনে তাইমিয়ার ধ্যান-ধারণার ওপর ভিত্তি করেই দিয়েছে।

২৯/ — ওহাবী পুস্তকটির ৫০৩ পৃষ্ঠায় লেখা হয়েছে: “যে কোনো জীবিত লোককে শাফাআত, অর্থাৎ, সাহায্য ও দোয়া করার জন্যে আবেদন জানানো জায়েয। হযরত উমর (রা.) যখন হজ্ব করার জন্যে মক্কার উদ্দেশ্যে মদীনা ত্যাগ করছিলেন, তখন হযরত রাসূল-এ-কারীম ﷺ তাঁকে বলেন, ‘হে ভ্রাতা! তোমার উত্তম দোয়ায় আমাদেরকে স্মরণ করতে ভুলো না।’ হাদীসটি আবু দাউদ (রহ.) ও ইমাম আহমদ (রহ.)-এর মুসনাদে লিপিবদ্ধ আছে। হযরত উমর (রা.) বলেছেন, ‘ওই হাদীসটিতে “ভ্রাতা” শব্দটির মতো এতো সুন্দর কথা আর আমি জীবনে শুনি

নি।’ শুধুমাত্র বেসালপ্রাপ্তদের জন্যে দোয়া করার অনুমতি শরীয়ত দিয়েছে। তাঁদের কাছ থেকে দোয়া (এবং শাফায়াত ও সাহায্য) প্রার্থনা করা শরীয়তে বিবৃত হয়নি। আয়াত ও হাদীসসমূহ এটা নিষেধ করে। সুরা ফাতির-এর ১৩ নং আয়াত ঘোষণা করে, ‘আল্লাহ ভিন্ন তোমরা যে সব মূর্তির পূজো করো, সেগুলো খেজুরের বীজের চারপাশ পরিবেষ্টনকারী আবরণের সমপরিমাণ উপকারও তোমাদেরকে দিতে পারে না। তোমরা যখন তাদের কাছে প্রার্থনা জানাও, তখন সে সব মূর্তি তোমাদের ফরিয়াদ শোনে না। যদি তারা শুনতেও পারতো, তবুও তারা প্রত্যুত্তর দিতো না; কেননা, তোমাদেরকে সাহায্য করার ক্ষমতা তাদের কাছে নেই। আর এই সব মূর্তিই শেষ বিচারের দিনে তোমাদেরকে বলবে; তোমরা সেগুলোকে আল্লাহ সঙ্গে শরীক করে মারাত্মক ভুল করেছিলে।’ এ আয়াতটি ইঙ্গিত দেয় যে, যারা বেসালপ্রাপ্তদের কাছে সাহায্য প্রার্থনা করে, তাদেরকে শেষ বিচারের দিবসে কাফের (অবিশ্বাসী) হিসেবে বিবেচনা করা হবে। এটা সুরা আহকাফ-এর ষষ্ঠ আয়াতেও ব্যক্ত হয়, ‘তাদের উপাস্যগুলো শেষ বিচারের দিনে কাফেরদের শত্রুতে পরিণত হবে এবং তাদেরকে বলবে যে তাদের উপাসনা ভ্রান্ত ছিল।’ (আয়াত) অতএব, কোনো বেসালপ্রাপ্ত কিংবা অনুপস্থিতজনই শ্রবণ, সাহায্য কিংবা ক্ষতি করতে সক্ষম নন। সাহাবায়ে কেলাম এবং খোলাফায়ে রাশেদীন যাঁরা সাহাবাগণের গুরুজন ছিলেন, তাঁরা কেউই হুজুর ﷺ-এর রওয়া শরীফ যিয়ারত করে তাঁর কাছে কোনো জিনিস প্রার্থনা করেন নি। হযরত উমর (রা.) বৃষ্টির জন্যে দোয়া করতে হযরত আব্বাস (রা.)-কে আবেদন জানিয়েছিলেন, কারণ তিনি জীবিত ছিলেন এবং তাই আল্লাহর কাছে দোয়া করতে সক্ষম ছিলেন। যদি বেসালপ্রাপ্তদের কাছে বৃষ্টির চেয়ে দোয়া করতে আবেদন জানানো বৈধ হতো, তবে হযরত উমর (রা.) এবং সাহাবাগণ হুজুর ﷺ-এর রওয়ায় তা চাইতেন।’ (ফাতহ আল মজিদ)

ওহাবী পুস্তকটির ৪৮৬ পৃষ্ঠায় উল্লিখিত আছে যে, ‘তোমরা যেখানেই থাকো না কেন, তোমাদের দরুদ আমার কাছে পৌঁছানো হবে’- হাদীসটি সহীহ ও মশহুর, কিন্তু উপর্যুক্ত উদ্ধৃতিতে সে বলতে চাচ্ছে যে, নবী পাক ﷺ কিছুই শ্রবণ করতে পারেন না, আর তাই দোয়াও করতে অক্ষম এবং তাঁর কাছে দোয়া করার জন্যে আবেদন জানানো শিরক! ওহাবী লোকটির কথা পরস্পরবিরোধী। সুরা ফাতিরের আয়াত, যেটা সে তার ধ্যান-ধারণা প্রতিষ্ঠা করার জন্যে পেশ করেছে, সেটা আসলে অবতীর্ণ হয়েছিল সেই সকল মুশরিকদের প্রতি যারা আল্লাহর ইবাদত-বন্দেগী না করে মূর্তি পূজো করতো। আল্লাহর প্রিয়নবী ﷺ এবং আউলিয়া (রহ.)-এর মাযার-রওয়ায় গমন করে শাফায়াত প্রার্থনাকারী মুসলিমদের ওপর কাফেরদের প্রতি অবতীর্ণকৃত আয়াতসমূহ চাপানো কুরআনের কুৎসা রটনা বৈ কিছু নয়। উপর্যুক্ত আয়াতটি কবর কিংবা বেসালপ্রাপ্তজন-সংক্রান্ত নয়, বরং আল্লাহ পাকে অবিশ্বাসী মূর্তি পূজারী সংক্রান্ত। মুসলিমদেরকে ওই আয়াতের বিষয়বস্তুতে পরিণত করার কোনো অধিকার ওহাবীদের নেই। কেননা, তাদের ধারণাটির-ই কোনো ভিত্তি নেই। সুরা আহকাফের উক্ত আয়াতের আগের আয়াতটিতে আল্লাহ তা’আলা বলেন, ‘সেই ব্যক্তির চেয়ে খারাপ এবং গোমরাহ আর কেউ হতে পারে না, যে নাকি আল্লাহকে ছেড়ে শ্রবণে অক্ষম মূর্তিসমূহের অর্চনা করে।’ (আয়াত) এ আয়াতটিও কাফেরদের সম্পর্কে অবতীর্ণ হয়েছে। হযরত ওমর (রা.) বৃষ্টির জন্যে দোয়া করতে যাবার সময় সুন্নত পালনের নিয়তেই গিয়েছিলেন। যেহেতু নবী কারীম ﷺ বৃষ্টির জন্যে দোয়া করেছিলেন, সেহেতু হযরত ওমর (রা.)-ও সুন্নত অনুযায়ী বৃষ্টির জন্যে দোয়া করেছিলেন। বৃষ্টির জন্যে দোয়া পালন হচ্ছে একটা ইবাদত এবং ইবাদত সবসময়-ই সুন্নত অনুযায়ী পালন করতে হয়। উপরন্তু, হানাফী ফিকাহর কিতাব ‘মারাকিউল ফালাহ’-তে লেখা আছে, ‘বৃষ্টির দোয়া (ইসতিস্কা) করার সময় মাদীনাবাসীদের জন্যে মসজিদ আন্-নববীতে সমবেত হওয়া উত্তম।

কারণ, সেখানে হুজুর ﷺ ছাড়া অন্য কারও মধ্যস্থতায় আল্লাহর কাছে কোনো আবেদন জানানো হয় না; যেহেতু সেভাবে কোনো কিছু অর্জন করা-ই অসম্ভব। ইমাম বুখারী ও মুসলিম শরীফে লিপিবদ্ধ আছে যে নবী পাক ﷺ-ও মসজিদ-এ-নববীতে বৃষ্টির দোয়া পালন করেছিলেন। দোয়া পালনের স্থানটি যতো বেশি মর্যাদাসম্পন্ন হবে, নেয়ামত বর্ষণ-ও ঠিক ততো বেশি হতে থাকবে। প্রথমে দুই খলিফা [হযরত আবু বকর ও হযরত ওমর]-এর মাধ্যমে হুজুর ﷺ-কে আবেদন জানানো হবে। এর পর তিন জনের মধ্যস্থতায় আল্লাহর কাছে প্রার্থনা করতে হবে। (মারাক-ইউল-ফালাহ) উক্ত ওহাবী কর্তৃক লিখিত পুস্তকটির আরেকটি মিথ্যা প্রচারণা হচ্ছে এই যে, রওয়াকে আকদাস যিয়ারতকালে কিবলার দিকে মুখ করে রওয়াগুলোর দিকে পিঠ দিয়ে দাঁড়াতে হবে। ‘মারাকিউল ফালাহ’ পুস্তকটি বলে, ‘যিয়ারতকারী রওয়াক দিকে মুখ করে কেবলকে পেছনে রেখে যিয়ারত করবে। অন্যান্য মাযার-রওয়া যিয়ারতের সময়েও একই রকম হবে।’ সুন্নত অনুসারে সমবেত হয়ে বৃষ্টির জন্যে প্রার্থনা কুরআন-সুন্নাহ সমর্থিত একটি ইবাদত। এই সংশ্লিষ্ট সুন্নাহ না মেনে রওয়াকে আকদাসে বৃষ্টি কামনা করার অর্থ এই ইবাদতকে পরিবর্তন করা ছাড়া আর কিছু নয়। প্রত্যেক মুসলিমকে আদেশ দেয়া হয়েছে কোনো ফরয সালাত কাযা হয়ে গেলে তা যেন তিনি আদায় করে নেন, যাতে কাযা হওয়ার গুণাহ মাফ হয়ে যায়। কাযা সালাত পূরণ না করে যেমন রওয়াকে আকদাসে তার জন্যে গুনাহ মাফ চাওয়া বৈধ নয়, ঠিক তেমনি রওয়াকে আকদাসে বৃষ্টির জন্যে আবেদন জানানো-ও বৈধ নয়। তবুও সুপ্রসিদ্ধ হাদীসে বিবৃত হয়েছে যে, রওয়াকে আকদাসে ওই ধরনের ইবাদত পালন অন্যান্য স্থানে তা পালনের চেয়ে সহস্র গুণ উপকারী।

নিশ্চয় কোনো ওলীর জন্যে নামায পড়া যাবে না। নামায পড়ার সময় কোনো ব্যক্তি কোনো ওলীর মাযারের দিকে নিয়ত করতে পারবে না। এটা মহা-গুনাহ, কিংবা শিরক-ও হতে পারে। কিন্তু আউলিয়ার মাযার-রওয়াক কাছে আল্লাহর উদ্দেশ্যে কিবলামুখো হয়ে নামায পড়া মহা-সওয়াবদায়ক। কারণ, খোদায়ী নেয়ামত আউলিয়ার মাযার-রওয়াক প্রবাহিত হয়। যদি কবর কিংবা মাযারের কাছে নামায পড়া বৈধ না হতো, তবে সাহাবায়ে কেবলমাত্র কখনো রওয়াকে আকদাসকে মসজিদের ভেতরে স্থাপন করতেন না। সকল সাহাবা এবং কোটি কোটি মুসলিম গত ১৪শ বছর ধরে রওয়াকে আকদাসের কাছে নামায পড়েছেন। সেই জায়গায় নামায পড়ার উচ্চমর্যাদা হাদীসে ব্যক্ত হয়েছে। মসজিদ আন-নববীতে যারা শেষ কাতারে নামায পড়েন, তাঁরা রওয়াকে আকদাসকে সামনে রেখে নামায পড়ে থাকেন। কোনো ইসলামী আলেম-ই এর বিরোধিতা করেন নি। আউলিয়ার মাযার-রওয়াক কাছে নামায পড়ার বৈধতা প্রমাণকারী এই দলিলের চেয়ে কি কোনো বড় দলিল আর আছে? হাদীসে নিষেধ করা হয়েছে কবরকে উদ্দেশ্য করে নামায পড়তে। কিন্তু উলামার ইজমা অনুযায়ী, কিবলার দিকে নামায পড়ার সময় সামনে যদি কোনো কবর থাকে, তাহলে নামাযের কোনো ক্ষতি হবে না। ইমাম ইবনে হাজার আল হায়তামী আল মক্কী (রহ.) তাঁর কৃত ‘যওয়াজির’ গ্রন্থের ৯১ পৃষ্ঠায় সহীহ বুখারী শরীফে লিপিবদ্ধ হাদীস-এ-কুদসীটি উদ্ধৃত করেন: আল্লাহ্ তা‘আলা ফরমান, ‘যে ব্যক্তি আমার ওলীর প্রতি বিরূপ ভাবাপন্ন, সে প্রকৃতপক্ষে আমার সঙ্গেই যুদ্ধে লিপ্ত। আমার বান্দা আর অন্য কোনো কিছুর মাধ্যমে আমার এমন নৈকট্য পায় না যেমনটি পায় ফরয পালনের মাধ্যমে। সে যখন নফল পালন করে, তখন তাকে আমি এতো ভালোবাসি যে, সে যা-ই কিছু চায় তা-ই আমি তাকে মঞ্জুর করে থাকি।’ (হাদীসে কুদসী) পৃষ্ঠা ৯৫-তে ইমাম ইবনে হাজার হায়তামী মক্কী (রহ.) লিখেন, “একটা হাদীস ঘোষণা করে: ‘যখন কেউ আমার প্রতি দরুদ পাঠ করে, তখন তা আমাকে জানানো হয়। আর আমি তার জন্যে দোয়া করি।’ (হাদীস) আরেকটি হাদীস ঘোষণা করে, ‘যখন কোনো মুসলমান আমার প্রতি সালাম দেয়, তখন আমার রুহকে ফিরিয়ে দেয়া হয়। আমি

তাঁর সালামের জওয়াব দিই। আশ্বিয়া (আ.) তাঁদের মাযার-রওয়ায় জীবিত।’ আবু দারদা বর্ণিত একটি হাদীসে বলা হয়েছে, ‘আশ্বিয়া (আ.) এর দেহ মোবারক মাটিতে পচে না। শুক্রবার আমার প্রতি ঘন ঘন দরুদ পাঠ করবে; প্রতি শুক্রবার উম্মত কর্তৃক পঠিত এই দরুদ আমার সামনে পেশ করা হবে।’ সাহাবা-এ-কেরাম (রা.) আরয করেন, ‘এয়া রাসূলুল্লাহ ﷺ! মাটিতে আপনার দেহ মোবারক মিশে যাওয়ার পর কীভাবে আপনাকে দরুদ সম্পর্কে জ্ঞাত করানো হবে?’ তিনি জবাবে বলেন, ‘আল্লাহ পাক মাটির জন্যে আশ্বিয়া (আ.) এর দেহ মোবারককে হারাম করে দিয়েছেন।’ (হাদীস) এ ধরণের বহু হাদীস আছে। এ সব হাদীস প্রতিভাত করে যে, আশ্বিয়া (আ.) তাঁদের মাযার-রওয়ায় জীবিত এবং তাঁরা মাটির মধ্যে পচেন না। আউলিয়া (রহ.) হলেন তাঁদের ওয়ারিশ (আর তাই তাঁরাও ওয়ারিশীসূত্রে এই নেয়ামত পেয়ে থাকেন)।” [ইমাম ইবনে হাজারের ‘যাওয়াজীর’, ৯৫ পৃষ্ঠা] ইমাম দায়লামী (রহ.) বর্ণিত এবং ইমাম মানাবী (রহ.)-এর ‘কানযুদ্ দাকায়েক’ গ্রন্থে লিপিবদ্ধ একটি হাদীসে মহানবী ﷺ বলেন, “যদি মাযারস্থ (আউলিয়া) না থাকতেন, তবে দুনিয়াবাসী জ্বলে পুড়তো।” এ সকল হাদীস পরিস্ফুট করে; আল্লাহ তা’আলা বেসালপ্রাপ্তজনের ওয়াস্তে জীবিতদেরকে নেয়ামত দান করে থাকেন। আল আসকারী রেওয়ায়াতকৃত এবং ইমাম মানাবী (রহ.)-এর ‘কানযুদ্ দাকায়েক’ পুস্তকে লিপিবদ্ধ একটি হাদীস ঘোষণা করে, “আমি ইয়াহইয়া (আ.) এর মাযার যেয়ারত করতাম যদি তাঁর অবস্থান জানতাম।” (হাদীস)

৩০/ — ওহাবী লেখক তার পুস্তকের ১৪৬ এবং ৯৫৮ পৃষ্ঠায় লিখেছে: “আল্লাহ্ ভিন্ন অন্য কারও উদ্দেশ্যে পশু-পাখি কুরবানি করা হারাম। এই উম্মতের মুনাফেকরা যারা নক্ষত্রের নৈকট্য লাভের জন্যে তা করতো তাদের মতো যদি এরাও [মুসলিমগণ] জন্তু-জানোয়ার ইত্যাদি জবেহ করে, তবে এরাও মুরতাদ হয়ে যাবে – এমন কি যদি এরা জবেহ করার সময় বাসমালা বলেও, তাতেও কোনো লাভ হবে না। এদের জবেহকৃত পশুর গোস্ত খাওয়া হালাল নয়। আয্ যামাখশারী বলেছেন, যখন কেউ একটা নতুন বাড়ি কিনে কিংবা নির্মাণ করে, তখন যদি সে জ্বিনের আসর থেকে তা মুক্ত রাখার উদ্দেশ্যে জন্তু-জানোয়ার কুরবানী করে, তবে সে ক্ষেত্রেও একই সিদ্ধান্ত গৃহীত হবে। ইব্রাহীম আল মারুযী বলেন, সুলতান কিংবা প্রাদেশিক শাসনকর্তাগণ যখন ক্ষমতাসীন হন, তখন যদি কেউ তাঁদের কাছ থেকে সুবিধাদি পাওয়ার জন্যে পশু-পাখি কুরবানী করে, তবে তা হারাম হবে; কারণ তখন সেগুলো আল্লাহ ভিন্ন অন্য কারও উদ্দেশ্যে কুরবানি করা হবে। ‘ইহলাল’-এর অর্থ হচ্ছে আল্লাহ্ ভিন্ন অন্য কারও নাম নিয়ে পশু জবেহ করা। আল্লাহ্ ভিন্ন অন্য কারও নামে পশু জবেহ করার নযর অথবা মানত করাও একই ব্যাপার [অর্থাৎ, ইহলাল]। পশু জবেহ করার বহু আগেও যদি ওই বুযূর্গের নাম বলা হয়, যেমন ‘অমুক সাইয়েদ অথবা সাইয়েদার জন্যে’-তাতেও কোনো পার্থক্য হবে না। ওই ধরণের নযরকৃত পশু-পাখি জবেহ করার সময় বিসমিল্লাহ বললেও কোনো লাভ হবে না। আল্লাহ্ ভিন্ন অন্যান্য ব্যক্তিদের কাছ থেকে সুবিধা পাওয়ার উদ্দেশ্যে খাদ্য এবং পানীয় নযর-মানত করাটাও এ ধরণের একটা উদাহরণ। ‘মৃত’জনের উপকারার্থে অথবা তাঁদের কাছ থেকে বরকত আদায়ের উদ্দেশ্যে তাঁদের মাযারে খাদ্য ও পানীয় নিয়ে গিয়ে গরীবদেরকে দান করাও আল্লাহ ভিন্ন অন্য কারও জন্যে নযর পালন করার সমতুল্য, যেমন – মূর্তি, সূর্য, চাঁদ অথবা কবরসমূহ, কিংবা আল্লাহ ভিন্ন অন্য কারও নামে কসম করা ওই ধরণের কাজ। এগুলোর সব-ই শিরক! মুসলিমদের ঐকমত্য অনুযায়ী, কিছু গোমরাহ কর্তৃক মাযারে মোমবাতি কিংবা প্রদীপ ইত্যাদি মানত করা মহাপাপ। মাযারে যে সকল গরীব লোক খেদমত করে তাদের জন্যে কিছু দ্রব্য-সামগ্রী দান করার মানত করা অনেকটা গীর্জায় অবস্থিত মূর্তির সেবকদের জন্যে নযর করার মতো-ই ব্যাপার! এ সকল কাজ ইবাদত বটে,

কিন্তু যখন আল্লাহ ভিন্ন অন্য কারও জন্যে এগুলো করা হয়, তখন তা নিঃসন্দেহে শিরক। হানাফী আলেম শায়খ কাসিম তাঁর প্রণীত ‘দুরার’ গ্রন্থে লিখেন, ‘কিছু অজ্ঞ লোক যাদের আত্মীয় অথবা বন্ধু-বান্ধব কোনো দূরদেশে সফরে গিয়েছেন কিংবা অসুস্থ অথবা যারা কোনো জিনিস হারিয়েছে তারা বিশুদ্ধ মুসলিমদের কবর যেয়ারত করে এবং স্বর্ণমুদ্রা কিংবা মোমবাতি অথবা খাদ্য ও পানীয় প্রদান করার মানত করে থাকে, যাতে আল্লাহ তাদের আত্মীয় এবং বন্ধু-বান্ধবদেরকে নিরাপদে ফিরিয়ে আনেন কিংবা অসুস্থদের সুস্থ করে দেন কিংবা হারিয়ে যাওয়া জিনিস পাইয়ে দেন; এই ধরনের মানত কুসংস্কারাচ্ছন্ন। নযর করা এক ধরনের ইবাদত, যেটা আল্লাহ ভিন্ন অন্য কারও জন্যে পালন করা যায় না। ‘মৃত’জন কোনো কিছু মালিক নন এবং তাদের কাছে কোনো কিছুই পেশ করা যায় না। শুধুমাত্র আল্লাহই সমস্ত কিছু পরিচালনা করে থাকেন। ‘মৃতজন’ কিছুই করতে সক্ষম নন। তাঁরা কাজ করতে সক্ষম ধারণা পোষণ করাটা কুফর। ‘বাহর’ গ্রন্থে ইবনে নুজাইম বলেন, ‘ওই ধরনের গোমরাহ কাজ আহমদ আল বাদাউয়ীর মাযারে অহরহ সংঘটিত হয়ে থাকে। হানাফী আলেম শায়খ সানাউল্লাহ হলাবী বলেছেন যে, আউলিয়ার জন্যে নযর (মানত) এবং পশু-পাখি জবেহ করা বৈধ নয়। আহমদ আল বাদাউয়ীর মাযার তানতা নগরীতে অবস্থিত। সে মরক্কোর কাছে অবস্থিত মুলাসসামা রাষ্ট্রের গুপ্তচর ছিল। এই গুপ্তচর মুসলিমদেরকে মিথ্যা ও চালবাজির মাধ্যমে ধোকা দিয়েছিল। তার কবর এখন একটা গীর্জার মতো। মানুষেরা তার উদ্দেশ্যে নযর করে। তারা তার পূজা করে থাকে। প্রত্যেক বছর তিন লক্ষ লোক এই মূর্তির কাছে তীর্থযাত্রা করে থাকে।’ বাহর গ্রন্থের উদ্ধৃতি এখানে শেষ হলো।” (ফাতহ আল মজিদ)

উক্ত ওহাবী কর্তৃক লিখিত পুস্তকটির উপর্যুক্ত উদ্ধৃতিটি যদি সূক্ষ্মভাবে বিশ্লেষণ করা হয়, তাহলে দেখা যাবে যে সেটা প্রথমে কোরআনের আয়াত, হাদীস এবং আহলে সুন্নাতের আলেমদের কথা উদ্ধৃত করে মুসলিমদেরকে ধোকা দিতে অপতৎপর এবং এরপর সেটা হারাম, মাকরুহ, এমন কি মুবাহকেও কুফর ও শিরক হিসেবে চিহ্নিত করার অপপ্রয়াস পেয়েছে। ওই ওহাবী আল্লাহর প্রিয় বান্দাদের সঙ্গে মূর্তির এবং তাঁদের মাযারগুলোর সঙ্গে গীর্জার তুলনা দিতে চেষ্টারত! বাহাওরটি ভ্রান্ত ফেরকাকে তাদের গোমরাহীপূর্ণ কর্মের জন্যে সমালোচনা করতে যেয়ে সে সুন্নী আউলিয়া ও মুসলিমদেরকে কাফের ও মুশরিক হিসেবে ফতওয়া দিয়েছে। মুসলিমদেরকে ওহাবীদের ধোকা থেকে রক্ষা করার জন্যে এক্ষণে আমি আল্লামা দাউদ ইবনে সুলাইমান আল বাগদাদী (রহ.) প্রণীত ‘আশাদ্দুল জিহাদ ফী দাওয়া’ আল ইজতিহাদ’ গ্রন্থ থেকে দশটি পাতা উদ্ধৃত করবো। আশা করি এর ফলে এ কথা সুস্পষ্ট হয়ে যাবে যে, ওয়াহাবীরা মিথ্যাবাদী।

কিন্তু উদ্ধৃতিটির আগে হযরত আহমদ ইবনে আল বাদাউয়ী যাকে এই ওহাবী লেখক একটি মূর্তি হিসেবে আখ্যা দিয়েছে, তাঁর একটি সংক্ষিপ্ত জীবনী পেশ করা সমীচীন বলে মনে করি। ‘ক্বামুস আল আলম’ গ্রন্থে শামসুদ্দীন সামী বেগ তাঁর সম্পর্কে লিখেছেন, ‘হযরত আহমদ বাদাউয়ী একজন প্রখ্যাত ওলী এবং শরীফ, অর্থাৎ, ইমাম হাসান (রা.)-এর বংশধর ছিলেন। তাঁর প্রপিতামহ আল হাজ্জাজের অত্যাচার থেকে বাঁচার জন্যে মরক্কো আসেন। আল বাদাউয়ী ৫৯৬ হিজরী সালে মরক্কোতে জন্ম গ্রহণ করেন। সাত বছর বয়সে তিনি তাঁর পিতা ও ভ্রাতাদের সঙ্গে মক্কা গমন করেন। স্বপ্নে আদিষ্ট হয়ে তিনি ৬৩৩ হিজরী সালে ইরাক ও দামেস্ক যান। পরে তিনি মিশরের তানতায় বসতি স্থাপন করেন। তাঁর কাছ থেকে বহু কারামত প্রত্যক্ষ করা হয়েছিল এবং তিনি যে একজন মহান ওলী ছিলেন, তা এতে প্রতিভাত হয়েছিল। তাঁর খ্যাতি সর্বত্র ছড়িয়ে পড়ার পর সহস্র সহস্র মুসলিম তাঁর শিষ্যত্ব বরণ করেন। তিনি ৬৭৫ হিজরী সালে তানতায় বেসালপ্রাপ্ত হন।’ ওহাবী ব্যক্তিটির

আরেকটা জঘন্য কুৎসা রটনা হচ্ছে- হযরত বাদাওয়ীকে মুলাসসামা রাষ্ট্রের চর হিসেবে চিহ্নিতকরণের প্রচেষ্টা। মুলাসসামা অথবা মুরাবিতিন ইসলামী রাষ্ট্রের পত্তন হয় দক্ষিণ মরক্কোতে, ৪৪০ হিজরী সালে। এর রাজধানী ছিল মারাকেশ। মুলাসসামা শাসনামলে স্পেন জয় হয়। এক শতাব্দী পরে ৫৪১ হিজরীতে এর ভুখণ্ডে মুওয়াহহিদীন রাষ্ট্রের পত্তন ঘটে। হযরত আহমদ আল বাদাওয়ী যখন জন্মগ্রহণ করেন, তখন আর কোনো মুলাসসামা রাষ্ট্রের অস্তিত্ব ছিল না। সেটা বিলুপ্ত হয়েছিল এবং সেটার নাম তখন ইতিহাসের পাতায় স্থান পেয়েছিল। ওহাবী গোমরাহ লোকেরা তাফসীর ও হাদীসের জ্ঞানে যেমন পরিতাপজনকভাবে অজ্ঞ, ঠিক তেমনি ইতিহাস এবং বৈষয়িক জ্ঞানেও মাত্রাতিরিক্ত অজ্ঞ। যেহেতু আরবী তাদের মাতৃভাষা, সেহেতু তারা সাবলীল কলম দ্বারা আয়াত, হাদীস ও উলামা-এ-ইসলামের বাণীসমূহের বিকৃত ব্যাখ্যা দিতে সমর্থ হয়েছে। তারা এসব সূক্ষ্ম এবং সুগভীর দলিলগুলোকে খবর কাগজের মতো পড়ে যায় এবং তাদের শূন্য মস্তিষ্ক ও খাটো যুক্তি দ্বারা যা উপলব্ধি করে, তা-ই তারা সেগুলোর প্রতি আরোপ করে থাকে। সাইয়েদ কুতুব এবং মুহাম্মদ আবদুহ এই ধরনের বিকৃত ব্যাখ্যাদানকারীদের মধ্যে অন্যতম। আল্লাহ তা'আলা মুসলিম সাধারণকে এই সকল ভাঁওতাবাজ, ইসলামের দুশমনদের ক্ষতিকর চক্রান্ত থেকে মুক্ত রাখুন, আমিন!

হযরত দাউদ ইবনে সুলাইমান আল বাগদাদী তাঁর 'আশাদুল যিহাদ' পুস্তকে লিখেছেন: “কিছু লোক বলে যে, আল্লাহর জন্যে নযর-মানত এবং পশু-পাখি জবেহ করে গোস্তুগুলো গরীবদেরকে দান করে তার সওয়াব আশ্বিয়া (আ.) এবং আউলিয়া (রহ.)-বৃন্দের রুহের প্রতি বখশে দেয়া জায়েয নয়। তারা এটাকে কুফর ও শিরক আখ্যা দিয়ে থাকে। তাদেরকে সাথে সাথে প্রতুত্তর দেয়া জরুরী হয়ে দাঁড়ায়। তারা হচ্ছে লা-মাযহাবী গোষ্ঠী। তারা কোনো মাযহাবের ইমাম অথবা কোনো ইসলামী আলেমকেই অনুসরণ করে না। তাদের স্থূল দৃষ্টিকোণ ও ত্রুটিপূর্ণ যুক্তির সাহায্যে তারা মন্তব্য করে থাকে। এখানে আমরা প্রথমে তাদের কথাকে খণ্ডন করবো; তারপর ইসলামী উলামা যা লিখেছেন, তা লিপিবদ্ধ করবো।

আল্লাহ তা'আলা সুরা বাকারার ২৭২ নং আয়াতে (যথাক্রমে) বলেন, ‘গরীবদের জন্যে প্রদত্ত তোমাদের সাদকা এবং তোমাদের কৃত নযর (মানত) সম্পর্কে আল্লাহ ভালোই জানেন’ [আয়াত] এবং ‘তাদের নযরগুলো পূরণ করা উচিত।’ (আল আয়াত)

সুরা আদ দাহর ৭ নং আয়াতে ‘তারা যা মানত করে তা তারা পূরণ করে’ – এ কথা ঘোষণা করে তিনি নযর পালনকারীদেরকে প্রশংসা করেছেন। এ সকল আয়াতে আল্লাহ পাক বোঝাচ্ছেন, যারা নযর পালন করে তাদেরকে তিনি চেনেন এবং তাদের প্রশংসা করেন। তিনি ঘোষণা করেন; নযর এমন একটা জিনিস যা তাঁর তুষ্টি অর্জনে পালন করা হয়। নবী-এ-মকবুল ﷺ-কে জিজ্ঞাসা করা হয়: ‘এয়া রাসূলুল্লাহ ﷺ! যদি কোনো নর অথবা নারী মক্কার বাইরে একটা উট জবেহ করার মানত করে, তবে সেটা কি জাহেলীয়া যুগের মূর্তিদের সামনে জবেহকৃত উটগুলোর মতোই হবে?’ হুজুর ﷺ জওয়াব দেন, ‘না, তা হবে না! সেই নর অথবা নারীর নযর পূরণ করা উচিত। আল্লাহ সর্বত্র হাযির-নাযির আছেন এবং তিনি সব কিছুই দেখছেন। প্রত্যেক ব্যক্তির নিয়ত সম্পর্কে তিনি ওয়াকিবহাল আছেন।’ (হাদীস) ওহাবীদের গোমরাহীকে খণ্ডন করার জন্যে এই হাদীসটিই যথেষ্ট। আল্লাহর ওয়াস্তে নযরকৃত পশু-পাখি বুয়ূর্গ-সালেহীনদের মাযার-রওয়ার কাছে জবেহ করে সেখানে বসবাসরত গরীবদের কাছে গোস্তুগুলো দান করে সাওয়াবটুকু ওই সকল বুয়ূর্গ-সালেহীনদের রুহ মোবারকের

প্রতি পৌঁছিয়ে দেয়া জায়েয। এটা পাপ নয়। আল্লাহর ওয়াস্তে মানতকৃত জঙ্ক-জানোয়ার জবেহ করা একটা ইবাদত বিশেষ। আর গরীব মিসকিনদেরকে গোস্তগুলো দান করা আরেকটা ইবাদত। এ দু'টো এবাদতের প্রত্যেকটাকেই ভিন্ন ভিন্নভাবে পুরস্কৃত করা হবে।

মুসলিমগণ কর্তৃক আল্লাহর ওয়াস্তে বেসালপ্রাপ্ত জনের প্রতি মানত পূরণার্থে মাযার-রওয়ার কাছে পশু-পাখি জবাইকে মূর্তি পূজোর সঙ্গে তুলনা দেয়াটা ওহাবীদের একটা জঘন্য কুৎসা রটনার অপপ্রয়াস মাত্র। আয়াত ও হাদীস পেশ করে তাদেরকে এটা প্রমাণ করতে হবে। এই ধরনের কোনো প্রামাণ্য দলিল তারা নয়-মানতের বিরুদ্ধে এখনও পেশ করতে পারে নি। মুসলিমদেরকে তারা কাফের-মুশরিকদের প্রতি অবতীর্ণকৃত আয়াতগুলোর বিষয়বস্তু হিসেবে পরিণত করতে চায়। ফকীহ উলামাবৃন্দের বইপত্রে বর্ণিত হারাম অথবা মাকরুহ, এমন কি জায়েয বিষয়গুলোকে পর্যন্ত উল্লেখ করে তারা চিৎকার করতে থাকে 'এটা কুফর' এবং 'ওটা শিরক'! বস্তুতঃ তারা মাযহাবের ইমাম অথবা ফকীহ উলামাকে তা'যিম করে না। ওহাবীরা তাদের স্বার্থের অনুকূল উদ্ধৃতিসমূহ পেশ করে থাকে, অথবা আহল-এ-সুন্নাতে মুসলিমদেরকে প্রতারিত করার জন্যে নিজেদের ভ্রান্ত প্রমাণগুলো পেশ করে থাকে। কিন্তু আয়াত ও হাদীসসমূহ থেকে তারা যা উপলব্ধি করে, তা-ই তারা অনুসরণ করে। সূরা বাকারার ১৭৩ নং আয়াত তারা পেশ করে থাকে: 'মুশরিকরা আল্লাহ্ ভিন্ন অন্য কারও জন্যে ইহলাল পালন করে' – তাদের যুক্তির ভিত্তি হিসেবে এই আয়াতটাও তারা সবসময় পেশ করে। তারা বলে যে আল্লাহ্ ভিন্ন অন্য কারও জন্যে যদি কেউ কোনো জঙ্ক-জানোয়ার কোরবানি করে, তবে সে কাফের ও মুশরিক হয়ে যাবে। তাহলে তাদের কথানুযায়ী সকল ওহাবী এবং মুসলিমগণ কাফের হয়ে গিয়েছে, যেহেতু মুসলিম রাষ্ট্রগুলোতে প্রত্যেক দিন আল্লাহর ওয়াস্তে কিংবা এবাদতের উদ্দেশ্যে নয়, বরং ব্যবসায়িক ও পুষ্টিগত উদ্দেশ্যে শত-সহস্র পশু-পাখি জবেহ করা হয়। ওহাবীরা এ সম্পর্কে কী উত্তর দেবে, যেখানে তারাই দাবি করে যে, আল্লাহ্ ভিন্ন অন্য কারও জন্যে পশু কোরবানি করা কুফর?

লা-মাযহাবীরা বলে যে, মাযার থেকে দূরে কোথাও জঙ্ক-জানোয়ার কোরবানী করে সওয়াবগুলো বেসালপ্রাপ্ত জনের রুহের ওপর পৌঁছিয়ে দেয়া জায়েয। কিন্তু এটাও তাদের ফতোয়া অনুযায়ী কুফর ও শিরক হওয়া উচিত। তারা বলে যে, তারা আল্লাহর উদ্দেশ্যে জবেহ দিয়ে গরীবদেরকে গোস্তগুলো দান করে এবং সওয়াবগুলো বেসালপ্রাপ্তদের রুহের ওপর পৌঁছিয়ে দেয়। আমরা বলি, আমরাও একই উদ্দেশ্য নিয়ে আশ্বিয়া (আ.) এবং আউলিয়া (রহ.)-এর জন্যে জবেহ করে থাকি। তাঁদের জন্যে পশু-পাখি জবেহ দানকারীদের যে বদ নিয়ত আছে তা তোমরা কীভাবে জানো? একমাত্র আল্লাহ্ এবং তাঁর দ্বারা পরিজ্ঞাত ব্যক্তিগণই মানুষের নিয়ত সম্পর্কে জানতে পারেন। অন্য কেউ কখনো জানতে পারে না। ওহাবীদের দ্বারা অহরহ ব্যবহৃত উপর্যুক্ত আয়াতের 'ইহলাল' শব্দটির অর্থ হচ্ছে 'উচ্চস্বরে ঘোষণা করা।' জাহেলীয়া যুগে মূর্তি পূজোরীরা জঙ্ক-জানোয়ার জবেহ করার সময় চিৎকার করে বলতো, 'আল-লাতের জন্যে' কিংবা 'আল-উযযার জন্যে'। মুসলিমগণ 'বিসমিল্লাহ' অথবা 'আল্লাহ্ আকবর' বলেন জবেহ করার সময়; অথচ মূর্তি উপাসকরা আল্লাহর পরিবর্তে মূর্তির নাম করে ডাকতো। যদি কোনো মুসলমান জবেহ করার সময় আল্লাহর নামের পরিবর্তে 'আবদুল কাদির আল জিলানীর জন্যে' কিংবা 'আহমদ বাদাওয়ীর জন্যে' বলে এবং সে যদি এটা ইচ্ছাকৃতভাবে বলে, তবে তার এ কাজটা হারাম। যদি অজ্ঞ হওয়ার কারণে সে এই কথা বলে, তাহলে উলামায়ে কেরামের উচিত তাকে সঠিক

নিয়ত শিখিয়ে দেয়া। তাকে সাথে সাথেই কাফের বলা যাবে না, যেমনিভাবে ওহাবীরা বলে থাকে। আমরা এ বিষয়ে আরও বিস্তারিত ব্যাখ্যা দিবো।

কাসিম ইবনে কাতলুবুগা-এর উদ্ধৃতি (দুরারুল বিহার-এর ব্যাখ্যা) দিয়ে ‘বাহর-এ রাইক’, নাহর-এ ফাইক’ এবং ‘রাদ্দুল মুখতার’ গ্রন্থগুলোতে লিখা হয়েছে: ‘অঞ্জ লোকদের দ্বারা নযর-মানতকৃত মোমবাতি কিংবা প্রদীপের তেল ও টাকা-পয়সা যা মাযারে নিয়ে যাওয়া হয়ে থাকে আউলিয়ার নৈকট্যপ্রাপ্তির অশ্বেষায়, তা যদি শুধুমাত্র বেসালপ্রাপ্ত জনের জন্যে হয়, তাহলে এ সকল কাজ হবে হারাম এবং কুসংস্কারাচ্ছন্ন। কিন্তু সেগুলো কুফর ও শিরক হবে না। ওই সব কাজ জায়েয হবে, যদি সেগুলো গরীবদেরকে দান করে প্রাপ্ত সওয়াব আউলিয়ার রুহসমূহের প্রতি পৌঁছিয়ে দেয়ার দৃষ্টিভঙ্গি নিয়ে করা হয়। কাসিম আল কাতলুবুগা মিসরী হানাফী (ইনতেকাল ৮৭৬ হিজরী/১৪৭৪ ঈসাদি) বলেন; নযর-মানত করাটা এক ধরণের ইবাদত এবং কোনো সৃষ্টির জন্যে কোনো ইবাদত পালন করা জায়েয নয়। কিন্তু ওপরের এ মন্তব্যটা ‘নযর কোনো উপকার বহন করে আনে না; এটা একজন কৃপণ লোকের সম্পত্তি খরচ হওয়ার কারণস্বরূপ’ – হাদীসটার সঙ্গে একমত নয়। এই হাদীস প্রতীয়মান করে যে, নযর মাকরুহ। একটা মাকরুহ কাজ কখনো ইবাদত হতে পারে না। আউলিয়ার মাযারের সন্নিহিত বা অন্য কোনো জায়গায় বসবাসকারী গরীবদেরকে সাদাকাস্বরূপ দান করার উদ্দেশ্য নিয়ে মুসলমানগণ জম্বু-জানোয়ার ও অন্যান্য জিনিস মানত করে থাকেন। কেউই গোস্ত কিংবা জিনিসগুলো বেসালপ্রাপ্তদের ব্যবহারের জন্যে বেসালপ্রাপ্তজনকে প্রদান করার কথা চিন্তা করেন না। হানাফী মাযহাব অনুযায়ী, নযর পালন করা জরুরী নয়। পূর্ব নির্ধারিত কোনো জায়গায় নযর পালন করাটাও অত্যাবশ্যিক নয়। উদাহরণস্বরূপ, ‘অমুক শায়খের জন্যে আমার নযর’ – বলা জায়েয। এর অর্থ- আল্লাহর ওয়াস্তে কৃত আমার নযরের সওয়াব ওই শায়খের জন্যে হবে। ওই শায়খের মাযারের কাছে পশুটি জবেহ করা আবশ্যিক নয়। অন্য কোনো জায়গায় জবেহ করে অন্যত্র বসবাসকারী গরীবদেরকে সাদাকাস্বরূপ গোস্তগুলো দান করা জায়েয। পশু-পাখি যেখানে-ই জবেহ করা হোক না কেন, সওয়াবটুকু ওই ওলীর কাছেই চলে যাবে যাঁর জন্যে নিয়ত করা হয়েছে। তবে উপর্যুক্ত কথাগুলো শায়খ কাসিম-এর যিনি কামালুদ্দীন মুহাম্মদ ইবনে হুমামের শিষ্য ছিলেন। ইবনে তাইমিয়া ছাড়া আর কোনো পূর্ববর্তী আলেমই শায়খ কাসিমের মতো কথা বলেন নি। ইবনে তাইমিয়া এতোই সীমালঙ্ঘন করেছিল যে বিভিন্ন নযর, বিশেষ করে পশু-পাখি জবেহ এবং মাযার যেয়ারতের জন্যে সে মুসলিমদেরকে দোষারোপ করেছিল। আহলে সুন্নাতে অধিকাংশ উলামা যাঁরা তার সমসাময়িক এবং যাঁরা পরবর্তীকালে এসেছিলেন, তাঁরা সবাই তার গোমরাহ ধ্যান-ধারণা খণ্ডন করেন এবং তা যে ভিত্তিহীন তা প্রমাণ করেন। যদি শেখ কাসিমের কথাগুলো সত্য হিসেবে ধরেও নেয়া হয়, তবুও আহলে সুন্নাতে উলামাবৃন্দ মন্তব্য করেছেন যে, কথাগুলো মুসলিমদেরকে খাটো করার জন্যে উচ্চারিত হয় নি, কারণ শায়খ কাসিমও বলেছেন গরীবদেরকে সাদাকাস্বরূপ গোস্ত দান করার উদ্দেশ্যে পশু-পাখি জবেহ করা বৈধ। আমরা ওপরে লিখেছি মুসলমান সমাজ এই নিয়তেই নযর পালন করে থাকে। শায়খ কাসিমের মন্তব্যের অনুরূপ সুন্নী আলেমগণের কথাকে ওহাবীরা দলিলস্বরূপ পেশ করে, যাতে মুসলমানদের প্রতারণিত করা যায়; কারণ ওহাবীরা নিজেরাই কুরআন কিংবা হাদীস ছাড়া অন্য কোনো মন্তব্যকে দলিলস্বরূপ গ্রহণ করে না। এমতাবস্থায় আমরা তাদেরকে অনুরোধ জানাই কুরআনের কোনো আয়াত কিংবা কোনো হাদীস পেশ করতে, যেখানে নবী কিংবা ওলীগণের জন্যে নযর-মানত করাকে শিরক বলা হয়েছে। তারা শুধু ‘ইহলাল’ সংক্রান্ত উপর্যুক্ত আয়াতখানা প্রদর্শন করে থাকে। আয়াতটি থেকে নিঃসৃত তাদের ধারণাগুলো সম্ভাবনা ও সন্দেহের ওপর প্রতিষ্ঠিত। যুক্তি এবং সিদ্ধান্ত

কখনো সন্দেহ ও সম্ভাবনার ওপর প্রতিষ্ঠিত হতে পারে না। খাদ্যের জন্যে জন্তু-জানোয়ার জবেহ করা 'ইহলাল' নয়; উদাহরণস্বরূপ, মেহমানদের জন্যে, যেহেতু সেটা হযরত ইব্রাহীম (আ.) এর সুন্নত। যদি তা 'ইহলাল' হতো, তাহলে নিশ্চয়ই হযরত ইব্রাহীম (আ.) মুশরিকদের ইহলাল পালন করতেন না।' (বাহর-এ-রাইক, নাহর-এ-ফাইক ও রাদ্দুল মুখতার)

সংক্ষেপে, আল্লাহর প্রিয় বান্দা, অর্থাৎ, আউলিয়া (রহ.)-এর জন্যে পশু-পাখি জবেহ করার নযর করার মধ্যে তিনটি উদ্দেশ্য নিহিত রয়েছে: আল্লাহর ওয়াস্তে জবেহ করা; গরীবদেরকে সাদাকাস্বরূপ গোস্ত এবং অন্যান্য অংশগুলো দান করা; সওয়াবটুকু কোনো ওলী (রহ.)-এর রুহের প্রতি পৌঁছিয়ে দেয়া। একমাত্র এই নিয়ত নিয়েই মুসলমানগণ পশু জবেহ করার নযর করে থাকেন; এই ধরণের নযর পালন করাটা মেহমানদের জন্যে পশু জবেহ করার চেয়েও ভালো, কেননা মেহমানগণ হয়তো ধনী হতে পারেন এবং তাই তাঁদের জন্যে সাদকা গ্রহণ করা জায়েয হয়তো না-ও হতে পারে। তবে কোনো সুলতান অথবা প্রশাসক কিংবা প্রত্যাশিত সফরকারী কোনো মেহমানের আগমন উপলক্ষে পশু-পাখি জবেহ দেয়া এবং গোস্তগুলো গরীবদের মাঝে বিতরণ না করে পঁচতে দেয়া নিঃসন্দেহে মূর্তি পূজোরীদের দ্বারা তাদের মূর্তির প্রতি পশু বলি দেয়ার মতো-ই ব্যাপার। বস্তুতঃ শাফেয়ী মাযহাবে এটা হারাম।

আল্লামা ইবনে হাজার আল মক্কী (রহ.)-কে মানুষেরা একবার জিজ্ঞাসা করে: 'কোনো জীবিত ওলীর জন্যে মানত করা কি জায়েয? নযরকৃত জিনিসগুলো সেই ওলীকে কিংবা কোনো গরীব লোককে দেয়া কি অত্যাব্যশ্যক? কোনো বেসালপ্রাপ্ত ওলীর জন্যে নযর করা কি জায়েয? সেই ওলীর সন্তান ও আত্মীয়, অথবা তাঁর অনুসারী মুরীদ ও খাদেমদেরকে কি নযর-মানতকৃত সম্পত্তি প্রদান করা জরুরী? কবরের ওপর দেয়াল, রেইলিং নির্মাণ অথবা কোনো পুরোনো ইমারত পুনঃনির্মাণ করা কিংবা কবরের ওপর গম্বুজ নির্মাণ করার নযর-মানত করা সহীহ কিনা?

তিনি উত্তর দেন: 'একজন জীবিত ওলীর জন্যে মানত করা সহীহ। মানতকৃত জিনিস তাঁকে প্রদান করা ওয়াজিব। অন্য কাউকে দেয়া বৈধ নয়। আর বেসালপ্রাপ্ত ওলীর ক্ষেত্রে যদি মানতকারী শুধু তাঁকে দেয়ার জন্যেই নিয়ত করে, তাহলে তা অ-সহীহ এবং ভ্রান্তি; মানত সহীহ হবে যদি তা দান-খয়রাতের নিয়তে করা হয়। উদাহরণস্বরূপ, ওই ওলীর সন্তান-সন্ততি, মুরিদানবন্দ কিংবা তাঁর মাযারের সন্মিকটে অথবা অন্যত্র বসবাসকারী গরীব-মিসকিনদেরকে দান করার নিয়তে নযর-মানত করা সহীহ এবং তখন মানতকৃত জিনিসপত্র দান করা ওয়াজিব। যদি মানতকারী ব্যক্তি তাঁর নযর পালন করার পদ্ধতি নির্ধারণ না করে থাকে, তবে সে তাঁর সমসাময়িক মুসলমানদের প্রথানুযায়ী তা পালন করবে। প্রায় প্রত্যেক মুসলমান-ই উপর্যুক্ত লোকদের একজনকে মানতকৃত বস্তু দান করে সেটার সওয়াব বেসালপ্রাপ্ত জনের কাছে উপহারস্বরূপ পৌঁছিয়ে দেয়ার কথা চিন্তা করেন তখন, যখন তিনি "এটা অমুক বেসালপ্রাপ্ত ওলীর জন্যে আমার নযর"- কথাগুলো বলে মানত করেন, এবং যেহেতু মানতকারী দৃঢ়ভাবে প্রতিষ্ঠিত প্রথাসমূহ সম্পর্কে জানেন, সেহেতু তাঁর মানত প্রথানুযায়ী-ই হয়। তাঁর নযর ওয়াকফের মতো-ই সহীহ হবে। যদি ওয়াকফ প্রদানকারী কোনো ব্যক্তি কোনো শর্ত উল্লেখ না করেন, তাহলে তাঁর প্রদত্ত ওয়াকফটি প্রচলিত প্রথাসমূহের আওতাধীন হবে। মাযার-রওয়া নির্মাণ ও আস্তর করার নযর করা বাতিল (কুসংস্কার)। তবে ইমাম আযরাই ও ইমাম আয-যারকাশী এবং

অনেকের মতে, নবী, ওলী ও উলামার মাযার-রওয়ার চারপাশে তা নির্মাণ করা জায়েয, যেগুলোতে বন্য জন্তু-জানোয়ার, চোর ও শত্রুরা খুঁড়ে তুলে ফেলার আশঙ্কা থাকে; তাই ওই ধরণের উপকারী নযর করা এবং ওই ধরণের ইমারত নির্মাণ করার জন্যে ওসিয়ত করা সহীহ, জায়েয ও ভালো।’ ইমাম ইবনে হাজর আল মক্কী (রহ.)-এর ফতোয়া আরও বড়, কিন্তু আমাদের জন্যে এতোটুকু-ই যথেষ্ট। হযরত খায়রুদ্দীন রামলী (রহ.)-এরও বহু ফতোয়া আছে এই বিষয়ে। এসব ফতোয়ার প্রধান উৎস হচ্ছে জুরজানে অবস্থিত হযরত ইমাম রাফে’ই (রহ.)-এর মাযার শরীফের জন্যে পালিত নযর-মানত সম্পর্কে লিখিত নিবন্ধসমূহ। ইমাম ইবনে হাজর আল মক্কী (রহ.) তাঁর ‘তোহফা’ পুস্তক এবং ফাতোয়ার কিতাবগুলোতে সে সব উদ্ধৃত করেছেন। ওপরে ব্যাখ্যাকৃত সমস্ত নযর শাফেয়ী মাযহাবে সর্বসম্মতিক্রমে জায়েয।

মুখতাসার-এ-খলিল গ্রন্থে লেখা মালেকী মাযহাবের মতানুযায়ী, ‘কোনো লোক, যে নাকি মক্কার বাইরে, উদাহরণস্বরূপ, ছয় পাক ﷻ কিংবা কোনো ওলীর মাযারে মৌখিক অথবা অ-মৌখিক জবেহ-এর নিয়ত করে একটা উট কিংবা একটা ভেড়া নিয়ে যায়, তার উচিৎ সেটা জবেহ করা এবং সেটার গোস্ত গরীবদেরকে সাদকাস্বরূপ দান করা। যদি কোনো ব্যক্তি এ ধরণের মাযারে কাপড়, টাকা-পয়সা কিংবা খাদ্যের মতো জিনিসপত্র পাঠাবার ইচ্ছা পোষণ করে এই নিয়তে যে, সেগুলো সে সেখানকার খাদেমদের মাঝে বিতরণ করবে, তবে তাকে তা পাঠাতে হবে; এমন কি সেখানকার খাদেমরা যদি ধনীও হয়, তবুও তাকে তা পাঠাতে হবে। যদি সে ওই ওলী/বুযর্গের প্রতি সওয়াবটুকু উপহারস্বরূপ পৌঁছিয়ে দিতে চায়, তবে তাকে নিজের দেশের গরীবদের মাঝে তা বিতরণ করতে হবে। যদি সে কোনো নির্দিষ্ট নিয়ত নির্ধারণ না করে থাকে, অথবা যদি সে তার নিয়ত ব্যক্ত করার আগেই মৃত্যুবরণ করে, তাহলে তার দেশের প্রথানুযায়ী তা পালন করা হবে।’ ইবনে আরাফা এবং আল বারযালী-ও একই কথা লিখেছেন।

আর হাম্বলী মাযহাবে শায়খ মনসুর আল বাহুতী তাঁর কৃত ‘ইকনা’ গ্রন্থের শরাহ-এ এবং ইবনে তাইমিয়ার উদ্ধৃতি দিয়ে ইবনে মুফলী তাঁর ‘ফুরু’ কিতাবে লিখেন: ‘কোনো নির্দিষ্ট শায়খ যাতে মুশকিল আসান করে দেন অথবা দেখা সাক্ষাৎ ঘটিয়ে দেন – এই উদ্দেশ্যে নযর করার মানে হলো আল্লাহ ভিন্ন অন্য কারও জন্যে মানত করা। এটা অনেকটা আল্লাহ ভিন্ন অন্য কারও নামে কসম করার মতোই। এই ধরণের নযর সহীহ, কিন্তু অন্যান্যদের মতানুযায়ী পাপযুক্ত।’ ওপরের উদ্ধৃতি থেকে বোঝা যায়- আউলিয়া (রহ.)-এর জন্যে মানত করা এবং তাঁদের কাছে সাহায্যপ্রার্থী হওয়া ইবনে তাইমিয়ার মতে মাকরুহ-এ-তানযিহী। আর অন্যান্যদের মতানুযায়ী ‘পাপযুক্ত’ বলে তাঁরা বোঝালেন যে তাঁদের মতে এটা পাপ নয়। ‘ইকনা’ গ্রন্থের শরাহতে আরও লেখা আছে, ইবনে তাইমিয়া বলেছিল; নবি কারীম ﷺ-এর জন্যে মানতকৃত প্রদীপ অথবা মোমবাতি মদীনার গরীবদেরকে প্রদান করা উচিৎ।

কোনো নবী (আ.) কিংবা ওলী (রহ.)-এর জন্যে পশু যবেহ করার মানত করার মানে হলো আল্লাহর ওয়াস্তে যবেহ করে সেটার সওয়াব তাঁর রুহের প্রতি পৌঁছিয়ে দেয়া। একটি হাদীসে বলা হয়েছে, ‘যে ব্যক্তি আল্লাহ ছাড়া অন্য কারও জন্যে পশু জবেহ করে, তার প্রতি আল্লাহর লা’নত।’ (হাদীস) ইবনুল কাইয়েম আল জওযিয়া তার ‘কিতাবুল কাবাইর’ গ্রন্থে, আয-যাহাবী তাঁর ‘কাবাইর’ পুস্তকে এবং ইমাম ইবনে হাজর আল মক্কী (রহ.) তাঁর ‘যাওয়াজির’ কিতাবে এই হাদীসটিকে বিশদ ব্যাখ্যা করে বলেন যে, আল্লাহ ভিন্ন অন্য কারও জন্যে যবেহ

দানকারী হচ্ছে সেই ব্যক্তি, যে জবেহ করার সময় বলে: ‘আমার মনিব অমুক শায়খের জন্যে।’ কাফেররাও তাদের মূর্তির নামে পশু-পাখি যবেহ করে থাকে। আল্লাহ্ ছাড়া অন্য কারও নামে যবেহ করাটা ওই রকমই একটা কাজ। ইমাম নববী (রহ.) তাঁর রচিত ‘রাওদা’ গ্রন্থে লিখেছেন: ‘জবেহ করার সময় ‘কাবার জন্যে’ বলা জায়েয, যেহেতু সেটা বাইতুল্লাহ (আল্লাহর ঘর); এবং নবী পাক ﷺ-এর জন্যে তা বলা-ও জায়েয, যেহেতু তিনি রাসূলুল্লাহ (আল্লাহর রাসূল)। মক্কা অথবা কাবায় উপহার প্রেরণও অনুরূপ।’

আমরা ওপরে উল্লেখ করেছি, যখন কোনো সুলতান কিংবা রাষ্ট্রপ্রধান আগমন করেন, তখন তাঁর কাছ থেকে সুবিধা লাভের জন্যে পশু যবেহ করা হারাম। তবে জবেহ করা জায়েয তখন, যখন কেউ তাঁদের আগমন উপলক্ষে কিংবা নিজ সন্তানের জন্ম উপলক্ষে আনন্দিত হয়, অথবা কারও মেজাজ ঠাণ্ডা করার উদ্দেশ্যে তা করে। কারও সঙ্গে হৃদয়তা গড়ার চেষ্টা করা, সেই ব্যক্তির কাছ থেকে সুবিধা লাভ করার চেষ্টা থেকে আলাদা ব্যাপার। আর মূর্তির জন্যে যবেহ করা তো সম্পূর্ণ আলাদা একটা কাজ। জ্বিনদের জন্যে পশু যবেহ করার ব্যাপারটা জায়েয হবে, যদি সেটা আল্লাহর ওয়াস্তে করা হয় এবং এই বিশ্বাস পোষণ করা হয় যে, আল্লাহ-ই জ্বিনদের থেকে রক্ষা করবেন। এই যথার্থ নিয়ত কিংবা চিন্তাধারা ছাড়া জবেহ করা হারাম।

অতএব, এটা পরিস্ফুট যে ইসলামী উলামা যে সব প্রশ্নের উদ্ভব হতে পারে, সেগুলোর প্রত্যেকটারই উত্তর প্রদান করেছেন এবং অন্য কারও দ্বারা কোনো কিছু সংযোজনের অবকাশ রাখেন নি। তাঁরা ক্ষতিকর নিয়ত ও কাজকর্ম থেকে উপকারীগুলোকে পৃথক করে দিয়েছেন। ফলে শতাব্দীর পর শতাব্দী গত হয়েছে এবং মানুষেরা তাঁদের বইপত্রে নিজেদের সমস্যাসমূহের সমাধান পেয়েছে। যদি কোনো অজ্ঞ-আহাম্মক নিজের বদ-আকীদা প্রচারের জন্যে আবির্ভূত হয় এবং ফিতনার মাধ্যমে মুসলিমদেরকে বিভক্ত করতে চেষ্টা করে এবং ইসলামী উলামাকে দোষারোপ করতে অপপ্রয়াসী হয়, আর সঠিক পথের ওপর বিচরণকারীদেরকে ঘৃণা করে, তাহলে বোঝা যাবে যে সে একজন গোমরাহ-যিনদিক এবং তার কথা তখন আর কোনো বুদ্ধিমান মানুষ বিশ্বাস করবেন না অথবা তার দ্বারা ধোকাপ্রাপ্তও হবেন না। শুধুমাত্র দাজ্জালের সৈন্যরাই ওই আহাম্মক লোকটিকে বিশ্বাস করবে এবং সঠিককে বলবে ভুল, সুন্দরকে ‘বিশ্রী’।

আযান দেয়ার সময় মুয়াজ্জিন যখন নবী পাক ﷺ-এর নাম মোবারক উচ্চারণ করেন, তখন মুসলিমগণ তাঁদের হাতের বৃদ্ধাঙ্গুলির নখদ্বয় চুম্বন দিয়ে চোখে স্পর্শ করেন। বহু উলামা, উদাহরণস্বরূপ, আদ-দায়রাবী তাঁর ‘মুজারাবাত’ গ্রন্থে একথা লিখেছেন। আমি এর আগে এ ব্যাপারে কোনো হাদীস দেখিনি, কিন্তু ‘সালেহীন তথা পুণ্যবান বান্দাদেরকে যেখানে স্মরণ করা হয়, সেখানে (আল্লাহর) রহমত অবতীর্ণ হয়’- হাদীসটি ইশারা করে যে, এই আমলটি বৈধ। ইমাম আহমদ ইবনে হাম্বল (রহ.), ইবনুল জাওয়ী ও ইমাম ইবনে হাজার আল হায়তামী আল মক্কী এই হাদীসটির সত্যতা নিশ্চিত করেছেন। ইমাম সুয়ুতী (রহ.) তাঁর প্রণীত ‘জামিউস সাগির’ পুস্তকে হাদীসটি লিখেছেন। আমাদের নবি কারীম ﷺ নিশ্চয়ই সকল নবী ও সালেহীনের চেয়ে শ্রেষ্ঠ। আর আল্লাহ নিশ্চয়ই তাঁর নাম যখন উল্লেখ করা হয়, তখন দয়া ও রহম করেন। আল্লাহ যখন দয়া করেন, তখন দোয়াসমূহ কবুল হয়। যখন আযান শ্রুত হয়, তখন ‘এয়া রাসূলুল্লাহ ﷺ আপনার জন্যে আমার চোখ নূরানী এবং হৃদয় উৎফুল্ল হয়’ – বলাটা একজন লোকের ইহলৌকিক এবং পারলৌকিক সুখ-শান্তির জন্যে একটা দোয়া ছাড়া আর কিছু নয়। এই দোয়া ইসলামের সাথে সামঞ্জস্যপূর্ণ। আল-কুহিস্তানীর মধ্যস্থতায় হানাফী আলেম আত্-

তাহতাবী তাঁর কৃত ‘মারাক-ইউল-ফালাহ-এর ব্যাখ্যায় লিখেন: ‘আযান দেয়ার সময় মুয়াজ্জীন যখন দ্বিতীয়বার হুজুর পাক ﷺ-এর নাম মোবারক উচ্চারণ করেন, তখন কোনো ব্যক্তি তার হাতের দুই বৃদ্ধাঙ্গুলি চোখের ওপর বুলান এবং বলেন, কুররাত আইনাইয়া বিকা এয়া রাসূলুল্লাহ ﷺ! আল্লাহুমা মাত-তি’নী বিস্ সামি-ই ওয়াল বাসারি! এ রকম বলা মুস্তাহাব! কারণ, রাসূলুল্লাহ ﷺ এই রকম আমলকারীকে বেহেশতে নিয়ে যাবেন। শায়খযাদা তাঁর কৃত ‘বায়দাবী তফসীর’ বইয়ের ব্যাখ্যায় শায়খ আবুল ওয়াফা থেকে বর্ণনা করেন, তিনি (আবুল ওয়াফা) এমন কিছু ফতোয়া দেখেছেন যেগুলো এই মর্মে বিবৃতি দিয়েছে যে, হযরত আবু বকর সিদ্দিক (রা.) আযানে নবি কারীম ﷺ-এর নাম শোনার পর বৃদ্ধাঙ্গুলিদ্বয়ের নখ চুম্বন করে চোখে বুলাতেন; আর যখন নবী কারীম ﷺ তাঁকে এর কারণ জিজ্ঞাসা করেন, তখন তিনি উত্তর দেন, ‘আপনার পবিত্র নামের মাধ্যমে বরকত আদায়ের উদ্দেশ্যে আমব এটা করি; এরপর হুজুর ﷺ বলা করেন, ‘তুমি ভালো করেছ। যে ব্যক্তি এ রকম করে, সে কখনও চক্ষুব্যাধিতে ভুগবে না।’ যখন নখগুলো চোখ স্পর্শ করে, তখন প্রত্যেকের বলা উচিত ‘আল্লাহুমা হফয আইনাই-ইয়া ওয়া নাও-ওয়ীরহুমা।’ হযরত আবু বকর আস-সিদ্দিক (রা.)-এর বর্ণিত একটা হাদীস ইমাম দায়লামী উদ্ধৃত করেন: ‘যখন মুয়াযযিন আযানে ‘মুহাম্মাদুর রাসূলুল্লাহ’ বাক্যটি উচ্চারণ করেন, তখন যদি কেউ নিজের বৃদ্ধাঙ্গুলিদ্বয় চুম্বন করে নিজ চোখে বুলায় এবং ‘আশহাদু আল্লা মুহাম্মাদান আবদুল্ল ওয়া রাসূলুল্ল, রাদিইতু বিল্লাহি রাব্বান ওয়া বিল ইসলামী দ্বীনান ওয়া বি মুহাম্মদিন সাল্লাল্লাহু আলাইহি ওয়া সাল্লামা নাবিয়্যান’ বলে, তবে আমার শাফায়াত তার জন্যে আবশ্যিক হয়ে যাবে।’ (হাদীস) (আত-তাহাবীর উদ্ধৃতি এখানে শেষ হলো)’ একটা হাদীস বলা ফরমায়: ‘যারা আযানে আমার নাম শোনার পর তাদের বৃদ্ধাঙ্গুলিগুলো নিজেদের চোখে বুলায়, তাদেরকে আমি শেষ বিচারের দিনে তালাশ করে খুঁজে বের করে বেহেশতে নিয়ে যাবো।’ (হাদীস) ‘কানযুল ইবাদ’ গ্রন্থের উদ্ধৃতি দিয়ে ইমাম কুহিস্তানী লিখেন, আযানে প্রথমবার হুজুর ﷺ-এর নাম উচ্চারিত হওয়ার পর ‘সাল্লাল্লাহু ওয়া সাল্লামা আলাইকা এয়া রাসূলুল্লাহ’ এবং দ্বিতীয়বার উচ্চারিত হওয়ার পর ‘কুররাত আইনাই-ইয়া বিকা এয়া রাসূলুল্লাহ’ বলা এবং তার পর দুই বৃদ্ধাঙ্গুলি চুম্বন করে চোখ থেকে আঙ্গুল সরাবার আগে ‘আল্লাহুমা মাততি’নী বিস্ সামি-ই ওয়াল বাসারি’ বলা মুস্তাহাব; হযরত রাসূল-এ-কারীম ﷺ এ রকম আমলকারীকে জান্নাতে নিয়ে যাবেন।’ (আল্লামা দাউদ ইবনে সুলাইমান কৃত ‘আশাদ্দুল জিহাদ ফী দাওয়াল ইজতেহাদ’, পৃষ্ঠা ৪০)।

৩১/ — নিচের দীর্ঘ উদ্ধৃতিটি আবারও ‘আশাদ্দুল যিহাদ’ পুস্তকটি হতে গৃহীত হয়েছে:

“শায়খ মুহাম্মদ ইবনে সুলাইমান আল মাদানী আশ-শাফেয়ীকে ওহাবী মতবাদের প্রতিষ্ঠাতা মুহাম্মদ ইবনে আবদুল ওয়াহহাব নজদী সম্পর্কে মতামত পেশ করার জন্যে অনুরোধ জানানো হয়। তিনি বলেন, ‘এই লোক হালের অজ্ঞ মানুষদেরকে একটা গোমরাহ পথের দিকে টেনে নিয়ে যাচ্ছে। তারা আল্লাহর নূরকে নিভিয়ে দিচ্ছে। কিন্তু আল্লাহ তা’আলা তাঁর নূরকে মুশরিকদের বিরোধিতার মুখে নিভে যেতে দেবেন না এবং তিনি আহলে সুন্নাতের উলামাবৃন্দের আলো দ্বারা সর্বত্র নূরানী করে দেবেন।’ শায়খ সুলাইমানের ফতোয়াগুলোর শেষে প্রশ্ন-উত্তরগুলো নিম্নরূপ:

**প্রশ্ন:** সাইয়েদুল মুরসালিনের [সর্বশ্রেষ্ঠ পয়গম্বর হুজুর পাক ﷺ] পথের দিক-নির্দেশকারী নক্ষত্ররাজিসম বিদ্বানগণ! আমি আপনাদেরকে জিজ্ঞাসা করছি – যদি কোনো লোক নিজ স্থূল দৃষ্টিকোণ ও সংকীর্ণ মস্তিষ্ক দ্বারা

বিভিন্ন দ্বীনী কিতাব হতে সংগৃহীত দ্বীনী জ্ঞানের সাহায্যে সিদ্ধান্ত নেয় যে, সমস্ত উম্মত ইসলাম এবং রাসূলুল্লাহ ﷺ-এর পথ হতে বিচ্যুত হয়েছে এবং যদি সেই লোক উলামায়ে ইসলাম কর্তৃক বিবৃত মুজতাহিদের গুণাবলীসমূহের অধিকারী না হওয়া সত্ত্বেও নিজেকে কুরআন-হাদীস থেকে অর্থ বের করার ক্ষমতাসম্পন্ন মুজতাহিদ দাবি করে, তবে তাকে কি তার ধ্যান-ধারণা প্রচার করার অনুমতি দেয়া যাবে? তার কি উচিৎ নয় এই দাবি পরিত্যাগ করে ইসলামের বিদ্বানদের অনুসরণ করা? সে বলে, সে একজন ইমাম এবং তাকে অনুসরণ করা প্রত্যেক মুসলিমের জন্যে জরুরী এবং আরও দাবি করে যে, তার মাযহাব মান্য করা একান্ত দরকারী। সে মুসলিমদেরকে জোরপূর্বক নিজের মাযহাবে দীক্ষা দিয়ে থাকে। সে বলে, যে সকল লোক তাকে মানে না, তারা সবাই কাফের এবং তাই তাদেরকে হত্যা করে তাদের মালামাল ছিনিয়ে নেয়া উচিৎ। এই লোক কি সত্য বলছে? নাকি সে ভ্রান্ত? যদি কেউ ইজতেহাদ প্রয়োগের পর্যায়ে উন্নীত হয়ে একটা মাযহাবের পত্তন করেও, তবুও তার জন্যে কি জায়েয হবে অন্যান্যদেরকে তার মাযহাবে দীক্ষা দেয়া? একটা নির্দিষ্ট মাযহাব মান্য করা কি একান্ত অপরিহার্য? নাকি প্রত্যেকে তার পছন্দানুযায়ী মাযহাব বেছে নিতে পারবে? যদি কোনো মুসলিম আল্লাহর একজন বিশুদ্ধ বান্দার অথবা একজন সাহাবীর মাযার যিয়ারত করেন এবং উক্ত ওলীর জন্যে কোনো কিছু মানত করেন এবং যদি তিনি কোনো কবরের কাছে একটা জম্বু জবেহ করেন এবং যদি তিনি কোনো বেসালপ্রাপ্ত ব্যক্তির মধ্যস্থতায় (ওসীলায়) দোয়া করেন এবং এ রকম কোনো কবর থেকে বরকত আদায়ের উদ্দেশ্যে মাটি নেন কিংবা যদি তিনি বিপদ মুক্তির জন্যে রাসূল-এ-কারীম ﷺ অথবা কোনো সাহাবীর সাহায্য প্রার্থনা করেন, তা হলে কি তিনি ইসলাম থেকে বিচ্যুত হবেন? যদি ওই মুসলিম এ কথা বলেন, ‘আমি বেসালপ্রাপ্ত জনের উপাসনা করি না; কারণ আমি তাঁর [একাকিতাবে] কোনো কিছু করার ক্ষমতায় বিশ্বাস করি না। আমি প্রয়োজন পূরণের উদ্দেশ্যে আল্লাহর কাছে দোয়া করার সময় তাঁকে মধ্যস্থতাকারী ও শাফায়াতকারী হিসেবে বিবেচনা করি, যেহেতু তাঁকে একজন আল্লাহর বিশুদ্ধ বান্দা হিসেবেই জানি’ – তা হলেও কি তাঁকে হত্যা করা জায়েয হবে? যদি কোনো ব্যক্তি আল্লাহ ভিন্ন অন্য কিছু নামে কসম করে, তবে কি সে ইসলাম থেকে বিচ্যুত হবে?

**উত্তর:** এটা ভালোভাবে জানা উচিৎ যে, জ্ঞান একজন শিক্ষকের কাছ থেকে শিখতে হবে। যারা বই-পুস্তক থেকে নিজে নিজে জ্ঞান ও ধর্মশিক্ষা করে তারা বহু ভুল করে বসে। তাদের সঠিক সিদ্ধান্তগুলোর চেয়ে ভুল সিদ্ধান্তগুলোর সংখ্যাই বেশি। আজকে এমন কেউ নেই, যে নাকি ইজতেহাদ প্রয়োগ করতে পারে। ইমাম রাফী-ই, ইমাম নববী ও ইমাম ফখরুদ্দীন আর-রাযী বলেছেন, ‘উলামা সর্বসম্মতভাবে সিদ্ধান্ত নিয়েছেন, বর্তমানে ইজতেহাদ প্রয়োগের ক্ষমতাসম্পন্ন আর কেউ নেই।’ ইমাম আস্-সুয়ুতী যিনি প্রত্যেকটা জ্ঞানের শাখায় সাগরসম জ্ঞানের অধিকারী ছিলেন এবং যিনি একজন মহান আলেম ছিলেন, তিনি যখন নিজেকে একজন নিসবী মুজতাহিদ, অর্থাৎ, পূর্বে প্রতিষ্ঠিত কোনো মাযহাবের অন্তর্গত মুজতাহিদ দাবি করেন, তখন কোনো আলেম-ই তাঁর সঙ্গে একমত হন নি; অথচ তিনি নিজেকে মুতলাক (সম্পূর্ণ) মুজতাহিদ কিংবা নিজের প্রতিষ্ঠিত কোনো মাযহাবেরও দাবি করেন নি! তিনি পাঁচ শতাধিক গ্রন্থ প্রণয়ন করেছিলেন। তাঁর প্রত্যেকটি বই-ই প্রতীয়মান করে যে, তফসীর ও হাদীস এবং দ্বীনী এলমের অন্যান্য শাখায় তিনি অত্যন্ত উচ্চ একটি পর্যায়ে উন্নীত হয়েছিলেন। ইমাম সুয়ুতীর মতো ওই ধরণের একজন উচ্চপর্যায়ের আলেমকে যখন নিসবী মুজতাহিদ হিসেবেই গ্রহণ করা হয় নি, তখন ওই পর্যায়ে থেকে বহু দূরে অবস্থানকারী লোকদের অনুরূপ দাবি কি বিশ্বাস করা উচিৎ হবে? তাদের কথা শোনাই উচিৎ নয়। আর যদি তাদের মধ্যে কেউ সীমালঙ্ঘন করে এই কথা বলে

যে, ইসলামী উলামার কিতাবগুলো ভুল, তবে তার ঈমান ও যুক্তি সম্পর্কে সন্দেহ পোষণ করবো আমরা। কারণ, আমরা তাকে জিজ্ঞাসা করবো: সে কার কাছ থেকে তার এই জ্ঞান পেয়েছে? যেহেতু সে হুজুর পাক ﷺ-কে কিংবা কোনো সাহাবীকে দেখে নি, সেহেতু সে ইসলামী উলামার বইপত্র পড়েই জ্ঞান শিখেছে, যদি সে কিছু শিখে থাকে। যদি সে বলে উলামা-এ-ইসলামের বইপত্র বিকৃত অবস্থায় আছে, তাহলে সে কীভাবে সঠিক পথের সন্ধান পেল? এই বিষয়টি আমাদের কাছে তার ব্যাখ্যা করা উচিত। চার মাযহাবের ইমামগণ এবং তাঁদের পরর্তীতে উদ্ভূত আলেমগণ কুরআন-হাদীস থেকেই তাঁদের সব জ্ঞান বের করেছেন। সে কোন্ উৎস থেকে জ্ঞান অর্জন করেছে যা তাঁদের জ্ঞানের সাথে মতভেদ সৃষ্টি করেছে? এটা নিশ্চিত যে, এই লোক ইজতেহাদ প্রয়োগের পর্যায়ে পৌঁছায় নি। যখন সে কোনো হাদীসের সম্মুখীন হয় যেটা সে উপলব্ধি করতে অক্ষম, তখন তার যা করা উচিত তা হচ্ছে মুজতাহিদগণ কৃত ওই হাদীসটার ব্যাখ্যা তালাশ করা। তার মধ্য থেকে তার পছন্দকৃত ব্যাখ্যাটি সে গ্রহণ করতে পারবে। ইমাম নববী (রহ.) তাঁর প্রণীত ‘রাওদা’ পুস্তকে লিখেছেন- এ পদ্ধতিটি-ই অনুসরণ করতে হবে। যে সকল উলামা ইজতেহাদের পর্যায়ে অর্জন করেছেন, শুধু তাঁরাই আয়াত ও হাদীসের অর্থ বুঝতে সক্ষম। অ-মুজতাহিদদের দ্বারা আয়াত ও হাদীসের অর্থ বোঝার চেষ্টা করা বৈধ নয়। অতএব, ইবনে আবদুল ওয়াহহাব এবং তার দ্বারা ধোকাপ্রাপ্ত ওহাবীদের জন্যে সঠিক পথে ফিরে আসা এবং তাদের গেমারাহী বর্জন করাটাই উত্তম।

আর ওহাবীদের দ্বারা মুসলিমদেরকে কাফের আখ্যা প্রদান প্রসঙ্গে একটা হাদীস বলা ফরমায়: ‘যদি কোনো লোক একজন মুসলিমকে কাফের আখ্যায়িত করে, তা হলে দুই জনের একজন কাফের হয়ে যায়। যার প্রতি দোষারোপ করা হয়েছে তিনি মুসলিম হয়ে থাকলে আখ্যাদানকারী কাফের।’ (হাদীস) ‘তোহফা’ গ্রন্থটিকে উদ্ধৃত করে ইমাম রাফী-ই তাঁর কৃত ‘আশ-শরহুল কবীর’ পুস্তকে লিখেন, ‘যে লোক কোনো মুসলিমকে কাফের আখ্যা দেয়, সে যদি তা ব্যাখ্যা (তাবিল) করতে অক্ষম হয়, তবে সে-ই কাফের হয়ে যাবে, যেহেতু সে ইসলামকে কাফের বলবে।’ ইমাম নববীও তাঁর প্রণীত ‘রাওদা’ বইটিতে একই কথা লিখেছেন। অধিকাংশ উলামা বলেছেন যে, ব্যাখ্যা করতে সক্ষম হোক বা না-ই হোক, আখ্যাদানকারী কাফের হয় যাবে।

আর [মুহাম্মদ ইবনে আবদুল ওয়াহহাব কর্তৃক] মুসলিমদেরকে হত্যা ও তাদের মালামাল হরণের ব্যাপারে অনুমতি প্রদান সম্পর্কে একটা হাদীস ঘোষণা করে: কাফেররা যতোক্ষণ পর্যন্ত “লা-ইলাহা ইল্লাল্লাহ” না বলে, ততোক্ষণ পর্যন্ত তাদের সঙ্গে যুদ্ধ করতে আমি আদিষ্ট হয়েছি।’ হাদীসটা প্রমাণ করে যে, মুসলিমদের হত্যা করা জায়েয নয়। এই হাদীসটা সুরা তাওবার ষষ্ঠ আয়াতের আলোকে বলা হয়েছিল যা’তে বলা হয়েছে, ‘যদি তারা তওবা ও সালাত কায়েম করে এবং যাকাত দেয়, তবে তাদেরকে তাদের পথে ছেড়ে দাও।’ সুরা তাওবার ১২ নং আয়াত ঘোষণা করে, ‘তারা তোমাদেরই দ্বীনী ভাই।’ (আয়াত) একটি হাদীস বলা ফরমায়, ‘আমরা বাহ্যিক আবরণ দেখে-ই বিচার করি। আল্লাহ গোপনটা জানেন।’ (হাদীস) আরেকটা হাদীস ঘোষণা করে: ‘মানুষের কলবগুলো বিদীর্ণ করে সেগুলোর গুপ্ত খবর দেখার জন্যে আমি আদিষ্ট হই নি।’ (হাদীস) উসামা (রা.) একজন লোককে হত্যা করে যখন দাবি করেন যে, ওই লোক বেঈমান ছিল- যদিও তাকে ‘লা-ইলাহা ইল্লাল্লাহ’ বলতে শোনা গিয়েছিল – তখন নবি কারীম ﷺ তাঁকে জিজ্ঞাসা করেছিলেন, ‘তুমি কি তার হৃদয় বিদীর্ণ করে দেখেছিলে?’ (হাদীস)

কোনো মুজতাহিদের পক্ষে তাঁর মাযহাবকে অনুসরণ করার জন্যে মানুষকে বাধ্য করা জায়েয নয়। যদি তিনি বিচারালয়ে একজন কাজী হন, তাহলে তিনি তাঁর ইজতেহাদ অনুযায়ী একটা আইন জারি করে সেটা কার্যকর করার জন্যে আদেশ দিতে পারেন।

শাফেয়ী আলেমগণ আউলিয়া (রহ.)-এর জন্যে নযর-মানত করার বিষয়ে বিশদ ব্যাখ্যা দিয়েছেন। ‘তোহফা’ গ্রন্থটি হতে উদ্ধৃত করে ‘হিব্বা’ বইটি লিখে: ‘যদি কেউ কোনো বেসালপ্রাপ্ত ওলীর জন্যে নযর করে এই নিয়তে যে, তার নযরকৃত জিনিসগুলো উক্ত ওলীর জন্যে হবে, তবে তার এই নযর সহীহ হবে না। কিন্তু যদি সে ওই নিয়ত ছাড়া নযর করে থাকে, তাহলে তার নযর সহীহ হবে এবং তখন নযরকৃত জিনিসপত্র ওই ওলীর মাযারের খাদেমদেরকে, মাযারের সন্নিহিত অবস্থিত মাদ্রাসার ছাত্র-শিক্ষকদেরকে এবং মাযারের আশপাশে বসবাসরত গরিব-মিস্কিনদেরকে দান করতে হবে। নযরকৃত জিনিসগুলো গ্রহণে অভ্যস্ত লোকেরা যদি মাযারের সন্নিহিত সমবেত হয় এবং যদি ওই দেশের প্রথা এই হয় যে, নযরকৃত জিনিসগুলো তাদেরকেই দিতে হবে, তবে তাই করতে হবে। যদি ওই ধরণের কোনো প্রথা না থাকে, তাহলে নযরটি অচল হয়ে যাবে। এটা আস্ সামলাওয়ী এবং খায়রুদ্দীন রামলী (রহ.)-এর কাছ থেকেও বর্ণিত হয়েছে। প্রত্যেকেই ভালোভাবে জানে, যারা কোনো বেসালপ্রাপ্ত ওলীর জন্যে নযর করে, তাদের কেউই এ কথা চিন্তা করে না যে উক্ত ওলীকেই নযরকৃত জিনিসগুলো দিতে হবে। কারণ প্রত্যেকেই জানে যে, বেসালপ্রাপ্ত বুয়ূর্গবৃন্দ কোনো জিনিস গ্রহণ অথবা ব্যবহার করেন না এবং নযরকৃত বস্তু গরিবদের কিংবা মাযারের খাদেমদেরকে দান করতে হয়। এ কারণেই এটা একটা ইবাদত। বস্তুতঃ শাফেয়ী মাযহাবের রীতি অনুযায়ী, মুবাহ, মাকরুহ কিংবা হারাম কাজ করার জন্যে নযর করা জায়েয নয়। ফরয কিম্বা ওয়াজিব নয় এমন ইবাদত ও সুন্নাতগুলোর ক্ষেত্রেই নযর করা যায়।’ (আত-তোহফা)

কবরে চুম্বন করা এবং মুখ ঘষার ব্যাপারে কোনো কোনো আলেম বলেছেন ‘জায়েয’, আবার কেউ বলেছেন ‘না-জায়েয’। যারা ‘না-জায়েয’ বলেছেন, তাঁরা এটাকে মাকরুহ বলেছেন। কেউ-ই হারাম বলেন নি।

হাদীস শরীফের ঘোষণানুযায়ী, আশ্বিয়া (আ.) ও সালেহীনের ওসীলা করা, অর্থাৎ, আল্লাহর কাছে কোনো কিছু চাওয়ার সময় তাঁদেরকে মধ্যস্থতাকারী বানানো জায়েয। আমরা আমাদের বইয়ের (ফতোয়া: শায়খ মুহাম্মদ বিন সুলাইমান মাদানী) প্রারম্ভে এ বিষয় সংক্রান্ত হাদীসগুলো উদ্ধৃত করেছি। আল্লাহর রহমতপ্রাপ্তির উদ্দেশ্যে সওয়াবদায়ক কাজের ওসীলা বা মধ্যস্থতা গ্রহণ জায়েয প্রতীয়মানকারী বহু হাদীস রয়েছে। সওয়াবদায়ক কাজের মধ্যস্থতা যখন জায়েয, তখন সালেহীনের মধ্যস্থতা অবশ্যই জায়েয হবে।

আল্লাহ ভিন্ন অন্য কিছু নামে কসম করা সম্পর্কে সিদ্ধান্ত হলো- এটা কুফর হবে যদি ওই বস্তুটি অত্যন্ত শ্রেয় হয় এবং আল্লাহর সঙ্গে শরীক হয়। এ বিষয়টি ব্যক্ত করেছে হাকিম ও ইমাম আহমদ (রহ.) বর্ণিত এবং আল মানাবী (রহ.)-এর গ্রন্থে উদ্ধৃত একটি হাদীস যা ঘোষণা করে, ‘যে ব্যক্তি আল্লাহ ভিন্ন অন্য কারও নামে কসম করবে সে কাফের হয়ে যাবে।’ (হাদীস) কিন্তু সংখ্যাগরিষ্ঠ আলেমের উপর নির্ভর করে ইমাম নববী (রহ.) লিখেছেন যে, এটা মাকরুহ এবং মুসলিমগণের ইজমা একটা দলিল বটে। সুরা নিসার ১১৪ নং আয়াত ঘোষণা করে, ‘আমি কাফেরদের সঙ্গে সেই ব্যক্তিকে জাহান্নামে নিক্ষেপ করবো, যে তাওহিদ ও হেদায়াতে শিক্ষাপ্রাপ্ত

হয়ে রাসূলের সঠিক পথকে প্রত্যাখ্যান করে এবং বিশ্বাসীদের পথ হতে বিচ্যুত হয়।'(আয়াত) এ আয়াত থেকে আরও বোঝা যায়- প্রত্যেক বিশ্বাসীর জন্যে 'আহলুস সুন্নাহ ওয়াল জামাত'-এর পথ অনুসরণ করা অপরিহার্য। এটা ভুলে যাওয়া উচিত নয়; ভেড়ার পাল-বহির্ভূত মেষ শাবককে নেকড়ে বাঘে খেয়ে ফেলবে। অনুরূপভাবে, যে ব্যক্তি আহলে সুন্নাহ ওয়াল জামাতের বাইরে থাকবে, সে জাহান্নামে যাবে।" মুহাম্মদ ইবনে সুলাইমানের দীর্ঘ ফতোয়া থেকে গৃহীত এই বিষয়ের ওপর সংক্ষিপ্ত উদ্ধৃতিটি এখানে শেষ হলো। যাঁদেরকে আল্লাহ পাক হেদায়েত দান করেছেন, তাঁদের জন্যে এতোটুকুই যথেষ্ট। শায়খ মুহাম্মদ সুলাইমান ১১৯৫ হিজরীতে ইন্তেকাল করেন। আর মুহাম্মদ বিন আবদুল ওয়াহহাব নজদী ১১১১ হিজরীতে নজদের মরুভূমিতে জন্মগ্রহণ করে এবং ১২০৬ হিজরীতে মৃত্যু বরণ করে। হযরত শায়খ মুহাম্মদ সুলাইমান এই গোমরাহ ব্যক্তির অজ্ঞতার মুখোশ উন্মোচন করেন এবং তার ধ্যান-ধারণা ও মুজতাহিদ হওয়ার দাবি খণ্ডন করেন। তিনি প্রত্যেকটি মুসলিম রাষ্ট্রে এই বিষয়টি প্রমাণ ও প্রচার করে দেন; মুহাম্মদ ইবনে আবদুল ওয়াহাব কিছুই জানে না এবং সে কোনো আলেম-এ-ইসলামের কাছ থেকে সান্নিধ্য-ও পায় নি এবং মুসলিমদেরকে মুশরিক আখ্যায়িত করে সে ইসলাম থেকে খারিজ হয়ে গিয়েছে।

হানাফী আলেম আবদুল আযীম মক্কী তাঁর 'আল কাওলুস-সাদিদ' গ্রন্থে ইবনে হাযম মুহাম্মদ আলীর গোমরাহীমূলক মন্তব্যগুলো লিপিবদ্ধ করে সেগুলো খণ্ডন করেন। ইবনে হাযম সবাইকে ইজতিহাদ প্রয়োগ করার জন্যে আদেশ দেয় এবং বলে, অন্যদেরকে অনুসরণ করা হারাম। সে তার কথার সমর্থনে সুরা নিসার ৫৯ নং আয়াতটি পেশ করে: 'যদি তোমরা কোনো বিষয়ে একমত হতে না পারো, তবে আল্লাহ ও তাঁর রাসূল ﷺ যা আদেশ করেছেন, তা অনুসরণ করো।' (আয়াত) হযরত আবদুল আযিম তার উত্তরে বলেন: 'আলহামদুলিল্লাহ। আমরা ইমামুল আযম আবু হানিফাকে অনুসরণ করার বাইরে নই। ওই মহান ইমাম ও তাঁর শিষ্যগণ এবং গত দশ শতক ধরে আগত আলেমগণ, উদাহরণস্বরূপ, শামস আল আয়েন্না যাঁরা পৃথিবীর মধ্যে নূর বিতরণ করেছেন, তাঁদেরকে অনুসরণ করার সম্মান আমাদেরকে দেয়া হয়েছে।' (আবদুল আযিম)

ইবনে হাযম একজন আন্দালুসীয় ছিল। সে যাহিরীয়া মাযহাবভুক্ত ছিল, যেটা দাউদ ইসফাহানী প্রতিষ্ঠা করেছিলেন এবং যেটা খুব তাড়াতাড়ি বিস্মৃত হয়েছিল। ইবনুল আহাদ যাহাবী এবং ইবনে হিল্লীগান বলেন, 'এমন কি যারা ইবনে হাযমকে সম্ভাষণ জানাতো, তারাও তাকে ঘৃণা করতো। তারা তার ধ্যান-ধারণা অপছন্দ করতো। ইবনে হাযমের গোমরাহীর ব্যাপারে তারা সবাই একমত হয়েছিল। তারা তার প্রশংসা করতে পারতো না। সুলতানদের তারা তার সম্পর্কে সাবধান করে দিয়েছিল। তারা মুসলিমদেরকে তার থেকে দূরে সরে থাকার জন্যে বলেছিল।' ইবনুল আরিফ বলেন, 'ইবনে হাযমের জিহ্বা এবং আল হাজ্জাজের তরবারি একই অত্যাচার সাধন করেছিল।' হাদীসের সঙ্গে অসঙ্গতিপূর্ণ বহু গোমরাহ ও শয়তানী খেয়াল ছিল ইবনে হাযমের। নিষ্ঠুর আল হাজ্জাজ ১ লক্ষ ২০ হাজার নিরপরাধ মানুষকে কারণ ছাড়াই হত্যা করে। আর ইবনে হাযমের জিহ্বা শত-সহস্র মুসলিমকে ভ্রান্তির দিকে টেনে নিয়ে যায়। কারণ সে ৪৫৬ হিজরীতে মারা যায়।

আল্লাহ তা'আলা আমার মুসলিম ভ্রাতাদেরকে গোমরাহ পথ থেকে রক্ষা করুন। তিনি আমাদেরকে এমন বিশ্বাস ও আমল করার সক্ষমতা দিন যা চার মাযহাবের ইমামগণের ইজতেহাদসমূহের সাথে সঙ্গতিপূর্ণ। তিনি যেন আঘিয়া (আ.), সিদ্দিকীন, শহিদবর্গ ও সালেহীনবৃন্দের সঙ্গে শেষ বিচারের দিনে আমাদেরকে তাঁদের মাযহাবের

অনুসারী হিসেবে একত্রিত করেন, আমিন। ('আশাদ্দুল জিহাদ' পুস্তকের উদ্ধৃতি এখানে সমাপ্ত হলো। মওলানা দাউদ ইবনে সুলাইমান বাগদাদী কৃত 'আশাদ্দুল জিহাদ' ১২৯৩ হিজরীতে প্রণীত হয়। বোম্বে নগরীতে প্রথমে মুদ্রিত হয় ১৩০৫ হিজরী সালে)

৩২/ — ওসমান যাকি নামের এক ওহাবী ব্যক্তি তুর্কী ভাষায় একটি বই লিখে যার নাম 'মাসাইল-এ-মুহিম্মীয়া জওয়াব-এ-নুমান' [জরুরী সমস্যাগুলোর ব্যাপারে নুমানের উত্তর]। লেখকের পিতা হচ্ছে সিরানের মুদাররিস (প্রভাষক) ওসমান আফেন্দী ইবনে মুস্তফা। এটা বোঝা যায় যে, এই যুবক হিজায়ে গিয়ে ওহাবীদের ফাঁদে পা দেয় এবং তাদের মিথ্যা ও বানায়েট কথায় ধোকাপ্রাপ্ত হয়ে সঠিক পথ হতে বিচ্যুত হয়। এই ক্ষতিকর, গোমরাহীতে পরিপূর্ণ বইটি তুর্কী হাজীদের কাছে বিনামূল্যে বিতরণ করা হয়। যারা দ্বীনি জ্ঞানে অজ্ঞ, তারা এর ভ্রান্ত ও মিথ্যা কথাগুলোকে সঠিক মনে করে এবং ফলস্বরূপ বিভ্রান্ত হয়ে যায়। ওহাবীদের দ্বারা যারা ধোকাপ্রাপ্ত হয়, তাদের হজ্জ ও অন্যান্য ইবাদত আল্লাহর কাছে গ্রহণীয় নয়। হজ্জ পালন করার সময় যদি তারা ওহাবীদের আক্ৰিমা পোষণ করে, তাহলে তাদের ঈমান নষ্ট হয়ে যাবে।

ওহাবী পুস্তকটিতে লেখা হয়েছে, "কুরআনুল কারীম এবং রাসূল ﷺ ঘোষণা করেছেন, যে ব্যক্তি সালাত কায়েম করে না, সে কাফের ও মুশরিক। দোয়ায়ে কুনুত পাঠ না করে সালাতুল বিতর এক রাকআতে পড়া-ই যথেষ্ট। এমন কি রাসূলুল্লাহ ﷺ পর্যন্ত শাওয়াল মাসের নতুন চাঁদ সম্পর্কে জানতেন না। অতএব, যারা বলে যে 'অমুকে গায়েব জানেন এবং বিপদে সাহায্য করেন', তাদের উচিৎ আল্লাহকে ভয় করা এবং মানুষের সামনে লজ্জিত হওয়া। কেননা, কুরআন এবং নবী ﷺ এ ধরনের বিশ্বাসকে নিষিদ্ধ করে দিয়েছেন। এই সকল বেয়াদব লোকেরা বলে; তারা আমাদের রাসূল-এ-কারীম ﷺ-এর সঙ্গে কথা বলে এবং তাঁর আদেশ অনুযায়ী চলে। তারা যে গাধার থেকে হীন, তা-ই তারা প্রকাশ করে। যদি তাদের এই বিশ্বাসটি সত্য হতো, তাহলে সাহাবাগণের মধ্যে কোনো বিরোধ থাকতো না, যাঁরা হজ্জুর ﷺ-এর সঙ্গে কথা বলে নিজেদের বিপদ-আপদ দূর করতেন। 'ওসীলা' সংক্রান্ত আয়াতটির অর্থ হচ্ছে এই- যা আদিষ্ট হয়েছে তা আমাদের করা উচিৎ এবং নিষেধসমূহ পরিহার করা উচিৎ এবং নফল পালন করা উচিৎ। এটা 'মৃত'দের কাছ থেকে সাহায্য কিংবা বরকত চাইতে পরামর্শ দেয় না, যেটা মুশরিকী ও গর্ভভসুলভ আচরণ ছাড়া আর কিছু নয়। ইসলামে এ ধরনের কিছুই নেই। ইসলাম এ ধরনের লোকদেরকে 'কাফের' ও 'মুশরিক' আখ্যায়িত করে থাকে।

আল্লাহ ও তাঁর রাসূল ﷺ বলা করেন, যে ব্যক্তি ইচ্ছাকৃতভাবে একটা ফরয নামায বাদ দেয়, সে একজন কাফের। তার কাযা নামাজ গ্রহণ করা হবে না।

কারো সুপারিশ কাউকেই শেষ বিচারের দিনে রক্ষা করবে না। যারা কুরআন কিংবা সুন্নাতে বিশ্বাস না করে অমুক অমুকের কথানুযায়ী ইবাদত করে, তারা জাহান্নামে যাবে। কবরে তথাকথিত মহান ব্যক্তিদের সম্পর্কে কোনো ব্যক্তিকে জিজ্ঞাসা করা হবে না, বরং আল্লাহ ও তাঁর রাসূল ﷺ সম্পর্কে জিজ্ঞাসা করা হবে। আল্লাহ পাক আদেশ দেন, 'তোমরা যা জানো না, তা যারা জানে তাদেরকে জিজ্ঞাসা করে শেখো।' কিছু লোক দায়িত্ব এড়ানোর জন্যে বলে, 'আয়াত ও হাদীসসমূহের প্রকাশ্য এবং অপ্রকাশ্য বা গোপন অর্থ রয়েছে। আমরা গোপন অর্থ বুঝতে অক্ষম।' বিশ্বাসীরা যা উপলব্ধি কিংবা পালন করতে অক্ষম তা আল্লাহ আদেশ করেন নি। তাই

উমর রিদার বই থেকে এ বিষয় সম্পর্কে জানো এবং তাঁর শক্তিশালী দূরবীনের সাহায্যে বিষয়টি পর্যালোচনা করো।

সুরাতুল বাক্বারার ২৩৮ নং আয়াতে আদেশ দেয়া হয়েছে যেন বিপদের সময় আমরা সকলে হেঁটে হেঁটে নামায পড়ি। দোয়া-এ-ক্বনুত পাঠ করার আদেশ হাদীসে দেয়া হয় নি। ক্বনুত ছাড়া সালাতুল বিতর নামায পড়া সহীহ্। যে ব্যক্তি শুধুমাত্র ফরয ও এক রাকাত সালাতুল বিতর নামায পড়ে, তাকে দোষারোপ করা যায় না। যারা সুন্নাত নামাযসমূহ পড়ে তাদের জন্যে সওয়াব রয়েছে; কিন্তু যারা তা পড়ে না, তাদের জন্যে গুনাহ নেই।

হে আমার ভ্রাতাগণ! আয়াত ও হাদীস যা বলে তাই আমি বলছি। নিজের মনগড়া কিছু বলছি না। রাসূলুল্লাহ ﷺ-এর প্রতি মিথ্যা ও যাদুর দোষারোপ করা কুকুরের ঘেউ ঘেউ করার মতোই ব্যাপার। আর যারা কুরআন হাদীসের আদেশ বর্ণনাকারীদের কাছ থেকে দূরে সরে থাকে, তারা বাস্তবতা থেকে পলায়নপর ভীরু কাপুরুষের মতোই।

মাওলিদ ও দালাইল পাঠ, তরীকা, ইসক্বাত এবং তালকিন হচ্ছে সাম্প্রতিককালের আবিষ্কার। এগুলো কুসংস্কার এবং হারাম। এগুলো যারা প্রবর্তন করেছিল তারা নিজেদেরকে আল্লাহর সমকক্ষ মনে করেছিল। আর যারা এগুলোকে গ্রহণ করেছে, তারা এগুলোর প্রবর্তনকারীদেরকে পূজা করার অবস্থায় আছে। ইসলামে কোনো কিছুই গোপন রাখা হয় নি। হাদীসে বলা হয়েছে, ‘আমার উম্মত তিয়ান্তর দলে বিভক্ত হবে। যারা আমাকে এবং আমার সাহাবীদেরকে অনুসরণ করবে তারা বেহেশতী হবে, আর বাকি সবাই জাহান্নামে যাবে। সব ত্বরীকতই অচল।

যে সব জিনিস নবী কারীম ﷺ-এর সময় ছিল না সেগুলো নির্মূল করতে হবে। কাদেরী, শাযিলী, মাওলাউইয়ী, নকশবন্দী, রিফা’ই, তিজানী, খালেদী, উওয়াইসী এবং অন্যান্য তরীকাগুলো একমাত্র সঠিক পথ হতে বিচ্যুতির এবং কুরআনের প্রতি অবাধ্যতার উৎকৃষ্ট উদাহরণ। মুসলিম ভিন্ন অন্যান্য নাম বা খেতাব বর্জন করা উচিত। আর নবী কারীম ﷺ-এর সময়ের মতো সব মুসলিমকে ভাই ভাই হয়ে যেতে হবে। কবর অথবা ‘মৃত’জনের রুহের কাছে সাহায্য প্রার্থনা কিংবা বরকত আদায়ের মতো অনৈসলামী কাজ সংঘটন করে মুসলমানদের উচিত নয় কাফের ও মুশরিকে পরিণত হওয়া। যিকর, তাসবিহ ও তাকবীর ইত্যাদির জন্যে আমাদের ধর্ম তাসবিহ কিংবা খানকাহ এবং গম্বুজবিশিষ্ট মাযার নির্মাণ করার আদেশ দেয় না, বরং মাযার ধ্বংস করার জন্যে আদেশ দেয়। আল্লাহ বলেন: ‘আমার কাছে প্রার্থনা করো, আমি তা কবুল করবো। তিনি বলেন নি, ‘আম্বিয়া (আ.) অথবা আউলিয়া (রহ.)-এর কাছে চাও।’ অর্থাৎ, তিনি এ কথা বলেন নি ‘মৃতজনের ওসীলা করো’, কিংবা ‘কবর ও ‘মৃত’জনের রুহের কাছে সাহায্য চাও।’ আল্লাহ ঘোষণা করেছেন- আম্বিয়া (আ.) আমাদের কোনো ক্ষতি অথবা উপকার করতে সক্ষম হবেন না। কুরআন আমাদেরকে যা করতে নিষেধ করে তা করাটা আল্লাহর প্রতি কুফর সংঘটনেরই নামান্তর। যারা ‘মৃত’দের কাছে সাহায্য চায়, তারা কাফের ও মুশরিক। রাসূলে কারীম ﷺ যে সব সালাওয়াত পাঠ করেছেন (আমাদেরকে পাঠ করতে শেখাবার জন্যে) সেগুলো তো ওহী বা ঐশী প্রত্যাদেশ। ওগুলো ছাড়া অন্যান্য সালাওয়াত বিদআত বৈ কিছু নয়। বিদআত কখনো ওহী থেকে উৎকৃষ্ট হতে পারে না। দালাইল (-এ-খাইরাত) পুস্তকের লেখক নিজেকে আল্লাহর সমকক্ষ বানিয়ে একটা নতুন প্রথা প্রবর্তন

করে। সে কয়েকটি বিশেষ দিনে বইটি পাঠ করার জন্যে নির্দেশ (প্রেসক্রিপশন) দেয়। আল্লাহর কাছে তওবা করার পরিবর্তে তারা শায়খ (পীর)-দের সামনে তওবা করে। সাহাবা-এ-কেরাম কোনো তুরীকা, মাওলিদ কিংবা সালাওয়াত আবিষ্কার কিংবা প্রবর্তন করেন নি। পরবর্তীরা মানুষদেরকে দেশরক্ষা ও শত্রু দমনের জন্যে সালাত-এ-মুনজিয়া এবং সালাত-এ-নারিয়া ইত্যাদির মতো বিদআতসমূহ পালন করতে আদেশ দেয়। ইস্কাতের কথা চিন্তা করে মুসলিমরা কোনো ইবাদত পালন করে না। মৃত'জন তলক্বিন শুনতে পায় না, আর এ ধরণের কোনো সংজ্ঞা-ও ইসলামে নেই।” (জওয়াব-এ-নুমান)

আল্লাহ্ ও তাঁর রাসূল ﷺ বলেছেন- যদি বে-নামাযী ব্যক্তি সালাতকে আদিষ্ট আমল হিসেবে বিশ্বাস না করে এবং যদি সে সেটাকে বে-দরকারি/অপ্রয়োজনীয় মনে করে, তবে সে কাফের হয়ে যাবে। যে ব্যক্তি আলস্য বশতঃ নামাজ পড়ে না, সে কাফের হবে না। সে বরং একজন ফাসিক বা পাপিষ্ঠ হবে। হানাফী মাযহাবে তিন রাকাত সালাতুল বিতর পড়া ওয়াজিব। ‘মারাক্বিউল ফালাহ্’ ও আবু দাউদ (রহ.)-এর ‘সুনান’ এবং আল মানাবী (রহ.)-এর ‘কানযুদ দাক্বাইক্ব’ ইত্যাদি পুস্তকে লেখা আছে, আমাদের নবী-এ-মক্ববুল ﷺ তিন রাকাত সালাতুল বিতর পড়তেন। আর দোয়া কুনুত পাঠ করা ওয়াজিব; ইমাম আবু ইউসুফ (রহ.), ইমাম মুহাম্মদ শায়বানী (রহ.), ইমাম আহমদ বিন হাম্বল (রহ.) ও ইমাম শাফেয়ী (রহ.)-এর মতে এটা সুন্নাত। আবু দাউদ (রহ.)-এর উদ্ধৃতি দিয়ে আল মানাবী (রহ.) লিখেছেন: “সালাতুল বিতর পালনকালে হুজুর পাক ﷺ দোয়া-এ-কুনুত পাঠ করতেন।” কুনুত হিসেবে সুপ্রসিদ্ধ দোয়াটি পাঠ করা সুন্নাত; এটা সর্বসম্মতভাবে বর্ণিত হয়েছে। এ বিষয়টির সপ্রমাণকারী হাদীসটি আশ-শার্নব্লালীর কৃত ‘মারাক্ব-ইউল-ফালাহ্’ গ্রন্থে লিপিবদ্ধ রয়েছে। যে ব্যক্তি কোনো ওয়াজিব কিংবা সুন্নাতকে অপ্রয়োজনীয় বিবেচনা করে বাদ দেয়, সে কাফেরে পরিণত হয়। যে ব্যক্তি সেগুলোকে দরকারি মনে করে, কিন্তু আলস্যবশতঃ একবার একটা ওয়াজিব কিংবা প্রত্যেক বার একটা সুন্নাত পালনে অনীহা প্রদর্শন করে, তাহলে সে পাপিষ্ঠ হবে। এই ওহাবী হানাফী মুসলিমদেরকে নিজেদের মাযহাব ত্যাগপূর্বক ওহাবীদের মতো লা-মাযহাবীতে রূপান্তরিত করতে চায়। যে লোক লা-মাযহাবী হয়ে যায়, সে আহল-এ-সুন্নাত থেকে বিচ্যুত হয়। আর যে লোক আহলুস সুন্নাত থেকে বিচ্যুত হয়, সে বিখ্যাত ‘আল বাসাইক্ব লি মুনকিরিত্ তাওয়াসসুলি বি আহলিল মাকাবীর’(আরবী) বইয়ের ভাষ্যানুযায়ী হয় বিদয়াতী, নয়তো কাফেরে পরিণত হয়।

রাসূলুল্লাহ ﷺ (হাকিকি অর্থে) নিজের ক্ষমতায় গায়েব জানেন না। আল্লাহ তা’আলা-ই তাঁকে ওহীর মাধ্যমে তা জানিয়ে থাকেন; আর আউলিয়া (রহ.)-কে তিনি জানান এলহাম ও কারামতের মাধ্যমে। হযরত উমর ফারুক (রা.)-এর পারস্যে মুসলিম বাহিনীকে যুদ্ধরত অবস্থায় দেখা ও তাদের নেতা সারিয়া (রা.)-কে নির্দেশ প্রদান এবং সারিয়া (রা.)-এর সেই নির্দেশ শুনতে পাওয়া এমনই ধরণের একটি ঘটনা। আউলিয়া (রহ.) (হাকিকি অর্থে) নিজেদের ক্ষমতায় গায়েব জানেন না, বরং আল্লাহ্ই তাঁদেরকে তাঁর যা ইচ্ছা তাই জানিয়ে থাকেন। তিনি আউলিয়া (রহ.)-এর রূহ মুবারককে শবণ ও দর্শনক্ষমতা দান করে থাকেন। কুরআন ও হাদীসই এই কথা বলে। ২৬৮ পৃষ্ঠায় ওহাবী পুস্তকটি একটি হাদীস উদ্ধৃত করে: “এই পৃথিবী আমার কাছে ছোট হয়ে গিয়েছে। আমি পূর্ব এবং পশ্চিমকে এমনভাবে দেখছি যেন তারা আমার হাতের মধ্যে অবস্থিত একটা আয়নার ভেতরে বিরাজমান।” (হাদীস) হুজুর ﷺ তাঁর সাহাবীদের মধ্যে ভবিষ্যতে সংঘটিতব্য বিরোধ সম্পর্কে যাকে ইচ্ছা জানিয়েছিলেন; দুনিয়াবী এবং বেসাল-পরবর্তী উভয় জীবনেই তিনি তা জানিয়েছিলেন। তিনি তাঁদেরকে আল্লাহর

বিধিতে সমর্পিত হতে বলেছিলেন এবং তাঁদের অনেকেই শাহাদাৎপ্রাপ্তির শুভসংবাদ দিয়েছিলেন। তাবরানী (রহ.) রেওয়াজাতকৃত এবং কানযুদ দাক্বাইক্ব গ্রন্থে লিপিবদ্ধ একটি হাদীসে বলা হয়েছে: “ষাট হিজরীতে হুসাইন শহিদ হবে।” (হাদীস) একইভাবে তিনি হযরত উসমান (রা.), হযরত আলী (ক.) এবং আরও বহু সাহাবীর শাহাদাৎপ্রাপ্তি সম্পর্কে ভবিষ্যদ্বাণী করেছিলেন। সাহাবীদের জন্যে শহিদ হওয়ার কথাটি শুভ-সংবাদ ছিল। তাঁরা শহিদ হবার জন্যে দোয়া করতেন, শহিদ না হবার জন্যে নয়। ‘তিনি কেন তাঁর সাহাবা-এ-কেরামকে সাহায্য করলেন না?’ – এ প্রশ্নটি অজ্ঞতা বৈ কিছু নয়। এটা অনেকটা নিম্নরূপ শোনায় – উহুদের যুদ্ধে আল্লাহ্ কেন তাঁর রাসূল ﷺ-কে সাহায্য করলেন না? ‘সাহাবাদের মধ্যে যদি তিনি (হুজুর-দ.) বিরোধ দেখতে সক্ষম হতেন এবং তাঁদের কথা শ্রবণ করতে সক্ষম হতেন তাহলে তিনি তাঁদের দুঃখ মোচন করে দিতেন’- কথাটির অর্থ হলো, আল্লাহ্ উহুদের যুদ্ধে মুসলিমদের ট্রাজেডী ও মহাবিপদ দেখতে সক্ষম হন নি এবং তিনি মুসলিমদের সাহায্য প্রার্থনা ও দোয়া শুনতে পান নি (নাউজুবিল্লাহ্)। ওহাবীদের এ রকম উদ্ভট ও বাজে মন্তব্যে বিশ্বাস করা থেকে আল্লাহ্ আমাদেরকে পানাহ্ দিন, আমীন! দ্বীনের মহান ইমামগণ কাযা এবং রুদর (ভাগ্য) সম্পর্কে জানতে পারার পর সেটা পরিবর্তন করতে চেষ্টা করেন না, বরং তাতে সম্মতি দেন। একটা হাদীস ঘোষণা করে, ‘ইয়া তাহাই-ইয়্যারতুম ফীল উমূরে ফাস্তাঈনূ মিন আহলিল্ কুবূর;’ অর্থাৎ, ‘যখন তোমরা তোমাদের বিষয়সমূহে বিপদগ্রস্ত হও, তখন মাযারস্থ আউলিয়ার সাহায্যপ্রার্থী হবে।’ (হাদীস) নিজেদের স্বার্থের পরিপন্থী সমস্ত হাদীস ওহাবীরা ধামাচাপা দেয়ার চেষ্টা করে। কিন্তু সৌভাগ্যক্রমে সূর্যকে কাদা দিয়ে প্লাস্টার করা যায় না, আর সত্যকেও গোপন করা যায় না। তারা তখনই ক্রোধে দিগ্বিদিক জ্ঞানশূন্য হয়ে টেঁচিয়ে ওঠে, ‘এটা শিরক, ওটা গর্ধভসূলভ আচরণ’ ইত্যাদি। আর যখনই তাদেরকে সুস্পষ্ট দলিল প্রদর্শন করা হয়, তখনই তারা তা খণ্ডন করতে ব্যর্থ হয়।

ওহাবী লোকটি সুন্নী উলামাবৃন্দকে আক্রমণ করেছে এই কথা বলে যে, ‘অমুক অমুকের কথা’। অথচ আহলে সুন্নতের উলামাগণ কুরআন-হাদীস থেকে যা উপলব্ধি করেছেন এবং সাহাবা-এ কেরামের কাছ থেকে যা শুনেছেন তাই তাঁদের বইপত্রে লিপিবদ্ধ করেছেন। তাঁরা নিজেদের অভিমত ও ধ্যান-ধারণার ওপর নির্ভর করেন নি। তাঁরা প্রত্যেকটি বিষয়কে কুরআনের আয়াত, হাদীস ও আসার-এ-সাহাবা-এ-কেরাম (সাহাবীগণের বাণী) দ্বারা সপ্রমাণ করেছেন। যারা কুরআন ও সুন্নাত মান্য করতে চায় এবং সাহাবাগণের পদাঙ্ক অনুসরণ করতে চায়, তাদেরকে আহলে সুন্নাত উলামাবৃন্দের বইপত্র পড়তে হবে। এছাড়া তাদের আর কোনো গত্যন্তর নেই। হাদীসে প্রশংসিত শ্রেষ্ঠ শতাব্দীর শ্রেষ্ঠ উলামাগণ কুরআন-হাদীসের অর্থ সঠিকভাবে বুঝতে পারেন নি এবং শ্রেষ্ঠ শতাব্দীর দশ শতাব্দী পরে নজদের মরুভূমিতে আগত বর্বর ওহাবীরা তা বুঝতে পেরেছে – এ কথাটা একমাত্র যিনদিক কিংবা পাগলেরাই বলতে পারে। [হাদীসটি ওহাবী পুস্তক ‘ফাতহ আল মাজীদ’-এর ৪৯২ পৃষ্ঠায়ও লিপিবদ্ধ আছে] ওহাবীদের এসব অযৌক্তিক লেখনী প্রমাণ করে তারা কুরআন ও হাদীসের অর্থ মোটেও বুঝতে পারে নি। তারা আয়াত ও হাদীসকে যেমন ইচ্ছা তেমনিভাবে তফসীর করে ইসলামের সঙ্গে তামাশা করছে। কিন্তু কবরে ওহাবীবাদ সম্পর্কে কোনো প্রশ্ন করা হবে না, বরং আল্লাহ্ ও তাঁর রাসূল ﷺ সম্পর্কেই প্রশ্ন করা হবে। আহলে সুন্নাত উলামাবৃন্দ কর্তৃক লিখিত উত্তরগুলো যারা সেখানে প্রদান করতে ব্যর্থ হবে এবং যারা ওহাবীদের প্রচারিত মিথ্যা দ্বারা ধোকাপ্রাপ্ত হবে, তারা জানান্নামে যাবে। আল্লাহ্ ঘোষণা করেন, ‘তোমরা যা জানো না, তা যারা জানেন, তাঁদেরকে জিজ্ঞাসা করে জেনে নাও।’ (আয়াত) আয়াতটির আদেশ মান্য করে প্রত্যেক মুসলিমেরই উচিত আহলে সুন্নাতের কিতাবসমূহ পাঠ করে নিজ ধর্ম সম্পর্কে জানা। যে

ব্যক্তি আহলে সুন্নাতের উলামার বইপত্র পড়বে না, সে প্রকৃতপক্ষে উপর্যুক্ত আয়াতটি অমান্য করবে। সে সত্য সম্পর্কে অজ্ঞ থাকবে এবং ওহাবীদের ধোকায় পড়ে জাহান্নামে যাবে। ইমাম দায়লামী (রহ.) ও ইমাম মানাবী (রহ.) বর্ণিত একটি হাদীস ঘোষণা করে, “আল্লাহর রহস্যগুলোর মধ্যে একটি হচ্ছে ‘বাতিনের’ জ্ঞান। এটা তাঁর একটা আদেশ বিশেষ।” (হাদীস) এ হাদীসটিতে আমাদের রাসূলুল্লাহ ﷺ ‘ইলমুল বাতিন’ সম্পর্কে আলোচনা করেন এবং বলেন- এটা আল্লাহর আদেশ; অথচ ওহাবীরা বলে যে আহলে সুন্নাতের উলামাবৃন্দ ‘ইলমুল বাতিন’ উদ্ভাবন করেছেন। আল্লাহ তা’আলা প্রত্যেক মানুষের জন্যে শরীয়তের আদেশ-নিষেধ জারি করেছেন এবং সেগুলো প্রত্যেকেরই বোধগম্য ও আমলযোগ্য। সেগুলো মান্য করা সবার জন্যে ফরয। কিন্তু সবাই আধ্যাত্মিক জ্ঞান ও মুতাশাবিহ্ আয়াত বুঝতে সক্ষম নয়। এটা উপলব্ধি করা এবং অন্তর্নিহিত অর্থ পূর্ণ করার দায়িত্ব একমাত্র ‘উলামা আর রাসিখিন’-এর জন্যেই সুনির্দিষ্ট। ‘উলামা আর রাসিখিন’ হচ্ছেন সেই সকল মহান উলামা যাঁরা তাসাউফের পথে অগ্রসর হয়েছেন এবং পূর্ণতা অর্জন করেছেন। ওহাবীরা প্রচ্ছন্ন জ্ঞানকে অস্বীকার করে এ কারণে যে, তারা ওই ধরনের জ্ঞানের শাখা সম্পর্কে কখনো শোনেনি এবং ওই সব উলামায়ে রাসিখিন সম্পর্কেও কিছু জানে নি। আর উমর রেযার বই সম্পর্কে বলা যায়, একমাত্র ওহাবীরাই তার গোমরাহ্ লেখনীতে বিশ্বাসী, যেগুলো সে বিভিন্ন ওহাবী পুস্তক থেকে অনুবাদ করেছে [তুর্কী ভাষায়]।

সুরাতুল বাক্বারায় (২৩৮ নং আয়াত) বিবৃত হয়েছে- শত্রুর মোকাবিলা করার সময় অথবা ডুবে যাবার কিংবা জ্বলে পুড়বার কিংবা হিংস্র জন্তু কর্তৃক আক্রান্ত হবার ভয় থাকলে একটা সুবিধাজনক দিকে (কিবলা বানিয়ে) নামায পড়া যায়। ফিক্বাহর বইপত্রে লেখা আছে; মহাবিপদের সমূহ সম্ভাবনার সময় জামাতে নামায পড়া জরুরী নয়। সে সময় একাকী-ও নামায পড়া যায়, হোক সেটা দাঁড়িয়ে কিংবা (জন্তুর ওপর) চড়ে। শুধুমাত্র এই সব বিপদ থেকে পালাবার সময়েই এবং নামাযের সঠিক সময় হারিয়ে ফেলার সম্ভাবনার সময়েই (জন্তুর পিঠে) চড়ে নামায পড়া যায়। সংশ্লিষ্ট আয়াত, যেটা ‘ইমদাদ’ নামক পুস্তকে ব্যাখ্যা করা হয়েছে, সেটার অর্থ হচ্ছে এই; সালাত একটা সুবিধাজনক দিকে (মুখ করে) পড়তে হবে। তাফসীর কিতাবসমূহে এবং ‘জওহার’ নামক ফিক্বাহর পুস্তকে স্পষ্টভাবে লিখিত আছে; আয়াতে উল্লিখিত ‘রিজালান’ শব্দটির অর্থ ‘দাঁড়ানো’, ‘হাঁটা’ নয়। ওহাবী লেখকটি হানাফী মুসলিমদেরকে ধোকা দিয়ে তাঁদেরকে হেঁটে হেঁটে নামায পড়ার কুমন্ত্রণা দিচ্ছে এবং আয়াতটির বিকৃত ব্যাখ্যা করার জন্যে মোটেও ভয় পাচ্ছে না। যে ব্যক্তি অপ্রয়োজনীয় মনে করে সুন্নাত নামাযগুলো বর্জন করে, সে কাফেরে রূপান্তরিত হবে। যে ব্যক্তি সেগুলোকে দরকারি মনে করে কিন্তু সব সময়ই বর্জন করে, সে ফাসিক্কে পরিণত হবে। যদিও এই ওহাবী মতাবলম্বী ব্যক্তি লিখেছে; সে কুরআন-হাদীসের কথাই লিখেছে, তবুও সে প্রকৃতপক্ষে সে সব কথাতে নিজের মনগড়া কথা সন্নিবেশিত করেছে। আহলে সুন্নাতের উলামাবৃন্দ নিজেদের মনগড়া তাফসীর করেন নি, বরং রাসূল-এ-কারীম ﷺ ও সাহাবা-এ-কেরামের তাফসীর তালাশ করে বের করে সেই সব সঠিক অর্থ উদ্ধৃত করেছেন তাঁদের বইপত্রে। এই ওহাবী মতাবলম্বী ব্যক্তি এ কথা অস্বীকার করতে পারে নি; ‘ফাতহুল মাজীদ’ পুস্তকের ৩৮৮ পৃষ্ঠায় সে লিখেছে: “ইমামুল আযম হযরত আবু হানিফা (রহ.) বলেছেন, ‘আল্লাহর কিতাব’, রাসূলুল্লাহ ﷺ-এর সুন্নাত এবং সাহাবাগণের আসারের সঙ্গে যদি আমার কোনো মন্তব্যের অসঙ্গতি তোমরা দেখতে পাও, তবে আমার মন্তব্য পরিহার করে তাঁদেরটা গ্রহণ করবে!’ আর ইমাম শাফেয়ী (রহ.) বলেন, ‘রাসূলুল্লাহ ﷺ-এর সুন্নাতের সঙ্গে অসামঞ্জস্যপূর্ণ কোনো কিছু যদি তোমরা আমার কিতাবে খুঁজে পাও, তাহলে আমার ভাষ্য বর্জন করে নবী পাক ﷺ-এর সুন্নতকে গ্রহণ করবে।”

এই উদ্ধৃতিটিও প্রমাণ করে- আহলে সুন্নাহের উলামাবৃন্দ কী রকম শক্তভাবে কুরআন-হাদীসকে আঁকড়ে ধরেছিলেন। এই কারণেই যারা কুরআন-হাদীসের সঠিক অর্থ শিখতে চায় তাদের উচিত আহলে সুন্নাহের উলামাবৃন্দ কর্তৃক লিখিত ‘কালাম’ ও ‘ফিকাহ’-এর বই-পুস্তক পাঠ করা। যেহেতু আহলে সুন্নাহের উলামায়ে কেরামের বইপত্র কুরআন-হাদীস যা আদেশ করেছে তা-ই ব্যক্ত করেছে, সেহেতু ওহাবী লোকটির লেখনী অনুযায়ী যারা সেই সব কিতাব থেকে দূরে সরে থাকছে তারা আর কেউ নয় ওহাবী শয়তানেরা ছাড়া, যারা বাস্তবতা থেকে পলায়ন করেছে।

রাসূল-এ-আকরাম ﷺ-এর মাওলিদ পাঠ করে মুসলিমগণ তাঁর জন্ম বৃত্তান্ত, মিরাজ শরীফ ইত্যাদি বিষয়ে আলোচনা এবং প্রশংসা ও স্মৃতিচারণ করে থাকেন। রাসূলুল্লাহ ﷺ-কে ভালোবাসা প্রত্যেক মুসলিমের জন্যে অপরিহার্য। যে ব্যক্তি তাঁকে ভালোবাসে, সে সব সময় তাঁকে স্মরণ করে এবং তাঁর নাম বার বার উচ্চারণ করে প্রশংসা করে থাকে। আদ-দায়লামী (রহ.) বর্ণিত এবং ‘কানযুদ দারাইক’ গ্রন্থে লিপিবদ্ধ একটা হাদীস ঘোষণা করে:

“যে ব্যক্তি প্রেমাস্পদকে খুব ভালোবাসে সে তাকে ঘন ঘন স্মরণ করে।” (হাদীস) সকল ওলামা-এ-ইসলাম তাঁদের বইপত্রে লিখেন- নবী কারীম ﷺ-এর প্রতি অত্যধিক মহব্বত রাখা অত্যন্ত জরুরী। এমন কি ওহাবী ব্যক্তিটির পুস্তকের ৩৬৬ পৃষ্ঠায় একথা ব্যক্ত করা হয়: একটা হাদীসে ঘোষিত হয়েছে - ‘কোনো মুসলিমের ঈমানই পূর্ণ হতে পারে না, যতোক্ষণ পর্যন্ত না সে তার সন্তান, পিতা-মাতা ও অন্যান্যদের থেকে আমাকে বেশি ভালোবাসে।’ অর্থাৎ, ‘তার বিশ্বাস সম্পূর্ণ নয়’, এ কথাই হুজুর ﷺ বুঝিয়েছিলেন। যে ব্যক্তি আল্লাহকে ভালোবাসে, তার জন্যে তাঁর রাসূল ﷺ-কে ভালোবাসাটা ওয়াজিব। তাকে আল্লাহর বিশুদ্ধ বান্দাদেরকেও ভালোবাসতে হয়।” (ফাতহুল মাজীদ)

মাওলিদের রাতে হুজুর পাক ﷺ সাহাবাদেরকে সব সময় দাওয়াত করে খাওয়ার ব্যবস্থা করতেন এবং এ পৃথিবীতে তাঁর তশরীফ আনার ঘটনাবলী বর্ণনা করতেন। খলীফা থাকাকালীন হযরত আবু বকর (রা.)-ও সমস্ত আসহাব-এ-কেরামকে মাওলিদের রাতে সমবেত করে রাসূল-এ-কারীম ﷺ-এর দুনিয়াতে তশরীফ আনার সময় যে সব অলৌকিক ঘটনাবলী সংঘটিত হয়েছিল, সে সম্পর্কে আলোচনা করতেন। খ্রিস্টানরা জন্ম দিবস উদযাপনের প্রথা মুসলমানদের কাছ থেকে শিখেছে। সমগ্র বিশ্বের মুসলিমগণ রাসূলুল্লাহ ﷺ-সম্পর্কিত সমস্ত বইপত্র পাঠ করে সেই মহাসম্মানিত রাত্রিটি উদযাপন করেছেন, যেটাতে নবি কারীম ﷺ এ পৃথিবীতে তশরীফ এনেছিলেন। এই রাত্রি উদযাপনের সময় মুসলিমগণ হুজুর ﷺ ও সাহাবাগণের অনুরূপ আনন্দ অনুভব করেছেন। ইসলামী উলামাবৃন্দ এই রাতটিকে অত্যধিক গুরুত্ব দিয়েছেন। পৃথিবীর সকল প্রাণী-ই এই রাতে আনন্দিত হয়। মাওলানা জালালুদ্দিন রুমী (রহ.) বলেছেন, যে সব জায়গায় মাওলিদ পাঠ করা হয়, সেগুলো বালা-মুসীবত ও ধ্বংস থেকে রক্ষা পাবে। সুর করে কবিতা বা ক্বাসিদা (verse) আকারে মওলুদ পাঠ করা অত্যধিক উপকারী।

রাসূলুল্লাহ ﷺ-এর বহু সাহাবী কবি ছিলেন, যাঁরা শত্রুদের কুৎসার জবাব দিতেন এবং হুজুর ﷺ-এর প্রশংসা করতেন। হুজুর ﷺ সবচেয়ে বেশি পছন্দ করতেন হযরত হাসসান বিন সাবিত (রা.)-এর কবিতা। হযরত

হাসসান (রা.)-এর জন্যে তিনি মসজিদে একটা মিস্বর স্থাপন করেন, যেখানে উঠে হযরত হাসসান (রা.) শত্রুদের সমালোচনা করতেন এবং নবি কারীম ﷺ-এর প্রশংসা করতেন। হুজুর ﷺ সব সময় বলতেন, “হাসসানের কথাগুলো শত্রুদের জন্যে তীরের আঘাতের চেয়েও মারাত্মক।” (হাদীস) অপর এক হাদীসে বলা হয়েছে, “যদি আল্লাহ পাক তাঁর কোনো বান্দাকে লেখা কিংবা বক্তৃতার গুণ মঞ্জুর করেন, তবে তার উচিত আমার প্রশংসা করা এবং শত্রুদের সমালোচনা করা।” (হাদীস) মুসলিম দেশসমূহে পঠিত মাওলিদ এক ধরনের ইবাদত বৈ আর কিছু নয়, যেটা হাদীসটিতে প্রদত্ত আদেশের সাথে সম্পূর্ণ সঙ্গতিপূর্ণ। মাওলিদ পাঠে ওহাবীদের বিরোধিতা এ কথা-ই পরিস্ফুট করে; নবী পাক ﷺ ও সাহাবা-এ-কেরাম যা করেছিলেন তা তারা অপছন্দ করে এবং হাদীসের আদেশ তারা মানতে নারাজ। ‘দালাইলুল খায়রাত’ হচ্ছে একটা সালাওয়াত ও দোয়া-সম্বলিত বই। নবী কারীম ﷺ-এর প্রতি সালাওয়াত পাঠ করতে কুরআন আমাদেরকে আদেশ করেছে। ওহাবীরা কুরআনের এই আদেশটির বিরোধিতা করে চলেছে। মুসলমানগণ যে কোনো ভাষায় দু’আ করতে পারেন; তাঁদেরকে এ কারণে কাফের আখ্যা দেয়া যায় না। আয়াত ও হাদীসগুলোতে বিবৃত দু’আগুলো পরিবর্তন না করেই পাঠ করতে হবে। পরিবর্তন করাটা মারাত্মক গুনাহ। যে সব দোয়া আয়াত ও হাদীস থেকে গৃহীত হয় নি, সেগুলো সালাত (নামায) ছাড়া অন্যান্য ক্ষেত্রে পাঠ করা যাবে। শরীয়ত এটা নিষেধ করে না। সেগুলো পড়া যাবে না বলে ওহাবীরা ডাহা মিথ্যা কথা বলেছে। আল্লাহ কিংবা তাঁর রাসূল ﷺ যে জিনিস নিষেধ করেন নি, তাকে হারাম এবং বিশেষ করে শিরক ও কুফর বলাটা-ই কুফরী। যে ব্যক্তি তা বলে, সে কাফের ও মুরতাদ হয়ে যাবে! আল্লাহর আসনে না বসিয়ে হুজুর পাক ﷺ-কে অতিমাত্রায় প্রশংসা করা এবং তাঁকে সর্বশ্রেষ্ঠ হিসেবে তা’যিম (সম্মান) করা এবং তাঁর প্রতি বর্ষিত আল্লাহর নেয়ামতসমূহ বর্ণনা করে তাঁর কাছে শাফায়াত চাওয়া একটা মহামূল্যবান ইবাদত। এর প্রতি ওহাবীদের বিরুদ্ধাচরণ তাদের চরম অজ্ঞতা ও বিশী একগুঁয়েমি-ই প্রকাশ করে! বিশেষ করে ওই ওহাবী বলে, “এই বইটির (দালাইলুল খায়রাত) লেখক এটিকে ৭ ভাগে বিভক্ত করে বলেছে, ‘দৈনিক একভাগ পাঠ করলে এক সপ্তাহের মধ্যে বইটি সমাপ্ত হবে।’ এই মন্তব্যটি শিরক। এটা অনেকটা আল্লাহর গদিতে বসে দৈনিক পাঁচ ওয়াক্ত নামায পড়ার আদেশ দেয়ার মতো-ই ব্যাপার। এ আচরণে প্রতিভাত হয় যে, সে [দালাইলুল খায়রাতের লেখক] বিশ্বজগতের সৃষ্টিকর্তা থেকে নিজেকে বড় মনে করে।” ওই ওহাবীর এই উক্তিটি মারাত্মক আহাম্মকী! ৩৩৫-নং পৃষ্ঠায় ওহাবী পুস্তকটি লিখেছে; কোনো ব্যক্তি কর্তৃক আল্লাহকে ভালোবাসার দশটি কারণ রয়েছে এবং পুস্তকটি সবগুলো কারণই একে একে ব্যাখ্যা করে। ‘দালাইলুল খায়রাত’-এর লেখকের প্রতি শিরকের দোষারোপ অনেকটা ওহাবীদের প্রতি শিরকের দোষারোপের মতোই, যেহেতু তারা ঈমানের ছয়টি নীতিকে বর্ধিত করে দশটিতে উন্নীত করেছে।

ওহাবীরা ‘দালাইলুল খায়রাত’ পুস্তকটিকে মারাত্মকভাবে আক্রমণ করে থাকে। বইটির লেখক হচ্ছেন আহলে সুন্নাহের মহান আলেম এবং নিখুঁত ওলী হযরত মুহাম্মদ ইবনে সুলাইমান জায়ুলী (রহ.)। তিনি বইটির প্রারম্ভে রাসূলুল্লাহ ﷺ-এর প্রতি সালাওয়াত পাঠের গুরুত্ব ও উপকারিতা বিশদভাবে ব্যাখ্যা করেন এবং এরপর হাদীসসমূহ থেকে গৃহীত ও সাহাবা-এ-কেরাম কর্তৃক পঠিত সালাওয়াত যেগুলো তিনি নিজেই সংগ্রহ করেছিলেন, সেগুলো লিপিবদ্ধ করেন।

তরীকত অর্থ পথ। এর মানে তাসাউফের পথ। ইমাম-এ-রাব্বানী আহমদ ফারুকী সিরহিন্দী (রহ.) এবং মাসুম ফারুকী (রহ.) লিখেছেন- তরীকতসমূহ বিদআত নয়, বরং সেগুলো হযরত রাসূল-এ-কারীম ﷺ-এর সুন্নাহের

সঙ্গে সম্পূর্ণ সঙ্গতিপূর্ণ। ওহাবীরা তরীকতগুলোকে আক্রমণ করে, কারণ তারা তরীকত কিংবা তাসাউফ সম্পর্কে কিছুই জানে না; না জেনে-শুনেই তারা মুসলিমদেরকে দোষারোপ করে থাকে। ইমাম মা'সুম ফারুকী সিরহিন্দী (রহ.) তাঁর কৃত 'মাকতুবা' কিতাবের ১ম খণ্ডের ১৭৭ নং চিঠিতে তরীকত সম্পর্কে ব্যাখ্যা দেন:

“কাশফ ও রু'এয়া-এর ওপর নির্ভর করবে না। একমাত্র যে সব জিনিসে আস্থা স্থাপন করতে হবে এবং যেগুলো মানুষকে দোষখ থেকে রক্ষা করবে, সেগুলো হচ্ছে কুরআন ও সুন্নাহ। আল্লাহর কিতাব ও রাসূলের সুন্নাহকে তোমার সর্বশক্তি দিয়ে আঁকড়ে ধরো! এ দুটোর সঙ্গে তোমার সব কাজকে সামঞ্জস্যপূর্ণ করার ব্যাপারে সতর্কতা অবলম্বন করো! যিকর শরীয়তের একটা আদেশ। ঘন ঘন যিকির পালন করো! তোমার প্রত্যেকটা মুহূর্তকে যিকিরে ব্যস্ত রাখো!”

সুরাতুল আনফালের ৪৫-নং আয়াত ঘোষণা করে: ‘হে বিশ্বাসীরা! ঘন ঘন অন্তর ও জিহ্বা দ্বারা আল্লাহর যিকির করো! তোমরা সাফল্য অর্জন করবে।’ সুরা জুমারের ১০-নং আয়াতে বলা হয়েছে: ‘হে বিশ্বাসীরা! আল্লাহকে বেশি পরিমাণে স্মরণ করো! এতে তোমরা দু'জাহানে কামিয়াব হবো।’ (আয়াত) সুরাতুল আহযাবের ৪১নং আয়াতে বলা হয়েছে: ‘হে ঈমানদাররা! তোমরা আল্লাহকে সব সময় গভীরভাবে স্মরণ (যিকির) করো।’ ‘তায়সীর-এ-তিব্বইয়ান’ কিতাবটিতে হযরত আবদুল্লাহ ইবনে আব্বাস (রা.)-এর কথা উদ্ধৃত হয়েছে, যিনি বলেন: ‘আল্লাহ তাঁর প্রতিটি আদেশেরই একটি সীমা নির্ধারণ করে দিয়েছেন, যা অতিক্রম করলে ক্ষমার চোখে দেখেন। যাদের ওজর আছে, তাদেরকে তিনি ক্ষমা করে দেন। কিন্তু যিকির পালনের আদেশটি অন্যান্য আদেশগুলোর মতো নয়। আর এ এবাদতের জন্যে কোনো সীমা কিংবা ওজর নেই। যিকিরকে অবহেলা করার কোনো ওজর নেই। তিনি আমাদেরকে অন্তর ও জিহ্বা দ্বারা দাঁড়িয়ে, বসে, অথবা শুয়ে, যে কোনো জায়গায়, যে কোনো অবস্থায় যিকির পালন করতে আদেশ দিয়েছেন। তিনি বলেছেন তাঁকে কখনো না ভুলতে।’ সুরা বাক্বারার ১৫২নং আয়াতে আল্লাহ বলা করেন: ‘আমাকে স্মরণ করো! আমিও তোমাদেরকে স্মরণ করবো।’ ‘তায়সীর-এ-তিব্বইয়ানে’ উদ্ধৃত একটা হাদিস-এ-কুদসী ঘোষণা করে: ‘আমি আমার সেই বান্দার সঙ্গে আছি, যিনি আমার সম্পর্কে চিন্তা করেন।’ (হাদীস) ইমাম বায়হাকী বর্ণিত হাদীসগুলোতে রাসূলুল্লাহ ﷺ এর ফরমান: ‘তাই সর্বোচ্চ পর্যায়ে আছে, যারা আল্লাহর যিকির পালন করে’; ‘আল্লাহর যিকিরের প্রতি ভালোবাসাই তাঁর প্রতি ভালোবাসার লক্ষণ’; ‘অন্তরের অসুখের ওষুধ হচ্ছে আল্লাহর যিকির’; ‘যিকির সাদকা ও রোজা হতেও উত্তম’ এবং ‘আল্লাহ তাঁর অধিক স্মরণকারীকে ভালোবাসেন।’ নবী কারীম ﷺ সব সময়ই যিকির পালন করতেন। আল্লাহকে অধিক স্মরণ করার পথই হচ্ছে তাসাউফ। তাসাউফকে কীভাবে দোষারোপ করা যায়?

আল্লাহ-ওয়ালাগণ সবাই একমত হয়েছেন যে, এ পথের (নকশবন্দীয়া তরীকায়) সর্বোচ্চ পর্যায় হচ্ছে আল্লাহকে জানার গুণটি। এ মা'রেফতের মানে আল্লাহর মাঝে বিলীন হওয়া। অর্থাৎ, আল্লাহকে জানার অর্থ হচ্ছে এ কথা উপলব্ধি করা যে, একমাত্র তিনি-ই অস্তিত্বসম্পন্ন এবং অন্যান্য সব কিছুই অস্তিত্বহীন। তরীকত অথবা তাসাউফ এ ধরণের উপলব্ধির দিকে নিয়ে যায়। দুটো পংক্তি -

“তোমার সত্তাকে অস্তিত্বহীন জানো, এটাই হচ্ছে পূর্ণতা,  
তাঁর (মওলার) মাঝে বিলীন হও, মিলনের পথটি-ই তা।”

এই লয়প্রাপ্ত হওয়াকে ‘ফানা’ বলে। ফানা দুই প্রকার। ওগুলোর মধ্যে একটা হচ্ছে ‘ফানা আল-ক্বলব’, যেটাতে ক্বলব আল্লাহ ছাড়া সব কিছুই ভুলে যায়। ক্বলব আর তখন চেপ্টা করেও আল্লাহ ছাড়া অন্য কোনো কিছুকে স্মরণ করতে পারে না। সেটা তখন আল্লাহ ছাড়া অন্য কিছুকে জানেও না, ভালোবাসেও না। দ্বিতীয় ধরনের ফানা হচ্ছে ‘ফানা আন-নফস’। নফসের ফানা হচ্ছে সেটার লয়প্রাপ্ত হওয়া; তখন কোনো ব্যক্তি নিজেকে ‘আমি’ বলতে অপারগ হয়। আ’রিফের (খোদা সম্পর্কে জ্ঞানীর) সত্তা ও তাঁর লক্ষণসমূহ অদৃশ্য হয়ে যায়। তিনি তখন আল্লাহ ভিন্ন অন্য কোনো কিছুকে চেনেনও না, কিংবা মহব্বতও করেন না। তাঁর সঙ্গে তাঁর সত্তার অথবা অন্য কোনো সত্তার সম্পর্ক থাকে না। আল্লাহ ছাড়া অন্য কোনো কিছুর মহব্বতই হচ্ছে মানুষকে ধ্বংসের পথের দিকে প্রেরণকারী বিষ। ওই ধরনের একজন আরিফের কলব্ব একটা উজ্জ্বল আয়নাসদৃশ। তিনি তাঁর প্রত্যেকটি কাজে শরীয়তকে মান্য করেন। আল্লাহর আদেশ-নিষেধ পালন করা তাঁর জন্যে সহজ ও সুখকর হয়। ‘উজব’ (নিজের এবাদতের অহমিকা) কিংবা ‘রিয়া’ (প্রদর্শনোদ্দেশ্যে নিফাকসহ কৃত কার্য)-এর মতো কোনো দোষ আর তখন তাঁর মধ্যে বর্তমান থাকে না। তাঁর সব ইবাদত ও কাজই খালেস অর্থাৎ, আল্লাহর ওয়াস্তে হয়। তাঁর নফস যদিও আল্লাহর শরীয়তের প্রতি অবাধ্য ও শত্রুভাবাপন্ন ছিল, তবুও সেটা ‘ইতমিনান’(প্রশান্তি) অর্জন করে এবং প্রকৃত ও পূর্ণ মুসলমানে পরিণত হয়।

কোনো তরীকতে যোগ দেয়া অথবা তাসাউফ-এর পথে অগ্রসর হওয়ার উদ্দেশ্য হচ্ছে কোনো ব্যক্তির নিজেকে অস্তিত্বহীন জানা এবং আল্লাহর একজন সম্পূর্ণ ও একান্ত বান্দাতে পরিণত হওয়া। এ পথে অগ্রসর হওয়াকে বলে ‘সায়ের’ ও ‘সুলুক’। এ পথের শেষপ্রান্তে রয়েছে ‘ফানা’ ও ‘বাকা’, অর্থাৎ, আল্লাহ ছাড়া সব কিছুকে ভুলে যাওয়া এবং শুধুমাত্র আল্লাহর অস্তিত্বকে স্বীকৃতি দেয়া। যিনি ‘ফানা’ ও ‘বাকা’ অর্জন করেন, তাঁকে আ’রিফ বলা হয়। আ’রিফ হচ্ছেন সেই ব্যক্তি যিনি একজন মানুষের সাধ্য অনুসারে পূর্ণতাপ্রাপ্ত বান্দায় রূপান্তরিত হতে সক্ষম। নফস-উদ্ভূত শৈথিল্য এ অবস্থায় অদৃশ্য হয়ে যায়। তরীকতে যোগ দেয়ার উদ্দেশ্য আল্লাহর বান্দা হওয়াকে এড়ানো কিংবা অন্যদের থেকে নিজেকে শ্রেয় বানানো অথবা রুহ, ফেরেশতা, জ্বিন ও নূরসমূহ দেখা নয়। সুন্দর, মনোরম বস্ত্রসমূহ যা সবাই দেখতে পায় (এ পৃথিবীতে) সেগুলো থাকতে ওই সব বস্ত্রের তালাশ করার যথার্থতা কোথায়? ওই সব বস্ত্র এবং এগুলোর সবই আল্লাহ তা’আলা সৃষ্টি করেছেন। ওগুলোর সবই অস্তিত্ববিহীন ছিল, পরে সৃজিত হয়েছে। আল্লাহর সাক্ষাৎ পাওয়া এবং তাঁর ‘জামাল’ (চেহারা) দর্শন করা; একমাত্র পরবর্তী জগত, অর্থাৎ, বেহেশতেই সম্ভবপর হবে। এটা এ জগতে ঘটতে পারে না। এ বিষয়টি আহলে সুন্নাতের উলামা ও মুতাসাউফীগণ সর্বসম্মতভাবে ব্যক্ত করেছেন। পৃথিবীতে শুধুমাত্র ‘ইকান’-ই অর্জন করা সম্ভব।

তরীকত, অর্থাৎ, তাসাউফের পথে অগ্রসর হওয়ার উদ্দেশ্য হচ্ছে এ পৃথিবীতে শরীয়ত অর্জন করা। শরীয়ত তিনটি অংশের সমষ্টি। সেগুলো হলো, জ্ঞান, আমল ও এখলাস। তাসাউফের সাহায্যেই কোনো ব্যক্তি তৃতীয় অংশটি অর্জন করতে পারে। একমাত্র আখেরাতেই আল্লাহর সাক্ষাৎ, সান্নিধ্য ও দর্শন পাওয়া যাবে। অতএব, তোমার উচ্চ সর্বশক্তি নিয়োগ করে শরীয়তকে আঁকড়ে ধরা। ‘আল আমরু বিল মা’রুফ ওয়ান্ নাহি আনিল মুনকার’ (সৎ কাজের আদেশ ও অসৎ কাজে নিষেধ) পালন করার অভ্যাস করো। বিস্মৃত সুন্নাতগুলো পুনঃপ্রবর্তন করতে সচেষ্ট হও! স্বপ্নগুলোর ওপর নির্ভর করবে না! নিজেকে দেশের শাসক কিংবা কুতুব হিসেবে স্বপ্ন দেখা কি যথার্থ? এ দুটো পথ মূল্যবান, যদি এগুলো জাগ্রত অবস্থায় অর্জন করা যায়। জাগ্রত

অবস্থায় একজন শাসক হওয়া এবং নিজের খেদমতে সমগ্র পৃথিবীর সৃষ্টিকে পাওয়াটা কি প্রকৃতই একটা মাহাত্ম্য/গুণ? সেটা কি কোনো ব্যক্তিকে কবর আযাব ও পুনরুত্থানের পরে আযাব থেকে রক্ষা পেতে সাহায্য করবে? একজন জ্ঞানী ও দূরদৃষ্টিসম্পন্ন ব্যক্তি কখনো ওই ধরনের মূল্যহীন জিনিসে ‘কলব’-কে নিবদ্ধ করেন না, বরং আল্লাহর পছন্দকৃত এবং অনুমোদিত সকল জিনিস পালনে তৎপর হন। তিনি ‘ফানা’-এর পর্যায় অর্জন করার চেষ্টা করেন।” (মা’সুম ফারুকী সিরহিন্দী কৃত ‘মাকতুবাতে’, প্রথম খণ্ড, ১৭৭ নং চিঠি)

‘মাকতুবাতে’ গ্রন্থের প্রথম খণ্ডের ৩০৬ নং চিঠিতে ইমাম-এ-রব্বানী আহমদ ফারুকী আস্-সিরহিন্দী (মুজাদ্দের আলফে সানী- রহ:) বলেন: “ফানার অর্থ ‘মা-সিওয়া’ [আল্লাহ ভিন্ন সব কিছু, যেমন পৃথিবী, সৃষ্টিসমূহ]-কে ভুলে যাওয়া। আল্লাহ ছাড়া অন্যান্য বস্তুর ভালোবাসা অন্তর থেকে দূর করার জন্যে ফানা অর্জন করা দরকার। যখন সৃষ্টিসমূহ বিস্মৃত হয়, তখন সেগুলোর প্রতি কলবের সম্পৃক্ততাও নির্মূল হয়ে যায়। বেলায়াতের পথে সৃষ্টির প্রতি মহব্বত দূর করার জন্যে ফানা আবশ্যিক। কিন্তু নবুয়্যাতের পথে তা অপ্রয়োজনীয়। কারণ নবুয়্যাতের পথটিতে আল্লাহর প্রতি ভালোবাসা নিহিত রয়েছে। যখন এ ভালোবাসা বিরাজ করে, তখন সৃষ্টির প্রতি ভালোবাসা বিরাজ করতে পারে না। সৃষ্টিকে ভালোবাসা খারাপ। কিন্তু সৃষ্টিকে জানা খারাপ নয়।”

মা’সুম ফারুকী তাঁর ‘মাকতুবাতে’ কিতাবের প্রথম খণ্ডের ৯৩ নং চিঠিতে বলেন: “ফানা বাতিনে [অর্থাৎ, কলবে] সংঘটিত হয়। ফানা অর্জনের পরও আ’রিফ আগের মতোই তাঁর স্ত্রী, সন্তান-সন্ততি ও বন্ধুদেরকে চেনেন। কলবের জানাটা যাহিরের (মস্তিকের) জানা থেকে পৃথক। যখন কলব দেখা ও জানা থেকে মুক্ত হয়ে যায় [অর্থাৎ, ফানা অর্জন করে], তখন যাহির আগের মতোই দেখে এবং জানে।”

সব তরীকতেই নবি কারীম ﷺ থেকে সান্নিধ্য (আধ্যাত্মিক দান, প্রেরণা) গ্রহণ করা হয়। সকল সাহাবী-ই এই উৎস থেকে মা’রেফতের নূর গ্রহণ করেছিলেন। উত্তরাসূরীগণ আসহাব-এ-কেরাম থেকে মা’রেফত অর্জন করেন। বর্তমানকাল পর্যন্ত টিকে গিয়েছে যে সান্নিধ্য, সেটা হযরত আবু বকর (রা.) ও হযরত আলী (ক.) থেকে এসেছে। অন্যান্য সাহাবীদের সান্নিধ্য কয়েক শতাব্দী পর্যন্ত টিকে ছিল। যে ব্যক্তি সান্নিধ্য অর্জন করতে চায়, তার কোনো পুণ্যবান পথপ্রদর্শকের সোহবতে যাওয়া উচিত! এবং তাঁকে ভালোবেসে তাঁরই তত্ত্বাবধানে তাসাউফের পথে অগ্রসর হওয়া উচিত। এমন কি ওহাবী পুস্তকটির ৩৩৫ নং পৃষ্ঠায় এ প্রয়োজনীয়তার ওপর জোর দেয়া হয়েছে এবং লিখা হয়েছে; আল্লাহকে ভালোবাসার দশটি কারণের মধ্যে নবমটি হচ্ছে আল্লাহর নিষ্ঠাবান আশেবাদের সান্নিধ্যে থেকে তাঁদের বরকতময় বক্তব্য/বাণী শ্রবণ করা এবং তাঁদের উপস্থিতিতে কম কথা বলা। আল্লাহর এই ধরনের পূন্যবান বান্দাকে বলা হয় মুরশিদুল কামেল। ইমাম তাবরানী (রহ.) বর্ণিত ও ‘কানযুদ দাক্বাইক’ গ্রন্থে লিপিবদ্ধ একটি হাদীস ঘোষণা করে: “প্রত্যেক জিনিসেরই একটা উৎস আছে। খোদাভীতির উৎস হচ্ছে আ’রিফগণের কলবসমূহ।” (হাদীস) ইমাম দায়লামী (রহ.) রেওয়য়াতকৃত হাদীসগুলো ফরমায়: “সালেহীন (আউলিয়া-বুয়ূর্গানে দ্বীন)-কে স্মরণ করলে পাপ দূরীভূত হয়”; “আ’লিমগণের সান্নিধ্যে থাকা ইবাদত বিশেষ”; “কোনো আলেমের মুখের দিকে তাকানো ইবাদত”। আবু হিব্বান বর্ণিত অপর এক হাদীসে ঘোষণা করা হয়েছে: “যিকর সাদাকা হতেও বরকতময়।” (হাদীস) আদ-দায়লামী রেওয়য়াতকৃত আরেকটি হাদীসে ঘোষিত হয়েছে: “নফল রোজা হতেও যিকর উত্তম।” (হাদীস) ‘কানযুদ দাক্বাইক’ গ্রন্থটিতে লিখা হয়েছে যে, রাসূলুল্লাহ ﷺ তাঁর প্রত্যেকটি পদবিক্ষেপেই যিকর করতেন; বইটিতে এরপর একটি হাদীসের

উদ্ধৃতি দেয়া হয়েছে: “আল্লাহর যিকরকারীর কলবে কোনো দ্বিধা-দ্বন্দ্ব থাকে না।” (হাদীস) আদ-দায়লামী ও আল মানাবী বর্ণিত একটা হাদীস ঘোষণা করে: “প্রত্যেক রোগেরই ওষুধ আছে। কলবের ওষুধ হচ্ছে আল্লাহর যিকর।” (হাদীস) তরীকতের অর্থ হচ্ছে যিকর পালন, আরেফীনকে স্মরণ করা ও ভালোবাসা এবং শরীয়তকে আঁকড়ে ধরা। এ সকল হাদীস ও অনুরূপ হাদীসসমূহ এবং যিকর সংক্রান্ত আয়াতগুলো তাসাউফের আদেশ দেয়।

বিভিন্ন নামের তরীকার অস্তিত্ব দেখে যেন ওহাবীরা বিচলিত না হয়। তাসাউফের প্রত্যেক মুর্শিদেদের অনুসারীরা তাঁদের মুর্শিদেদের নাম ঘন ঘন ব্যবহার করে থাকেন, যাঁর থেকে তাঁরা সান্নিধ্য অর্জন করেন; ফলে ওই সব নামেই তরীকার নাম হয়েছে। উদাহরণস্বরূপ, একটা দেশের স্কুলে একই বিষয় পড়াবার ব্যবস্থা থাকলেও প্রত্যেকটা স্কুলের শিক্ষকবৃন্দ ভিন্ন ভিন্ন। তাই শেখাবার পদ্ধতিও ভিন্ন। প্রত্যেক হাইস্কুল পাশ ছাত্র অনুরূপ জ্ঞান ও অনুরূপ অধিকার অর্জন করেন। তাঁরা প্রত্যেকেই তাঁদের শিক্ষকদেরকে অহরহ স্মরণ করেন এবং প্রশংসা করেন। ভিন্ন ভিন্ন শিক্ষক দ্বারা ভিন্ন পদ্ধতিতে অনুরূপ বিষয় শেখাটা তাঁদের কারও জন্যেই দূষণীয় নয়। তরীকতের ক্ষেত্রেও একই কথা প্রযোজ্য। রাসূলুল্লাহ ﷺ-এর পবিত্র কলব্ হতে তাঁদের কাছে সান্নিধ্য ও মা’রেফাত এসেছে। ভিন্ন ভিন্ন শিক্ষক ও ভিন্ন ভিন্ন নাম তাঁদের জন্যে দূষণীয় হতে পারে না।

নিশ্চয়ই আল্লাহ্ পাক অথবা তাঁর সালাহ্ বান্দাগণ কোনো শরীয়ত অমান্যকারী, দুনিয়াবী স্বার্থাশ্বেষী ও প্রবৃত্তির পূজারী বদকার লোককে পছন্দ করেন না। যখন এই ধরনের একজন লোক নিজেকে তরীকতের অনুসারী ও কারামতসম্পন্ন বলে দাবি করে, তখন তাকে বিশ্বাস করা উচিত নয় এবং তরীকতগুলোকে এই ধরনের লোকের কারণে দোষারোপ করা উচিত নয়। আমাদের ভুলে যাওয়া উচিত নয় নিম্নের প্রবাদ: ‘হীরা মাটিতে পড়ে গেলেও তার মূল্য হারায় না।’

‘ইসকাত’ ও ‘তালকিন’ বিদআত নয়। এগুলো সম্পর্কে বিস্তারিত জানতে হলে মাওলানা হামদ-আল্লাহ্ দাজবী আস-সাহারানপুরীর প্রণীত ‘আল-বাসাইরু লি মুনকিরিত্ তাওয়াসসুলি বি আহলিল মাফাবির’ বইটি পড়ুন। ইমাম বুখারী, ইমাম মুসলিম ও ইমাম আহমদ (রহ.) কর্তৃক ‘মুসনাদ’ গ্রন্থে উদ্ধৃত একটা হাদীসে বলা হয়েছে: “মৃতদেরকে কলেমায়ে তাওহিদ তলকিন [বারংবার শিক্ষা] দাও।” (হাদীস)

আহলুস সুন্নাতের উলামাবৃন্দ সাহাবা-এ-কেরামের কাছ থেকে ইসলাম সংক্রান্ত শিক্ষাসমূহ গ্রহণ করে নিয়ে তাঁদের বইপত্রে লিখেছেন। আর আমরা তাঁদের বইপত্র থেকে ইসলামী জ্ঞান ও শিক্ষা গ্রহণ করতে পারি। ওহাবীরা এসব শিক্ষাকে কলুষিত করতে চায় এবং ইসলামকে বিকৃত করতে চায়। তারা মুসলিমদেরকে ধোকা দেবার জন্যে কুরআনের আয়াত ও হাদীসগুলোর বিকৃত ব্যাখ্যা দিয়ে থাকে। হুজূর ﷺ ভবিষ্যদ্বাণী করেছিলেন; ‘মুসলমান’ নামধারী লোকেরা তিয়ান্তরটি সম্প্রদায়ে বিভক্ত হবে। এদের বাহান্তরটি দল দোষখে এবং একটি দল যাঁরা সাহাবা-এ-কেরামের পদাঙ্ক অনুসরণ করবেন, তাঁরা বেহেশতে যাবেন। নাজাতপ্রাপ্ত এই সম্প্রদায়ের মুসলিমদের নাম আহলে সুন্নাতে; কারণ আহলে সুন্নাতের উলামাবৃন্দ প্রত্যেকটি বিষয়েই সাহাবা-এ-কেরামের কাছ থেকে জ্ঞান আহরণ করেছেন এবং তাঁদের প্রত্যেকটি কাজেই কুরআন ও সুন্নাহকে আঁকড়ে ধরেছেন শক্তভাবে। আহলুস সুন্নাতে ওয়াল জামাতে অর্থ সেই সকল মুসলিম যাঁরা নবী কারীম ﷺ ও তাঁর জামাতে

[সাহাবা-এ-কেরাম]-এর পথের ওপর আছেন। ওহাবীরা যদি ভ্রান্ত বাহান্তরটি দলকে সমালোচনা করতো, তাহলে সঠিক কাজটি করতো। কিন্তু তা না করে তারা ইসলাম ও সুন্নী জামাতকে আক্রমণ করেছে। যেহেতু একটা আয়াত ঘোষণা করে: “বাজে, বদকার লোকেরা একে অপরের সাথে সহযোগিতা করে” এবং যেহেতু তারা নিজেরাই গোমরাহ, সেহেতু ওহাবীরা অন্যান্য গোমরাহদের সঙ্গে একতাবদ্ধ হয়ে আহলে সুন্নাতেকে আক্রমণ করে থাকে। সকল মুসলিমের উচিত ভ্রাতৃসুলভ মনোভাব নিয়ে একতাবদ্ধ হওয়া। কিন্তু তাঁদেরকে আহলে সুন্নাতের সঠিক পথের উপর একতাবদ্ধ হতে হবে। আমাদের আকা ও মওলা হযরত মুহাম্মদ মোস্তফা ﷺ ভবিষ্যদ্বাণী করেছিলেন; গোমরাহ লোকেরা একতাবদ্ধ হওয়ার পরিবর্তে বাহান্তরটি সম্প্রদায়ে বিভক্ত হবে। মুসলিমদের উচিত নয় ওহাবী হয়ে যাওয়া এবং ওহাবীদের উচিত সঠিক পথে, অর্থাৎ, আহলে সুন্নাতের পথে প্রত্যাবর্তন করা। ফলে তারা নাজাত পাবে। আমাদের নবি কারীম ﷺ বলেছেন: “তোমরা যখন তোমাদের বিষয়গুলোতে বিপদগ্রস্ত হও, তখন মাযারস্থ (আউলিয়া)-দের সাহায্যপ্রার্থী হবো’ (হাদীস) সব সাহাবায়ে কেরাম-ই এই হাদীসের আদেশ পালন করে রওয়া-এ-আকদাস যেয়ারত করেছিলেন। তাঁরা নিজেদের হাজত (প্রয়োজন) পূরণের উদ্দেশ্যে নবি কারীম ﷺ-এর সাহায্য প্রার্থনা করেছিলেন। নবী পাক ﷺ নিজেও ওসীলাকে আঁকড়ে ধরতেন এবং প্রিয় বান্দাদের মধ্যস্থতা অবলম্বন করতেন। ‘কানযুদ দাকাইক’ গ্রন্থে লিপিবদ্ধ ইবনে আবি শায়বা (রা.)-এর রেওয়ায়াত অনুযায়ী, হুজুর পাক ﷺ গরিব সাহাবীদের ওয়াস্তে আল্লাহর সাহায্য কামনা করতেন তখন, যখন তিনি বিপদ-আপদগ্রস্ত হতেন। এটা ইমাম-এ-রাব্বানী আহমদ আল ফারুকী আস্ সিরহিন্দী (মোজাদ্দেদে আলফে সানী)-এর ‘মাকতুবা’ কিতাবেও উদ্ধৃত হয়েছে। ইসলামী উলামা, আউলিয়া ও পূন্যবান ব্যক্তিবর্গ শতাব্দীর পর শতাব্দী ধরে এই হাদীসটির অনুসরণ করেছেন। ওহাবীরা এ হাদীসটি এবং অনুরূপ হাদীসগুলোর বিরোধিতা করে, আর দাবি করে; ইসলামে এ ধরনের কিছুই নেই। তারা মিথ্যা ও কুৎসা রটনা করতে এবং মুসলিমদেরকে ‘কাফের-মুশরিক’ আখ্যা দিয়ে ইসলামকে কলুষিত করতে অপতৎপর, অথচ তারাই কাফেরে পরিণত হয়েছে।

উক্ত আয়াতে আল্লাহ তা’আলা আমাদেরকে যিকর পালন ও তসবিহ পাঠ এবং ‘আল্লাহু আকবর’ বলতে আদেশ দিয়েছেন, আর নবী-এ-আকরাম ﷺ তা পালন করে আমাদেরকেও পালন করতে আদেশ দিয়েছেন। একজন বৃদ্ধা মহিলাকে একটা সুতোয় বাঁধা খেজুরের বীজের তাসবিহ পাঠ করা হতে তিনি বারণ করেন নি। কিন্তু ওহাবীরা দাবি করে; ইসলামে এ ধরনের কিছুই নেই। কী রকম নির্বোধ ও আহাম্মক তারা! তাদের জানা উচিত যে, সূর্যকে কাদা দিয়ে ঢেকে রাখা যায় না! আল্লাহর নূরও তাদের বিষাক্ত নিশ্বাসে নিষ্পত্ত হতে না। শরীয়ত মাযার-রওয়া ধ্বংস করার নির্দেশ দিয়েছে বলে তারা মিথ্যা রটাচ্ছে। সাহাবা-এ-কেরাম কি হুজুর ﷺ-এর রওয়া শরীফ ধ্বংস করে দিয়েছিলেন? না, তাঁরা তা করেন নি, বরং তাঁরা তা নির্মাণ করেছিলেন। আর তাঁরা নবী কারীম ﷺ-এর রওয়া শরীফ যিয়ারত করেছিলেন অবনত মস্তকে, অশ্রুসিক্ত নয়নে এবং করুণাপ্রার্থী অন্তর নিয়ে।

আল্লাহ তা’আলা বলা করেন: “আমার নবী ﷺ-কে মান্য করো।” নবী পাক ﷺ ঘোষণা করেন: “মাযারস্থদের সাহায্যপ্রার্থী হও।” (হাদীস) আদ-দায়লামী (রহ.) ও ইমাম মানাবী (রহ.) বর্ণিত একটা হাদীসে বলা হয়েছে: “যদি মাযারস্থ (আউলিয়া) না থাকতেন, তাহলে দুনিয়াবাসী জ্বলে ভস্মীভূত হতো।” (কানযু আদ দাকাইক দ্রষ্টব্য) মুসলিমগণ কোনো কবর কিংবা বেসালপ্রাণ্ডজনের সাহায্য প্রার্থনা করেন না [হাক্কিকি অর্থে]। তাঁরা

বেসালপ্রাপ্তজনের মাধ্যমে বা মধ্যস্থতায় আল্লাহর সাহায্যপ্রার্থী হন, যাতে তাঁদের আশা-আকাঙ্ক্ষা বাস্তবায়িত হয়। আল্লাহ তাঁর প্রিয় পুণ্যবান বান্দাদের ওসীলায় কৃত এসব দোয়া সঙ্গে সঙ্গে মঞ্জুর করে থাকেন। একজন মুসলিম কোনো ওলীর রুহ থেকে ফায়েয ও মারেফাত চান এবং ফলস্বরূপ তিনি তা পান; এতে তিনি সাহায্যও পেয়ে যান নিজের বিপদ-আপদ দূর করার জন্যে। মুসলিমগণ একদিকে যেমন দুনিয়াবী উন্নতির জন্যে কাজ করেন, ঠিক তেমনি অপর দিকে আল্লাহর বিশুদ্ধ বান্দাগণের মাধ্যমে তাঁরই সাহায্যপ্রার্থী হন।

৩৩/ — ওহাবী লা-মাযহাবী লেখক তবুও তাসাউফে বিশ্বাস করে না। সে বলে, “সাহাবাগণের সময় কোনো মাযহাব কিংবা কোনো তরীকত ছিল না। ইহুদীদের দ্বারা পরবর্তীকালে তরীকত উদ্ভাবিত হয় এবং ইসলামের মধ্যে সন্নিবেশিত হয়।”

এ সব কথার খণ্ডন সবচেয়ে ভালোভাবে হয়েছে আল্লামা সানাউল্লাহ পানিপথীর ‘ইরশাদ-উত্ তালেবীন’ নামক ফার্সি কিতাবে, যার থেকে নিম্নের দীর্ঘ উদ্ধৃতিটি গৃহীত হয়েছে:

“কিছু লোক আউলিয়ায় বিশ্বাস করে না। আর কিছু লোক আছে যারা বলে, ‘আউলিয়া আগে ছিলেন, এখন নেই।’ আবার আরও কিছু লোক আছে যারা বলে, ‘আউলিয়া কখনো গুণাহ করেন না। তাঁরা গায়েব জানেন। তাঁরা যা চান তা-ই সাথে সাথে সংঘটিত হয়। এবং যা চান না, তা সঙ্গে সঙ্গেই অদৃশ্য হয়ে যায়’ – এবং এ কথা বলেই তারা আউলিয়ার মাযার-রওয়াজ অভীন্না পূরণের আবেদন জানায়। যারা এ রকম চিন্তা করে, তারা তাদের সময়কার আউলিয়াদেরকে বিশ্বাস করে না, যখন তারা দেখে যে আউলিয়া সম্পর্কে তারা যা ধারণা করে রেখেছে তা এ সব (জীবিত) আউলিয়ার ক্ষেত্রে সত্য নয়; ফলে তারা তাঁদের কাছ থেকে সান্নিধ্য পাওয়া হতে বঞ্চিত হয়। এমনও কিছু লোক আছে যারা এতোই অজ্ঞ যে, তারা একজন মুসলিম ও একজন কাফেরের মধ্যে পার্থক্য নির্ণয় করতে অক্ষম; অথচ তারা আউলিয়া হওয়ার দাবি করে। আর কিছু আহাম্মক লোক আছে যারা ওই সব অজ্ঞ লোকদেরকে আউলিয়া মনে করে এবং নিজেদেরকে ওই সব লোকদের মুরিদ হিসেবে সম্বন্ধ করে। উপরন্তু, আরো কিছু লোক আছে যারা আউলিয়ার ‘সাকর’, অর্থাৎ, আল্লাহর এশকে বিলীন থাকা অবস্থায় কথিত মন্তব্যসমূহকে পেশ করে তাঁদেরকে কাফের আখ্যা দেয়। আবার আরও কিছু লোক আছে যারা আউলিয়ার ওই সব মন্তব্য থেকে ভুল অর্থ বের করে ভ্রান্ত বিশ্বাস তৈরি করে নেয়; ফলে তারা আহলে সুন্নাতের উলামাবৃন্দ কর্তৃক বের করা কুরআন-হাদীসের সঠিক অর্থকে অবিশ্বাস করে এবং বিচ্যুত হয়। আরও কিছু লোক আছে যারা ইলমে যাহির, যেটা আল্লাহ হুজুর পাক ﷺ-কে প্রকাশ্যে প্রচার করার জন্যে আদেশ দিয়েছিলেন, সেটা শিক্ষা করে, কিন্তু মা’রেফত বা ইলমুল বাতিন, যেটা আল্লাহ তা’আলা নবি কারীম ﷺ-কে তাঁর যাঁকে ইচ্ছা তাঁকে শেখাবার আদেশ দিয়েছিলেন, সেটা তারা শিক্ষা করে না, এমন কি বিশ্বাসও করে না। আর কিছু লোক আছে যারা আউলিয়াকে তা’যিম বা শ্রদ্ধা করে না। এই কারণেই আমি আমার মুসলিম ভ্রাতাদের কাছে বেলায়াত কী জিনিস তা ব্যাখ্যা করার ইচ্ছা পোষণ করি। এই বিষয়ে আমি আমার আরবী ‘ইরশাদ-উত-তালেবীন’ গ্রন্থটি রচনা করেছিলাম। এখন আমি ফারসীতে তা পুনরায় রচনা করেছি। এ বইটি পাঁচটি অধ্যায়ে বিভক্ত। প্রথম অধ্যায় প্রমাণ করে; বেলায়াত সত্য। দ্বিতীয় অধ্যায় তাসাউফের পথে পালনীয় (আচার-আচরণ) নিয়ে ব্যাপ্ত। তৃতীয় অধ্যায়ের বিষয়বস্তু হচ্ছে মুরশিদ কর্তৃক পালনীয় আদবসমূহ। চতুর্থ

অধ্যায়ে আলোচিত হয়েছে এ পথে অগ্রসরমান হবার সময় পালনীয় আদবসমূহ। পঞ্চম অধ্যায় আল্লাহর সন্তুষ্টি অন্বেষণের জ্ঞান ও অন্যান্যদেরকে আল্লাহর নৈকট্য অন্বেষণের ব্যাপারে সাহায্য করা নিয়ে ব্যাপ্ত।

**প্রথম অধ্যায়:** বেলায়াত ও তাসাউফের জ্ঞান ইসলামী জ্ঞানেরই একটা শাখা বিশেষ। মানুষের মধ্যে বস্তুনিষ্ঠ মাহাত্ম্যের মতো আধ্যাত্মিক মাহাত্ম্যও রয়েছে। বস্তুনিষ্ঠ মাহাত্ম্যের অন্তর্গত হচ্ছে আহলে সুন্নাতের উলামাবন্দ কর্তৃক চয়িত কুরআন-হাদীসের জ্ঞান অনুযায়ী বিশ্বাস করা এবং ফরয, ওয়াজিব, সুন্নাত, মুস্তাহাব পালন ও হারাম, মুশতাবিহাত [সন্দেহজনক বস্তু], বিদআত ইত্যাদি বর্জন। আধ্যাত্মিক মাহাত্ম্য হচ্ছে একজন মানুষের কলব ও রুহের আরোহণ (উন্নতির দিকে)। ইমাম বুখারী ও মুসলিম হযরত উমর (রা.) থেকে বর্ণনা করেন, তিনি বলেন, ‘আমার (হযরত উমরের) অপরিচিত এক ব্যক্তি রাসূলুল্লাহ ﷺ-এর দরবারে হাযির হন এবং হুজুর ﷺ-কে জিজ্ঞাসা করেন, “ইসলাম কী?” নবী পাক ﷺ উত্তর দেন: “কলেমা শাহাদৎ (মুখে) বলা, দৈনিক পাঁচ ওয়াক্ত নামায পড়া, রমযান মাসে রোজা রাখা, যাকাত দেয়া এবং সামর্থ্য থাকলে হজে যাওয়া।” “আপনি সত্য বলেছেন” ওই ব্যক্তি উত্তর দেন। উপস্থিত সাহাবা-এ-কেরাম তাঁর প্রশ্নে এবং উত্তর শ্রবণে সম্মতিসূচক মন্তব্য করতে দেখে বিস্মিত হন। এরপর ওই ব্যক্তি পুনরায় প্রশ্ন করেন: “ঈমান কী?” নবি কারীম ﷺ উত্তর দেন: “ঈমান হচ্ছে আল্লাহ, তাঁর ফেরেশতা, আসমানী কিতাব, নবী ও শেষ দিনে এবং আল্লাহর ইচ্ছায় ভালো-খারাপের উদ্ভব হয় এতে বিশ্বাস করা।” আবারও প্রশ্নকারী মন্তব্য করেন, “আপনি সত্য বলেছেন।” এরপর তিনি আবার প্রশ্ন রাখেন, “এহসান কী?” রাসূলুল্লাহ ﷺ উত্তর দেন, “আল্লাহর ইবাদত এমনভাবে পালন করা যেন তুমি (ইবাদতকারী) তাঁকে দেখছ, এ কথা জানা যে তাঁকে না দেখলেও তিনি তোমাকে দেখছেন।” এরপর ওই ব্যক্তি আবার প্রশ্ন করেন, “শেষ দিন কী?” এবার নবি কারীম ﷺ বললেন, “সেই সম্পর্কে আপনি যা জানেন, তার বেশি আমি জানি না।” “তাহলে শেষ দিনের আলামতগুলো কী কী?” ওই ব্যক্তি আবার প্রশ্ন করলেন। হুজুর পাক ﷺ এক এক করে সবগুলো আলামত বর্ণনা করলেন এবং ওই ব্যক্তি চলে যাবার পর তিনি আমাদের দিকে তাকিয়ে বললেন, “ইনি জিবরাইল (আ.) ফেরেশতা। তিনি তোমাদেরকে তোমাদের দ্বীন শেখাতে এসেছিলেন।” (সহিহ মুসলিম, ১ম খণ্ড, ২৭ পৃষ্ঠা এবং ইমাম নববী কৃত ‘হাদীস আল আরবাঈন’ গ্রন্থে উদ্ধৃত ২ নং হাদীস)

হাদীসে জিবরাইল থেকে প্রতিভাত হয় যে, ঈমান ও ইবাদত ছাড়াও ‘এহসান’ নামক গুণ রয়েছে, যাকে আমরা বেলায়াত বলে থাকি। যখন আল্লাহর প্রতি ভালোবাসা একজন ওলীর অন্তরকে ছেয়ে ফেলে, তখন তিনি তাঁর মাশুকের (প্রেমাস্পদের) মুশাহাদা (পর্যবেক্ষণ)-এ নিজেকে হারিয়ে ফেলে। এই হাল (ভাবোন্মত্ততা)-কে বলা হয় ‘ফানা আল-কলব’। এ মুশাহাদার অর্থ আল্লাহকে দেখা নয়। আল্লাহ পাককে পৃথিবীতে দেখা যাবে না। কিন্তু ওলীর মধ্যে এমনি একটা হালের উদ্ভব হয়; যেন তিনি আল্লাহকে দেখছেন। কারও আকাঙ্ক্ষার দ্বারাই এই হালটি আবির্ভূত হয় না। অতএব, রাসূলুল্লাহ ﷺ হালটির দিকে ইশারা করেছেন এ কথা বলে - ‘আল্লাহর ইবাদত এমনিভাবে করা যেন সে ব্যক্তি তাঁকে দেখছে।’

দ্বিতীয়তঃ একটা হাদীসে ঘোষিত হয়েছে, ‘মানবের মধ্যে একখণ্ড মাংসপিণ্ড আছে। যদি এটা পুণ্যবান হয়, তবে সমগ্র দেহ-ই পুণ্যবান হয়ে যায়; আর যদি এটা বদ, পাপী হয়, তবে সমস্ত দেহ-ই পাপী হয়ে যায়। এই মাংসপিণ্ডটি হচ্ছে কলবা।’ এই অন্তরের (আত্মার) পবিত্রতা যা দেহের পবিত্রতার জন্যে একান্ত জরুরী, তাকে

মুতাসাউয়ীফগণ ‘ফানাউল কলব’ বলেন। যখন কলব আল্লাহর এশকে বা প্রেমে ফানা (লয়প্রাপ্ত) হয়ে যায়, তখন তা তার (কলবের) প্রতিবেশী নফসের ওপর প্রভাব বিস্তার করে, যেটা আন্নারা-এর তথা কুপ্রবৃত্তির অবস্থা থেকে তখন রক্ষা পায়। এরপর এটা ‘আল হুবু ফিল্লাহ ওয়াল বুগদু ফিল্লাহ’ অর্জন করে, অর্থাৎ, আল্লাহ যা পছন্দ করেন এটাও তা-ই পছন্দ করে, আর তিনি যা অপছন্দ করেন, এটাও তা-ই অপছন্দ করে। এমতাবস্থায় সমগ্র দেহ-ই শরীয়ত মান্য করার ইচ্ছা পোষণ করে।

**প্রশ্ন:** “কলব বিশুদ্ধ হওয়ার জন্যে ঈমান ও আমল ছাড়া কি আর কোনো কিছুর প্রয়োজন আছে?”

**উত্তর:** হাদীসটি বলে, কলব যখন বিশুদ্ধ হয়ে যায়, তখন দেহ-ও বিশুদ্ধ হয়। দেহের পুণ্যবান হওয়া শরীয়তের অনুসরণের মধ্যে নিহিত। শরীয়ত অমান্যকারী এমন বহু লোক আছে যাদের কলবসমূহ বিশ্বাস অর্জন করেছে। এটা জ্ঞাত, যে সব বিশ্বাসীদের নেক আমলের চেয়ে বদ আমল বেশি, তারা জাহান্নামে শাস্তি ভোগ করবে [হুজুর ﷺ-এর শাফায়াত ও আউলিয়ার শাফায়াতপ্রাপ্তরা জান্নাতে যাবে]। তাহলে কলবের ঈমান দেহের ‘বিশুদ্ধ’ হওয়ার কারণ হতে পারে না। অতএব, কলব ‘বিশুদ্ধ’ হওয়ার মানে কলবের ঈমান নয়। এ কথাও বলা যাবে না যে, কলবের ঈমান ও দেহের পবিত্রতা মিলে কলবের পবিত্রতা সৃষ্ট হয়েছে; কারণ, দেহের পবিত্রতাকে তার নিজের পুণ্যবান অবস্থার কারণস্বরূপ মনে করাটা অযৌক্তিক। শেষ কথা হলো, কলবের পবিত্রতা অন্তরের ঈমান ও ইবাদত ভিন্ন আরেকটা বস্তুর অস্তিত্বের দিকে ইঙ্গিত করে। আর এটাই হচ্ছে মুতাসাউয়ীফগণের বর্ণিত ‘ফানা আল কলব’ নামক হাল (ভাব)।

তৃতীয়তঃ আমরা একটা ঐকমত্যের কথা বলতে চাই যা’তে ঘোষিত হয়েছে যে প্রত্যেক সাহাবী-ই মুসলমানদের মধ্যে শ্রেষ্ঠ, যদিও এমন বহু ইসলামী উলামা আগমন করেছেন এবং পুররুখান দিবস পর্যন্ত আরও আগমন করবেন যাঁদের জ্ঞান ও কাজকর্ম কয়েকজন সাহাবীর সমান হবে। তাছাড়া হাদীসে ঘোষিত হয়েছে, ‘যদি অন্যরা উহুদ পাহাড় পরিমাণ স্বর্ণ ও সাদাকাস্বরূপ দান করে, তবুও তারা আমার সাহাবীদের আল্লাহর ওয়াস্তে দানকৃত অর্থ ‘সা’ পরিমাণ যবের সমান সওয়াব পাবে না।’ (হাদীস) রাসূলুল্লাহ ﷺ-এর সাহচর্য (সান্নিধ্য) থেকে সৃষ্ট সাহাবাগণের অন্তরের অভ্যন্তরীণ মাহাত্ম্য, পূর্ণতার কারণেই তাঁদের এবাদতের এতো উচ্চমর্যাদা ছিল। তাঁদের বাতেন, অর্থাৎ, কলবসমূহ রাসূলুল্লাহ ﷺ-এর পবিত্র কলব থেকে নূরপ্রাপ্ত হয়ে আলোকোজ্জ্বল হয়ে যায়। যখন হযরত উমর (রা.) ইস্তিকাল করেন, তখন তাঁর পুত্র আবদুল্লাহ (রা.) বলেন; জ্ঞানের নয়-দশমাংশ বিলুপ্ত হয়েছে এবং তাঁর আশপাশের তরুণ বয়সীদের মাঝে বিচলিতভাব লক্ষ্য করে তিনি আরও বলেন, ‘তোমাদের জ্ঞাত ফিকাহ ও কালাম-শাস্ত্রের জ্ঞানকে আমি বুঝাই নি। আমি নবী পাক ﷺ-এর পবিত্র কলব মুবারক থেকে নিঃসৃত মা’রেফতের জ্ঞানের নয়-দশমাংশকে বুঝিয়েছি।’ যে সব মুসলমান সাহাবা-এ-কেরামের পরে বাতেনের এই নূর অর্জন করতে পেরেছেন, তাঁরা তাঁদের পীর-মুর্শিদদের সোহবতের কারণেই তা পেরেছেন। রাসূলুল্লাহ ﷺ-এর কলব মুবারক থেকে উৎসারিত নূর (জ্যোতি) পীর-মুর্শিদগণের মাধ্যমেই তাঁরা অর্জন করেছেন। অবশ্য পীর-মুর্শিদগণের সোহবতে অর্জিত নূর হুজুর পাক ﷺ-এর সাহচর্য হতে অর্জিত নূরের সমান হতে পারে না। এটাই সাহাবাগণের শ্রেষ্ঠত্বের কারণ। এই ব্যাখ্যা থেকে এও বোঝা যায়, বাহ্যিক পূর্ণতার পাশাপাশি আধ্যাত্মিক অভ্যন্তরীণ পূর্ণতাও রয়েছে এবং এই পূর্ণতার বিভিন্ন পর্যায় রয়েছে। এটা পরিস্ফুট হয়েছে নিম্নোক্ত হাদীস-এ-কুদসীতে, যেখানে আল্লাহ তা’আলা বলেছেন: ‘আমি আমার বান্দার নিকটবর্তী হই, যে বান্দা আমার একটু

নিকটবর্তী হয়। যদি আমার বান্দা আমার সন্নিহিত আসে, তবে আমিও তার খুব কাছে যাই। আমার বান্দা নফল ইবাদত পালন করে আমার এতো নিকটবর্তী হয় যে আমি তাকে অত্যন্ত ভালোবাসি। আমি যখন তাকে ভালোবাসি, তখন তার দোয়া আমি কবুল করি। সে তখন আমার সাথে (অর্থাৎ, আমার কুদরত দ্বারা) দেখে, শোনে এবং চলাফেরা করে।” (হাদীস-এ-কুদসী) নফল ইবাদত; যেটার জন্যে আল্লাহ তাঁর বান্দাকে অত্যন্ত ভালোবাসেন, সেটা হচ্ছে তাসাউফের পথে অগ্রসর হওয়ার জন্যে কর্মোদ্যম।

চতুর্থতঃ আমরা বলি যে, পৃথিবীর তিনটি বড় মহাদেশে এক সহস্রাধিক বছর ধরে আগত শত-সহস্র মুসলমান বিদ্বান বলেছেন ও লিখেছেন যে, তাসাউফের পথে শিক্ষা গ্রহণকালে এবং মুর্শিদ আল কামেলগণের সাহচর্য লাভের ফলে তাঁদের কলবসমূহে কিছু হালের আবির্ভাব ঘটেছে। কেউই কখনো এ কথা ধারণা করতে পারবে না যে, ওই ধরনের একটা ব্যাপক সর্বসম্মতি কোনো মিথ্যার ওপর প্রতিষ্ঠিত হয়েছে। যারা এই সর্বসম্মতি দিয়েছেন, তাঁদের অধিকাংশের জীবনী-ই বইপত্রে লিপিবদ্ধ আছে। আর এটা নিশ্চিতভাবে পরিদৃষ্ট হয়েছে যে, তাঁরা সবাই মুত্তাকী, পরহেযগার ও জ্ঞান বিশারদ ছিলেন। এই ধরনের পূর্ণতাপ্রাপ্ত এবং অতি উত্তম ব্যক্তিত্বদের পক্ষে মিথ্যা কথা বলা একেবারেই অসম্ভব। এই ধরনের খাঁটি, পূর্ণতাপ্রাপ্ত শত-সহস্র মুসলিম সর্বসম্মতভাবে বর্ণনা করেছেন যে, তাঁদের কলবসমূহে তাঁদেরই পীর-মুর্শিদগণের সোহবতে নবি কারীম ﷺ-এর পবিত্র কলব মোবারক থেকে নিঃসৃত নূর (জ্যোতি) অর্জন করতে সক্ষম হয়েছে এবং ঈমান ও ফিকাহ জ্ঞান ছাড়াও তাঁদের পীর-মুর্শিদগণের সোহবতে তাঁদের কলবসমূহে আরেকটি হালের উদ্ভব হয়েছে, আর এই হালের পরেই আল্লাহর প্রতি এবং আল্লাহর ভালোবাসাপ্রাপ্তদের প্রতি এবং আল্লাহর আদেশগুলোর প্রতি ভালোবাসা তাঁদের কলবে (অন্তরে) স্থান দখল করেছে, আর ইবাদত ও সওয়াবদায়ক কাজ করাটা তাঁদের কাছে পছন্দনীয় হয়েছে এবং আহলে সুন্নাতের উলামাবৃন্দ কর্তৃক রেওয়াজাতকৃত সঠিক আকিদা-বিশ্বাসগুলো তাঁদের কলবে আসন গেঁড়েছে। অন্তরে আবির্ভূত এ হালটি নিশ্চয়ই পূর্ণতা ও মাহাত্ম্যসম্পন্ন এবং পূর্ণতা-সৃষ্টিকারী একটি হাল।

পঞ্চমতঃ আমরা বলি, আউলিয়াবৃন্দ কারামতের অধিকারী। আল্লাহ তাঁর রীতি-বহির্ভূত যে সব অলৌকিক ঘটনাবলী সৃষ্টি করেন, তা-ই হচ্ছে কারামত; অর্থাৎ, স্বাভাবিক ও বৈজ্ঞানিক আইন-কানুনবহির্ভূত ঘটনাবলী-ই হচ্ছে কারামত। তবে প্রত্যেক অলৌকিক ক্ষমতাসম্পন্ন লোকই যে ওলী হবে, এমন কোনো কথা নেই। আল্লাহ কর্তৃক ঘৃণিত কাফেরদের কাছ থেকেও অলৌকিক ক্রিয়া সংঘটিত হতে পারে। কোনো কাফেরের দ্বারা সংঘটিত অলৌকিক ক্রিয়াকে ‘সিহর’ (যাদু) বলে। কারামতের সঙ্গে ‘তাকওয়ার’ (খোদাভিরত)-ও অধিকারী হয়ে থাকেন একজন ওলী। আল্লাহকে ভয় করার এবং শরীয়তকে আঁকড়ে ধরার মানে হচ্ছে তাকওয়া।

বেলায়াত কী? এখন আমরা বেলায়াতের অর্থ ব্যাখ্যা করবো। বেলায়াত মানে আল্লাহর নিকটবর্তী থাকার অবস্থা। আল্লাহর সঙ্গে মানুষের সান্নিধ্যের দুইটি শ্রেণী রয়েছে। প্রথমটি হচ্ছে প্রত্যেক মানুষের কাছে আল্লাহর উপস্থিতি। আল্লাহ তা’আলা সূরা কাফ-এর ১৬ নং আয়াতে বলেন, ‘মানুষের হৃদয়স্তরের (বড়) শিরাটির চেয়েও আমি তাঁর বেশি নিকটবর্তী’; সূরা হাদিদ-এর চতুর্থ আয়াতে তিনি ঘোষণা করেন, ‘তোমরা যেখানেই থাকো না কেন, আল্লাহ তোমাদের সঙ্গে আছেন।’ (আল আয়াত) দ্বিতীয় ধরনের নৈকট্য হচ্ছে সালেহীন ও ফেরেশতাদের প্রতি আল্লাহর নৈকট্য। সূরা নাজম-এর শেষ আয়াতটিতে বলা হয়েছে: ‘সেজদা করো এবং আল্লাহর নিকটবর্তী হও।’ উপর্যুক্ত হাদীস-এ-কুদসী ঘোষণা করে: ‘নফল ইবাদত পালন করে আমার বান্দা আমার এতো নিকটবর্তী হয়

যে তাকে আমি অত্যন্ত ভালোবাসি।’ (হাদীস) এ আয়াত ও হাদীসটিতে উল্লিখিত নৈকট্য একমাত্র ওই সকল মহান সালেহীনের ক্ষেত্রেই প্রযোজ্য হয়। এই নৈকট্যকেই বেলায়াত বলে, অর্থাৎ, ওলিত্ব থাকাকালীন অবস্থাই হচ্ছে বেলায়াত। এই ধরনের নৈকট্য অর্জনের জন্যে আহলে সুন্নাহের এ’তেকাদের (আকিদা-বিশ্বাসের) সঙ্গে সামঞ্জস্যপূর্ণ বিশ্বাস রাখা একান্ত অপরিহার্য। সুরা আল-ই-ইমরানের ৬৮ নং আয়াতটিতে বলা হয়েছে: ‘আল্লাহ তাদেরকে ভালোবাসেন যারা ঈমান আনেন।’ (আয়াত) কিন্তু তিনি ওই সব বিশিষ্ট বিশ্বাসীদেরকে আরও বেশি ভালোবাসেন। প্রত্যেক বিশ্বাসীর জন্যে আল্লাহর ভালোবাসাকে বলা হয় ‘বেলায়াত আম্মা’। আর বিশিষ্ট ঈমানদারদের জন্যে তাঁর মহব্বতকে ‘বেলায়াত খাসসা’ বলা হয়। হাদীস-এ-কুদসীটিতে ইশারাকৃত মহব্বত এই ধরনের ভালোবাসা। আর এ ধরনের ভালোবাসার মাত্রা রয়েছে। আমাদের আরও জানা উচিত যে আক্বল (মস্তিষ্ক, বুদ্ধি) দ্বারা আল্লাহর সিফাতসমূহ (গুণাবলী) বোঝা যায় না, যেমনিভাবে বোঝা যায় না তাঁর সত্তাকে। আল্লাহ তা’আলার সত্তা মোবারক অথবা তাঁর কোনো সিফাতের অনুরূপ কোনো কিছু-ই নেই। অতএব, আল্লাহর সাথে মানুষের উক্ত দু’ধরনের নৈকট্য মানবের বিচার-জ্ঞান দ্বারা জানা ও উপলব্ধি করা একেবারেই অসম্ভব। এটা সময় অথবা স্থানের নৈকট্যের মতো নয়। আল্লাহর বান্দাদের কাছে তাঁর নৈকট্য কোনো বস্তুগত নৈকট্য নয়, যেটা বিচার-বুদ্ধি দ্বারা উপলব্ধি অথবা ইন্দ্রিয়গুলো দ্বারা অনুভব করা যায়। এটা শুধু আল্লাহ্ কর্তৃক কিছু বিশিষ্ট বিশ্বাসীদের প্রতি বর্ষিত মারোফত নামক জ্ঞানের দ্বারা-ই বোঝা যায়। এই জ্ঞানকে বলা হয় ‘এলমুল হুয়ুরি’। আমাদের জ্ঞান হচ্ছে ইলমুল হুসুলি (হাসিল করা জ্ঞান)।

যেহেতু আল্লাহর সাথে তাঁর বান্দাদের উক্ত দু’ধরনের নৈকট্যের কথা আয়াত ও হাদীসসমূহে বিবৃত হয়েছে, সেহেতু উভয়ের প্রতি বিশ্বাস স্থাপন করা আমাদের জন্যে ওয়াজিব। আল্লাহ্ কর্তৃক আমাদেরকে [সব সময় সব স্থানে] দেখার বিষয়ে বিশ্বাস স্থাপন করা যেমন আমাদের জন্যে অপরিহার্য, ঠিক তেমনি উক্ত দু’ধরনের নৈকট্যের প্রতি বিশ্বাস রাখাও আমাদের জন্যে একান্ত আবশ্যিক। আল্লাহ্ পাকের দর্শন (ক্ষমতা) যেমনিভাবে পদার্থ বিদ্যায় ব্যাখ্যাকৃত আলোর প্রতিফলনের সাহায্যে নয়, ঠিক তেমনিভাবে তাঁর নৈকট্যও কোনো একক দ্বারা পরিমাপ করা যায় না। কয়েকটি হাদীসে পরিমাপের উদ্দেশ্যে নয়, বরং শুধু তুলনা দেয়ার খাতিরেই বিঘত, যব-শস্যের দৈর্ঘ্য, মিটার, এক হাত সমান দৈর্ঘ্য ইত্যাদি এককের ব্যবহার করা হয়েছে।

**প্রশ্ন:** বেলায়াত মানুষের কাছে আল্লাহ্ ও তাঁর বান্দার মধ্যকার অবোধগম্য হাল হওয়া সত্ত্বেও এয়াক্বিন শব্দটা দ্বারা কেন এটাকে ব্যাখ্যা করা হয়েছে?

**উত্তর:** আমরা উত্তর দেবার আগে দুটো বিষয় আলোচনা করবো:

১) আউলিয়ার ‘কাশফ’ (দিব্যদৃষ্টি) ও মানুষের প্রত্যক্ষকৃত ‘রু-ইয়া’ (স্বপ্ন) খিয়াল (মস্তিষ্ক)-এর দর্পণে প্রত্যক্ষকৃত বস্তুসমূহের প্রতিকৃতি, ছায়া ছাড়া আর কিছু না। কারো ঘুমন্ত অবস্থায় এর উদ্ভব হলে একে বলা হয় রু-ইয়া। আর জাগ্রত অবস্থায় সংঘটিত হলে তাকে বলা হয় কাশফ। খিয়ালের দর্পণ যতো পরিষ্কার ও নির্মল হবে, ততোই কাশফ কিংবা রু-ইয়ার সত্যতা এবং নির্ভরযোগ্যতা বাড়বে। সুতরাং কোনো নবী (আ.) এর স্বপ্ন (রু-ইয়া) একদম নির্ভরযোগ্য এবং অবশ্যই বিশ্বাসযোগ্য। কারণ, সকল নবী (আ.) ই মা’সুম, অর্থাৎ, তাঁরা কখনো কোনো ভুল করেন না। তাঁদের খিয়াল অত্যন্ত খাঁটি এবং পরিষ্কার-পরিচ্ছন্ন। তাঁদের বাতেন অথবা অন্তরও

অত্যন্ত পরিষ্কার-পরিচ্ছন্ন। অধিকাংশ আউলিয়ার স্বপ্নও সঠিক। কারণ তাঁদের মস্তিষ্ক এবং অন্তরও রাসূলুল্লাহ ﷺ-এর সোহবতে অর্জিত নূরের দ্বারা পরিষ্কার হয়ে গিয়েছে, যে সাহচর্য তাঁরা সাহাবাদের মতো হয় সরাসরি পেয়েছেন, নয়তো সাহাবাগণের পরে আগত পীর-মুর্শিদগণের মতো পথপ্রদর্শকের মাধ্যমে পেয়েছেন। তাঁদের খেয়াল ও ক্রলব শরীয়তকে মান্য করেও নির্মল হয়েছে। মওলানা জালালুদ্দিন রুমী (রহ.) তাঁর মসনবী শরীফে এই সূক্ষ্ম বিষয়টি সুন্দরভাবে খোলাসা করেছেন:

‘আউলিয়াকে যে সব আকৃতি (ঘিল) খুঁজে বেড়ায় তুমি চেনো তাকে?’

সেগুলো খোদা তা’আলার বাগানের সৌন্দর্যের দর্শনশক্তি বটে!’

আম্বিয়া (আ.) কে মান্য করার কারণে আউলিয়া (রহ.)-এর বাতেনগুলোকে নির্মল করা হয়েছে; তাই তাঁদের বাতেনসমূহ উজ্জ্বল দর্পণসমূহের অনুরূপ। কোনো কোনো সময় তাঁদের বাতেনগুলোর পূর্বতন কালো দাগগুলো কালো দাগের মতো রূপ ধারণ করে দৃষ্টিগোচর হয় এবং তাঁদের মস্তিষ্কের দর্পণগুলো আবছা হয়ে যায়; ফলে তাঁদের কাশফ ও স্বপ্নগুলোতে তখন ভুল-ত্রুটি ঘটে। এই আবছা হওয়াটা হারাম অথবা মুশতাবিহাত সংঘটনের কারণে কিংবা (মুবাহ পালনে) সীমা অতিক্রম করার কারণে ঘটে থাকে; কিংবা এটা ঘটীর আরেকটা কারণ হলো অজ্ঞ ও গোমরাহ লোকদের দ্বারা কালিমা লেপন। অজ্ঞ ও গোমরাহ লোকদের অধিকাংশ স্বপ্নই ভ্রান্ত এবং তাদের বাতেনগুলো কাল হওয়ার কারণে তারা খুব বেশি ভুল করে।

২) আল্লাহর সকল সৃষ্টিকেই ‘আলম’ বলে। আলম তিন প্রকার: ‘আলম আশ শাহাদাত’ – আমাদের জ্ঞাত বস্তুগত জগত; ‘আলম আল-আরওয়াহ’, রূহের অ-বস্তুগত ও পরিমাপ-অযোগ্য (ধারণাতীত) জগত; এবং ‘আলম আল-মিসাল’, যেখানে বস্তুগত কিংবা অ-বস্তুগত কিছুই নেই। আলম আল মিসালে প্রথম ও দ্বিতীয় আলমে অবস্থানরত সকল বস্তুরই মিসাল (উপমা) আছে; এমন কি আল্লাহ এবং চিন্তাধারা ও অর্থের মিসালও রয়েছে। আল্লাহর আসলে কোনো মিসাল নেই। কিন্তু এ কথা বলা হয়েছে যে তাঁর মিসাল আছে। যদি কোনো জিনিসের সঙ্গে অন্য আরেকটি জিনিসের যাত (সত্তা) কিংবা মৌলের এবং সিফাতের ক্ষেত্রে সাযুজ্য থাকে, তাহলে উভয়কেই উভয়ের মিসাল বলা হয়। আল্লাহ তা’আলার পবিত্র সত্তা কিংবা তাঁর সিফাতসমূহের কোনো মিসাল নেই এবং ওই ধরনের কোনো মিসালের অস্তিত্ব থাকতেই পারে না। যদি কোনো বস্তুর সঙ্গে অপর কোনো বস্তুর শুধুমাত্র সিফাতের ক্ষেত্রে সাযুজ্য থাকে এবং যাতের সঙ্গে না থাকে, তবে পূর্ববর্তী বস্তুর পরবর্তী বস্তুর মিসাল বলা হয়। উদাহরণস্বরূপ, যখন সূর্যকে ‘অসীম’ বলা হয়, তখন ‘অসীম’ শব্দটা সূর্যেরই একটা মিসাল হয়ে দাঁড়ায়। আল্লাহ তা’আলা বলেন, ‘কোনো বিশ্বাসীর কলবে আল্লাহর নূর ফানুসের ভেতরে প্রদীপের মতোই।’ (সূরা নূর; আয়াত ৩৫) একটা হাদীসে আল্লাহ সম্পর্কেও মিসাল দেয়া হয়েছে, ‘তিনি এমনই এক হুকুমদাতা যে, তিনি একটা ঘর নির্মাণ করে সেটাকে পদার্থ দ্বারা পরিপূর্ণ করে দিয়েছেন।’ (হাদীস) অতএব, এ কথা বলা হয়েছে যে, আল্লাহকে স্বপ্নে দেখা যাবে। হযরত ইউসুফ (আ.) দুর্ভিক্ষের বছরগুলোকে রুগ্ন এবং সমৃদ্ধির বছরগুলোকে স্বাস্থ্যবান গরু ও গমের (শম্বের) শীষের মতো তাঁর স্বপ্নে দেখেছিলেন। সহীহ বুখারী শরীফে একটা হাদীসে বলা হয়েছে: আমি স্বপ্নে বহু লোককে আমার কাছে আসতে দেখি। তারা জামা পরিহিত ছিল। কারও কারও জামা তাদের বুক পর্যন্ত ছিল, আর কারও কারও জামা আরও লম্বা ছিল। আমি উমরকে দেখি।

তাঁর জামা মাটি পর্যন্ত ঝুলানো ছিল।’ সাহাবা-এ-কেরাম হুজুর ﷺ-কে এর ব্যাখ্যা দিতে আরজ করার পর তিনি বলেন, ‘জামা মানে জ্ঞান।’ (হাদীস) এ সব আয়াত ও হাদীস পরিস্ফুট করে, যে জিনিসের কোনো মিসাল নেই এবং যে জিনিস বস্তুগত নয়, সে জিনিসও স্বপ্নে অথবা কাশফের মাধ্যমে দেখা যেতে পারে।

উপর্যুক্ত দুটো বিষয় ব্যাখ্যা করার পর আমরা বলি যে, বেলায়াত নামক একটা অবোধগম্য হাল রয়েছে। আলম আল-মিসালে দুটো বস্তুগত দেহের নৈকট্য হিসেবে এ হালকে কাশফের মাধ্যমে প্রত্যক্ষ করা হয়। কাশফে বেলায়াতের হালের অগ্রগতি অনেকটা আল্লাহর দিকে হাঁটার মতো অথবা তাঁর এক সিফাত থেকে আরেক সিফাত অতিক্রম করার মতো মনে হয়। যেহেতু আউলিয়ার এসব অবোধগম্য হালের পরিবর্তন (অতিক্রান্তি) আলম-এ-মিসালেই পরিদৃষ্ট হয়েছে, সেহেতু এসব হালকে ‘কুরব-এ-ইলাহী’ (খোদার নৈকট্য) হিসেবে আখ্যা দেয়া হয়েছে এবং পরিবর্তনগুলোকে ‘সায়ের ইলাল্লাহ’ ও ‘সায়ের ফিল্লাহ’ ইত্যাদি নামে ভূষিত করা হয়েছে।

তাসাউফের পথে একবার ফানা অর্জিত হলে এরপর আর কোনো প্রত্যাবর্তন নেই। যারা ফিরে এসেছে, তারা ফানা অর্জন করার আগেই তা করেছে। এই ফকির (মওলানা সানাউল্লাহ পানিপথী) এটা সুরা বাক্বারার ১৪৩ তম আয়াত থেকে বের করেছি, যেটা ঘোষণা করে: ‘আর আল্লাহর ক্ষেত্রে এটা শোভা পায় না যে তিনি তোমাদের ঈমানকে ব্যর্থ করবেন। তিনি তাঁর বান্দাদের প্রতি অত্যন্ত দয়ালু।’ নবী পাক ﷺ বলেন: ‘আল্লাহ পাক তাঁর বান্দাদের ঈমান উঠিয়ে নেন না। কিন্তু তিনি আলেমগণের মৃত্যুর মাধ্যমে জ্ঞান (জ্ঞান) উঠিয়ে নেন।’ (হাদীস) এ হাদীসটিও প্রতিভাত করে: ‘আল্লাহ প্রকৃত ঈমান ও আধ্যাত্মিক জ্ঞান ফেরত নেন না।’

সম্পূর্ণ তাকওয়া একমাত্র আউলিয়ার মাঝেই প্রস্ফুটিত হয় এবং সেটা হিংসা-দেষ, ঔদ্ধত্য, মুনাফেকী ও প্রসিদ্ধির লোভের মতো নফসানী খায়েশকে পুরোপুরিভাবে বিতাড়িত না করে অর্জন করা সম্ভব নয়। এটা পুরোপুরিভাবে বিতাড়নের জন্যে প্রয়োজন ‘ফানা আন-নফস’, অর্থাৎ, নফসের লয়প্রাপ্তি। আল্লাহ ভিন্ন অন্য সব জিনিসের ভালোবাসা অন্তর থেকে দূর না করা পর্যন্ত পূর্ণ ঈমান ও তাকওয়া অর্জন করা অসম্ভব। আর এটা একমাত্র ‘ফানা আল ক্বলব’-এর মাধ্যমেই সম্ভব। হাদীসটিতে ফানা আল ক্বলবকে ‘ক্বলবের পবিত্রতা’ (সালেহ ক্বলব) আখ্যায়িত করা হয়েছিল। ইমাম বুখারী ও মুসলিম বর্ণিত একটা হাদীসে বলা হয়েছে: ‘একজন মুসলিমের ঈমান কখনো পূর্ণ হতে পারে না, যতক্ষণ পর্যন্ত না সে তার পিতা-মাতা, সন্তান-সন্ততি এবং অন্য সবার চেয়ে আমাকে বেশি ভালোবাসে।’ (হাদীস) অপর এক হাদীস বলা করে: ‘তিন শ্রেণীর লোক ঈমানের ফল আস্বাদন করে: যে ব্যক্তি সব বস্তুর চেয়ে আল্লাহ ও তাঁর রাসূলকে বেশি ভালোবাসে; যে ব্যক্তি একমাত্র আল্লাহ যাঁদের ভালোবাসেন তাঁদেরকে ভালোবাসে; এবং যে ব্যক্তি ঈমান অর্জন করে; আগুনে ভস্মীভূত হওয়ার চেয়েও কুফর (অবিশ্বাস)-কে বেশি ভয় পায়।’ (হাদীস) একদিন রাবেয়া বসরী (তাবেয়ীনের মধ্যে বিখ্যাত মহিলা ওলী) তাঁর দুই হাতে দুটো পাত্র বহন করছিলেন, যার একটা ছিল পানিতে পূর্ণ, অপরটি আগুনে প্রজ্জ্বলিত। মানুষেরা তাঁকে এর কারণ জিজ্ঞাসা করার পর তিনি উত্তর দেন, ‘আমি দোযখের আগুন নিভিয়ে দিয়ে বেহেশতে আগুন জ্বালাবো। এভাবে আমি মুসলিমদেরকে দোযখের ভয়ে এবং বেহেশতের আশায় আল্লাহর ইবাদত করা হতে রক্ষা করবো।’ আর এটাই হচ্ছে বেলায়াত (ওলিত্ব)।

“রাসূলুল্লাহ ﷺ ঘোষণা করেন, ‘আমার আসহাবদের প্রতি সম্মান প্রদর্শন করো’ (হাদীস)। সুরা হুজুরাতের ১৩ আয়াতে আল্লাহ বলা করেন, ‘মুক্তাক্কীরা (খোদাভীরু মুসলমান)-ই সম্মান পাওয়ার যোগ্য’ (আল আয়াত)। তাই ইসলামী উলামাবৃন্দ সর্বসম্মতভাবে বলেছেন যে এই উম্মতের মধ্যে সর্বশ্রেষ্ঠ মুত্তাক্কী (আল্লাহকে ভয়কারী) হচ্ছেন সাহাবা-এ-কেরাম। কেননা, আল্লাহর রাসূল ﷺ-এর সাহচর্য লাভ করেই আসহাব-এ-কেরাম বেলায়াতের সর্বোচ্চ শিখরে আরোহণ করেছিলেন। সুরা তওবার ১০০ নং আয়াতে আল্লাহতা’আলা সাহাবা-এ-কেরামকে প্রশংসা করছেন: ‘যারা বিশ্বাসে পূর্ববর্তী এবং যারা প্রথমে হিজরত করেছে...’ (আয়াত)। তিনি সুরা ওয়াক্কিয়ার ১০ নং আয়াতে বলেন: ‘যারা বিশ্বাসে অগ্রজ, তারাই হবে (আখেরাতে) অগ্রবর্তী’ (আর তাঁরাই মুক্কারাবিন বা আল্লাহর নৈকট্য প্রাপ্ত)। সুরা আল-ই-ইমরানের ১০২ নং আয়াতে আল্লাহ বলেন: ‘হে ঈমানদারগণ! আল্লাহকে ভয় করো এবং তাঁর নিষিদ্ধ বস্তু থেকে দূরে সরে থাকো।’ তাক্বওয়ার মানে হচ্ছে আল্লাহকে ভয় করা। এর অর্থ অত্যন্ত ব্যাপক, সুন্নাত, নফল ও সওয়াবদায়ক অন্যান্য আমল পালন করে হারাম পরিহার করাই হচ্ছে তাক্বওয়া। অর্থাৎ, ‘বস্তুনিষ্ঠ আমল এবং আধ্যাত্মিক ঈমান ও নৈতিকতার মধ্যে আল্লাহ যা অপছন্দ করেন, তা অবশিষ্ট রাখা চলবে না।’ আয়াতে প্রদত্ত আদেশটি প্রতিভাত করে যে এটা ওয়াজিব। একমাত্র বেলায়াতের মাধ্যমেই পূর্ণ তাক্বওয়া অর্জন করা যায়। নফসের উপর্যুক্ত শয়তানী প্রভাব হারাম। এ সকল কু-প্রভাব দূর না করা পর্যন্ত পূর্ণ তাক্বওয়া অর্জন করা অসম্ভব; আর এ সকল কু-প্রভাব ‘ফানা আন্- নফস’-এর মাধ্যমেই খর্ব করা সম্ভব। তাক্বওয়া হচ্ছে পাপ বর্জন করা। হাদীসটাতে এটাকে ‘দেহের পবিত্রতা’ (বিশুদ্ধ) বলা হয়েছে। দেহের পবিত্রতার জন্যে ক্বলবের পবিত্রতা একান্ত আবশ্যিক। মুতাসাউয়ীফগণ ক্বলবের পবিত্রতাকে ‘ফানা আল ক্বলব’ আখ্যায়িত করেছেন।

আমরা ব্যাখ্যা করেছি; বেলায়াত হচ্ছে ক্বলব ও নফসের বিলোপ সাধন। তাসাউফপন্থী উলামা বলেছেন যে বেলায়াতের সাতটি পর্যায় রয়েছে, যার মধ্যে পাঁচটি হলো ক্বলব, রুহ, সির, খফি ও আখফা নামক পাঁচ লতিফার বিলোপ সাধন; ষষ্ঠটি নফসের লয়প্রাপ্তি; সপ্তমটি দেহের পদার্থসমূহের নির্মলকরণ। দেহের পদার্থগুলোর লয়প্রাপ্তিকে ‘দেহের পবিত্রতা’ আখ্যায়িত করা হয়েছে।

শুধু নফল ইবাদত পালন করে তাক্বওয়া অর্জন করা যায় না। তাক্বওয়া হচ্ছে- ফরয ও ওয়াজিব পালন করে হারাম বর্জন করা। এখলাসবিহীন ফরয এবং ওয়াজিব পালন করা মূল্যহীন। সুরা যুমারের ২-৩ নং আয়াতে আল্লাহ ঘোষণা করেন: ‘এখলাসের সাথে আল্লাহর ইবাদত পালন করো। এখলাসপূর্ণ ইবাদত কি তাঁর জন্যেই খাস নয়?’ ফানা আন্-নফস অর্জনের আগে হারাম বর্জন করা সম্ভব নয়। এটা পরিস্ফুট যে, একমাত্র ফরয পালন করেই কোনো ব্যক্তি বেলায়াতের পূর্ণতা অর্জন করতে পারে। তবুও বেলায়াত আল্লাহর-ই একটা নেয়ামত বিশেষ; তাঁর যাঁদেরকে ইচ্ছা তাঁদেরকেই তিনি এটা দিয়ে থাকেন এবং এটা পরিশ্রম করে অর্জন করা যায় না। মানুষদেরকে তাদের ক্ষমতানুযায়ী কাজ করতে আল্লাহ আদেশ করেছেন। সুরা তাগাবুনের ১৬ নং আয়াতে তিনি আদেশ দেন: ‘তোমাদের সর্বশক্তি নিয়োগ করে হারাম কাজ পরিহার করো।’ (আয়াত) এটা স্পষ্ট যে, প্রত্যেকের সাধ্যানুসারে এই ক্ষেত্রে চেষ্টা করা জরুরী।

বেলায়াতের পর্যায়সমূহ অপরিমেয়। শায়খ সাদী সিরাসী (র.হ.) এ কথা ব্যক্ত করেন নিম্নোক্ত পংক্তিতে:

‘তাঁর (খোদার) সৌন্দর্য্য অসীম

সাদীর কথাও অন্তহীন

রোগীর তেষ্ঠা মেটায় না জল পান

নিঃশেষও করে না মহাসাগরের জলের পরিমাণ’।। (গুলিস্তাঁ)

অনুরূপভাবে, তাকুওয়ার পর্যায়গুলোও অসীম। একটা হাদীস ঘোষণা করে, ‘আমি-ই আল্লাহকে সবচেয়ে বেশি ভালোভাবে জানি, তাঁকে সর্বাপেক্ষা বেশি ভয় পাই।’ (হাদীস) কোনো ব্যক্তি যতোই বেলায়াতের পর্যায়গুলোর ভেতর দিয়ে অগ্রসর হবেন, ততোই তাঁর আল্লাহ-ভীতি বৃদ্ধি পাবে। সুরা হুজুরাতের ১৩ নং আয়াতে ঘোষিত হয়েছে: ‘আল্লাহর দৃষ্টিতে তোমাদের মধ্যে সে ব্যক্তি-ই সর্বশ্রেষ্ঠ, যে সর্বাধিক খোদাভীরু।’ (আয়াত) যেহেতু তাকুওয়ার পর্যায়গুলো অসীম, সেহেতু বেলায়াতের পর্যায়গুলোর মধ্য দিয়ে অগ্রসর হতে সাধ্যানুসারে চেষ্টা করা ওয়াজিব। নিজের আধ্যাত্মিক জ্ঞান বৃদ্ধি কামনা করা প্রত্যেক ব্যক্তির জন্যে ফরয। সুরা তা’হা-এর ১১৪ নং আয়াত এ বিষয়টি ব্যক্ত করে: ‘হে পাঠক! আপনি সব সময় দোয়া করার মুহূর্তে বলবেন: হে আল্লাহ! আমাকে জ্ঞান দান করুন।’ (আয়াত) কোনো ওলী বেলায়াতের কোনো পর্যায় অর্জনের পর সেই স্তরে থেকে যাবার এবং আরও অগ্রসর না হবার ইচ্ছা পোষণ করা তাঁর জন্যে হারাম। হযরত বাকী বিল্লাহ (রহ.) তাঁর কবিতায় বলেন:

আল্লাহর পথে তুমি পর্যবেক্ষণশীল হবে, অবশ্যই হবে!

মৃত্যুর আগ পর্যন্ত সেটাই হতে চাইবে, অবশ্যই চাইবে!

যদি সাগর পরিমাণও তোমার মুখে ঢালা হয়,

তবুও তেষ্ঠা তোমার মেটা উচিৎ নয়,

বরং এরপর আরও কামনা করবে।।

মওলানা জালালুদ্দিন রুমী (রহ.) বলেন:

‘হে ভ্রাতা, এ পথের কোনো শেষ নেই,

যতো দীর্ঘ পথই পার হও না কেন,

আরও অগ্রসর হতে হবেই।’

খাজা বাক্বি বিল্লাহ্ (রহ.) বলেন:

‘তুমি পান করাও আমায় যতোই,

তোমার প্রতি আমার এশক বৃদ্ধি পায় ততোই!’

যেহেতু আধ্যাত্মিক জ্ঞানের পথে অগ্রসর হওয়ার চেষ্টা করা ওয়াজিব এবং যেহেতু একজন মুর্শিদুল কামেলের মধ্যস্থতা ছাড়া খুব কম মানুষই আল্লাহর নৈকট্য পেয়েছেন, সেহেতু একজন মুরশিদ-এ-কামেলের তালাশ করা ওয়াজিব। মাওলানা জালালুদ্দিন রুমী (রহ.) বলেন:

‘মুর্শিদ ছাড়া আর কেউই মানুষদেরকে হেদায়েত দিতে পারে না,

তাই এমন কাউকে খুঁজে বের করো,

এবং তাঁকে শক্তভাবে আঁকড়ে ধরো,

কিন্তু তরীকতের ভণ্ড লোকেরা যেন করতে না পারে প্রতারণা।’

কোনো মুর্শিদের পার্থক্য নির্ণয়কারী প্রথম বৈশিষ্ট্য হচ্ছে এই যে, তাঁকে আহলে সুন্নাতে আক্বিদাসম্পন্ন হতে হবে এবং সম্পূর্ণভাবে শরীয়তকে মান্য করতে হবে। যে ব্যক্তির কথা ও কাজ শরীয়তের সাথে সঙ্গতিপূর্ণ নয় এবং নিজের স্ত্রী-কন্যাদের হাত ও চুলের বেপর্দা অবস্থায় বাইরে যাওয়াকে যে ব্যক্তি প্রতিহত করে না, সে কখনো মুর্শিদ হতে পারে না। এমন কি সে যদি আকাশেও উড়তে পারে, তবুও সে মুর্শিদ হতে পারে না। মুসলিম মহিলাদের জন্যে চুল ও পা ইত্যাদি অঙ্গকে উন্মুক্ত রেখে বাইরে যাওয়া এবং প্রথাগতভাবে অপরিচিত লোকদের সামনে নিজেদের প্রদর্শনী দেয়া হারাম। আহলে সুন্নাতে উলামাবৃন্দের বইপত্র যে ব্যক্তি মান্য করে না, সে কখনো মুর্শিদ হতে পারে না। ওই ধরণের একজন ভণ্ড ইমাম উপকারী হওয়ার পরিবর্তে দ্বীনের জন্যে মারাত্মক ক্ষতিকর। সুরা ইনসান কিংবা সুরা দাহরে আল্লাহ তা’আলা ঘোষণা করেন, ‘ফিসক্ক সংঘটনকারী কিংবা কাফেরকে মান্য করবে না।’ (সুরা দাহর, ২৪ আয়াত) এ আয়াতে আল্লাহ তা’আলা প্রথমে ফাসিককে এবং পরে কাফেরকে মান্য করতে নিষেধ করেছেন; কারণ একজন মুসলিম খুব কমই একজন কাফেরের সাক্ষাৎ পান, কিন্তু তিনি সব সময় হয়তো একজন ফাসিকের তাবেদারী করতে পারেন। তাছাড়া এ আয়াতটি প্রমাণ করে; একজন কাফেরের চেয়ে একজন ফাসিকের সাহচর্য অনেক বেশি ক্ষতিকর হতে পারে। সুরা কাহফ-এর ২৮নং আয়াতটিতে বলা হয়েছে: ‘আমার যিকর হতে উদাসীন অন্তর-বিশিষ্ট প্রবৃত্তির পূজারী এবং সীমালঙ্ঘনকারী ব্যক্তিকে মান্য করবে না।’ (আল-আয়াত) এ আয়াতখানা থেকে বোঝা যায়; প্রবৃত্তির অনুসরণ আত্মার ঔদাসীন্যেরই একটা লক্ষণ মাত্র। দেহের পাপকাজ সংঘটন; আত্মার পঙ্কিলতার প্রতি ইঙ্গিত বহন করে।

কোনো মুর্শিদের দ্বিতীয় বৈশিষ্ট্য যা হাদীসে বিবৃত হয়েছে, তা হচ্ছে তাঁকে দেখা এবং তাঁর সাথে কথা বলার ফলে আল্লাহকে স্মরণ হয়। তখন ক্বলবে আল্লাহ ছাড়া আর কোনো কিছুকে পছন্দনীয় মনে হয় না। ইমাম নববী

(রহ.)-এর রেওয়াজাত অনুযায়ী হুজুর পাক ﷺ আউলিয়াবৃন্দের বৈশিষ্ট্যগুলো ব্যাখ্যা করে বলেন: ‘আউলিয়াকে দেখলে আল্লাহর কথা স্মরণ হয়।’ এই হাদীস ইবনে মাজা (রহ.)-ও বর্ণনা করেছেন। ইমাম বাগাবী (রহ.) রেওয়াজাতকৃত একটা হাদীস-এ-কুদসীতে আল্লাহ ঘোষণা করেন: ‘যখন আমাকে স্মরণ করা হয়, তখন আমার প্রিয় বান্দার কথাও স্মরণ হয়; আর যখন তাদেরকে স্মরণ করা হয়, তখন আমার কথাও মনে পড়ে।’ কিন্তু আল্লাহকে স্মরণ করতে হলে কোনো ওলীর সাথে সম্পৃক্ত হওয়া একান্ত প্রয়োজন। যে ব্যক্তি কোনো ওলীকে অস্বীকার করে এবং তাঁকে ওলী হিসেবেই বিশ্বাস করে না, তার সঙ্গে ওই ওলীর কোনো সম্পর্কই নেই। যে ব্যক্তি অবিশ্বাস করে, সে এই নেয়ামত অর্জন করতে পারে না।

দুটো পংক্তি:

‘যে লোককে আল্লাহ নেয়ামত দেন না,

সে যদি নবী ﷺ-কেও দেখে,

তবুও সে সৌভাগ্যর্জন করতে পারে না।’

প্রত্যেক ওলীরই প্রভাব সৃষ্টি (প্রভাব বিস্তার) করার এ ক্ষমতাটি রয়েছে। কোনো কোনো পীর-মুর্শিদ প্রভাব বিস্তারে আরও অনেক বেশি ক্ষমতাসালী এবং তাঁরা তাঁদের মুরীদদেরকে তাসাউফের পথের উচ্চপর্যায়গুলোতে উন্নীত করতে সক্ষম। ওই ধরনের পীর-মুর্শিদদেরকে বলা হয় ‘মুর্শিদ আল কামেল ওয়াল মুকাম্মেল’ (নিজে পূর্ণ এবং অন্যদেরকেও পূর্ণতা দিতে পারেন)।

কোনো ওলীকে প্রথম দর্শনে এবং কয়েকবার সাক্ষাতের পরও অজ্ঞ ও মিথ্যাবাদী লোকেরা চিনতে পারে না। তাদের উচিৎ তাদেরই আস্থাভাজন কাউকে জিজ্ঞাসা করা। সুরা নাহলের ৪৩নং এবং সুরা আশ্বিয়ার ৭নং আয়াতে আল্লাহ তা’আলা ঘোষণা করেন: ‘তোমরা যা জানো না, তা যারা জানেন তাঁদেরকে জিজ্ঞাসা করে শেখো।’ একটা হাদীস ঘোষণা করে: ‘অজ্ঞতা হতে নাজাত পাওয়ার উপায় হচ্ছে জ্ঞানীদের কাছ থেকে জিজ্ঞাসা করে শেখা।’ (হাদীস) যে ব্যক্তি পীর-মুর্শিদ হিসেবে জ্ঞাত কোনো লোকের সোহবতে কয়েক বছর থাকার পরও নিজের ক্লবকে ভালোর দিকে প্রত্যাবর্তিত হতে দেখে না, তার উচিৎ ওই ব্যক্তিকে পরিত্যাগ করা।

ইমাম-এ-রব্বানী আহমদ আল-ফারুকী আস্-সিরহিন্দী (রহ.) ঘোষণা করেন, ‘হুজুর পাক ﷺ-এর বেসালের পরে সাহাবা-এ-কেরাম পর পর চারজন খলিফাকে নির্বাচন করেন। দুনিয়াবী বিষয়গুলোর ব্যবস্থাপনার উদ্দেশ্যে তাঁরা খলিফা নিযুক্ত করেন নি; বরঞ্চ তাঁদের বাতেনগুলোর পূর্ণতাপ্রাপ্তির উদ্দেশ্যেই তাঁরা তা করেছিলেন।’

**প্রশ্ন:** কাফেরদের দ্বারা মূর্তি পূজাকে শিরক সাব্যস্ত করার জন্যে সুরা আরাফের আয়াতখানা (‘আল্লাহ ছাড়া যে সব বস্তুর নিকট তোমরা প্রার্থনা করো, সেগুলো তোমাদের মতোই বান্দা। কাউকে সাহায্য করার ক্ষমতা তাদের নাই’) অবতীর্ণ হয়েছে। আউলিয়াকে মূর্তি (মিনদুনিলাহ)-এর সঙ্গে তুলনা দেয়া কি ঠিক হবে?

**উত্তর:** আয়াতটি বলে ‘আল্লাহ ছাড়া’, যার অর্থ: ‘আল্লাহ ছাড়া সব কিছুর’ তবে একটা হাদীস ঘোষণা করে: ‘আম্বিয়া (আ.) কে স্মরণ (যিকর) করা ইবাদততুল্যা। পুণ্যবান বান্দাগণ-কে স্মরণ করা পাপের প্রায়শ্চিত্ত। মৃত্যুর কথা স্মরণ করা সাদক্বাহ দেয়ার মতো। কবরের কথা স্মরণ তোমাদেরকে জান্নাতের নিকটবর্তী করবে।’ (হাদীস) হাদীসটি আবু নাসর দায়লামীর (রহ.) ‘মুসনাদ আল ফেরদউস’ গ্রন্থে উদ্ধৃত হয়েছে। ইমাম দায়লামী আরেকটা হাদীস উদ্ধৃত করেন, যেটা ঘোষণা করে: ‘আলীকে উল্লেখ করা ইবাদততুল্যা।’ (হাদীস) এ সব হাদীসে ‘যিকর’ শব্দ দ্বারা বোঝানো হয়েছে তাদের উচ্চমর্যাদা, মহৎ গুণাবলী, হাল (আত্মিক উৎকর্ষ, ভাব) ও সুন্দর নৈতিকতা সম্পর্কে আলোচনা করা। এভাবে তাঁদেরকে ভালোবাসার মানে আল্লাহকেই ভালোবাসা। যারা এ সকল সালেহীন সম্পর্কে জানতে পারেন, তাঁরা তাঁদের মতোই হতে চেষ্টা করেন। আযান ও এক্বামতে নবী কারীম ﷺ-এর নাম আল্লাহর নামের পরে উল্লেখ করা একটা ইবাদত। সূরা ইনশিরাহতে বলা হয়েছে, ‘আপনার স্মরণকে আমি সমুল্লত করেছি।’ (আয়াত) এটা একমাত্র রাসূল-এ-কারীম ﷺ-এর জন্যে নির্দিষ্ট। যদি কেউ ‘লা-ইলাহা ইল্লাল্লাহ মুহাম্মাদুর রাসূলুল্লাহ’ বলে ‘আলী ওলী-আল্লাহ’ তার সাথে যোগ করে, তবে তাঁর জন্যে শান্তিই বিধেয়। নবী-এ-মকবুল ﷺ-এর নামের উল্লেখ শুধুমাত্র শরীয়তের নির্ধারিত সীমারেখার অভ্যন্তরেই জায়েয।

নিষ্পাপ হওয়া আম্বিয়া (আ.) এর জন্যেই নির্দিষ্ট। এর অর্থ, জ্ঞাতসারে কিংবা অজ্ঞাতসারে কোনো কবীরা (বড়) অথবা সগীরা (ছোট) গুনাহ কখনো সংঘটন না করা। আউলিয়া ‘আসমত’-এর অধিকারী বলাটা কুফর (তবে তাঁরা ‘মাহফুয’ তথা হেফায়তপ্রাপ্ত – অনুবাদক)। আউলিয়া অপেক্ষা প্রত্যেক সাহাবী-ই উচ্চ মর্যাদাসম্পন্ন। বিখ্যাত তাবেরী হযরত আবদুল্লাহ ইবনে মুবারক (রহ.) বলেছেন, ‘রাসূল-এ-আকরাম ﷺ-এর পাশে অশ্বে উপবিষ্ট হযরত আমীরে মুয়াবিয়া (রহ.)-এর ঘোড়ার নাকের মধ্যে যে ধূলিকণা প্রবেশ করেছে, তা উয়াইস ক্বরনী (রা.) ও উমর বিন আবদুল আযিয হতেও উত্তম।’

রাসূলুল্লাহ ﷺ কিংবা কোনো ওলীর রওয়া শরীফ যিয়ারতের সুন্নাতগুলো হচ্ছে- ওযু সহকারে নবী পাক ﷺ [কিংবা ওই ওলী]-এর প্রতি সালাওয়াত পাঠ করা; সালাত, সিয়াম, সাদাকা ও কুরআন তেলাওয়াতের মতো সওয়াবদায়ক কাজের সওয়াবগুলো তাঁর প্রতি পৌঁছিয়ে দেয়া, যাতে কোনো ব্যক্তির ক্বলব (তাঁকে ভালোবাসার জন্যে) তৈরি থাকে, তাঁকে ভালোবাসার উদ্দেশ্যে আল্লাহর কাছে আবেদন জানানো। যদি কোনো ব্যক্তি ওই ওলীর যেয়ারত করে, তবে সে তাঁর সঙ্গে নিজেকে সংযুক্ত করেছে; তার উচিৎ ক্বলব থেকে দুনিয়াবী চিন্তা দূর করা এবং ওই ওলীর কাছ থেকে সান্নিধ্যার্জন করা।

যারা দুনিয়াবী খ্যাতি ও ধন-সম্পদের স্বার্থে কোনো তরীকতের সঙ্গে নিজেদেরকে সংশ্লিষ্ট করে, তারা হচ্ছে শয়তানের সাগরিদ। তারা মিথ্যা নবি মুসায়লামাতুল কাযযাবের মতোই।

আল্লাহর কাছ থেকে প্রাপ্ত নেয়ামত, বরকত ও উচ্চ মর্যাদাসমূহ তাঁর মুরিদদের কাছে প্রকাশ করা একজন ওলীর জন্যে জায়েয। একটা হাদীস ঘোষণা করে: ‘আল্লাহর কাছ থেকে প্রাপ্ত নেয়ামতসমূহ প্রকাশ করা; সেগুলোর জন্যে শুকরিয়া আদায়েরই নামাস্তরা।’ (হাদীস) তবে গর্ব করা হারাম। যদি কেউ নিজের মহৎ গুণাবলী নিজের প্রতি আরোপ করে এবং এ ধারণা না করে; আল্লাহ্-ই তাকে এ নেয়ামত দান করেছেন, তাহলে তা

হামবড়ামী যদি সে বিশ্বাস করে; তাঁর যা আছে সবই আল্লাহর কাছ থেকে এসেছে এবং যদি সে চিন্তা করে যে সে ক্রটিযুক্ত, তাহলে এটা হবে শোকর (কৃতজ্ঞতা)।

আল্লাহর আকর্ষণেই (জযবা) মানুষ তাঁর অভীমুখে যাত্রা করে। যদি তিনি মধ্যস্থতাকারী ব্যতিরেকে মানুষকে আকৃষ্ট করেন, তাহলে এটাকে বলা হয় 'ইজতিবা'। তাঁর পরোক্ষ আকর্ষণ দুই ধরনের: ইবাদত ও রিয়াযতের মাধ্যমে; যেটা 'সুলুক' নামে পরিচিত। দ্বিতীয়তঃ কোনো 'রাহবার' বা পথপ্রদর্শক (পীর-মুর্শিদ)-এর সাহচর্য তথা সান্নিধ্য দ্বারা। আকর্ষণসমূহের মূল কারণ হচ্ছে মানুষের নিজের সামর্থ্য। কোনো মানুষ তার সৃষ্টির সময়ই এই সামর্থ্য লাভে ধন্য হয়ে থাকে। একেক মানুষের মধ্যে এ গুণাবলীর রকমফের রয়েছে। মানব কর্তৃক আল্লাহর নৈকট্য অর্জনের পথে সর্ববৃহৎ প্রতিবন্ধকতা হচ্ছে তার প্রবৃত্তির তাড়না এবং তার দেহের পঙ্কিল চাহিদাসমূহ। দ্বিতীয় প্রতিবন্ধকতা হচ্ছে 'আলম আল-আমর'-এর লতিফাগুলোর নিজেদের প্রতি এবং আল্লাহর প্রতি গাফলতি বা ঔদাসীন্য়। কোনো ব্যক্তি কর্তৃক আল্লাহর নৈকট্যপ্রাপ্তির জন্যে যে সব ইবাদত ও সাধনা করা দরকার, সেগুলো দেখানো প্রত্যেক মুর্শিদ-এ-কামেলের জন্যে একান্ত প্রয়োজনীয়। ইবাদত ও সাধনার ফলে নফস এবং দেহ উভয়ই নির্মলতা অর্জন করে। অর্থাৎ, তারা দোষক্রটি থেকে নিষ্কৃতি লাভ করে। লতিফাগুলোও দেহের পদার্থ ও নফসের কারণে সৃষ্ট অন্ধকার থেকে মুক্তি পেয়ে গাফলতি হতে নিস্তার পায়। অধিকাংশ তরীকতের প্রথম ধাপই হচ্ছে সুলুক, আর তাই দুটো প্রতিবন্ধকতাই কেটে যায় (এর দরুন)। ফলস্বরূপ, পাঁচ লতিফা নির্মল হয় এবং নফস উত্তম নৈতিকতা দ্বারা অলংকৃত হয়, যেটাকে বলা হয় 'আল-মাকামাতুল আশআরা'। এরপর পীর-মুর্শিদ ওই সালেক (সুলুকে ব্যস্ত ব্যক্তি)-কে আল্লাহর দিকে আকৃষ্ট (জযব) করেন। এমতাবস্থায় এই সালেককে বলা হয় 'সালেক-এ-মজযুব'। আর সালেকে মজযুবের এ অগ্রগতিকে বলা হয় 'সায়ের-এ-আফাকী' (উর্ধ্বগমন)। তখন মুর্শিদে কামেল এই সালেকের নির্মলতা 'আলম-এ-মিসাল'-এর মধ্যে দেখে বুঝতে পারেন। এ ভ্রমণ ভীষণ কষ্টকর এবং দীর্ঘকাল ধরে চলমান থাকে। আল্লাহ পাক হযরত শাহ-এ-নরুশবন্দ বাহাউদ্দীন ইমাম বুখারী (রহ.)-কে সুলুকের আগে জযবা নেয়ার জন্যে ঐশী প্রত্যাদেশ দিয়েছিলেন। এই সাধনায় তাওয়াজ্জুহ সহকারে প্রথমে মুরিদকে প্রত্যেক লতিফায় যিকির পালন করানো হয় এবং প্রত্যেক লতিফার মাঝে লয়প্রাপ্তি ঘটে থাকে। এর নাম 'সায়ের-এ-আনফুসী'। সায়ের-এ আফাকীর অধিকাংশই সায়ের-এ-আনফুসীর সাথে সংঘটিত হয়। এরপর আসে নফস ও দেহকে নির্মল করার জন্যে সাধনা। এ অবস্থায় সালেককে বলা হয় 'মজযুব-এ-সালেক'। এ পরিভ্রমণ সহজ। খুব তাড়াতাড়ি এর অগ্রগতি হয়। যারা ক্রটিপূর্ণ এবং অজ্ঞ, হয় তারা মোটেও এগোয় না, নয়তো সামান্য এগোতে সক্ষম হয় নিজেদের ইবাদত দ্বারা। কারণ তাদের ইবাদতের সওয়াব যৎসামান্য। পঞ্চাশ বছর ধরে ইবাদত করার পর হয়তো তারা বেলায়াতের সর্বনিম্ন পর্যায়ে উপনীত হতে পারে। অতএব, চেষ্টা ও সাধনা করে বেলায়াত অর্জন করা যায় না। সুন্নাহের সাথে সঙ্গতিপূর্ণ হলে ইবাদত ও সাধনা সহায়ক হয়। সুতরাং বিদআত বর্জন করা অত্যাবশ্যিক। একটা হাদীস ঘোষণা করে: 'নিজে আমল না করে কথা (উপদেশ) বললে তা গ্রহণযোগ্য হবে না। (উত্তম) নিয়ত ছাড়া সম্পাদিত কর্মও গ্রহণীয় নয়। সুন্নাহের সঙ্গে অসামঞ্জস্যপূর্ণ হলে সেগুলোর কোনোটাই গ্রহণীয় হবে না।' অর্থাৎ, সেগুলোর কোনোটাই সওয়াব পাবে না। ইবাদত ও সাধনা কষ্টদায়ক এবং সুকঠিন হওয়া উচিত নয়, বরং সুন্নাহের সঙ্গে সঙ্গতিপূর্ণ হওয়া উচিত।

**প্রশ্ন:** ‘আমরা দেখি, যারা অত্যধিক সাধনা করে, তারা বেশ ভালোভাবে অগ্রসর হয় এবং তারা কাশফ-কারামত প্রদর্শন করতে পারে। আপনি এর কী ব্যাখ্যা দেবেন?’

**উত্তর:** বৈষয়িক ক্ষেত্রে রিয়াযতের মাধ্যমে কাশফ, কারামত ও তাসাররুফ অর্জন করা যায়। এ উদ্দেশ্যেই প্রাচীন গ্রীক দার্শনিক ও হিন্দুস্তানী পুরোহিতরা কঠিন ব্রত পালন করতো। ওই ধরনের ফলাফলের প্রতি আল্লাহ-ওয়ালাগণ কোনো গুরুত্বই আরোপ করেন না। একমাত্র সুন্নাতকে মান্য করেই নফসকে ত্রুটি-বিচ্যুতি থেকে রক্ষা করা যায় এবং (অভ্যন্তরীণ) শয়তানকে প্রতিহত করা যায়।

**প্রশ্ন:** ‘আপনার (উপর্যুক্ত) উত্তরের ইঙ্গিত অনুযায়ী, যে সব তরীকতে শুধুমাত্র সাধনা পালন করা হয়, সেগুলোর অনুসারীরা ওলী হতে পারে না। এটা কীভাবে ব্যাখ্যা করবেন?’

**উত্তর:** সব তরীকত-ই সুন্নাতকে অনুসরণ করে। যদিও তাদের কোনো কোনোটার মধ্যে কিছু বিদআত সন্নিবেশিত হয়েছে, তবুও বহু ক্ষেত্রে তাদের দ্বারা সুন্নাতের অনুসরণ করাটা বিদয়াতের ক্ষতিক থেকে অচল করে দিতে পারে। বিদয়াতের এই সন্নিবেশন তাদের ইজতেহাদের ভুলের কারণেই হয়েছে। একজন মুজতাহিদের ভুল-ভ্রান্তি ক্ষমাযোগ্য। অজ্ঞ এবং মিথ্যাবাদীদের ভুল-ত্রুটি ক্ষমাযোগ্য নয়, আর ওই ধরনের লোকেরা সব সময় ক্ষতিগ্রস্ত হয়।

ত্রুটিযুক্ত কিংবা পূর্ণতাপ্রাপ্ত যে কোনো ব্যক্তি-ই আরও বেশি পূর্ণতাপ্রাপ্ত ব্যক্তির কাছ থেকে সান্নিধ্য অর্জন করতে পারেন। শুধুমাত্র কোনো পূর্ণতাপ্রাপ্ত শিক্ষকের (পীরের) সাহচর্যেই বেলায়েত অর্জন করা সম্ভব। ত্রুটিযুক্ত অজ্ঞ লোকদেরকে ইজতিবার মাধ্যমে বেলায়াত অর্জনের জন্যে আকৃষ্ট করা যায় না, কারণ আল্লাহ তা’আলার সঙ্গে তাদের কোনো সম্পর্কই নেই। একজন মুর্শিদ আল-কামেল আল্লাহর কাছ থেকে প্রাপ্ত সান্নিধ্য বিচ্ছুরণ করে মানুষদেরকে বেলায়েত অর্জনে সাহায্য করতে পারেন, যেহেতু তাঁর বাহ্যিক দিক সৃষ্টি জগতের সাথে সম্পর্কযুক্ত এবং তাঁর অভ্যন্তর দিক আল্লাহ তা’আলার সান্নিধ্যপ্রাপ্ত। সুরা ইসরার ৯৫ আয়াত ঘোষণা করে: ‘পৃথিবীতে হাঁটার জন্যে যদি ফেরেশতারা থাকতো, তাহলে আমি নবী হিসেবে একজন ফেরেশতাকেই পাঠাতাম।’ (আয়াত) এই কারণেই নবি কারীম ﷺ-এর পরে তাঁর সঙ্গে বাহ্যতঃ কোনো সম্পর্ক না থাকার জন্যে প্রত্যেকে রওযায়ে আকদাস থেকে সান্নিধ্য অর্জন করতে সক্ষম নয়। তাই হক্কানী উলামা ও মুর্শিদগণের মাযার-রওযা থেকে সান্নিধ্য অর্জিত হয়েছে। এঁরাই হলেন রাসূলুল্লাহ ﷺ-এর ওয়ারিশ; হাদীস অনুযায়ী, এঁরাই বস্তনিষ্ঠ ও আধ্যাত্মিক জ্ঞানের ধারক, আর এঁরা-ই হলেন ‘আম্বিয়া (আ.) এর উত্তরাধিকারী’। (হাদীস)

যে ব্যক্তি পূর্ণতা অর্জন করেন এবং ওলী হন, তিনি মাধ্যম ছাড়াই আল্লাহর কাছ থেকে সান্নিধ্য গ্রহণ করেন এবং ইবাদত করে অগ্রসর হন। ‘সাজদা করে নিকটবর্তী হোন’- আয়াতটি বেলায়েতের এ অবস্থার দিকে ইঙ্গিত করে। এই ধরনের একজন ওলী রাসূলুল্লাহ ﷺ এবং আউলিয়ার মাযার-রওযা থেকে সান্নিধ্য অর্জন করতে পারেন।

সাহচর্যের কার্যকারিতার জন্যেই আশিয়া (আ.) মানুষের মধ্য হতে প্রেরিত হয়েছিলেন। কেননা, ফেরেশতাদের মাধ্যমেও এ'তেকাদ ও ফিক্বাহর জ্ঞান শেখা যায়। হাদীসে জিবরাইল [মওলানা পানিপথী কৃত এই বইটিতে সর্বপ্রথমে যে হাদীসটি উদ্ধৃত হয়েছে, তা-ই হচ্ছে হাদীসে জিবরাইল ] এই বিষয়টির দিকে ইঙ্গিত করে, যেখানে হুজুর পাক ﷺ বলেছেন, 'ফেরেশতা জিবরাইল... তোমাদেরকে তোমাদের দ্বীন শেখাতে এসেছিলেন।' মুর্শিদেদের সঙ্গে পূর্ণ সম্পর্ক স্থাপন করা অত্যাাবশ্যিক, যাতে সাহচর্য ফলপ্রসূ হয় এবং তাঁর কাছ থেকে সান্নিধ্য অর্জন করা যায়। আর বেলায়ত অর্জন করতে হলে এই প্রভাব একান্ত প্রয়োজন।

নবী পাক ﷺ কিংবা কোনো ওলীর রুহ মুবারক থেকে সান্নিধ্য গ্রহণ করে বেলায়াতের গুণাবলী অর্জন করেছেন; এমন উচ্চ গুণাবলীসম্পন্ন ব্যক্তি খুবই বিরল। এই ধরণের ব্যক্তিদেরকে বলা হয় 'ওয়াইসী'। সাহাবায়ে কেরামের সোহবতেও সান্নিধ্য ছিল; কিন্তু এক সাহচর্য যথেষ্ট ছিল না, বহু সোহবতের প্রয়োজন ছিল। সাহাবাগণের পরবর্তী সময়ে আগত আউলিয়ার সাহচর্য তখনি কার্যকর হবে, যখন তার সঙ্গে যুক্ত হবে সাধনা।

আল্লাহ তা'আলা মানুষকে সৃষ্টি করার সময়েই তার মধ্যে আল্লাহকে জানার ও নৈকট্য লাভের সামর্থ্য (ইসতিদাদ) দিয়েছিলেন। ব্যক্তি বিশেষে এই সামর্থ্যের তারতম্য ঘটে থাকে।

ফরয ও ওয়াজিব আমল পালন এবং হারাম ও মুতাশাবিহাত পরিহার করার পর আল্লাহর যিকির পালন করাই সবচেয়ে কার্যকর নফল ইবাদত। প্রত্যেকের তা পালন করা উচিত। একটা হাদীসে বলা হয়েছে, 'জান্নাতবাসীরা যে জিনিসের জন্যে সবচেয়ে বেশি অনুশোচনা বোধ করে, তা হচ্ছে তাদের দ্বারা এ পৃথিবীতে আল্লাহর যিকির হতে বিরত থাকার সময়টুকু।' (হাদীস) 'ফানা আন্ নাফস' অর্জনের আগে নফল ইবাদত পালন করে এবং কুরআন তেলাওয়াত করে আল্লাহর সান্নিধ্যপ্রাপ্তি অসম্ভব। একটা হাদীস ঘোষণা করে, 'সর্বশ্রেষ্ঠ যিকির হচ্ছে লা-ইলাহা ইল্লাল্লাহ।' অতএব, অবসর সময়ে প্রত্যেকের উচিত এ কলেমা তাওহীদের বার বার যিকির করা। বাকি অবসর সময়টুকুতে প্রত্যেকের উচিত পরকালের ধ্যানমগ্ন সালেহীনগণের সঙ্গে সাক্ষাৎ করা এবং তাঁদের সাহচর্য লাভ করা। যদি কেউ সালেহীনগণের সাক্ষাৎ না পায়, তবে তার উচিত নয় বিদয়াতী, ফাসিক ও মুরতাদদের সঙ্গে বন্ধুত্ব করা, বরং তার উচিত সালেহীনের বইপত্র পড়া। দ্বীনের ক্ষেত্রে অজ্ঞ, দুনিয়াবী স্বার্থাশ্বেষী লোকদের কিংবা লা-মাযহাবীদের সঙ্গে কথা বলা তাঁর উচিত নয়। ওই ধরণের লোকদের সঙ্গে কথা বলা তাঁর অন্তরাত্মার জন্যে ক্ষতিকর। যিকির ও নফল ইবাদতের চেয়ে আউলিয়ার সাহচর্য লাভ করা অনেক বেশি উপকারী। যখন তাঁরা একে অপরের সাক্ষাৎ পেতেন, তখন সাহাবীগণ সব সময়ই বলতেন, 'আপনি কি কিছুক্ষণ আমার সঙ্গে অবস্থান করবেন, যাতে আমি আমার ঈমানকে প্রজ্জ্বলিত করে নিতে পারি?' হযরত মাওলানা জালালুদ্দিন রুমী (রহ.) বলেন:

‘আউলিয়ার উপস্থিতিতে ব্যয়িত সামান্য কিছু সময়,

শত বছর উপাসনার চেয়েও কল্যাণময়।’

খাজা ওবায়দুল্লাহ আহরার বলেন:

‘যে কোনো সময় নফল সালাত করা যায় আদায়,

কিন্তু আমাদের সাহচর্য আর ফিরে পাওয়া নাহি যায়।’

কোনো এক লোককে হযরত বায়েযীদ বোস্তামী (রহ.)-এর সাহচর্য লাভের জন্যে পরামর্শ দেয়া হয়। সে বলে, ‘আমি সব সময় আল্লাহর সোহবতে আছি।’ তখন তাকে উত্তরে বলা হয়, ‘বায়েযীদ (রহ.)-এর সাহচর্য তোমার জন্যে আরও অনেক বেশি উপকারী।’ এর অর্থ হলো, ওই লোকের নিজ ইস্তিদাদ বা সামর্থ্য অনুপাতে এবং আল্লাহর সঙ্গে তার সম্পর্কের অনুপাতে সে আল্লাহর কাছ থেকে সান্নিধ্য পাচ্ছে বটে, কিন্তু বায়েযীদ (রহ.)-এর সোহবতে সে তাঁর বেলায়াতের উচ্চমর্যাদার অনুপাতে আল্লাহর কাছ থেকে সান্নিধ্য পাবে।

“একজন অসৎসঙ্গীর সঙ্গে কখনো কথা বলো না, সে একটি বিষাক্ত সাপের থেকেও খারাপ; পাপ তোমার প্রাণ নাশ করবে মাত্র, কিন্তু অসৎসঙ্গী তোমার প্রাণ ও ঈমান সংহার করবে।” (মাওলানা সানাউল্লাহ পানিপথী কৃত ফার্সি কিতাব ‘ইরশাদুত তালেবীন’ ১ম অধ্যায়ের উদ্ধৃতি শেষ হলো)

৩৪/ — হযরত আবদুল গণী নাবলুসী (রহ.) লিখেছেন: “ইবাদত পালনে প্রত্যেকের উচিত মধ্যম পন্থা অবলম্বন করা; তাতে শিথিল হওয়াও যেমন উচিত নয়, ঠিক তেমনি মাত্রাতিরিক্ত ইবাদত পালন করাও উচিত নয়। সুরা বাক্বারার ১৮৫নং আয়াতে আল্লাহ ঘোষণা করেন: ‘আল্লাহ তোমাদের জন্যে সহজ চান; তিনি তোমাদেরকে কষ্ট দিতে চান না।’ (আয়াত) এ কারণেই তিনি অসুস্থদেরকে এবং মুসাফিরদেরকে সিয়াম সাধনা না করার ব্যাপারে ইচ্ছের স্বাধীনতা দিয়েছেন। তিনি আমাদেরকে ভারী ও কষ্টদায়ক দায়িত্ব পালন করবার আদেশ দেন নি। যদি কোনো ব্যক্তির পক্ষে দুটো কাজের মধ্য থেকে একটাকে বেছে নিতে হয়, তাহলে তার জন্যে হালকা ও সহজতর কাজটা বেছে নেয়াই উত্তম। একদিন নবী পাক ﷺ শোনে যে, কেউ একজন ঘন্টার পর ঘন্টা ধরে মসজিদে নামাজ পড়ছে। তিনি মসজিদে গিয়ে ওই লোকের দুই কাঁধ ধরে বললেন, ‘আল্লাহ এই উম্মতকে সহজ কাজ করতে দেখতে চান এবং তিনি কঠোর পরিশ্রমকে স্বীকৃতি দেন না।’ (হাদীস) এই উম্মতের জন্যে আল্লাহ তা’আলা সহজ জিনিসগুলো আদেশ করেছেন। এই শরীয়তকে অনুসরণ করা খুবই সহজ। সুরাতুল মায়েদার ৯০নং আয়াত ঘোষণা করে: ‘হে ঈমানদারেরা! আল্লাহ যেসব সুন্দর জিনিসকে তোমাদের জন্যে হালাল করেছেন, সেগুলোকে হারাম বলো না। আল্লাহ সীমালঙ্ঘনকারীদেরকে পছন্দ করেন না।’ (আল-আয়াত) একটা হাদীস ঘোষণা করে: ‘আল্লাহ যেমনভাবে তোমাদেরকে আদিষ্ট বিষয়গুলো পালন করতে দেখতে পছন্দ করেন, তেমনিভাবে তাঁর নির্দেশিত বিষয়গুলোও পালিত হতে দেখতে পছন্দ করেন।’ (হাদীস) জরুরাত বা প্রয়োজনের সময় ফরয পরিত্যাগ করা এবং হারাম সংঘটন করাটা রুখসাত (যা বান্দার কষ্ট লাঘবার্থ শিথিল করা হয়েছে)। অর্থাৎ, এর জন্যে কোনো আযাব দেয়া হবে না। এমন কি জরুরী অবস্থার সময়ও শরীয়ত পালনকে বলা হয় ‘আযিমাতে’। কখনো কখনো ওই রকম আযিমাতে পালন করা ভালো। উদাহরণস্বরূপ, প্রাণনাশের আশঙ্কায় ঈমান গোপন না করা; যদি কেউ নিহত হয় তবে সে শহীদের মর্যাদা পাবে। আর কখনো কখনো রুখসাত পালন করা উত্তম; উদাহরণস্বরূপ, মুসাফিরের পক্ষে রোযা না রাখা।”

শরীয়তের আমলকে এড়ানোর জন্যে রুখসাতের এবং চার মাযহাবের সহজ পদ্ধতিগুলোর তালাশ করা; কিছা কোনো ব্যক্তির বৈষয়িক বিষয়সমূহ সেগুলোর দ্বারা সহজেই সমাধা করা জায়েয নয়। এ রকম কাজকে বলা হয় ‘তলফিক’। কিন্তু জরুরী প্রয়োজনের সময় মাযহাব পরিবর্তন করা কিংবা অন্য আরেকটি মাযহাব অনুযায়ী কিছু কাজ সম্পন্ন করা জায়েয। ফরয পরিত্যাগ কিংবা হারাম সংঘটন করার জন্যে ভাঁওতার আশ্রয় নেয়া হারাম। একে বলা হয় ‘হিলা-এ-বাতিলা’। কিন্তু কোনো বিষয় ফরয অথবা হারাম হয়ে যাবার আগে তা হওয়াকে রহিত করা জায়েয। এই রহিতকরণকে বলা হয় ‘আল হিলাত্ আশ্ শরীয়ত’। ‘মুখতার’ গ্রন্থের শরাহ (ব্যাখ্যা) ‘ইখতিয়ার’ পুস্তকে লেখা আছে: ‘যদি সাধনা কিংবা স্বল্প পানাহার কাউকে ফরয পালনে (শারীরিকভাবে) দুর্বল করে ফেলে, তাহলে এটা না-জায়েয। কাজ করে নিজের ও স্ত্রী-সন্তানের জীবন ধারণের জন্যে উপার্জন করা এবং ঋণ পরিশোধ করা প্রত্যেক ব্যক্তির জন্যে ফরয। যে ব্যক্তি এই উদ্দেশ্যে কাজ করে, সে যদি মারা যায় তাহলে সে আযাব ভোগ করবে না। একটা হাদীস ঘোষণা করে, ‘প্রত্যেকের জন্যে নিজ নিজ জীবিকা অন্বেষণ করা ফরযা’ (হাদীস) এর চেয়ে বেশি আয়ের জন্যে কাজ করা বৈধ নয়। হযরত আদম (আ.) গমের চাষ করতেন এবং রুটি বানাতেন। হযরত নূহ (আ.) একজন কাঠমিস্ত্রির কাজ করতেন। হযরত ইব্রাহীম (আ.) ছিলেন কাপড়ের ব্যবসায়ী। দাউদ (আ.) করতেন লোহার কাজ। সুলাইমান (আ.) থলে সেলাই করতেন। আবু বকর সিদ্দিক (রা.) কাপড়ের ব্যবসা করতেন। হযরত উমর (রা.) করতেন জুতো প্রস্তুত ও জুতো মেরামত। হযরত উসমান যুন্নুরাইন (রা.) ছিলেন খাদ্য আমদানিকারক। হযরত আলী (ক.) করতেন কায়িক পরিশ্রম। কোনো ব্যক্তির পক্ষে স্ত্রী-সন্তানের এক বছরের খোরাকি ওইভাবে উপার্জন করা মুবাহ (বৈধ)। মুসলিমদেরকে সাহায্য করার জন্যে এবং যুদ্ধ পালন করার জন্যে কঠোর পরিশ্রম করে উপার্জন করা মুস্তাহাব। একটা হাদীস ঘোষণা করে: ‘মানব জাতির মধ্যে সেই ব্যক্তি-ই সর্বশ্রেষ্ঠ, যিনি মানবের জন্যে উপকারী।’ (হাদীস) (‘ইখতিয়ার’ গ্রন্থের উদ্ধৃতির এখানে শেষ হলো)। প্রদর্শনোদ্দেশ্যে এবং গর্ব করার জন্যে উপার্জন করা মাকরুহ। ‘মুলতাকা’ নামক বইয়ে লেখা আছে যে এটা হারাম। কাজ করাতে রিয়ক বৃদ্ধি পায় না। একমাত্র আল্লাহ-ই রিয়ক মঞ্জুর করে থাকেন। কাজ করা আর কিছু নয়; মাধ্যমকে অনুসরণ করা মাত্র। যা সুন্নতও বটে।

শ্রম প্রদানকারীরা পাঁচ শ্রেণীর হয়ে থাকে। প্রথম শ্রেণীতে রয়েছে তারা যারা বিশ্বাস করে; কাজের বদলে রিয়ক অর্জিত হয়। কাফেররা এ রকম বিশ্বাস করে। দ্বিতীয় শ্রেণীর মানুষ বিশ্বাস করেন যে, আল্লাহ-ই রিয়ক মঞ্জুর করেন এবং কাজ করাটা মাধ্যমকে আঁকড়ে ধরা ছাড়া আর কিছু নয়, আর তাঁরা কাজ করার সময় আল্লাহকে অমান্য করেন না; তাঁরা হারাম সংঘটন করেন না। এঁরা নিষ্ঠাবান পরহেযগার মুসলমান। তৃতীয় শ্রেণীর লোকেরা যদিও তারা বিশ্বাস করে আল্লাহ-ই রিয়ক-এর সংস্থান করে দেন, তবুও তারা কাজ করার সময় আল্লাহকে অমান্য করে; ফাসিক ঈমানদাররা এ শ্রেণীভুক্ত। চতুর্থ শ্রেণীর লোকেরা বিশ্বাস করে; রিয়ক আল্লাহ এবং তাদের কর্ম প্রচেষ্টা উভয়ের মাধ্যমে অর্জিত হয়ে থাকে; মুশরিকরা এ শ্রেণীভুক্ত। পঞ্চম শ্রেণীভুক্ত লোকেরা জানে; রিয়ক একমাত্র আল্লাহ-ই মঞ্জুর করে থাকেন, কিন্তু তিনি তা মঞ্জুর করবেন কিনা সে ব্যাপারে তারা সন্দেহান; এরা মুনাফেক।

‘তাতারখানিয়া’ নামক ফতোয়ার কিতাবে লেখা আছে যে, খাদ্য গ্রহণ, বিয়ে-শাদী, হেঁটে বেড়ানো এবং হালাল রিয়ক অর্জন করার মতো কাজগুলো অবজ্ঞা করে নিজেকে মসজিদে কিংবা ঘরে আবদ্ধ করে রেখে সবসময় এবাদতে নিমগ্ন রাখা ‘মাকরুহ-এ-তাহরিমা’।

প্রশ্ন: ইসলামী উলামাবৃন্দের উপর্যুক্ত বক্তব্যগুলো মুতাসাউয়ীফগণের মন্তব্যের সঙ্গে খাপ খায় না, যে সব মন্তব্য কঠিন সাধনা ও বৈরাগ্যপূর্ণ জীবনকে সমর্থন করে। এ দুটোর মধ্যে কোনটা উত্তম?

উত্তর : কোনো কোনো মুতাসাউয়ীফ বলেছেন, যে ব্যক্তি চল্লিশ দিন নিজেকে ক্ষুধার্ত রাখতে পারবে, সে খোদায়ী রহস্য বুঝতে শুরু করবে। সাহল্ ইবনে আবদুল্লাহ প্রতি পনের দিনে একবার আহার করতেন। ইমাম আল্ গাজ্জালী (রহ.) লিখেছেন, ‘আবু বকর সিদ্দিক (রা.) প্রতি ছয় দিনে এক বার আহার করতেন। হযরত জুনাইদ বাগদাদী (রহ.) রীতিমত চার’শ রাকাত নামায প্রত্যহ সমাপন করতেন। সাত বছর বয়সেই সাহল্ বিন আব্দুল্লাহ (রহ.) কুরআনের হাফেজ হয়েছিলেন। তিনি প্রত্যেক দিনই রোজা রাখতেন এবং ১২ বছর যাবৎ শুধু যবের রুটি খেতেন। আবদুল ওয়াহাব আশ্-শারানী মাগরিব ও এশার ওয়াক্তের মধ্যবর্তী দুই ঘণ্টা সময়ের মধ্যে একবার কুরআন খতম করতেন। এতে বিশ্বাস স্থাপন করার ব্যাপারে কারোরই কালক্ষেপণ করা উচিত নয়; আউলিয়ার রহানী ক্ষমতা রয়েছে, আর রুহ মুহূর্তের মধ্যে বহু কিছু করতে পারে।’

উলামাগণ ঘোষণা করেন যে, কোনো ব্যক্তির উচিত নয় মাত্রাতিরিক্ত ইবাদত পালন করে নিজেকে কষ্ট দেয়া। এই উম্মতের জন্যে নির্ধারিত সব ধরনের ফরয, ওয়াজিব কিংবা সুন্নাত পালনের ক্ষেত্রে উপর্যুক্ত মন্তব্যটি প্রযোজ্য। উলামার ঘোষণানুযায়ী প্রত্যেক মুসলিমকেই আমল করতে হবে। মুতাসাউয়ীফগণের পালিত সাধনা হচ্ছে- নফল ইবাদত। প্রত্যেক মুসলিমের তা পালন করা জরুরী নয়। কুরআন-এ-কারীমে বলা হয়েছে: ‘আল্লাহকে খুব বেশি করে ভয় করো।’ আল্লাহ তা’আলা বলেন, ‘যারা ঈমান এনে তওবা করার পর সৎকাজ করে, তাঁদের পাপগুলোকে আমি সওয়াবে পরিণত করে দিই। আল্লাহ গুণাহ মাফকারী এবং দয়ালু।’ (আল আয়াত) এ আয়াতটি ওয়াহশীর ক্ষেত্রে অবতীর্ণ হয় যিনি হযরত হামযা (রা.)-কে হত্যা করেছিলেন। আয়াতখানা শ্রবণের পর ওয়াহশী বলেন, ‘গুণাহ মাফের জন্যে কিছু শর্ত পূরণ করতে হয়; আমার ভয় হয় আমি সে সব শর্ত পূরণ করতে পারবো না। এর থেকে কি সহজ কোনো পন্থা নেই?’ অতঃপর ‘শিরক ছাড়া বান্দাদের আর যে কোনো পাপ আল্লাহ তাঁর ইচ্ছানুযায়ী মাফ করে দেবেন’- আয়াতটি অবতীর্ণ হয়। এতে ওয়াহশী বলেন, ‘আল্লাহ যদি আমাকে ক্ষমা না করার ইচ্ছা করেন, তাহলে আমি কী করবো?’ এরপর আল্লাহ বলা করেন, ‘হে আমার বান্দারা যারা নিজেদের নফসের প্রতি জুলুম করেছো! আল্লাহর দয়া থেকে নিরাশ হয়ো না! আল্লাহ প্রত্যেকটি পাপই ক্ষমা করে থাকেন। তিনি অধিক ক্ষমাশীল এবং পরম দয়ালু।’ (আল আয়াত) এরপর ওয়াহশী বলেন, ‘এই শুভ সংবাদই আমার জন্যে যথেষ্ট’, এবং তিনি ইসলাম কবুল করেন। কিয়ামত পর্যন্ত পৃথিবীর সবার জন্যেই এ আয়াতটি শুভ সংবাদ। যাদেরকে ওয়ু করার জন্যে পানি খুঁজে না পেয়ে তায়াম্মুম করতে হয়, তাদের জন্যে আল্লাহ প্রথমে ঘোষণা করেন, ‘পরিষ্কার মাটি দ্বারা তোমাদের হাত ও মুখ মসেহ করো।’ (আয়াত) কিন্তু পরে তিনি ঘোষণা করেন, ‘পরিষ্কার মাটি-মিশ্রিত হাত দ্বারা তোমরা তোমাদের হাত-মুখ মসেহ করো।’ (আল-আয়াত) মানুষদেরকে মাটি দ্বারা মসেহ করতে নিষেধ করে তিনি আদেশটিকে সহজ করে দিয়েছেন। আল্লাহ যখন তাঁর নবী ﷺ-কে জানালেন যে হুযূর পাক ﷺ চাইলেই আল্লাহ তা’আলা মক্কার পার্শ্ববর্তী পাহাড়গুলোকে স্বর্গে পরিণত করে দিতে পারেন, তখন নবি কারীম ﷺ আল্লাহর ওয়াস্তে এবং জিহাদ পালনের জন্যে ওই পরিমাণ স্বর্ণ খরচ করতে অনিচ্ছা প্রকাশ করেন। তিনি কষ্ট স্বীকার করতে চেয়েছিলেন। তবে তাবুকের যুদ্ধের আগে হুযূর ﷺ তাঁর সাহাবীদের সাহায্য চান: ‘আমি তাকে জান্নাতের শুভ সংবাদ দিচ্ছি, যে ব্যক্তি এই সৈন্যবাহিনীর চাহিদা মেটাবার জন্যে সচেষ্ট হবে।’ বইপত্রে লিপিবদ্ধ আছে, রাসূল-এ-কারীম ﷺ বহু

দিন যাবৎ রোযা ভাঙ্গেন নি এবং (ক্ষুধার জ্বালা অনুভব না করার জন্যে) তাঁর তলপেটে পাথর বেঁধে রেখেছিলেন। এটাও লিখিত আছে যে, শেষ রাতে নামায পড়তে পড়তে তাঁর পা মোবারক ফুলে গিয়েছিল। তাঁর পবিত্র স্ত্রীগণও অত্যধিক ইবাদত করতেন। যেহেতু তিনি তাঁর উম্মতের প্রতি অত্যন্ত করুণাশীল ছিলেন, সেহেতু তাদেরকে কঠিন কাজ করতে দেখতে চান নি। তিনি তাঁর উম্মতকে ‘রুখসাত’ পালন করার আদেশ দিয়ে নিজে ‘আযিমাত’ পালন করেছেন। ইসলাম শুধু আদেশ-নিষেধের ধর্ম নয়; এটা রুখসাত ও আযিমাত-সমূহের সমষ্টি। ‘আল্লাহ্ যে সব সুন্দর জিনিসকে তোমাদের জন্যে হালাল করেছেন, সেগুলোকে হারাম বলো না’-এ আয়াতটির অর্থ, ‘যে সব রুখসাতকে অনুমতি দেয়া হয়েছে, সেগুলোকে অস্বীকার করো না। রুখসাতকে হারাম না জেনে পরিহার করা; তোমাদের জন্যে ভালো এবং এটা একাগ্রতার পরিচায়ক। সেগুলোকে ব্যবহার করা দোষণীয় নয়।’ ‘যে ব্যক্তি আমার সুন্নাতকে কবুল করে নেয় না, তার সঙ্গে আমার কোনো সম্পর্কই নেই’- হাদীসটির অর্থ, ‘যে ব্যক্তি আমার নির্দেশিত জিনিসগুলোকে কবুল না করে কঠিন কাজ করে, সে আমার উম্মতের অন্তর্ভুক্ত নয়।’

তাসাউফের ইমামগণ আযিমাতগুলো পছন্দ করেছেন বটে, কিন্তু তাঁরা রুখসাত পালনের অধিকারকে অস্বীকার করেন নি। হুজুর পাক ﷺ-এর মতো তাঁরাও সবাইকে রুখসাত পালন করার জন্যে আদেশ দিয়েছেন। তাসাউফ মানে কুরআন ও সুন্নাহ মান্য করা, বিদআত পরিহার করা, মুতাসাউয়ীফগণের প্রতি তাযিম প্রদর্শন করা, প্রত্যেকের প্রতি ক্ষমাশীল হওয়া এবং রুখসাত নয় বরং আযিমাত অনুসারে সব কাজ সম্পন্ন করা। আহল-এ-সুন্নাতের উলামাবৃন্দ একটা হারাম সংঘটন থেকে বাঁচার জন্যে সত্তরটা হালাল পরিত্যাগ করতেও রাজি, কারণ তাঁরা আযিমাত ও ওয়ারা-এর সঙ্গে কর্ম সম্পাদন করে থাকেন। হযরত আবু বকর সিদ্দিক (রা.) ঘোষণা করেন, ‘আমরা একটা হারাম সংঘটনের চেয়ে সত্তরটা হালাল বর্জন করতেও রাজি আছি।’

রাসূলুল্লাহ্ ﷺ হযরত আবু হুরায়রা (রা.)-কে আদেশ করেছিলেন, ‘এবাদতের ব্যাপারে যাতে সকলের চেয়ে শ্রেষ্ঠ হতে পারো, তার জন্যে সতর্কতার সাথে তা পালন করো।’ (হাদীস) এ হাদীস থেকে এ কথা উপলব্ধ হয় যে, ইসলাম শুধু রুখসাতের একটা পদ্ধতি কিংবা সব বিষয়ে মধ্যম পন্থা নয়, বরং আযিমাত, যুহুদ ও ওয়ারাও ইসলামী ব্যবস্থা।

সাধনা ও ক্ষুধা তাদের জন্যেই মাকরুহ তাহরিমা; যারা তা সহ্য করতে পারে না। যাদের শরীর ও মস্তিষ্ক এর দ্বারা ক্ষতিগ্রস্ত হতে পারে। কারণ, কোনো ব্যক্তির পক্ষে নিজেকে বিপদগ্রস্ত করাটা হারাম। যাঁদের রুহানী ক্ষমতা এই বিপদকে রহিত করতে সক্ষম, তাঁদের জন্যে সাধনা করা জায়েয এবং উপকারী।

এ দিক থেকেও একজন মুরশিদে প্রয়োজনীয়তা উপলব্ধি করা যায়: মুরশিদে শারীরিক অবস্থা, চারিত্রিক ও রুহানী ক্ষমতা দেখে মুরশীদ তাকে তার সামর্থ্য অনুপাতে সাধনা পালনের আদেশ দেন এবং তাকে বিপদ থেকে রক্ষা করেন। একজন মুরশিদ-এ-কামেল যেমন দ্বীনী ও রুহানী জ্ঞানের বিশারদ, ঠিক তেমনি শরীর-বিদ্যাতেও তিনি একজন বিশারদ। তিনি আমাদের আকা ও মাওলা রাসূলুল্লাহ্ ﷺ-এর একজন ওয়ারিশ ও সহকারী। মুরশিদগণ কর্তৃক প্রশিক্ষিত ব্যক্তিদের মধ্যে কাউকেই কোনো ক্ষতি কিংবা বিপদ-আপদের সম্মুখীন হতে দেখা যায় নি। তাঁরা সবাই উন্নতি করেছেন এবং পূর্ণতা অর্জন করতে সক্ষম হয়েছেন। তাঁদের কেউই

তাসাউফের পথে অগ্রসর হওয়ার সময় শরীয়ত মান্য করাতে কোনো রকম শিথিলতা প্রদর্শন করেন নি। একটা ফরযকে অবহেলা করার মতো কোনো কাজ সংঘটন করা হারাম। মুরশিদ-এ-কামেল তাঁর মুরিদদেরকে এই ধরনের হারাম সংঘটন করা থেকে রক্ষা করেন। এই কারণেই (মুরশিদের) অনুমতি নিয়ে নফল ইবাদত পালন করা জরুরী।

রাসুল-এ-মক্বুল ﷺ তাঁর উম্মতের প্রতি অত্যন্ত করুণাশীল। তিনি মি'রাজ রজনীতে দৈনিক পঞ্চাশ ওয়াজ নামাযকে পাঁচ ওয়াজে কমিয়ে আনার জন্যে আরয করেছিলেন। তিনি তাঁর সাহাবাদেরকে কঠোর সাধনা পালন করার অনুমতি দেননি; যাতে তাঁর উম্মতের জন্যে ভারী আদেশ-নিষেধ জারি না হয়। এ কথা ধারণা করা যায় না যে, তিনি তাঁর উম্মতকে উপকারী ইবাদতগুলো সম্পর্কে জানান নি, কিংবা তিনি তাদেরকে তা পালন করা থেকে নিবৃত্ত করেছেন। তিনি সব এবাদতের মধ্যে শ্রেষ্ঠ ও সর্বোত্তম উপকারী ইবাদতগুলো তাদেরকে জানিয়েছেন এবং নিজে তা পালন করে উম্মতকে দিয়েও তা পালন করিয়েছেন। তিনি প্রকাশ্যে রুখসাতগুলো আমল করেছেন; তাঁর উম্মতকেও পালন করতে আদেশ দিয়েছেন। উম্মতের যাতে উপকার হয় সেই অনুযায়ী তাদেরকে কঠোরতা কিংবা শিথিলতা ছাড়াই প্রকৃত বান্দা হওয়ার আদেশ দিয়েছেন। তবে তাঁর সাহাবা-এ-কেরামের মধ্যে শ্রেষ্ঠদেরকে তিনি গোপন জ্ঞান (মা'রেফত) এবং ইবাদত শিক্ষা দিয়েছেন। কুরআন ঘোষণা করে: 'আল্লাহকে ভয় করো। তিনি তোমাদেরকে বহু বিষয়ে শিক্ষা দেবেন।' (আয়াত) এগুলো খোদায়ী মারেফাত ও গোপন জ্ঞান। একটা হাদীসে বলা হয়েছে: 'জ্ঞানের সূক্ষ্ম ও গোপন ভিত্তিসমূহ আছে। শুধু আল্লাহ-ওয়ালাগণই তা জানেন; তাঁরা যদি তা প্রকাশ করে দেন, তাহলে অজ্ঞরা তাঁদেরকে বিশ্বাস করবে না।' (হাদিস)

ইমাম রাসতলানী (রহ.) কৃত 'আল মাওয়াহিব' পুস্তকটিতে উদ্ধৃত মি'রাজের হাদীসটি ঘোষণা করে: 'আমার রব আমাকে তিনটি ভিন্ন ধরনের জ্ঞান শিখিয়েছেন। প্রথমটি কারও কাছে প্রকাশ করতে তিনি আমাকে নিষেধ করেছেন; কারণ আমি ছাড়া আর কেউই এই জ্ঞান বুঝতে পারবে না। তিনি বলেন, দ্বিতীয় ধরনের জ্ঞানটি আপনার যাকে ইচ্ছা তাকে জানাতে পারবেন। আর তৃতীয়টি আপনার সকল উম্মতকে শিক্ষা দেবেন।' (হাদীস) এটা নিশ্চিত; রাসূলুল্লাহ ﷺ এ কথা ঘোষণা করেন নি - 'আল্লাহ আমাকে যে জ্ঞানটা জানিয়েছেন সেটাই একমাত্র জ্ঞান যা সমস্ত উম্মতকে জানানোর জন্যে আদেশ দেয়া হয়েছে।' তিনি বলেছেন যে, আরও দুটো সত্য জ্ঞান আছে। নবী কারীম ﷺ-কে যে জ্ঞান যাকে ইচ্ছা তাকে শেখাবার অনুমতি দেয়া হয়েছে, সেটা হচ্ছে বেলায়াত বা তাসাউফের জ্ঞান। এ জ্ঞানটা বাতেন ও শরীয়তের বাস্তবতা নিয়ে ব্যাপ্ত, আর এটা একমাত্র তাকওয়ার মাধ্যমেই অর্জন করা সম্ভব। হযরত খিযির (আ.) এর দিকে ইশারা করে একটা আয়াতে বলা হয়েছে: 'আমি তাকে (খিযিরকে) জ্ঞান দান করেছিলাম।' (আয়াত) এ আয়াতটি বেলায়াতের জ্ঞানের দিকে ইঙ্গিত করে। শরীয়তের জ্ঞান যেটা সবার কাছে প্রকাশ করার আদেশ দেয়া হয়েছে, সেটা হুজুর পাক ﷺ-এর পবিত্র বাণীসমূহ ও আমলের কার্যাদির সমন্বিতরূপ। মা'রেফাতের ঝর্ণাধারা তাঁর ক্বলব মোবারক থেকে উম্মতের ক্বলবসমূহে প্রবাহমান। এ কারণেই হযরত আবু হুরায়রা (রা.) বলেছেন, 'আমি রাসূলুল্লাহ ﷺ হতে দুটো জ্ঞানের পাত্র পূর্ণ করেছি। একটা তোমাদের মাঝে বিতরণ করেছি; দ্বিতীয়টি যদি তোমাদেরকে জানাই, তাহলে তোমরা তা বুঝতে না পেরে আমাকে হত্যা করবে।' প্রথম জ্ঞানটি হচ্ছে প্রকাশ্য জ্ঞান, আর দ্বিতীয়টি হচ্ছে প্রচ্ছন্ন জ্ঞান। শুধু আউলিয়া ও সিদ্দিকগণই শেষের জ্ঞানটি জানেন।

আধ্যাত্মিক জ্ঞান অর্জন করার জন্যে সূক্ষীগণ সাধনা-ঐকান্তিক চেষ্টা করেন। বাহ্যিক জ্ঞানের যেমন ভণ্ড আলেম আছে, ঠিক তেমনি তাসাউফেও ভণ্ড এবং বদ নিয়ত-সম্পন্ন লোক আছে; যারা এই বরকতমণ্ডিত পথকে নিজেদের দুনিয়াবী স্বার্থে ব্যবহার করে থাকে। তাদের দ্বারা ধোকাপ্রাপ্ত না হওয়ার জন্যে তাদের মতো মিথ্যুকদেরকে চিনে রাখা অত্যাৱশ্যক। অতএৱ, প্রত্যেকের উচিত শরীয়তকে ভালোভাবে জানা, যেহেতু সত্য-মিথ্যা যাচাই করার একমাত্র কষ্টিপাথর হচ্ছে শরীয়ত। যে ব্যক্তি শরীয়তের অনুসারী, তাঁর জন্য তাসাউফ-এর পথে অগ্রসর হওয়ার চেষ্টা করা অতি উত্তম এবং উপকারী। তবে এ পথে অগ্রসর হওয়ার জন্যে একজন মুর্শিদ-এ-কামেলের তত্ত্বাবধান একান্ত অপরিহার্য। একজন মুর্শিদ আল কামেল হচ্ছেন ক্বলব ও রুহের বিশেষজ্ঞ। তিনি ভক্তের ক্বলবের রোগ নির্ণয় করে তার জন্যে যথাযথ সাধনা ও যিকির বেছে নেন এবং তা পালন করতে তাকে আদেশ দেন। আল্লাহ তা'আলা ঘোষণা করেন: 'তাদের ক্বলবসমূহ রোগাক্রান্ত।' রাসূলুল্লাহ ﷺ-এর সাহচর্য সেই ব্যাধি নিরাময় করে এবং সাহাবাগণের জন্যে তখন আর কোনো সাধনার প্রয়োজন ছিল না; কারণ তাঁরা হুজুর পাক ﷺ-এর সাহচর্যের মাধ্যমে তাঁর পবিত্র ক্বলব মুবারক থেকে সান্নিধ্য গ্রহণ করে তাসাউফের সর্বোচ্চ পর্যায়ে উন্নীত হয়েছিলেন; ফলে তাঁদের পরে আগত সকল ওলীগণের চাইতে তাঁরা শ্রেষ্ঠ হতে সক্ষম হয়েছিলেন। যাঁরা সাহাবা-এ-কেরামের পরে আগমন করেছেন তাঁরা যেহেতু নবি কারীম ﷺ-এর সাহচর্য লাভের সুযোগ পান নি, সেহেতু তাঁরা ক্বলবের ব্যাধি থেকে রক্ষা পাওয়ার জন্যে কঠিন সাধনা করেছেন। বাহ্যিক জ্ঞানের থেকে পৃথকভাবে আধ্যাত্মিক জ্ঞান উদ্ভব হয় না। যাঁরা উভয় জ্ঞান অর্জন করতে সক্ষম হন, তাঁদেরকেই 'উলামা আর রাসিখীন' বলা হয়। শুধু এ সকল উলামা-ই হচ্ছেন হুযূর ﷺ-এর উত্তরাধিকারী। যাঁরা সাধনার মাধ্যমে ক্বলবের রোগ নিরাময় করেন, তাঁরা বাতেন অর্জন করার সঙ্গে সঙ্গেই সাধনা ছেড়ে দেন। তাঁরা শুধু ফরয ও সুন্নাত পালন করেন এরপর। তাঁরা সাহাবা-এ-কেরামের মতোই তাঁদের বাতেন তথা ক্বলব দ্বারা আল্লাহর ইবাদত পালন করেন। এমন কি তাঁদের কৃত ব্যবসা-বাণিজ্যও তাঁদের আধ্যাত্মিক ইবাদতকে বিপর্যস্ত করতে পারে না। তাঁরা এক মুহূর্তের জন্যেও আল্লাহকে বিস্মৃত হন না। কুরআনে তাদের প্রশংসা করা হয়েছে এই বলে: 'ক্রয়-বিক্রয় তাঁদেরকে আল্লাহর স্মরণ হতে বিরত রাখে না।' (আয়াত) সাহাবা-এ-কেরাম সাধনা পালন করে খুব সহজেই এবং খুব তাড়াতাড়ি এই উচ্চ পর্যায়ে উন্নীত হয়েছিলেন। হযরত উমর (রা.) প্রথম সাহচর্যেই এই পর্যায়ে উন্নীত হন। যদি সাহাবা-এ-কেরামকে কঠোর সাধনা পালন করার অনুমতি দেয়া হতো, তাহলে শরীয়তের উলামাগণ এবং মাযহাবের ইমামগণ তাঁদের বইপত্রে সাহাবাগণের সাধনার কথা লিপিবদ্ধ করতেন। তখন সকল মুসলিমকেই সাহাবা-এ-কেরামের অনুরূপ সাধনা পালন করতে হতো।

মুহাদ্দীস মুহাম্মদ ইবনে আবদুল্লাহ ইবনে আবদুল্লাহ হাকিম নিশাপুরী কৃত 'মুসতাদরাক' গ্রন্থে উদ্ধৃত একটা হাদীসে ঘোষণা করা হয়েছে: 'দাজ্জালের সময়কার ঈমানদার (বিশ্বাসী)-দের দ্বারা (আল্লাহর) প্রশংসা ও পবিত্রতা ঘোষণাই হবে তাদের খাদ্য, যেমনভাবে তা হয়ে থাকে ফেরেশতাদের খাদ্য। আল্লাহ তাদের ক্ষুধা মিটিয়ে দেবেন যারা ওই সময় প্রশংসা ও পবিত্রতা ঘোষণা করবে।' (হাদীস) এটা প্রতিভাত করে যে, আল্লাহ তাঁর বান্দাদের মধ্যে যাকে ইচ্ছা তাকে এমনই একটা হালের মধ্যে রাখতে পারেন, যেটাতে বান্দার পানাহারের প্রয়োজন হয় না এবং আরও প্রতিভাত করে- তিনি সকল বিশ্বাসী বান্দাকেই সে সময় এই হাল মঞ্জুর করবেন। দাজ্জালের শয়তানী ক্রিয়াকলাপের মধ্যে একটা হবে এই; সে যেখানেই যাবে সেখানেই বলবে - 'আমার ইবাদত করো এবং আমাকে মান্য করো।' যদি মানুষেরা তাকে মান্য করে, তবে সে আকাশ ও পৃথিবীকে আদেশ দেবে এবং তখন বৃষ্টি হবে আর শস্য ফলবে। কিন্তু যদি মানুষেরা তাকে না মানে তাহলে সে বৃষ্টি হতে নিষেধ করবে এবং

এর কারণে শস্যও ফলবে না, আর মানুষেরা ক্ষুধাতুর হবে। উপর্যুক্ত হাদীসটি ব্যক্ত করে যে, দাজ্জালের এই বদমায়েশী ঈমানদারদের ক্ষতি করতে পারবে না; তারা আল্লাহর প্রশংসা ও পবিত্রতা ঘোষণার মাধ্যমে ক্ষুধা হতে রক্ষা পাবে।

কারণ উচিৎ নয় এ ধারণা করা যে, যুহদ, ধৈর্য, সাধনা ও ক্ষুধা শরীয়তের সঙ্গে অসঙ্গতিপূর্ণ। কারণ, কেবলমাত্র দেহের প্রতি ক্ষতিকর ও কষ্টদায়ক জিনিসগুলোকেই শরীয়ত নিষেধ করেছে। এসব সাধনা সূফীগণের জন্যে ক্ষতিকর নয়। শরীয়তের প্রত্যেকটি আদেশের মতো এগুলোও নবী পাক ﷺ-এর কাছ থেকে উত্তরাধিকারসূত্রে প্রাপ্ত দ্বীন ইসলামের অংশ বটে। এসব সাধনাকে এবং এগুলোর সংঘটনকারী আউলিয়া (রহ.)-কে অস্বীকার করা প্রকৃতপক্ষে ইসলামের একটা অংশকে অস্বীকার করারই নামান্তর।

কারণ উচিৎ নয় এ ধারণা করা; যেহেতু সূফীগণ কঠিন সাধনা পালন করে থাকেন, সেহেতু তাঁরা নবীগণের কিংবা এমন কি সাহাবাগণের চেয়েও শ্রেষ্ঠ। আবার কোনো ওলীর কুৎসা রটনা করাও কারো উচিৎ নয়। আউলিয়া (রহ.)-এর মাহাত্ম্য উপলব্ধি করতে অসমর্থ কোনো ব্যক্তির উচিৎ নিজের সেই সব ত্রুটি-বিচ্যুতি সম্পর্কে জানা, যেগুলোর কারণে সে আউলিয়ার মাহাত্ম্য উপলব্ধি করতে ব্যর্থ হয়েছে। একটা হাদীসে ঘোষিত হয়েছে: ‘শুভ সংবাদ সেই ব্যক্তির প্রতি, যে নাকি নিজের দোষ-ত্রুটি সম্পর্কে চিন্তা করতে করতে অন্যান্যদের দোষ তালাশ করার সময় পায় না।’ (হাদীস) সাহল ইবনে আবদুল্লাহ আত-তুসতারী (রহ.) বলেছেন: ‘একজন মুসলিমকে সন্দেহের চোখের দেখা হচ্ছে নিকৃষ্টতম পাপ। অধিকাংশ লোকই এটাকে গুনাহ হিসেবে মনে করে না এবং এর থেকে তওবা-ও করে না।’ শরীয়তের ওপর প্রতিষ্ঠিত কোনো যুক্তি ছাড়াই যদি কেউ শুধু একজন ওলীর কুৎসা রটনা করে, তবে তার দ্বারা (অন্যান্য) সকল আউলিয়ার প্রতি প্রদর্শিত তাযিম ও কৃত প্রশংসা কোনো কাজে আসবে না। যে ব্যক্তি সকল ওলিকে গ্রহণ ও স্বীকার করে নেয় না, সে ওলি হতে পারে না। যদি কেউ সন্দেহের চোখে দেখে কোনো ওলী-আল্লাহকে অন্তরে মর্মান্বিত করে, তবে সে বস্ত্তপক্ষে ইসলামেরই একটা অংশকে গালমন্দ করবে। হযরত শায়খ আবুল মাওয়হিব শায়িলী বলেছেন: ‘যে ব্যক্তি তার সময়কার আউলিয়াকে তাযিম করে না, তাকে সাথেই সাথেই আউলিয়ার তালিকা থেকে বরখাস্ত করা হয়।’ শায়খুল আকবর হযরত মুহিউদ্দীন ইবনুল আরাবী (রহ.) ঘোষণা করেন, ‘তাসাউফের ইমামগণের অধিকাংশই বলেছেন আউলিয়া ও সে সকল উলামা যারা তাঁদের জ্ঞানানুসারে আমল করেন, তাঁদের প্রতি বৈরীভাবাপন্ন হওয়া কুফরের জন্ম দেয়।’ হযরত আলী খাওয়াস বলেছেন যে, কোনো ওলী কিংবা আলেমের প্রতি বৈরী ভাবাপন্ন ব্যক্তির কাছ থেকে প্রত্যেকের দূরে থাকা উচিৎ। কোনো ওলী কিংবা আলেমের বিরোধিতা করা গোমরাহী, যেটা একজন ব্যক্তিকে তার ধ্বংসের দিকে নিয়ে যায়।

আল্লাহ তা’আলার ওলী হচ্ছেন সেই সকল উলামা যাঁরা তাঁদের জ্ঞানানুসারে আমলকারী। ক্লব কিংবা জিহ্বা দ্বারা কোনো জীবিত কিংবা বেসালপ্রাপ্ত ওলীকে অস্বীকার করা একটা নিশ্চিত কুফর। মুসলমানদের সকল মাযহাবের ঐকমত্য (ইজমায়ে উম্মত) অনুসারে যে ব্যক্তি কোনো ওলীকে অস্বীকার করে, সে কাফেরে পরিণত হয়; কেননা এটা হযরত মুহাম্মদ সাল্লাল্লাহু আলাইহি ওয়া সাল্লামের শরীয়ত ও দ্বীন ইসলামকে অস্বীকারেরই নামান্তর। একজন অজ্ঞ ও বোকা লোক হয়তো তার অস্বীকৃতি সম্পর্কে ওয়াকিবহাল নাও থাকতে পারে। সে হয়তো ভাবতে পারে; সে কোনো ‘কুসংস্কার’ কিংবা ‘বিদআত’ কিংবা তার দৃষ্টিতে অবাঞ্ছিত কোনো জিনিসকে

অস্বীকার করছে, কিন্তু আউলিয়াকে ফাসিক, কাফির, অথবা যিন্দিক আখ্যা দিয়ে এবং তাদের কথা ও আমলকে ভুল বুঝে সে নিজের ধ্বংস ডেকে আনছে। তবে বাস্তবিকভাবে সে যা কিছু সমালোচনা করছে তার থেকে আল্লাহর আউলিয়া বহু উর্ধ্ব। তাঁদের কথা ও আমল শরীয়তের সঙ্গে সঙ্গতিপূর্ণ। কিন্তু আউলিয়ার জ্ঞান এবং সিদ্ধিগণের মা'রেফতকে বুঝতে ব্যর্থ হয়ে ওই অজ্ঞ ব্যক্তি একগুঁয়ে মনোভাব গ্রহণ করেছে। তার ক্লব মৃত এবং সে সত্যকে প্রত্যক্ষ করতে পারছে না। তাই সে কুফর, বিচ্যুতি, গোমরাহী ও মুনাফেকীর গভীর গর্তে পতিত হয়েছে। সে মনে করছে; সে একজন তাওহীদপন্থী, অনুগত, যে নাকি মনুষ্য জাতিকে নূর বিচ্ছুরণের মাধ্যমে নূরানী [জ্যোতির্ময়] করে দেবে। পরকালে তাকে তার কুফরের জন্যে মর্মস্কন্দ আযাব দেয়া হবে এবং সে তার অত্যাচার ও কুৎসার জন্যে চরম শাস্তি পাবে। সে কিন্তু নিজেকে এবং তার মতাদর্শে বিশ্বাসী লোকদেরকে কাফের আখ্যায়িত করছে না, যেহেতু তারা সবাই এই অস্বীকৃতিতে একজোট হয়ে আছে। নিজেদেরকে মুসলিম মনে করছে। পক্ষান্তরে, মুসলিমগণের কাছে তারাই কাফের। কারণ, আল্লাহর আউলিয়া ও তাঁদের হালগুলোকে মুসলিমগণ বিশ্বাস করেন। বেলায়তে যারা অস্বীকার করে তাদের জন্যে সেটাকে না বোঝার এবং না জানার কোনো ওজর নেই, যেহেতু শরীয়তকে না জানার কোনো ওজর নেই। তাদের দ্বারা আউলিয়াকে ভুল বোঝা বস্তুতপক্ষে ইহুদী, খ্রীষ্টান ও মূর্তিপূজারীদের দ্বারা নবি কারীম ﷺ-এর সত্য ধর্মকে অস্বীকার করার অনুরূপ। অমুলিমদের যেমনভাবে ইসলাম সম্পর্কে অজ্ঞ থাকার কোনো ওজর নেই, ঠিক তেমনভাবে (বেলায়ত) সম্পর্কে ওই সব লোকের অজ্ঞতারও কোনো ওজর নেই।

শরীয়তের একটা আইনকে অস্বীকার করার মতো; আল্লাহর আউলিয়াকে অস্বীকার করাও কুফর। শরীয়ত অস্বীকারকারী মুরতাদ (ধর্মত্যাগী)-এর প্রতি যে শাস্তি দেয়া হবে, সেই একই শাস্তি আউলিয়ার অস্বীকারকারীর ওপরও বর্তাবে। কিন্তু তাকে প্রথমে তার অস্বীকৃতি ও গোমরাহী থেকে তওবা করার সুযোগ দেয়া হবে।

আল্লাহ তাঁর আশ্বিয়া (আ.) ও আউলিয়া (রহ.)-কে অন্যান্য মানুষের চেয়ে উচ্চ মর্যাদাসম্পন্ন জ্ঞান করেছেন এবং তাই তিনি তাঁদেরকে এমন সব নেয়ামত দান করেছেন যেগুলো অন্যান্যদের দেন নি। প্রত্যেক মানুষের ক্ষমতার আওতাধীন কাজ যখন সে করতে চায়, তখন আল্লাহ ইচ্ছা করলে তা সৃষ্টি করে দেন। মানুষ যা চায় তা যদি তিনি ইচ্ছা না করেন, তাহলে তিনি তা সৃষ্টি করে দেন না। মানুষের কিছু বিশেষ অভীপ্সা তিনি সব সময় ইচ্ছা করেন এবং সৃষ্টি করে দেন; উদাহরণস্বরূপ, যখন কেউ তার হাত তুলতে কিংবা চোখ টিপতে চায়, তখন তিনি সঙ্গে সঙ্গেই তা ইচ্ছা করেন এবং সৃষ্টি করে দেন; এ ধরনের অভীপ্রায় খুব কম সময়ই তিনি সৃষ্টি না করার ইচ্ছা করে থাকেন। মানুষের আরও কিছু অভীপ্রায় আছে যেগুলো তিনি খুব কমই সৃষ্টি করার ইচ্ছা করেন এবং সাধারণতঃ তিনি ইচ্ছা ও সৃষ্টি করেন না। এ পৃথিবীতে আমাদের অধিকাংশ ইচ্ছাই এই ধরনের। কিন্তু প্রত্যেক মানুষের জন্যে এ অবস্থা এক রকম নয়, যা প্রত্যক্ষ করা হয়। অতএব, আল্লাহ তাঁর আশ্বিয়া (আ.) ও আউলিয়া (রহ.)-এর অধিকাংশ ইচ্ছাই সঙ্গে সঙ্গে সৃষ্টি করে দেন। এ যেন হাত তোলা কিংবা চোখ টেপার মতোই ইচ্ছা। এটা তাঁদের প্রতি আল্লাহর এক বড় নেয়ামত। এ ক্ষেত্রে আউলিয়ার একে অপরের মধ্যে পার্থক্য বিরাজমান এবং কোনো ওলী-ই একজন নবী (আ.) এর পর্যায় পর্যন্ত পৌঁছতে পারেন না। আউলিয়া (রহ.) দুনিয়াবী কোনো কিছু আশা করেন না, কারণ তাঁদের কেউই দুনিয়াকে মূল্যবান মনে করেন না। আর দুনিয়ার যা-ই কিছু তাঁরা কামনা করেন, তা-ও আল্লাহ ও আখেরাতের ওয়াস্তে হয়ে থাকে।” (মাওলানা আবদুল গণী নাবলুসী প্রণীত ‘হাদিকাতুন নাদিয়া’, প্রথম খণ্ড, পৃষ্ঠা ১৯০, ইস্তাযুল ১৯২০ সংস্করণ)

আল্লাহর আউলিয়াবৃন্দ বহু শতাব্দী আগেই কারামতস্বরূপ ওহাবীদের আগমন সম্পর্কে এ মর্মে জানতে পেরেছিলেন যে, ওহাবীরা আউলিয়াকে অস্বীকার করে মুরতাদ হয়ে যাবে। মুসলিমগণ যাতে ওহাবীদের ধোকায পড়ে পথভ্রষ্ট না হন, সেই জন্যে তাঁরা প্রয়োজনীয় সব কিছু লিখে রেখে গিয়েছেন। আউলিয়াকে বিশ্বাস করার জন্যে এই কারামত কি যথেষ্ট নয়?

৩৫/ — হযরত আবদুল গণী নাবলুসী (রহ.) আরও লিখেছেন:

যারা বাহ্যিক জ্ঞানের সামান্য কিছু জিনিস শিখতে পেরেছে অথচ আধ্যাত্মিক জ্ঞানের কিছুই জানে না, তারা যখন তাসাউফের বইপত্র পড়ে তখন তারা আ'রিফগণের কথাবার্তাকে কুফর ও গোমরাহী মনে করে। মা'রেফাতের জ্ঞানকে না বুঝতে পেরেই তারা তা অবিশ্বাস করে বসে। ফলে তারা হযরত মুহিউদ্দীন ইবনে আরাবী (রহ.), শায়খ উমর ইবনুল ফরিদ (রহ.), ইবনে সাবঈন ইশবিলী (রহ.), আফিফউদ্দীন তালামসানী (রহ.), হযরত গাউসুল আযম আবদুল কাদের জিলানী (রহ.), মাওলানা জালালুদ্দীন রুমী (রহ.), সাইয়েদ আহমদ আল বাদাবী (রহ.), শায়খ আহমদ তিজানী (রহ.), আবদুল ওয়াহহাব শারানী (রহ.) এবং শারফুদ্দীন আল বুসীরী (রহ.)-এর মতো তাসাউফের ইমামগণকে অস্বীকার ও ঘৃণা করে থাকে। আধ্যাত্মিক জ্ঞানকে অবিশ্বাস করে তারা প্রকৃতপক্ষে রাসূলে কারীম ﷺ-এর শরীয়তের অভ্যন্তরীণ দিকগুলোকে অবিশ্বাস করে। এই ধরণের লোকদেরকে বলা হয় আহল-এ-বিদা' কিংবা আহল-এ-দালালাত। যদিও তাদেরকে দেখতে লাগে ঈমানদারদের মতোই, তবুও তারা আসলে মুনাফেক। ইমাম সুয়ুতী (রহ.) ও খতিব বর্ণিত একটা হাদীসে ঘোষিত হয়েছে: 'দ্বীনি জ্ঞান দু'ভাগে বিভক্ত; তার একটি অধ্যাত্মবাদী। দ্বিতীয়টা হচ্ছে বস্তনিষ্ঠ জ্ঞান, যেটা মৌখিকভাবে প্রকাশ করা যায়' (হাদীস)। ইমাম সুয়ুতী (রহ.) ও ইমাম দায়লামী (রহ.) বর্ণিত অপর এক হাদীসে বলা হয়েছে: 'আধ্যাত্মিক জ্ঞান হচ্ছে আল্লাহর রহস্যগুলোর মধ্যে একটা রহস্য বিশেষ। এটা তাঁর আদেশও বটে। তিনি তাঁর বান্দাদের মধ্যে যাঁকে ইচ্ছা তাঁকে তাঁর কলবের মধ্যে এটা প্রদান করে থাকেন।' (হাদীস) ইমাম মালেক (রহ.) বলেছেন, 'যে ব্যক্তি বস্তনিষ্ঠ জ্ঞানের অধিকারী, সে আধ্যাত্মিক জ্ঞান অর্জন করতে সক্ষম। যে ব্যক্তি বস্তনিষ্ঠ জ্ঞানের অধিকারী, সে যদি তাঁর জ্ঞানানুযায়ী কর্মসম্পাদনকারী হয়, তবে আল্লাহ তাকে আধ্যাত্মিক জ্ঞান মঞ্জুর করেন।' আলী ইবনে মুহাম্মদ ওয়াফা (রহ.)-এর ঐশী জ্ঞানসমৃদ্ধ মন্তব্যসমূহ শ্রবণ করে ইমাম উমর বুলকিনি (রহ.) আশ্চর্যান্বিত হয়ে তাঁকে জিজ্ঞাসা করেন, 'এ সব জিনিস কোথেকে শিখেছেন?' আলী বিন মুহাম্মদ ওয়াফা (রহ.) প্রত্যুত্তরে একটা আয়াত তেলাওয়াত করেন, যেটা ঘোষণা করে: 'আল্লাহকে ভয় করো। যাঁরা আল্লাহকে ভয় করেন, তাঁদেরকে আল্লাহ তাঁদের অজ্ঞাত বিষয়সমূহ শিক্ষা দেন।' (আল আয়াত) হযরত আবু তালেব মক্কী (রা.) লিখেছেন: 'দেহ ও কলব যেমন এক সঙ্গে থাকে, ঠিক তেমনি বস্তনিষ্ঠ জ্ঞান এবং আধ্যাত্মিক জ্ঞান -ও এক সঙ্গে থাকে, পৃথক হয় না। আধ্যাত্মিক জ্ঞান আ'রিফের কলব থেকে অন্যান্যদের কলবে প্রবাহিত হয়। বস্তনিষ্ঠ জ্ঞান একজন আলেমের তত্ত্বাবধানে শিখতে হয়।' এটা কান পর্যন্ত পৌঁছে, কিন্তু কলবে প্রবেশ করে না। একটা হাদীস ঘোষণা করে: 'উলামাবৃন্দ হচ্ছেন আশ্বিয়া (আ.) এর উত্তরাধিকারী।' (হাদীস) হাদীসে উল্লিখিত 'উলামা' কিন্তু সে সব আলেম নয়, যারা কেবল বস্তনিষ্ঠ জ্ঞান অর্জন করতে সক্ষম হয়েছে, বরং হাদীসটিতে সেই সকল উলামাকে বোঝানো হয়েছে যাঁরা তাঁদের জ্ঞানানুযায়ী কর্মসম্পাদনকারী এবং তাকওয়া ও আশ্বিয়া (আ.) গণের প্রতি মঞ্জুরকৃত সকল জ্ঞান অর্জন করতে সক্ষম হয়েছেন। যেহেতু শুধুমাত্র বস্তনিষ্ঠ জ্ঞানের অধিকারী ব্যক্তিবর্গ তাদের নিয়তে একনিষ্ঠ হয় নি এবং যেহেতু প্রবৃত্তির কবল থেকে এখনও রক্ষা পায় নি, সেহেতু আধ্যাত্মিক জ্ঞানের

নূর তাদের কলব্ ও মস্তিষ্কে প্রবেশ করতে পারে নি। দোযখের আগুন-ই তাদের কলব ও মস্তিষ্কে পরিষ্কার করে দেবে। ইমাম মানাবী (রহ.) ইমাম গাযযালী (রহ.)-এর কথা উদ্ধৃত করেন: ‘আখেরাত সংক্রান্ত জ্ঞান দু’ধরণের। প্রথমটি কাশফের মাধ্যমে অর্জন করা যায় এবং একে বলা হয় ‘ইলমুল মুকাশাফা’ কিংবা ‘এলমুল বাতেন’। অন্যান্য সব জ্ঞান কেবলমাত্র এই জ্ঞান অর্জন করার বাহন। দ্বিতীয় ধরণের জ্ঞানকে বলা হয় ‘এলমুল মু’আমল’। অধিকাংশ আ’রিফের মতানুযায়ী, যারা আধ্যাত্মিক জ্ঞানের কোনো অংশ অর্জন করতে ব্যর্থ হয়েছে, তাদের জন্যে কাফের হয়ে মৃত্যুবরণ করার সমূহ সম্ভাবনা রয়েছে। এই জ্ঞানের ন্যূনতম অংশ হচ্ছে কোনো ব্যক্তি কর্তৃক এতে বিশ্বাস করা। বিদয়াতী অথবা দাস্তিকদের ভাগ্যে এটা জোটে না। আর যারা দুনিয়ার মোহাচ্ছন্ন হয়েছে এবং প্রবৃত্তির অনুসরণ করেছে, তারাও আধ্যাত্মিক জ্ঞান অর্জন করতে ব্যর্থ হয়েছে, যদিও তারা অত্যন্ত উচ্চ শিক্ষিত ছিল। আধ্যাত্মিক জ্ঞান এমন এক নূর যা নির্মল কলবসমূহে দেখা দেয়। আমাদের নবী পাক ﷺ বলা করেছেন: ‘এমন কিছু জ্ঞান আছে যেগুলো অত্যন্ত গোপনীয়; একমাত্র মা’রেফতের ব্যক্তিবর্গই সেগুলো জানেন।’ (হাদীস) এ হাদীসটি আধ্যাত্মিক জ্ঞানের দিকে ইশারা করে। বস্তুনিষ্ঠ জ্ঞান যা ইমাম মালেক (রহ.)-এর মতে আধ্যাত্মিক জ্ঞান অর্জনের একটা মাধ্যমবিশেষ, সেটাই হচ্ছে বর্তমান সময় পর্যন্ত আমলকৃত ও জ্ঞাত (শরীয়তের) জ্ঞান। দুনিয়াবী খ্যাতি ও ধন-সম্পদ অর্জনের জন্যে যে জ্ঞান বর্তমানে শেখা হয়, সেটা কিন্তু বস্তুনিষ্ঠ জ্ঞান নয়। ‘ইলমুল হাল’ নামক জ্ঞান, যা কোনো ব্যক্তি কর্তৃক শরীয়তের আদেশ-নিষেধ মেনে চলার জন্যে একান্ত আবশ্যিক, সেটা অল্প সময়ে খুব সহজেই শিক্ষা করা যায়; আর ‘ইলমুল হাল’ আমলের মাধ্যমেই আধ্যাত্মিক জ্ঞানের উদ্ভব হতে পারে।

ধর্মীয় পদে সমাসীন যে সকল ব্যক্তি আধ্যাত্মিক জ্ঞান অর্জন করতে পারে নি, তারা তাদের অজ্ঞাত এই জ্ঞানকে অবিশ্বাস করে থাকে। আধ্যাত্মিক জ্ঞান সম্পর্কে তারা যা জানে এবং বলে, তা হয় তাদের মতো অজ্ঞদের কান-কথার উদ্ধৃতি, নয়তো আধ্যাত্মিক জ্ঞান বিশারদদের বইপত্র থেকে মুখস্থকৃত বাণীসমূহ। তাদের কলুষিত কলব-গুলো উন্মুক্ত হয় নি এবং ঐশী জ্যোতি অর্জন করতে পারে নি। এ সকল অজ্ঞ ব্যক্তি যারা আধ্যাত্মিক জ্ঞানের বিশারদের মতো কথা বলে বোঝাতে চায় যে, তারা তা-ই, তারা প্রকৃতপক্ষে নিজেদের মস্তিষ্কের দাস ছাড়া আর কিছুই নয়। তারা যেমন তাদের সংকীর্ণ মস্তিষ্ক দ্বারা কুরআন-হাদীসকে ভুল বুঝে থাকে, ঠিক তেমনি সেই সকল উলামার কথাতেও ভুল বুঝে থাকে। তারা মিথ্যা ও ক্ষতিকর তাফসীর-পুস্তক প্রণয়ন করে মুসলিমদেরকে ধ্বংসের দিকে টেনে নিয়ে যায়। ‘আল্লাহ যদি কাউকে আলো প্রদান না করেন, তবে সে আলোকোজ্জ্বল হতে পারে না’- আয়াতটি এ সকল অজ্ঞদের দিকে ইশারা করে (প্রাগুক্ত, পৃষ্ঠা ৬৪৮)।

মাওলানা আদুল গনী নাবলুদী আরও লিখেছেন:

একতা হচ্ছে রহমত, অর্থাৎ, সত্যের ওপর প্রতিষ্ঠিত ঐক্য আল্লাহর রহমত এনে থাকে। বিভক্তি হচ্ছে আযাব, অর্থাৎ, মুসলিম সমাজ থেকে বিচ্যুতি আল্লাহর তরফ থেকে আযাব নিয়ে আসে। অতএব, সঠিক পথের ওপর দৃঢ়-প্রতিষ্ঠিত মুসলিম সম্প্রদায়ের সঙ্গে প্রত্যেক মুসলিমেরই একতাবদ্ধ হওয়া উচিত, এমন কি যদি তাঁরা একটা ছোট সম্প্রদায়ও হয়ে থাকেন, তবুও তা করতে হবে। সাহাবা-এ-কেরামের পথই হচ্ছে সঠিক পথ। যাঁরা এ পথের অনুসরণ করেন, তাঁদেরকে বলা হয় আহলুস সুন্নাত ওয়াল জামা’আত। সাহাবা-এ-কেরামের সময়ের পরে আগত গোমরাহ দলগুলো যেন আমাদেরকে বিভ্রান্ত না করে। ইমাম বায়হাকী (রহ.) বলেছেন: ‘যখন

মুসলমানরা পথচ্যুত হবে, তখন তোমাদের উচিত তোমাদের পূর্বে আগত মানুষদের সঠিক পথটির অনুসরণ করা। যদি তোমরা নিঃসঙ্গ হয়েও পড়ো, তবুও তোমাদের উচিত নয় ওই পথ ছেড়ে দেয়া!’ নাজমুদ্দিন আল গাযযী লিখেছেন: ‘আহল-এ-সুন্নাত ওয়াল জামায়াত হচ্ছেন সেই সকল উলামা; যাঁরা নবী কারীম ﷺ ও সাহাবা-এ-কেরামের সঠিক পথের ওপর প্রতিষ্ঠিত রয়েছেন। আস্ সওয়াদ আল আযম, অর্থাৎ, অধিকাংশ উলামা-এ-ইসলাম এই সঠিক পথটিকে অনুসরণ করেছেন। তিয়ান্তরটি সম্প্রদায়ের মধ্য থেকে পরিত্রাণপ্রাপ্ত দল হচ্ছে এটি। কুরআনে বলা হয়েছে: ‘তোমরা দলবিভক্ত হয়ো না।’ আয়াতটির অর্থ, এ’তেকাদ তথা বিশ্বাসে দলবিভক্ত হয়ো না। অধিকাংশ উলামাই, উদাহরণস্বরূপ, হযরত আবদুল্লাহ ইবনে মাসউদ (রা.) আয়াতটির ব্যাখ্যা এভাবেই করেছেন এবং বলেছেন যে এর অর্থ, ‘তোমাদের নফস ও গোমরাহ ধ্যান-ধারণাকে অনুসরণ করে সঠিক পথ হতে বিচ্যুত হয়ো না।’ এ আয়াতের মানে এটা নয় যে, ফিকাহর জ্ঞানের ক্ষেত্রে মতপার্থক্য থাকা উচিত নয়। বরং আয়াতটা এ’তেকাদের জ্ঞানের ক্ষেত্রে ফিতনা সৃষ্টিকারী মতপার্থক্যকে নিষেধ করেছে। ইজতেহাদ নিঃসৃত জ্ঞানের ক্ষেত্রে মতপার্থক্য কোনো ফিৎনা নয়, যেহেতু ওই ধরণের মতপার্থক্যের ফলে শরীয়তের সুস্ব শিফাসমূহ, অধিকারসমূহ ও ফরযসমূহ দৃষ্টিগোচর হয়েছে। দৈনন্দিন জীবন সম্পর্কে ব্যাখ্যাদানকারী শরীয়তের এ সব শিক্ষাগুলোর ব্যাপারে সাহাবা-এ-কেরামও একে অপরের সঙ্গে ভিন্ন মত পোষণ করেছিলেন, কিন্তু এ’তেকাদের জ্ঞানের ক্ষেত্রে তাঁদের মধ্যে কোনো মতবিরোধ ছিল না। একটা হাদীস ঘোষণা করে, ‘আমার উম্মতের মধ্যে মতপার্থক্য আল্লাহর-ই রহমত’ (হাদীস)। চার মাযহাবের মধ্যে বিরাজমান মতানৈক্য এই ধরণের এখতেলাফ। তাদের অস্তিত্বই আল্লাহর রহমত ও হেদায়াত। তাঁরা সবাই সওয়াব অর্জন করেছেন। চার মাযহাবের প্রত্যেকটির অনুগামীদের অর্জিত সওয়াবের সমপরিমাণ সওয়াব ওই মাযহাবের ইমামকে পুনরুত্থান দিবস পর্যন্ত দেয়া হবে। উলামাবৃন্দ কর্তৃক শরীয়তের বিভিন্ন শাখার ওপর পৃথকভাবে বিশেষায়িত শিক্ষা গ্রহণ-ও (Specialization) অনুরূপ একটা উদাহরণ; ফলে বহু উলামা হাদীস, তফসীর, ফিকাহ এবং প্রাথমিক আরবী জ্ঞানসমূহে বিশেষায়িত শিক্ষা গ্রহণ করেছেন। মুতাসাউয়ীফগণ কর্তৃক সাধনা পালনে ও শিষ্যদেরকে প্রশিক্ষণ দানে বিভিন্ন পদ্ধতির অনুসরণ এবং বিভিন্ন তরীকার গঠনও এই হাদীসটির সঙ্গে সামঞ্জস্যপূর্ণ। হযরত নাজমুদ্দিন আল কুবরা (রহ.) বলেন: ‘মানুষের সংখ্যার মতোই আল্লাহর নৈকট্য অর্জনেরও বিভিন্ন রাস্তা রয়েছে।’ এই মন্তব্যটিও ছাত্রদেরকে শিক্ষা দেয়ার পদ্ধতিগুলোর পার্থক্যের দিকে ইঙ্গিত করে, কিন্তু এটা এ’তেকাদের কোনো পার্থক্যের দিকে ইশারা করে না। সকল আউলিয়ার এ’তেকাদ একই। তাঁরা সবাই আহল-এ-সুন্নাত ওয়াল জামাতের এ’তেকাদ পোষণ করেন। কিন্তু এ’তেকাদে মতপার্থক্য এর ঠিক উল্টো, কারণ রাসূলুল্লাহ ﷺ বলেছেন: ‘জামাআত হচ্ছে রহমত; বিভক্তি আযাবতুল্যা।’ (হাদীস) (প্রাগুক্ত, ২য় খণ্ড, পৃষ্ঠা ১০৩)

হযরত আবদুল গনী নাবলুসী (রহ.) আরও লিখেছেন:

‘রাসূলুল্লাহ ﷺ ঘোষণা করেছেন: ‘যে যাকে ভালোবাসে, সে তাঁর সঙ্গে অবস্থান করবে।’ (হাদীস) ইমাম মুসলিমের বর্ণনা অনুযায়ী, কেউ একজন হুজুর ﷺ-কে আখেরাত সম্পর্কে জিজ্ঞাসা করার পর তিনি তাকে প্রশ্ন করেন, ‘আখেরাতের জন্যে তুমি কী প্রস্তুতি নিয়েছো?’ তখন ওই ব্যক্তি বলেন, ‘আমি আল্লাহ ও তাঁর রাসূলের জন্যে (অন্তরে) ভালোবাসা পয়দা করেছি।’ এরপর হুজুর ﷺ বলেন, ‘তুমি তাঁদের সঙ্গে থাকবে যাঁদেরকে তুমি ভালোবাসো।’ (হাদীস) এ হাদীসের ওপর মন্তব্য করতে গিয়ে ইমাম নববী (রহ.) বলেন, ‘আল্লাহ, তাঁর রাসূল ﷺ

এবং জীবিত কিংবা বেসালপ্রাপ্ত সাদাকাদাতা সালেহীনদেরকে ভালোবাসার মূল্য ও উপকারিতা সম্পর্কে এ হাদীসটি বর্ণনা দেয়। আল্লাহ ও তাঁর রাসূল ﷺ-কে ভালোবাসার মানে হচ্ছে শরীয়তের আদেশ-নিষেধগুলো মান্য করা এবং শরীয়তের প্রতি শ্রদ্ধাশীল হওয়া। সালেহীনকে ভালোবাসার উদ্দেশ্যে এবং তাঁদের কাছ থেকে বরকত লাভের উদ্দেশ্যে তাঁরা যা করেন তা করা আবশ্যিক নয়। কারণ, যখন কেউ তাঁদের অনুরূপ কিছু করেন, তখনই তিনি তাঁদের একজন হয়ে যান। একটা হাদীস ঘোষণা করে: ‘কোনো ব্যক্তি হয়তো একটা জামাতকে ভালোবাসতে পারে, কিন্তু সে তাদের একজন নাও হতে পারে।’ (হাদীস) ‘তাদের সঙ্গে থাকা’র মানে এই নয় যে, তাঁদের উচ্চ পর্যায়ে উন্নীত হওয়া।’ অপর এক হাদীসে বলা হয়েছে, ‘যে ব্যক্তি যে জামাতকে ভালোবাসে, সে তাঁর সাথে পুনরুত্থিত হবে।’ (হাদীস) হযরত আবু যার (রা.) জিজ্ঞাসা করলেন, ‘এয়া রাসূলুল্লাহ ﷺ! কোনো ব্যক্তি, যে নাকি একটা জামাতকে ভালোবাসে, সে যদি তাদের অনুরূপ কিছু করতে না পারে, তাহলে তাঁর কী অবস্থা হবে?’ হুজুর ﷺ ঘোষণা করলেন, ‘হে আবু যার! তুমি যাঁদেরকে ভালোবাসো, তুমি তাঁদের সঙ্গে থাকবো।’ (হাদীস) তবে হযরত হাসান বসরী (রহ.) বলেছেন, ‘এসব হাদীসকে তোমাদের ভুল বোঝা উচিত নয়। তোমরা সালেহীনের নৈকট্য একমাত্র তাঁদের ভালো কাজগুলো সম্পাদন করেই পেতে পারো। যদিও ইহুদী ও খ্রীষ্টানরা তাদের নবীদেরকে ভালোবাসে, তবুও তারা তাঁদের সঙ্গে থাকবে না, যতোক্ষণ পর্যন্ত না তারা তাঁদের ভালো কাজগুলোর কয়েকটি নতুবা সবগুলোই সম্পাদন করে।’ সংক্ষেপে, যে ব্যক্তি কোনো একটি জামাতকে ভালোবাসে, সে নিম্নোক্ত তিনটি শ্রেণীর যে কোনো একটির অন্তর্গত: (১) যে ব্যক্তি তাঁদের সকল ভালো কাজ ও আচার-ব্যবহারকে নিজের জীবনে বরণ করে নেয়; (২) যে ব্যক্তি তাঁদের কোনোটাই গ্রহণ করে নেয় না; এবং (৩) যে ব্যক্তি তাঁদের কিছু কিছু ভালো কাজ গ্রহণ করে বাকিগুলো ছেড়ে দেয়, অথবা বাকিগুলোর উল্টোটা করে। যে ব্যক্তি তাঁদের সবগুলো কাজ করে (অর্থাৎ ১ম শ্রেণীভুক্ত), সে তাঁদেরই একজনে পরিণত হয় এবং তাঁদের মধ্যে অবস্থান করে। তাঁদের জন্যে তার ভালোবাসা তাকে সম্পূর্ণভাবে তাঁদেরই মতো বানিয়ে দেয়। সে ভালোবাসার সর্বোচ্চ পর্যায় অর্জন করতে পেরে নিশ্চিতভাবে তাঁদেরই একজন হয়ে গিয়েছে। আর যে ব্যক্তি যাঁদেরকে ভালোবাসে তাঁদেরকে যদি সে কখনো অনুসরণ না করে, অথবা যদি তাঁদের অনুরূপ না হয় (২নং শ্রেণীভুক্ত), তবে সে কখনো তাঁদের একজন হতে পারবে না। ইমাম গায়যালী (রহ.) বলেছেন, হযরত হাসান আল বসরী (রহ.) এই ধরণের লোকদেরকেই বুঝিয়েছেন। আর যে ব্যক্তি তাঁর ভালোবাসাপ্রাপ্ত মানুষদের কিছু কিছু কাজকে অনুসরণ করে (৩নং শ্রেণীভুক্ত), সে তাঁদের একজন হতে পারে না, যদি সে তাঁদের মতো একই ঈমান-সম্পন্ন না হয়। সে যখন বলে যে সে ভালোবাসে, সে তখন মোটেও নিষ্ঠাবান নয়। তার কলবে (অন্তরে) তাঁদের জন্যে ভালোবাসা নয়, বরং শত্রুতাব বিরাজ করে। ঈমানের বিরুদ্ধে শত্রুতার মতো নিকৃষ্টতম কোনো শত্রুতা নেই। এর বড় দৃষ্টান্ত হচ্ছে ইহুদী-খ্রীষ্টানদের এ কথা বলা যে, তারা তাদের নবীদেরকে ভালোবাসে। আর যে ব্যক্তি দাবি করে যে, সে তার ভালোবাসাপ্রাপ্তদের মতোই এ’তেকাদ (বিশ্বাস) রাখে, কিন্তু তাঁদেরকে সম্পূর্ণভাবে অনুসরণ করে না, তবে তার এই ভালোবাসার দাবি অচল, যদি সে ওই সব কাজকে ঘৃণা করার কারণে তাঁদেরকে অনুসরণ না করে থাকে (৩ এর ক)। সে তার দাবিকৃত ভালোবাসাপ্রাপ্তদের সঙ্গে থাকতে পারে না। কিন্তু যদি সে তার প্রবৃত্তিকে নিয়ন্ত্রণ করতে অক্ষম হয়ে ওই সব কাজকে মান্য করতে না পারে, তবে তার ভালোবাসাপ্রাপ্তদের সঙ্গে থাকার ব্যাপারে কেউই তাকে বাধা দিয়ে রাখতে পারবে না (৩ এর খ)। হাদীসগুলো এই দ্বিতীয় শ্রেণীটির (৩ এর খ) দিকে ইশারা করেছে এবং সেই ব্যক্তিকে বুঝিয়েছে, যে নাকি কোনো একটা জামাতকে ভালোবাসে অথচ সম্পূর্ণভাবে তাদের মতো হতে পারে না। আবু যারকে উদ্দেশ্য করে কথিত হাদীসটি এ কথা পরিস্ফুট করে এবং মুসলিমদেরকে উৎফুল্ল করে [পরকাল সম্পর্কে]। হযরত মুহাম্মদ

ইবনে সাম্মাক (রহ.) তাঁর শেষ নিঃশ্বাস ত্যাগের সময় দোয়া করেছিলেন: ‘এয়া আল্লাহ! আমি সব সময় আপনাকে অমান্য করেছি। কিন্তু আমি তাঁদেরকে ভালোবেসেছি, যাঁরা আপনাকে মান্য করেছেন। আমার এ ভালোবাসার ওয়াস্তে আমাকে আপনি ক্ষমা করে দিন।’ হযরত নাজমুদ্দিন আল গায়যী সালেহীনের প্রতি নিষ্ঠুর লোকদের ভালোবাসাকে তৃতীয় শ্রেণীর প্রথম দলের (৩ এর ক) সঙ্গে তুলনা দিয়েছেন; অর্থাৎ, যারা তাদের ভালোবাসাপ্রাপ্তদের মতোই বিশ্বাস পোষণ করে, কিন্তু তাঁদের কাজকর্ম ও আচার-ব্যবহারকে অনুসরণ করতে চায় না; তিনি বলেন, সালেহীনের প্রতি নিষ্ঠুর লোকদের এই ভালোবাসাটি তাদের কোনো উপকারে আসে না। কিন্তু আমাদের কাছে নিষ্ঠুর লোকদের ভালোবাসা দ্বিতীয় শ্রেণীভুক্ত (৩ এর খ); অর্থাৎ, তারা তাদের ভালোবাসাপ্রাপ্তদের অনুরূপ এ’তেকাদ রাখে, কিন্তু সকল ক্ষেত্রে তাঁদের অনুরূপ হতে পারে না। মুহাম্মদ ইবনে সাম্মাক (রহ.)-ও তাঁর দোয়ায় এ দৃষ্টিভঙ্গি ব্যক্ত করেছেন। নিষ্ঠুর লোকেরা তাদের প্রবৃত্তিকে অনুসরণ করে যুলুম করে বটে, কিন্তু তারা সালেহীনকে ভালোবাসে এবং তাঁদের দোয়া অর্জন করতে চেষ্টা করে।” (প্রাগুক্ত, ২য় খণ্ড, ১১নং পৃষ্ঠা)

অতঃপর হযরত আব্দুল গনী নাবলুসী (রহ.) লিখেন:

রাসূলুল্লাহ ﷺ ঘোষণা করেছেন, ‘যে যাকে ভালোবাসে, সে তাঁর সঙ্গে থাকবে।’ (হাদীস) যদি আমরা সালফে সালেহীন তথা আহলে সুন্নাতের উলামাকে ভালোবাসি, তাহলে আমরা এ শুভ সংবাদের নেয়ামতসমূহ অর্জন করতে পারবো, এমন কি যদি আমরা তাঁদের মতো নাও হয়ে থাকি। যে ব্যক্তি আল্লাহর ভালোবাসাপ্রাপ্তদেরকে ভালোবাসে এবং তাঁদেরকেও ভালোবাসে যারা আল্লাহকে মহব্বত করেন – হোন তাঁরা জীবিত কিংবা বেসালপ্রাপ্ত – তবে সে বিশাল নেয়ামত ও পুণ্য অর্জন করতে সক্ষম হবে। তাঁদেরকে ভালোবাসার উদাহরণ হচ্ছে তাঁদের প্রশংসা করা এবং তাঁদের শত্রুদের ও অজ্ঞ লোকদের কুৎসা রটনার বিরুদ্ধে সোচ্চার হওয়া। দুনিয়াতে আসক্ত এমন লোকদের মধ্যে সবচেয়ে নিকৃষ্ট হচ্ছে তারাই, যারা আল্লাহ তা’আলার ভালোবাসাপ্রাপ্ত আউলিয়াকে গালমন্দ করে। দুনিয়ার মোহ সকল বদ কাজ সংঘটনের দ্বার উন্মুক্ত করে এবং কোনো ব্যক্তিকে বিদেষ, চুরি, ঘুষ ও অহমিকার মতো হারাম কাজ করতে প্ররোচিত করে। দুনিয়ার প্রতি মোহ থেকেই উদ্ভব হয় ধর্মীয় পদে সমাসীন অজ্ঞ ব্যক্তিবর্গের দস্ত। হযরত শায়খুল আকবর মুহিউদ্দিন ইবনে আরাবী (রহ.) বলেছেন, তাসাউফের ইমামগণের প্রতি তাঁর এশক এবং তাঁদের পক্ষে সোচ্চার হবার কারণেই তাঁর ক্লব উন্মুক্ত হয়েছে, অর্থাৎ, তিনি আধ্যাত্মিক জ্ঞান হাসিল করেছেন। তাঁর প্রণীত ‘রুহুল কুদ্দুস’ পুস্তকে লিপিবদ্ধ আছে: ‘আলহামদু লিল্লাহ! আমি সব সময়ই ধর্মীয় পদে সমাসীন অজ্ঞ লোকদের বিরুদ্ধে মুতাসাউয়ীফদের পক্ষ সমর্থন করেছি এবং আমি আমার ইনতেকাল পর্যন্ত তাই করে যাবো। আমার এই কাজটির জন্যেই আমাকে ক্লব-এর জ্ঞান মঞ্জুর করা হয়েছে। যে ব্যক্তি তাঁদের নাম উল্লেখ করে তাদেরকে আক্রমণ ও গালমন্দ করে, সে শুধু নিজের অজ্ঞতাই পরিস্ফুট করে। এই ব্যক্তি শেষ পর্যন্ত বিধ্বস্ত হবে।’

হযরত মুহিউদ্দীন ইবনে আরাবী (রহ.) তাঁর রচিত ‘শরহে ওয়াসিয়াত আল ইউসুফিয়া’ গ্রন্থে বলেন যে, হজুর ﷺ-কে তিনি একবার স্বপ্নে দেখলেন, যিনি তাঁকে জিজ্ঞাসা করলেন: ‘আল্লাহর এই নেয়ামত তুমি কীভাবে পেয়েছ তা জানো কি?’ হযরত ইমাম (রহ.) উত্তর দিলেন: ‘না, আমি জানি না, এয়া রাসূলুল্লাহ ﷺ। নবী পাক

ﷺ বললেন: ‘তুমি এসব অর্জন করেছ তাঁদের প্রতি শ্রদ্ধাশীল হওয়ার কারণে যাঁরা নিজেদেরকে আল্লাহ-ওয়াল্লা বলেছিলেন।’

যে ব্যক্তি নিজের দোষ তালাশ করে এবং নিজেকে সংশোধন করতে সচেষ্ট হয়, সে কখনো অন্যদের দোষ তালাশ করার সময় পায় না। সে সব সময় ওই সব মুসলিমদের দিকে তাকায় যারা তার চেয়ে শ্রেষ্ঠতর। আরেক কথায়, সে যতো জন মুসলিমের সাক্ষাৎ পায়, সবাইকেই তার চেয়ে ভালো মনে করে। সে বিশ্বাস করে, যে ব্যক্তি নিজেকে ওলী হিসেবে দাবি করে, সে সত্যই বলছে। যে ব্যক্তি অন্যদের দোষ তালাশ করে এবং নিজের দোষ দেখে না সে ওই ওলীকে বিশ্বাস করে না।

হযরত নাজমুদ্দিন আল গায়যী তাঁর প্রণীত ‘হুসন-উত-তানাব্বুহ’ গ্রন্থে লিখেন: ‘যাঁরা আউলিয়া, সেই সকল সুলাহাকে তোমাদের উচিৎ ভালোবাসা এবং তাঁদের সাক্ষাৎ ও সাহচর্য লাভ করে বরকত অর্জন করা।’ হযরত শাহ আল কারমানী বলেন, ‘আউলিয়াকে ভালোবাসার মতো এতো মহামূল্যবান আর কোনো ইবাদত নেই। আউলিয়ার প্রতি ভালোবাসা আল্লাহর প্রতি ভালোবাসার জন্ম দেয়। আর আল্লাহ তাকে ভালোবাসেন, যে তাঁকে ভালোবাসে।’ আবু উসমান খাইরী বলেন, ‘যে ব্যক্তি আউলিয়ার সাহচর্য গ্রহণ করে, সে আল্লাহর নৈকট্য অর্জনের রাস্তা খুঁজে পায়।’ হযরত এয়াহইয়া ইবনে মুয়ায (রহ.) বলেন, ‘কোনো নিষ্ঠাবান মানুষ যিনি আউলিয়ার সাহচর্য অর্জন করেন, তিনি সব কিছু ভুলে যান। তিনি আল্লাহর সান্নিধ্যপ্রাপ্ত। তিনি কখনো অন্যভাবে আল্লাহর নৈকট্য পেতে পারেন না।’ হযরত মুহাম্মদ ইবনে ইরাক তাঁর লিখিত ‘আস সাফিনাতুল ইরাকিয়া’ পুস্তকে লিখেন: ‘হযরত মুহাম্মদ ইবনে হুসাইন বাজলি নামের একজন ফকিহ রাসূলুল্লাহ ﷺ-কে স্বপ্নে দেখে তাঁকে কোন্ আমলটি সবচেয়ে উপকারী তা জিজ্ঞাসা করেন। হুজুর পাক ﷺ উত্তর দেন: “আল্লাহর আউলিয়ার মধ্যে কোনো ওলীর সান্নিধ্যে থাকা।” আর যখন তিনি জিজ্ঞাসা করলেন, “যদি আমরা জীবিত কাউকে খুঁজে না পাই?” তখন হুজুর ﷺ উত্তর দিলেন, “তিনি জীবিত-ই হোন কিংবা বেসালপ্রাপ্ত-ই হোন, তাঁকে ভালোবাসা এবং স্মরণ করা এক-ই ব্যাপার।” (সাফিনাতুল ইরাকিয়া)

মোল্লা বিরগিউয়ী সব সময় দোয়া করতেন: ‘হে শ্রেষ্ঠ সাহায্যকারী! হে দয়ালুদের মধ্যে সর্বশ্রেষ্ঠ! হে আমার আল্লাহ যিনি পাপসমূহ গোপন করে রাখেন এবং যিনি সবচেয়ে সুবিবেচক! আমাদের মতো পাপীদেরকে আপনার হাবীব ও প্রিয় নবী ﷺ এবং অন্যান্য আশিয়া (আ.), ফেরেশতাকুল, সাহাবা-এ-কেরাম ও তাবেয়ীনদের ভালোবাসার ওয়াস্তে ক্ষমা করে দিন; আমাদের গুনাহ মাফ করুন।’ আল্লাহর নবী ﷺ, তাঁর সাহাবা-এ-কেরাম ও তাবেয়ীনগণের ভালোবাসার ওয়াস্তে আল্লাহর কাছে দোয়া করা জায়েয ও বৈধ। তাঁদেরকে ওসীলা করাও বৈধ, যাতে করে দোয়াসমূহ কবুল হয়। এভাবে দোয়া করা আর কিছুই নয় শুধু তাঁদের শাফায়াত কামনা করা ছাড়া, যেটা আহল-এ-সুন্নাতে উলামাবৃন্দের মতে জায়েয। মু’তাযিলা সম্প্রদায় একে স্বীকার করে নি। কোনো ওলীর মধ্যস্থতায় প্রেরিত দোয়া আল্লাহর কাছে তাঁর কারামত হিসেবেই গৃহীত হয় এবং এতে প্রতিভাত হয় যে, বেসালের পরও আউলিয়ার দ্বারা কারামত সংঘটিত হয়। বিদয়াতী গোমরাহ লোকেরা এতে বিশ্বাস করে না।

ইমাম মানাবী (রহ.) তাঁর কৃত ‘জামিউস সাগির’ গ্রন্থের ব্যাখ্যায় (শরাহ) ইমাম সুবকী রহ.)-এর কথা উদ্ধৃত করেন। তিনি বলেন: ‘রাসূলুল্লাহ ﷺ-কে দোয়ায় ওসীলা করা এবং তাঁর শাফায়াত কামনা করে সাহায্য চাওয়া

খুব ভালো। সালাফে সালাহীন এবং তাঁদের পরে আগত উলামাবৃন্দের কেউই এর বিরোধিতা করেন নি, একমাত্র ইবনে তাইমিয়া ছাড়া, যে এর বিরোধিতা করে সঠিক পথ হতে বিচ্যুত হয়েছে। সে এমন একটা পথের অনুসারী হয় যেটা তার পূর্ববর্তী কোনো আলেমই অনুসরণ করেন নি। মুসলিম জগতে তার গোমরাহীর জন্যে সে কুখ্যাত হয়।’ আমাদের ‘উলামাবৃন্দ’ বলেছেন যে, রাসূলুল্লাহ ﷺ-এর একটা খাস মাহাত্ম্য হিসেবে তাঁর মাধ্যমে দোয়া করাই শুধু জায়েয, অন্যদের মাধ্যমে নয়। তবে ইমাম কুশাইরী (রহ.) লিখেছেন, ‘হযরত মারুফ আল-কারখী (র.) তাঁর মুরীদদেরকে বলেছিলেন যেন তারা তাঁর মাধ্যমে দোয়া করেন এবং এও বলেছিলেন, তিনি আল্লাহ ও তাদের মধ্যে মধ্যস্থতাকারীস্বরূপ। কারণ, আউলিয়া হচ্ছেন নবী পাক ﷺ-এর ওয়ারিশ বা উত্তরাধিকারী এবং একজন উত্তরাধিকারী তাঁর পূর্বসূরীর সকল মাহাত্ম্যই অর্জন করে থাকেন’।” (প্রাগুক্ত ‘আল-হাদিকাতুন নাদিয়া’, ২য় খণ্ড, পৃষ্ঠা ১২৪)

মাওলানা আবদুল গণি নাবলুসী (রহ.) তাঁর প্রণীত ‘কাশফুন নূর মিন আসহাবিল কুবুর’ পুস্তকে লিখেছেন:

আল্লাহ তা’আলা তাঁর নৈকট্যপ্রাপ্ত বান্দাদেরকে কারামত মঞ্জুর করেছেন। কারামত হচ্ছে সেই আধ্যাত্মিক ক্ষমতা যা আল্লাহ কর্তৃক সাধারণের এবং বৈজ্ঞানিক জ্ঞানের বাইরে আউলিয়া নামের বান্দাদের জন্যে সৃষ্টি করা হয়। আল্লাহ তা’আলা তাঁর ক্ষমতায় বা ইচ্ছায়, অর্থাৎ, যখন ইচ্ছা তখন তাঁর ওই সকল বান্দাদের মধ্যে এ সব অলৌকিকতা সৃষ্টি করেন। তাঁদের ক্ষমতাও আল্লাহ পাক-ই সৃষ্টি করে থাকেন। এসব অলৌকিকতা সৃষ্টিতে বান্দাগণের (নিজস্ব) ক্ষমতা অথবা ইচ্ছা কোনো প্রভাব বিস্তার করে না। তাঁদের ইচ্ছা ও ক্ষমতা শুধু কারামত সৃষ্টির মাধ্যম হয়ে থাকে। যদি কেউ এ কথা বলে এবং বিশ্বাস করে যে, কোনো লোক যখন ইচ্ছা তখন তার নিজ ক্ষমতাবলে একটা কারামত তৈরি করতে সক্ষম, তবে সে কাফের হয়ে যাবে।

কোনো ওলী; যাঁর কাছ থেকে একটা কারামত সংঘটিত হয়েছে, তিনি জানেন যে, এই কারামতটা একমাত্র আল্লাহর ইচ্ছা ও ক্ষমতাবলে সৃষ্ট হয়েছে এবং তাঁর নিজের ইচ্ছা ও ক্ষমতা কোনো প্রভাব সৃষ্টি করেনি। একইভাবে প্রতিটি মুহূর্তে তিনি জানেন দর্শন, শ্রবণ, স্বাদ গ্রহণ, গরম কিংবা শক্ত বস্তু অনুভব করা, চিন্তা করা, স্মৃতিস্ব ও স্মরণ করার মতো তাঁর শারীরিক চেতনাসমূহ এবং তাঁর অভ্যন্তরীণ ও বহিঃঅঙ্গগুলোর নড়াচড়া, সংক্ষেপে তাঁর সমস্ত ক্রিয়া-ই আল্লাহ তা’আলার ইচ্ছা, ক্ষমতা এবং সৃষ্টির ফসল। এটাই হচ্ছে একজন ওলী হওয়ার অর্থ; অর্থাৎ, যে ব্যক্তি জানেন এবং বিশ্বাস করেন যে, এসব জিনিস এভাবেই ঘটে থাকে, তিনি আল্লাহর নৈকট্যপ্রাপ্ত। তাঁর এই জ্ঞানটি সমস্ত অস্তিত্বকেই প্রতিটি মুহূর্তে আবেষ্টন করে রাখে। আল্লাহ তা’আলা মাঝে-মাঝে তাঁর ওলীকে ঔদাসীন্য দান করেন এবং এই জ্ঞান সম্পর্কে ওলীকে স্মৃতিচ্যুত করেন। এ সময়ের মধ্যে তাঁর ওলিত্ব চলে যাওয়া সত্ত্বেও যেহেতু তিনি আগে ওলী ছিলেন, সেহেতু তাঁকে এখনও ওলী বলা হবে। অনুরূপভাবে, যেহেতু ঈমানসম্পন্ন একজন ব্যক্তিকে মুমিন বলা হয়, সেহেতু তাঁকে তখনও মুমিন বলা হবে যখন তিনি ঘুমাচ্ছেন কিংবা গাফলাত অবস্থায় আছেন। গাফলাতের সময়টাই হচ্ছে ওলীর নিকৃষ্টতম হাল। ‘আপনি নিশ্চিতভাবে মৃত, তারাও মৃত’- আয়াতটাতে আল্লাহ কর্তৃক উল্লিখিত ‘মৃত’ অবস্থাটাও এ ধরণের অবস্থার অনুরূপ। অতএব, আউলিয়ার সমস্ত কিছু আল্লাহ থেকে নিঃসৃত, এ কথা উপলব্ধি করার হালকে তাঁরা ‘মওত ইখতিয়ারী’ (ইচ্ছাকৃত মৃত্যু) নামে আখ্যা দিয়েছেন। একটা হাদীস শরীফ বলা ফরমায় : যে ব্যক্তি নিজেকে চিনেছে, সে তাঁর রবকেও চিনেছে।’ যে ব্যক্তি বুঝতে পারে যে, তার সমস্ত কাজ এবং দৃশ্যমান কিংবা

গোপন ক্ষমতাসমূহ তাঁর নিজের থেকে নিঃসৃত নয়, বরং ইচ্ছা ও ক্ষমতার অধিকারী অন্য কোনো সত্তার দ্বারা প্রভাব সৃষ্টি কৃত, সে প্রকৃতপক্ষে এই ক্ষমতার মালিক আল্লাহকে-ই চিনতে পারে। একজন মুসলিম যিনি আল্লাহ কর্তৃক আদিষ্ট সমস্ত ফরয যথাযথভাবে পালন করেন এবং নফল ইবাদত তথা হুজুর ﷺ-এর জীবন ধারণ ও আহওয়ালের এবং ইবাদত পালনের রীতি-নীতি পালন করেন, তিনি আল্লাহর নৈকট্য পেয়ে একজন ওলীতে পরিণত হন। এটা প্রতীয়মান হতে থাকে যে, তাঁর চেতনাসমূহ এবং ক্রিয়া তাঁর থেকে নিঃসৃত নয়, বরং আল্লাহ থেকে নিঃসৃত। এটা যে সত্য, তা ঘোষণাকারী হাদীস শরীফটি তাসাউফের কিতাবসমূহে লিপিবদ্ধ আছে।

আরেফীনের মতানুসারে, কোনো ব্যক্তির পক্ষে ওলী হতে হলে তাঁকে এটা জানতে হবে যে, তিনি মওত এখতেয়ারী নামক অর্থে মৃত। আউলিয়ার মধ্যে কারামতের উদ্ভবের জন্যে তাঁদেরকে এই অর্থে মৃত হতে হবে। এটা যে ব্যক্তি বুঝতে পারেন, তিনি কি কখনো একথা বলতে পারেন যে, কারামত কোনো বেসালপ্রাপ্ত জনের মধ্যে সংঘটিত হয় না? অজ্ঞ ও গাফেল লোকেরাই মনে করে যে তারা তাদের সমস্ত কাজকর্ম নিজেদের ইচ্ছা ও ক্ষমতায় সম্পাদন করে থাকে, আর তাই তারা এ কথা ভুলে যায় যে সব জিনিস আল্লাহ-ই সৃষ্টি করেন।

ফিকাহর বই-পুস্তকও বর্ণনা দেয় যে, আউলিয়া তাঁদের বেসালের পরও কারামতের অধিকারী হয়ে থাকেন। হানাফী মাযহাবে কোনো কবরের ওপর পা দেয়া, বসা, নিদ্রা যাওয়া কিংবা ওয়ু ভেঙ্গে ফেলা মাকরুহ; যেহেতু এ ধরণের কাজের অর্থ বিশ্বাসঘাতকতা ও বেয়াদবি। একটা হাদীস শরীফ বলা ফরমায়: ‘আমি কবরে পা রাখার চেয়ে আগুনে পা দেয়াকে সমীচীন মনে করি।’ এসব কথা ব্যক্ত করে যে, মৃত্যুর পরেও মানুষদেরকে তা’যিম করা জরুরী; অর্থাৎ, আমাদের ধর্ম মোতাবেক বেসালপ্রাপ্ত জন কারামতের অধিকারী। আমরা আগেই ব্যাখ্যা করেছি যে, কারামত হচ্ছে আদত বা সাধারণের বাইরে সম্পাদিত একটা কর্মবিশেষ। যেহেতু মানুষের দ্বারা পৃথিবীতে হাঁটা এবং বসা হচ্ছে আদত, সেহেতু একজন মু’মিনের কবরের ওপর না পদার্পণ করা এবং না বসা হচ্ছে একটা কারামত; অর্থাৎ, তাঁর প্রতি মঞ্জুরীকৃত একটা নেয়ামত। আমাদের ধর্ম, যা প্রত্যেক মু’মিনকে তাঁর ইস্তিকালের পরে ওই ধরণের কারামত মঞ্জুর করে থাকে, তা প্রতিভাত করে যে জ্ঞান ও ইরফানের অধিকারী আউলিয়ার জন্যে আরও মহামূল্যবান কারামত মঞ্জুরীপ্রাপ্ত হয়ে আছে।

আমাদের নবী কারীম ﷺ সব সময় বাকী কবরস্থান যিয়ারত করে কবরগুলোর পাশে দাঁড়িয়ে দোয়া করতেন। এটাও পরিষ্কার করে যে, বেসালপ্রাপ্তজন কারামতের অধিকারী, কারণ তিনি সেখানে দোয়া করতেন না, যদি তিনি জানতেন; একজন মু’মিনের কবরের পাশে পঠিত দোয়া কবুল করা হবে না। একজন মু’মিনের কবরের পাশে পঠিত দোয়া গৃহীত হওয়ার বিষয়টাই প্রমাণ করে যে, একজন মুমিন হচ্ছেন কারামতসম্পন্ন ব্যক্তি। যখন প্রত্যেক মু’মিনের জন্যেই এই রকম কারামত রয়েছে, তখন আউলিয়ার জন্যে তো আরও অনেক বেশি কারামত থাকার বিষয়টি সত্য।

যখন কোনো মু’মিন ব্যক্তি ইস্তিকাল করেন, তখন তাঁকে গোসল দেয়া, কাফন পরানো এবং দাফন করা একান্ত প্রয়োজন। আমাদের দ্বীন এ সব কাজ করতে আমাদেরকে আদেশ দেয়। এ আদেশটাও প্রতীয়মান করে যে,

একজন মু'মিন তাঁর ইস্তেকালের পরও কারামতের অধিকারী। মৃত কাফের এবং জন্তু-জানোয়ারদের এ ধরনের কোনো কারামত নেই।

মৃত্যুর সময় একজন মু'মিনের দেহ নাজাসাত বা না-পাক হয়ে যায়। তাঁকে এই নাজাসাত থেকে পরিষ্কার করার জন্যে গোসল দিতে আদেশ দেয়া হয়েছে। এই আদেশটাও প্রতিভাত করে; ইস্তেকালের পরে একজন মু'মিন কারামতের অধিকারী থাকেন।

‘জামিউল ফাতাওয়া’ নামক পুস্তকটিতে লেখা আছে- শায়খ, সাইয়েদ ও উলামাগণের মাযার-রওয়ার ওপর ইমারত কিংবা গম্বুজ নির্মাণ করা মাকরুহ নয়। পুস্তকটি আরও বলে, যে ব্যক্তি মুর্দাকে গোসল দেয়, তাকে পাক-সাফ হতে হবে এবং তার জন্যে জুনুব (নাপাক) হওয়াটা মাকরুহ। এটাও পরিষ্কৃত করে যে, এনতেকালের পরও প্রত্যেক মু'মিন কারামতের অধিকারী হন না। শুধু আউলিয়া-ই জীবিতাবস্থায়ও কারামতের অধিকারী হয়ে থাকেন। ইমাম নাসাফী (রহ.) তাঁর ‘উমদাতুল এ'তেকাদ’ গ্রন্থে লিখেন: ‘কোনো মু'মিন ঘুমন্ত অবস্থায় যেমন একজন মু'মিন থাকেন, ঠিক তেমনি তাঁর ইস্তেকালের পরও তিনি মু'মিন থাকেন; একইভাবে আঘিয়া (আ.) গণও তাঁদের বেসালের পরে নবী থাকেন। কারণ রুহ-ই হচ্ছেন কোনো নবী কিংবা মু'মিন। যখন কোনো মানুষ মারা যায়, তখন তার রুহের মধ্যে কোনো পরিবর্তন সাধিত হয় না। ‘মানুষ’ মানে ‘দেহ’ নয়, বরং ‘রুহ’। দেহ হচ্ছে রুহের অস্থায়ী বাসস্থান। বাসগৃহ নয়, বরং যারা সেখানে বসবাস করেন তাঁরাই হলেন মূল্যবান। হযরত জিবরাঈল (আ.) হুজুর ﷺ-কে মানুষের আকৃতিতে দেখা দিতেন। বিশেষ করে দিহ-ইয়া নামের জৈনিক সাহাবীর আকৃতিতে। কিছু কিছু সাহাবাও তাঁকে মানুষের আকৃতিতে দেখেছেন। এ কথা বলা যাবে না জিবরাইল (আ.) যখন মানবের আকৃতি ত্যাগ করে নিজের আকৃতি ধারণপূর্বক রুহের অপর রূপ হয়ে যান, তখন তিনি অস্তিত্ববিহীন হয়ে গিয়েছিলেন। এ কথাই বলা হয়ে থাকে যে, তিনি তাঁর আকৃতি পরিবর্তন করেছিলেন। মানুষের রুহও অনুরূপ আচরণ করে থাকে। যখন কোনো মানুষ ইস্তেকাল করে, তখন তার রুহ এক জগত হতে জগতান্তরে গমন করে। রুহের মধ্যে এ ধরনের পরিবর্তন কারামতের অনুপস্থিতিকে প্রতীয়মান করে না।

বেসালের পরেও আউলিয়া কারামতসম্পন্ন, তা বর্ণনাকারী বহু ঘটনা লিপিবদ্ধ আছে বিভিন্ন কিতাবে। উদাহরণস্বরূপ, মুহিউদ্দীন ইবনে আরাবী (রহ.)-এর কিতাব ‘রুহুল কুদ্দুস’- এ লিপিবদ্ধ আছে হযরত আবু আবদুল্লাহ ইবনে যাইনুল যুরী আল ইশবিলী (রহ.)-এর বিভিন্ন কারামতের বর্ণনা। এক রাতে ইমাম গাযযালী (রহ.)-এর বিরূপ সমালোচনা ও হেয় প্রতিপন্নকারী একখানা কিতাব পড়তে পড়তে আবুল কাসিম ইবনে হামদিন নামের এক ব্যক্তি অন্ধ হয়ে যায়। সে সাথে সাথে সাজদা দিয়ে আল্লাহর কাছে ক্ষমা চায় এবং ওই বইটি আর কোনো দিন না পড়ার ওয়াদা করে। আল্লাহ কবুল করে তাকে তার দৃষ্টিশক্তি ফিরিয়ে দেন। এটা ইমাম গাযযালী (রহ.)-এর একটা কারামত হিসেবেই প্রতীয়মান হয়, যা তাঁর বেসালের পরে ঘটেছিল।

ইমাম আল ইয়াফী-ই তাঁর রচিত ‘রাওদুর রিয়াহিন’ নামক পুস্তকে লিখেন: ‘কবরস্থ ব্যক্তিদের হাল বা অবস্থা দেখাবার আবেদন জানিয়ে একবার কোনো এক ওলী দোয়া করেন। এক রাতে তাঁকে বহু কবর দেখানো হয়। (মৃতদের) কেউ কেউ তক্তায়, আবার কেউ কেউ রেশমের বিছানায় শায়িত কিংবা সুগন্ধিযুক্ত ফুলের মধ্যে অবস্থান করছিল; কেউ কেউ অত্যন্ত উৎফুল্ল, আবার কেউ কেউ ক্রন্দনরত ছিল। তিনি একটা কণ্ঠস্বরকে বলতে

শুনলেন যে, তাদের এসব অবস্থা প্রকৃতপক্ষে পৃথিবীতে তাদের কর্মসমূহেরই প্রতিদান। নম্র মেজাজী ব্যক্তিবর্গ, শহিদগণ, এমন কি নফল ইবাদত পালনকারী রোযাদারগণ, আল্লাহর ওয়াস্তে একে অপরের মহব্বতকারীগণ, পাপিষ্ঠ ও পাপ সংঘটনের পরে তওবাকারীগণের সবারই অবস্থা বিভিন্ন ধরনের ছিল। কোনো কোনো আউলিয়াকে নিদ্রিত অবস্থায় এবং কোনো কোনো আউলিয়াকে জাগ্রত অবস্থায় কবরস্থদের হালসমূহ প্রদর্শন করা হয়ে থাকে। ‘কিফায়াত আল মু’তাকাত’ নামক গ্রন্থে লেখা আছে যে, কয়েকজন আউলিয়া তাঁদের পিতাদের কবর যিয়ারত করে তাঁদের সঙ্গে কথা বলেছিলেন।

লালকাই তাঁর প্রণীত ‘আস সুন্নাত’ গ্রন্থে এয়াহইয়া ইবনে মুঈনের কথা উদ্ধৃত করেন, যিনি বলেন: ‘আমার এক বন্ধু যিনি কবরস্থানে কাজ করতেন এবং যাঁর ওপর আমার আস্থা ছিল, তিনি বলেছেন যে তিনি বহু বিষয়কর ঘটনা প্রত্যক্ষ করেছেন। তাঁর কাছে যে ঘটনাটা সব চেয়ে বিষয়কর ঠেকেছে, তা হচ্ছে একজন ইন্তেকালপ্রাপ্ত মুসলিম কর্তৃক মুয়াযযিনের দেয়া আযানের পুনরায় আবৃত্তি।

আবু নুয়াইম (রহ.) তাঁর ‘হিলইয়া’ পুস্তকে লিখেছেন যে, সাইদ ইবনে জুবাইর বলেছেন, ‘আমরা সাবিত আল বানানীকে দাফন করছিলাম। এমন সময় হামিদ আত্ তাওয়িলের পার্শ্বস্থ কবর হতে একটা পাথর সরে যায়। আর আমি হামিদকে কবরের মধ্যে নামায পড়তে দেখি। জীবদ্দশায় হামিদ আত্ তাওয়ীল সব সময় দোয়া করতেন: হে আল্লাহ! তুমি যদি তোমার কোনো বান্দাকে কখনো কবরে নামায পড়ার নেয়ামত দিয়ে থাকো, তাহলে আমাকেও দিও।’ (হিল-ইয়া)

ইমাম তিরমিযী (রহ.), হাকিম (রহ.) ও বায়হাকী (রহ.) লিখেছেন: ‘আবদুল্লাহ ইবনে আব্বাস (রা.) বলেছেন, তিনি এবং আরও কয়েকজন সাহাবী এক সফরকালে কোনো এক জায়গায় একটা তাঁবু ফেলেন। সেখানে একটা কবরের উপস্থিতি সম্পর্কে তাঁরা জানতেন না। তাঁরা কেউ একজনকে সূরাতুল মূলক প্রথম থেকে শেষ পর্যন্ত তেলাওয়াৎ করতে শুনেন। যখন তাঁরা মদীনা মুনাওয়ারায় পৌঁছলেন, তখন নবি কারীম ﷺ-কে এ কথা জানালেন, যিনি বললেন, এই সূরাটি বেসালপ্রাণজনকে আযাব থেকে রক্ষা করে (হাদীস)।’ আবুল কাসিম সাদীও এটা বর্ণনা করেন তাঁর ‘ইফসাহ’ পুস্তকে। তিনি আরও বলেন, ‘এটা প্রমাণ করে যে, একজন ইন্তেকালপ্রাপ্ত মুসলিম তাঁর কবরে কুরআন তেলাওয়াৎ করতে পারেন’।

ইবনে মানদা রেওয়য়াত করেন: তালহা হযরত উবায়দুল্লাহ (রা.)-কে উদ্ধৃত করেন যে, এক বিকেলে তিনি (উবায়দুল্লাহ) অরণ্যে অবস্থান করছিলেন। তিনি আবদুল্লাহ ইবনে আমর ইবনে হিশামের কবরের পাশে বসার পর কবরের ভেতর থেকে খুব সুন্দরভাবে কুরআন পাঠ করার শব্দ শুনতে পেলেন। পরে এ কথা তিনি নবী কারীম ﷺ-কে জানালেন। নবি কারীম ﷺ বলেন: ‘হে উবায়দুল্লাহ! যখন আল্লাহ রুহদেরকে নিয়ে যান, তখন তাদেরকে বেহেশতে রাখা হয়। প্রত্যেক রাতে তাদেরকে তাদের কবরে রাখা হয় সকাল পর্যন্ত।’ (হাদীস)

যখন কোনো মানুষ মারা যায়, তখন তাঁর রুহ মারা যায় না। শরীর থেকে রুহ ভিন্ন বস্তু। কবরে দেহের সঙ্গে এর সম্পর্ক শেষ হয়ে যায় না, এমন কি দেহ মাটি হয়ে গেলেও নয়। অজ্ঞ; যারা আহল-এ-সুন্নাতের উলামার বইপত্র পড়েনি এবং লা-মাযহাবী ও বাহান্তরটি ভ্রান্ত দলের অনুসারীরা যারা হাদীসের বর্ণনা অনুযায়ী জাহান্নামে

যাবে, তারা জানে না যে, রুহ দেহ হতে ভিন্ন জিনিস। তারা ধারণা করে মানুষের মৃত্যুর সাথে সাথে যেমন তার দেহের নড়াচড়া বন্ধ হয়ে যায়, ঠিক তেমনি রুহের অস্তিত্ব-ও বুঝি বিলীন হয়ে যায়, যেন তা দেহের-ই একটা সিফাত (গুণ) কিংবা সম্পত্তি। তারা বলে যে অন্যান্য মানুষের মতো আউলিয়াও মৃত্যু বরণ করেন এবং মাটিতে রূপান্তরিত হন, আর তাঁদের সত্তা ও রূহানীয়াতের অস্তিত্ব লয়প্রাপ্ত হয়। তারা বেসালপ্রাপ্তজনের প্রতি কোনো শ্রদ্ধা প্রদর্শন করে না, বরং অশ্রদ্ধা প্রদর্শন করে থাকে। আউলিয়ার মাযার-রওয়া যিয়ারত করে তাঁদের কাছ থেকে বরকত আদায় করা এবং তাঁদের তাওয়াসসুল করাকে ওই সব লোকেরা অস্বীকার করে। একদিন আমি হযরত শায়খ আরসালান দামেক্কীর মাযার শরীফ যিয়ারত করতে যাচ্ছিলাম। পথে এক গোমরাহ লোক আমাকে জিজ্ঞাসা করলো: ‘মাটিকে কি যিয়ারত করতে হবে?’ আমি এতে খুবই আশ্চর্যান্বিত হলাম। মুসলিম হিসেবে পরিচয়দানকারী একজন লোকের এ ধরণের কথাবার্তা আমাকে অত্যন্ত ব্যথিত করেছিল।

একটি হাদীস শরীফ ঘোষণা করে: ‘কবর হয় বেহেশতের বাগানগুলোর মধ্যে একটা বাগান, নয়তো দোযখের গর্তগুলোর মধ্যে একটা গর্ত।’ (হাদীস) এ হাদীসটি বলে যে কোনো ইস্তেকালপ্রাপ্তজনের রুহ হয় তাঁর কবরে রহমতপ্রাপ্ত হয়, নয়তো আযাব ভোগ করে থাকে। উপর্যুক্ত হাদীসে (এর বাইরে) আর কোনো অর্থই সংযোজন করা যায় না। এর অর্থ এই যে, রুহ দুনিয়াতে থাকাকালে ঈমান এবং আমল-সম্পন্ন হওয়ার কারণে হয় নির্মল হয়েছে, নয়তো কুফর ও বিদ্রোহী হওয়ার কারণে ময়লা হয়ে গিয়েছে। এই হাদীস শরীফটি সুস্পষ্টভাবে ব্যাখ্যা করে যে, রুহসমূহ পচে যাওয়া লাশের সঙ্গে একত্রিত হয়; এবং আরও প্রতিভাত করে; মু’মিনের কবরসমূহ বরকতময় ও শ্রদ্ধার যোগ্য। এটা আশংকা করা হয় যে যদি কেউ কোনো আলেম (-এ হক্কানী/রব্বানী)-এর কুৎসা রটনা করে কিংবা তাঁর প্রতি বৈরীভাবাপন্ন হয়, তবে সে কাফের হয়ে যেতে পারে।

জীবিত কিংবা ইস্তেকালপ্রাপ্ত উভয়ই আল্লাহর সৃষ্টি। তাঁদের কেউই কোনো কিছুই ওপর (নিজ হতে) প্রভাব সৃষ্টি করতে পারেন না। একমাত্র আল্লাহ-ই সব বস্তুর ওপর প্রভাব সৃষ্টি করে থাকেন। কিন্তু জীবিত কিংবা ইস্তেকালপ্রাপ্ত একজন মু’মিন বান্দার প্রতি সম্মান প্রদর্শন করা ওয়াজিব; কারণ জীবিত কিংবা ইস্তেকালপ্রাপ্ত উভয় মু’মিনই আল্লাহ তা’আলার স্মৃতিচিহ্ন। মহান আল্লাহ পাক তাঁদেরকে সম্মান দেখাতে আমাদেরকে আদেশ দিয়েছেন কুরআনে: ‘ক্বলবস্থ তাকওয়া থেকেই নিঃসৃত হয় আল্লাহর শা’এরের প্রতি তা’যিম বা সম্মান।’ (আল-আয়াত) শা’এর মানে হচ্ছে সে সব জিনিস যেগুলো আল্লাহকে স্মরণ করিয়ে দেয়। সুলাহা (পীর/বুযূর্গ) ও উলামা - জীবিত কিংবা বেসালপ্রাপ্ত - উভয়েই হলেন আল্লাহর শা’এর। বিভিন্ন উপায়ে আউলিয়া ও উলামাকে তা’যিম প্রদর্শন করা যায়। এগুলোর একটা হচ্ছে তাঁদের জন্যে কাঠের খাটিয়া (Coffin) বানিয়ে দেয়া এবং তাঁদের মাযার-রওয়ার ওপর গম্বুজ নির্মাণ করা। তাঁদের পাগড়িগুলোর বিশালতা এবং তাঁদের কাপড়গুলোর পরিষ্কার-পরিচ্ছন্নতা ও পরিমাণ মাফিক হওয়াটাও তাঁদের প্রতি তা’যিম প্রদর্শন ছাড়া আর কিছুই নয়। ‘জামিউল ফাতাওয়া’ নামক কিতাবে লিপিবদ্ধ আছে যে আউলিয়া, উলামা ও সাইয়েদগণের মাযার-রওয়ার ওপর ইমারত এবং গম্বুজ নির্মাণ করা মাকরুহ নয়। ‘মুদমারাত’ নামক পুস্তকটিতে লিপিবদ্ধ আছে, ‘মহান আলেম আবু বকর মুহাম্মদ বিন ফাদল বলেছেন: “আমাদের দেশের কবরে ইট ব্যবহার করা জায়েয। বস্তৃতঃ কাঠ তো ব্যবহার হয়ে আসছেই”।’ হযরত তিমুরতালী বলেছেন, ‘এই মন্তব্যটি পরিস্ফুট করে যে, এগুলো (ইট ও কাঠ) মরদেহের নিচে এবং দুই পাশে স্থাপন করতে হবে। মরদেহের ওপর এগুলোকে স্থাপন করা মোটেও মাকরুহ নয়। কারণ এভাবে মরদেহকে বন্য প্রাণীর আক্রমণ থেকে রক্ষা করা যায়।’ এ কারণেই কবরসমূহ খোলা হতে রক্ষা করার

জন্যে সেগুলোর ওপর ইট দ্বারা ছেয়ে দেয়া হয়। ‘তানবিরুল আবসার’ নামক গ্রন্থে লিখা আছে: ‘কবর সমূহের ওপর কোনো ইমারত নির্মাণ করা উচিত নয়। কিন্তু এ কথাও বলা হয়েছে যে নির্মাণ করা জায়েয। আর এ কথাটাই বেছে নিতে হবে।’

যাইলা-ঈ তাঁর প্রণীত ‘শরহে কানয’ নামক পুস্তকে লিখেন: ‘কবরের (মাথার দিকের) ওপর একটা পাথরের ফলক স্থাপন করে কবরের এবং ইস্তিকালপ্রাপ্ত জনের সনাক্তকরণের উদ্দেশ্যে তাতে তাঁর নাম লেখাকে জায়েয বলা হয়েছে।’

এ কথা বলা হয়েছিল যে, আউলিয়ার মাযার-রওয়ার ওপরে চাদর চড়ানো ও পর্দা ঝুলানো মাকরুহ। কিন্তু আমাদের দৃষ্টিতে তাঁদেরকে কুৎসা রটনা হতে রক্ষা করার জন্যে এবং তাঁদের প্রতি তা’যিম বৃদ্ধি করার উদ্দেশ্যে এগুলো করা জায়েয। সালাফে সালাহীনের সময়ে এগুলো করা হয়নি সত্য, কিন্তু সে সব দিনে প্রত্যেকেই মাযার-রওয়ার প্রতি তা’যিম প্রদর্শন করতেন। ফিকাহর কিতাবসমূহে লেখা আছে- বিদায় হজ্বের পরে পেছনের দিকে হেঁটে মসজিদুল হারাম ত্যাগ করতে হয়, কেননা এই আচরণে কাবার প্রতি তা’যিম প্রদর্শিত হয়। সালাফে সালাহীন পেছনের দিকে হেঁটে মসজিদ ত্যাগ করতেন না, কিন্তু কাবার প্রতি তাঁদের তা’যিম তো ক্রটিযুক্ত ছিল না। কাবার ওপর আচ্ছাদন পূর্বে ছিল না এবং এর বৈধ (মাশরু) হওয়ার ফাতওয়াটা পরে জারি করা হয়। একইভাবে, মাযার-রওয়ার ওপরে আচ্ছাদন দেয়াও জায়েয হয়ে গিয়েছে, যেহেতু আউলিয়া (রহ.) কা’বার থেকেও বেশি শ্রদ্ধেয়। এ বিষয়ে কোনো সন্দেহ নেই, কেননা আল্লাহর দান ও সম্মানের বিষয়বস্তু দ্বারা আউলিয়াগণ সম্মানিত। কাবা এ সম্মান থেকে বঞ্চিত। হ্যাঁ, আউলিয়া বেসালপ্রাপ্ত হয়েছেন। বেসালপ্রাপ্তজন পাথরের মতোই নড়াচড়া করতে পারে না। কিন্তু কাবাও তো পাথর [দ্বারা নির্মিত]। তাঁদের সবার প্রতি সম্মান দেখানো আমাদের জন্যে জরুরী। কাবার ওপর আচ্ছাদন স্থাপন করার আদেশ দেয়া হয়েছিল। কাবাকে রেশমের কাপড় দ্বারা আচ্ছাদিত করাও জায়েয হিসেবে বর্ণিত হয়েছিল। যদিও আউলিয়ার মাযার-রওয়া কাবা নয় এবং কাবার প্রতি আদিষ্ট প্রথাগুলো যদিও তাঁদের ক্ষেত্রে পালন করার আদেশ দেয়া হয়নি, তবুও তাঁরা সম্মানযোগ্য। আমাদের দ্বারা কাবার দিকে মুখ করে নামায পড়া, তাওয়াফ করা, তা’যিম করা সবই আল্লাহর উদ্দেশ্যে, কাবার উদ্দেশ্যে নয়; যদিও সেটা পাথরের তৈরি। কাবার প্রতি তা’যিম আসলে আল্লাহর-ই প্রতি তা’যিম।

কোনো মুসলিমকেই এ কথা বলতে শোনা যায়নি যে, আউলিয়া (রহ.)-এর মাযার-রওয়া কাবারই মতো, আর তাই তাঁদেরকে তাওয়াফ করা কিংবা তাঁদের দিকে ফিরে নামাজ পড়া সহীহ। যে ব্যক্তি এ রকম ধারণা পোষণ করবে, তার জন্যে কুফরের আশংকা রয়েছে। প্রত্যেক মুসলিমই জানেন; একমাত্র কাবা-ই হচ্ছে কিবলা এবং কাবা মক্কা নগরীতে অবস্থিত। তবুও মুসলিমগণ আউলিয়া (রহ.)-এর মাযার-রওয়াকে তা’যিম করেন। তাঁরা আউলিয়া (রহ.)-এর মাযারকে সম্মান করেন, কেননা তাঁরা বিশ্বাস করেন সেগুলো আল্লাহ তা’আলার ভালোবাসাপ্রাপ্ত পূণ্যবানদের মাযার-রওয়া। আমরা বিশ্বাস করি; সকল মু’মিনই এ বিশ্বাস পোষণ করেন। মু’মিনদের উচিত একে অপরের প্রতি ভালো ধারণা রাখা এবং একে অপরকে তা’যিম করা। ইমাম আস সুযুতী (রহ.)-এর প্রণীত ‘জামিউস সগির’ কিতাবে বর্ণিত হাদীস শরীফটিতে ঘোষিত হয়েছে: ‘মু’মিনদের সম্পর্কে ভালো ধারণা রাখা ইবাদত।’ (হাদীস) সূরা হুজুরাতের ১২নং আয়াতে আল্লাহ ঘোষণা করেন: ‘হে ঈমানদাররা!

সন্দেহকে যতোটুকু পারো এড়িয়ে চলো; কারণ কিছু কিছু সন্দেহ পাপযুক্ত। একে অপরের দোষ-ত্রুটির তালাশ করো না এবং একে অপরের কুৎসা রটনা করো না।’ (আল আয়াত) মু’মিনগণ যে সব কাজ ভালো নিয়তে সম্পাদন করেন, সেগুলোকে আমাদের গ্রহণ করা উচিত। আল্লাহ তাঁর রাসূল ﷺ-কে মুনাফেকদের সম্পর্কে জানিয়েছিলেন, যারা কাফের হওয়া সত্ত্বেও মু’মিন হওয়ার ভান করেছিল। কিন্তু রাসূলে কারীম ﷺ তাদের প্রতি মু’মিন হিসেবেই আচার-ব্যবহার করতেন, যেহেতু মানুষদেরকে তাদের বাহ্যিক আভরণ দেখে যা প্রতীয়মান হয়; তা হিসেবেই গ্রহণ করতে তিনি আদিষ্ট হয়েছিলেন। তিনি সব সময় বলতেন যে একমাত্র আল্লাহ-ই সত্য এবং মানুষের অন্তঃস্থিত উদ্দেশ্য সম্পর্কে ওয়াক্ফহাল আছেন। একটা হাদীসে তিনি ঘোষণা করেন, ‘যখন তারা বলে আশহাদু আন লা-ইলাহা ওয়া আশহাদু আন্না মুহাম্মাদান রাসূলুল্লাহ, তখনই তাদের জানমাল অস্পর্শযোগ্য [অর্থাৎ নিরাপদ]। একমাত্র আল্লাহ-ই তাদের ভেতরটা জানেন। আর সেই অনুযায়ী তিনি তাদেরকে বিচার করেন।’ (হাদীস) একজন মুসলিম যা দেখেন তা যখন তিনি বুঝতে পারেন যে, পরবর্তীকালে আবির্ভূত, তখন তাঁর উচিত নয় তা অস্বীকার করে প্রত্যাখ্যান করা; শরীয়তের দৃষ্টিতে সেটা বিশ্রী কিনা এবং শরীয়তের সঙ্গে অসঙ্গতিপূর্ণ কিনা তা বের না করার আগে তাঁর উচিত নয় তস্বিহ তরে সিদ্ধান্তে পৌঁছানো। প্রত্যেকের উচিত এ হাদীস শরীফের দিকে খেয়াল রাখা - ‘যারা (সুন্নাহর) একটা সুন্দর পথ উন্মুক্ত করে তাদের জন্যে সাওয়াব রয়েছে এবং তাদের অনুসারীদের সাওয়াবও তারা কিয়ামত দিবস পর্যন্ত পেতে থাকবে।’ (হাদীস) রাসূলুল্লাহ ﷺ-এর সময়ে যে জিনিসের অস্তিত্ব ছিল না এবং যা এই উম্মত দ্বারা পরবর্তীকালে প্রবর্তিত হয়েছে, সেটা যদি শরীয়তের সাথে অসঙ্গতিপূর্ণ না হয়, তবে তাকে বলা হয় সুন্নাহ। আমাদের শরীয়ত যে সব জিনিস তার সঙ্গে সঙ্গতিপূর্ণ, সেগুলোকে সুন্নাহ হিসেবে চিহ্নিত করে এবং তা-ই এগুলোকে বিদআত-এ-হাসানা বলা হয়।

আউলিয়া (রহ.)-এর মাযার-রওয়াক তেলের প্রদীপ, মোমবাতি ইত্যাদি জ্বালানো তাঁদেরকে তা’যিম করার উদ্দেশ্যেই করা হয়ে থাকে। এ ধরনের নিয়ত শরীয়তে স্বীকৃতিপ্রাপ্ত। বিশেষ করে, যিয়ারতকারী ও ওই ওলীর খেদমতগার গরিব লোকদের জন্যে কুরআন পাঠ করা খুব ভালো। মাযারের দিকে মুখ না করে তাহাজ্জুদের নামায আদায়কারীদের জন্যে (ওই স্থান) আলোকোজ্জ্বল করার নিয়ত করাও সুন্নত। আমার পিতা ইসমাইল নাবলুসী তাঁর কৃত ‘শরহে দুয়ার’ গ্রন্থের ব্যাখ্যায় বলেন: ‘কবরস্থানে সালাত আদায় করা মাকরুহ, যেহেতু তা ইহুদীদের মতোই। যদি নামায পড়ার জন্যে কবরস্থানের মধ্যে কোনো পরিষ্কার জায়গা নির্ধারণ করা যায়, যেটা কোনো কবরমুখো নয়, তবে সেখানে নামায পড়া জায়েয হবে। ‘হানিয়া ফতোয়া’ ও ‘হাওয়ী’ কিতাবগুলোতে একই কথা লেখা হয়েছে। কবর যদি পেছনে থাকে, তবে তা (নামাজ আদায়) মাকরুহ হবে না। কবর যদি কিছুটা দূরে থাকে, তা হলে সালাত মাকরুহ হবে না, ঠিক যেমনি নামাযে রত কোনো নামাযীর সালাত মাকরুহ না হয় মতো পর্যাপ্ত দূরত্ব বজায় রেখে সামনে দিয়ে হেঁটে যাওয়া জায়েয।’

আউলিয়া (রহ.)-এর রুহসমূহ যেসব জায়গায় অবস্থিত, সেই সব জায়গা থেকে বরকত আশা করা এবং মাযার-রওয়াকে হাত দ্বারা স্পর্শ করাও জায়েয। ‘জামিউল ফাতওয়া’ গ্রন্থে লেখা আছে: মাযার-রওয়াকে হাত দ্বারা স্পর্শ করাটা সুন্নাহ অথবা মুস্তাহাব হিসেবে বর্ণিত হয়নি। আমাদের কাছে এটা মাকরুহ নয়। আমলসমূহের সাওয়াব নিয়তের ওপর নির্ভরশীল। যে আমল শরীয়তে নিষিদ্ধ নয় সেটা যদি ভালো নিয়তে করা হয়, তাহলে সেটা ভালো হিসেবেই বিবেচিত হবে। আল্লাহ প্রত্যেকের নিয়ত সম্পর্কে ভালোই জানেন এবং তিনি সেই অনুযায়ী গ্রহণ কিংবা প্রত্যাখ্যান করে থাকেন।

আউলিয়া (রহ.)-এর প্রতি ভালোবাসা ও তা'যিম প্রকাশের উপায় হিসেবে তেল, মোমবাতি, ঝাড় ইত্যাদি জিনিস তাঁদের মাযার-রওয়্য প্রদান করার মানত করাও জায়েয। যিম্মী তথা অমুসলিম নাগরিকদের দ্বারা বায়তুল মুকাদ্দাস, অর্থাৎ, মসজিদুল আকসার জন্যে তেল ও মোমবাতি প্রদানের নযর সম্পর্কে ফিকাহর আলেমগণ বলেন: ' তাদের এই নযরটি সহীহ। কেননা, আমাদের এবং তাদের উভয়েরই মতানুযায়ী এটা তা'আত (আনুগত্য) ও কুরবাত (নৈকট্য)।' 'কিতাবুল আওফাফ'-এ যিম্মীদের কৃত ওয়াকফ ব্যাখ্যাকালে আহমদ হাসসাফ বলেন: 'যদি কোনো যিম্মী বলে, "আমি আমার চাষযোগ্য জমি ওয়াকফস্বরূপ দান করলাম", তাহলে এর ফসলগুলো মসজিদুল আকসায় প্রজ্জ্বলিত তেল ও মোমবাতির পেছনে খরচ করা উচিত, কেননা আমাদের এবং তাদের উভয়েরই মতানুসারে আমলটি কুরবাত। বায়তুল মুকাদ্দাস হচ্ছে একটা মসজিদ। তাই ওটা করা জায়েয, যেহেতু রাত্রিতে মসজিদটাকে আলোকিত করা এর প্রতি তা'যিম প্রদর্শন করারই একটা উপায়। সালেহীন ও আউলিয়া (রহ.)-এর মাযার-রওয়্যও অনুরূপ স্থান।

“আউলিয়া (রহ.)-এর মাযারের সন্নিহিতে বসবাসকারী গরিব লোকদেরকে দেয়ার নিয়ত করে আউলিয়ার জন্যে টাকা-পয়সা নযর (মানত) করাও জায়েয। আউলিয়া (রহ.)-এর জন্যে মানত করাটা আসলে মাজাযী বা রূপক অর্থে, কারণ নযরকারীর নিয়ত হচ্ছে গরিবদেরকে সাদাকা দেয়া। ফিকহ কিতাবসমূহে লিপিবদ্ধ আছে গরিবদেরকে যে জিনিস উপহারস্বরূপ দান করা হয়, তা সাদাকায় পরিণত হয়। অতএব, এ উপহারটি ফেরত নেয়া যায় না। ধনীদেরকে সাদাকাস্বরূপ যে জিনিস দান করা হয়, তা উপহারে রূপান্তরিত হয়; তাই সেটা পুনরায় দাবি করা জায়েয। এই ধরণের বিষয়গুলোতে শরীয়ত কথাকে নয় বরং নিয়তকে বিবেচনা করে, তা-ই প্রতিভাত হয়। নযর আল্লাহর উদ্দেশ্যেই কৃত। যদি এটা অন্য কারও নাম উল্লেখ-পূর্বক করা হয়, তবে বুঝতে হবে; এটা আল্লাহর উদ্দেশ্যেই কৃত। উদাহরণস্বরূপ, এ কথা বলা জায়েয 'যদি আল্লাহ আমার অসুস্থ [আত্মীয় পরিজন]-কে সুস্থাস্থ্য দেন, তাহলে আপনাকে দশটি স্বর্ণ (মুদ্রা) আমার দেনা।' একইভাবে, 'আমার কাছ থেকে অমুকের জন্যে দশটি স্বর্ণ (মুদ্রা)-এর নযর হোক'-এই মন্তব্যটির অর্থ হচ্ছে ওয়াদা। যে লোক এ নযরটি করে, সে ওয়াদা করে যে, নিয়তকৃত নযরের প্রাপক যদি ধনী হয়, তবে এটা উপহারস্বরূপ প্রদত্ত হবে; আর যদি প্রাপক গরিব হয়, তবে এটা সাদাকা হিসেবেই দেয়া হবে। বহু লোক একজন যিম্মী কাফেরকে দেয়ার ওয়াদা করে থাকে এ কথা বলে, 'যদি আল্লাহ আমার অসুস্থ আত্মীয়কে সুস্থাস্থ্য দান করেন, তবে তোমাকে দশটি স্বর্ণ (মুদ্রা) আমার দেনা।' এ বাক্যটি পাপযুক্ত নয়, যেহেতু সে সাদাকা দেয়ার ওয়াদা করেছে। আর একজন যিম্মীকে সাদাকা দেয়া জায়েয। কিন্তু তাকে যাকাত দেয়া জায়েয নয়। উপর্যুক্ত ব্যাখ্যাগুলো বুঝতে সক্ষম হয়েছে এমন একজন লোক কীভাবে কোনো ওলী (রহ.)-এর বেসালের পরে তাঁর উদ্দেশ্যে কথিত 'যদি আল্লাহ আমার অসুস্থ আত্মীয়কে সুস্থাস্থ্য দান করেন, তবে আপনার জন্যে দশটি স্বর্ণ আমার নযর'- এ কথাটিকে অস্বীকার করতে পারে? কোনো ওলীর কাছে অস্বীকার করা নিশ্চয়ই অন্য কারও কাছে অস্বীকার করার চেয়ে উত্তম। তাঁর বেসালপ্রাপ্ত হওয়ার বিষয়টি কোনো প্রতিবন্ধকতা নয়; কারণ নযরকারী জানেন তাঁর দেয়া টাকাটা মাযারের খাদেমদের এবং সেখানে সমবেত গরিবদের মাঝে বণ্টন করা হবে; আর তাই তিনি তাদেরকে উপহার ও সাদাকা দেয়ার ওয়াদা করেন। প্রত্যেক মুসলিমের উচিত নযরকারী ব্যক্তির কথার প্রতি এই অর্থ আরোপ করা। যারা বলে যে এ সব হারাম, তাদের কোনো (শরয়ী) সমর্থন কিংবা দলিল নেই। কোনো কিছুকে হারাম বলতে হলে আদিল্লা-এ-আরবা'আ, অর্থাৎ, কুরআনুল কারীম, হাদীস শরীফ, এজমায়ে উম্মাত কিংবা কিয়াস আল ফুকাহা থেকে একটা দলিল প্রদর্শন করা অত্যাৱশ্যক। অ-মুজতাহিদের প্রয়োগকৃত কিয়াস অথবা প্রমাণসমূহের

কোনো মূল্যই নেই। কিছু অজ্ঞ লোক বলে, ‘কেউ কেউ মনে করে যে যখন আউলিয়ার মাযার-রওয়া তা’যিম করা হবে এবং তাঁদের কাছে সাহায্য ও বরকত চাওয়া হবে, তখন তাঁরা যা চাওয়া হবে তাই দেবেন এবং আল্লাহর মতোই প্রভাব সৃষ্টি করবেন। ফলে এ সকল লোক কাফের ও মুশরিকে রূপান্তরিত হয়। অতএব, আমরা আউলিয়ার মাযার-রওয়া ধ্বংস করে দিয়ে তাদেরকে বাধা দেই। আউলিয়াকে এভাবে খাটো করলে সবাই জানবে যে, তাঁরা অপমান হতে নিজেদেরকে রক্ষা করতে অক্ষম এবং ফলে সবাই কাফের ও মুশরিকে পরিণত হওয়া থেকে বেঁচে যাবে।’ গোমরাহ (ওহাবী)-দের এ সব কথাই কুফর এবং সেগুলো ফেরাউনের কথার মতোই শোনায়। কুরআন-এ-কারীম ফেরাউনের কথা উদ্ধৃত করে: ‘আমায় মুসাকে হত্যা করতে দাও। সে তার আল্লাহকে আবেদন জানিয়ে আমার থেকে আত্মরক্ষা করুক। আমি আশংকা করি যে, সে তোমাদের ধর্মকে পরিবর্তন করে ফেলবে এবং পৃথিবীতে ফিতনা সৃষ্টি করবে।’ (আল আয়াত) এ সকল অজ্ঞ লোকেরা অস্বীকার করে যে আল্লাহ তা’আলা তাঁর আউলিয়াকে ভালোবাসেন এবং তাঁদের বেসালের পরও দোয়া কবুল করেন। এই লোকেরা ধারণা, সন্দেহ ও কল্পনা দ্বারা পরিচালিত হয়ে কথা বলে থাকে এবং হককে বাতিল থেকে পৃথক করতে অক্ষম।

তারা মানুষকে মাযার-রওয়ার প্রতি তা’যিম প্রদর্শনে বাধা দিয়ে এবং মাযার ধ্বংস করে মুসলিমদেরকে শিরক ও কুফর থেকে রক্ষা করেছে – তাদের এই কথাটা একটা ধোকা, ডাহা মিথ্যা। যদি তাদের এই কথাটা সত্য হতো, তবে তারা মুসলমানদের মাঝে তওহীদের জ্ঞান শিক্ষা দিতো। তারা প্রামাণ্য দলিলের সাহায্যে সঠিক জ্ঞান প্রচার করে মুসলমানদেরকে সঠিক পথ প্রদর্শন করতো।

সূরা বুরূজের ২০নং আয়াতে আল্লাহ ঘোষণা করেন: ‘কেউই তাদেরকে আল্লাহ [-এর শাস্তি] থেকে বাঁচাতে পারবে না।’ (আয়াত) এর অর্থ, আল্লাহ ছাড়া আর কোনো সৃষ্টিকারী নেই। যদি তারা [তওহীদের দাবিদার অজ্ঞ ওহাবীরা] তাদের দাবির ক্ষেত্রে সত্যবাদী হয়, তাহলে কেন তারা আউলিয়া (রহ.)-কে অপমান করে? কেন তারা মানুষদের চোখের সামনে আউলিয়ার মাযার-রওয়া ধ্বংস করে? কেন তারা মাযার-রওয়ার ওপরে তা’যিম সহকারে বিছানো মূল্যবান কাপড় ছিঁড়ে টুকরো টুকরো করে? মানুষদেরকে শিরক থেকে রক্ষা করার জন্যে কি এ ধরণের বর্বরোচিত আক্রমণ করা জরুরী? যে ব্যক্তি মুসলমান তিনি এ কথা বলতে পারবেন না যে এক হাজার বছর যাবত উম্মতে মুহম্মদীয়া ‘দালালাত’-এ (গোমরাহীতে) নিমজ্জিত ছিলেন; তিনি তাঁদের সম্পর্কে বদ চিন্তা করতে পারবেন না। যদিও রাসূল-এ-কারীম ﷺ সকল মুনাফেক, অর্থাৎ, মুসলমান ছদ্মবেশী কাফেরদেরকে চিনতেন, তবুও তিনি তাদের কারও পরিচয় প্রকাশ করেন নি। যাঁরা তাদের সম্পর্কে তাঁকে জিজ্ঞাসা করতেন, তাঁদেরকে তিনি বলতেন: ‘আমরা তাদের কথা, কাজ ও বাহ্যিক আবরণের দিকে তাকাই। একমাত্র আল্লাহ-ই তাদের কলব সম্পর্কে জানেন।’ (হাদীস)

একজন কামেল অলীর প্রতি বিশ্বাস রাখা এবং তাঁর সঙ্গে সংশ্লিষ্ট হয়ে তাঁরই নির্দেশ অনুযায়ী কাজ করা শরীয়তেরই একটা আদেশ। চার মাসহাবের যে কোনো একটার তকলিদ মেনে আল্লাহর আদিষ্ট ইবাদত পালন করা যেমন জরুরী, একজন মুরশিদের প্রদর্শিত পথে কাজ করে তাঁর সাহায্য ও বরকত অর্জন করা এবং তাঁকে ভালোবাসাও ঠিক তেমনি জরুরী। এটা বিশ্বাস করা আবশ্যিক যে, জীবিত বা মাযারস্থ কোনো মুরশিদের প্রতি মহব্বত পোষণকারীদের বাঁচাতে তিনি এগিয়ে আসবেন। কারণ, বাস্তবে আল্লাহ-ই প্রভাব সৃষ্টি করে

থাকেন। তিনিই বেসালপ্রাপ্ত কিংবা জীবিত [মুরশিদ]-কে প্রভাব সৃষ্টি করার ক্ষমতা দান করতে সক্ষম। কেননা, একজন মুরশিদ নিজ [ক্ষমতা] থেকে প্রভাব সৃষ্টি করতে পারেন না; তিনি আল্লাহ প্রদত্ত ক্ষমতাবলে প্রভাব সৃষ্টি করে থাকেন। মুরশিদ হচ্ছেন একটা কারণ বা মাধ্যম বিশেষ। যে ব্যক্তি এই কারণ [কিংবা মাধ্যম]-কে আঁকড়ে ধরে আল্লাহর কাছে ফায়েয ও সাহায্য চান, তাঁকে তা থেকে বঞ্চিত করা হয় না। একজন জীবিত মুরশিদ নিজ ক্ষমতাবলে কাউকেই আল্লাহপ্রাপ্তি দিতে পারেন না। একমাত্র আল্লাহ-ই তা দিতে পারেন। সুরাতুল কাসাসের ৫৬নং আয়াতে আল্লাহ পাক মুরশিদগণের সর্বশ্রেষ্ঠ হযরত মুহাম্মদ ﷺ-কে বলছেন: ‘আপনি যাকে চান তাকে হেদায়ত দিতে পারবেন না। আল্লাহ যাকে চান, তাকে হেদায়ত দান করেন।’ (আয়াত) সুরা আল-ই-ইমরানের ১২৮নং আয়াতে বলা হয়েছে: ‘আপনি আর তাদের জন্যে কিছুই করতে পারবেন না।’ (আয়াত) অর্থাৎ, একমাত্র আল্লাহ তা’আলাই সব কিছু করে থাকেন।

অলী এবং তাসাউফের একজন অভিজ্ঞ ইমাম হযরত মুহিউদ্দীন ইবনে আরাবী (রহ.) বলেন, ‘একদল মুরশিদ যাদের কাছ থেকে আমি উপকার পেয়েছি, তারা হলো আমার দেখা ফেয নগরীর ঘরগুলোর ওপর পানি নিষ্কাশনের প্রণালী। বহু লোক সেগুলো থেকে বৃষ্টির পানি গ্রহণ করে উপকার লাভ করছিল। আমার আরেকজন মুরশিদ হলো মাটিতে শায়িত আমারই ছায়া। ছায়াটি আমার কারণে নয়, বরং সূর্যালোকের কারণে।’ ‘রুহুল কুদ্দুস’ গ্রন্থটিতে এ ধরনের বহু সূক্ষ্ম জ্ঞান বিধৃত হয়েছে। যেহেতু হযরত মুহিউদ্দীন ইবনে আরাবী (রহ.)-এর আল্লাহপ্রাপ্তির আকাজক্ষা খালেস (একনিষ্ঠ) ছিল, সেহেতু তিনি পানি নিষ্কাশন প্রণালী এবং তাঁর ছায়াকে তাঁর পথে অগ্রসর হবার জন্যে আঁকড়ে ধরেছিলেন। মাযারস্থ আউলিয়া কি এ দুটোর থেকে শ্রেষ্ঠ নন? যে ব্যক্তি বিশ্বাস করে আউলিয়া (রহ.)-এর রূহসমূহ তাঁদের মাযারস্থ দেহ মুবারকের সাথে একত্রে অবস্থানরত, সে কি কোনো বেসালপ্রাপ্ত ওলীর কাছে সাহায্য প্রার্থনাকে অস্বীকার করতে পারবে? রাব্বুল আলামীনকে জানার ব্যাপারে জীবিত গাফেলদের চেয়ে বহু গুণে শ্রেষ্ঠ বেসালপ্রাপ্ত আউলিয়ার রূহ মোবারকের কাছে সাহায্য প্রার্থনা করাকে কি কখনো অস্বীকার করা যায়? এতে [বেসালপ্রাপ্ত আউলিয়ার সাহায্য প্রদানের বিষয়টিতে] অবিশ্বাসী ব্যক্তিদের যখন কোনো অবিবেচক লোকের কিংবা কোনো কাফেরের কাছ থেকে সাহায্যের প্রয়োজন হয়, তখন তারা অবনত মস্তকে ওই কাফের কিংবা অবিবেচক লোকের কাছে গমন করে এবং তার মাত্রাতিরিক্ত প্রশংসা করে তার কাছে আবেদন-নিবেদন জানায়। তারা তার কাছে নিজেদের বিষয়সমূহের সমাধান চায়। তারা তার সাহায্য কামনা করে। আর যখন তাদের সমস্যাগুলোর সমাধান হয়ে যায়, তখন তাদের প্রত্যেকেই বলে, ‘অমুকে আমার সমস্যার সমাধান করেছে। সে আমাকে সাহায্য করেছে।’ আউলিয়ার রূহ মোবারক থেকে সাহায্য প্রার্থনাকে যারা শিরক বলে থাকে, তারা যখন ক্ষুধার্ত হয় তখন তারা তাদের গ্রহণ করা খাদ্যের কাছ থেকে পরিতৃপ্তি আশা করে এবং তারা তেষ্ঠা মেটাবার জন্যে পানির শরণাপন্ন হয়। যখন তারা ঠাণ্ডা অনুভব করে, তখন তারা স্বতঃস্ফূর্তভাবে এ সব মাধ্যমকে আঁকড়ে ধরে। যখন তারা এগুলোর শরণাপন্ন হয়, তখন তারা জানে যে, এগুলোর কোনোটার-ই রূহ, চেতনা কিংবা নড়াচড়া করার সামর্থ্য নেই। যখন তারা এ ধরনের জীবনহীন, স্পন্দনহীন জিনিস হতে সাহায্য ও উপকার পায়, তখন যদি তারা বলে, ‘আমি খাদ্য ভক্ষণ করে পরিতৃপ্ত হয়েছি; চুলা প্রজ্জ্বলিত ছিল এবং আমি গরমে অবস্থান করেছি’ – এ রকম কথা বলাটা কোনো ব্যক্তির জন্যে রূপক [মাজায়ী, ইসতিয়ারা] হবে; খাদ্য কিংবা চুলা, পরিতৃপ্ত অথবা গরম করে না, বরং আল্লাহ তা’আলাই সব কিছু সৃষ্টি করে থাকেন; একমাত্র তিনি-ই সৃষ্টিকর্তা, তাহলে তারা সত্য-ই বলবে। তাদের ওই সব কথা ও কাজকর্ম রূপক অর্থে হবে। কেউই তাদের কথায় খুঁত ধরবে না। তারা বলে, ‘এই ওষুধ আমার

ব্যথা উপশম করেছে। এই বড়ি আমার ক্ষত নিরাময় করেছে’ এবং এ সব কথা কে তারা সম্পূর্ণ স্বাভাবিক বিবেচনা করে। এসব কথার প্রতি তাদের কেউই কোনো রকম প্রতিবাদ করে না। কিন্তু আল্লাহর আউলিয়ার কাছে সাহায্য প্রার্থনা প্রসঙ্গে তারা বলে, এই ধরণের কোনো কিছু-ই (শরীয়তে) নেই। এই সব কথা শিরক। এগুলো কোনো ব্যক্তিকে ইসলাম থেকে খারিজ করে দেয়। অথচ আল্লাহর আউলিয়া প্রত্যেকটি ওষুধ থেকে শ্রেষ্ঠ। আল্লাহ তা’আলা তাঁদেরকে অন্য সব নির্দিষ্ট গুণাগুণ ও ক্ষমতা যেমন প্রদান করেছেন, ঠিক তেমনিভাবে তিনি তাঁর আউলিয়ার রুহসমূহের মধ্যে মানুষকে সাহায্য করার ক্ষমতা দিয়েছেন, যাতে তাঁরা মানুষের বিপদের সময় তাদেরকে রক্ষা করতে পারেন। বহু বার বহু স্থানে (বেসালপ্রাপ্ত আউলিয়ার) এই সাহায্য প্রত্যক্ষ করা হয়েছে। এ সব ঘটনা এবং তাসাউফের পথে অগ্রসর হওয়ার সময় আউলিয়ার সাহায্য প্রদানের ঘটনাসমূহ দ্বারা ইসলামী ইতিহাস ও তাসাউফের কিতাবগুলো পূর্ণ। এ সকল ঘটনা ও বাস্তবতাকে অবিশ্বাস করা যেমন অযৌক্তিক, ঠিক তেমনি এতে বিশ্বাস স্থাপনকারীদের প্রতি আক্রমণ করাও মানবাধিকারের লঙ্ঘন। সংক্ষেপে, এটা একটা স্বেচ্ছাচার ও ঔদ্ধত্য বৈ কিছু নয়।

কোনো জীবিত অলীর কাছ থেকে সাহায্য লাভের উদ্দেশ্যে এবং নিজের চারিত্রিক দোষ-ত্রুটি দূর করার উদ্দেশ্যে তাঁকে ভালোবাসা এবং তাঁর সাথে সংশ্লিষ্ট হওয়াকেও অজ্ঞরা আক্রমণ করে থাকে। আবদুল ওয়াহাব শারানী (রহ.) তাঁর ‘মাশারিক-উল-আনোয়ার-ইল-কুদসিয়া ফী ব্যান-ইল-উহুদ-ইল-মুহাম্মদীয়া’ পুস্তকে লিখেন: ‘মারুফ-ই-কারখী (রহ.) তাঁর মুরিদদেরকে বলেছেন, “যখন তোমাদের কোনো আবেদন-নিবেদন থাকে, তখন আমাকে অনুরোধ জানাবে, আল্লাহকে নয়।” আর যখন তাঁকে এর কারণ জিজ্ঞাসা করা হয় তখন তিনি উত্তর দেন, “যেহেতু তারা আল্লাহকে চেনে না, সেহেতু তাদের দোয়া কবুল করা হবে না। তাদের দোয়া তখন কবুল করা হবে, যখন তারা আল্লাহকে চিনবে। আমার উস্তাদ মুহাম্মদ হানাফী শাযিলি ও তাঁর মুরিদানবুন্দকে মিশর হতে হিজায়ের পথ পরিক্রমণের সময় একটা নদী পার হতে হয়। ওই সময় কোনো নৌকা অথবা অনুরূপ কিছু সেখানে ছিল না। তিনি বললেন, ‘তোমরা বলো – ‘হে হানাফী’ এবং তারপর হাঁটতে থাকো। খবরদার! ‘এয়া আল্লাহ’ বলবে না, নতুবা তোমরা পানিতে ডুবে যাবে।’ মুরিদদের মধ্যে একজন বললো, ‘এয়া আল্লাহ!’ এবং সে সাথে সাথেই ডুবতে আরম্ভ করলো। যখন সে তার দাড়ি পর্যন্ত নিমজ্জিত হলো, তখন তার মুর্শিদ তার প্রতি দয়াবান হলেন এবং তাঁকে রক্ষা করলেন এবং তিনি বললেন, ‘হে বৎস। যেহেতু তুমি আল্লাহকে চেনো না, সেহেতু তাঁর পবিত্র নাম উচ্চারণ করার ফলে তোমার কোনো উপকার হয় নি। তাই তুমি পানিতে হাঁটতে সক্ষম হওনি। সাধনা করো (পরিশ্রম করো)! আল্লাহর মহত্ব সম্পর্কে আমার কাছ থেকে জানো। ফলে তুমি আর বাহনসমূহের ওপর মনোনিবেশ করবে না”।’ (আবদুল ওয়াহাব শারানী কৃত মাশারিক-উল-আনওয়ার)

ফার্সি কিতাব ‘তায়কিরাতুল আউলিয়া’তে শায়খ ফরিদ আদ-দীন আত্তার (রহ.) লিখেন: ‘হযরত আবুল হাসান-ই-খারকানী (রহ.)-এর মুরিদান তাদের দেশের বাড়িতে যাওয়ার জন্যে অনুমতি চায়। তারা তাঁকে তাদের জন্যে দোয়া করতে অনুরোধ জানায়। তিনি বলেন, বিপদের সময় ‘এয়া আবাল হাসান’ বলবে। সফরকালে মুরিদরা এক রাতে ডাকাত দল কর্তৃক আক্রান্ত হয়। তারা সবাই ‘এয়া আল্লাহ’ বলে চিৎকার করে; শুধু একজন বলেন, ‘এয়া আবাল হাসান’। ডাকাতরা তাঁকে দেখেনি। তারা অন্যান্য মুরিদদের সর্বস্ব লুণ্ঠ করে নিয়ে যায়। সকালে মুরিদরা বিস্মিত হয়ে রক্ষাপ্রাপ্তজনকে এর কারণ জিজ্ঞাসা করলে তিনি উত্তর দেন: ‘আমি “এয়া আবাল হাসান” বলি, ফলে আমি ডাকাতদের থেকে বেঁচে যাই।’ তারা সবাই তাদের খাজার (হযরত আবুল হাসানের) কাছে

গিয়ে তাঁকে এর রহস্য জানাতে অনুরোধ করেন। তিনি বলেন, ‘হারাম তোমাদের মুখে প্রবেশ করে এবং হারাম সেখান থেকে নির্গত হয়। তোমরা আল্লাহকে চেনো না। তোমরা ‘আল্লাহ’ বলো রূপকভাবে, স্বভাবগত কারণে। এই ধরনের লোকের দোয়া কবুল হয় না। আল্লাহ তা’আলা তার (রক্ষাপ্রাপ্ত মুরিদদের) কণ্ঠস্বরকে আবুল হাসানের কাছে শুনিয়েছিলেন। আর আবুল হাসান তাকে রক্ষা করার জন্যে দোয়া করেছিলেন; আবুল হাসান হারাম পানাহার করেন না। তিনি হারাম উচ্চারণও করেন না; (তাই) তাঁর দোয়া কবুল হয়ে যায় এবং সে (ওই মুরিদ) রক্ষা পায়।’

সেই ব্যক্তি কত সৌভাগ্যবান, যিনি কোনো মুর্শিদে কামেলের সন্ধান পান এবং তাঁর থেকে ফায়েয লাভ করে কল্যাণ অর্জন করেন। আর যে ব্যক্তি একজন মুর্শিদ-এ-কামেলের খোঁজ পায় না, তার জন্যে কোনো বেসালপ্রাপ্ত ওলীর সঙ্গে নিজেকে সংযুক্ত করে সাহায্য কামনা করা-ই উত্তম। আল্লাহ ছাড়া অন্য কেউই কারও উপকার অথবা ক্ষতি করতে পারে না। এ বিষয়ে জীবিত লোকেরাও মৃতদের মতোই অক্ষম। এ বিষয়টি যে ব্যক্তি ভালোভাবে বুঝতে সক্ষম হয়, সে আউলিয়ার কারামত ও সাহায্য প্রদানের বিষয়টিকে আক্রমণ করতে পারে না। আল্লাহ তা’আলা তাঁর আউলিয়া (রহ.)-কে অত্যন্ত ভালোবাসেন। যারা তাঁদের কুৎসা রটনা করে, এমন কি যারা তাঁদের সম্পর্কে শোনার পরও বিশ্বাস করে না, তাদেরকে তিনি শাস্তি না দিয়ে ছাড়বেন না। যে ব্যক্তি আল্লাহর বন্ধু আউলিয়ার প্রতি যুলুম করেছে, সে প্রকৃতপক্ষে নিজের সত্তার প্রতি-ই যুলুম করেছে।

শারফউদ্দীন ইবনে ফরিদ (রহ.), মুহীউদ্দীন ইবনে আরাবী (রহ.), আফিফউদ্দীন তালামসানী (রহ.) ও আব্দুল হাদী সুদী [এবং মোল্লা জামী, মাওলানা রুমী, শায়খ খাজা মুঈনুদ্দিন চিশতি, সুফী শিহাবউদ্দীন সোহরাওয়ার্দী]-এর মতো তাসাউফের ইমাম এবং আ’রিফগণের লেখা সেমা (সঙ্গীত) ক্লবকে প্রভাবিত করে। এটা শাস্তি ও সমর্পণের দিকে প্রভাবিত করে (অন্তরকে)। এ ধরনের সেমার বাস্তবতা যাঁরা বুঝতে পারেন, তাঁদের জন্যে তা গাওয়া এবং শ্রবণ করা জায়েয। তবে যারা আল্লাহকে ভুলে থাকে এবং যাদের নফস ইন্দ্রিয় কামনায় দোদুল্যমান তাদের জন্যে তা শোনা জায়েয নয়।

যদি কেউ নিজেকে ব্যাখ্যা করার সময় এমন কোনো কিছু উচ্চারণ করে, যা নাকি কুফর কিংবা যদি কোনো হারাম সে সংঘটন করে, তবে এ কথা বোঝা যাবে যে সে ইসলাম সম্পর্কে কিছুই জানে না। এ ধরনের লোকদের ছাড়া কোনো মুসলিমের প্রতি খারাপ ধারণা পোষণ করা কারও পক্ষে উচিত নয়। কোনো ব্যক্তির উচিত নয় আত্মপ্রবঞ্চিত হওয়া। কেউ যদি বিশ্বাস না করে যে তার ক্লবে আল্লাহর প্রতি মহব্বত আসন গাড়তে পারবে, তাহলে তার উচিত তাসাউফের উৎস তালাশ করা। কেউ তার নিজের নফসকে বিশ্বাস করতে না পারলে, তার উচিত আহল-এ-সুন্নাতে এর তেব্বাহ ও ফিকাহ বিষয়ে জ্ঞান বৃদ্ধির চেষ্টা করা। মুনাফেকের মতো মুতাসাউরীফগণের সঙ্গে মেলামেশা করাটা কোনো ব্যক্তির এড়িয়ে চলা উচিত। কেননা, আল্লাহ সব কিছু ভালোভাবে জানেন।

জামিউল ফাতাওয়া গ্রন্থে লিপিবদ্ধ আছে: ‘আমরা এমন কোনো বর্ণনা দেখি নি, যেখানে বর্ণিত হয়েছে যে হাত দ্বারা মাযার-রওয়া স্পর্শ করা সুন্নাত কিংবা মুস্তাহাব। তবে আমরা এটাকে নাজায়েযও বলতে পারবো না। যারা বলে যে, এটা হারাম; তাদের পক্ষে কোনো প্রামাণ্য দলিল নেই। এগুলোকে হারাম বলতে হলে একজন

ব্যক্তিকে আদিব্লা-এ-আরবায়ী তথা কুরআন, হাদিস, ইজমা ও কেয়াস হতে অন্ততঃ একটা সুস্পষ্ট প্রামাণ্য দলিল প্রদর্শন করতে হবে। অ-মুজতাহিদদের কিয়াসের কোনো মূল্যই নেই। কতিপয় অজ্ঞ লোক বলে, ‘যদি আউলিয়ার মাযার-রওয়াকে তা’যিম করা হয় এবং যদি তাঁদের কাছে সাহায্য ও বরকত প্রার্থনা করা হয়, তাহলে কিছু লোক হয়তো মনে করতে পারে তাঁরা যা ইচ্ছা তাই করতে পারেন এবং আল্লাহর মতোই প্রভাব সৃষ্টি করতে পারেন; ফলে তারা কাফের ও মুশরিক হয়ে যাবে। এ কারণেই আমরা প্রতিরোধমূলক ব্যবস্থাস্বরূপ আউলিয়ার মাযার-রওয়া ধ্বংস করে থাকি। তাদেরকে এভাবে খাটো করলে সবাই জানবে যে তাঁরা অপমান হতেও নিজেদেরকে রক্ষা করতে অক্ষম; ফলে সবাই কাফের ও মুশরিক হওয়া থেকে বেঁচে যাবে।’ অজ্ঞ লোকদের এ কথাটা কুফর। এটা ফেরাউনের কথার সঙ্গে মিলে যায়। কুরআনে ফেরাউনের কথা উদ্ধৃত হয়েছে: ‘আমায় মুসাকে হত্যা করতে দাও। তার রবের কাছে সাহায্য প্রার্থনা করে সে আত্মরক্ষা করুক দেখি। আমি আশঙ্কা করি, সে তোমাদের ধর্মকে পরিবর্তন করে ফেলবে এবং দুনিয়ার মধ্যে ফিতনা সৃষ্টি করবে।’ (আল আয়াত) এ সকল অজ্ঞরা অস্বীকার করে যে, আল্লাহ তাঁর আউলিয়াকে ভালোবাসেন এবং তিনি যাঁদেরকে তাঁদের দোয়া তিনি কবুল করে নেন এবং তাঁদের বেসালের পরও তাঁদের রূহের ইচ্ছা [ও অনিচ্ছা] সৃষ্টি করে দেন। এই অজ্ঞ লোকেরা সন্দেহ ও কল্পনার ওপর ভিত্তি করে কথা বলছে। তারা হক ও বাস্তবের মধ্যে পার্থক্য নির্ণয় করতে পারছে না। কোনো মুসলমান কখনো এ কথা বলতে পারেন না যে এক সহস্র বছর ধরে উম্মতে মুহাম্মদীয়া দালালাতে [পথভ্রষ্টতায়] নিমজ্জিত ছিল। রাসূলুল্লাহ ﷺ সেই সব মুনাফেকের পরিচয় উন্মোচিত করেন নি, যারা মুসলিম হওয়ার ভান করতো, যদিও তিনি তাদেরকে চিনতেন। তাদের সম্পর্কে যাঁরা তাকে জিজ্ঞাসা করতেন, তাঁদেরকে তিনি বলতেন: ‘আমরা তাদের কথা, কাজ ও বাহ্যিক আবরণের দিকে তাকাই। আল্লাহ তাদের কলবের ভেতরটা জানেন’ (হাদীস)।” (মাওলানা আবদুল গণি নাবলুসী কৃত ‘কাশফুন নূর’ পুস্তকের অনুবাদ এখানে শেষ হলো)

যদি কোনো মুসলমানের একটা কথা কিংবা একটা কাজ থেকে একশটা অর্থ বের করা যায় এবং যদি সেগুলোর একটা অর্থ তাঁকে মুসলিম হিসেবে প্রতীয়মান করে, আর বাকি ৯৯টা তাকে কাফের হিসেবে সাব্যস্ত করে, তবে আমাদেরকে বলতে হবে যে তিনি একজন মুসলিম। অর্থাৎ, কুফর প্রতীয়মানকারী ৯৯টা অর্থকে ধরা হবে না এবং ঈমান প্রতীয়মানকারী অর্থটিকে গ্রহণ করা হবে। অতএব, ওহাবীদের দ্বারা ধোকাপ্রাপ্ত কোনো ব্যক্তির উচিত নয় মুসলমানদেরকে কাফের ও মুশরিক আখ্যা দেয়া; মুসলমানদের সম্পর্কে তার বদ চিন্তা থাকা উচিত নয়। আমাদের এ কথাকে ভুল না বোঝার জন্যে দুটো বিষয়ের দিকে লক্ষ্য রাখতে হবে। প্রথমতঃ যে ব্যক্তির কথা কিংবা কাজকে পর্যালোচনা করা হচ্ছে, তাঁকে একজন মুসলমান হিসেবে পরিচিত হতে হবে। পক্ষান্তরে, একজন কাফেরের একটা নয় বরং বহু কথা কিংবা কাজ যদি ঈমান প্রতিফলন করে, তবুও তাকে একজন মুসলমান বলা যাবে না। যখন একজন ফরাসী লোক কুরআনের প্রশংসা করেন কিংবা একজন বৃটিশ লোক বলেন যে, আল্লাহ এক; কিংবা একজন জার্মান দার্শনিক বলেন যে, ইসলাম-ই সর্বশ্রেষ্ঠ ধর্ম, তখন এ কথা বলা যাবে না তাঁরা মুসলিম হয়ে গিয়েছেন। কোনো কাফেরকে মুসলমান হতে হলে তাকে বলতে হবে – “আল্লাহ হাজির-নাযির আছেন। তিনি এক, অদ্বিতীয়। মুহাম্মদ সাল্লাল্লাহু আলাইহি ওয়া সাল্লাম আল্লাহর প্রেরিত রাসূল। তিনি তাঁকে পৃথিবীর শেষ সময় পর্যন্ত আগত সকল মানুষের জন্যে নবী হিসেবে প্রেরণ করেছেন। মহানবী ﷺ যা বলেছেন, তার সব কিছুতেই আমি বিশ্বাসী” এবং সাথে সাথেই ঈমানের ছয়টি ভিত্তি ও তেরিশটি ফরয শিখে নিয়ে তাতে বিশ্বাস করতে হবে। দ্বিতীয়তঃ বলা হয়েছিল যে “একটা কথা কিংবা কাজ থেকে

একশটা অর্থ।” যদি কোনো ব্যক্তির একশটা কথা কিংবা কাজের মধ্যে একটা কথা কিংবা কাজ ঈমান প্রতিফলন করে, আর বাকি নিরানব্বইটা যদি কুফর প্রতীয়মান করে, তবে সে-ই লোককে আমরা মুসলমান বলতে আদিষ্ট নই। কারণ, একজন লোকের শুধুমাত্র একটা কথা কিংবা কাজেও যদি কুফর প্রতিফলন করে এবং যদি সেটার মধ্যে কোনো ঈমান প্রতিফলনকারী অর্থ না থাকে, তাহলে তাকে কাফের হিসেবে বিবেচনা করা হবে। ঈমান প্রতীয়মানকারী তার অন্যান্য কথা কিংবা কাজ তাকে কুফর থেকে রক্ষা করতে পারবে না।

[ওহাবীদের প্রতি হিতবাণী ১ম খণ্ড সমাপ্ত]

ওহাবীদের প্রতি হিতবাণী (২য় খণ্ড)

মূল: আব্দুল্লাহ হুসাইন হিলমী ইশিক (তুরস্ক)

অনুবাদ: কাজী সাইফুদ্দীন হোসেন

ওহাবীদের আরম্ভ ও প্রসার [নিম্নোক্ত অধিকাংশ উদ্ধৃতি আইয়ুব সাবরী পাশার তুর্কী ভাষায় লিখিত ‘মিরাতুল হারামাইন’ গ্রন্থ থেকে সংকলিত]

৩৬/ — আরবীয় উপদ্বীপে উসমানীয় তুর্কী সালতানাতের শাসনামলে প্রতিটি প্রদেশই উসমানীয়দের দ্বারা নিযুক্ত একজন শাসক কর্তৃক শাসিত হতো। পরবর্তী পর্যায়ে হেজাজ (মক্কা-মদীনা) ছাড়া বাকি সব রাজ্য দখলকারীদের শাসনাধীন হয়ে যায় এবং ‘শায়খ’ শাসিত রাজ্যে পরিণত হয়।

মুহাম্মদ ইবনে আবদুল ওয়াহহাব কর্তৃক প্রবর্তিত ওহাবীবাদ নামক একটি বিদআতী আন্দোলন অতি সহসাই একটি রাজনৈতিক আকার ধারণ করে ১১৫০ হিজরী/১৭৩৭ইং সালে এবং আরব ভূখণ্ডে তা বিস্তৃতি লাভ করে। পরবর্তীকালে ইস্তাম্বুলে অবস্থিত খলীফার আদেশক্রমে মিশরীয় শাসনকর্তা মুহাম্মদ আলী পাশা মিশরীয় সৈন্যবাহিনীসহ আরব ভূখণ্ডকে ওহাবীদের হাত থেকে মুক্ত করেন।

ওহাবীরা সর্বপ্রথম ১২০৫ হিজরী সালে মক্কার আমির (শাসক) শরীফ আফেন্দীর বিরুদ্ধে যুদ্ধ ঘোষণা করে। এর আগে তারা গোপনে ওহাবীবাদ প্রচার করে। অতঃপর তারা বহু মুসলমানের ওপর হত্যাকাণ্ড ও অত্যাচার-নিপীড়ন আরম্ভ করে এবং তাঁদের মালামাল আত্মসাৎ করে।

ওহাবীবাদের প্রবর্তক হলো বণী তামিম গোত্রের মুহাম্মদ ইবনে আবদুল ওয়াহহাব। সে ১১১১ হিজরী/১৬৯৯ ঈসাব্দে নজদ মরুভূমির হুরাইমিলা শহরের উবায়না পল্লীতে জন্মগ্রহণ করে এবং ১২০৬ হিজরী/ ১৭৯২ ঈসাব্দে মৃত্যুবরণ করে। ইতোপূর্বে সফর ও ব্যবসার উদ্দেশ্যে সে বসরা, বাগদাদ, ইরান, ভারত ও দামেশক গিয়েছিল, যেখানে তার ধূর্ত ও ভাঁওতাবাজিপূর্ণ বিনয়ী মনোভাব তাকে ‘আশ শায়খ আন্ নজদী’ খেতাবটি অর্জনে সাহায্য করে। সে এ সব এলাকায় বহু বিষয় শিখতে পেরেছিল এবং নিজেকে একজন নেতা হিসেবে প্রতিষ্ঠিত করার স্বপ্নে বিভোর হয়েছিল। তার স্বপ্ন বাস্তবায়নের উদ্দেশ্যে সে একটি ধর্মীয় সংস্কার

আন্দোলন আরম্ভ করাকে যথাবিহিত মনে করে এবং এ লক্ষ্যে সে কিছুকাল মদীনা মুনাওয়ারার এবং পরবর্তীকালে দামেশকের হাম্বলী উলামা-এ-কেরামের দ্বিনী প্রভাষণসমূহ শ্রবণ করে। সে যখন নজদে ফিরে যায়, তখন সে গ্রামবাসীদের জন্যে দ্বিনী বিষয়ে ছোট ছোট বই লেখা আরম্ভ করে। তার ক্ষতিকর ও পথভ্রষ্ট ধ্যান-ধারণা, যা সে মু'তামিল ও অন্যান্য বিদআতী সম্প্রদায় হতে গ্রহণ করেছিল এবং এসব পুস্তিকায় সন্নিবেশিত করেছিল, তা বহু অজ্ঞ-মূর্খ গ্রামবাসীকে, বিশেষ করে দারিয়াবাসীদেরকে এবং তাদের মূর্খ নেতা মুহাম্মদ ইবনে সউদকে বিভ্রান্ত করে। আরব জাতি বংশ-পরিচয়কে অত্যন্ত শ্রদ্ধা করতো এবং যেহেতু ইবনে আবদুল ওয়াহহাব কোনো উচ্চ মর্যাদা ও খ্যাতিসম্পন্ন পরিবারের সন্তান ছিল না, সেহেতু সে তার ওহাবী মতবাদ প্রচারের জন্যে মুহাম্মদ ইবনে সৌদকে যুটিস্বরূপ ব্যবহার করে। সে নিজেকে কাজী (বিচারক) ও ইবনে সৌদকে হাকিম (শাসক) হিসেবে ঘোষণা করে। নিজেদের সংবিধানে সে এ মর্মে একটি আইন সন্নিবেশিত করে যে, শুধু তাদের সন্তানেরাই উত্তরাধিকারীস্বরূপ তাদের স্থলাভিষিক্ত হবে।

যখন 'মিরাতুল হারামাই' গ্রন্থটি ১৩০৬ হিজরী সালে প্রণীত হয়, তখন নজদের আমীর পদে সমাসীন ছিল মুহাম্মদ ইবনে সৌদের বংশধর আবদুল্লাহ ইবনে ফয়সাল এবং কাজী তথা ধর্মীয় বিষয়াবলীর প্রধান ছিল মুহাম্মদ ইবনে আবদুল ওয়াহহাবের বংশধর।

মুহাম্মদ ইবনে আবদুল ওয়াহহাবের পিতা আবদুল ওয়াহাব; যিনি মদিনায় একজন নেককার ও প্রকৃত আলেম ছিলেন, তিনি এবং ইবনে আবদুল ওয়াহহাবের ভাই সোলাইমান ইবনে আবদুল ওয়াহহাব এবং তার শিক্ষকগণ তার বক্তব্য, আচার-আচরণ ও মহাত্মা ধ্যান-ধারণা, যা সে মদীনায় একজন ছাত্র থাকাকালে তাঁদের সামনে অহরহ পেশ করতো, তা থেকে আঁচ করতে পেরেছিলেন যে, সে ভবিষ্যতে গোমরাহ-যিনদিক হয়ে যাবে এবং ইসলামের ভেতর অন্তর্ঘাতমূলক অপতৎপরতায় লিপ্ত হবে। তাঁরা তাকে তার ভ্রষ্ট ধ্যান-ধারণা শুধরাতে পরামর্শ দেন এবং তাকে এড়িয়ে চলার জন্যে মুসলমানদের প্রতি উপদেশ দেন। কিন্তু তাঁরা যা আশংকা করেছিলেন তা-ই অতি সত্বর বাস্তবে রূপ নেয় এবং সে ওহাবীবাদের নামে তার গোমরাহ মতবাদ প্রচার শুরু করে। বেওকুফ ও অজ্ঞ লোকদেরকে ধোকা দেয়ার জন্যে সে উলামায়ে ইসলামের কিতাবপত্রের সাথে অসঙ্গতিপূর্ণ সংস্কার ও বেদআতের উদ্ভাবন করে। আহলে সুন্নাত ওয়াল জামা'তের অনুসারী সত্যপন্থী মুসলমানদেরকে কাফের আখ্যা দিতে পর্যন্ত সে কুণ্ঠিত হয়নি। সে আমাদের নবী কারীম ﷺ ও আশ্বিয়ায়ে কেরাম (আ.) এবং আউলিয়ায়ে কেরাম (রহ.)-এর ওসীলায় আল্লাহ তা'আলার কাছে প্রার্থনা করাকে শিরক (অংশীবাদ) মনে করতো।

মুহাম্মদ ইবনে আবদুল ওয়াহহাবের মতে, যে ব্যক্তি কবরের কাছে দোয়া করার সময় বেসালপ্রাপ্তজনের প্রতি কথা বলে, সে মুশরিকে রূপান্তরিত হয়। সে আরও মত প্রকাশ করে যে, আল্লাহ ভিন্ন কাউকে প্রভাব সৃষ্টি বা প্রভাব বিস্তারকারী মনে করা, যথা- 'অমুক্ত ওম্মুধ নিরাময় করেছে' অথবা 'আমি রাসূলে পাক ﷺ বা অমুক ওলী-বুয়ূর্গের মাধ্যমে অভীক্ষা পূরণ করেছে' ইত্যাদি বলা শিরক এবং যে মুসলমান ব্যক্তি এ রকম বলবে সে মুশরিক হয়ে যাবে। যদিও নিজের গোমরাহ ও ফিতনাবাজ ধ্যান-ধারণাকে প্রতিষ্ঠা করার জন্যে ইবনে আবদুল ওয়াহহাবের পেশকৃত ভুয়া দলিলগুলো মিথ্যা ও কুৎসা ছাড়া আর কিছুই ছিল না, তবু সত্য ও মিথ্যার পার্থক্য

বুঝতে অপারগ অস্ত-মূর্খ লোকেরা এবং গুন্ডা-বদমায়েশ প্রকৃতির লোকেরা সহসা তার ধ্যান-ধারণাকে গ্রহণ করে নিলো, আর তার পক্ষ সমর্থন করলো। তারা নেককার মুসলমানদেরকে কাফের মনে করতে লাগলো।

যখন মুহাম্মদ ইবনে আবদুল ওয়াহহাব নিজের গোমরাহী সহজে দারিয়ার শাসকদের মাধ্যমে প্রচার করার উদ্দেশ্যে তাদের কাছে আবেদন জানালো, তখন তারা নিজেদের রাজ্যসীমা ও ক্ষমতা বৃদ্ধি লালসায় তাকে স্বেচ্ছায় সাহায্য করতে লাগলো। তারা তার নীতিভ্রষ্ট, পথভ্রষ্ট ধ্যান-ধারণা সর্বত্র প্রচার করার জন্যে সর্বশক্তি নিয়োগ করলো। তাদেরকে প্রত্যাখ্যানকারী ও তাদের বিরোধিতাকারীদের বিরুদ্ধে তারা যুদ্ধ ঘোষণা করলো। যখন ঘোষণা করা হলো যে অ-ওহাবীদের জান ও মাল হরণ করা হালাল, তখনই মরুভূমির দুর্নীতিপরায়ণ ভোগবাদী লোকেরা মুহাম্মদ ইবনে সৌদের সেনাবাহিনীতে যোগদানের জন্যে নিজেদের মধ্যে প্রতিযোগিতা আরম্ভ করে দিলো। ১১৪৩ হিজরী সালে মুহাম্মদ ইবনে সৌদ ও মুহাম্মদ ইবনে আবদুল ওয়াহহাব যৌথভাবে এ সিদ্ধান্তে উপনীত হলো যে যারা ওহাবীবাদকে গ্রহণ করবে না, তারা কাফের ও মুশরিক এবং তাই তাদেরকে হত্যা করা ও তাদের মালামাল হরণ করা হালাল (বৈধ)। তারা তাদের এ ঘোষণাটি প্রকাশ্যে প্রদান করে আরো সাত বছর পর (অর্থাৎ, ১১৫০ হিজরীতে)। অতঃপর ইবনে আবদুল ওয়াহহাব বত্রিশ বছর বয়সে ‘এজতেহাদ’ প্রয়োগ শুরু করে এবং চল্লিশ বছর বয়সে তার মিথ্যা ও বানোয়াট এজতেহাদ ঘোষণা করে।

সাইয়েদ আহমদ ইবনে যাইনী দাহলান মক্কী (রহ.) যিনি পবিত্র মক্কা নগরীর মুফতী ছিলেন, তিনি তাঁর “আল ফিতনাতুল ওহাবীয়্যা” নামের পুস্তিকায় ওহাবীদের গোমরাহ ধ্যান-ধারণা ও মুসলমানদের প্রতি তাদের অত্যাচার-নির্যাতনের বিস্তারিত বিবরণ লিপিবদ্ধ করেছেন। তিনি লিখেছেন: “মক্কা ও মদীনা শরীফের আহলে সুন্নাহের উলামায়ে কেরামকে খোকা দেবার জন্যে ওহাবীরা তাদের লোকদেরকে এ দুটো নগরীতে প্রেরণ করে। কিন্তু মুসলমান উলামাদের প্রশ্নের কোনো উত্তর এ সব লোক দিতে পারে নি। ফলে এটা সুস্পষ্ট হয়ে যায় যে ওহাবীরা মূর্খ ও গোমরাহ। তাদেরকে কাফের (অবিশ্বাসী) ফতোয়া প্রদান করে একটি রায় লিখিত হয় এবং সর্বত্র বিতরণ করা হয়। মক্কার আমির শরীফ মাসউদ ইবনে সাঈদ ওই ওহাবীদেরকে বন্দী করার আদেশ জারি করেন। কিছু ওহাবী দারিয়ায় পালিয়ে যায় এবং সেখানে নিজেদের পরিণতি সম্পর্কে খবর দেয়।” ( আল ফুতুহাতে আল ইসলামিয়া ২য় খণ্ড, ২৩৪ পৃষ্ঠা; কায়রো ১৯৬৮ ঈসাদি সংস্করণ)

চার মাসহাবের অন্তর্ভুক্ত হেজাজের উলামাবৃন্দ, বিশেষ করে ইবনে আবদুল ওয়াহহাবের ভাই শায়খ সোলাইমান ইবনে আবদুল ওয়াহহাব ও তার শিক্ষকবৃন্দ তার গোমরাহ বইপত্র অধ্যয়ন করে মুসলমানদেরকে সতর্ক করার উদ্দেশ্যে প্রমাণভিত্তিক খণ্ডনমূলক বইপত্র প্রণয়ন করেন এবং ঘোষণা করে দেন যে, ওহাবীবাদ গোমরাহ ও ক্ষতিকর। (ওহাবীদের প্রতি হিতবাণী , ১ম খণ্ডের ৫ম অধ্যায়ে শায়খ সোলাইমান ইবনে আবদুল ওয়াহহাবের রচিত ‘আস সাওয়াইকুল ইলাহিয়াতু ফীর রাদ্দিল ওহাবীয়্যাহ্’ গ্রন্থের উদ্ধৃতি দ্রষ্টব্য)

সুন্নী উলামাগণের এ সকল বই-পুস্তক কোনো কাজে আসে নি, বরং মুসলমানদের বিরুদ্ধে ওহাবীদেরকে ক্ষেপিয়ে তুলে এবং মুহাম্মদ ইবনে আবদুল ওয়াহহাবকে মুসলমানদের ওপর আক্রমণ পরিচালনা করে রক্তপাতের জন্যে উত্তেজিত করে তোলে। মুহাম্মদ ইবনে আবদুল ওয়াহহাব ‘বানু হানিফা’ নামক সেই আহাম্মক গোত্রভুক্ত ছিল, যে গোত্রটি মুসায়লামা কাযযাবের ‘নবুয়তে’ বিশ্বাস করতো। মুহাম্মদ ইবনে সৌদ ১১৭৮ হিজরী

(১৭৬৫ ঈসাব্দ) মৃত্যু বরণ করে এবং তার পুত্র আবদুল আযীয তার স্থলাভিষিক্ত হয়। আবদুল আযীয জনৈক শিয়া কর্তৃক দারিয়া মসজিদে ১২১৭ হিজরী (১৮০৩ ঈসাব্দ) তলপেটে ছুরিকা হত হয়ে মৃতুবরণ করে। অতঃপর তার পুত্র সৌদ ইবনে আবদুল আযীয ওহাবীদের নেতা হয়। এই তিন জনই ওহাবীবাদ প্রচারের উদ্দেশ্যে মুসলমানদের রক্ত ঝরাতে এমনভাবে সচেষ্ট ছিল যেন তারা পরস্পর প্রতিযোগিতা করছিল। ওহাবীরা বলে ইবনে আবদুল ওয়াহহাব এ মতবাদটি প্রচার করেছিল আল্লাহ পাকের একত্বে নিজ একনিষ্ঠ বিশ্বাস প্রতিষ্ঠার জন্যে এবং মুসলিমদেরকে শিরক হতে রক্ষা করার উদ্দেশ্যে। তারা অভিযোগ করে; মুসলমানগণ এর আগে দীর্ঘ ছয়শ বছর শিরক-এ লিপ্ত ছিল এবং তাই ইবনে আবদুল ওয়াহহাব মুসলমানদের ধর্মকে নবায়ন ও সংস্কার করার লক্ষ্যেই ওহাবী মতবাদ প্রবর্তন করে। সে তার ধ্যান-ধারণা সবাইকে গ্রহণ করার জন্যে সূরা আহকাফের ৫ম আয়াত, সূরা ইউনুসের ১০৬ আয়াত এবং রা'দ-এর ১৪নং আয়াত দলিলস্বরূপ উপস্থাপন করে। তবে এ ধরণের বহু আয়াত আছে এবং তাফসীরকার উলামাবৃন্দ সর্বসম্মতভাবে ঘোষণা করেন যে, এ সকল আয়াতের সবগুলোই মূর্তি পূজোরী অবিশ্বাসীদের উদ্দেশ্যে অবতীর্ণ হয়েছে।

মুহাম্মদ ইবনে আবদুল ওয়াহহাবের মতে, যদি কোনো মুসলমান ব্যক্তি নবী-ওলীগণের মাযারের সন্নিহিত কিংবা দূরে অবস্থান করে তাঁদের ইসতেগাসা তথা সাহায্য প্রার্থনা করে, তাহলে সে মূর্তি পূজোরী মুশরিকে রূপান্তরিত হবে। আল্লাহ তা'আলা মুশরিকদের পরিণতি সূরা যুমারের ৩নং আয়াতে বর্ণনা করেছেন। কিন্তু ওহাবীরা নবী-ওলীর মধ্যস্থতকারী মুসলমানদেরকে 'মুশরিক' আখ্যা দেয়ার জন্যে এ আয়াতটিকে দলিল হিসেবে পেশ করে থাকে। তারা দাবি করে থাকে যে, পূর্ববর্তী যমানার মূর্তি পূজোরী মুশরিকরাও বিশ্বাস করতো যে মূর্তিগুলো সৃষ্টি করতে সক্ষম ছিল এবং একমাত্র আল্লাহ তা'আলাই সকল বস্তুর সৃষ্টিকর্তা। তারা আরো দুইটি কুরআনের আয়াত পেশ করে থাকে যেখানে আল্লাহ পাক কাফেরদের কথা উদ্ধৃত করেন: “হে রাসূল ﷺ, আপনি যখন কাফেরদেরকে জিজ্ঞেস করবেন: কে (সৃষ্টিসমূহ) সৃষ্টি করেছে, তারা জবাব দেবে: আল্লাহ সৃষ্টি করেছেন।” (সূরা আনকাবুত ৬১ আয়াত, সূরা যুখরফ ৮৭ আয়াত) ওহাবীরা দাবি করে থাকে যে মক্কার কাফেররা আয়াতে উদ্ধৃত তাদের কথার জন্যে মুশরিক হয়ে যায় নি, বরং সূরা যুমারে উদ্ধৃত “আমরা মূর্তিগুলোর পূজো করছি যাতে তারা আল্লাহর কাছে আমাদের জন্যে শাফায়াত বা সুপারিশ করে”- তাদের এ কথার কারণেই মুশরিক হয়েছে। অতএব, মুসলমানগণও আয়াতে উদ্ধৃত একই কথা বলে নবী-ওলীগণের সাহায্য ও শাফায়াত প্রার্থনা করে মুশরিক হয়ে গিয়েছে।

উপর্যুক্ত আয়াতে করীমার আলোকে মুসলমানদেরকে কাফের-মুশরিকদের সাথে তুলনা করা মুহাম্মদ ইবনে আবদুল ওয়াহহাবের পক্ষে অত্যন্ত অযৌক্তিক ও আহাম্মকীপূর্ণ সিদ্ধান্ত এবং তা উদ্ভটও বটে। কেননা, কাফেররা মূর্তিকে পূজো করে থাকে যাতে মূর্তিগুলো সুপারিশ করতে পারে; তারা আল্লাহ তা'আলাকে বাদ দিয়ে মূর্তির কাছে প্রার্থনা মঞ্জুরের আবেদন জানিয়ে থাকে। অথচ আমরা মুসলমানরা নবী-ওলীগণের পূজো করি না, বরং আল্লাহ তা'আলার কাছ থেকেই সকল বস্তু আশা করে থাকি। আমরা নবী-ওলীগণকে ওয়াসিতা (বাহন) কিংবা ওয়াসীলা (মাধ্যম) বানিয়ে নিই। কাফেররা বিশ্বাস করে যে মূর্তিগুলো তাদের ইচ্ছানুযায়ী সুপারিশ করতে সক্ষম এবং আল্লাহ তা'আলাকে তাদের চাহিদানুযায়ী সৃষ্টি করতে বাধ্য করতেও সক্ষম। পক্ষান্তরে, মুসলমানগণ আউলিয়ায়্যে কেরামের সাহায্যপ্রার্থী হন এ কারণে যে, তাঁরা আউলিয়াগণকে আল্লাহ তা'আলার প্রিয় বান্দা হিসেবেই জানেন এবং যেহেতু আল্লাহ পাক তাঁর কুরআন মাজীদে ঘোষণা করেছেন- তিনি তাঁর এ সকল প্রিয়

বান্দাদের শাফায়াত ও দোয়া প্রার্থনার অনুমতি দিয়েছেন এবং তিনি তা কবুল করছেন, সেহেতু মুসলমানগণ এ শুভ সংবাদে বিশ্বাস রেখে তাঁদের শরণাপন্ন হয়ে থাকেন। মুসলিমগণ কর্তৃক আউলিয়ার কাছে সাহায্য প্রার্থনা এবং কাফের সম্প্রদায় কর্তৃক তাদের মূর্তির উপাসনা সমতুল্য কোনো বিষয়ই নয়। মুসলমানগণ ও কাফেররা মানব সুরতে একই রকম দেখতে, কিন্তু মুসলমানগণ হলেন আল্লাহ তা'আলার বন্ধু এবং তাঁরা চিরকাল বেহেশতে অবস্থান করবেন। অপর পক্ষে, কাফেররা আল্লাহ তা'আলার শত্রু এবং তারা চিরকাল জাহান্নামে অবস্থান করবে। মুসলমানগণ ও কাফেরদের বাহ্যিক সুরত এক রকম হলেও দুইয়ের অবস্থা কিন্তু এক রকম নয়। আল্লাহ তা'আলার শত্রু মূর্তিসমূহের প্রতি যারা আবেদন জানায় এবং আল্লাহর প্রিয় বান্দাদের কাছে যাঁরা নিবেদন পেশ করেন উভয়ে দেখতে একই রকম হলেও মূর্তিকে আবেদন জানিয়ে মুশরিক ব্যক্তিবর্গ জাহান্নামে গমন করবে, আর আউলিয়ার কাছে আবেদন জানিয়ে মু'মিনগণ আল্লাহ তা'আলাকে দয়ালু ও দাতা এবং ক্ষমাশীল হিসেবে পাবেন।

আউলিয়া (রহ.)-কে যেখানে স্মরণ করা হয়, সেখানে আল্লাহ তা'আলার রহমত তথা করুণা অবতীর্ণ হয়"- এ হাদীসটিও পরিস্ফুট করে যে, আউলিয়ায় কেবামকে শাফায়াত করার জন্যে আবেদন জানালে আল্লাহ তা'আলা দয়া ও ক্ষমা প্রদর্শন করবেন।

মুসলমানগণ বিশ্বাস করেন যে নবী-ওলীগণ অর্চনা পাওয়ার যোগ্য নন; তাঁরা খোদা নন কিংবা আল্লাহ তা'আলার শরীকও নন। মুসলমানগণ বিশ্বাস করেন তাঁরা হলেন আল্লাহ তা'আলার প্রিয় বান্দা যাঁরা পূজো-অর্চনা পাওয়ার যোগ্য নন। কিন্তু আমরা আরো বিশ্বাস করি যে, তাঁদের দোয়া ও সুপারিশ আল্লাহ তা'আলা কবুল করে থাকেন। মহান প্রভু বলেন: “আল্লাহর নৈকট্য অর্জনের জন্যে ওসীলা তথা মাধ্যম অন্বেষণ করো।” (সূরা মায়েরা, ৩৮) তিনি ওয়াদা করেছেন যে, তিনি তাঁর পুণ্যবান বান্দাদের দোয়া কবুল করবেন এবং তাঁরা যা চান তা-ই তিনি তাঁদেরকে মঞ্জুর করবেন। মুসলিম শরীফ, বুখারী শরীফ ও ‘কানযুদ্ দাকাইক’ কিতাবে উদ্ধৃত একটি হাদীস শরীফ ঘোষণা করে: ‘আল্লাহ তা'আলার এমন কিছু বান্দা আছেন যাঁরা কোনো বিষয়ে কসম করলে আল্লাহ পাক তা সৃষ্টি করে দেন; তিনি তাঁদেরকে মিথ্যা প্রতিপন্ন হতে দেন না।’(আল-হাদীস) মুসলমানগণ উপর্যুক্ত আয়াত ও হাদীসসমূহে বিশ্বাস করেন বিধায় তাঁরা আউলিয়ায় কেবামকে ওসীলা হিসেবে গ্রহণ করেন এবং তাঁদের কাছ থেকে দোয়া ও শাফায়াত তথা আধ্যাত্মিক সাহায্য আশা করে থাকেন। যদিও কিছু সংখ্যক কাফের স্বীকার করতো যে মূর্তিগুলো স্রষ্টা নয় এবং আল্লাহ তা'আলাই সকল বস্তুর স্রষ্টা, তবুও তারা দাবি করতো যে তাদের মূর্তিগুলো পূজো-অর্চনা পাওয়ার যোগ্য এবং মূর্তিগুলো তাদের ইচ্ছানুযায়ী আল্লাহ তা'আলাকে দিয়ে সৃষ্টি করাতেও সক্ষম। তারা মূর্তিগুলোকে আল্লাহর শরীক বানিয়ে নিতো। যদি কোনো ব্যক্তি আল্লাহ ভিন্ন অন্য কারো সাহায্য প্রার্থনা করে এবং বলে যে, সেই ব্যক্তি আপনাপনি সাহায্য করতে সক্ষম এবং সে যা চায় তাই ঘটবে, তাহলে সাহায্য প্রার্থনাকারী ওই ব্যক্তি কাফের হয়ে যাবে। কিন্তু যে ব্যক্তি সাহায্য প্রার্থনার সময় বলেন: ‘এই বুয়ূর্গ ব্যক্তির ইচ্ছানুযায়ী আমার মনোবাঞ্ছা পূরণ হবে না। কেননা তিনি মাধ্যম বা কারণমাত্র। আল্লাহ তা'আলা তাদেরকে পছন্দ করেন, যারা মাধ্যমসমূহ আঁকড়ে ধরে থাকে। মাধ্যম/কারণসমূহের দ্বারা সৃষ্টি করা তাঁরই একটি রীতি। আমি এই ওলীর কাছে সাহায্য প্রার্থনা করছি ওই মাধ্যম/কারণকে আঁকড়ে ধরার জন্যেই। কিন্তু আমি একমাত্র খোদা তা'আলার কাছ থেকেই আমার ইচ্ছা পূরণের আশা করি। রাসূলুল্লাহ ﷺ-ও মাধ্যম/কারণকে আঁকড়ে ধরেছিলেন। আমি তাঁর সুন্নাত অনুসরণ করেই

মাধ্যম/কারণকে আঁকড়ে ধরেছি”, সে ব্যক্তি সওয়াব হাসিল করেন। যদি তিনি তাঁর মনোবাঞ্ছা পূরণ করতে সক্ষম হন, তবে তিনি খোদা তা’আলার ফয়সালা ও কদরে (তকদীরে) আত্মসমর্পণ করেন। আউলিয়ায়ে কেরামের কাছে মুসলমানগণের দোয়া, সাহায্য ও শাফায়াত প্রার্থনার সাথে কাফেরদের মূর্তি পূজোর কোনো সাযুজ্যই নেই। একজন জ্ঞানী ও বুদ্ধিমান ব্যক্তি কখনোই এ দুটোকে এক পাল্লায় মাপতে পারবেন না এবং তিনি এ দুটোর পার্থক্য স্পষ্টভাবে উপলব্ধি করতে পারবেন। যা কিছু উপকারী এবং যা কিছু ক্ষতিকর, তার সবই একমাত্র আল্লাহ তা’আলাই সৃষ্টি করে থাকেন। তিনি ছাড়া আর কেউই উপাসনা পাওয়ার যোগ্য নয়। নবী, ওলি কিংবা সৃষ্টিসমূহ কেউই (আপনা হতে) সৃষ্টি করতে সক্ষম নন। আল্লাহ ছাড়া আর কোনো শ্রষ্টা নেই। একমাত্র আল্লাহ তা’আলাই সেই সকল বান্দাদের প্রতি করুণা করেন এবং তাঁদের মনোবাঞ্ছা পূরণ করে দেন যাঁরা তাঁর নবী-ওলী ও নেককার (সালেহীন) বান্দাদেরকে মধ্যস্থতাকারী হিসেবে স্থাপন করে তাঁদের নাম স্মরণ করেন। খোদা তা’আলা ও তাঁর প্রিয় নূর নবী ﷺ-ই এ কথা বলেছেন, এবং যেহেতু তাঁরা এটা বলেছেন, সেহেতু মুসলমানগণ এ কথায় বিশ্বাস করেন।

তবে মুশরিকরা তাদের মূর্তিগুলোকে ইলাহ্ অথবা মা’বুদ (উপাস্য) মনে করতে, যদিও তারা জানতো মূর্তিগুলো সৃষ্টি করতে অক্ষম। তাদের কেউ কেউ মুশরিক হয়েছে মূর্তিগুলোকে ‘ইলাহ্’ জেনে, আর কেউ কেউ মুশরিক হয়েছে সেগুলোকে মা’বুদ জেনে। তারা আল্লাহর কাছে তাদের মূর্তিগুলো শাফায়াত করবে মর্মে যে কথা বলেছে, তার জন্যে কিন্তু তারা মুশরিক হয় নি, বরং মূর্তিগুলোকে পূজো করার জন্যেই তারা কাফের-মুশরিক হয়েছে। সূরা যুমারের আয়াতটি ব্যাখ্যাকালে ‘তাহসীরে রুহুল বয়ান’ ওহাবীদের এই অভিযোগগুলো খণ্ডন করেছে। (আমার প্রণীত Sunni Path বইতে উক্ত উদ্ধৃতি সন্নিবেশিত হয়েছে – লেখক)

রাসূলুল্লাহ ﷺ বলেছেন: “এমন এক সময় আসবে যখন কাফেরদের প্রতি অবতীর্ণ আয়াতসমূহ মুসলিমদেরকে অপবাদ দেয়ার জন্যে ব্যবহৃত হবে।” তিনি অন্যত্র বলেন: “আমি আশংকা করি যে, কিছু লোক আবির্ভূত হয়ে আয়াতসমূহকে এমন উদ্দেশ্যে ব্যবহার করবে যা আল্লাহ তা’আলা অনুমোদন করেন না।” হযরত আবদুল্লাহ ইবনে উমর (রা.) হতে বর্ণিত এ দুটো হাদীস ভবিষ্যদ্বাণী করে যে, ওহাবী ও লা-মাযহাবী [বর্তমানে ‘সালারী’-অনুবাদক] সম্প্রদায় আবির্ভূত হবে এবং তারা কাফেরদের প্রতি অবতীর্ণ আয়াতসমূহ মুসলমানদের প্রতি আরোপ করবে, আর ফলস্বরূপ তারা কুরআনুল করীমেরও কুৎসা রটনা করবে। আল্লাহ তা’আলা যাঁদেরকে ভালোবাসেন বলে মুসলমানগণ বিশ্বাস করেন, তাঁদের মাযার/রওয়া-ই তাঁরা যেয়ারত করেন। আল্লাহর প্রিয় বান্দাদের মধ্যস্থতায় তাঁরা তাঁর নৈকট্য অন্বেষণ করেন। রাসূলে আকরাম ﷺ ও তাঁর সাহাবায়ে কেরামও অনুরূপ করতেন। রাসূলুল্লাহ ﷺ তাঁর দোয়ার মধ্যে বলতেন: “হে আমার আল্লাহ! আমি আপনার কাছে প্রার্থনা করি তাঁদের ওয়াস্তে যাঁরা আপনার কাছে চাইতেন।” (আল হাদীস) তিনি এ দোয়াটি তাঁর সাহাবীদেরকে শিক্ষা দিয়েছিলেন এবং তাঁদেরকে এটা ঘন ঘন পড়ার জন্যে আদেশও দিয়েছিলেন। মুসলমানগণ এ কারণেই এভাবে দোয়া করে থাকেন।

হযরত আলী (ক.)-এর মাতা ফাতেমা বিনতে আসাদকে কবরে দাফন করার সময় রাসূলে আকরাম ﷺ দোয়া করেন: “হে আমার আল্লাহ! আমার জন্যে মা ফাতেমা বিনতে আসাদকে ক্ষমা করে দিন। তাঁর প্রতি দয়া প্রদর্শন করুন আপনার নবী ﷺ ও পূর্ববর্তী নবীগণের (আ.) ওয়াস্তে। নিশ্চয়ই আপনি দয়ালুদের সেরা।”

রাসূলুল্লাহ ﷺ-এর কাছে জনৈক অন্ধ সাহাবী দৃষ্টিশক্তি প্রার্থনা করার পর তিনি তাঁকে দুই রাকআত নামাজ পড়ে নিম্নোক্ত দোয়াটি পাঠ করার নির্দেশ দেন: “হে আল্লাহ! আমি আপনার কাছে প্রার্থনা করি আপনারই প্রিয়নবী মোহাম্মদ সাল্লাল্লাহু আলাইহে ওয়া সাল্লামের মাধ্যমে, যিনি রহমতের নবী। হে রাসূল ﷺ! আমি আপনার মধ্যস্থতায় আমার প্রভুর শরণাপন্ন হলাম যাতে আমার প্রয়োজন পূরণ হয়। হে আল্লাহ! নবী কারীম ﷺ-কে আমার জন্যে সুপারিশকারী বানিয়ে দিন।” (তিরমিযী, ইবনে মাজা, মুসনদে ইমাম আহমদ হাম্বল, বায়হাকী, নাসায়ী প্রমুখ)

আল্লাহ তা'আলার নিষিদ্ধ গাছ হতে ফল খাওয়ার পর বেহেশত হতে সরনদ্বীপ বা শ্রীলংকায় অবতরণ করে হযরত আদম (আ.) দোয়া করেন: “হে আমার খোদা! আমার পুত্র মোহাম্মদ সাল্লাল্লাহু আলাইহি ওয়া সাল্লামের ভালোবাসার ওয়াস্তে আমাকে আপনি ক্ষমা করে দিন।” প্রত্যুত্তরে আল্লাহ তা'আলা ঘোষণা করেন: “হে আদম! তুমি যদি আসমান ও জমিনে অবস্থিত সকল সৃষ্টির জন্যে মোহাম্মদ সাল্লাল্লাহু আলাইহি ওয়া সাল্লামের মধ্যস্থতায় প্রার্থনা করতে, তাও আমি তোমার প্রার্থনা মঞ্জুর করতাম।”

হযরত উমর (রা.) হযরত আব্বাস (রা.)-কে সাথে নিয়ে তাঁর মাধ্যমে বৃষ্টির জন্যে প্রার্থনা করেছিলেন এবং তাঁর দোয়া কবুলও হয়েছিল। নবী কারীম ﷺ কর্তৃক ওই অন্ধ সাহাবীকে পাঠ করার জন্যে প্রদত্ত আদেশের (উপর্যুক্ত দোয়ার) মধ্যে ‘হে রাসূল ﷺ, আপনার মধ্যস্থতায়’ শব্দগুলো প্রতীয়মান করে যে, আউলিয়া (রহ.)-এর মধ্যস্থতায় প্রার্থনা করার সময় তাঁদের নাম উল্লেখ করাও বৈধ। সাহাবায়ে কেরাম (রা.) ও তাবেউনদের জীবনীর মধ্যে এ রকম এস্তার প্রামাণ্য দলিল আছে যা প্রতিভাত করে মাযার-রওয়া যেয়ারত করা, মাযারস্থ বুয়ূর্গানে দ্বীনের নাম উল্লেখ করে তাঁদের শাফায়াত প্রার্থনা করা এবং তাঁদেরকে ওসীলা করা জায়েয।

মুহাম্মদ ইবনে সুলাইমান আফেন্দী যিনি ইমাম ইবনে হাজার মক্কী (রহ.) প্রণীত ‘মিনহাজ’ গ্রন্থের ব্যাখ্যামূলক পুস্তক ‘তোহফা’-এর ওপর লিখিত তাঁর শরাহ (ব্যাখ্যা)-এর জন্যে সমধিক প্রসিদ্ধ, তিনি প্রমাণ করেছেন যে, ওহাবীবাদ একটি পথভ্রষ্ট ও ক্ষতিকর মতবাদ এবং ওহাবী বই-পুস্তকে কুরআনে পাকের আয়াতসমূহের অপব্যাখ্যা করা হয়েছে। তিনি লিখেছেন: “ওহে মুহাম্মদ ইবনে আবদুল ওয়াহাব! মুসলমানদের কুৎসা রটনা করো না। আমি আল্লাহর ওয়াস্তে তোমাকে বলছি, যদি কেউ আল্লাহ ভিন্ন অন্য কোনো স্রষ্টার কথা বলে, তবে তাকে সত্য কথাটি জানিয়ে দাও। দলিল দ্বারা প্রমাণ করে তাকে সঠিক রাস্তা দেখাও! মুসলমানদের তো কাফের বলা যায় না। তুমিও তো একজন মুসলমান। লক্ষ কোটি মুসলমানকে কাফের বলার পরিবর্তে একজনকে বলা-ই অধিক সঠিক। এটা নিশ্চিত, যে ব্যক্তি (মুসলমান) সমাজ হতে বিচ্যুত হয়, সে মহা বিপদে পড়েছে। সূরা নিসার ১১৪ নং আয়াত ঘোষণা করে: ‘হেদায়ত গ্রহণের পর যে ব্যক্তি নবী ﷺ-এর বিরুদ্ধাচরণ করে এবং ঈমানদার (বিশ্বাসী)-দের পথ হতে বিচ্যুত হয়, তাকে আমি তার বিচ্যুতির মধ্যে ছেড়ে দেবো এবং এরপর ভয়ংকর দোষখে নিষ্কেপ করবো।’ (আল-আয়াত) এ আয়াতটি আহলে সুন্নাত ওয়াল জামাআত হতে বিচ্যুত ওহাবীদের অবস্থা সম্পর্কে বর্ণনা দেয়।” (মুহাম্মদ ইবনে সুলাইমান আফেন্দী)

বহু হাদীস শরীফে বিবৃত হয়েছে যে, কবর যেয়ারত করা বৈধ। সাহাবায়ে কেলাম ও তাবেইনগণ ঘন ঘন রাসূলুল্লাহ ﷺ-এর রওযা যেয়ারত করতে যেতেন, আর এ যেয়ারতের প্রথাসমূহ ও ফযীলত বিষয়ে বহু বইপত্র লেখা হয়েছে।

কোনো ওলীর মাধ্যমে দোয়া করা, তাঁর নাম উল্লেখ করে তাঁর আধ্যাত্মিক সাহায্য (রুহানী মদদ) প্রার্থনা করা কোনোক্রমেই ক্ষতিকর নয়। নামোল্লেখকৃত ওলী নিজ ক্ষমতায় প্রভাব বিস্তার করতে পারেন কিংবা প্রার্থিত বস্তু প্রদান করতে পারেন অথবা গায়েব জানতে পারেন মর্মে বিশ্বাস করা কুফর। মুসলমানদেরকে এ বিশ্বাসের ধারক বলে দোষারোপ করা উচিত নয়, কেননা তারা এতে বিশ্বাস করেন না। মুসলমানগণ আল্লাহ তা'আলার প্রিয় বান্দাদেরকে আবেদন জানান শুধুমাত্র ওসীলা ও শাফায়াতকারী হবার জন্যে; আর দোয়ার জন্যেও। শুধুমাত্র আল্লাহ তা'আলাই প্রার্থিত বস্তু সৃষ্টি করে থাকেন। তাঁর প্রিয় বান্দাদেরকে দোয়া ও শাফায়াত করবার জন্যে আবেদন জানানো হয়, কেননা আল্লাহ তা'আলা এরশাদ করেছেন: “আমি যাঁদেরকে ভালোবাসি, তাঁদের দোয়া আমি কবুল করি।” বেসালপ্রাপ্তদেরকে প্রার্থিত বস্তু মঞ্জুর করার জন্যে আবেদন জানানো হয় না, বরং আল্লাহ তা'আলার সৃষ্টি প্রক্রিয়ায় মধ্যস্থতাকারী হবার জন্যেই আবেদন জানানো হয়। প্রকৃত (হাকিকী) অর্থে তাঁদেরকে প্রার্থিত বস্তু মঞ্জুর করার জন্যে আবেদন-নিবেদন জানানো বৈধ নয়। আর মুসলমানগণ তা করেনও না; কিন্তু তাঁদের মধ্যস্থতা গ্রহণ অবশ্যই বৈধ। ‘ইসতেগাসা’, ‘ইসতিশফা’ ও ‘তাওয়াসসুল’ শব্দগুলোর অর্থ হলো মধ্যস্থতা গ্রহণ।

প্রকৃত অর্থে একমাত্র আল্লাহ পাকই সকল বস্তু সৃষ্টি করে থাকেন। তবে এটা তাঁর একটি বিধান যে, তিনি কোনো কিছু সৃষ্টি করার সময় তাঁর কোনো এক সৃষ্টিকে মাধ্যম বা কারণ হিসেবে স্থাপন করেন। যে ব্যক্তি আল্লাহ তা'আলার দ্বারা কোনো বস্তু সৃষ্টি হতে দেখতে চায়, তার উচিত সেই বস্তু সৃষ্টির কারণকে ওসীলা করা। আশ্বিয়া (আ.) গণ সকলেই মাধ্যমসমূহকে আঁকড়ে ধরেছিলেন।

আল্লাহ তা'আলা মাধ্যমসমূহ আঁকড়ে ধরাকে প্রশংসা করেছেন এবং আশ্বিয়াগণও (আ.) তা আদেশ করেছেন। দৈনন্দিন ঘটনাবলী এর প্রয়োজনীয়তাকে প্রতীয়মান করে। কোনো ব্যক্তি যা চায়, তা অর্জনের জন্যে তার উচিত মাধ্যমসমূহকে আঁকড়ে ধরা। এ বিশ্বাস রাখা আবশ্যিক যে, একমাত্র আল্লাহ তা'আলাই তাঁর সৃষ্টি প্রক্রিয়ায় কারণ বা মাধ্যম সৃষ্টি করে থাকেন এবং মানুষদেরকে সেই সব কারণ বা মাধ্যমকে আঁকড়ে ধরতে উদ্বুদ্ধ করে থাকেন; আর মানুষেরা সেই সব কারণ বা মাধ্যমকে আঁকড়ে ধরলে তিনি কাঙ্ক্ষিত বস্তু সৃষ্টি করে থাকেন। যে ব্যক্তি এ বিশ্বাস পোষণ করেন, তিনি হয়তো বলতে পারেন: “আমি এই জিনিস অর্জন করেছি অমুক মাধ্যমকে আঁকড়ে ধরে।” এ কথার মানে এই নয় যে ওই কারণ/মাধ্যমটি সৃষ্টি করেছে; বরং এর অর্থ হলো আল্লাহ তা'আলা-ই ওই কারণ বা মাধ্যম দ্বারা সৃষ্টি করেছেন। উদাহরণস্বরূপ, ‘ওষুধ দ্বারা অসুখ নিরাময় হয়েছে’, ‘হযরত সাইয়েদাহ্ নাফিসার জন্যে কৃত আমার মানতটি দ্বারা আমার অসুস্থ আত্মীয়ের আরোগ্য লাভ হয়েছে’, ‘এই সূপ আমাকে তৃপ্ত করেছে’, ‘পানিটুকু আমার তৃষ্ণা মিটিয়েছে’ – এ সব বাক্য ইশারা করে যে, কারণগুলোর সবই ওসীলা বা ওয়াসিতা (মাধ্যম)। মুসলমানদের উচ্চারিত অনুরূপ কথাবার্তাকে তাঁরা অনুরূপ অর্থে গ্রহণ করেন বলে বিশ্বাস করাটা একান্ত আবশ্যিক। যে ব্যক্তি এ রকম বিশ্বাস করেন, তাঁকে কোনোক্রমেই কাফের আখ্যা দেয়া যায় না। ওহাবীরাও বলে থাকে যে, জীবিত ও উপস্থিতজনের কাছে কোনো কিছু প্রার্থনা

করা বৈধ। তারা পরস্পরের কাছে এবং সরকারি কর্মকর্তাদের কাছে বহু জিনিস চায়; এমন কি তারা তাদের কাছে আবেদন-নিবেদনও করে থাকে। তাদের মতে, জীবিতদের কাছে প্রার্থনা করা শিরক নয়, কিন্তু বেসালপ্রাপ্ত কিংবা অনুপস্থিতজনের কাছে আবেদন জানানো শিরক। কিন্তু আহলে সুন্নাহের উলামায়ে কেরামের মতে, কোনোটা-ই শিরক নয়। কেননা, এ দুটোর মধ্যে কোনো পার্থক্য-ই নেই। যেহেতু একটি শিরক নয়, সেহেতু অপরটিও শিরক নয়। প্রত্যেক মুসলমানই ঈমান ও ইসলামের মূলনীতিগুলোতে এবং শরীয়ত কর্তৃক প্রচারিত হালালকে হালাল ও হারামকে হারাম হিসেবে বিশ্বাস করেন। এটা নিশ্চিত, প্রত্যেক মুসলমানই এ মর্মে বিশ্বাস করেন যে একমাত্র খোদা তা'আলাই সকল বস্তু সৃষ্টি করে থাকেন; আর তিনি ছাড়া কোনো সৃষ্টিকর্তা নেই। যদি কোনো মুসলমান বলেন, “আমি নামায পড়বো না”, তা হলে বুঝতে হবে যে, তিনি সেই মুহূর্তের জন্যেই কেবল নামায পড়বেন না; অথবা সেই স্থানেই কেবল নামায পড়বেন না; অথবা তিনি ইতোমধ্যেই নামায পড়ে নিয়েছেন। কারোর পক্ষেই তাঁর প্রতি এ মর্মে কুৎসা রটনা করা উচিত হবে না যে, তিনি আর কখনো-ই নামায না পড়ার অঙ্গীকার ব্যক্ত করেছেন। কারণ তাঁর মুসলিম হওয়াটা-ই তাঁকে ‘কাফের’ কিংবা ‘মুশরিক’ হিসেবে আখ্যায়িত হওয়া থেকে রক্ষা করেছে। যে মুসলমান ব্যক্তি মায়ার-রওয়া যেয়ারত করেন এবং বেসালপ্রাপ্তদের কাছে শাফায়াত প্রার্থনা করেন অথবা মৌখিকভাবে বলেন: ‘হে রাসূল ﷺ! আমার জন্যে শাফায়াত করুন’, কিংবা ‘আমার অমুক প্রার্থনা মঞ্জুর করুন’, তাঁকে ‘কাফের’ অথবা ‘মুশরিক’ আখ্যা দেয়ার অধিকার কারোরই নেই। তাঁর মুসলমান হওয়াটাই ইঙ্গিত করে যে তাঁর কথা ও কাজ শরীয়ত অনুমোদিত বিশ্বাস ও কর্মের সাথে সঙ্গতিপূর্ণ।

উপর্যুক্ত ব্যাখ্যাসমূহের পূর্ণ উপলব্ধি দ্বারাই ওহাবী বিশ্বাস-সম্বলিত বইপত্রের মূলোৎপাতন সম্ভব হবে। উপরন্তু, ওহাবীরা যে গোমরাহ-পথভ্রষ্ট ও মুসলমানদের কুৎসা রটনাকারী এবং ইসলামের অন্তর্ঘাতী শত্রু, তা প্রমাণ করার জন্যে বহু কিতাব প্রণীত হয়েছে (এগুলোর তালিকা দেয়া হয়েছে লেখকের Endless Bliss গ্রন্থের ২য় খণ্ডে)।

ইয়েমেন দেশের যাবিদ-এর মরহুম মুফতী আল্লামা সাইয়েদ আবদুর রহমান লিখেছেন; ওহাবীদের গোমরাহী প্রমাণ করার জন্যে নিম্নোক্ত হাদীসটি-ই যথেষ্ট: “পূর্ব আরবে কিছু লোকের আবির্ভাব ঘটবে। তারা কুরআন তেলাওয়াত করবে, কিন্তু তার মর্মবাণী তাদের কণ্ঠনালির নিচে যাবে না (অর্থাৎ- হৃদয়ে পৌঁছবে না)। তারা ইসলাম ত্যাগ করবে, যেভাবে তীর ধনুককে ত্যাগ করে। তাদের মাথা মুণ্ডিত হবে।” (সিহাহ সিত্তাহ) ওহাবীদের মাথা মুণ্ডিত হওয়ায় প্রমাণিত হয় যে হাদীসে তাদের সম্পর্কেই ভবিষ্যদ্বাণী করা হয়েছে। এ হাদীস দেখার পর ওহাবীদের গোমরাহী সম্পর্কে নিশ্চিত হওয়ার জন্যে আর কোনো বইপত্রের প্রয়োজন পড়ে না। ইবনে আবদুল ওয়াহহাবের বই-পুস্তকে এ মর্মে আদেশ জারি করা হয়েছে যে, ওহাবীরা তাদের মাথা মুণ্ডিত রাখবে। বাকি বাহান্তরটি ভ্রান্ত দলের কোনোটাতে-ই এ রকম আদেশ বিদ্যমান নেই।

### এক মহিলা কর্তৃক ইবনে আবদুল ওয়াহহাবের নিরুত্তর হওয়ার ঘটনা

ইবনে আবদুল ওয়াহহাব নারীদেরকেও মাথার চুল ছেঁটে ফেলার আদেশ দিয়েছিল। একজন মহিলা তাকে বললেন: ‘দাড়ি যেমন পুরুষদের মূল্যবান অলংকার, তেমনি চুলও মহিলাদের অলংকার। আল্লাহ প্রদত্ত এ

রহমত হতে মানুষদের বঞ্চিত করা কি কারো পক্ষে শোভনীয়?’ ইবনে আবদুল ওয়াহহাব ওই মহিলার এ কথার কোনো সদুত্তর দিতে পারে নি।

যদিও ইবনে আবদুল ওয়াহহাবের প্রবর্তিত গোমরাহ মতবাদটিতে বহু ভ্রান্ত ও পথভ্রষ্ট ধ্যান-ধারণা বিরাজমান, তবুও ওহাবীদের ইসলাম হতে বিচ্যুতি মূলতঃ তিন ভাগে বিভক্ত:

প্রথমতঃ তারা বিশ্বাস করে আমল (পুণ্য কর্ম) ঈমানের একটি অংশ এবং যে ব্যক্তি একটি ফরয কাজ পরিত্যাগ করে (যথা- আলস্যবশতঃ নামায না পড়া, অথবা কার্পণ্যবশতঃ যাকাত না দেয়া, যদিও সে বিশ্বাস করে যে নামায ও আকাত ফরয), সে কাফের হয়ে যায় এবং তাকে হত্যা করতে হবে, আর তার মালামাল ওহাবীদের মধ্যে বিতরণ করতে হবে।

দ্বিতীয়তঃ ওহাবীরা বিশ্বাস করে নবী-ওলীগণের রুহ মোবারককে ওয়াসীলা বানানো এবং তাঁদের কাছে রুহানী মদদ তথা আধ্যাত্মিক সাহায্য প্রার্থনা করা শিরক। এ কারণে তারা ‘দালাইলুল খাইরাত’ নামক দোয়ার বইটি পড়তে নিষেধ করে থাকে।

তৃতীয়তঃ তারা বিশ্বাস করে মাযার-রওয়ার ওপর গম্বুজ নির্মাণ করা, সেখানে ইবাদত-বন্দেগীতে ও খেদমতে মশগুল ব্যক্তিদের জন্যে চেরাগ কিংবা মোমবাতি জ্বালানো এবং বেসালপ্রাপ্তদের রুহে সওয়াব পৌঁছিয়ে দেয়ার উদ্দেশ্যে নযর-মানত করা শিরক। তাদের মতে, এই তিনটি কাজ-ই আল্লাহ ভিন্ন অপর কারো পূজো করার মতো ব্যাপার।

ওহাবীরা যখন মক্কা ও মদীনা শরীফ আক্রমণ করে, তখন তারা রাসূলুল্লাহ ﷺ-এর রওয়া মোবারক ছাড়া সাহাবা-এ-কেরাম (রা.), আহলে বাইত (রা.), আউলিয়ায়ে কেরাম (রহ.) ও শহিদগণের মাযার-রওয়া ধ্বংস করে দেয়। তারা মাযারগুলোকে সনাক্ত করার অনুপযোগী করে ফেলে। যদিও তারা রাসূলুল্লাহ ﷺ-এর রওয়া মোবারককেও ধ্বংস করার চেষ্টা করেছিল, তবুও যারা শাবল হাতে নিয়েছিল তাদের কেউ কেউ পাগল হয়ে গিয়েছিল, আর কেউ কেউ পক্ষাঘাতগ্রস্ত হয়ে পড়েছিল। ফলে তারা আর তাদের বদ উদ্দেশ্য চরিতার্থ করতে পারে নি।

ওহাবীরা যখন মদীনা মুনাওয়ারা দখল করে, তখন বদমায়েশ ইবনে সৌদ সকল মুসলমানকে সমবেত করে মুসলমানদের সম্পর্কে জঘন্য উক্তি করে: ‘তোমাদের দ্বীনকে ওহাবী মতবাদ দ্বারা পূর্ণ করা হলো এবং আল্লাহ তা’আলা তোমাদের প্রতি সন্তুষ্ট হলেন। তোমাদের বাপ-দাদারা কাফের ও মুশরিক ছিল। তাদের দ্বীনকে অনুসরণ করো না। সবাইকে জানিয়ে দাও যে তারা কাফের ছিল। রাসূলুল্লাহ ﷺ-এর রওয়া মোবারকের সামনে দাঁড়িয়ে সাহায্য প্রার্থনা করা নিষিদ্ধ। রওয়ায়ে আকদাস অতিক্রমের সময় তোমরা শুধু ‘আস সালামু আলা মুহাম্মদ’ (ﷺ) বলবে। তাঁকে শাফায়াত করার জন্যে অনুরোধ করা যাবে না।’

৩৭/ — ওহাবী মতবাদ প্রচার করার উদ্দেশ্যে মুসলমান নিধনকারী আবদুল আযীয ইবনে মুহাম্মদ ইবনে সৌদ মক্কা মুয়াযযমায় ওহাবীবাদ প্রতিষ্ঠা করতে তিন জন ওহাবী মৌলবীকে ১২১০ হিজরী সালে সেখানে প্রেরণ করে। মক্কায় অনুষ্ঠিত বাহাসের সভায় আহলে সুন্নাহের আলেমবন্দ কুরআনের আয়াত ও হাদীস দ্বারা প্রমাণ করেন যে ওহাবীরা একটি মহাভ্রান্ত প্রথের ওপর বিচরণ করছে। ওহাবী প্রতিনিধিরা এর কোনো জবাবই দিতে পারে নি। সত্যকে স্বীকার করা ছাড়া তাদের আর গত্যন্তর ছিল না। তারা এ মর্মে একটি দীর্ঘ ঘোষণাপত্র লিখে যে, আহলে সুন্নাহই সত্য, সঠিক মতাদর্শ এবং ওহাবীবাদ গোমরাহ-পথভ্রষ্ট একটি মতবাদ। ঘোষণাপত্রে তিন জন ওহাবীই স্বাক্ষর করে। কিন্তু আবদুল আযীয মৌলবীদের কথায় কর্ণপাত করলো না, কেননা সে রাজনৈতিক স্বার্থ সিদ্ধির জন্যে মাঠে নেমেছিল এবং নেতাগিরির স্বাদ বর্ধিত হারে গ্রহণের কু-মতলব এঁটেছিল। ওহাবী মতবাদের ছত্রছায়ায় সে দিনকে দিন মুসলমানদের ওপর জুলুম-অত্যাচারের মাত্রা বৃদ্ধি করতে লাগলো।

মক্কার মুসলমানদেরকে পরাস্ত করার লক্ষ্যে তিন জন ওহাবী মৌলবী বিশটি দফা পেশ করেছিল। উপর্যুক্ত তিনটি শ্রেণীতে এই বিশটি দফা সন্নিবেশিত রয়েছে। ইবনে আবদুল ওয়াহহাব বলেছে, ইবাদত যে ঈমানের একটি অঙ্গ তার সপক্ষে ইমাম আহমদ ইবনে হাম্বলের এজতেহাদ ছিল। কিন্তু ইমাম আহমদ (রহ.)-এর সকল এজতেহাদই বইপত্রে লিপিবদ্ধ ছিল এবং মক্কার সুন্নী উলামায়ে কেবল সেগুলো বিস্তারিত জানতেন। ফলে তাঁরা সহজেই ওই তিন ওহাবীর কাছে প্রমাণ করেন যে, ইবনে আবদুল ওয়াহহাবের দাবি সম্পূর্ণ ভুয়া ও বানোয়াট।

ওই তিন জন ওহাবী মৌলবী তাদের দ্বিতীয় বিশ্বাসটি সম্পর্কে অতিমাত্রায় নিশ্চিত ছিল। তারা বলেছিল, ‘মক্কার মুসলমানরা রাসূলুল্লাহ ﷺ ও আবদুল্লাহ ইবনে আব্বাস (রা.) এবং শায়খ মাহজুব (রহ.)-এর রওযা যেয়ারত করে বলেন: ‘এয়া রাসূলুল্লাহ ﷺ! কিংবা ‘হে ইবনে আব্বাস (রা.)’ অথবা ‘ওহে শায়খ মাহজুব (রহ.)’। [শায়খ মাহজুব সাইয়েদ আবদ আল-রাহমান তাঁর সময়কার মহা জ্ঞানী আলেম; বেসালপ্রাপ্ত হন ১২০৪ হিজরী সালে এবং মু’আল্লা কবরস্থানে তাঁকে দাফন করা হয়] অথচ আমাদের ইমাম ইবনে আবদুল ওহাবের এজতেহাদ অনুযায়ী যারা মুখে ‘লা ইলাহা ইল্লাল্লাহ মোহাম্মাদুর রাসূলুল্লাহ’ বলে কিন্তু আল্লাহ ভিন্ন অন্য কারো কাছে প্রার্থনা করে তারা কাফেরে পরিণত হয়। তাদেরকে হত্যা করা এবং তাদের মালামাল বাজেয়াপ্ত করা হালাল।’ আহলে সুন্নাহের উলামাগণ প্রত্যুত্তরে বলেন, “আল্লাহ তা’আলার প্রিয় বান্দাদের মাযার-রওযা যেয়ারত করে তাঁদেরকে ওসীলা করা এবং তাঁদের কাছে আধ্যাত্মিক সাহায্য প্রার্থনা করা তাঁদেরকে পূজো করার শামিল নয়। তাঁদেরকে পূজো করার উদ্দেশ্যে যেয়ারত করা হয় না, বরং তাঁদের মধ্যস্থতায় আল্লাহর কাছে প্রার্থনা করার জন্যেই যেয়ারত করা হয়। অর্থাৎ, তাঁদেরকে কারণ ও মাধ্যমস্বরূপ আঁকড়ে ধরা হয়। উলামায়ে আহলে সুন্নাহ দলিল দ্বারা প্রমাণ করেন যে মাধ্যমসমূহকে আঁকড়ে ধরা বৈধ এবং স্থলবিশেষে অপরিহার্য।

আউলিয়ায়ে কেব্রামের মাযার-রওযা যেয়ারত করে তাঁদের তাওয়াসসুল করা কিংবা তাঁদের রুহানী মদদ কামনা করা যে বৈধ, তা প্রতীয়মানকারী বহু প্রামাণ্য দলিল বিদ্যমান। সূরা মায়েদার ৩৮নং আয়াতটিতে বলা হয়েছে: ‘হে মু’মিন সম্প্রদায়! আল্লাহকে ভয় করো এবং তাঁর নৈকট্য অর্জনের উদ্দেশ্যে ওসীলা (মাধ্যম) অন্বেষণ করো।’ (আল-আয়াত) সকল তাফসীর কিতাবেই লিপিবদ্ধ আছে, আল্লাহ তা’আলা যে বস্তুকে কিংবা ব্যক্তিকে পছন্দ করেন অথবা অনুমোদন করেন, তা-ই ওসীলা। সূরা নেসার ৭১নং আয়াতটিতে বলা হয়েছে: ‘যে ব্যক্তি রাসূল ﷺ-এর তাবেদারি (আনুগত্য) করলো, সে প্রকৃতপক্ষে আল্লাহ তা’আলার-ই তাবেদারি করলো।’ (আল-

আয়াত) এ কারণেই পূর্বোক্ত আয়াতোল্লিখিত ‘ওসীলা’ হলেন রাসূলুল্লাহ ﷺ। এটা অধিকাংশ উলামায়ে কেরামেরই অভিমত। সুতরাং, আশিয়াগণের (আ.) ওসীলা করা এবং তাঁদের উত্তরাধিকারী উলামা-এ-হক্কানীগণের ওসীলা করা ও তাঁদের সাহায্য দ্বারা আল্লাহ তা’আলার সান্নিধ্য অর্জনের চেষ্টা করা বৈধ। যদি ওহাবীদের কথানুযায়ী নবী করিম ﷺ-এর কাছে প্রার্থনা জানানো শিরক হতো, তবে যাঁরা সালাত কায়েম করেন (নামায পড়েন), তাঁরা সবাই কাফের হয়ে যেতেন। ওহাবীরা নিজেরাও হযরত মোহাম্মদ ইবনে সুলাইমানের ওপরে উদ্ধৃত লেখার আলোকে কাফের হয়ে যেতো। কেননা, প্রত্যেক মুসলমানকেই প্রতি ওয়াজের নামাযে আন্তাহিয়্যাতু পাঠের সময় “আস্ সালামু আলাইকা ইয়া আইয়্যুহান নাবীয়্যু ওয়া রাহমাতুল্লাহ” – এ বাক্যটি উচ্চারণ করে রাসূলুল্লাহ ﷺ-এর প্রতি সালাত-সালাম পড়তে হয়।

মাযার যেয়ারত করে আউলিয়া (রহ.)-এর মাধ্যমে আল্লাহর কাছে প্রার্থনা করা অত্যন্ত উপকারী। কারণ, ইবনে আসাকির (রহ.) বর্ণিত ও ‘কানযুদ্ দাকাইক’ গ্রন্থে লিপিবদ্ধ একটি হাদীসে বলা হয়েছে, “এক মু’মিন তার অপর মু’মিন ভাইয়ের আয়নাস্বরূপ।” আদ্ দারু কুতনী বর্ণিত আরেকটি হাদীসে বলা হয়েছে : “এক মু’মিন অপর মু’মিনের আয়না।” (আল হাদীস) এ সকল হাদীস থেকে উপলব্ধি করা যায় যে রুহসমূহ পরস্পরের আয়নাস্বরূপ, যা দ্বারা পরস্পরকে পরস্পর দেখতে পায়। কোনো ওলীর মাযার যেয়ারত করে তাঁর সম্পর্কে ধ্যানমগ্ন ও তাঁকে ওসীলাকারী ব্যক্তির কলবে (অন্তরে) ওই ওলীর রুহ হতে সান্নিধ্য প্রবাহিত হয়। দুই রুহের মধ্যে দুর্বল রুহ শক্তি অর্জন করে। তবে যদি কবরস্থ রুহ দুর্বল হয়, তাহলে যেয়ারতকারীর রুহ ক্ষতিগ্রস্ত হয়। এ কারণেই ইসলামের সূচনালগ্নে কবর যেয়ারত নিষিদ্ধ করা হয়েছিল; কেননা, তখনকার মৃতরা সবাই জাহেলীয়া যুগের মানুষ ছিল। মুসলমানগণ ইস্তিকাল করার পরই কবর যেয়ারত বৈধ হয়। নবী কারীম ﷺ কিংবা আউলিয়ায়ে কেরাম (রহ.)-এর মাযার-রওয়া যেয়ারতকালে মুসলমানদের উচিত তাঁদের কথা চিন্তা করা। একটি হাদীসে বলা হয়েছে : “বুযুর্গানে দ্বীনকে যেখানে স্মরণ করা হয়, সেখানে আল্লাহ তা’আলার রহমত অবতীর্ণ হয়।” (হাদীস) এ হাদীস থেকেও বোঝা যায় যে, আল্লাহ তা’আলা আউলিয়াগণের মাযার শরীফ যেয়ারতকারীদের প্রতি রহমত বর্ষণ করেন এবং তাঁর রহমতপ্রাপ্ত প্রিয় বান্দাদের দোয়া তিনি কবুল করেন। এটা নিশ্চিত যে, “আউলিয়াগণের মাযার যেয়ারত করা যাবে না এবং তাঁদেরকে ওসীলা হিসেবে গ্রহণ করা যাবে না” মর্মে ওহাবীদের ভিন্নমতের কোনো শরয়ী ভিত্তি-ই নেই। “হজ্জ সম্পাদন করে আমার রওয়া যেয়ারতকারী যেন আমার (প্রকাশ্য) জীবদ্দশায়ই আমার যেয়ারত করলো”- এই হাদীসটি ওহাবী ধারণাকে সমূলে উৎপাটিত করে এবং পরিস্ফুট করে যে, মাযার যেয়ারত করা অত্যন্ত জরুরী। এ হাদীসটি এর সমর্থনকারী দলিলসহ লিপিবদ্ধ আছে ‘কানযুদ্ দাকাইক’ গ্রন্থে।

“সেই সব মেয়েলোকের প্রতি লা’নত যারা কবর যেয়ারত করে; আর তাদের প্রতিও লা’নত যারা কবরের ওপর সালাত আদায় করে এবং কবরে মোমবাতি জ্বালায়”- এ হাদীসটিকে ওহাবীরা মাযার-রওয়া ধ্বংসের অজুহাত হিসেবে পেশ করে। তারা বলে যে নবী ﷺ-এর যমানায় এ রকম কোনো কিছুই অস্তিত্ব ছিল না। তারা নিম্নোক্ত হাদীসটি এতদুদ্দেশ্যে উদ্ধৃত করে: “যা আমাদের সময়কার নয় কিন্তু পরবর্তীকালে সন্নিবেশিত হবে, তা আমাদের নয়।” (হাদীস) ওহাবী প্রতিনিধিরা কিন্তু আহলে সুন্নাহের জ্ঞান বিশারদদের সাথে শেষ পর্যন্ত একমত হয়। কেননা, তাদের দ্বিতীয় দফার প্রতি প্রদত্ত জবাবটি তাদের তৃতীয় দফার এই সকল মন্তব্যকে খণ্ডন করে।

৩৮/ — ১২১০ হিজরী সালে যখন মক্কার সুন্নী উলামাবৃন্দ ওহাবী মৌলবীদেরকে লা-জওয়াব বানিয়ে দেন, তখন ওহাবীবাদ যে ইসলামবিরোধী ও ইসলামের শত্রুদের দ্বারা সৃষ্ট একটি অন্তর্ঘাতী ফিতনা এবং ওহাবীরা যে কাফের, তা প্রতীয়মানকারী আয়াত ও হাদীস-সম্বলিত একটি ঘোষণাপত্র মক্কার সুন্নী উলামাবৃন্দ প্রণয়ন করেন। ওই তিন জন ওহাবী মৌলবী তাদের ধর্মবিশ্বাস হতে তওবা করে ঘোষণাপত্রটিতে সমর্থনসূচক স্বাক্ষর করে। অতঃপর এ ঘোষণাপত্রের কপিসমূহ সকল মুসলমান রাষ্ট্রে প্রেরণ করা হয়। কতিপয় মক্কাবাসী ওহাবী লোক দারিয়্যার শাসকের কাছে গিয়ে তাকে জানায় যে ওহাবী প্রতিনিধিরা মক্কার উলামাবৃন্দকে খণ্ডন করতে ব্যর্থ হয়েছে এবং ওহাবীরা ইসলামের শত্রু মর্মে একটি ঘোষণাপত্র সকল মুসলমান রাষ্ট্রে প্রেরণ করা হয়েছে। এতে আবদুল আযীয ইবনে মুহাম্মদ ইবনে সউদ ও তার অনুসারীরা আহলে সুন্নাহের ওপর অত্যন্ত ক্ষুব্ধ হয় এবং ১২১৫ হিজরী সালে তারা মক্কা শরীফ আক্রমণ করে। মক্কার আমীর শরীফ গালিব ইবনে মুসা'ইদ ইবনে সাঈদ আফেন্দী তাদেরকে বাধা দেন। উভয় পক্ষে প্রচুর রক্তক্ষয় হয়। শরীফ গালিব আফেন্দী ওহাবীদেরকে মক্কায় প্রবেশ করতে না দিলেও মক্কার আশপাশে অবস্থিত আরবীয় গোত্রগুলো ওহাবীদের কাছে পরাভূত হয় এবং তাদেরকে ওহাবী মতবাদ গ্রহণ করতে বাধ্য করা হয়। আবদুল আযীয ১২১৭ হিজরী (১৮০৩ ঈসাব্দ) সালে দারিয়্যা মসজিদে জনৈক শিয়া মতাবলম্বী কর্তৃক তলপেটে ছুরিকাঘাত হয়ে মৃত্যুবরণ করে। অতঃপর তার পুত্র সউদ তার স্থলাভিষিক্ত হয়। ওই একই বছরের দুই ঈদের মধ্যবর্তী সময়ে সউদ একটি ওহাবী বাহিনীকে তায়েফ নগরীতে পাঠায়। তারা তায়েফীয় নারী ও শিশুদের প্রতি চরম যুলুম-অত্যাচার চালায়। [এই হৃদয় বিদারক ও অসহনীয় অত্যাচার সম্পর্কে জানতে শায়খ আহমদ যাইনী দাহলান মক্কীর 'খুলাসাতুল কালাম' ও আইয়ুব সাবরী পাশার 'তারিখ-এ-ওয়াহাবীয়ান' গ্রন্থগুলো পড়ুন]

তায়েফ নগরীর মুসলমান পুরুষ ও নারী এবং শিশুদের প্রতি ওহাবীদের অত্যাচার চালানো হয়েছিল ইসলামের শত্রু উসমান আল মুদায়িকী নামের এক যালেম ওহাবীর আদেশক্রমে। এই লোক এবং মুহসিন নামের আরেক জনকে শরীফ গালিব আফেন্দী দারিয়্যায় প্রেরণ করেছিলেন। তাদের ওপর দায়িত্ব অর্পিত হয়েছিল এ মর্মে যে, তারা ওহাবীদের সঙ্গে মুসলমানদের পূর্বে কৃত চুক্তিনামা বহাল রাখবে, যাতে করে ওহাবীরা মদীনা শরীফ আক্রমণ করে অত্যাচার-নিপীড়ন করা থেকে বিরত থাকে। কিন্তু উসমান ছিল এক বদমায়েশ ওহাবী দালাল, যে নাকি তার ভ্রাতৃ আকিদা শরীফ গালিব আফেন্দী থেকে গোপন করেছিল। সে তার সঙ্গী মুহসিনকে উচ্চ ও আকর্ষণীয় পদের প্রলোভন দেখিয়ে পথিমধ্যে ধোকা দেয়। দারিয়্যায় পৌঁছে তারা উভয়েই সউদ ইবনে আবদুল আযীযের কাছে নিজেদের চিন্তা-ভাবনা প্রকাশ করে দেয়। সউদ যখন দেখলো যে তারা উভয়েই তার দাসে পরিণত হয়েছে, তখন সে ওহাবী লুটেরাদেরকে তাদের অধীনে দিল। অতঃপর তারা তায়েফের কাছে 'আবিলা' নামক স্থানে গমন করে এবং সেখান থেকে শরীফ গালিব আফেন্দীর কাছে এ মর্মে একটি চিঠি প্রেরণ করে যে সউদ ও তারা (দুই বিশ্বাসঘাতক বদমায়েশ ওহাবী) পূর্ববর্তী চুক্তির কোনো তোয়াক্বা করে না এবং সৌদ মক্কা মোয়াযযমা আক্রমণ করতে প্রস্তুত হচ্ছে। শরীফ গালিব আফেন্দী তাদেরকে নরম ভাষায় উপদেশ দিয়ে চিঠিপত্র লিখেন। কিন্তু ইসলামের শত্রু বদমায়েশ উসমান চিঠিগুলো ছিঁড়ে ফেলে। আমীরের প্রেরিত মুসলমানদেরকে সে আক্রমণ করে বসে এবং তাঁদের পরাভূত করে। শরীফ গালিব আফেন্দী তায়েফ দুর্গে পশ্চাদপসারণ করেন এবং আত্মরক্ষামূলক ব্যবস্থা গ্রহণ করেন। ১২১৭ হিজরী সালের শাওয়াল মাসের শেষ দিকে ওই হিংস্র ওহাবী উসমান তার সৈন্যবাহিনীকে তায়েফের সন্নিকটস্থ 'মালিস' এলাকায় স্থাপন করে। সে 'বিশা' অঞ্চলের বদমায়েশ আমীর সালিম ইবনে শাকবানের সাহায্য প্রার্থনা করে। এ লোকটির পাষণ্ড হৃদয়ে ইসলামের প্রতি আরো গভীর

শত্রুতা প্রোথিত ছিল। সেলিমের বাহিনীতে যোগদানকারী প্রায় বিশ জন মরু গোত্রপতি ছিল, যাদের প্রত্যেকের অধীনে পাঁচ'শ করে ওহাবী বদমায়েশ ছিল। আর সেলিমের নিজস্ব বাহিনীতে ছিল এক হাজার ওহাবী দাঙ্গাবাজ শয়তান।

শরীফ গালিব আফেন্দী ও তায়েফীয় মুসলমানগণ সাহসিকতার সাথে মালিসে ওহাবী দাঙ্গাবাজদের ওপর আক্রমণ পরিচালনা করেন। তাঁরা ইবনে শাকবানের পনের'শ লুটেরাকে হত্যা করেন। সালিম ইবনে শাকবান ও তার বাহিনী মালিস হতে পলায়ন করে। কিন্তু তারা আবার ফিরে আসে এবং মালিস আক্রমণ করে। তারা শহরটি লুট করে। শরীফ গালিব আফেন্দী সামরিক সাহায্য গ্রহণের উদ্দেশ্যে জেদ্দা গমন করেন। অধিকাংশ তায়েফীয়-ই শঙ্কাগ্রস্ত হয়ে পড়েন এবং তাঁদের স্ত্রী-সন্তান নিয়ে তায়েফ দুর্গে অবস্থান গ্রহণকারী মুসলমানগণ একের পর এক অগ্রসরমান ওহাবী দলগুলোকে পরাভূত করেন; তবুও তাঁরা সন্ধির সাদা পতাকা উত্তোলন করতে বাধ্য হন। কেননা, শত্রুরা নিয়মিতভাবে বাইরে থেকে সাহায্য পাচ্ছিল। তাঁরা আত্মসমর্পণ করতে রাজি হন এ শর্তে যে, তাঁদের জান ও ইজ্জতকে হেফযত করা হবে। যদিও শত্রুরা দুর্বল হয়ে পড়েছিল এবং তাদের অনেকেই মৃত্যুবরণ করেছিল অথবা পালিয়ে গিয়েছিল, তবুও সন্ধির উদ্দেশ্যে প্রেরিত তায়েফীয় দূত, যে নাকি একজন নিচু জাতের বদমায়েশ লোক ছিল, সে ওহাবীদের পালিয়ে যেতে দেখে তাদের উদ্দেশ্যে চিৎকার করে বলে, “শরীফ গালিব আফেন্দী ভয়ে পালিয়ে গেছেন। আর তায়েফীয়দেরও কোনো শক্তি অবশিষ্ট নেই তোমাদেরকে প্রতিরোধ করার। তারা আমাকে পাঠিয়েছে এ কথা জানাতে যে তারা দুর্গটি সমর্পণ করবে এবং তারা তোমাদের কাছে ক্ষমাও প্রার্থনা করেছে। আমি ওহাবীদের পছন্দ করি। ফিরে এসো। তোমরা অনেক রক্তপাত করেছে। এটা ঠিক হবে না যদি তোমরা তায়েফ জয় না করে চলে যাও। আমি শপথ করছি তায়েফীয়রা অবিলম্বে দুর্গটি সমর্পণ করবে। তোমরা যা চাও তা-ই তারা স্বীকার করে নেবে।” এটা শরীফ গালিব আফেন্দীর মারাত্মক ভুল ছিল; ফলশ্রুতিতে তায়েফকে এমন মর্মান্তিকভাবে পরাভূত হতে হয়েছিল। তিনি যদি তায়েফে অবস্থান করতেন, তাহলে মুসলমানদেরকে ওই বিপর্যয় বরণ করতে হতো না। যেহেতু ‘বিশ্বাসঘাতকরা ভীতু’, সেহেতু ওহাবীরা প্রথমাবস্থায় বিশ্বাস করে নি যে তায়েফীয়রা এতো সহজেই আত্মসমর্পণ করবেন। কিন্তু দুর্গের ওপর সন্ধির পতাকা দেখতে পেয়ে তারা বিষয়টি তদন্ত করার জন্যে একজন ওহাবী প্রতিনিধিকে দুর্গে প্রেরণ করে। তায়েফীয় মুসলমানগণ একটি রশি দ্বারা ওই প্রতিনিধিকে টেনে দুর্গে তুলে নেন। অতঃপর প্রতিনিধি বলে, “তোমাদের জীবন রক্ষা করতে চাইলে তোমাদের সকল মালামাল এখানে এনে সমর্পণ করো।” ইব্রাহীম নামের জনৈক মুসলমানের সাহায্যে তাঁদের সকলের মালামাল সেখানে স্তম্ভীকৃত করা হয়। প্রতিনিধি এরপর বলে, “এটা যথেষ্ট নয়। এর দ্বারা তো আমরা তোমাদেরকে ক্ষমা করতে পারি না। তোমাদের আরো জিনিসপত্র দিতে হবে।” সে একটি নোট বই তাঁদের দিয়ে বলে, ‘যাঁরা মালামাল দেবে না, তাঁদের নাম এখানে তালিকাবদ্ধ করবে। পুরুষরা যেখানে যেতে চায় যেতে পারবে; নারী ও শিশুদেরকে শেকলাবদ্ধ করা হবে।’ যদিও তায়েফীয় মুসলমানগণ তাকে আরেকটু নরম ও বিবেচনাশীল হওয়ার জন্যে আবেদন-নিবেদন জানাতে লাগলেন, তবুও সে তার রক্ষতা ও নিপীড়ন বাড়িয়ে দিল। ইব্রাহীম আর সহ্য করতে না পেরে একটি প্রস্তর তার বুকে নিক্ষেপ করে তাকে হত্যা করলেন। এ ঘটনার ফলে ওহাবীরা দুর্গ আক্রমণ করে বসলো, যার দরুন তারা কামানের গোলা ও গুলীকে এড়িয়ে দুর্গের ফটক ভেঙ্গে অভ্যন্তরে প্রবেশ করতে সক্ষম হলো। তারা যাদের সামনে পেল সেই ভাগ্যহত নর-নারী ও কোলের শিশুদের তারা হত্যা করলো। রাস্তাগুলো রক্তের বন্যায় প্লাবিত হলো। ওহাবী মরদুদ চক্র প্রত্যেকটি ঘর লুট করলো। তারা সূর্যাস্ত পর্যন্ত উন্মত্ত

অবস্থায় তাদের আক্রমণ পরিচালনা করতে লাগলো। তবে দুর্গের পূর্বদিকের প্রস্তরনির্মিত ঘরগুলো দখল করতে ব্যর্থ হওয়ায় তারা সেগুলো অবরোধ করলো এবং এক ঝাঁক গুলি সেদিকে বর্ষণ করলো। একজন ওহাবী শয়তান চিৎকার করে বললো: “আমরা তোমাদের ক্ষমা করলাম। তোমরা তোমাদের স্ত্রী-সন্তান নিয়ে যেখানে ইচ্ছা যেতে পারো।” কিন্তু মুসলমানগণ আত্মসমর্পণ করলেন না। ইত্যবসরে ওহাবীরা স্থান ত্যাগ করতে আগ্রহী মুসলমানদেরকে একটি পাহাড়ে সমবেত করে সেই সকল খাঁটি মুসলিম পরিবারগুলোকে ঘিরে ধরে রাখলো যাঁরা বহু আদর-যত্নের মধ্যে বড় হয়েছিলেন এবং যাঁদের অধিকাংশই ছিলেন নারী ও শিশু। তাঁদেরকে ওহাবীরা বারোটি দিন খাদ্য ও পানি না দিয়ে এবং পাথর মেরে ও আঘাত করে হত্যা করলো। ওহাবীরা তাঁদের প্রত্যেককে পর্যায়ক্রমে প্রহার করে বলেছিল, ‘তোমাদের মালামাল কোথায় লুকিয়ে রেখেছ বলো।’ যারা তাদের কাছে প্রাণ ভিক্ষা চেয়েছেন তাঁদেরকে তারা কর্কশ কণ্ঠে চৈঁচিয়ে বলেছে, “তোমাদের মরণের দিন সামনে আসছে!”

বর্বর ইবনে শাকবান বারোটি দিন প্রস্তর নির্মিত ঘরগুলো দখল করতে চেষ্টা করে ব্যর্থ হওয়ার পর ওয়াদা করে যে, যাঁরা বের হয়ে এসে অস্ত্র সমর্পণ করবেন, তাঁদেরকে ক্ষমা করা হবে। মুসলমানগণ তার কথায় বিশ্বাস করে বেরিয়ে আসেন, কিন্তু তাঁদেরকেও পেছনে হাত বেঁধে ওই পাহাড়টিতে অবরুদ্ধ মুসলমানদের কাছে নিয়ে যাওয়া হয়। তিন’শ সাতষট্টি জন মুসলমান নর-নারী ও শিশুকে ওই পাহাড়ে নৃশংসভাবে হত্যা করা হয়। শহিদদের মরদেহগুলোকে ওহাবীরা পশু দ্বারা পদদলিত করায় এবং দাফন না করে মাংসভোজী জন্তু ও পাখিদের জন্যে লাশগুলো ফেলে রেখে যায়। তারা ফটকের সামনে সকল লুণ্ঠিত মালামাল স্তূপ করে এবং লুণ্ঠিত দ্রব্যসামগ্রীর এক-পঞ্চমাংশ সউদের খেদমতে পেশ করে এবং বাকি অংশ নিজেদের মধ্যে ভাগাভাগি করে নেয়। ওহাবীদের দ্বারা ও বৃষ্টির কারণে গণনাভীত অর্থ ও মালামাল হারিয়ে যাওয়ার পর মুসলমানদের হাতে খুব অল্প পরিমাণ অর্থ অবশিষ্ট থাকে; মাত্র চল্লিশ হাজার স্বর্ণ রিয়াল। দশ হাজার রিয়াল মহিলা ও শিশুদের মাঝে বিরতণ করা হয় এবং বাকি মালামাল খুব অল্প দামে বিক্রি করা হয়।

ওহাবীরা কুরআন, হাদীস ও অন্যান্য দ্বীনী কিতাব যেগুলো তারা বিভিন্ন পাঠাগার, টাঙ্কা (খানকাহ) ও ঘর-বাড়ি থেকে বের করে এনেছিল, সেগুলো মাটিতে ছুঁড়ে ফেলে দেয়। তারা স্বর্ণ মোড়ানো চামড়ার কুরআনের মোড়ক দ্বারা স্যাগুেল তৈরি করে এবং সেগুলো নিজেদের নোংরা পায়ে পরে। এ সব চামড়ার মোড়কে কুরআনের আয়াত ও দোয়া-কালাম লেখা ছিল। ওই সকল মহামূল্যবান কিতাবের পাতাসমূহ এতো বেশি পরিমাণে মাটিতে ছুঁড়ে ফেলা হয়েছিল যে তায়েফের রাস্তাগুলোতে পা রাখার মতো আর কোনো খালি জায়গা-ই ছিল না। যদিও ইবনে শাকবান ওহাবী দস্যুদেরকে কুরআন মাজীদ ছিঁড়তে নিষেধ করেছিল, তবুও ওহাবী দস্যুরা যাদেরকে লুণ্ঠনের উদ্দেশ্যে মরুভূমি থেকে সংগ্রহ করা হয়েছিল এবং যারা কুরআন সম্পর্কে কিছুই জানতো না, তারা যতোগুলো কুরআনের কপি পেয়েছিল তার সবই ছিঁড়ে ফেলেছিল এবং পদদলিত করেছিল। শুধু তিন কপি কুরআন ও এক কপি সহীহ বোখারী শরীফ সারা তায়েফ নগরীতে রক্ষা পায়।

### একটি মু’জযা

ওহাবীরা যখন তায়েফ ধ্বংস করে, তখন আবহাওয়া শান্ত ছিল। কোনো বাতাস বইছিল না। ওহাবী দস্যুরা চলে যাওয়ার পরপরই একটি ঝড় শুরু হয় এবং কুরআন-হাদীস ও দ্বীনী কিতাবপত্রের পাতাগুলোকে বাতাস উড়িয়ে নিয়ে যায়। সহসা মাটিতে আর কোনো পাতাই অবশিষ্ট রইলো না। কেউই জানে না ওগুলোকে কোথায় নেয়া হয়েছে।

খরতাপময় সূর্যের নিচে পাহাড়ে শাহাদাতপ্রাপ্তদের দেহগুলো ১৬ দিনেই নষ্ট হয়ে গেল; পরিবেশও দুর্গন্ধময় হয়ে গেল। মুসলমানগণ ইবনে শাকবানের কাছে কান্নাকাটি করে নিজেদের মৃত আত্মীয়-স্বজনকে দাফন করার অনুমতি প্রার্থনা করতে লাগলেন। অবশেষে সে রাজি হলো। অতঃপর মুসলমানগণ দুইটি বড় গর্ত খুঁড়ে তাঁদের শাহাদতপ্রাপ্ত পিতা, মাতা, ভাই, বোন, আত্মীয়-পরিজন ও সন্তানদেরকে এক সাথে সেখানে দাফন করলেন। তখন আর সনাক্ত করার মতো কোনো মরদেহ অবশিষ্ট ছিল না; কারণ হিংস্র প্রাণী ও পক্ষীর দ্বারা আক্রান্ত হওয়ায় বহু মরদেহেরই অর্ধেক নয়তো এক-চতুর্থাংশই অবশিষ্ট ছিল মাত্র। ওহাবীরাও দুর্গন্ধে অস্বস্তি বোধ করছিল বিধায় মরদেহগুলোকে দাফন করার অনুমতি দিয়েছিল। মুসলমানগণ সর্বত্র খুঁজে খুঁজে ওই সব মরদেহ দাফন করতে সমর্থ হলেন।

ওহাবী দুর্বৃত্তরা শহিদ মুসলমানদের ওপর প্রতিশোধ গ্রহণ ও বে-আদবি প্রদর্শনের জন্যেই মরদেহগুলোকে পচার আগে দাফন করতে দেয় নি। কিন্তু একটি পংক্তিতে যেমন বলা হয়েছে:

**“তোমাদের পতনের জন্যে দুঃখ করোনা, পতনই আনবে উত্থান,  
কোনো ইমারত ধ্বংসের মুখোমুখি হলেই করা হয় তার সংরক্ষণ।”**

ঠিক তদ্রূপ আল্লাহর কাছেও শহীদের মর্যাদা বৃদ্ধি পায় তখনই, যখন তাঁদের মরদেহকে দাফন করা হয় না এবং হিংস্র জীব-জন্তুর শিকার হবার জন্যে ফেলে রাখা হয়।

ইসলামের শত্রু ওহাবী দস্যুরা মুসলমান নিধনযজ্ঞ ও তাঁদের মালামাল লুট করার পর সাহাবায়ে কেরাম (রা.), আউলিয়া-এ-কেরাম (রহ.) ও উলামায়ে হাক্বানীবৃন্দের মাযার-রওয়াকে সম্পূর্ণভাবে ধ্বংস করে দেয়। কিন্তু যখন তারা মহান সাহাবী এবং নবী কারীম ﷺ-এর প্রিয় সাথী হযরত আবদুল্লাহ ইবনে আব্বাস (রা.)-এর পবিত্র দেহকে খুঁড়ে বের করে আঙনে পোড়বার অসৎ উদ্দেশ্যে তাঁর মাযারে প্রথম শাবলের আঘাত হানলো, ঠিক তখনি তারা মাযার থেকে নিঃসৃত সুগন্ধির ঘ্রাণ পেয়ে ভীত-সন্ত্রস্ত হয়ে পড়লো। তারা বললো, “এ কবরটিতে একটি বড় শয়তান আছে। এটাকে খুঁড়তে সময় নষ্ট না করে আমাদের উচিত হবে এটাকে ডিনামাইট দিয়ে উড়িয়ে দেয়া।” যদিও তারা বহু বারুদ ব্যবহার করে চেষ্টার ক্রটি করলো না, তবুও ওই বারুদ বিস্ফোরিত হলো না এবং তারা আশ্চর্যান্বিত হয়ে স্থান ত্যাগ করলো। এরপর মাযারটি কিছু বছর মাটির সাথে সমান অবস্থায় পড়েছিল। অতঃপর সাঈদ ইয়াসিন আফেন্দী খুব সুন্দর একটি ফলক স্থাপন করে বরকতময় মাযারটিকে বিস্মৃতি হতে রক্ষা করেন।

ওহাবী বদমায়েশরা সাঈদ আবদুল হাদী আফেন্দী এবং আরো বহু আউলিয়ার মাযার-রওযা খুঁড়তে চেষ্টা করেছিল, কিন্তু তাঁদের প্রত্যেকেই কারামত প্রদর্শন করে ওহাবীদেরকে বাধা দেন। ওহাবীরা নিজেদের অসৎ উদ্দেশ্য চরিতার্থ করতে অস্বাভাবিক অসুবিধার সম্মুখীন হওয়াতে এ অপচেষ্টা পরিত্যাগ করে।

উসমান আল মুদায়িকী ও ইবনে শাকবান মাযারগুলোর সাথে মসজিদ ও মাদ্রাসাও ধ্বংস করার আদেশ জারি করেছিল। আহলে সুন্নাহের আলেম ইয়াসিন আফেন্দী তাদের বলেছিলেন, “তোমরা কেন মসজিদ ধ্বংস করতে চাও, জামাতে নামাজ আদায়ের জন্যে যা নির্মাণ করা হয়েছে? যদি তোমরা হযরত আবদুল্লাহ ইবনে আব্বাস (রা.)-এর মাযার এখানে অবস্থিত হওয়ার কারণে এ মসজিদটি ধ্বংস করতে চাও, তাহলে আমি তোমাদেরকে বলছি, তাঁর মাযারটি বড় মসজিদের বাইরে অবস্থিত। অতএব, মসজিদটি ধ্বংস করা প্রয়োজনীয় নয়।” উসমান আল মুদায়িকী ও ইবনে শাকবান নিরুত্তর হয়ে গেল। কিন্তু ওহাবীদের মধ্যে জনৈক ‘যিনদিক’ মাতু একটি উদ্ভট মন্তব্য পেশ করলো, “যা সন্দেহজনক, তা-ই ধ্বংস করতে হবে।” অতঃপর ইয়াসিন আফেন্দী জিজ্ঞেস করলেন, “মসজিদ সম্পর্কে কি কোনো সন্দেহ আছে?” ওহাবী বদমায়েশটি নিরুত্তর হয়ে গেল। দীর্ঘ নিরবতার পর উসমান আল মুদায়িকী বললো, “আমি তোমাদের কারো সাথে একমত নই।” এরপর সে আদেশ দিলো, “মসজিদ স্পর্শ করো না, মাযারটি ধ্বংস করো।”

৩৯/ — যদিও ওহাবী বদমায়েশরা তায়েফ নগরীতে প্রচুর মুসলমানের রক্ত ঝরিয়ে মক্কা মোয়াযযমা আক্রমণ করেছিল, তবুও তারা নগরীর অভ্যন্তরে প্রবেশ করতে সাহস করেনি। কেননা, তখন হজ্জের সময় ছিল এবং মক্কা নগরীতে বিপুল সংখ্যক হাজ্জীর সমাগম হয়েছিল। শরীফ গালিব আফেন্দী সৈন্যবাহিনী গড়বার জন্যে জেদ্দায় গিয়েছিলেন এবং মক্কাবাসীগণ তায়েফের হৃদয় বিদারক ঘটনাবলীতে ভীত-সন্ত্রস্ত হয়ে ওহাবীদের নেতার কাছে জুলুম-অত্যাচার না করার জন্যে আবেদন জানিয়ে একটি প্রতিনিধি দল প্রেরণ করেন। ওহাবীরা ১২১৮ হিজরী সালের মুহররম মাসে মক্কায় প্রবেশ করে এবং ওহাবীবাদ প্রচার করে। তারা ঘোষণা করে দেয় যে, যাঁরা ওহাবী মতবাদকে গ্রহণ করবে না এবং যাঁরা মদীনা শরীফ গমন করে রাসূলুল্লাহ ﷺ-এর রওযা মোবারকের সামনে তাঁর সাহায্য প্রার্থনা করবে, তাঁদেরকে হত্যা করা হবে। চৌদ্দ দিন পরে ওহাবীরা জেদ্দা আক্রমণ করে, যার ফলশ্রুতিতে শরীফ গালিব আফেন্দী জেদ্দা দুর্গ থেকে সরাসরি ওহাবীদের বিরুদ্ধে পাল্টা আক্রমণ পরিচালনা করেন এবং অধিকাংশ আক্রমণকারী নিহত হয়। বাকি ওহাবীরা মক্কায় পালিয়ে যায়। মক্কাবাসী মুসলমানগণ তাদেরকে সনির্বন্ধ আবেদন জানান যাতে তারা অত্যাচার না করে। ফলে তারা শরীফ গালিব আফেন্দীর ভাই শরীফ আবদুল মুঈন আফেন্দীকে মক্কার আমীর নিযুক্ত করে দারিয়ায় ফিরে যায়। শরীফ আবদুল মুঈন আফেন্দী মক্কাবাসীকে ওহাবীদের নিপীড়ন-নির্যাতন থেকে রক্ষার জন্যেই আমীরের পদটি গ্রহণ করেন। জেদ্দা হতে ওহাবীদের বিতাড়নের ৩৮ দিন পরে শরীফ গালিব আফেন্দী জেদ্দার সৈন্যবাহিনী ও জেদ্দার গভর্নর শরীফ পাশাসহ মক্কায় প্রত্যাবর্তন করেন। তাঁরা মক্কা হতে ওহাবী সৈন্যদের বিতাড়িত করেন এবং তিনি পুনরায় আমীর হন (অর্থাৎ, নগরীর নিয়ন্ত্রণ সুন্নীদের হাতে চলে আসে)। অতঃপর মক্কায় পরাজিত হওয়ার প্রতিশোধ গ্রহণের উদ্দেশ্যে ওহাবীরা তায়েফের আশপাশে অবস্থিত পল্লীগুলোতে হানা দেয় এবং বহু মুসলমানকে হত্যা করে। তারা ওহাবী দুর্বৃত্ত উসমান আল মুদায়িকীকে তায়েফের গভর্নর নিয়োগ করে। উসমান সমস্ত ওহাবীদেরকে জড়ো করে একটি বিশাল লুটেরা বাহিনীসহ ১২২০ হিজরী সালে মক্কা নগরী অবরোধ করে। মক্কার সুন্নী মুসলমানগণ চরম দুর্ভোগ পোহান বহু মাস ধরে; অবরোধের শেষ দিনগুলোতে এমন কি

কুকুর-বিড়াল পর্যন্ত খাওয়ার জন্যে অবশিষ্ট ছিল না। শরীফ গালিব আফেন্দী বুঝতে পারেন মুসলমানদের জীবন রক্ষার্থে ওহাবীদের সাথে সন্ধি স্থাপন করা ছাড়া গত্যন্তর নেই। তিনি নগরীটি সমর্পণ করেন এ শর্তে যে, তিনি-ই নগরীটির আমীর পদে বহাল থাকবেন এবং মুসলমানদের জান ও মাল নিরাপদ থাকবে।

মক্কা মোয়াযযমা জবর-দখলের পরে ওহাবীরা মদীনা মুনাওয়ারাও দখল করে নেয় এবং খাযিনাতুন নাবাউয়ীয়া [নবী কারীম ﷺ-এর সংরক্ষিত বস্ত্র-সামগ্রীর কোষাগার]-এ সংগৃহীত বহু দামী ঐতিহাসিক রত্ন লুটপাট করে নেয়। তারা মুসলমানদের সাথে এমন রক্ষ ব্যবহার করে যা বর্ণনাতিত। এরপর তারা মুবারক ইবনে মাদাইয়ান নামের এক ওহাবীকে নগরীর গভর্নর নিয়োগ করে দারিয়্যায় প্রত্যাবর্তন করে। ওহাবীরা সাত বছর যাবত মক্কা ও মদীনা শরীফে অবস্থান করে আহলে সুন্নতের হাজীদেরকে হজ্জ পালন করতে দেয় নি। তারা কাবাকে ‘কায়লান’ নামক দুইটি কালো কাপড় দ্বারা আচ্ছাদিত করে। তারা হুক্কায় ধূমপান নিষেধ করে এবং যাঁরা তা পান করতেন, তাদেরকে প্রহার করে। মক্কা ও মদীনাবাসীগণ ওহাবীদের থেকে দূরে সরে থাকতেন এবং ওহাবী মতবাদকে ঘৃণা করতেন।

‘মিরাতুল হায়ামাইন’ গ্রন্থের প্রথম খণ্ডে আল্লামা আইয়ুব সাবরী পাশা মক্কাবাসী মুসলমানদের ওপর পরিচালিত ওহাবীদের অত্যাচারের বিশদ বর্ণনা নিম্নোক্ত ভাষায় লিপিবদ্ধ করেছেন: “মক্কার মুসলমানদের ওপর এবং প্রতি বছর হজ্জ-এ আগমনকারী মুসলমানদের ওপর ওহাবীদের জুলুমের ঘটনা বিস্তারিত বর্ণনা করা প্রায় অসম্ভব। ওহাবী দস্যুদের নেতা অহরহ মক্কাবাসী ও তাঁদের আমির শরীফ গালিব আফেন্দীর প্রতি ভীতি প্রদর্শন করে পত্র লিখতো। যদিও সৌদ কয়েকবার মক্কা অবরোধ করেছিল, তবুও ১২১৮ হিজরীর আগে সে নগরীতে প্রবেশ করতে পারেনি। শরীফ গালিব আফেন্দী জেদ্দার গভর্নরকে সঙ্গে নিয়ে দামেস্ক ও মিশর হতে আগত হাজীদের কাফেলার নেতৃবৃন্দকে সমবেত করেন ১২১৭ হিজরী সালে এবং তাঁদেরকে বলেন যে, ওহাবী দুর্বৃত্তরা পবিত্র মক্কা নগরী আক্রমণ করার ফন্দি আঁটছে; এমতাবস্থায় তাঁরা যদি তাঁকে সাহায্য করেন, তাহলে সৌদকে আটক করা যাবে এবং ওহাবীদেরকে পরাস্ত করা যাবে। কিন্তু শরীফ গালিব আফেন্দীর এ প্রস্তাব গৃহীত হয় নি। অতঃপর শরীফ গালিব আফেন্দী নিজ ভাই শরীফ আবদুল মুঈনকে সহকারী আমীর নিয়োগ করে জেদ্দা গমন করেন। মক্কার আমির হিসেবে শরীফ আবদুল মুঈন আফেন্দী আহলে সুন্নতের আলেমবৃন্দ মোহাম্মদ তাহের, সাইয়েদ মোহাম্মদ আবু বকর মীর গণি, সাইয়েদ মোহাম্মদ আক্বাস ও আব্দুল হাফিয আল আযমীকে শুভেচ্ছা এবং ক্ষমা প্রার্থনাকারী দলস্বরূপ ১২১৮ হিজরী সালে সৌদ ইবনে আবদুল আযীযের কাছে প্রেরণ করেন।

সৌদ এতে সাড়া দেয় এবং সৈন্যসহ মক্কা গমন করে। সে আবদুল মুঈন আফেন্দীকে জেলার প্রধান কর্মকর্তা নিয়োগ করে এবং আদেশ দেয় যে সকল মাযার-রওয়া ধ্বংস করতে হবে। কারণ ওহাবীদের দৃষ্টিতে মক্কা ও মদীনাবাসী মুসলমানগণ নাকি আল্লাহ তা’আলার ইবাদত করছিলেন না, বরং মাযার ও রওয়ার পূজা করছিলেন। তারা বলে যে, তারা প্রকৃতপ্রস্তাবেই খোদা তা’আলার ইবাদত-বন্দেগী করবেন যদি মাযার ও রওয়াগুলো ধ্বংস করে ফেলা হয়। ওহাবী মতবাদের প্রধান ইমাম মুহাম্মদ ইবনে আবদুল ওয়াহহাবের মতানুযায়ী ৫০০ হিজরীর পর হতে শুরু করে সকল মুসলমানই কাফের ও মুশরিক হিসেবে মৃত্যু বরণ করেছেন; আর তার মতো অধার্মিক বিশ্বাসঘাতকের কাছেই নাকি প্রকৃত ইসলাম প্রকাশিত হয়েছে! সে আরো বলে যে ‘মুশরিক’ (অর্থাৎ সুন্নী মুসলিম)-এর কবরের কাছে নাকি নবদীক্ষিত ওহাবীদের দাফন করা বৈধ নয়।

শরীফ গালিব আফেন্দীকে আটক ও জেদ্দা দখল করার উদ্দেশ্যে সৌদ জেদ্দা আক্রমণ করে। কিন্তু উসমানীয় তুর্কী সৈন্যদের সাথে কাঁধে কাঁধ মিলিয়ে জেদ্দাবাসীগণ শত্রুদের পরাভূত করেন এবং ওহাবীদের বিভাড়িত করেন। সৌদ মক্কায় ফিরে যায় এবং ফেরার পথে পলায়নপর ওহাবীদেরকে সংগ্রহ করে নিয়ে যায়।

যদিও শরীফ আবদুল মুঈন আফেন্দী ওহাবীদের নিপীড়ন হতে মক্কাবাসী মুসলমানদের রক্ষাকল্পে ওহাবীদের সাথে বন্ধুত্বপূর্ণ আচরণ করতে সচেষ্ট হয়েছিলেন, তবুও বর্বর ওহাবীরা দিনকে দিন তাদের অত্যাচার ও লুণ্ঠনের মাত্রা বৃদ্ধি করতে লাগলো। শরীফ আবদুল মুঈন আফেন্দী তাদের সাথে শান্তিপূর্ণ সহাবস্থান অসম্ভব উপলব্ধি করে শরীফ গালিব আফেন্দীর কাছে এ মর্মে একটি বার্তা প্রেরণ করেন যে সউদ মক্কায় আছে এবং ওহাবী দস্যুরা মু'আল্লা চত্বরে আখড়া গেড়েছে, আর তিনি (শরীফ গালিব আফেন্দী) যদি সামান্য কিছু সৈন্য নিয়ে ওহাবীদের আক্রমণ করেন, তবে তাদেরকে পরাভূত করা সম্ভব হবে।

এ সংবাদের ওপর ভিত্তি করে শরীফ গালিব আফেন্দী জেদ্দার শাসক শরীফ পাশাসহ কিছু চৌকশ সৈন্যকে নিয়ে এক রাতে মক্কায় (মু'আল্লায়) ওহাবীদের ওপর আঘাত হানেন। তিনি ওহাবীদের তাঁবুগুলো ঘেরাও করে ফেলেন, কিন্তু সউদ পালিয়ে যেতে সক্ষম হয়। অতঃপর বাকি ওহাবীরা বলে যে, তারা অস্ত্র সমর্পণ করতে রাজি আছে যদি তাদেরকে ক্ষমা করে দেয়া হয়। মুসলমানগণ তাদেরকে ক্ষমা করে দেন। ফলে পবিত্র মক্কা মোয়াযযমা নির্ধূর ওহাবীদের কাছ থেকে রক্ষা পায়। আহলে সুন্নাতের এ সাফল্য তায়েফে অবস্থিত ওহাবীদের মধ্যে চরম ভীতির সঞ্চার করে, যার দরুন তারা বিনা রজাপাতেই আত্মসমর্পণ করে। নির্ধূর উসমান আল মুদায়িকী তার গুন্ডাবাহিনীসহ ইয়ামেনের পাহাড়ে পালিয়ে যায়। যে সব ওহাবীকে মক্কা শরীফ হতে বিভাড়িত করা হয়েছিল তাদেরকে গ্রামাঞ্চলে গ্রামবাসী ও বিভিন্ন গোত্রভুক্তদের ওপর লুটপাট পরিচালনা করতে দেখে শরীফ গালিব আফেন্দী বনী সাকিফ গোত্রের কাছে কতিপয় দূত পাঠালেন এবং আদেশ দিলেন, “তায়েফ গমন করে ওহাবীদের আক্রমণ করো। যা আটক করবে তা-ই তোমরা গ্রহণ করতে পারবে।” বনী সাকিফ গোত্র ওহাবীদের ওপর প্রতিশোধ গ্রহণ করার জন্যে তায়েফ আক্রমণ করলো এবং ফলস্বরূপ তায়েফও ওহাবীদের হাত থেকে রক্ষা পেলো।

উসমান আল মুদায়িকী ইয়ামেনের পাহাড়ী এলাকায় অস্ত্র, বর্বর অধিবাসীদের সংগ্রহ করে এবং পথে যে সব ওহাবীদের পেয়েছিল তাদেরকে সাথে নিয়ে পুনরায় মক্কা অবরোধ করলো। তিন মাস মক্কাবাসীগণ চরম দুর্ভোগ পোহালেন। শরীফ গালিব আফেন্দী অবরোধকারীদেরকে বিভাড়নের চেষ্টা করেও ব্যর্থ হলেন, যদিও তিনি দশবার চেষ্টা করেছিলেন। এমতাবস্থায় খাদ্যের মওজুদ সমাপ্ত হয়ে গেল। রুটির মূল্য প্রতি ওক (তুর্কী পরিমাণ যার ইংরেজি মান হলো ২.৮ পাউন্ড) পাঁচ রিয়ালে এবং মাখনের মূল্য ছয় রিয়ালে চড়ে গেলো, কিন্তু শেষ দিকে আর কেউই কোনো কিছু বিক্রি করছিল না। মুসলমানগণ বিড়াল ও কুকুর খেয়ে জীবন ধারণ করতে চেষ্টা করলেন। কিন্তু পরবর্তী পর্যায়ে তাও আর পাওয়া গেল না। তাঁদেরকে ঘাস ও বৃক্ষের লতাপাতা খেয়ে থাকতে হলো। যখন আর খাওয়ার মতো কিছুই বাকি রইলো না, তখন মক্কা নগরী সউদের হাতে সমর্পণ করা হলো এই শর্তে যে, সে মানুষদেরকে নির্যাতন অথবা হত্যা করবে না। শরীফ গালিব আফেন্দী এ ঘটনার জন্যে দায়ী না হলেও তিনি যদি আগে মিত্র গোত্রগুলোর সাহায্য কামনা করতেন, তাহলে তাঁকে এ ব্যর্থতার গ্লানি গ্রাস করতো না। বস্তুতঃ মক্কাবাসীগণ শরীফ গালিব আফেন্দীর কাছে প্রার্থনা করেন, ‘যদি আপনি আমাদের

শুভানুধ্যায়ী গোত্রগুলোর কাছ থেকে সাহায্য গ্রহণ করতে সক্ষম হন, তাহলে আমরা হজ্জের সময় আসা পর্যন্ত লড়াই করতে পারবো এবং যখন মিসরীয় ও দামেশকীয় হাজীগণ আগমন করবেন, তখন আমরা ওহাবীদেরকে পরাভূত করতে পারবো।’ শরীফ গালিব আফেন্দী বলেন, ‘আমি এটা আগে করতে পারতাম, কিন্তু এখন তো এটা অসম্ভব।’ এ কথায় তাঁর পূর্ববর্তী ভুলের স্বীকারোক্তি আছে। তিনিও ওহাবীদের কাছে আত্মসমর্পণ করতে ইচ্ছুক ছিলেন না, কিন্তু মক্কাবাসীগণ আরম্ভ করেন, ‘হে আমীর! আপনার পাক পবিত্র পূর্বপুরুষ রাসূলে আকরাম ﷺ-ও তাঁর শত্রুদের সাথে সন্ধি করেছেন। আপনি কি শত্রুদের সাথে সন্ধি করবেন এবং দয়া করে আমাদেরকে এ বিপদ থেকে মুক্তি দেবেন? আপনি এ কাজ করে আমাদের মনিব রাসূলুল্লাহ ﷺ-কেই অনুসরণ করবেন। কেননা, নবী কারীম ﷺ-ও মক্কায় কুরাইশ গোত্রের সাথে সন্ধি করার জন্যে হযরত উসমান (রা.)-কে হুদায়বিয়া হতে মক্কায় প্রেরণ করেছিলেন।’ শরীফ গালিব আফেন্দী শেষ মুহূর্তটি পর্যন্ত মানুষদেরকে আত্মসমর্পণের এ ধারণা হতে বিরত রাখতে চেষ্টা করেন এবং কোনো সন্ধিতে প্রবেশ করা হতে বিরত থাকেন। কিন্তু যখন মানুষেরা আর কষ্ট সহ্য করতে পারলেন না, তখন তিনি আবদুর রহমান নামের জনৈক ওহাবী মৌলবীর চাপের কাছে নতি স্বীকার করলেন। শরীফ গালিব আফেন্দীর এটা খুব বুদ্ধিমানের কাজ হয়েছিল যে তিনি আবদুর রহমানের কথা শুনেছিলেন এবং মুসলমানদের ওপর সউদের অত্যাচার পরিচালনা হতে তাকে নিবৃত্ত করার ক্ষেত্রে আবদুর রহমানকে মধ্যস্থতাকারী বানিয়েছিলেন। তিনি মক্কাবাসী ও সৈন্যদের মন জয় করেন তখন, যখন তিনি বলেন, ‘আমি ইচ্ছাকৃতভাবে এ সন্ধিতে রাজি হই নি, আমার পরিকল্পনা ছিল হজ্জের সময় পর্যন্ত অপেক্ষা করার।’

সন্ধির পর সউদ ইবনে আবদুল আযীয মক্কায় প্রবেশ করলো। মনোরম কাবার ওপর ছাউনিস্বরূপ সে একটি মোটা কাপড় বিছিয়ে দিলো। সে শরীফ গালিব আফেন্দীকে পদচ্যুত করলো। এখানে সেখানে সে ফেরাউনের মতো মানুষদেরকে আক্রমণ করতে লাগলো এবং অকথ্য অত্যাচার করতে লাগলো। উসমানীয়দের কাছ থেকে কোনো সাহায্য না আসার দরুণ শরীফ গালিব আফেন্দীও অপমানিত বোধ করলেন। তাই তিনি গুজব রটিয়ে দিলেন যে উসমানীয় সরকারের শিথিলতার জন্যেই মক্কাকে সমর্পণ করা হয়েছে। ওহাবীদের বিরুদ্ধে উসমানীয়গণ যাতে ব্যবস্থা গ্রহণ করেন, তার জন্যে তিনি সউদকে মিসরীয় ও দামেশকীয় হাজীদের মক্কায় ঢুকতে না দেয়ার উস্কানি দেন।

শরীফ গালিব আফেন্দীর এ আচরণটি সউদকে আরো হিংস্র করে তোলে এবং সে অত্যাচারের মাত্রা বাড়িয়ে দেয়। সে মক্কা শরীফের আহলে সুন্নাহের অধিকাংশ আলেমকে এবং ধনী লোকদেরকে হত্যা করে। যাঁরা ঘোষণা করেন নি যে, তাঁরা ওহাবীবাদকে গ্রহণ করেছেন, তাঁদেরকে সে প্রাণনাশের হুমকি দেয়। রাস্তায় এবং বাজারে তার লোকেরা চিৎকার করে বলতে থাকে, ‘সউদের ধর্মকে গ্রহণ করো। তার বিস্তৃত ছায়ায় আশ্রয় নাও!’ সে মুসলমানদেরকে মুহাম্মদ ইবনে আবদুল ওয়াহাবের মিথ্যা ও বানোয়াট ধর্ম গ্রহণ করতে বাধ্য করে। যে সকল মু’মিন ব্যক্তি নিজেদের সঠিক ঈমান ও মায়হাবকে হেফায়ত করতে সক্ষম হলেন, তাঁদের সংখ্যা মরুভূমিতে ব্যাপকভাবে হ্রাস পেল।

শরীফ গালিব আফেন্দী মরুভূমি অঞ্চলের মতো হিজায় ও পবিত্র নগরীগুলোতেও ইসলামের বিলুপ্তি ঘটান অশুভ ভবিষ্যত উপলব্ধি করতে পেরে সউদের কাছে প্রেরিত এক বার্তায় বলেন, ‘তুমি যদি হজ্জের মৌসুমের পরেও

মক্কায় অবস্থান করো, তবে ইস্তাম্বুল হতে উসমানীয় সেনাবাহিনীকে পাঠানো হবে, যাকে তুমি কোনোক্রমেই প্রতিরোধ করতে পারবে না। তোমাকে হত্যা করা হবে। হজ্জের পরে মক্কায় অবস্থান করো না, চলে যাও।’ এ বার্তাটি কোনো সুফল বয়ে আনলো না, বরং মুসলমানদের ওপর অত্যাচার পরিচালনায় সউদের নিষ্ঠুরতাকে আরো বৃদ্ধি করলো।

এ জুলুম ও শয়তানীর সময় সউদ ইবনে আবদুল আযীয একজন সুন্নী আলেমকে জিজ্ঞেস করে: ‘হযরত মোহাম্মদ সাল্লাল্লাহু আলাইহি ওয়া সাল্লাম কি তাঁর রওয়ায় জীবিত আছেন? নাকি আমরা যেভাবে বিশ্বাস করি সেভাবে তিনি অন্যান্য মৃতদের মতোই মৃত?’ ওই আলেম উত্তরে বলেন, ‘তিনি আমাদের অবোধগম্য একটি জীবনে জীবিতাবস্থায় আছেন।’ সউদ তাঁকে প্রশ্নটি করেছিল এ কারণে যে, ওই আলেম সন্তোষজনক উত্তর প্রদানে ব্যর্থ হলে ফলশ্রুতিতে সে তাঁকে নিপীড়ন করে হত্যা করার সুযোগ পেয়ে যাবে। সউদ বললো, ‘তাহলে আমাদেরকে দেখাও যে নবী করিম ﷺ তাঁর রওয়ায় জীবিত আছেন, যাতে করে আমরা তোমাকে বিশ্বাস করতে পারি। যদি তুমি অসংলগ্ন ও এলোমেলো উত্তর দাও, তাহলে বোঝা যাবে যে তুমি আমার ধর্ম গ্রহণ না করার ক্ষেত্রে একগুঁয়েমি করছো। তখন আমি তোমাকে হত্যা করবো।’ ওই সুন্নী আলেম জবাবে বলেন, ‘আমি এ বিষয়ের সাথে অসম্পৃক্ত কোনো জিনিস দেখিয়ে তোমাকে বুঝ দিতে চাই না। চলো, আমরা এক সাথে উভয়েই রওয়াকে আকদাসের সামনে গিয়ে দাঁড়াই। আমি তাঁকে সালাম ও সম্ভাষণ জানাবো। যদি তিনি আমার সালামের প্রত্যুত্তর দেন, তবে তুমি বুঝতে পারবে যে আমাদের মাওলা রাসূলুল্লাহ ﷺ তাঁর রওয়ায় জীবিতাবস্থায় আছেন এবং সালাম ও সম্ভাষণ দানকারীকে শুনতে পান এবং জবাব দিতে পারেন। যদি আমার সালামের কোনো প্রত্যুত্তর আমরা না পাই, তাহলে বুঝতে পারবে আমি একজন মিথ্যাবাদী। তখন তোমার খুশিমতো আমাকে শাস্তি দিতে পারবে।’ সউদ সুন্নী আলেমের এ জবাবে তেলে বেগুনে জ্বলে উঠলো, কিন্তু তাকে ছেড়ে দিলো। কেননা, সে যদি ওই আলেমের প্রস্তাব অনুযায়ী কাজটি করতো, তবে ওহাবীবাদ অনুযায়ী সে একজন কাফের ও মুশরিকে পরিণত হতো। সে কিংকর্তব্যবিমূঢ় হয়ে গেলো, কারণ এ জবাবটির প্রত্যুত্তর দেয়ার মতো শিক্ষা-দীক্ষা তার ছিল না। সে ওই আলেমকে ছেড়ে দিলো যাতে সে লজ্জিত না হয়, তবে সে তার একজন সৈন্যকে আদেশ করলো ওই আলেমকে হত্যা করতে এবং হত্যা করার সাথে সাথেই তাকে খবরটি জানাতে। কিন্তু খোদা তা’আলার অশেষ দয়ায় ওহাবী সৈন্যটি তার অসৎ উদ্দেশ্য বাস্তবায়ন করার কোনো সুযোগ পেলো না। এ ভয়ানক সংবাদ যখন ওই মুজাহিদ আলেমের কানে পৌঁছলো, তখন তিনি মক্কায় অবস্থান করা নিরাপদ নয় চিন্তা করে সেখান থেকে হিজরত করলেন।

ওই সুন্নী মুজাহিদ আলেমের প্রস্থান সম্পর্কে জানতে পারার পর বদমায়েশ সৌদ তাঁর পেছনে একজন গুপ্ত ঘাতক প্রেরণ করে। ওহাবী গুপ্ত ঘাতকটি দিনরাত ভ্রমণ করতে লাগলো এ কথা চিন্তা করে যে, সে একজন সুন্নীকে হত্যা করতে সক্ষম হবে এবং বহু সওয়ালের অধিকারী হবে। অবশেষে সে মুজাহিদ আলেমের দেখা পেলো, কিন্তু তাঁর নিকটবর্তী হওয়ার কিছু সময় আগেই তিনি স্বাভাবিক প্রক্রিয়ায় ইন্তেকাল করলেন। ওই ওহাবী গুপ্তঘাতক মুজাহিদ আলেমের উটটি একটি গাছের সাথে বেঁধে পানির জন্যে একটি কুয়োর ধারে গেলো। সে যখন ফিরলো, তখন সে দেখতে পেলো যে ওই আলেমের মরদেহ হাওয়ায় মিলিয়ে গেছে এবং শুধুমাত্র উটটি-ই দাঁড়িয়ে আছে। সে সউদের কাছে ফিরে গিয়ে যা যা ঘটেছিল তা বর্ণনা করলো। এ কথা শুনে সৌদ বললো, ‘হ্যাঁ, আমি তাঁকে স্বপ্নযোগে যিকর ও তাসবিহ পাঠরত বহু কষ্টস্বরের মধ্যে আসমানে উঠে যেতে

দেখেছি। জ্যোতির্ময় মুখমন্ডলের অধিকারী ব্যক্তির বলছিলো যে, মরদেহটি ওই আলেমেরই এবং তাঁর আসমানে উন্নীত হওয়ার কারণ হলো শেষ নবী ﷺ-তে তাঁর সঠিক ঈমান। অতঃপর ওই গুপ্ত ঘাতক বন্ডো, ‘আর তুমি আমাকে প্রেরণ করেছ এ রকম একজন মহান আলেমকে হত্যা করতে! তুমি তাঁর প্রতি বর্ষিত আল্লাহ তা’আলার রহমত দেখে নিজের গোমরাহ ও ত্রুটিপূর্ণ মতবাদ শুধরাচ্ছে না!’ সে সউদকে গালাগালি করে। অতঃপর সে তওবা করে ওহাবীবাদ ত্যাগ করে। কিন্তু বদমায়েশ সউদ তার কথায় কানও দিলো না। সে মক্কার গভর্নর পদে উসমান আল মুদায়িকীকে নিয়োগ করে দারিয়্যায় ফিরে গেলো।

সউদ ইবনে আবদুল আযীয দারিয়্যায় দুরাচার ও উচ্ছৃঙ্খলতাপূর্ণ জীবন যাপন করে। সে পবিত্র মদীনা নগরীও জবর-দখল করেছিলো। এরপর যে সকল ওহাবী হজ্জে যাওয়ার ইচ্ছা পোষণ করেছিল এবং যে সকল ওহাবী বাকপটু ছিল, তাদের সবাইকে সাথে নিয়ে সউদ মক্কা শরীফ অভিমুখে যাত্রা করলো। শিক্ষিত ওহাবীরা যাদেরকে ওহাবীবাদ প্রচার ও প্রশংসা করার দায়িত্ব দেয়া হয়েছিল, তারা মাঠে নেমে গেলো। ১২২১ হিজরীর ৭ই মুহররম, শুক্রবার ওহাবীরা মসজিদুল হারামে ইবনে আবদুল ওয়াহহাবের বইপত্র পাঠ ও ব্যাখ্যা করা আরম্ভ করলো। আহলে সুন্নাহের উলামাগণ তাদেরকে খণ্ডন করেন [মক্কা উলামাদের এই খণ্ডন ‘সাইফুল জব্বার’ শীর্ষক বইয়ে সংকলিত হয়েছে। পাকিস্তান থেকে প্রকাশিত। হাকিকাত কিতাবেভী, ইস্তাম্বুল থেকে ১৯৭৫ সালে প্রকাশিত]। দশ দিন পর সউদ ইবনে আবদুল আযীয মক্কায় আগমন করে।

সউদ মু’আল্লা চত্বরে শরীফ গালিব আফেন্দীর বাসভবনে অবস্থান নেয়। বন্ধুত্বের নিদর্শনস্বরূপ সে তাঁর পরিধানের একটি চাদর শরীফ গালিব আফেন্দীর গায়ে পরিয়ে দেয়। শরীফ গালিব আফেন্দীও তার সাথে বন্ধুত্বপূর্ণ আচরণ করেন। উভয়েই মসজিদুল হারামে গমন করে এক সাথে মনোরম কাবা শরীফের তওয়াফ করেন।

এমন সময় খবর এলো যে দামেশকীয় হাজ্জীদের একটি কাফেলা মক্কা শরীফ অভিমুখে আসছে। সউদ কাফেলাটির সাথে মিলিত হয়ে তাঁদেরকে মক্কায় প্রবেশ করতে দেয়া হবে না মর্মে একটি বার্তা পৌঁছানোর জন্যে মাস’উদ ইবনে মুদায়িকীকে প্রেরণ করে। মাস’উদ কাফেলাটির সাথে মিলিত হয়ে বলে, ‘তোমরা পূর্ববর্তী চুক্তি ভঙ্গ করেছো। সউদ ইবনে আবদুল আযীয ইতোপূর্বে সালেহ ইবনে সালেহকে দিয়ে প্রেরিত এক বার্তায় তোমাদেরকে আদেশ দিয়েছিলেন যে তোমরা সৈন্যসহ মক্কায় আসবে না। কিন্তু তোমরা সৈন্যসহ এসেছো! তোমরা মক্কায় প্রবেশ করতে পারবে না, কেননা তোমরা আদেশটি অমান্য করেছো।’ কাফেলার প্রধান আবদুল্লাহ পাশা ইউসুফ পাশাকে সউদের কাছে ক্ষমা এবং অনুমতি চাওয়ার জন্যে প্রেরণ করলেন। অতঃপর সউদ বললো, ‘ইউসুফ পাশা, আমি তোমাকে হত্যা করতাম যদি আমি খোদাকে ভয় না করতাম। হারামাইন শরীফাইনের লোকদের এবং আরবীয় গ্রামবাসীদের মধ্যে বিতরণ করতে তোমরা যে সব স্বর্ণমুদ্রা নিয়ে এসেছো, সেগুলোর থলেগুলো আমার কাছে নিয়ে আসো এবং তারপর এখান থেকে ফিরে যাও! এ বছর হজ্জ করতে আমি তোমাদেরকে নিষেধ করলাম!’ ইউসুফ পাশা তার কাছে স্বর্ণভর্তি থলেগুলো সমর্পণ করে স্বদেশে ফিরে গেলেন।

দামেশকীয় কাফেলাকে হজ্জ করতে বাধা দেয়ার খবর মুসলিম বিশ্বে মারাত্মক মর্মবেনা ও ক্ষোভের সঞ্চার করলো। মক্কাবাসী মুসলমানগণ কান্নাকাটি ও আহাজারি করতে লাগলেন; কেননা, তাঁরা ভেবেছিলেন যে তাঁদেরকেও আরাফাতে যেতে নিষেধ করা হবে। কিন্তু পরের দিন তাঁদেরকে অনুমতি দেয়া হলো; তবে তাঁদেরকে মাহফা (উটের পিঠে লম্বালম্বিভাবে স্থাপিত ফ্রেইম যার উভয় প্রান্তভাগে একটি করে বসার সিট আছে) অথবা উঠের বাহনে করে সেখানে যেতে নিষেধ করা হলো। মক্কা মোয়াযযমার কাযীর পরিবর্তে জনৈক ওহাবী যিনদিক আরাফাত ময়দানে খুতবা পাঠ করলো। হজ্জের প্রয়োজনীয় আমলগুলো সম্পাদন করে তাঁরা সবাই মক্কায় ফিরে এলেন।

মক্কায় আগমনের সাথে সাথেই সউদ মক্কার কাযী খতীবযাদা মোহাম্মদ আফেন্দীকে তাঁর পদ হতে অপসারণ করে আবদুর রহমান নামের জনৈক ওহাবী যিনদিককে সেই পদে নিয়োগ করে। আবদুর রহমান পূর্ববর্তী কাযী খতীবযাদা মোহাম্মদ আফেন্দী ও মদীনার মোল্লা (প্রধান বিচারক) সু'য়াদা আফেন্দী এবং মক্কা মোয়াযযমার নকিব (মক্কার শরীফগণের প্রতিনিধি) আতায়ী আফেন্দীকে তলব করে মাটিতে বসিয়ে রাখলো। অতঃপর সে তাঁদেরকে সউদের আনুগত্য স্বীকার করতে বললো। এ সকল আলেম কর জোড় করে ওহাবী বিশ্বাস অনুযায়ী 'লা ইলাহা ইল্লাল্লাহু ওয়াহদাহু লা শারিকা লাহু' – এই বাক্যটি উচ্চারণ করে পুনরায় মাটিতে বসে পড়লেন। এতে সউদ হেসে উঠলো। এরপর সে বললো, 'আমি তোমাদেরকে এবং দামেশকীয় কাফেলাকে সালাহ্ ইবনে সালাহের রক্ষণাবেক্ষণে সোপর্দ করলাম। সালাহ্ আমার উত্তম লোকদের মধ্যে একজন। আমি তাকে বিশ্বাস করি। আমি তোমাদেরকে এ শর্তে দামেশকে যাওয়ার অনুমতি দিচ্ছি যে তোমরা প্রতি মাহফাতে এবং মাল বোঝাইকৃত উটে তিন'শ কুরুশ, আর প্রতি গাধায় এক'শ কুরুশ আমাকে দেবে। এতো কম মূল্যে তোমরা যে দামেশকে যেতে পারছো, এটাই তোমাদের ওপর বড় অনুগ্রহ। আমার নিরাপত্তায় তোমরা আরাম-আয়েশে থাকতে পারবে। সকল হাজীকেই এ শর্তে ভ্রমণ করতে হবে। আর এটা আমার একটা ন্যায়বিচারও বটে। আমি উসমান বংশীয় শাসক হযরত সুলতান সালিম খান ৩য়-কে একটি চিঠি লিখেছি। আমি লিখেছি যে, কবরের ওপর গম্বুজ নির্মাণ, বেসালপ্রাপ্ত বুয়ূর্গানে দ্বীনের প্রতি নযর-মানত এবং তাঁদের মধ্যস্থতায় প্রার্থনা করা নিষিদ্ধ করা হোক।'

ওহাবীরা চার বছর মক্কায় অবস্থান করেছিলো। মিশরের গর্ভনর মুহাম্মদ আলী পাশা ১২২৭ হিজরী সালে জেদ্দা আসেন। তিনি জেদ্দা ও মদীনা হতে যে মিসরীয় বাহিনী প্রেরণ করেন, তাঁরা একটি রক্তাক্ত যুদ্ধের পরে ওহাবীদেরকে মক্কা শরীফ হতে বিতাড়িত করেন।" [আল্লামা আইয়ুব সাবরী পাশা কৃত 'মিরাতুল হারামাইন' গ্রন্থের দীর্ঘ উদ্ধৃতি এখানে শেষ হলো]

৪০/- ইতোপূর্বে ইসলামের ৭৫তম খলিফা ও ১০ম উসমানীয় সুলতান সুলাইমান খান-১ পবিত্র মদীনা নগরীর দেয়ালগুলোকে সংরক্ষণ করেছিলেন; দুই'শ চুয়াত্তর বছর যাবত এর শক্ত দেয়ালগুলোর জোরেই নগরীটি দস্যুদের আক্রমণ হতে মুক্ত ছিল এবং মুসলমানগণ আরাম-আয়েশে ও শান্তিতে বসবাস করছিলেন ঠিক ১২২২ হিজরী সালের প্রথম ভাগ পর্যন্ত; এরপরই তাঁরা ওহাবীদের শয়তানী ছেবলে আক্রান্ত হন। ওহাবী লুটেরাদের সর্দার সউদ নামের দুর্বৃত্ত মক্কা ও তার আশপাশের পল্লীগুলো কবজা করার পর গ্রামাঞ্চল হতে সংগৃহীত লুটেরা বাহিনীকে মদীনা মনোয়ারায় প্রেরণ করে। সে বদঈ ও নাদী নামের দুই ওহাবী ভ্রাতাকে

লুটেরা বাহিনীর নেতৃত্বে বসিয়ে দেয়। তারা মদীনার পথে যাওয়ার সময় বহু গ্রাম লুট করে এবং বহু মুসলমানকে হত্যা করে। আর মদীনার আশপাশে অবস্থিত পল্লীগুলোকে জ্বালিয়ে পুড়িয়ে ধ্বংস করে দেয়া হয়। আহলে সুন্নাহের উলামাবৃন্দ কর্তৃক প্রদর্শিত সঠিক পথের ওপর বিচরণকারী মুসলমানদের মালামাল লুট করা হয় এবং তাঁদেরকে হত্যা করা হয়। এতোগুলো গ্রাম পোড়ানো হয়েছিল এবং এতোজন মুসলমানকে হত্যা করা হয়েছিল যে, এর সঠিক হিসেব প্রদান করা কারো পক্ষেই সম্ভব নয়। মৃত্যু, অত্যাচার ও লুটপাটের ভয়ে মদীনার পার্শ্ববর্তী পল্লীগুলোর মুসলমানরা মহাব্রাত্ত ওহাবী মতবাদকে স্বীকার করে নেয়। তারা সউদের দাসে পরিণত হয়। ওহাবীবাদের গুণকীর্তন-সম্বলিত সউদের লিখিত একটি পত্র ওহাবী সর্দার বদঈ হিংস্র ওহাবী সালেহ্ ইবনে সালেহের মারফত মদীনায় প্রেরণ করে। মদীনায় মুসলমানদেরকে সম্বোধন করে সউদ লিখেছিল: “শেষ বিচার দিবসের মালিকের নামে আমি লিখছি। মদীনার উলামা, আমীর-অমাত্য ও ব্যবসায়ীদের অবগতির জন্যে জানাচ্ছি যে, পৃথিবীর মধ্যে শান্তি ও সুখ শুধু তাদের জন্যেই আছে, যারা হেদায়াত অর্জন করেছে। ওহে মদীনাবাসী! আমি তোমাদেরকে প্রকৃত দ্বীনের দাওয়াত দিচ্ছি। আল্লাহ তা’আলা বলেছেন, ‘আল্লাহর কাছে ইসলামই একমাত্র সত্য ধর্ম। যারা ইসলাম ভিন্ন অন্য ধর্ম গ্রহণ করে, তাদের ধর্ম কবুল হবে না। বরং তারা শেষ বিচার দিবসে ক্ষতিগ্রস্ত হবে।’ (আল আয়াত) তোমাদের প্রতি আমার অনুভূতি সম্পর্কে তোমাদেরকে আমি জানাতে চাই। আমি মদীনাবাসীদের প্রতি ভালোবাসা ও বিশ্বাস রাখি। আমিও রাসূলুল্লাহ ﷺ-এর পবিত্র নগরীতে এসে তোমাদের সাথে বসবাস করতে চাই। তোমরা যদি আমার আদেশ মান্য করো, তবে আমি তোমাদেরকে কষ্ট দেবো না। আমি মক্কায় প্রবেশ করার পর থেকে মক্কাবাসীরা আমার দয়া ও সুদৃষ্টি ভোগ করে আসছে। আমি তোমাদের দ্বীনকে নবায়ন করতে চাই এবং তোমাদেরকে পুনরায় মুসলমান বানাতে চাই। তোমরা যদি ওহাবী মতবাদকে গ্রহণ করে নাও, তাহলে তোমরা মৃত্যু, লুটপাট ও নিপীড়ন থেকে নিরাপদ থাকবে। আল্লাহ তোমাদেরকে রক্ষা করবেন এবং আমি তোমাদের রক্ষাকারী হবো। আমি এ পত্রটি আমার বিশ্বস্ত সালেহ ইবনে সালেহ্ মারফত পাঠাচ্ছি। এটা সাবধানে পাঠ করবে এবং তাকে তোমাদের সিদ্ধান্ত জানাবে। সে যা বলবে তা আমারই বক্তব্য।”

এ পত্রটি মদীনাবাসীদেরকে ভীত-সন্ত্রস্ত করে তোলে। তাঁরা মাত্র কয়েক দিন আগে তায়েফীয় নারী ও শিশুদের প্রতি পরিচালিত নিপীড়ন ও নিধনযজ্ঞ সম্পর্কে ইতোপূর্বে জেনেছিলেন এবং তাই তাঁরা শঙ্কিত ছিলেন। তাঁরা সউদ ইবনে আবদুল আযীযের পত্রের প্রতি ‘হ্যাঁ’ কিংবা ‘না’ কোনোটা-ই বলতে পারলেন না। তাঁরা তাঁদের জীবন কিংবা দ্বীনের কোনোটা-ই সমর্পণ করতে প্রস্তুত ছিলেন না।

পত্রের কোনো জবাব না পেয়ে ওহাবী দুর্বৃত্তদের সর্দার বিশ্বাসঘাতক বদঈ ইয়ানবু বন্দর আক্রমণ করে। ইয়ানবু দখল করার পর সে মদীনা অবরোধ করে এবং দেয়ালের আনবারিয়া ফটকের ওপর প্রচণ্ড আঘাত হানে। ঠিক সেই দিনই দামেশকীয় হাজীগণ তাঁদের নেতা আবদুল্লাহ পাশাসহ আগমন করেন। নগরীটিকে অবরুদ্ধ দেখতে পেয়ে হাজীগণ এবং তাঁদের সাথে আগত সৈন্যগণ ওহাবী দস্যুদের সাথে যুদ্ধে লিপ্ত হন। অতঃপর একটি রক্তক্ষয়ী সংঘর্ষের পর প্রায় দুই’শ ওহাবী বদমায়েশ নিহত হয়; বাকিরা পালিয়ে যায়।

আবদুল্লাহ পাশা হজ্জকার্য সমাপন করা পর্যন্ত মুসলমানগণ মদীনায় সুখে, শান্তিতে ছিলেন। কিন্তু বিশ্বাসঘাতক খোদাদ্রোহী বদঈ দামেশকীয় হাজীদের প্রস্থানের পর আবারও পবিত্র নগরী অবরোধ করে। সে কুবা, আওয়ালী

ও কুরবান দখল করে নেয় এবং দখলীকৃত এলাকার মধ্যে দুইটি কেব্লা নির্মাণ করে। সে নগরী অভিমুখী রাস্তাগুলোতে ব্যারিকেড দেয় এবং ‘আল আইনুয যারকা’ নামের খালগুলো ধ্বংস করে দেয়। ফলে মুসলমানগণ খাদ্য ও পানির তীব্র অভাবে পড়েন।

## একটি মু'জেযা

ওহাবীদের দ্বারা ‘আল আইনুয যারকা’ ধ্বংসপ্রাপ্ত ও নগরীর পানি সরবরাহ নিঃশেষিত হওয়ার পর মসজিদুন্ নববীর মধ্যে অবস্থিত ‘বাগচার-উর-রাসূল’-এর কূপের পানি অলৌকিকভাবে বৃদ্ধি পায় এবং এর নোনা স্বাদ ও কাঠিন্য দূর হয়ে যায়। এতে মুসলমানগণ পিপাসার্ত হওয়া থেকে পরিত্রাণ পান। ইতোপূর্বে এ কূপটি তার নোনা স্বাদের জন্যে খ্যাত ছিল। অবরোধটি মাসের পর মাস ধরে চলে। মুসলমানগণ কষ্ট সহ্য করতে লাগলেন এ আশায় যে দামেশকীয় হাজীগণ আগমন করবেন এবং তাঁদেরকে রক্ষা করবেন। অবশেষে হাজীগণ আগমন করেন বটে, কিন্তু কাফেলাটির প্রধান ইব্রাহীম পাশা বলেন, ‘ওহাবীদের কাছে নগরীটি সমর্পণ করো’, কেননা তিনি ওহাবীদের সাথে লড়াই করার মতো পর্যাপ্ত অস্ত্রশস্ত্র তখন সঙ্গে করে নিয়ে আসেন নি। মুসলমানগণ ধারণা করেছিলেন যে ইব্রাহীম পাশা বদঈ-র সাথে আলোচনা করে এমন কোনো প্রতিশ্রুতি নিয়েছিলেন যার বলে মুসলমানদের প্রতি আর নিপীড়ন ও আঘাত করা হবে না। তাঁরা চারজন প্রতিনিধি, যথা- মোহাম্মদ তাইয়্যার, হাসান সাউশ, আবদুল কাদের ইলিয়াস ও আলীর মাধ্যমে নিম্নোক্ত চিঠিটি সউদের কাছে প্রেরণ করেন:

“আমরা (মদীনাবাসীগণ) আপনার প্রতি সালাম জানাই এবং আপনার প্রতি যথাবিহিত শ্রদ্ধা জ্ঞাপন করি। আল্লাহ তা'আলার আদেশের সাথে সঙ্গতিপূর্ণ আপনার কর্মকাণ্ডসমূহে তিনি আপনাকে সাফল্য দান করুন। ওহে শায়খ সৌদ! দামেশকীয় হাজীদের আমির ইব্রাহীম পাশা মদীনা আগমন করে দেখতে পান যে নগরীটি অবরুদ্ধ এবং বদঈ এর রাস্তাসমূহে ব্যারিকেড দিয়েছে, আর পানির সরবরাহ বন্ধ করে দিয়েছে। তিনি এর কারণ জিজ্ঞেস করে জানতে পারেন যে, এটা আপনার-ই একটা আদেশ। আমরা যেহেতু আশা করি যে আপনি মদীনাবাসীদের প্রতি কোনো রকম অসৎ ধারণা পোষণ করেন না, সেহেতু আমরা বিবেচনা করেছি যে এ সকল অপ্রীতিকর ও খারাপ ঘটনা সম্পর্কে আপনি কিছু-ই জানেন না। আমরা, মদীনার বিশিষ্ট ব্যক্তিবর্গ, সমবেত হয়ে সিদ্ধান্ত নিয়েছি যে আমাদের প্রতি সংঘটিত এ ঘটনাবলী সম্পর্কে আমরা আপনাকে অবহিত করবো। আমরা আমাদের মধ্য থেকে চারজন সেরা ও খাঁটি ব্যক্তিকে আমাদের প্রতিনিধিস্বরূপ নির্বাচন করে আপনার দরবারে প্রেরণ করেছি। আমরা আল্লাহ তা'আলার কাছে প্রার্থনা করি যেন তাঁরা ফিরে এসে আমাদেরকে শুভ-সংবাদ প্রদান করেন, যাতে করে আমরা খুশি হতে পারি।”

এ পত্রটি পাঠ করার পর সৌদ প্রতিনিধিদের সাথে চরম দুর্ব্যবহার করে এবং এ কথা বলতে লজ্জিত হয় না যে, সে মদীনাবাসীদের প্রতি ক্ষিপ্ত ও অসন্তুষ্ট। প্রতিনিধিবর্গ ক্ষমা প্রার্থনা করতে গিয়ে এক পর্যায়ে সৌদের অপবিত্র পায়ে নিজেদেরকে সমর্পণ করেন, কিন্তু সে বলে, “আমি সিদ্ধান্ত টানছি যে, তোমরা আমার আদেশ অমান্য করবে এবং আমার সত্য ধর্মকে গ্রহণ করবে না, আর তোমরা আমাকে নরম কথা বলে ধোকা দিতে চেষ্টা করছো। কেননা, তোমরা ক্ষুধা, তৃষ্ণা ও বিপদের আবর্তে পড়েছো। তাই তোমরা এ সংকট দূর করার

জন্যেই কেবল আমার দ্বারস্থ হয়েছে। এখন আর কোনো পথ নেই আমার যা ইচ্ছা তা করা ছাড়া। তোমরা যদি আমার আদেশ মান্য করার বাহানা করে ভিন্ন উদ্দেশ্যপূর্ণ কথা বলো কিংবা কাজ করো, তাহলে তায়েফবাসীদেরকে যেভাবে নিশ্চিহ্ন করেছি, সেভাবে তোমাদেরও নিশ্চিহ্ন করে দেবো এবং আতর্নাদ করতে বাধ্য করবো।” সে মুসলমানদেরকে ওহাবীবাদ গ্রহণ করতে বাধ্য করে।

সউদ কর্তৃক মদীনার প্রতিনিধিদের ওপর চাপিয়ে দেয়া মহাব্রাহ্ম ও গোমরাহ্ শর্তাবলী বিস্তারিতভাবে লিপিবদ্ধ আছে ‘তারিখ-এ-ওহাবীয়িন’ গ্রন্থে।

প্রতিনিধিগণ সৌদের আঞ্জাসমূহ ভয়-ভীতির মুখে স্বীকার করে মদীনা শরীফ প্রত্যাবর্তন করেন। মদীনাবাসীগণ এ সব ঘটনায় হতভম্ব হয়ে অবশেষে অনিচ্ছাকৃতভাবে তা স্বীকার করে নেন, যেমনিভাবে সাগরে নিমজ্জিত ব্যক্তি শেষ সম্বল হিসেবে সামুদ্রিক সরীসৃপের দিকে হাত বাড়ায়। সন্ধির সপ্তম শর্ত অনুযায়ী তাঁরা মদীনার দুর্গটিকে বদঈ-এর সত্তর জন গুন্ডার হাতে সমর্পণ করেন। সন্ধির মধ্যে একটি শর্ত ছিল এই যে, মদীনার মাযার-রওয়া ধ্বংস করতে হবে। ওহাবীদের দ্বারা নিপীড়িত না হওয়ার জন্যে তাঁরা অনিচ্ছাকৃতভাবে এ শর্তটিও পূরণ করতে বাধ্য হন। যদিও তাঁরা এটা অনিচ্ছাসহ করেন, তবুও তাঁদের এ কাজটি ভীষণ অশুভ পরিণতির দ্বার উন্মোচিত করেছিলো।

ইস্তাম্বুলের সাহায্য চেয়ে লিখিত পত্রগুলোর কোনো প্রত্যুত্তর না আসায় মদীনাবাসীগণ তিনটি বছর ওহাবীদের অত্যাচারের মধ্যে অতিবাহিত করেন। অতঃপর যখন তাঁরা ইস্তাম্বুল হতে সাহায্যপ্রাপ্তির আশা ছেড়ে দেন, তখন তাঁরা ক্ষমা প্রার্থনা করে দারিয়্যায় সৌদের কাছে একটি পত্র লিখে দুইজন মদীনাবাসী যথাক্রমে হুসাইন শাকির ও মোহাম্মদ সাগায়ীর মারফত প্রেরণ করেন। কিন্তু সৌদ প্রতিনিধিগণের সাথে সাক্ষাৎ করে নি। কেননা সে শুনেছিল যে মদীনাবাসীগণ ইতোপূর্বে ইস্তাম্বুলের কাছে সাহায্য প্রার্থনা করেছিলেন। সে মদীনাবাসীদের প্রতি জুলুম-অত্যাচারের মাত্রা বৃদ্ধি করার উদ্দেশ্যে ওহাবীদের একটি বিশাল গড্ডালিকা প্রবাহসহ মদীনা অভিমুখে যাত্রা করে।

আরবের মরুভূমি অঞ্চলের সকল জংলী লোক বদমায়েশ সৌদকে নজদের রাজা হিসেবে স্বীকার করতো। সৌদও বিভিন্ন স্থানে লিখিত তার পত্রসমূহে ‘আল ইমামুদ্ দারিয়্যাত আল মাজদিয়্যা ওয়াল আহকামিদ্ দা’ওয়াতিন নাজদিয়্যা’ খেতাবে নিজের নাম সই করতো।

বদমায়েশ সৌদ মাযার-রওয়ার সকল খাদেমদেরকে মাযার ধ্বংস করার আদেশ দেয়। যদিও মদীনাবাসীগণ তিন বছর আগে কৃত সন্ধির ওয় শর্তানুযায়ী বহু মহান মাযার ধ্বংস করেছিলেন, তবুও তাঁরা এমন কতোগুলো মাযারকে স্পর্শ করতে সাহস করেন নি, যেগুলোকে তাঁরা অত্যন্ত মহান ও মহাপবিত্র জ্ঞান করতেন।

খাদেমগণ কাঁদতে কাঁদতে মাযার-রওয়া ধ্বংস করেন। হযরত আমীর হামযা (রহ.)-এর মাযারের খাদেম সাহেব বলেন যে তিনি খুব বয়সের ভারে ঋজু এবং কোনো কাজ করতে অক্ষম। অতঃপর সৌদ তার এক দাসকে ওই মাযার ধ্বংস করার নির্দেশ দেয়। ওই মোনাফেক ওহাবী মাযার ধ্বংস করার উদ্দেশ্যে গুন্ডজের ওপর ওঠার

পর সেখান থেকে ধপাস করে পড়ে জাহান্নামবাসী হয়। ফলে পাপাত্মা সৌদ হযরত আমীর হামযা (রা.)-এর মাযারের দরজার ভাঙ্গার পরপরই এ বদ পরিকল্পনা ত্যাগ করে। মাযারগুলো ধ্বংস করার নির্ধূর আদেশ ব্যক্তিগতভাবে তদারকি করার পর সৌদ ‘মানাহ’ প্রাসাদে নির্মিত মঞ্চের ওপর উঠে এক ভাষণে বলে:

“মদীনাবাসী ওহাবীবাদকে স্বীকার করতে নারাজ, কিন্তু অত্যাচারের ভয়ে ওহাবী হবার ভান করছেন; অতএব তাঁরা মোনাফেক এবং আগের মতোই মুশরিকও।” সে আরো বলে যে, “যারা দুর্গে আশ্রয় নিয়েছিলেন, তাঁদের উচিত এসে আনুগত্য স্বীকার করা। যাঁরা আসবেন না তাঁদেরকে তায়েফের অনুরূপ “ওহাবী বিচার”-এর মুখোমুখি হতে হবে।

দুর্গের দরজাগুলো যখন বন্ধ করে রাস্তায় রাস্তায় ওহাবীরা ঘোষণা করে যে সকল মদীনাবাসীকে ‘মানাহ’ প্রাসাদে সমবেত হতে হবে, তখন সবাই আতংকগ্রস্ত হয়ে পড়েন। তাঁরা ধারণা করেন যে তায়েফীদের মতো তাঁদেরকেও বুঝি নিপীড়ন করে হত্যা করা হবে। তাঁরা নিজ নিজ স্ত্রীর কাছে এবং নিজেদের মধ্যেও ক্ষমা চেয়ে নেন, আর সন্তানদের আদর করে বিদায় নেন। অতঃপর সকল পুরুষ ও নারী দুইটি পৃথক দলে সমবেত হয়ে রাসূলুল্লাহ ﷺ-এর মোবারক রওযার উজ্জ্বল গুম্বজের দিকে অবনত মস্তকে দাঁড়িয়ে থাকেন। পবিত্র নগরী মদীনা আর কখনোই এ রকম বিষাদময় দিনের অভিজ্ঞতা ইতোপূর্বে সঞ্চয় করেনি। সৌদ তখন মুসলমানদের প্রতি একটি অন্ধ আক্রোশে উন্মত্ত-প্রায়। কিন্তু আল্লাহ তা’আলা রাসূলে আকরাম ﷺ-এর তোফায়েলে মদীনা মনোয়ারাকে রক্তে রঞ্জিত হওয়া থেকে রক্ষা করেন। আদবের সাথে অসঙ্গতিপূর্ণ অশোভন ও হীন বাক্য দ্বারা মুসলমানদের গালমন্দ করার পর সৌদ ওহাবী দুর্বৃত্তদেরকে মদীনা দুর্গে অবস্থান গ্রহণ করতে আদেশ করে। সে তার বিশ্বস্ত একজন ওহাবী দুর্বৃত্ত হাসান সাউদকে মদীনার গভর্নর নিয়োগ করে দারিয়ায় প্রত্যাবর্তন করে। হজ্জের মৌসুমে সে মক্কায় হজ্জশেষে আবারো মদীনায় আগমন করে। মদীনা হতে যখন দামেশকীয় কাফেলাটি হজ্জশেষে দুই-তিন দিনের পথ অতিক্রম করে দূরে চলে যাচ্ছিল, তখনই বদমায়েশ সৌদ তার আখড়া থেকে বেরিয়ে এসে মদীনার বিচার ভবনের সামনে উপস্থিত হয়। মূল্যবান উপহারসামগ্রী, ঐতিহাসিক গুরুত্বসম্পন্ন শিল্পকর্ম, মহামূল্যবান স্বর্ণ ও হীরক-খচিত শিল্প সামগ্রী এবং কুরআন ও মহামূল্যবান দ্বীনী কেতাবের মনোনীত কপিসমূহ, যা গত এক সহস্র বছরের অধিক সময় ধরে মুসলমান সুলতানবৃন্দ, সেনাপতিবর্গ, শিল্পীবৃন্দ এবং উলামায়ে কেরাম পছন্দ করে প্রেরণ করেছিলেন এবং যা রওযায়ে আকদাস ও মসজিদে নববীর কোষাগারে সংরক্ষণ করা হয়েছিল, তা লুটপাট করার জন্যে সৌদ তার লুটেরা বাহিনীকে লেলিয়ে দেয়। এই বর্বরতা নিজ চক্ষে দেখার সময় তার ময়লা, পাষণ হৃদয় একটুও কাঁপে নি। মুসলমানদের প্রতি তার এ বিদ্বেষের আগুন এরপরও নির্বাপিত হয় নি, বরং সে সাহাবীগণ ও শহিদগণের অবশিষ্ট মাযারগুলোও ধ্বংস করে দেয়। যদিও সে রাসূলুল্লাহ ﷺ-এর মোবারক রওযার গম্বুজটিও ধ্বংস করতে চেয়েছিল, তবুও মুসলমানদের কান্নাকাটি ও অনুরোধ তাকে এ কাজ থেকে নিবৃত্ত করে। তথাপি সে ‘শাবাকাতুস সাযাদা’ (কল্যাণময় জানালা) ধ্বংস করে ফেলে, কিন্তু সৌভাগ্যবশতঃ দেয়ালগুলো সে স্পর্শ করতে পারে নি। সে মদীনার আশপাশের দেয়ালগুলো মেরামত করার আদেশ দেয়। অতঃপর সে মদীনাবাসীকে মসজিদে নববীর মধ্যে সমবেত করে এবং মসজিদের দরজাগুলো বন্ধ করে মঞ্চের ওপর উঠে নিজের ভাষণটি প্রদান করে:

“ওহে মানব সকল, আমি তোমাদেরকে এখানে সমবেত করেছি এই মর্মে উপদেশ দিতে ও সতর্ক করতে যে, তোমাদেরকে আমার আজ্ঞাসমূহ মান্য করতে হবে। ওহে মদীনাবাসী! তোমাদের দ্বীন এখন পূর্ণ হয়েছে। তোমরা মুসলমান হয়েছো। তোমরা আল্লাহকে রাজি করেছো। তোমাদের বাপ-দাদাদের ভ্রাতৃ-পথভ্রষ্ট দ্বীনকে আর কখনোই সম্মান করো না। তাদের প্রতি দয়া করার জন্যে কখনোই আল্লাহর কাছে দোয়া করবে না। তারা সবাই মুশরিক হয়ে মৃত্যুবরণ করেছে। তারা মুশরিক-ই ছিল (আজীবন)। আমি আমাদের ধর্মীয় পদে সমাসীন ব্যক্তিবর্গের কাছে প্রদত্ত বইপত্রে বিস্তারিত ব্যাখ্যা করেছি কীভাবে তোমরা আল্লাহতা’আলার ইবাদত-বন্দেগী করবে। তোমরা যদি আমার মোল্লাদের কথা না মান্য করো, তবে তোমাদের জানা উচিত যে তোমাদের সম্পত্তি ও মালামাল, স্ত্রী-সন্তান ও রক্ত আমার সৈন্যদের জন্যে মোবাহ (বৈধ) বিবেচিত হবে। তারা তোমাদেরকে শেকলাবদ্ধ করে নিপীড়ন করে সবাইকে হত্যা করবে। ওহাবী মতবাদ অনুযায়ী রাসূলুল্লাহ ﷺ-এর রওয়া মোবারকের সামনে শ্রদ্ধা সহকারে ও সালাত-সালাম জানানোর উদ্দেশ্যে দাঁড়ানো নিষিদ্ধ যা তোমাদের পূর্বপুরুষেরা করতো। রওয়ার সামনে তোমরা দাঁড়াতেই পারবে না, বরং হেঁটে চলে যাবে এবং রওয়া অতিক্রম করার সময় শুধু বলবে, ‘আস্ সালামু আলা মোহাম্মদ।’ আমাদের ইমাম মুহাম্মদ ইবনে আবদুল ওয়াহহাবের এজতেহাদ অনুসারে রাসূলুল্লাহ ﷺ-এর প্রতি এতোটুকু তা’যিম তথা শ্রদ্ধা-ই যথেষ্ট।”

বদমায়েশ সৌদ অনুরূপ আরো অশোভনীয় বাক্য ও কুৎসা এবং গালিগালাজ যা আমরা তাহযিবের খেলাফ হওয়ার কারণে উদ্ধৃত করলাম না, তা ব্যক্ত করার পর মসজিদ-এ-নববীর দরজাগুলো খুলে দেয়। সে তার পুত্র আব্দুল্লাহকে মদীনার গভর্নর নিয়োগ করে দারিয়ায় ফিরে যায়। অতঃপর এহেন কোনো অনিষ্ট আর অবশিষ্ট ছিল না যা আব্দুল্লাহ ইবনে সৌদ মদীনাবাসী মুসলমানদের ওপর চাপিয়ে দেয় নি।

**৪১/** — সেই দিনগুলোতে ওসমানীয় তুর্কী সাম্রাজ্য পররাষ্ট্র বিষয়াদি নিয়েই ব্যতিব্যস্ত ছিল এবং ফ্রি-ম্যাসনদের জ্বালিয়ে দেয়া বিদ্রোহের দাবানলকে নির্বাপিত করার প্রাণপণ চেষ্টায় রত ছিল। ১২২৬ হিজরী সালে যখন মুসলমানদের ওপর ওহাবীদের অত্যাচার ও নিপীড়ন এবং ইসলামের প্রতি তাদের কুৎসা রটনা অসহনীয় পর্যায়ে উপনীত হয়, তখন খলিফাতুল মুসলিমীন সুলতান মাহমুদ খান-২ মিশরের গভর্নর মুহাম্মদ আলী পাশার কাছে ওহাবীদেরকে শাস্তি দেয়ার জন্যে একটি আদেশপত্র প্রেরণ করেন। রমযান মাসে মুহাম্মদ আলী পাশা তাঁর পুত্র তুসন পাশার নেতৃত্বে মিশর হতে একটি সৈন্যবাহিনী প্রেরণ করেন। তুসন পাশা ওহাবীদের হাত থেকে ইয়ানবু শহর (মদীনার নিকটস্থ সমুদ্র বন্দর) পুনরুদ্ধার করেন। কিন্তু ১২২৬ হিজরীর জিলহজ্জ মাসের প্রথম দিনগুলোতেই তিনি মদীনার পথে যাওয়ার সময় সাফরা উপত্যকা ও জুদাইদা পাশের মধ্যবর্তী স্থানে এক রক্তক্ষয়ী সংঘর্ষে পরাজিত হন। যদিও তুসন পাশার কোনো আঘাত লাগে নি, তবুও অধিকাংশ উসমানীয় মুসলমান সৈন্য সে যুদ্ধে শাহাদাত বরণ করেন। মুহাম্মদ আলী পাশা এ ভাগ্য বিপর্যয়ে অত্যন্ত সন্তাপগ্রস্ত হন এবং নিজেই একটি বিশাল তুর্কী বাহিনী নিয়ে ১৮টি কামান, তিনটি বড় আকৃতির মর্টার ও আরো বহু অস্ত্রশস্ত্রসহ রওয়ানা হন। ১২২৭ হিজরীর শাবান মাসে তাঁরা সাফরা উপত্যকা ও জুদাইদা পাস অতিক্রম করেন। রমযান মাসে তাঁরা বিনা যুদ্ধেই বহু পল্লী দখল করে নেন। শরীফ গালিব আফেন্দীর দেয়া পরামর্শ অনুযায়ী মুহাম্মদ আলী পাশা ১,১৮,০০০ রিয়াল গ্রামগুলোতে বন্টন করে বুদ্ধিমত্তার সাথে এই সাফল্য অর্জন করেন। গ্রামগুলো সহজেই অর্থের কাছে নতি স্বীকার করে। যদি তুসন পাশা নিজ পিতার মতো শরীফ গালিব আফেন্দীর সাথে পরামর্শ করে নিতেন, তাহলে তিনি তাঁর এতো বড় সৈন্যবাহিনীকে হারাতেন না। শরীফ গালিব

আফেন্দী ওহাবীদের নিয়োগকৃত মক্কার আমীর থাকলেও তিনি সর্বান্তকরণে হিংস্র ওহাবী দস্যুদের হাত থেকে মক্কাকে মুক্ত করতে চাইছিলেন। যিলকদ মাসের শেষভাগে বিনা রক্তপাতে মুহাম্মদ আলী পাশা মদীনা শরীফও ওহাবীদের দখল হতে মুক্ত করেন। এ সকল বিজয়ের খবর মিশর পর্যন্ত পৌঁছানো হয় খলিফার কাছে প্রেরণের উদ্দেশ্যে। মিসরীয় জনগণ তিন দিন ও তিন রাত যাবত এর ফলে বিজয়োৎসব করেন এবং সকল মুসলমান রাষ্ট্রে এ খোশ-খবরী জানানো হয়। মুহাম্মদ আলী পাশা জেদ্দা হয়ে মক্কায় এক ডিভিশন সৈন্য প্রেরণ করেন। ১২২৮ হিজরীর মুহাররম মাসের প্রথম ভাগে ডিভিশনটি জেদ্দায় আগমন করে এবং মক্কা অভিমুখে যাত্রা শুরু করে। তাঁরা শরীফ গালিব আফেন্দীর প্রণীত গোপন পরিকল্পনা-মাফিক সহজেই মক্কায় প্রবেশ করতে সক্ষম হন। ওহাবীদের নেতাসহ ওহাবী সৈন্যরা যখনই জানতে পেরেছিল যে ওসমানীয় ডিভিশনটি মক্কার সন্নিকটবর্তী হয়েছে, তখনই তারা শহর ছেড়ে পাহাড়ে পালিয়ে গিয়েছিল।

ওহাবীদের বদমায়েশ নেতা সউদ ইবনে আবদুল আযীয হজ্জ ও মুসলমান রক্তে রঞ্জিত তায়েফ নগরীতে একটি সফরশেষে তার শয়তানীর আখড়া দারিয়্যায় ১২২৭ হিজরী সালেই প্রত্যাবর্তন করেছিল। সে যখন দারিয়্যায় প্রত্যাবর্তন করে, তখনই সে উসমানীয়দের দ্বারা পবিত্র নগরী মদীনা এবং পরবর্তী পর্যায়ে মক্কা পুনরুদ্ধারের খবর জানতে পেরে বিস্মিত হয়। ঠিক সেই সময়ই উসমানীয় সৈন্যগণ তায়েফ আক্রমণ করেন, কিন্তু কোনো বাধা তারা পান নি। কেননা, তায়েফের শয়তান উসমান আল মুদায়িকী ও তার সৈন্যবাহিনী ভয়ে পালিয়েছিল। এই খোশ-খবরী ইস্তাম্বুলে খলিফাতুল মুসলিমীনের কাছে পৌঁছানো হয়। সুলতান মাহমুদ অত্যন্ত খুশি মনে অন্তরের অন্তঃস্থল থেকে আল্লাহ তা'আলার এ রহমতের জন্যে শোকরিয়া আদায় করেন। তিনি মুহাম্মদ আলী পাশাকে ধন্যবাদ জ্ঞাপন ও তাঁর কাছে উপহার-সামগ্রী প্রেরণ করেন এবং তাঁকে আদেশ করেন পুনরায় হেজায-এ গিয়ে দেখাশোনা করতে; আর ওহাবী দস্যুদেরকেও নিয়ন্ত্রণে রাখতে।

সুলতান মাহমুদ খান ২-এর আদেশ অনুযায়ী মুহাম্মদ আলী পাশা আবার মিশর হতে রওয়ানা হন। সেই সময় শরীফ গালিব আফেন্দী উসমানীয় সৈন্যবাহিনীসহ উসমান আল মুদায়িকীর খোঁজে তায়েফে অবস্থান করছিলেন। একটি সুসম্বিত তল্লাশীর পর উসমান আল মুদায়িকীকে আটক করা হয় এবং তাকে প্রথমে মিশরে, তারপর ইস্তাম্বুলে প্রেরণ করা হয়। মক্কা আগমনের পরে মুহাম্মদ আলী পাশা শরীফ গালিব আফেন্দীকেও ইস্তাম্বুলে পাঠিয়ে দেন এবং তাঁর ভ্রাতা ইয়াহইয়া ইবনে মাসউদ আফেন্দীকে মক্কার আমীর নিয়োগ করেন। মুবারক ইবনে মাহমুদ নামের আরেক ওহাবী বদমায়েশকেও বন্দী করে ১২২৯ হিজরীর মুহাররম মাসে ইস্তাম্বুলে নেয়া হয়। শত-সহস্র মুসলমানের হত্যাকারী এ দুই ওহাবী গুন্ডার যথোচিত শাস্তি তাদের প্রদান করা হয়; এর আগে তাদেরকে খুনী হিসেবে পরিচয় দানের জন্যে ইস্তাম্বুলের রাস্তায় রাস্তায় হাঁটানো হয়েছিল। শরীফ গালিব আফেন্দীকে ইস্তাম্বুলে এক উষ্ণ ও অন্তরঙ্গ অভ্যর্থনা দেয়া হয়। অতঃপর তাঁকে সালোনিকায় নিয়ে যাওয়া হয়। সেখানে তিনি অবসর জীবন যাপন করতে করতে অবশেষে ১২৩১ হিজরী সালে ইস্তাকাল করেন। বর্তমানে সালোনিকায় তাঁর কবর সকল য়েয়ারতকারীর জন্যে খোলা আছে।

হেজাযের পবিত্র নগরীগুলো হতে ওহাবীদেরকে বিতাড়নের পরে সৈন্যবাহিনীর একটি ডিভিশনকে দূরবর্তী ইয়ামেন পর্যন্ত বিভিন্ন স্থান ওহাবীমুক্ত করার জন্যে প্রেরণ করা হয়। মুহাম্মদ আলী পাশা এ ডিভিশনটিকে সাহায্য করার জন্যে স্বয়ং সৈন্যবাহিনীসহ তথায় যান এবং সমগ্র এলাকাটিকে শত্রুমুক্ত করেন। তিনি এরপর

মক্কা প্রত্যাবর্তন করেন এবং সেখানে ১২৩০ হিজরীর রজব মাস পর্যন্ত অবস্থান করেন। অতঃপর তিনি তাঁর পুত্র হাসান পাশাকে মক্কার গভর্নর নিয়োগ করে মিশরে ফিরে যান। ওহাবী দস্যুদের নেতা হিসেবে নরঘাতকের মূল দায়িত্ব পালনকারী সউদ ইবনে আবদুল আযীয ১২৩১ হিজরী সালে মৃত্যুবরণ করে। তার পুত্র আবদুল্লাহ ইবনে সউদ তার স্থলাভিষিক্ত হয়। মুহাম্মদ আলী পাশা তাঁর পুত্র ইব্রাহীম পাশাকে এক ডিভিশন সৈন্যসহ আবদুল্লাহ ইবনে সৌদকে দমন করার জন্যে পাঠান। ইতোপূর্বে আবদুল্লাহ ইবনে সৌদ তুসন পাশার সাথে একটি চুক্তি করেছিল এই শর্তে যে, সে উসমানীয়দের প্রতি অনুগত থাকবে, আর এ আনুগত্যের পরিবর্তে তাকে দারিয়্যা গভর্নর হিসেবে স্বীকৃতি দেয়া হবে; কিন্তু মুহাম্মদ আলী পাশা এ চুক্তিটিকে স্বীকার করে নেন নি। অতঃপর ১২৩১ হিজরী সালের শেষভাগে ইব্রাহীম পাশা মিশর হতে রওয়ানা হন এবং ১২৩২ হিজরী সালের শুরুতেই দারিয়্যা পৌঁছেন। আবদুল্লাহ ইবনে সৌদ তার সকল সৈন্য-সামন্ত নিয়ে প্রতিরোধ গড়ে তোলে, কিন্তু কয়েকটি রক্তক্ষয়ী যুদ্ধের পর ১২৩৩ হিজরী সালের জিলকদ মাসে (১৮১৮ খ্রী.) বন্দী হয়। বিজয়ের খোশ-খবরীকে মিশরের দুর্গ হতে একশটি তোপ-ধ্বনি দ্বারা স্বাগত জানানো হয় এবং সাত দিন সাত রাত মিশরে উৎসব চলে। সকল রাস্তা-ই পতাকা দ্বারা সাজানো হয়েছিল। আর মিনারার ওপর তাকবীর এবং মু'নাজাতও পাঠ করা হয়েছিল।

মুহাম্মদ আলী পাশা আরবের পবিত্র নগরীগুলো হতে ওহাবী গোমরাহদের বিতাড়ন করাকে অত্যন্ত গুরুত্বপূর্ণ কাজ হিসেবে বিবেচনা করেছিলেন। এই কারণে তিনি সর্বাঙ্গক চেষ্টা চালান এবং স্বর্ণমুদ্রা খরচ করেন। আবদুল্লাহ ইবনে সৌদ ও তার হিংস্র ওহাবী লুটেরা বাহিনীকে আটক করে মিশরে নেয়া হয়। ১২৩৪ হিজরীর মুহাররম মাসে তাদেরকে কায়রোতে অসংখ্য মানুষের চোখের সামনে উপস্থিত করা হয়। মুহাম্মদ আলী পাশা আবদুল্লাহ ইবনে সৌদকে একটি দয়াপূর্ণ ও আনন্দঘন অভ্যর্থনা জানান। তাঁদের বাক্যালাপ নিম্নে উদ্ধৃত হলো:

পাশা বলেন: “আপনি অত্যন্ত কঠিন সংগ্রাম করেছেন।”

ইবনে সৌদ উত্তর দেয়: “যুদ্ধ তাকদীর ও ভাগ্যের বিষয়।”

“আমার পুত্র ইব্রাহীম পাশাকে আপনার কেমন মনে হয়েছে?”

“তিনি অত্যন্ত সাহসী। তবে তাঁর সাহসের চেয়ে বুদ্ধি আরো বেশি। আমরাও যথাসাধ্য চেষ্টা করেছি। কিন্তু আল্লাহ যা ডিক্রি করেছেন, তাই হয়েছে।”

“দুশ্চিন্তা করবেন না! মুসলিমগণের খলিফার কাছে আমি একটি সুপারিশপত্র লিখবো।”

“যা তাকদীরে লেখা হয়েছে, তাই ঘটবে।”

“আপনি ওই কৌটাটি আপনার সাথে কেন বহন করেন?”

“তার ভেতর বহু দামী জিনিসপত্র আছে, যা আমার পিতা হুজরাতুন নববী হতে নিয়েছিলেন। এগুলো আমি আমাদের মহামান্য সুলতানের কাছে উপহার হিসেবে পেশ করবো।”

মুহাম্মদ আলী পাশা কৌটাটি খোলার আদেশ দেন। মহামূল্যবান মোড়কে আবৃত তিন কপি কুরআন শরীফ, তিনশ ত্রিশটি বড় আকৃতির মুক্তা, একটি বড় আকারের পান্না ও স্বর্ণের চেইনসমূহ যা হুজরাতুন নববী হতে চুরি করা হয়েছিল, তা দৃশ্যমান হয়। পাশা জিজ্ঞেস করেন, “খাযিনাতুন নববী” হতে চুরি করা মালামালের মধ্যে এগুলো তো সব নয়। আরো থাকার কথা, তাই নয় কি?”

ইবনে সৌদ জবাবে বলে, “আপনি ঠিক বলেছেন, মাননীয় পাশা। কিন্তু আমার পিতার ধনভান্ডারে আমি

এগুলোই পেয়েছি। হুজরাতুস সায়াদা লুটপাটকারীদের মধ্যে আমার পিতা-ই একমাত্র ব্যক্তি নন। আরবীয় গোত্রপতিগণ, মক্কার বিশিষ্ট ব্যক্তিবর্গ, শরীফ গালিব আফেন্দীও তাঁর শরীকদার ছিলেন। যে যা লুট করতে পেরেছে তা তারই হয়ে গিয়েছে।”

মুহাম্মদ আলী পাশা বলেন, ‘হ্যাঁ, তা সত্য! আমরা শরীফ গালিব আফেন্দীর সাথেও অনেক জিনিস পেয়েছি এবং তা তাঁর কাছ থেকে গ্রহণ করেছি।’ [আইয়ুব সাবরী পাশা তাঁর ‘মিরাতুল হারামাইন’ গ্রন্থে মন্তব্য করেন: “এটা বোঝা উচিত যে শরীফ গালিব আফেন্দী এ সব সামগ্রীকে ওহাবী লুটেরাদের হাত থেকে রক্ষা করার জন্যেই নিয়েছিলেন। মুহাম্মদ আলী পাশা ‘হ্যাঁ, তা সত্য’-এ কথা বলেছিলেন এ কারণে নয় যে, তিনি শরীফ গালিব আফেন্দীকে লুণ্ঠনকারী হিসেবে বিশ্বাস করতেন, বরং এ কারণে যে কৌটার মধ্যে এতো কম জিনিস থাকার হেতু হিসেবে ওই যুক্তিকে তিনি গ্রহণ করেছিলেন।]

এই আলাপের পরে আবদুল্লাহ ইবনে সৌদকে তার সহযোগীদের সাথে ইস্তাম্বুলে পাঠানো হয়। শত-সহস্র মুসলমান হত্যার দায়ে অভিযুক্ত এ সকল হিংস্র ডাকাতকে তোপকাপি প্রাসাদের ফটকের সামনে ফাঁসি দেয়া হয়।

অতঃপর ইব্রাহীম পাশা দারিয়্যা দুর্গ ধ্বংস করে দেন এবং ১২৩৫ হিজরী সালে মিশর প্রত্যাবর্তন করেন। অপর দিকে পথভ্রষ্ট ওহাবী মতবাদের প্রবর্তক ও সহস্র সহস্র মুসলমানের গোমরাহকারী মুহাম্মদ ইবনে আবদুল ওয়াহহাবের পুত্রকে মিশরে নিয়ে আসা হয় এবং কারারুদ্ধ করা হয়, যেখানে সে অবশেষে মৃত্যুবরণ করে।

আবদুল্লাহ ইবনে সৌদের পরে একই বংশের তারকি ইবনে আবদুল্লাহ ওহাবীদের নেতৃত্বভার গ্রহণ করে। তারকির বাবা আবদুল্লাহ ছিল সউদ ইবনে আবদুল আযীযের চাচা। পরবর্তী সময়ে মাশশারী ইবনে সউদ নামের একই বংশোদ্ভূত আরেক ওহাবী তারকি ইবনে আবদুল্লাহকে হত্যা করে ক্ষমতা দখল করে। অতঃপর তারকির পুত্র ফয়সল মাশশারীকে হত্যা করে তার স্থলাভিষিক্ত হয়। যদিও সে মুহাম্মদ আলী পাশা কর্তৃক প্রেরিত সৈন্যদেরকে প্রতিরোধ করতে চেষ্টা করেছিল, তবুও সে মিরলিউয়ী (ব্রিগেডিয়ার জেনারেল) খুরশিদ পাশার হাতে ১২৫৭ হিজরী সালে আটক হয় এবং মিশরে প্রেরিত হয়, যেখানে তাকে কারারুদ্ধ করা হয়। এরপর সউদের পুত্র খালিদ বে যিনি ওই সময় পর্যন্ত মিশরে বসবাস করছিলেন, তাঁকে দারিয়য়ার আমীর নিয়োগ করা হয় এবং জেদ্দায় প্রেরণ করা হয়। উসমানীয় আদব-কায়দায় শিক্ষাপ্রাপ্ত খালিদ বে ছিলেন আহলে সুন্নাহের আকিদায় বিশ্বাসী একজন ভদ্র-নম্র ব্যক্তি। অতঃপর তিনি মাত্র দেড় বছর আমীরের পদে বহাল থাকতে পেরেছিলেন। আবদুল্লাহ ইবনে সাইয়্যান উসমানীয় রাষ্ট্রের প্রতি অনুগত হওয়ার ভান করে বহু পল্লী জবরদখল করে নেয়। সে দারিয়্যা আক্রমণ করে নিজেকে আমীর ঘোষণা করে। খালিদ বে মক্কায় আশ্রয় নেন। মিশরে কারারুদ্ধ শায়খ ফয়সল পালিয়ে গিয়ে জাবালুস সামর-এর আমীর ইবনে রশীদের সহযোগিতায় নজদে গমন করে এবং ইবনে সাইয়্যানকে হত্যা করে। তাকে উসমানীয় রাষ্ট্রের প্রতি আনুগত্যের শপথ গ্রহণ করিয়ে দারিয়য়ার আমীর পদে নিয়োগ করা হয়। সে ১২৮২ হিরজী সালে মৃত্যু অবধি তার কথা রক্ষা করে।

শায়খ ফয়সলের তিন জন পুত্র ছিল, যথা – আবদুল্লাহ, সউদ এবং মুহাম্মদ সাঈদ। জ্যেষ্ঠ আবদুল্লাহকে নজদের আমীর পদে নিয়োগ করা হয়। সউদ তার বড় ভাইয়ের বিরুদ্ধে বিদ্রোহ করে বাহরাইন দ্বীপের লোকজনকে সাথে নিয়ে। আবদুল্লাহ তার ভ্রাতা মোহাম্মদ সাঈদকে প্রেরণ করে সৌদকে দমন করার জন্যে, কিন্তু তার সৈন্য

বাহিনী পরাজিত হয়। নজদের সকল নগরী দখল করার অভিলাষ সউদের অন্তরে ছিল; সুতরাং ফারিক [মেজর জেনারেল] নাফিয পাশাকে ষষ্ঠ আর্মীসহ সউদকে দমন করার জন্যে প্রেরণ করা হয়। কেননা, আবদুল্লাহ ছিল উসমানীয় রাষ্ট্র কর্তৃক নিয়োগকৃত আমীর। ফলে সউদ এবং তার সহযোগী লুটেরা বাহিনী পরাস্ত হয় এবং নজদরাজ্যে পুনরায় সুখ-শান্তি ফিরে আসে। মুসলমান সর্বসাধারণ মু'মিনগণের খলীফার জন্যে আল্লাহর দরবারে দোয়া করেন। তবে পরবর্তীকালে মুহাম্মদ ইবনে রশীদ নজদ দখল করে নেয় এবং আবদুল্লাহকে বন্দী করে।

ওহাবীরা যখন ইয়ামেন দখল করেছিল, তখন তারা আসির অঞ্চলে দশ লাখ জংলীকে ধোকা দিয়ে ওহাবী মতবাদ গ্রহণ করতে বাধ্য করেছিল, যে জংলীরা তায়েফ ও সা'না শহরের মধ্যবর্তী সাওয়াত পাহাড়সমূহে বসবাস করতো। মুহাম্মদ আলী পাশা ওহাবীবাদের মূলোৎপাটন করে পাহাড়ী জংলী এ সব ওহাবীকে বিতাড়নের সময়সীমা কিছুটা পিছিয়ে দিয়েছিলেন। এ এলাকাটিকে উসমানীয় নিয়ন্ত্রণে আনা হয় সুলতান আবদুল মাজিদ খানের খেলাফত আমল ১২৬৩ হিজরী সালে।

আসির অঞ্চলের লোকেরা যাকে নির্বাচন করতো, সেই ব্যক্তি-ই হতো তাদের আমীর, আর উসমানীয় সরকার নিয়োগ করতেন তাদের গভর্নরকে। গভর্নর তাদের প্রতি সদয় আচরণ করা সত্ত্বেও তারা অহরহ তাঁর বিরুদ্ধে বিদ্রোহ করতো। পক্ষান্তরে তারা তাদের আমীরকে অনুসরণ করাকে ইবাদত মনে করতো। এমন কি কুদী মাহমুদ পাশা যখন গভর্নর ছিলেন, তখন তারা বিদ্রোহ করে ইয়ামেনের হোদাইদা বন্দর আক্রমণ করেছিল। কিন্তু তারা ভয়ংকর সাইমুম দ্বারা ধ্বংসপ্রাপ্ত হয়েছিল। যদিও তারা আবারো ১২৮৭ হিজরী সালে বিদ্রোহ করে হোদাইদা অবরোধ করেছিল, তবুও অল্প সংখ্যক উসমানীয় সৈন্যই অসীম সাহসিকতার সাথে যুদ্ধ করে নগরীটিতে তাদেরকে ঢুকতে না দিয়ে তাদেরকে সহজেই পরাভূত করেন। অতঃপর রাদিফ পাশার অধীনে এক ডিভিশন সৈন্যকে প্রেরণ করা হয় এবং রাদিফ পাশা ও অন্যান্য উসমানীয় সেনাপতিদের সুকৌশলপূর্ণ পরিকল্পনা দ্বারা দুর্গম, খাড়া পার্বত্য এলাকায় অবস্থিত ওহাবী দাঙ্গাবাজদের আখড়াগুলো একের পর এক সুল্লীদের দখলে নিয়ে আসা হয়। ফিতনা ও বিদ্রোহের আখড়াগুলোকে নির্মূল করা হয়। যখন রাদিফ পাশা অসুস্থ হয়ে পড়েন, তখন ইয়ামেনের মরুভূমি ও আসির পার্বত্য এলাকার ওহাবী জংলীদেরকে সভ্য-ভব্য বানাবার এবং সেই এলাকায় ইসলামী জ্ঞান ও নৈতিকতার প্রচার-প্রসারের দায়িত্ব দেয়া হয় গাযী আহমদ মুখতার পাশাকে।

ইয়াভুজ সুলতান সেলিম খান যখন ৯২৩ হিজরী সালে মিশর জয় করে প্রথম তুর্কী খলিফা হন, তখন থেকেই আরবীয় উপদ্বীপ উসমানীয়দের শাসনাধীন হয়েছিল। যদিও নগরীগুলোকে নিরবচ্ছিন্ন শান্তির মধ্যে শাসন করা হতো, তবুও মরুভূমি ও পার্বত্য এলাকার অজ্ঞ, ভবঘুরে লোকদেরকে তাদের নিজ নিজ আমীর কিংবা শায়েখদের দ্বারা শাসিত হওয়ার জন্যে ছেড়ে দেয়া হয়। এ শায়েখরা কখনো কখনো বিদ্রোহ করতো। তাদের অধিকাংশই ওহাবী হয়ে যায় এবং নিজেদের লোকদেরকে আক্রমণ ও মুসলমানদেরকে হত্যা করতে আরম্ভ করে। তারা হাজীদের ওপর লুটপাট ও তাঁদেরকে হত্যা করতে থাকে।

১২৭৪ হিজরী সালে বৃটিশরা জেদ্দায় চরম ফিতনার আশুনা জ্বালিয়ে দেয়, কিন্তু মক্কায় সেই সময়কার গভর্নর নামিক পাশার নীতির কারণে শান্তি বজায় রাখা সম্ভবপর হয়। ১২৭৭ হিজরী সালে সকল বিদ্রোহী, বর্বর আমীরকে উসমানীয় সাম্রাজ্যের বশ্যতা স্বীকারে বাধ্য করা হয়।

‘মিরাতুল হারামইন’ গ্রন্থে লিপিবদ্ধ আছে যে, বইটি যখন ১৩০৬ হিজরী সালে প্রণীত হয়, তখন আরবীয় উপদ্বীপে এক কোটি বিশ লাখ মানুষ বসবাস করতো। যদিও তারা অত্যন্ত বুদ্ধি ও উপলব্ধিসম্পন্ন ছিল, তবুও তারা চরম অজ্ঞ, নিষ্ঠুর ও হানাহানিপ্রবণ ছিল। ওহাবীবাদে তাদের বিশ্বাস তাদের বর্বরতাকে আরো বৃদ্ধি করেছিল।

ইবনে রশীদের প্রপৌত্র আমীর ইবনে রশীদ ইতোপূর্বে উসমানীয়দের সাথে যোগ দিয়ে বৃটিশদের সাথে যুদ্ধ করেছিলেন। তাঁর পুত্র শায়খ আলী মদীনার দক্ষিণ-পূর্বে অবস্থিত হা’ইল শহরের আমীর ছিলেন। তিনি ১২৫১ হিজরী [১৮৩৫ ঈসাব্দ] সালে ইস্তিকাল করেন এবং তাঁর স্থলাভিষিক্ত হন তাঁর জ্যেষ্ঠ পুত্র আবদুল্লাহ আল রশীদ, যিনি তের বছর আমীর হিসেবে শাসন করেন। আবদুল্লাহ আল রশীদের জ্যেষ্ঠ পুত্র ও উত্তরাধিকারী তালালকে ফয়সল ইবনে সৌদ বিষ প্রয়োগ করে, যার দরুন তালাল পাগল হয়ে যান এবং একটি রিভলভার দ্বারা ১২৮২ হিজরী (১৮৬৬ ঈসাব্দ) সালে আত্মহত্যা করেন। তাঁর ভ্রাতা মু’তাব তাঁর পরে আমীর হন, কিন্তু বন্দর ইবনে তালাল তাঁর চাচা মু’তাবকে হত্যা করেন এবং শাসনভার গ্রহণ করেন। এই আমীরও তাঁর চাচা মুহাম্মদ আল রশীদ কর্তৃক নিহত হন, যিনি পরবর্তীকালে নজদ ও রিয়াদ দখল করে নেন এবং সৌদি বংশের আমীর আবদুল্লাহ ইবনে ফয়সলকে বন্দী করে হা’ইল-এ নিয়ে যান। সউদের দুই পুত্র আবদুল আযীয ও মুহাম্মদ, যারা আবদুল্লাহ ইবনে ফয়সলের ভাই ছিল, তারা পালিয়ে কুয়েতে আশ্রয় নেয়। মুহাম্মদ আল রশীদ ১৩১৫ হিজরী (১৮৯৭ ঈসাব্দ) সালে ইস্তিকাল করেন। তাঁর স্থলাভিষিক্ত হয় তাঁরই ভাইয়ের পুত্র আবদুল আযীয, যার নিষ্ঠুরতার দরুন ওহাবী ফিতনার আশুনা আবার দাউ দাউ করে জ্বলে ওঠে। রিয়াদ, কাসিম ও বুরাইদার শায়খবর্গ সেই সৌদ ইবনে ফয়সলের সাথে একতাবদ্ধ হয়। আবদুল আযীয ইবনে সৌদ কুয়েত হতে ১২টি উটসহ রিয়াদের উদ্দেশ্যে যাত্রা করে। ১৩২০ হিজরী (১৯০২ ঈসাব্দ) সালের এক রাতে সে রিয়াদে আগমন করে। আবদুল আযীয ইবনে আল রশীদের নিয়োগকৃত রিয়াদের গভর্নর আজলানকে সে এক ভোজসভায় হত্যা করে। রিয়াদের মানুষেরা, যারা সেই সময় পর্যন্ত চরম নিষ্ঠুরতার শিকার হয়েছিল, তারা ইবনে সৌদকে আমীর নির্বাচন করে। তিনটি বছর যাবত বহু যুদ্ধবিগ্রহ সংঘটিত হয়। অবশেষে আবদুল আযীয ইবনে আল রশীদ নিহত হয়। উসমানীয়গণ এ বিরোধের মধ্যে জড়িয়ে পড়েন ১৩৩৩ হিজরী (১৯১৫ ঈসাব্দ) সালে এবং আবদুল আযীয ইবনে সৌদের সাথে একটি চুক্তি করেন এ শর্তে যে, সে-ই হবে রিয়াদের প্রধান কর্মকর্তা। পরবর্তীকালে রশীদী ও সৌদিদের মধ্যে কাসিম-এ একটি যুদ্ধ হয়; আবদুল আযীয ইবনে সৌদ পরাজয় বরণ করে এবং রিয়াদে প্রত্যাবর্তন করে।

১৯১৮ খ্রীষ্টাব্দের ১৭ই জুন তারিখে আবদুল আযীয ইবনে সৌদ বৃটিশদের ইন্ধন পেয়ে একটি ঘোষণাপত্র প্রকাশ করে এ মর্মে যে, মক্কার আমীর শরীফ হুসাইন পাশা ও তাঁর সঙ্গীগণ সবাই কাফের এবং সে তাঁদের সাথে জেহাদরত। সে মক্কা মোয়াযযমা ও তায়েফ আক্রমণ করে, কিন্তু শরীফ হুসাইন পাশার কাছ থেকে সেগুলো দখল করতে ব্যর্থ হয়। পরবর্তী পর্যায়ে বৃটিশ সৈন্যরা শরীফ হুসাইন ইবনে আলী পাশাকে আটক করে

এবং ১৩৪২ হিজরী (১৯২৪ ইং) সালে তাঁকে সাইপ্রাসে নিয়ে যায়। পাশাকে যে হোটেলে অন্তরীন রাখা হয়েছিল, সেই হোটেলেই ১৩৪৯ (১৯৩১ ঈসাব্দ) সালে তিনি ইস্তিকাল করেন। আবদুল আযীয ইবনে সৌদ ১৯২৪ খ্রীষ্টাব্দে সহজেই মক্কা ও তায়েফ জবরদখল করে নেয়। ইতোপূর্বে ১৯১৯ খ্রীষ্টাব্দের ২৮শে ফেব্রুয়ারী তারিখে উসমানীয় সৈন্যগণ, যাঁরা শরীফ হুসাইন পাশার আক্রমণ হতে মদীনাকে রক্ষা করছিলেন, তাঁরা মন্ত্রস সন্ধি অনুযায়ী হিজায় ত্যাগ করেন। ওই সময় শরীফ হুসাইন পাশা তুরস্কের ক্ষমতা গ্রহণকারী ইত্তেহাদ-জিলার-এর সাথে সৌহাদ্যপূর্ণ মনোভাবসম্পন্ন ছিলেন না। শরীফ হুসাইন পাশার পুত্র আবদুল্লাহ মদীনায় বসবাস করে আসছিলেন বহু পূর্ব হতেই, কিন্তু তাঁর পিতার ইস্তিকালের পর বৃটিশ সরকার তাঁকে মদীনা হতে আন্মানে নির্বাসিত করে। তিনি ১৩৬৫ হিঃ (১৯৪৬ ঈসাব্দ) সালে জর্দান রাষ্ট্রের গোড়াপত্তন করেন। কিন্তু তাঁকে মসজিদুল আকসায় নামায আদায়রত অবস্থায় বৃটিশ আততায়ীদের হাতে প্রাণ দিতে হয় ১৩৭০ (১৯৫১ ঈসাব্দ) হিজরী সালে। তাঁর পুত্র তালাল তাঁর স্থলাভিষিক্ত হন। অতঃপর অসুস্থতার জন্যে তালাল অনতিবিলম্বেই তাঁর পুত্র মালিক হুসাইনকে ক্ষমতা হস্তান্তর করেন। শরীফ হুসাইন পাশার দ্বিতীয় পুত্র শরীফ ফয়সল ১৩৩৯ (১৯২১ ঈসাব্দ) হিজরী সালে ইরাক রাষ্ট্রের পত্তন করেন এবং ১৩৫১ হিজরী (১৯৩৩ ঈসাব্দ) সালে ইস্তিকাল করেন। তাঁর উত্তরাসূরী হন তাঁরই পুত্র গাযী যিনি মাত্র ২১ বছর বয়সে ১৯৩৯ খ্রীষ্টাব্দে ইস্তিকাল করেন। তাঁর দ্বিতীয় পুত্র ফয়সল ইরাকের পরবর্তী শাসনকর্তা হন; কিন্তু তিনি ১৯৫৮ খ্রীষ্টাব্দের ১৪ই আগষ্ট তারিখে জেনারেল কাসিমের নেতৃত্বে সামরিক অভ্যুত্থানে মাত্র ২৩ বছর বয়সে নিহত হন। দ্বিতীয় অভ্যুত্থানে কাসিমও নিহত হন। বহু সামরিক অভ্যুত্থানের পরে ইরাক ও সিরিয়া সোশালিষ্ট বাথ পার্টির ক্ষমতাবীন হয়ে যায় এবং রাশিয়ার কলোনীতে পরিণত হয়।

আবদুল আযীয ইবনে সৌদ বহু বার মদীনা মনোয়ারা আক্রমণ করে। এমন কি সে ১৯২৬ সালে যে আক্রমণ পরিচালনা করেছিল, তাতে সে রাসূলুল্লাহ ﷺ-এর মোবারক রওয়ায়ও বোমা-গোলা বর্ষণ করেছিল। কিন্তু তবু সে নগরীটি দখল করতে পারে নি। নিম্নোক্ত খবরটি ইস্তাখুলের ‘সন সা’আত গ্যাজেটেসী’ পত্রিকায় ১৯২৬ সালের ৯ই সেপ্টেম্বর তারিখে প্রকাশিত হয়:

“মদীনায় বোমা হামলা: আমরা পূর্বেই জানিয়েছি যে ভারতীয় মুসলমানগণ আবদুল আযীয ইবনে সৌদ কর্তৃক মদীনায় বোমা হামলা করায় উত্তেজিত ও ক্ষুব্ধ। ভারতে প্রকাশিত ‘দি টাইমস অফ ইন্ডিয়া’ বলে, মদীনা আক্রমণ ও রওয়াকে আকদাস-এ বোমা হামলার সাম্প্রতিক খবর ভারতীয় মুসলমানদের মধ্যে এমন এক অসন্তোষ ও ক্ষোভের সঞ্চার করেছে যে এ রকম আর কোনো ঘটনায়ই হয় নি। ওই পবিত্র স্থানটিকে ভারতীয় মুসলমানগণ কতোটুকু শ্রদ্ধা করেন তা তাঁরা প্রদর্শন করেছেন। ভারত ও ইরানে এ তীব্র অসন্তোষ ও ক্ষোভ নিশ্চিতভাবে ইবনে সৌদের ওপর প্রভাব ফেলবে, যার দরুন সে এই ধরণের অপকর্ম সংঘটন থেকে বিরত থাকবে, যাতে করে সকল মুসলমান রাষ্ট্রের রোযানল হতে সে মুক্ত থাকতে পারে। ভারতীয় মুসলমানগণ প্রকাশ্যে এটা ইবনে সৌদের কাছে ব্যক্ত করেছেন।”

ওহাবীরা দাবি করেছিল আহলে সুন্নাহের মুসলমানগণ যাঁরা তাদের ভ্রাতৃ, গোমরাহ ধ্যান-ধারণা গ্রহণ করেন নি, তাঁরা সবাই কাফের। তারা বলেছিল যে যাঁরা অ-ওহাবীদেরকে কাফের মনে করবেন না, তাঁরাও কাফের হয়ে যাবেন, এবং তাঁদেরকে হত্যা করা ও তাঁদের মালামাল জবরদখল করা নাকি হালাল। ওহাবীদের এ সকল

বক্তব্য তাদের কৃত ‘ফাতহুল মাজীদ’ ও ‘কাশফুশ শুবহাত’ বইগুলোতে লিপিবদ্ধ আছে। এ ধরনের উচ্ছৃঙ্খলতা মরুভূমির জংলীদের স্বার্থকে সংরক্ষণ করায় ওহাবীবাদ সমগ্র আরবে দ্রুত প্রসার লাভ করে। জংলীরা মুসলমানদেরকে হত্যা করতে থাকে এবং তাঁদের মালামাল লুটপাট করতে থাকে। তারা যেখানে গেছে সেখানেই তারা সন্ত্রাস ও অত্যাচারকে সাথে নিয়েছে। কিন্তু আল্লাহ তা’আলা মুসলমানদের প্রতি দয়া প্রদর্শন করেন; উসমানীয় বাদশাহ্ সুলতান মাহমুদ খান-২য় হযরত খিযির (আ.) এর মতো যথাসময়ে মুসলমানদেরকে রক্ষা করতে আবির্ভূত হন। তিনি বদম্যেশ, না-পাক ওহাবীদেরকে পবিত্র স্থানসমূহ হতে বিতাড়িত করেন এবং তাদেরকে ধ্বংস করেন। প্রথম বিশ্বযুদ্ধের সময় পর্যন্ত ওই সকল পবিত্র স্থান উসমানীয়দের দ্বারা ন্যায় ও ইনসাফের সাথে শাসিত হয়েছিল। মুসলমানগণ তাঁদের মানবাধিকার, স্বাধীনতা, সুখ ও শান্তি নিরবচ্ছিন্নভাবে ভোগ করেছিলেন।

প্রথম বিশ্বযুদ্ধের সময় উসমানীয় সাম্রাজ্যকে শাসনকারী ‘ইউনিয়ন ও প্রগ্রেস পার্টির’ গোঁড়াপন্থী সদস্যরা ধর্ম সম্পর্কে অজ্ঞ ছিল। তাদের মধ্যে ইসলামী শিক্ষা ও নৈতিকতার ঘাটতি ছিল। সরকারের মধ্যে যারা সক্রিয়ভাবে জড়িত ছিল, তাদের অধিকাংশই ছিল ফ্রি-ম্যাসন (যিনদিক, মোনাফেক) যারা সাম্রাজ্যের অন্যান্য স্থানের মুসলমানদের মতো আরবীয় মুসলমানদের প্রতি জুলুম-নিপীড়ন পরিচালনা করতো। সুলতান আবদুল হামিদ খান ২য়-এর শাসনামলের ন্যায়বিচার, দয়া, অনুগ্রহ ও শ্রদ্ধাতে অভ্যস্ত আরবীয় জনগণ তুর্কীদেরকে নিজেদের ভাইয়ের মতো ভালোবাসতেন। কিন্তু তাঁরা ইউনিয়নপন্থীদের অত্যাচার ও ডাকাতি দেখে বিস্মিত হন। মক্কার আমীর শরীফ হুসাইন ইবনে আলী পাশার আত্মীয়-স্বজন ও মেয়ের জামাইকে এবং আরো বহু আরবীয় সুধীজনকে দামেশক শহরে ইউনিয়নপন্থী জামাল পাশা অত্যাচার করে হত্যা করে।

ইউনিয়নপন্থী দস্যুরা সুলতান আবদুল হামিদ খান ২য়-কে ক্ষমতাচ্যুত করে এবং সরকারের বহু বিশিষ্ট ব্যক্তি ও খলিফার আমলের উলামায়ে কেরাম, লেখকবৃন্দকে বন্দী করে এবং আরো বহু ব্যক্তিকে নামাযশেষে মসজিদ ত্যাগ করার সময় কিংবা কর্মশেষে কার্যালয় ত্যাগ করার সময় পেছন থেকে গুলী করে হত্যা করে। সুলতান রাশাদ খাঁকে তারা খেলাফতে সমাসীন করে তাঁকে এবং তাদের নিয়োগকৃত আইন প্রণেতাদেরকে পিস্তলের মুখে সাম্রাজ্যটিকে এক যুদ্ধ থেকে আরেক যুদ্ধে, এক ধ্বংসযজ্ঞ থেকে আরেক ধ্বংসযজ্ঞে ধাবিত করতে বাধ্য করে। তারা জনগণকে নিপীড়ন করতে থাকে, আর ভোগ-বিলাসে মত্ত হয়ে যায় এবং শরীয়তকেও অবজ্ঞা করে। যে সকল একনিষ্ঠ, দূরদর্শী ও দেশপ্রেমিক মুসলিম এই গডডলিকা প্রবাহকে বাধা দিতে চেষ্টা করেন, তাঁদেরকে তারা ফাঁসি কিংবা নির্বাসনে দেয়। শরীফ হুসাইন ইবনে আলী পাশা ওই সকল বুদ্ধিমান মুসলমানদের একজন ছিলেন, যিনি সুলতান আবদুল হামিদ খানের খিলাফত আমলে মীর-ই-মীরান অথবা বেগলার বেগী (প্রাদেশিক শাসনকর্তা) পদবী ধারণ করে খলিফা ও সাম্রাজ্যের খেদমত করেছিলেন। তাকে মক্কার আমীর হিসাবে নিয়োগ করে ইস্তাম্বুল হতে প্রেরণ করা হয়েছিল। অতঃপর তিনি ইউনিয়নপন্থীদের বিরোধিতা করেন, যারা সাম্রাজ্যকে প্রথম বিশ্বযুদ্ধের ধ্বংসযজ্ঞে ঠেলে দেয়। আনোয়ার পাশার প্রণীত ও ২২শে জিলহজ্জ ১৩৩২ হিজরী (অক্টোবর ২৮/১৯১৪ইং) সালে সুলতান রাশাদের স্বাক্ষরকৃত যুদ্ধের ঘোষণাকে ইউনিয়নপন্থীরা “জিহাদে আকবর”-এর মিথ্যা খেতাব দিয়ে সকল মুসলমান রাষ্ট্রে এর কপিসমূহ প্রেরণ করে। বেচারী সুলতান রাশাদ মনে করেছিলেন যে তিনি বুঝি সত্যি একজন খলিফা এবং তাঁর ঘনিষ্ঠ সহচরদের কাছে বাধ্য হয়ে অভিযোগ করেছিলেন: “তারা আমার কথা একদম শোনে না!” তাঁর এ অভিযোগে প্রমাণ মেলে যে,

তিনি যখন ইসলামবিরোধী বিষয়াবলিতে স্বাক্ষর করতে বাধ্য হতেন, তখন কূটচালগুলো সম্পর্কে তিনি বুঝতে পারতেন।

শরীফ হুসাইন পাশা দেখতে পেয়েছিলেন যে ইউনিয়নপন্থীরা মুসলমানদের ঈমান ও সরল বিশ্বাসকে ব্যবহার করে এবং অ-মুসলিমদের সাথে জেহাদের বুলি আওড়ে বিশাল সাম্রাজ্যটিকে ধ্বংসের মুখে ঠেলে দিচ্ছিল এবং সহস্র সহস্র যুবককে আগুনে নিক্ষেপ করছিল এবং তাদের গাফিলতি ও অবক্ষয় তাদের বুলির সাথে ন্যূনতন সামঞ্জস্যও বজায় রাখছিল না। তিনি মুসলমানদেরকে এ দস্যুদের হাত হতে এবং সাম্রাজ্যটিকে ভবিষ্যতের অশুভ পরিণতি হতে রক্ষা করার একটি উপায় অন্বেষণ করেছিলেন। যখন তিনি শুনতে পেলেন যে দামেশকে শরীফগণের বিশিষ্ট ব্যক্তিবর্গকে উন্নত চিন্তে জামাল পাশা নৃশংসভাবে হত্যা করেছে, তখন তিনি নিজ পুত্র শরীফ ফয়সল আফেন্দীকে সেখানে পাঠালেন বিষয়টি তদন্ত করতে। ফয়সল আফেন্দী দেখতে পেলেন যে, তাঁরা যা শুনছিলেন তাই সত্য। তিনি তাঁর পিতাকে এই বাজে ঘটনা সম্পর্কে অবহিত করেন। শরীফ হুসাইন পাশা আর সহ্য করতে পারলেন না। অতঃপর তিনি দুইটি ঘোষণাপত্র জারি করলেন; প্রথমটি ১৩৩৪ হিজরীর ২৫শে শা'বান (১৯১৬ইং) তারিখে এবং দ্বিতীয়টি ১৩৩৪ হিজরীর ১১ই জিলকদ তারিখে। এর উদ্দেশ্য ছিল ঘটনাবলি সম্পর্কে মুসলমানদেরকে অবহিত করা। ইউনিয়নপন্থীরা এ দুইটি ন্যায্য শ্বেতপত্রকে “বিদ্রোহের ঘোষণাপত্র” আখ্যা দিয়েছিল। ইস্তাম্বুলে অবস্থিত ইউনিয়নপন্থী সংবাদ মাধ্যমের ভাড়াটে কলমগুলো শরীফ হুসাইন পাশার প্রতি অত্যন্ত নিচু ও হীন ভাষায় কুৎসা রটনা করে এবং গালমন্দ করে। শরীফ হুসাইন পাশার ঘোষণাপত্রের প্রতি মনোযোগ দেয়ার পরিবর্তে ইউনিয়নপন্থীরা তাঁকে দেশদ্রোহী ঘোষণা করে দেয়। তারা তাঁকে পরাভূত করার উদ্দেশ্যে সৈন্য প্রেরণ করে। বহু বছর ধরে তারা ভ্রাতৃঘাতী যুদ্ধ বাধিয়ে রাখে। নবী কারীম ﷺ-এর বংশধর ওই সকল খালেস মুসলমানদের হাতে মক্কা মোয়াযযমা ও মদীনা মোনাওয়ারা সমর্পণ না করার জন্যে তারা বহু নির্দোষ মানুষকে হত্যা করে। সবচেয়ে খারাপ কথা, তারা এ সব বরকতময় স্থানকে ইসলামের হত্যাকারী, মরু-দস্যু, অজ্ঞ ও নিষ্ঠুর ওহাবীদের কাছে সমর্পণ করে। তবে এটা চূড়ান্ত পর্যায়ে দৃশ্যমান হয় যে, শরীফ হুসাইন পাশা-ই সঠিক ছিলেন। ইউনিয়নপন্থীরা উসমানীয় সাম্রাজ্যকে শত্রুদের হাতে তুলে দিয়ে পলায়ন করে। ১৩৪০ হিজরী/ ৩০শে আগষ্ট ১৯২২ইং-এর তুর্কী মুক্তি ও বিজয় না হলে তুর্কী ও ইসলাম শরীফ হুসাইন পাশার আশঙ্কা অনুযায়ী সম্পূর্ণভাবে নিশ্চিহ্ন হয়ে যেতো এবং বৃটিশ সরকারের আরোপিত সেভার্স সন্ধি (আগষ্ট ২০, ১৯২০ইং)-এর কষাঘাতে মুসলিম বিশ্বও বিলুপ্ত হয়ে যেতো। শরীফ হুসাইন পাশার ঘোষণাগুলোর একটি সূক্ষ্ম বিশ্লেষণ করা হলে এটা সুস্পষ্টভাবে বোঝা যাবে যে, তিনি “আরবীয় স্বাধীনতা” জাতীয় কোনো ধারণায় বিশ্বাসী ছিলেন না। তিনি জাতিয়তাবাদী ছিলেন না। তিনি ইসলামের পতাকার নিচে সকল মুসলমানকে ভ্রাতৃসুলভ মনোভাব নিয়ে বসবাস করতে দেখতে চেয়েছিলেন। মক্কা ও মদীনার খাঁটি মুসলমানগণ বিশ্বাস করতেন যে সকল মুসলমান জাতি-ই পরস্পর পরস্পরের ভাই এবং তাঁরা তাঁদেরকে ভাইয়ের মতো ভালোবাসতেনও। অপর পক্ষে, ইউনিয়নপন্থী পত্র-পত্রিকাগুলো আরবীয়দেরকে অপমান করতো কালো ককুরকে “আরব, আরব” আখ্যা দিয়ে এবং কোঁকড়া চুলকে “আরবীয় চুল”, নরম সাবানকে “আরবীয় সাবান” ও তেলাপোকাকে “কালো ফাতমা (ফাতিমা-রা.)” ইত্যাদি জঘন্য খেতাবে ভূষিত করে। বড়ই আফসোস, ইউনিয়ন গোঁড়াপন্থীরা শরীফ হুসাইন পাশার মতো নির্মল আত্মা ও মহান উপলব্ধি হতে শূন্য ছিল! এ সকল একনিষ্ঠ মুসলমানকে বিদ্রোহী জ্ঞান করে তারা ওহাবীদের বিদ্রোহকে অসৎ পরিকল্পনা দ্বারা ইন্ধন যুগিয়েছিল, যারা তুর্কী সৈন্যদের ওপর হামলা চালিয়ে উসমানীয় ভূমি জবরদখল করে নিয়েছিল। ইউনিয়নপন্থীরা, যারা তুর্কী

সৈন্যদেরকে বার বার বিশ্বনবী ﷺ-এর বংশের খাঁটি মুসলমানদের সাথে যুদ্ধে লিপ্ত হওয়ার জন্যে আদেশ দিতো, তারা বিদ্রোহী হিংস্র ওহাবী আবদুল আযীয ইবনে সৌদের কাছে মিত্রতার চিঠিপত্র লিখতো এই বলে, “তোমার সৈন্যসহ মদীনায় আগমন করো, আমরা তোমার সাথে মক্কায় যাবো এবং সুলতানের বিরুদ্ধে বিদ্রোহ ঘোষণাকারী আমীর হুসাইন পাশাকে বন্দী করবো”। আবদুল আযীয ইবনে সৌদ তাদের চিঠির কোনো জবাবই দেয় নি। কেননা, সে তুর্কীদেরকে মক্কায় দেখতে চায় নি। সে ইতোমধ্যেই তদানীন্তনকালে বাহরাইন দ্বীপপুঞ্জে অবস্থিত বৃটিশ বাহিনীর কর্তব্যজ্ঞির (কমান্ডারের) সাথে একটি চুক্তি করে ফেলেছিল। পারসিক উপসাগরের তীরে অবস্থিত উসমানীয় শহরগুলো বৃটিশদের কাছ থেকে প্রাপ্ত অস্ত্রশস্ত্র দ্বারা আক্রমণ ও জবরদখল করার ব্যাপারেই সে সংগ্রামরত ছিল এবং সে আশা করছিল যে আরব রাজ্য (জাযিরাতুল আরব) ওহাবীদের হাতেই সমর্পণ করা হবে। অতঃপর তাই ঘটে গেলো।

নজদ মরুভূমিতে ইবনে রশীদ ও আবদুল আযীয ইবনে সৌদ গোত্র দুইটির রক্তক্ষয়ী সংঘাত বন্ধ করার জন্যে ফারুকী সামী পাশাকে কাসিম শহরের মুতাসাররীফ (প্রদেশের উপ-বিভাগের গভর্নর) নিয়োগ করা হয়। যদিও আবদুল আযীয ইবনে সৌদ সামী পাশা ও তুর্কী সৈন্যদেরকে বন্দী করে রিয়াদ নিয়ে যাওয়ার ফন্দি আঁটতে থাকে, তবু কাসিম শহরের শায়খগণ তাকে এ কাজ হতে বিরত রাখতে সমর্থন হন এ মর্মে পরামর্শ দিয়ে যে, উসমানীয় সাম্রাজ্য হতে উদ্ভূত এর বিরূপ প্রতিক্রিয়া সামাল দেয়া দুষ্কর হবে। কিন্তু সে সামী পাশার ওপর একটি চাল খাটায়; সে পরামর্শস্বরূপ তাঁকে বলে, “কাসিম শহরে এতোজন সৈন্যের খাদ্য সরবরাহ করতে আপনার ভীষণ অসুবিধা হবে। হয়তো আপনারা খাদ্যাভাবে ক্লিষ্ট হবেন। মদীনায় প্রত্যাবর্তন করাই আপনাদের জন্যে ভালো হবে।” সামী পাশা এটাকে একটা বন্ধুত্বপূর্ণ উপদেশ মনে করেন এবং মদীনায় প্রত্যাবর্তন করেন। সৈন্যরা চলে যাওয়ার পর আবদুল আযীয ইবনে সৌদ দুর্গ হতে উসমানীয় পতাকাটি নামিয়ে ফেলে এবং ফলস্বরূপ কাসিম শহরের পতন ঘটে। এরপর সে নজদ প্রদেশের রাজধানী আল খাসসা আক্রমণ করে এবং উসমানীয় সৈন্যদেরকে পরাস্ত করে শহরটি জবরদখল করে নেয়। ইউনিয়নপন্থীরা আবদুল আযীয ও ওহাবীদের এ বৈরীতাকে শৈথিল্য দিতে থাকে। বিশেষ করে বসরার সহকারী ও ইসলামের একজন ‘প্রগতিবাদী সংস্কারক’ তালিব নকীব আবদুল আযীয ইবনে সৌদের আক্রমণগুলোকে ইসলামের খেদমত হিসেবে আখ্যা দিতে থাকে। এতে অনুপ্রাণিত হয়ে আবদুল আযীয ইবনে সৌদ ইবনে রশীদের ওপরও আক্রমণ পরিচালনা করেছিল, কিন্তু সে শোচনীয় পরাজয় বরণ করে এবং মারাত্মক ক্ষতিগ্রস্ত হয়। সৌদ পরিবারের অনেকেই নিহত হয়। আবদুল আযীয হতে প্রাপ্ত যুদ্ধের সরঞ্জামাদির মধ্যে বৃটিশের তৈরি অস্ত্রশস্ত্র এবং বহু ‘হ্যাট’ পাওয়া যায়। আবদুল আযীযের এ পরাজয়ের দরুন তার মক্কা ও মদীনা আক্রমণের পরিকল্পনা কিছুকাল বিলম্বিত হয়। তবুও সে কুখ্যাত বৃটিশ গুপ্তচর ক্যাপটেন (পরবর্তীকালে কর্নেল) লরেন্স-এর উস্কানিতে তার বিশ্বাসঘাতকতাপূর্ণ কুকর্ম চালিয়ে যেতে থাকে। সে শরীফ হুসাইন পাশার সাথে যুদ্ধ ঘোষণা করে দেয় এবং ১৩৩৬ (১৭ই জুন, ১৯১৮ ঈসাব্দ) সালে মক্কা আক্রমণ করে বসে; কিন্তু সে পরাজিত হয় এবং নজদে ফিরে যায়। [আবদুল আযীয ইবনে সৌদ বৃটিশ সৈন্যদের কাছ থেকে ১৩২৪ হিজরী/১৯২৪ সালে মক্কা ও তায়েফের দখল বুঝে নেয় এবং ১৩৪৯ হিজরী/১৯৩১ ঈসাব্দ সালে মদীনার দখলও বুঝে নেয়। অতঃপর ১৯৩২ খৃষ্টাব্দে সৌদি আরব রাষ্ট্রের গোড়াপত্তন করে। ১৩৭২ হিজরী/১৯৫৩ ঈসাব্দ সালে তার মৃত্যুর পর উত্তরাধিকারী হয় তারই পুত্র সৌদ, যে নাকি সৌদি বংশের বিশতম উত্তরাধিকারী ছিল। লাম্পট্য জীবন যাপন করে সে ১৯৬৪ ইং সালে মদ্যপ অবস্থায় এথেন্সে মৃত্যুবরণ করে। তার উত্তরাসূরী তারই ভাই ফয়সাল তেল কোম্পানীগুলো ও প্রতি

বছরের হাজীদের কাছ থেকে সংগৃহীত কোটি কোটি স্বর্ণমুদ্রা ওহাবীবাদ সারা মুসলিম বিশ্বে প্রচারের উদ্দেশ্যে মুক্ত হস্তে খরচ করে এবং মুসলমানদেরকে ধোকা দেয়। ১৩৯৫ হিজরী/১৯৭৫ ঈসাক্স সালে রিয়াদ প্রাসাদে তার ভাগ্নে কর্তৃক সে নিহত হলে তার ভাই খালেদ সৌদি আরবের রাজা হয়।]

মদীনার সামরিক অধিনায়ক দুইজন, যথাক্রমে বসরী পাশা ও ফখরী পাশা যদিও আবদুল আযীয ইবনে সৌদের বে-ঈমানী কাজ-কারবার কাছ থেকে লক্ষ্য করছিলেন, তবুও তাঁরা ইউনিয়নপন্থীদের আদেশ মান্য করাকে কর্তব্য বিবেচনা করে শরীফ হুসাইন পাশা ও তাঁর পুত্রদেরকে বিদ্রোহী হিসেবে ঘোষণা করেন। মুসলিম ভ্রাতাদের পরস্পর হানাহানিতে এই দুইজনকে ঘৃষ্ণরূপ ব্যবহার করা হয়। কিন্তু হেজায়ের গভর্নর ও কমান্ডার গালিব পাশা ইউনিয়নপন্থীদের দ্বারা ধোকাপ্রাপ্ত হন নি। কেননা, তিনি দূরদর্শী ও ব্যাপক ইসলামী জ্ঞানসম্পন্ন এবং অভিজ্ঞতাসমৃদ্ধ অধিনায়ক ছিলেন। তিনি তাঁর ব্যাপক অনুসন্ধানী ও সতর্ক তদন্ত এবং পরীক্ষা-নিরীক্ষা হতে বুঝতে পেরেছিলেন যে, শরীফ হুসাইন পাশা-ই সঠিক এবং তিনি তাঁর দুইটি ঘোষণাপত্র ইসলাম ও মুসলমানদের প্রতি মুহব্বতের কারণেই প্রকাশ করেছিলেন। গালিব পাশা নিম্নোক্ত ‘দৈনিক আদেশ’ (Daily command)) শরীফ হুসাইন পাশাকে কুৎসা হতে রক্ষা করার জন্যে জারি করেন:

“হযরত আমীরের (শরীফ হুসাইন পাশার) নিষ্ঠা সম্পর্কে কোনো সন্দেহ থাকা উচিত নয়। তিনি বিদ্রোহকে উস্কে দেবেন এমন কোনো সম্ভাবনাও নেই। তাঁর সম্পর্কে যে গুজব চলছে, তা মোটেও সত্য নয়। শরীফ হুসাইন পাশা খলিফাতুল মুসলিমিনের প্রতি পূর্ণ অনুগত এবং তাঁর মহামান্য সত্তার দীর্ঘায়ুও তিনি কামনা করে থাকেন সদাসর্বদা।”

গালিব পাশা এ মন্তব্যের কপিসমূহ চতুর্থ আমীর অধিনায়ক ও ইউনিয়নপন্থী দস্যু-চক্রের নেতা জামাল পাশার কাছে এবং ইস্তাম্বুলে প্রেরণ করেন। তিনি প্রকাশ্যে শরীফ হুসাইন পাশাকে সমর্থন করেন এ কথা বলে যে শরীফ পাশা একজন খালেস মুসলমান এবং তাঁর অভিযোগে তিনি সঠিক। দুর্ভাগ্যবশতঃ ইউনিয়নপন্থীরা শরীফ হুসাইন পাশা ও তাঁর পুত্রদেরকে তাদের পথে প্রতিবন্ধকতা হিসেবে বিবেচনা করেছিল এবং অত্যন্ত শঙ্কিত ছিল এই মর্মে যে, তাঁরা তাদের অসৎ উদ্দেশ্য ও মুসলমানদের প্রতি পরিচালিত অত্যাচার-অবিচার সম্পর্কে মুসলমানদেরকে অবহিত করবেন। ফলে তারা শরীফদেরকে বিদ্রোহী হিসেবে প্রতিপন্ন করার জন্যে নানা কূটচাল প্রয়োগ করতে থাকে। মদীনার বীর তুর্কী সেনা অফিসারদেরকে তাঁদের বিরুদ্ধে যুদ্ধ করার আদেশ দেয়া হয়। অতঃপর বহু বছর ধরে ভ্রাতৃঘাতী সংঘাতের সূত্রপাত হয়। অবশেষে অধিকাংশ অফিসার একতাবদ্ধ হয়ে সেনা ডিভিশনের প্রধান কর্মকর্তা কর্নেল আমীন বেগের নেতৃত্বে ‘মারকায হায়াতী’ (কেন্দ্রীয় কাউন্সিল) গঠন করেন। বহু ঘোষণাপত্র প্রকাশ করে তাঁরা হেজায়ে সংঘটিত হত্যাকাণ্ডগুলোর তথ্য ফাঁস করে দেন। তাঁরা বলেন:

‘সেনা অধিনায়ক (ফখরী কিংবা ফখরুদ্দীন পাশা) ও তার চামচারা মিথ্যা কথা বলছেন। আরাবীয় ও তুর্কীগণ দুই ভ্রাতৃপ্রতিম জাতি পূর্বেকার মতো এক সাথে সৌহার্দপূর্ণ পরিবেশে বসবাস করে যাবেন। আমরা কি আগে থেকেই ভাই নই? আমরা কি ঐতিহাসিক ও দ্বীনী বন্ধনে পরস্পর পরস্পরের সাথে আবদ্ধ নই? মহান আরব জাতি (কওম-ই-নাজিব-ই-আরব) যদি স্বাধীন হয়ে যায়, তাহলে কি তাঁরা আমাদের শত্রু হয়ে যাবেন? এ প্রশ্নের

উত্তরে তাঁরাও ‘না’ বলবেন। আমরা ঐক্যবদ্ধভাবে অস্তিত্বশীল থাকবো। হযরত শরীফ (হুসাইন পাশা) ইয়ানবু বন্দরে যাওয়ার জন্যে আমাদেরকে উটও সেধেছিলেন। তিনি অসুস্থদের জন্যে ওষুধ-সামগ্রীও পাঠিয়েছিলেন। ইয়ানবুতে আমাদের সফরের সময় তিনি আমাদের আরামের প্রতিও সহৃদয় চিন্তাভাবনা করেছিলেন। এটা কি একটা মানবতার উজ্জ্বল নিদর্শন নয়? ভ্রাতৃত্বের কি এর চেয়ে উৎকৃষ্ট উদাহরণ আছে? যদি এ সহৃদয়তার স্বলে তিনি বলতেন, আপনারা পদব্রজে ইয়ানবু যেতে পারেন, তাহলে কি আমরা বলতাম: ‘না, আমরা বীর। আমরা এখানে মাটি কামড়ে পড়ে থেকে তোমাকে হত্যা করবো। আমরা কার (মটর গাড়ী) চাই?’ এখন থেকে উদ্দেশ্যহীনভাবে মৃত্যু বরণ করা সাহসিকতার পরিচায়ক হবে না। যারা সত্যকে দেখতে পাচ্ছিলেন না, তাঁদের জন্যেই আমাদের এ ঘোষণা। সংখ্যাগরিষ্ঠ-ই সত্যকে উপলব্ধি করতে পেরেছেন। আমাদের মনিব হযরত রাসূলুল্লাহ ﷺ কি এ নিষ্ঠুরতাকে অনুমোদন করতেন?” মদীনার অধিনায়ক ফখরুদ্দীন পাশা এরপরও ইউনিয়নপন্থী সরকারকে মান্য করতে বন্ধপরিষ্কার ছিলেন। ১৩৩৭ হিজরী (জানুয়ারী ১০, ১৯১৯ইং) সালে তুর্কী সেনা অফিসারগণ তাঁর শয়নকক্ষ ঘেরাও করে ফেলেন। তাঁর ব্যক্তিগত সহকারী (aide-de-camp) প্রথম লেফটেনেন্ট শওকত বে আওয়াজ শুনতে পেয়ে বেরিয়ে আসেন। তিনি সকল কর্নেল, লেফটেনেন্ট-কর্নেল, লেফটেনেন্ট, বাছাইকৃত পদাতিক সৈন্য এবং সশস্ত্র পুলিশকে সিঁড়ি বেয়ে ওপরে উঠতে দেখেন। তাঁরা সহকারীকে অন্যত্র অপসারণ করেন। যাঁরা শয়নকক্ষে প্রবেশ করেন, তাঁরা পাশাকে দুই হাতের কজিতে ধরেন এবং একটি গাড়ির মধ্যে দুইজন অফিসারের মাঝখানে বসিয়ে ইয়ানবু বন্দরে নিয়ে আসেন। অতঃপর অফিসারবৃন্দ ও সৈনিকগণ ইস্তাম্বুলের বাসভূমি অভিমুখী হতে পেরে অত্যন্ত আনন্দিত হন। কিন্তু বৃটিশ বাহিনী তাঁদের মিশরে নিয়ে যায় এবং সেখানে ছয় মাস কারারুদ্ধ করে রাখে। অগাস্ট ৫ তারিখ পাশাকে মাল্টায় নির্বাসনে দেয়া হয়। সেখানে তিনি দুই বছর বন্দী ছিলেন। যেহেতু তিনি ইউনিয়নপন্থীদের উন্মাদ আঙ্গুসমূহ মান্য করাকে কর্তব্য মনে করেছিলেন, সেহেতু এ সাহসী তুর্কী অধিনায়ক মদীনায় নিষ্ক্রিয় হয়ে পড়েছিলেন এবং ইসলামের হিংস্র শত্রু বৃটিশদের সাথে যুদ্ধ করার কোনো সুযোগই পান নি। সরকারী ক্ষমতা হস্তগত করার পর ইউনিয়নপন্থীরা শুধুমাত্র বীরদের এ দেশটিকে দ্বিধা-বিভক্তই করে নি, তারা ফখরুদ্দীন পাশার মতো বহু দেশপ্রেমিককে শত্রু কয়েদখানায় আর্তনাদ করতেও বাধ্য করেছিল। নবী কারীম ﷺ-এর বংশধর শরীফদের মতো খালেস মুসলিমদের হাতে পবিত্র ভূমি মক্কা ও মদীনা অর্পণ না করার উদ্দেশ্যে তারা সহস্র সহস্র নিরপরাধ মুসলমান ও তুর্কী মুসলমানদের রক্ত ঝরিয়েছিল। তারা পবিত্র ভূমিকে রক্ত-পিপাসু, পাষণ-হৃদয়ের ওহাবীদের হাতে সমর্পণ করেছিল, যে ওহাবীরা ঐতিহাসিকভাবে প্রকৃত মুসলমান ও তুর্কীদের শত্রু ছিল।

### শরীফ হুসাইন পাশার প্রথম ঘোষণা

ইতিহাসের ঙ্গন যাঁদের ভালো আছে তাঁরা ভালোই জানেন যে মক্কা মোকাররমার আমীরগণই মুসলমান নেতৃবৃন্দ ও শাসকগণের মধ্যে প্রথম, যাঁরা মুসলিম ঐক্যকে সুদৃঢ় করার জন্যে ‘আদ-দাওলাতুল আলীয়াত আল উসমানিয়া’ (উসমানীয় সাম্রাজ্য)-এর সাথে সম্পৃক্ত হয়েছিলেন।

আরবীয় আমীরগণের উসমানীয়দের প্রতি দৃঢ় আনুগত্য ছিল। কেননা, উসমানীয় সুলতানগণ আব্বাস তা’আলার কিতাব (আল-কুরআন) ও রাসূলুল্লাহ ﷺ-এর সুন্নাতকে জারি রাখতে এবং শরীয়তকে মান্য করতে সদা-তৎপর ছিলেন, আর তাঁরা এ মহৎ উদ্দেশ্যে আত্মত্যাগও করেছিলেন। উদাহরণস্বরূপ, আদ দাওলাতুল উসমানীয়ার সম্মান ও মাহাত্ম্য রক্ষার উদ্দেশ্যে আমি ১৩২৭ হিজরী (১৯০৯ ইং) সালে আরবদের মধ্য হতে সংগৃহীত সশস্ত্র

বাহিনীর দ্বারা আরবীয়দের ওপর আক্রমণ করে ‘আবহা’ অবরোধ নস্যাৎ করতে চেষ্টা করেছিলাম। এক বছর পর একই উদ্দেশ্যে আমার পুত্রদের মধ্য হতে একজনের নেতৃত্বে আমি সাফল্যের সাথে এ কাজটি সুসম্পন্ন করি। প্রত্যেকেই জানেন, আমি কখনোই এই মহান লক্ষ্য হতে বিচ্যুত হই নি।

ইত্তেহাদ ওয়া তরক্কী জামিয়াতী’র আবির্ভাব ও তাদের দ্বারা সরকারী ক্ষমতা গ্রহণ,যার ভিত্তিপ্তস্তরই ছিল দুর্নীতিতে পরিপূর্ণ, সবাই জ্ঞাত যে তার কারণে বহু অভ্যন্তরীণ ও বৈদেশিক অনিয়মের উদ্ভব হয়েছে এবং সাম্রাজ্যের মাহাত্ম্য ও ক্ষমতাকে কাঁপিয়ে দিয়েছে। আর গত যুদ্ধে (১ম বিশ্বযুদ্ধে) জড়িয়ে তারা সাম্রাজ্যকে একটি মহাবিপজ্জনক অবস্থায় ঠেলে দিয়েছে। এ নৈরাশ্যজনক পরিস্থিতি উপলব্ধি করতে পারে না এমন কেউই নেই, বিস্তারিত বিবরণ দেয়া এ ক্ষেত্রে অপ্রয়োজনীয়।

আমরা ইসলামের কোনো সম্প্রদায়কে এ মহান মুসলিম সাম্রাজ্যের সাথে সম্পর্কচ্যুত এবং দুঃখ ও কষ্টের মধ্যে জর্জরিত দেখতে চাই না। উসমানীয় সাম্রাজ্যের মধ্যে জনগণের ঐক্য নষ্ট করা হয়েছে এবং আমাদের সাম্রাজ্যের শেষ প্রান্তের মুসলমান ও অমুসলিম নাগরিকদের ওপর ফাঁসি, নির্বাসন ও কারাবাস চাপিয়ে দেয়ার ফলশ্রুতিতে মানুষের জান-মালের নিরাপত্তাবোধও তিরোহিত হয়েছে। পবিত্র ভূমির জনসাধারণকে এতো মারাত্মক কষ্ট স্বীকার করতে হয়েছে যে, তাঁরা এমন কি নিজেদের ঘর-বাড়ির দরজা-জানালা ও গৃহ সামগ্রী এবং ছাদের পাল্লাগুলো পর্যন্ত বিক্রি করতে বাধ্য হয়েছেন।

ইউনিয়নপন্থীরা এতেও সন্তুষ্ট না হতে পেরে সালতানাত আস্ সানিয়াত আল উসমানিয়া ও মুসলমানদের মধ্যে ঐক্যের সেতু বন্ধন রচনাকারী কিতাবুল্লাহ্ (আল্লাহর গ্রন্থ অর্থাৎ কুরআন মজিদ) এবং সুন্নাতুস সানিয়া (মহান সুন্নাত)-এর প্রতি অপবাদ দেয়ার অপচেষ্টায়ও লিপ্ত হয়েছে। সালতানাত আস্ সানিয়াত আল উসমানিয়া (মহান উসমানীয় সাম্রাজ্য)-এর রাজধানীতে সদর-ই-আযম (প্রধানমন্ত্রী), শায়খুল ইসলাম ও সকল মন্ত্রী ও সাংসদগণের চোখের সামনে প্রকাশিত ‘ইজতেহাদ’ পত্রিকাটি অশোভনীয় লেখনী দ্বারা আমাদের নবি কারীম ﷺ-কে অবমাননা করতে মোটেও কুণ্ঠিত হয়নি। উপরন্তু, গোপন আঁতাতের সুযোগ গ্রহণ করে মনগড়াভাবে পত্রিকাটি পবিত্র কুরআন মজিদের আয়াতসমূহের অপব্যাখ্যা করেছে এবং মিরাস্ (উত্তরাধিকার) সংক্রান্ত আয়াতটিকে হেয় করার দুঃসাহস দেখিয়েছে। [জিয়া গোকালপের এ সব ঔদ্ধত্যপূর্ণ লেখনীর জন্যে আমার Religion Reformers in Islam বইটি দেখুন]

এ ছাড়া তারা ইসলামের পাঁচটি স্তম্ভের একটি বিলুপ্ত করার অপচেষ্টায়ও চালিয়েছে। যথা – রুশীয় বাহিনীর সাথে ইতোপূর্বে যুদ্ধে লিপ্ত সৈন্যদের অনুরূপ অনুভূতি সঞ্চার করার জন্যে তারা মক্কা মোকাররমা ও মদীনা মুনাওয়ারা এবং দামেশকের সৈন্যদেরকে রমযান মাসের রোযা রাখতে নিষেধ করেছে। ইসলামের মৌল-স্তম্ভসমূহ বিলোপ করা ও আল্লাহ তা’আলার নিষেধকৃত কাজসমূহ নিজেরা সম্পাদন করা এবং অন্যান্যদেরকেও তা সম্পাদনে বাধ্য করা হতে ইউনিয়নপন্থীরা বিরত হয় নি।

আমাদের মহান সুলতানকে প্রাসাদের জন্যে একজন মহাসচিব নিয়োগ করার অধিকার হতেও ইউনিয়নপন্থীরা বঞ্চিত করেছে, যেমনিভাবে ‘যাত-ই-শাহানা’ (মহামান্য সুলতান) হতে তাঁর সকল অধিকার তারা হরণ করেছে।

নিজেদের লিখিত এবং বিশ্বের কাছে ঘোষিত সংবিধানকে তারা নিজেরাই লংঘন করে মুসলমানগণের বিষয়াদিতে খেদমত করার অধিকার থেকে উসমানীয় সুলতানকে বঞ্চিত করেছে। তারা উসমানীয় বাদশাহকে তাঁর সাংবিধানিক অধিকার হতেও বঞ্চিত করেছে। সকল মুসলমান এই বদমায়েশি আচরণ দেখতে পাচ্ছেন এবং ক্ষুব্ধ হচ্ছেন। অতীতে তাদের আচরণ প্রকৃতপক্ষে শরীয়তকে বিলোপ করার উদ্দেশ্যে করা হয়েছিল; তা আমরা মেনে নিয়েছিলাম এবং তার প্রশংসা করেছিলাম এই কারণে যে আমরা মনে করেছিলাম অমান্য করলে বুঝি হয়তো বা মুসলিম সমাজে ফিতনার বীজ বপন করা হবে।

আমরা এখন দেখতে পাচ্ছি যে, আদ দাওলাতুল আলিয়াত আল উসমানীয়াকে আনোয়ার ও জামাল এবং তালা'ত পাশার হাতে ছেড়ে দেয়া হয়েছিল মর্মে গুজবটি ভিত্তিহীন ছিল না। এ গুজবের অর্থ দিনের পর দিন স্পষ্টতর হচ্ছে; সকলেই প্রকাশ্যে বুঝতে সক্ষম হচ্ছেন যে তারা (ইউনিয়নপন্থী আনোয়ার, জামাল ও তালা'ত পাশা) যা ইচ্ছা তা-ই করছে এবং তারা অন্যদেরকেও তাদের খেয়াল-খুশিমতো চালিত হতে বাধ্য করছে, আর তাদের আদেশসমূহ সংবিধান ও আইন হতেও অধিক ক্ষমতাসালী। মক্কা মোয়াযযমার মাহকামাতুশ্ শরীআত (ইসলামী বিচারালয়)-এর কাযীর কাছে প্রেরিত একটি আদেশ ঘোষণা করছে যে কাযী (বিচারক)-এর উপস্থিতিতে সাক্ষীদের সাক্ষ্য শ্রবণ করতে হবে এবং 'তায়কিয়া' (সাক্ষীর ইতিবৃত্ত তদন্তের ঘোষণা, যাতে করে তার সাক্ষ্য গ্রহণযোগ্য কিনা তা নিরূপণ করা যায়) বিচারকের সামনে নথিভুক্ত না করলে গ্রহণযোগ্য হবে না।

উপরন্তু, আমীর উমর আল জাযাইরী, আমীর আরিফ আশ্ শাহাবী, শফিক বেগ, আল মুয়াইয়্যাদ, শুকরু বেগ, আল আসানী, আবদুল ওয়াহহাব, তৌফিক বেগ, আল বাসাত, আবদুল হামিদ আয্ যারাউয়ী ও আবদুল গণী আল আরিসী প্রমুখ উলামায়ে ইসলাম এবং বিশিষ্ট আরাবীয় নাগরিক এবং তাঁদের মতো আরো বহু মহান ব্যক্তিকে বিচার ছাড়াই অবৈধ পন্থায় গুলি করে অথবা ফাঁসি দিয়ে হত্যা করা হয়েছে। মদ্যপ অবস্থায় তাদের জারিকৃত আঞ্জাসমূহ দ্বারা বহু পরিবার ধ্বংস হয়ে গিয়েছে। হয়তো আমি ওই সব হত্যাকাণ্ডের জন্যে একটি অজুহাত পাবো, যেগুলো পাষণ হৃদয়ের স্মেরাচারী একনায়কও সংঘটন করবে না; কিন্তু তাঁদের (নিহতদের) বাদ-বাকি নিষ্পাপ, নিরপরাধ পরিবারগুলোকে, স্ত্রী-সন্তানদেরকে তাঁদের ঘর-বাড়ি ও দেশ হতে নির্বাসিত করার এবং ফলশ্রুতিতে এক দুঃখের ওপরে আরেক দুঃখ এবং এক ধ্বংসের ওপরে আরেক ধ্বংস তাঁদের ওপর চাপাবার পেছনে কী অজুহাত থাকতে পারে?

এটা নিশ্চিত যে মহিলা ও সন্তানদেরকে নিপীড়ন করা এবং তাঁদেরকে নির্বাসিত করা যুক্তি, ন্যায় ও মানবতার সাথে কোনোক্রমেই সঙ্গতিপূর্ণ নয়, যেখানে তাঁদের স্বামী ও পিতাদেরকে তাঁরা যে কোনো কারণেই হোক বন্দী হয়ে নিঃশেষ হতে দেখে চরম শাস্তি পেয়েছেন। আব্লাহ তা'আলা বলেন: “অপরের অপরাধের জন্যে কাউকেই শাস্তি দেয়া উচিত নয়।” (আল আয়াত) ন্যায়কে আলোকিত করে এ আদেশটি যেখানে খোলাসাভাবে বিরাজমান, সেখানে ইউনিয়নপন্থীদের এ নৃশংস কার্যটি কোন্ আইনের সাথে সঙ্গতিপূর্ণ হতে পারে? যদি আমরা এই দ্বিতীয় খুনটির (অর্থাৎ, নির্বাসনের) পক্ষে কোনো রাজনৈতিক কারণ তথা আইন খুঁজে পাইও, তবুও স্বামী ও পিতাদেরকে হারানো এ সকল মহিলা এবং তাঁদের সন্তানদের মালামাল ও সম্পত্তি অবৈধভাবে হরণ করার কী অজুহাত থাকতে পারে? ইউনিয়নপন্থীদের এই নিকৃষ্ট ও হীন কাজটি সম্পর্কে আমরা আপাততঃ কিছুক্ষণ চুপ থাকবো; দেশের শান্তি ও শৃঙ্খলার খাতিরে আমরা নিরপরাধ এবং নিপীড়িত মানুষদের রক্ষা করার দায়িত্ব

পালনে অবহেলা করবো। কিন্তু প্রখ্যাত মুজাহিদ ও বীর আমীর হযরত আবদুল কাদের আল জাযাইরীর সতী, সাধ্বী, সম্মানিত কন্যার মান-ইয়যত নিয়ে খেলা করার কী ওয়র প্রদর্শন করা যেতে পারে? কেন তাঁর ওপর লালসা চরিতার্থ করা হলো? মুসলমানদের নয়নমণি ঐতিহাসিকভাবে সনদপ্রাপ্ত পুতঃপবিত্র মহিলাদের ওপর আক্রমণকারীদের ধ্যান-ধারণা ও উদ্দেশ্য বুঝতে পারে না এমন কেউ কি আছেন?

সবার জানা ইউনিয়নপন্থীদের এ সব অবৈধ, দুর্নীতিমূলক, সীমাছাড়া ও আহাম্মকীপূর্ণ অপকর্মের কয়েকটি আমরা ওপরে উল্লেখ করেছি। আমি এগুলো বিশ্বমানবতা ও আমাদের বিশ্বস্ত ভ্রাতৃকুলের কাছে প্রকাশের জন্যে বলছি। যাঁরা পড়বেন এবং বুঝবেন, তাঁরা তাদের বিবেকসম্মত সিদ্ধান্ত গ্রহণ করবেন। মুসলমানদের বিরুদ্ধে পরিচালিত এ সকল দাঙ্গাবাজ বদ লোকদের (ইউনিয়নপন্থীদের) আরেকটি হৃদয় বিদারক, হীন ও গোস্তাখিমূলক অপকর্মের উল্লেখ এখানে না করে পারছি না:

জান ও ইয়যতের ওপর আঘাত বন্ধ করার লক্ষ্যে মক্কা মোকাররমার জনগণ যখন বিক্ষোভ প্রদর্শন করছিলেন, তখন ইউনিয়নপন্থী জনৈক কমান্ডারের আদেশক্রমে ‘কাল’আতুল জিয়াদ’ হতে কামানের যে দু’টি গোলা মুসলমানদের কেবলা ও কাবা বায়তুলাহ্ শরীফের দিকে নিক্ষেপ করা হয়েছিল তার একটি হাজরে আসওয়াদ নামক কাল পাথরটির এক মিটার ও অপরটি তিন মিটার দূরে এসে পড়ে। এতে সতরাতুশ শরীফা (কাবা ঘরের চাদর)-এ আগুন ধরে যায় এবং মানুষদেরকে কাবা ঘরের দরজা খুলে কা’বাতুল মেয়াযযমার ওপর চড়ে আগুন নেভাতে হয়। যদিও সৈন্যরা আগুন দেখতে পেয়েছিল, তবুও তারা মাকাম আল্ ইবরাহীম ও মসজিদ-এ-হারামের দিকে কামান দাগাতে থাকে এবং কয়েকজন মুসলমানকে হত্যা করে। বহু দিন মানুষেরা মসজিদে প্রবেশ করতে পারে নি এবং সালাতও আদায় করা যায় নি। কাবা ও মসজিদসমূহের প্রতি সম্মান প্রদর্শন করা মুসলমানদের পবিত্র দায়িত্ব ও কর্তব্য হওয়া সত্ত্বে কা’বাতুল মুয়াযযমাকে অপমান এবং ক্ষতি করার অপচেষ্টা চালায় যারা, তাদের মতবাদ ও ধ্যান-ধারণা খতিয়ে দেখার জন্যে আমি সারা বিশ্বের মুসলমানদের কাছে বিষয়টি ছেড়ে দিচ্ছি। এ ধরণের মানসিকতা ও ধ্যান-ধারণাসম্পন্ন ইউনিয়নপন্থীদের হাতে খেলার পাত্র হিসেবে ব্যবহৃত হওয়ার জন্যে আমরা দ্বীন ইসলামের এবং আমার সকল সহকর্মীদের ভবিষ্যতকে ছেড়ে দিতে পারি না। আল্লাহ তা’আলা আমাদের জাতিকে গাফলাত হতে রক্ষা করেছেন। হেজাযের মুসলমানগণ এখন নিজ প্রচেষ্টায় স্বাধীনতা অর্জন করেছেন এবং সিদ্ধান্ত নিয়েছেন যে, তাঁরা বীরদের এ দেশটিকে অশান্তি সৃষ্টিকারী ফিতনাবাজ ইউনিয়নপন্থীদের কাছ থেকে রক্ষা করবেন। তাঁরা নিজেদের বিশ্বাস ও বীরত্বের বদৌলতে একটি ক্রটিহীন ও পরিপূর্ণ স্বাধীনতা অর্জন করেছেন, যা কোনো বিদেশী শক্তির সাথে চুক্তি বা আঁতাত করে করা হয় নি এবং যা ইতিহাসে স্বর্ণ অধ্যায় সংযোজন করেছে।

ইসলামী জনগণকে নিপীড়নকারী চালবাজ ইউনিয়নপন্থীদের যাঁতাকলে পিষ্ট আতর্নাদকারী দেশগুলো হতে পৃথক হয়ে আমরা দ্বীন ইসলামকে রক্ষা ও কালেমা তৌহিদ সমুন্নত রাখার মহান লক্ষ্য অগ্রসর হতে শুরু করেছি। ইসলামের জন্যে উপযোগী ও প্রয়োজনীয় প্রত্যেকটি জ্ঞানের শাখাই আমরা শিক্ষা করবো। আমরা আধুনিক শিল্প-কারখানা প্রতিষ্ঠা করবো। সভ্যতার পথে অগ্রসর হতে আমরা আমাদের জান প্রাণ দিয়ে চেষ্টা করবো। আমরা আশা করি যে মুসলিম বিশ্বে আমাদের দ্বীনী ভ্রাতাগণ আমাদের এ কাজকে ভ্রাতৃসুলভ মনোভাব নিয়ে

সমর্থন করবেন, যা ওয়াজিব তথা অবশ্য কর্তব্যকে পালনের উদ্দেশ্যেই করা হয়েছে এবং আমরা আরো আশা করি যে তাঁরা আমাদের এ পবিত্র জেহাদে আমাদেরকে সাহায্য করবেন।

আমরা আমাদের হাতগুলোকে মহান আল্লাহ তা'আলার কাছে সমর্পণ করি, যিনি মনিবদের মনিব এবং তাঁর কাছে প্রার্থনা জানাই যেন তিনি তাঁর নবী ﷺ-এর ভালোবাসার কারণে আমাদেরকে সঠিক পথের ওপর সাফল্য দান করেন। যে ব্যক্তি তাঁর সাহায্য প্রার্থনা করেন, তাঁর জন্যে খোদা তা'আলার সাহায্য মঞ্জুর হয় এবং তাঁর সাহায্যই যথেষ্ট। কেননা, তিনি হলেন সর্বোত্তম সাহায্যকারী।

২৫ শে শা'বান, ১৩৩৪ (১৯১৫ ইং)

মক্কাতুল মোকাররমা-এর আমীর

শরীফ হুসাইন ইবনে আলী।

### শরীফ হুসাইন পাশার দ্বিতীয় ঘোষণা

প্রথম ঘোষণায় ব্যক্ত আমাদের, অর্থাৎ, হেজাযবাসীদের আরম্ভকৃত কর্মকাণ্ড এবং আমাদের ধ্যান-ধারণা সম্পর্কে কিছু সন্দেহ বিদ্যমান থাকতে পারে বিবেচনা করে আমি জ্ঞানী সহকর্মী ও মুসলমানদের জন্যে দ্বিতীয় ঘোষণাটি প্রকাশ করা যথাবিহিত মনে করেছি। আমি সর্বশেষ সুনিশ্চিত প্রামাণ্য দলিলাদির আলোকে আমাদের ভাইদেরকে হুঁশিয়ার করে দিতে চাই।

উসমানীয় সমাজের দূরদর্শী, জ্ঞানী ও অভিজ্ঞ ব্যক্তিত্বগণ এবং সারা বিশ্বের বুদ্ধিমান ও জ্ঞানী মানুষ উসমানীয় সাম্রাজ্যের মহাযুদ্ধে (প্রথম বিশ্বযুদ্ধ) প্রবেশ করার বিষয়টি অনুমোদন করেননি। এ অস্বীকৃতির পেছনে দুইটি কারণ রয়েছে:

প্রথম কারণটি হলো অভ্যন্তরীণ; আদা দাওলাতুল আলিয়াত আল উসমানিয়া সম্প্রতি দ্রাবুস গারব (ত্রিপোলী) ও বলকান যুদ্ধ হতে বেরিয়ে এসেছে; এর সামরিক ও অর্থনৈতিক ক্ষমতা এখন নিঃশেষিত, এমন কি বিধ্বস্ত এবং এর ক্ষমতার উৎস জনগণও রনক্লাস্ত। উসমানীয় সৈন্যগণ এক যুদ্ধ শেষ করে নিজেদের গৃহস্থালী ও জীবিকার কাজ আরম্ভ করামাত্রই আরেক যুদ্ধে তাঁদেরকে ঠেলে দেয়া হয়েছে, আর এ পরিস্থিতি জাতির জন্যে একটি ট্রাজেডী হয়ে দাঁড়িয়েছে। যেহেতু এ নতুন মহাযুদ্ধ, যার মধ্যে ইউনিয়নপন্থীরা জড়িয়ে পড়েছে, তার বিধ্বংসী ক্ষমতা ব্যাপক এবং ভয়ংকর, সেহেতু জনগণের ওপর ভারী করারোপ করে ও কষ্টদায়ক দায়িত্ব চাপিয়ে একটি রনক্লাস্ত জাতিকে এ রকম একটি ভয়াবহ যুদ্ধে জড়িয়ে ফেলা চরম নির্বুদ্ধিতার কাজ হয়েছে।

দ্বিতীয় কারণটি বৈদেশিক; ইউনিয়নপন্থী সরকার যুদ্ধে পক্ষ অবলম্বনের ক্ষেত্রেও একটি বড় ভুল করেছে। উসমানীয় সাম্রাজ্য হলো একটি ইসলামী সাম্রাজ্য। এর ভৌগোলিক সীমান্তের চেয়ে নৌ-সীমানা অধিক বড়; সুতরাং উসমানীয় বংশপারম্পর্য তথা মহান সুলতানগণ প্রায় সর্বসময়ই সেই সকল রাষ্ট্রের সাথে সহযোগিতা করেছিলেন, যাদের সংখ্যাগরিষ্ঠ জনগণ মুসলমান ছিলেন এবং যাদের শক্তিশালী নৌবাহিনী ছিল। তাঁদের এ

নীতি প্রায় সবসময়ই সফল হয়েছিল। ইউনিয়নপন্থীদের অজ্ঞ ও অনভিজ্ঞ নেতারা ভিত্তিহীন মিথ্যা কথা ও বাহ্যিক আবরণ দ্বারা ধোকাপ্রাপ্ত হয়ে উসমানীয় সুলতানদের এই নীতিকে পরিবর্তন ও বিনষ্ট করে ফেলেছে। যাঁরা সত্যকে মিথ্যা হতে পৃথক করতে সক্ষম এবং যাঁরা ইতিহাসের জ্ঞানে সমৃদ্ধ, তাঁরা এ আহাম্মকীপূর্ণ সিদ্ধান্তের ক্ষতিকর, তিজ্ঞ ফলাফল নিজেদের দূরদৃষ্টি দ্বারা দেখতে পেয়েছেন এবং তাঁরা ইউনিয়নপন্থীদের সাথে সহযোগিতা বন্ধ করে দিয়েছেন।

এমন কি আমিও তাদেরকে আমার দৃষ্টিভঙ্গি বিস্তারিত জানিয়েছি এবং ঐতিহাসিক দৃষ্টান্ত সম্পর্কে সতর্ক করে দিয়েছি যখনই তারা এ শেষ যুদ্ধে, এ ধ্বংসযজ্ঞে জড়িয়ে পড়ার ব্যাপারে আমার মতামত জানতে চেয়েছিল টেলিগ্রামে। আমি যে জবাব টেলিগ্রামে পাঠিয়েছি, তা সাম্রাজ্যের প্রতি আমার আনুগত্য ও শুভেচ্ছা, দীন ইসলামের সম্মান রক্ষার্থে আমার সংগ্রাম এবং আমার দৃষ্টিভঙ্গি প্রতিফলনকারী একটি নির্ভরযোগ্য দলিল। যুদ্ধের প্রারম্ভে আমরা যে তিজ্ঞ ফলাফলের আশংকা করেছিলাম এবং বেদনার্ত হৃদয়ে বলেছিলাম, তা এখন বাস্তবে পরিণত হয়েছে। ইউরোপে অবস্থিত উসমানীয় সাম্রাজ্যের সীমান্ত এখন সংকুচিত হয়ে ইস্তাম্বুল নগরীর দেয়ালে এসে ঠেকেছে। সিভাস ও মুসুল অঞ্চলে রুশীয় বাহিনীর সীমান্তরক্ষীরা উসমানীয় জনগণকে নিপীড়ন করছে। বৃটিশ বাহিনী বসরা ও বাগদাদ দখল করে নিয়েছে। জামাল পাশার আহাম্মকীপূর্ণ নেতৃত্বের কারণে আল্ আরিশ মরুভূমিতে সহস্র সহস্র উসমানীয় শিশুকে বন্দী হতে হয়েছে। এই দুঃখজনক পরিণতি ও ইউনিয়নপন্থীদের নেয়া এ ধারার জন্যে সাম্রাজ্যের যে দুর্দশা হবে, তা দেখে বিশ্বস্ত ও দেশ প্রেমিকগণ নিম্নোক্ত দুটো জিনিসের মধ্যে একটিকে বেছে নিতে বাধ্য হবেন, এতে কোনো সন্দেহ নেই।

প্রথমটি হলো বিশ্বের মানচিত্র হতে উসমানীয় সাম্রাজ্যের বিলুপ্তিকে স্বীকার করে নেয়া।

দ্বিতীয়টি হলো এই ধ্বংসাত্মক বিলুপ্তি হতে সাম্রাজ্যকে রক্ষা করার উপায় খুঁজে বের করা। আমি মুসলিম বিশ্বের কাছে এ বিষয়টি চিন্তাভাবনা করার এবং পরস্পরের মধ্যে পরামর্শ করার এবং প্রয়োজনীয় প্রস্তাব পেশ করার দায়িত্ব অর্পণ করেছি। দেশকে বিপদ গ্রাস করার এবং মুসলমানদেরকে ধ্বংস করার আগেই আমরা সঠিক পদক্ষেপ নিয়েছি। যদি আমরা জানতে পারতাম অথবা আশা করতে পারতাম, উসমানীয় সাম্রাজ্যের এই জ্ঞানহীন আহাম্মক প্রশাসন, যা একনায়কতান্ত্রিক সংখ্যালঘু একটি গোষ্ঠীর হাতে একটি ক্রীড়নকস্বরূপ, তার অনুগত হলে দেশ ও মুসলিম সমাজের জন্যে আমরা উপকারে আসবো, তাহলে আমরা কিছুই বলতাম না অথবা কিছু করতামও না, বরং ধৈর্য্য ধরতাম এবং কষ্ট স্বীকার করতাম, এমন কি মৃত্যুও বরণ করতাম। কিন্তু এটা নিশ্চিত যে, এ নিরবতা কোনো উপকারে আসবে না, বরং এতে পরিস্থিতির আরো অবনতি ঘটবে। এটা কীভাবে নিশ্চিত নয় যখন ইউনিয়নপন্থীরা আমাদেরকে যে পথ অনুসরণে বাধ্য করেছে তা অনুসরণ করলে ওই পথ অনুসরণকারী বিভিন্ন জাতি যে শান্তি ভোগ করেছে, তা আমাদেরও ভোগ করার শতভাগ সম্ভাবনা রয়েছে? ইউনিয়নপন্থীরা যে বিশাল সাম্রাজ্যটিকে ভেঙ্গে টুকরো টুকরো করে ফেলেছে এবং জাতিকে চরম বিপদের মধ্যে ঠেলে দিয়েছে তা দেখতে পাচ্ছে না এমন কোনো ব্যক্তি কি আছেন? আনোয়ার, জামাল, তাল'আত পাশা ও তাদের বন্ধুদের ফূর্তির জন্যে বিশাল সাম্রাজ্যটিকে বলি দিতে হচ্ছে।

উসমানীয় সাম্রাজ্যের পররাষ্ট্র নীতি ছিল সেই প্রতিষ্ঠিত নীতি, যা শতাব্দীর পর শতাব্দী ধরে সঞ্চিত অভিজ্ঞতা ও সাম্রাজ্যের বিশিষ্ট ব্যক্তিবর্গের সাথে পরামর্শ দ্বারা উসমানীয় সুলতানগণ গ্রহণ করেছিলেন। এ নীতিটি হলো বৃটিশ ও ফরাসী সরকারের সাথে সহযোগিতার নীতি। ইতিহাসব্যাপী এ নীতিটি আমাদের সাম্রাজ্য ও জনগণের জন্যে কল্যাণকর হয়েছে। যারা আমাদেরকে এ নীতিটির প্রতি অবহেলা করতে বাধ্য করেছে, তারা-ই হলো কথিত ইউনিয়নপন্থী, একনায়কতন্ত্রী ব্যক্তিবর্গ।

এখন আমরা ইউনিয়নপন্থীদের অজ্ঞ, আহাম্মকীপূর্ণ নীতির ও তাদের নিপীড়ক, বর্বর, প্রশাসনের বিরোধিতা করি। আমরা দেখছি যে, সাম্রাজ্যকে ধ্বংসের মুখে ঠেলে দেয়া হচ্ছে এবং আমরা একে অনুমোদন করতে পারি না। এটা সবারই জানা হওয়া উচিত যে, আমাদের বিরোধিতা কেবলমাত্র আনোয়ার, জামাল, তাল'আত ও তাদের সহযোগীদের প্রতি-ই। প্রত্যেক মুসলমানই এ ন্যায্য কাজকে অনুমোদন করছেন। প্রত্যেক স্বদেশপ্রেমিকই আমাদের এ ন্যায্য দাবিকে সমর্থন করছেন এবং আমাদের সাথে আছেন। এমন কি সাম্রাজ্যের প্রধান, খলিফাতুল মুসলিমীনও আমাদের আন্দোলনকে মন-প্রাণসহ সমর্থন করছেন। এর সবচেয়ে নির্ভরযোগ্য দালিলিক প্রমাণ হলো এই যে ওয়ালী আহাদ (মসনদের উত্তরাধিকারী) ইউসুফ ইযযুদ্দীন আফেন্দীর ওপর ইউনিয়নপন্থীরা হামলা করেছে এবং তাঁকে শহিদ করেছে।

আমি আবার বলি: মহান উসমানীয় সাম্রাজ্যকে এ সকল একনায়কের বদ উদ্দেশ্যের ও ধ্বংসাত্মক কর্মকাণ্ডের কারণে বলি দেয়া হচ্ছে। তাদের বদমায়েশী হতে আমরা আল্লাহ তা'আলার কাছে আশ্রয় প্রার্থনা করি। মহান তুর্কী জাতিকে ইউনিয়নপন্থীদের আরেকটি কুকর্ম সম্পর্কে অবহিত না করে পারছি না, যা আমাদেরকে সতর্ক করেছিল এবং ব্যবস্থা গ্রহণে বাধ্য করেছিল। তা হলো, ইউনিয়নপন্থী সমাজে সবচেয়ে সীমা-লঙ্ঘনকারী জামাল পাশা যাকে খুশি তাকে গুলী করে কিংবা ফাঁসি দিয়ে হত্যা করে থাকে দামেশকে। সে দামেশকে একটি নৈশ ক্লাব প্রতিষ্ঠা করেছে; পতিতাবৃত্তি ও মদ্যপানের কেলেংকারীপূর্ণ এই ঘরে সেই নগরীর বিশিষ্ট ব্যক্তিবর্গের কন্যাদেরকে দাসীস্বরূপ ব্যবহার করা হচ্ছে তখন থেকে, যখন সে আদেশ জারি করে অফিসারদেরকে তার সাথে মদের আসরে নিয়ে বসানোর ব্যবস্থা করেছে। আমাদের দ্বীনী ও জাতীয় অনুভূতির প্রতি অপমানজনক বক্তৃতাসমূহ চিৎকার করে ঝাড়া হয়েছে। তুর্কী মহিলাদের সতিত্ব ও ব্যক্তিত্বকে পদদলিত করা এবং কুরআন মজীদের সূরা নূরে বর্ণিত আজ্ঞাকে অবজ্ঞা করা কি তার একটি বদ আচরণ নয়? জামাল পাশার এ আচরণটি কি প্রতিভাত করে না যে, ইউনিয়নপন্থীরা দ্বীন ইসলামকে এবং আরবীয় ও তুর্কী প্রথাকে মোটেই শ্রদ্ধা করে না?

আমি ইউনিয়নপন্থী সদস্যদের কিছু দুঃখজনক, ধ্বংসাত্মক আচার-আচরণ এখানে উল্লেখ করলাম, যেগুলো জনগণ ও সাম্রাজ্যকে বিলুপ্তির দিকে নিয়ে গিয়েছে। আমি এ সব লিখছি যাতে উসমানীয় রাজ্যের অধীন মুসলমান দেশসমূহে বসবাসকারী মুসলিম ভাইদেরকে জাগ্রত করতে সক্ষম হই এবং ফলশ্রুতিতে আমি আমার মিল্লাত (জাতি) ও দেশকেও খেদমত করতে পারি। আমি আমার স্বদেশবাসীর কাছে জানাতে চাই যে, ইউনিয়নপন্থীরা খামখেয়ালীভাবে সাম্রাজ্যের ও জাতির নিরাপত্তার কথা চিন্তা না করেই কাজ করেছে। খোদায়ী আদেশ-নিষেধের প্রতি বিশ্বাস ও শ্রদ্ধা দূরের কথা, তারা এমন কি এ সব পবিত্র আইন-কানুনকে পরিবর্তন ও বিনষ্ট করার অপচেষ্টায়ও লিপ্ত। অতএব, আমি আমার মুসলিম ভ্রাতাদেরকে তাদের এ ধ্বংসাত্মক, বিভক্তি

সৃষ্টিকারক, আহাম্মকীপূর্ণ ও বদ ধারাকে সমর্থন না করার অনুরোধ জানাচ্ছি। যারা আল্লাহ তা'আলাকে অমান্য করে এবং মানুষদের ওপর অত্যাচার করে তাদেরকে মান্য করা সঠিক নয়! তাদের কর্মকাণ্ডের স্রোতকে বিপরীত দিকে প্রবাহিত করার ক্ষমতা যে ব্যক্তি রাখেন, তাঁর উচিত নিজ হাত, জিহ্বা ও অন্তর দ্বারা তা বাস্তবায়ন করা! যদি এমন কেউ থেকে থাকেন যে ইউনিয়নপন্থীদের ক্ষতিকর প্রভাব স্বচক্ষে দেখতে পাচ্ছেন না এবং তাদের কর্মকাণ্ডের অনুমোদন করছেন, তবে আমি তাঁদের বক্তব্য শ্রবণ করতে প্রস্তুত আছি। যাঁরা সত্য, সঠিক পথের ওপর কায়ম আছেন এবং যাঁরা উপকারী কর্ম সম্পাদন করছেন তাঁদের প্রতি আমাদের সালাম।

১১ই ফেলকদ, ১৩৩৪ (১৯১৬ইং)

মক্কাতুল মোকাররমার আমীর

শরীফ হুসাইন ইবনে আলী

শরীফ হুসাইন পাশার দুইটি ঘোষণা তাঁর বিশুদ্ধ নিয়ত ও পরিপূর্ণ বিশ্বাসের প্রতিফলন; সেই সাথে তাঁর ভ্রাতৃ ধারণাসমূহ এবং ক্ষতিকর সিদ্ধান্তসমূহেরও প্রতিফলন। তাঁর সবচেয়ে বড় ভুল ছিল এই যে তিনি ইতিহাস জুড়ে ইসলামের প্রতি বৃটিশের বৈরিতা উপলব্ধি করতে পারেননি। এটা পরিদৃষ্ট হয়েছে যে তিনি সুলতান সেলিম খাঁ ৩য়-এর শাসন আমলে উসমানীয়দেরকে নিশ্চিহ্ন করার অসৎ উদ্দেশ্যে ইস্তাম্বুলে বৃটিশ বাহিনীর আক্রমণ সম্পর্কে কিছুই শুনতে পান নি। সেই একই সময়ে বৃটিশরা এশিয়া ও আফ্রিকার মুসলমান রাষ্ট্রসমূহে বর্বরোচিত আক্রমণ পরিচালনা করেছে এবং সেখানে উপনিবেশ স্থাপন করে তাঁদেরকে নিপেষণ করেছে। সেই সব দেশে তারা মুসলিম উলামায়ে কেলাম, ইসলামী কিতাবপত্র, ইসলামী সংস্কৃতি ও নৈতিকতাকে ধ্বংস করে দিয়েছে। বৃটিশরা উসমানীয় সুলতান আবদুল মজিদ খাঁকে ধোকা দিয়ে উসমানীয় রাষ্ট্রের গুরুত্বপূর্ণ পদগুলোতে ফ্রি-ম্যান (যিনদিক)-দেরকে বসিয়ে তাদের মাধ্যমে মুসলমানদের ঈমান ও নৈতিকতাকে নষ্ট করতে আরম্ভ করে। এ সকল ফ্রি-ম্যান সে সব লোককে গড়ে তোলে যারা বৃটিশদের পক্ষে গুপ্তচর হিসেবে কাজ করে। তারা মহান উসমানীয় সাম্রাজ্যটিকে ভেতর এবং বাইরে উভয় দিক থেকেই ধ্বংস করে ফেলে। শরীফ হুসাইন পাশা ধারণা করেছিলেন যে, ইসলামের সবচেয়ে বড় শত্রু (বৃটিশ) বুঝি সাহায্য করবে; এটা সম্ভবতঃ তাঁর ঐতিহাসিক তথ্যাদি অধ্যয়ন না করার কারণেই হয়েছিল।

শরীফ হুসাইন পাশার মতো এমন একজন প্রভাবশালী ব্যক্তি যিনি ইউনিয়নপন্থীদের বদমায়েশী সম্পর্কে বুঝতে পেরেছিলেন, তিনি দামেশকে বৃটিশদের দ্বারা ভাড়া করা জামাল পাশা ও দুরাচারীদেরকে আস্তাকুঁড়ে নিষ্ফেপ করতে পারতেন এবং ফিলিস্তিন সীমান্তে উচ্চপদলোভী ব্যক্তিদের কৃত বিশ্বাসঘাতকতাকে প্রতিরোধ করতে পারতেন। এটা তিনি অতি সহজেই করতে পারতেন। যদি তিনি এটা করতেন, তাহলে উসমানীয়গণ পরাজয় বরণ করতেন না এবং আরব উপদ্বীপে (জাযিরাতুল আরবে) একটি মহান হাশেমী মুসলিম রাষ্ট্রের পত্তন হতো; আর পবিত্র নগরী মক্কা, মদীনা ও জেরুজালেমও তাঁর হাতেই থেকে যেতো।

৪২/ — মুসলমানদের খলিফা সুলতান মাহমুদ আদলী খাঁ ২য়-এর আদেশক্রমে মিশরীয় গভর্নর মুহাম্মদ আলী পাশা কর্তৃক হেজাজ অঞ্চল থেকে কুচক্রী ওহাবীদেরকে বিতাড়ন করার পর রাসূলুল্লাহ ﷺ-এর সাহাবীগণের, তাঁর পবিত্র বিবিগণের এবং শহিদগণের মাযারগুলো পুনঃনির্মাণ করা হয়; আর হুজরাতুন নববী ও মসজিদুস

সায়াদাহ্-ও পুনঃস্থাপিত হয়। এগুলোর নির্মাণ, অলংকরণ ও রক্ষণাবেক্ষণের জন্যে সুলতান আবদুল মাজিদ খাঁ শত-সহস্র স্বর্ণমুদ্রা ব্যয় করেন। এ ক্ষেত্রে তার প্রচেষ্টাটি বিস্ময়করভাবে বিশাল। ১২৮৫ হিজরী সালে সুলতান আবদুল আযীয খাঁ মদীনার চারপাশের দেয়ালগুলো পুনঃস্থাপন করেন। তাঁরই প্রচেষ্টায় একটি অস্ত্র কারখানা, একটি সরকারী কার্যালয়, একটি কয়েদখানা এবং একটি অস্ত্রের গুদাম ও একটি গোলা-বারুদের গুদাম নির্মাণ করা হয়।

সুলতান আবদুল হামিদ খাঁ-২য় দামেশক হতে মদীনা পর্যন্ত রেলপথ নির্মাণ করেন। মদীনাগামী প্রথম ট্রেনটি পবিত্র নগরীতে পৌঁছে ১৯০৮ খ্রীষ্টাব্দের ১৯শে আগষ্ট (১৩২৬ হিজরী) তারিখে। এ সময় ১৬তম ডিভিশন মক্কায় অবস্থানরত ছিল।

সুলতান আবদুল হামিদ খাঁ-২য় যখন শাসন করছিলেন, তখন মক্কায় ছয়টি মিনারযুক্ত ও সাতষট্টিটি মিনারাবিহীন ছোট মসজিদ, ছয়টি মাদ্রাসা, দুইটি গণগ্রন্থাগার, তেতাল্লিশটি প্রাথমিক ও একটি মাধ্যমিক বিদ্যালয়, দুইটি ছাউনিযুক্ত বাজার, নয়টি সরাইখানা, উনিশটি টাককা (খানকাহ) দুইটি গণস্নানাগার, পঁচিশটি বিরাটকায় গুদামঘর, তিন সহস্রটি দোকান, একটি হাসপাতাল ও চল্লিশটি পানির ফোয়ারা বিদ্যমান ছিল। হাজীদের জন্যে আরামদায়ক বিশালাকার অতিথি ভবনও নির্মাণ করা হয়েছিল। খলিফা হারুনূর রশীদের শাসনামলে আরাফাহ হতে তিন দিনের পথের দূরত্বে একটি পানি সরবরাহ কেন্দ্র নির্মাণ করা হয়েছিল। মেহর-উ-মাহ্ সুলতান, যিনি ১০ম উসমানীয় সুলতান সুলাইমান খাঁ'র কন্যা, তিনি এই পানি সরবরাহ ব্যবস্থাকে মক্কা পর্যন্ত বর্ধিত করেন। সেই সময় মক্কার জনসংখ্যা ছিল প্রায় আশি হাজার।

মদীনা মুনাওয়ারা একটি দেয়াল দ্বারা পরিবেষ্টিত ছিল, যেটা ত্রিশ মিটার উঁচু এবং চল্লিশটি পানি নিষ্কাশন প্রণালী ও চারটি দরজা সম্পন্ন। হারাম শরীফের দৈর্ঘ্য এক'শ পঁয়ষট্টি কদম এবং প্রস্থ এক'শ ত্রিশ কদম। হারাম শরীফের উত্তর-পশ্চিম কোণায় অবস্থিত আছে মার্বেল ও স্বর্ণখচিত লেখনীসম্পন্ন বাবুস্ সালাম দরজা। হারাম শরীফের দক্ষিণ-পশ্চিম কোণায় দেদীপ্যমান আছে হুজরাতুন্ নববী। যখন কেউ কেবলামুখী হয়ে কেবলার দেয়ালের সামনে দাঁড়ায়, তখন বাবুস্ সালাম তাঁর ডান দিকে এবং হুজরাতুস সায়াদাহ্ বাম দিকে বিরাজমান থাকে। হুজরাতুন্ নববীকে সর্বত্র অত্যন্ত দামী অলংকরণ দ্বারা সুশোভিত করা হয়েছে। মদীনার অধিকাংশ বাড়ীঘরই মক্কার মতো প্রস্তরনির্মিত এবং চার কিংবা পাঁচ তলাবিশিষ্ট। সুলতান সুলাইমান খান কুবা হতে মদীনা পর্যন্ত পানি সরবরাহ লাইন নির্মাণ করে দেন। উহুদ পাহাড়টি নগরীর উত্তর দিকে অবস্থিত এবং দুই ঘণ্টা পথের দূরত্বে বিরাজমান। নগরীটিতে দশটি মসজিদ, সতেরোটি মাদ্রাসা, এগারোটি প্রাথমিক ও একটি উচ্চ বিদ্যালয়, বারোটি গণগ্রন্থাগার, আটটি টাককা (খানকাহ), নয়'শ বত্রিশটি দোকান ও গুদামঘর, চারটি সরাইখানা, দুইটি গণস্নানাগার, এক'শ আটটি অতিথিশালা বিদ্যমান ছিল। জনসংখ্যা ছিল বিশ হাজার।

ওহাবীরা বর্তমানে মক্কা ও মদীনা নগরীতে মহামূল্যবান ঐতিহাসিক ও শৈল্পিক কীর্তিগুলোকে ধ্বংস করে ফেলছে।

‘মিরাতুল মদীনা’ গ্রন্থে লিপিবদ্ধ আছে যে, রাসূলে আকরাম ﷺ ও সাহাবায়ে কেরাম (রা.) কর্তৃক হিজরী প্রথম বর্ষেই মসজিদুশ শরীফ মদীনায় নির্মিত হয়। পরবর্তী বছর যখন বায়তুল মোকাদ্দস হতে কাবার দিকে কিবলা পরিবর্তন করার আদেশ জারি করা হয়, তখন মসজিদের মক্কা মুখী দরজাটি বন্ধ করে দেয়া হয় এবং বিপরীত দিকে, অর্থাৎ, দামেশক মুখী একটি নতুন দ্বার উন্মোচন করা হয়। এই দরজাকে বর্তমানে ‘বাবুত তাওয়াসসুল’ বলা হয়। মদীনায় বায়তুল মুকাদ্দাস মুখী হয়ে প্রায় পনেরো মাস যাবত নামায আদায় করা হয়েছিল, আর হিজরতের কিছু আগে বায়তুল মুকাদ্দাসের দিকে নামায আদায় করতে আদেশ দেয়া হয়েছিল। মসজিদের কেবলা যখন পরিবর্তন করা হয়, তখন রাসূলুল্লাহ ﷺ-এর দ্বারা নিজ পবিত্র চোখে কাবা শরীফ দর্শনের ফলশ্রুতিতে কেবলার দিক নির্ধারিত হয়েছিল। রাসূলুল্লাহ ﷺ যেখানে নামায পড়তেন, সেই স্থানটি মিস্বর ও হুজরাতুস সায়াদার প্রায় মধ্যখানে অবস্থিত এবং এটা মিস্বরের একটু কাছে। মদীনাতুল মুনাওয়ারায় হাজ্জাজ কর্তৃক একটি কাঠের বাক্সে প্রেরিত এক কপি কুরআন মজিদ বাক্সটিসহ স্তম্ভের ডান দিকে স্থাপন করা হয়, যা নামাযের স্থানটির সামনে অবস্থিত। প্রথম মেহরাবটি এখানে স্থাপন করেন খলিফা উমর ইবনে আবদুল আযীয। দ্বিতীয় অগ্নিকাণ্ডের পরে মসজিদুস সায়াদাহ্ মেরামত করা হয় এবং ৮৮৮ হিজরী সালে বর্তমানকার মার্বেলনির্মিত মেহরাবটি নির্মাণ করা হয়। কিন্তু এ মার্বেল মেহরাবটি হুজরাতুস সায়াদাহর একটু কাছে স্থাপন করা হয়েছিল। ইতিপূর্বে মসজিদে নববীতে কোনো মিস্বর ছিল না; আর রাসূলুল্লাহ ﷺ খুতবা পাঠ করতেন দাঁড়িয়ে, যেখানে পরবর্তীকালে একটি খেজুর গাছের ডাল দাঁড় করিয়ে দেয়া হয়েছিল। আরো কিছুকাল পরে চারটি সিঁড়ির একটি মিস্বর নির্মাণ করা হয়েছিল এবং রাসূলুল্লাহ ﷺ তৃতীয় সিঁড়িটিতে দাঁড়িয়ে খুতবা পাঠ করতেন। হযরত মু’আবিয়া (রা.)-এর সময় মিস্বরের দরজায় একটি পর্দা ঝুলানো হয়। নবী কারীম ﷺ-এর যমানায় মসজিদুশ শরীফ নববীতে আটটি স্তম্ভ ছিল। যখন মসজিদের সম্প্রসারণ সংক্রান্ত শরয়ী আবশ্যকীয়তা সম্পন্ন হলো, তখন স্তম্ভের সংখ্যা গিয়ে দাঁড়ালো ৩২৭টিতে। রওয়াতুল মুতাহহারাহ-তে স্তম্ভসমূহের তিনটি সারি আছে এবং প্রতিটি সারিতেই চারটি করে স্তম্ভ দেয়ালের মধ্যে অবস্থিত। দৃষ্টিগোচর হয় এমন স্তম্ভের সংখ্যা ২২৯টি। মসজিদের দক্ষিণ দেয়ালটি কেবলামুখী। আসহাবুস সুফফা যে গোপন কক্ষে বসবাস করতেন, সেটা উত্তর দিকের দেয়ালের বাইরে অবস্থিত। এ পবিত্র ও রহমতপ্রাপ্ত স্থানটিকে কালের গর্ভে না হারানোর লক্ষ্যে এর ভিত্তিকে সমতল হতে অর্ধ মিটার ওপরে তোলা হয় এবং অর্ধ মিটার উচ্চতাসম্পন্ন একটি কাঠের বেষ্টনী দ্বারা এটাকে ঘিরে দেয়া হয়।

মসজিদুশ শরীফ নির্মাণকালে (মসজিদের পার্শ্বে) নবী কারীম ﷺ-এর দুইজন পবিত্র বিবি সাহেবার দুইটি পৃথক ঘর নির্মাণ করা হয়। পরবর্তীতে ঘরের সংখ্যা নয়টি হয়ে যায়। ওগুলোর ছাদ দেড় মিটার উচ্চতাসম্পন্ন ছিল। ওগুলো মসজিদের পূর্ব, উত্তর ও দক্ষিণ দিকে অবস্থিত ছিল। প্রত্যেকটি ঘরের এবং কতিপয় সাহাবীর ঘরগুলোর দুইটি দরজা ছিল, যার একটি মসজিদের দিকে খুলতো এবং অপরটি রাস্তার দিকে খুলতো। রাসূলুল্লাহ ﷺ প্রায়শঃ হযরত মা আয়েশা (রা.)-এর ঘরে অবস্থান করতেন, যার মসজিদমুখী দরজাটি সেগুন কাঠ দ্বারা নির্মিত হয়েছিল। চার খলিফার আমলে সাহাবায়ে কেরাম জুম’আর নামায আদায় করার উদ্দেশ্যে আটটি ঘরের মধ্যে একটিতে স্থান করে নিতে পরস্পরের মধ্যে প্রতিযোগিতা করেন।

হযরত মা ফাতেমা (রা.)-এর ঘরটি ছিল হযরত আয়েশা (রা.)-এর ঘরের পার্শ্বেই, ঠিক উত্তর দিকে। এ ঘরটি পরবর্তীকালে শাবাকাতুস সায়াদাহ-তে অন্তর্ভুক্ত করে নেয়া হয়। কেবলমাত্র হযরত আবু বকর (রা.)-এর দরজা

ছাড়া মসজিদমুখী বাকি দরজাগুলো রাসূলুল্লাহ ﷺ-এর বেসালের পাঁচ দিন আগে জারিকৃত তাঁরই নির্দেশে বন্ধ করে দেয়া হয়।

হযরত আবু বকর (রা.) খলিফার দায়িত্বভার গ্রহণের পরপরই মুরতাদদের (ধর্মত্যাগী) বিরুদ্ধে আরব উপদ্বীপে সংগ্রামে রত হন এবং তিনি মসজিদুস সায়াদাহ্ সম্প্রসারণ করার সময় পান নি।

১৭ হিজরী সালে হযরত ওমর ফারুক (রা.) সকল সাহাবীকে সমবেত করে তাঁদের কাছে ‘মসজিদুশ শরীফ সম্প্রসারণ করতে হবে’ হাদীসটি বর্ণনা করেন। সাহাবায়ে কেরাম সর্বসম্মতভাবে এটা গ্রহণ করে নেন এবং মসজিদের দামেশকীয় ও পশ্চিম দিকের দেয়ালগুলো ভেঙ্গে ১৫মিটার সম্প্রসারণ করা হয়। বহু ঘর-বাড়ি কেনা হয় এবং সেগুলোর প্লটগুলো মসজিদের অন্তর্ভুক্ত করা হয়। ৩৫ হিজরী সালে হযরত উসমান ইবনে আফফান (রা.) আসহাবুশ শুরা-এর সাথে পরামর্শক্রমে এবং সাহাবীগণের সর্বসম্মতি গ্রহণ করে দক্ষিণ, উত্তর ও পশ্চিম দিকের দেয়ালগুলো ভেঙ্গে দিয়ে বিশ মিটার দৈর্ঘ্যে এবং দশ মিটার প্রস্থে মসজিদকে সম্প্রসারণ করেন। ইত্যবসরে হযরত হাফসা (রা.), হযরত তালহা ইবনে আবদুল্লাহ (রা.) ও হযরত আব্বাস (রা.)-এর ঘরগুলোকে মসজিদের অন্তর্ভুক্ত করা হয়। মদীনার গভর্নর উমর ইবনে আবদুল আযীযের কাছে প্রেরিত তাঁর ভাই খলিফা ওয়ালিদের লিখিত আদেশ দ্বারা রাসূলুল্লাহ ﷺ-এর পবিত্র বিবি সাহেবাগণের এবং মা ফাতেমা (রা.)-এর ঘরগুলো, যেগুলো উত্তর দিকে অবস্থিত ছিল, সেগুলো ভেঙ্গে দেয়া হয় এবং সেগুলোর প্লটগুলো মসজিদের অন্তর্ভুক্ত করা হয়। আসহাবে কেরাম (রা.), আইন্মায়ে মাযাহিব (চার মাযহাবের ইমামগণ) এবং মুসলিম উলামাগণ চৌদ্দশ বছর যাবত কেউই এর বিরুদ্ধে কিছু বলেন নি। সাউদী আরবের রিয়াদস্থ ‘জামেয়াতুল ইসলামিয়া’ নামের ওহাবী মাদ্রাসা হতে প্রকাশিত সাপ্তাহিক ‘আদ দা’ওয়া’ পত্রিকার শা’বান ১৩৯৭ হিজরী (১৯৭৭ ইং) সংখ্যায় লেখা হয়েছে, ‘মসজিদুন্ নববীর আসন্ন সম্প্রসারণ কাজে শুধুমাত্র পশ্চিম দিককেই বাড়ানো করা হবে এবং বড় বেদআতটি সমাপ্ত হবে। এই বেদআত হলো মসজিদের মধ্যে তিনটি কবরের অন্তর্ভুক্তি। পূর্ব দিকের দেয়ালটি পূর্ববর্তী স্থানে ফিরিয়ে আনা হবে এবং কবরগুলো মসজিদের বাইরে রেখে দেয়া হবে।’ ওহাবীদের এই ধারণাটি এজমায়ে উম্মতের প্রতি অসম্মান প্রদর্শন ছাড়া আর কিছু নয় এবং মুসলিম সমাজের মধ্যে ফেতনাবাজীও বটে। এটা যে কুফর (অবিশ্বাস), তা চার মাযহাবের উলামায়ে কেরাম কর্তৃক সর্বসম্মতভাবে বর্ণিত হয়েছে।

আমরা আশা করি যে, সাউদী আরবীয় সরকার এ রকম একটি হীন কাজে নিজেদেরকে জড়াবে না এবং সারা বিশ্বের মুসলমানদের হৃদয়ে আঘাত দেবে না। হুজরাতুস সায়াদার প্রতি বেয়াদবি বহুবীর পরিদৃষ্ট হয়েছে, কিন্তু যারা এটা করেছে, তাদেরকে আল্লাহ তা’আলা এমন কি ইহ-জগতেও মর্মস্তুদ শাস্তি দিয়েছেন, যার দৃষ্টান্ত ভুরি ভুরি বিদ্যমান। ‘মিরাতুল মদীনা’ গ্রন্থের শেষভাগে লিপিবদ্ধ আছে, ‘যখন হেজায়ের গভর্নর হালত পাশা ১২৯৬ হিজরী (১৮৭৯ ইং) সালে মদীনা সফর করতে গেল, তখন হুজরাতুস সায়াদার খাদেমগণের প্রধান তাহসিন আগা গভর্নর পাশার সুদৃষ্টি লাভের আশায় বললো, “আপনার ঘরের মহিলাদেরকে হুজরাতুস সায়াদাহ্ যেয়ারতে নিয়ে আসি চলুন। কেননা, এ রকম সুযোগ আর আসবে না।” যদিও পাশা প্রথম বারে এর থেকে বিরত ছিল, তবুও তাহসিন আগার চাপে মধ্যরাতে নিকট ও দূর সম্পর্কের মহিলা আত্মীয়দেরকে শাবাকাতুস সায়াদার ভেতরে নিয়ে গেল। যেহেতু তাদের মধ্যে ওযুব্বিহীন না-পাক মেয়েলোক ছিল এবং রাসূলুল্লাহ ﷺ-এর প্রতি এটা

চরম গোস্তাখি হওয়ায় পরের দিন সকালে মদীনায় তিন দফা ভয়াবহ ভূমিকম্প অনুভূত হয়। মানুষেরা ভয়ে এদিক-ওদিক ছুটোছুটি করতে থাকে। যখন এর কারণ জানা যায়, তখন পাশাকে অপদস্থ করা হয় এবং মদীনা হতে বের করে দেয়া হয়। এর অব্যবহিত পরেই সে মারা যায় এবং তার বংশ নিশ্চিহ্ন হয়ে যায়। অনুরপভাবে যারাই রাসূলুল্লাহ ﷺ-এর রওয়া মোবারকের প্রতি বেয়াদবি করেছে তারাই বিধ্বস্ত ও লাঞ্চিত হয়েছে।

হুজরাতুস সায়াদাহ-র খাদেমগণের প্রধান শামসউদ্দীন আফেন্দীর সময় আলেপ্পো নগরীর রাফেযী শিয়ারা এক রাতে হযরত আবু বকর (রা.) ও হযরত উমর (রা.)-এর পবিত্র মরদেহকে সরিয়ে নেয়ার অসৎ উদ্দেশ্যে মসজিদুন্ নববীতে প্রবেশ করে। কিন্তু তারা সবাই মাটির মধ্যে তলিয়ে গিয়ে ধ্বংসপ্রাপ্ত হয়। এ ঘটনাটি বিস্তারিত লিপিবদ্ধ আছে ‘মিরাতুল মদীনা’ ও ‘রিয়াযুন্ নাদেরা’ গ্রন্থে।

দামেশকের নিকটবর্তী নাবলুস শহরের উপকণ্ঠ এলাকার পল্লীগুলো ও কারাক দুর্গের শাসক দাঙ্গাবাজ আরতাত্ নবি কারীম ﷺ-এর দেহ মোবারক সরাবার কু-মতলবে ৫৭৮ হিজরী (১১৮৩ খ্রীঃ) সালে ছোট ছোট জাহাজ নির্মাণ করেছিল ত্বরিত স্থানান্তরের সুবিধার্থে। সে লোহিত সাগর দিয়ে জাহাজগুলোকে মদীনার বন্দর ইয়ানবুতে ৩৫০ জন দস্যুসহ পাঠায়। মদীনার শরীফগণ এটা জানতে পেরে হার্রানে অবস্থানকারী সুলতান গাযী সালাহউদ্দীন আইয়ুবীর কাছে খবর দেন। গাযী সালাহউদ্দীন এ খবরে অত্যন্ত মর্মান্বিত হন এবং তিনি মিশরের গভর্নর হুসামউদ্দীন সাইফ-উদ্-দৌলার কাছে একটি আদেশ পাঠান। হুসামউদ্দীন সেনাপতি লুলুর নেতৃত্বে সৈন্য প্রেরণ করেন, যিনি কিছু দস্যুকে হত্যা করেন এবং বাকিদেরকে বন্দী করে মিশরে পাঠিয়ে দেন। এ ঘটনাটি ‘রওদাতুল আবরার’ গ্রন্থে বিস্তারিত লিপিবদ্ধ আছে। রাসূলুল্লাহ ﷺ-এর প্রকাশ্য জীবনে কিংবা বেসালপ্রাপ্তির পর যারা তাঁর সাথে বেয়াদবি করার অপপ্রয়াস পেয়েছে, তাদেরকে খোদা তা’আলা মর্মস্তুদ শাস্তি দিয়েছেন। আর যদি কোনো দিন নিজেদের মহাভ্রান্ত ধ্যান-ধারণা ও অসৎ উদ্দেশ্যকে চরিতার্থ করার মানসে ওহাবীরা ওই ধরণের কোনো অপচেষ্টা চালায়, তাহলে এটা তাদের ভালো করে জেনে রাখা উচিত যে, সেই দিনটি-ই হবে তাদের মায়হাব ও রাষ্ট্রের জন্যে শেষ দিন এবং তাদেরকে কেয়ামত পর্যন্ত অভিসম্পাতসহ স্মরণ করা হবে।

৩৩১ পৃষ্ঠা পর্যন্ত অনুবাদ